












DEGL'  
ISTORICI  
DELLE COSE  
VENEZIANE,

I quali hanno scritto per Pubblico  
Decreto,

TOMO QUINTO,  
CHE COMPRENDE I SEI PRIMI LIBRI  
DELL'ISTORIE VENEZIANE  
LATINAMENTE SCRITTE  
DAL SENATORE  
ANDREA MOROSINI.

*Aggiuntavi la Vita dell'Autore, e un indice copiosissimo.*



IN VENEZIA, MDCCXVIII.

Appresso il Lovisa.

CON LICENZA DE' SUPERIORI,  
E PRIVILEGIO.







ANDREAS MAUROCENUS SENATOR  
RERUM VENETARUM SCRIPTOR  
EXIMIUS.



# ANDREAE MAUROCENI, VENETI SENATORIS PRAESTANTISSIMI,

(a) **V I T A,**

(b) A NICOLAO CRASSO conscripta:

A D

(c) DONATUM MAUROCENUM,

*Senatorem amplissimum, rationibus publicis ad calculum revocandis, provocationibus dandis, & quaestionibus habendis tota Venetae ditionis Continente summo cum imperio Illvrum.*

*Notis illustravit & auxit*

**D. PETRUS-CATHARINUS ZENUS,**  
Venetus, e Clericor. Regular. Congregatione Somaschenfi.

(a) *Vita* Prodit haec *Vita Venetii*, apud Evangelistam Deurbium, 1621. in fol.

(b) A Nicolao Crasso conscripta) Nicolaus Crassus, cognomento Junior, avum habuit Nicolaum Crassum, Seniores dictum, qui magnus cum eloquentiae ac integritatis laude Venetiis in patrio foro inter causarum patronos versatus est; patrem vero Marcum, qui, alia vitae ratione inita, praeclarissimis muneribus functus, quae civibus originariis (hoc nomine honestissimum hominum ordinem Reipublicae operam, sine suffragii jure, praestantium significamus) mandari solent, Magnus regni cretensis Cancellarius III. kal. maj. anno 1613. renunciatus est. Nicolaus Junior, avi vestigiis insistent, causas in foro agere maluit, nullique disertissimorum oratorum eloquentiae laude secundus fuit. Multa scripsit latine, italice, soluta, ac ligata oratione; quodque paucis contigit, omnia praeclare. De ejus vita, ejusque operibus consule librum, cui titulus inscriptus: *Le Glorie degli Incegniti*, &c. impressum Venetiis, apud Franciscum Valvasensem, 1647. in 4. pag. 341.

(c) Donatum Maurocenum) Quam conjunctim & amanter secum vixerint Donatus hic, & noster Andreas, cuius ex ista Crassi epistola, cum maxime ex iis quae infra dicemus, manifestum fiet.

VI  
**NICOLAUS CRASSUS**  
**DONATO MAUROCENO,**  
 VENETO SENATORI.

**M**ulta sunt, Donate, Senator amplissime, quae meam olim in Cretam profectio-  
 nem curam mihi, atque fructuosam admodum faciant. Etenim & apud maxi-  
 mos illos Triumviros, quaestionibus exercendis summo cum imperio in oriente praefec-  
 tos, fisci patronus, operam meam, quam tunc ea cumque est, Republicae (qua nihil un-  
 quam antiquius habui) multos annos praefeci, & patrem regni ipsius Cretae Ma-  
 gnum, ut vocant, Cancellarium designatum lubens, eas in regiones secutus sum; &  
 quidquid denique in orientis regionibus Respublica possidet, Coryram, Zacynthum,  
 Cephaleniam, Cytheram, & Cretam exacte, diligenterque non intueri modo, quod  
 pergratissimum accidit; sed etiam perlostrare, earumque gentium mores, instituta, le-  
 ges penitus, atque exacte pernoscere licuit. Verumtamen vicissim illud, quo tu per-  
 nobilis regni, Republicae nomine, Ducem egisti, tibi quoque praecipue pro munere quidem  
 meo, sed multo magis pro maxima tua in me benignitate semper adhaesi, incredibile  
 dictu est, quantum attulerit mihi voluptatis, & fructus. Occurrunt animo saepius quae  
 inter nos de literarum studiis frequentissime diserebamus; occurrunt sermones tui,  
 non eruditi modo, & humanissimi; sed graves etiam, & optimi, a quibus & instru-  
 ctior, & melior etiam discessisse me semper arbitror: occurrit eximia illa tua in an-  
 nona curanda diligentia, in iure dicendo aequitas, & sapientia, in delictis puniendis  
 pietate mixta severitas; sed praecipue in dignitatibus, & muneribus ex legum praescrip-  
 to tribuendis posita in oculis omnium, iureque jurando firmata integritas; ut exem-  
 plo non minus, quam sapienter institutis, quod principem virum in primis docet, in  
 commune consuleres. Haec sane omnia, dum iucundissima quadam commemoratione me-  
 cion ipso repeto, venit in mentem tristis ille, & acerbis nobis allatus monitus, dum  
 una essemus, de ANDREAE MAUROCENI, Senatoris amplissimi, obitu, tibi sa-  
 ne & studiorum similitudine, & perveteri necessitudine conjunctissimi, & quem ego  
 praecipue inter omnes unum amore, atque reverentia singulari prosecutus suam; simul-  
 que & gravissimus animorum nostrorum sensus, & voces illae tuae, quibus me, ut Vi-  
 tam ejus scribendam aggredider, cohortatus es. Id vero, sicuti celeriter pollicitus fui,  
 inque me facturum recepi, sic brevi quoque pro viribus effecissem, nisi multis, ma-  
 gnisque cum domesticis; tum forensibus negotiis implicatus, vinu voco in triennio lula  
 cautulae scriptioni tempus habuisssem, atque id summis occupationibus quoque ereptum.  
 Quod igitur hoc nomine tibi debeo, cum tu saepius cunctantem excitare solas, nec diu-  
 tius sustineri solutio possit, utcumque valeo, persolvere decrevi; tuae vero benignitatis  
 est, quod ab iis, quibus non est solvendo, lentisque nominibus fieri solet, quodcumque of-  
 fero, licet nec iusti ponderis, nec melioris notae, aequi bonique ducere non tantum, sed  
 inrita etiam, subditiuaque ratione, si quid ex promissis amplius debeam, ut debeo cer-  
 te plurimum, benigne tamen id omne condonare, atque adeo remittere. Vale.

Veneritis, pridie kal. sept. M. DC. XXI.



# VII ANDREAE MAUROCENI V I T A.



NDREAE MAUROCENI, Senatoris amplissimi, Vitam literis mandare decrevi; non quod clarissimo nomini, & ad omnis posteritatis memoriam venerando aliquid splendoris tenebrosa scriptione possit accedere; sed ut in oculis civium nostrorum, atque in auribus omnium gentium, & nationum positum sit exemplar perfecti, atque numeris omnibus absoluti Senatoris, quod, veluti sanctissimum virtutis simulacrum, in Republica consecratum respicere possint omnes, auspicioque colere, & venerari. Etenim si colligere, atque in unum conferre velis virtutes omnes, ut

pacis, togaeque artibus clarum, planeque divinus civem effingas, & cunctis gentibus, atque aetatibus sperandum proponas: non alium profecto effeceris, quam MAUROCENUM, in quo difficile sit statuerre, utrum ingenii, & doctrinae, an morum, & virtutis gloria magis eminerit. Si qua vero aetas hujuscemodi viros tulerit, ut haec nostra tulit, operae pretium semper, atque e Republica fore existimavi, eorum praeclara dicta, factaque in album referri; ut non modo recentissima quaeque, & praeclarissima exempla, sed etiam ipsae ipsa gloriae, quae mortalium animos plurimum allicere, atque ad se attrahere solita est, juvenes ad imitandum impellat, ubi dignae virtutes, & egregia in republicam merita, veris quidem & meritis laudibus celebrari, atque doctorum hominum scriptis aeternitati commendari exploret cognoverint. Quod autem solet ceteris hac in re negotium facessere, de hoc ego sui que deque, idque palam testor: multos videlicet futuros, qui vitio gentis humanae, historiae fidem infirmare conentur: cum ita natura comparatum sit, ut ea solum facile credant homines, quae se studio, atque labore, & ingenio praestare confidunt: quidquid autem longe distat, atque clarissimum eminet, fictum potius credere velint, quam se victos fateri. Etenim quaecumque scribo, multos, eosdemque magnos, & omni exceptione majores testes habent, quos passim laudare, si lubet, liceat: nec ullus esse potest mendacior locus, dum ea narrantur, quae, cum heri, aut nudiustertius inspecta fuerint, civitati universae tam nota sunt, quam quae notissima. Illud ingenue fatendum est, manus me suscepisse pulcherrimum, cuique nullo modo par sim futurus, si rebus ipsis orationis vis, & ornamenta respondere debeant. Verumtamen, cum omnia in MAUROCENO virtus, atque doctrina occupaverit, nullusque obrectationi, & invidiae locus esse possit, aberit haec mea scribendi ratio ab omni artificio; quo Senatoris optimi virtus ipsa, non torquibus, & phaleris ornata, sed nuda, simplexque sine fuce, & fallaciis, oculis omnium spectanda subiiciatur. Sola igitur rerum commemoratione officio meo satisfaciam, quod aruspices olim in rebus divinis usurpabant, id vere, atque ex animo praefatus, *nihil addo de meo*.

Duae res in unum, eundemque hominem aut vix, aut nullo modo convenire solent, summa in quavis arte liberali eruditio, & in republica administranda prudentia singularis: in quibus singulis qui primas ferunt, eos in

ma.

magna semper laude positos admiramur. Hae igitur ambae ad MAUROGENUM honestandum ita concurrunt, difficile ut fuerit statuere, utrum prius, magisve summum debeat praedicari. Etenim si, quam literarum studii diligentem, & assiduam operam dedit sine intermissione, quaeque posteritati reliquit suae doctrinae, atque adeo facundiae eximiae monumenta praeclarissima, inspexeris; eundem a Reipublicae administratione nunquam recessisse, vix animum induxeris, ut credere valeas: sin autem tantarum Reipublicae dignitatum, quibus est omnibus egregie perfunctus, rationem habueris; eundem literarum studiis tantopere addictum fuisse, nulla tibi ipse ratione persuadere poteris. At ille veram animi quietem, & tranquillitatem in bene, praeclareque agendo, non in otio reponens, & quidquid publicis negotiis subtrahere licebat, in suis deliciis, atque moribus, id est in literis omnibus, libero homine dignis, avidissime contemere solitus, eruditissimi juxta viri, ac Senatoris prudentissimi personas duas gravissimas unus egregie sustinebat. Quapropter nos duas illius, tanquam duum virum, vitas posteritati jure optimo laudare debemus. Enimvero, cum talis, tantusque extiterit ANDREAS, non multum est illi ad nominis commendationem de claritate domestici generis petendum: nobis tamen, qui tantum posteritati virum describere constituimus, paucula quaedam videntur necessario dicenda.

Primum nobilitatis gradum facere consueverunt, in civitate nobilissima, & maxima natum educari; deinde claris parentibus ortum esse. Natus igitur est MAUROGENUS Venetiis, clarissima post homines natos, atque optima civitate, quam, si libertatis arcem, justitiae thronum, prudentiae regiam, Italiae ocellum, christianae reipublicae propugnaculum dixeris, vera quidem praedicabis, sed omnium sermonibus pervulgata, & longe minora veris, nullamque omnino vocem reperies, quae magnitudinem ejus comprehendere valeat; & quidquid dixeris, minus erit. Siquidem nemo tantis est naturae, atque industriae praesidiis instructus, qui urbis amplitudinem, situm, leges, instituta non inodo oratione consequi speret, sed admiratione omnino possit adaequare. Cum vero antiquitas ipsa in humanis rebus proxime ad Deos accedere videatur, & fiant, quae sunt a praesenti memoria longe remota, quasi veneranda canicie quadam, multo sanctiora; haud facile dictu est, quantum clarissimo generi dignitatis adjungat temporis vetustas. At in Veneta Republica illud, ut alia omnia, sapientissime, ac prudentissime constitutum est, ut ii tantummodo ad reipublicae administrationem admittantur, qui vel ab urbe condita, perpetua, atque incorrupta majorum serie ad hanc usque aetatem impolutum genus traxere, vel ab ingentibus meritis civitatis, atque adeo committiorum jure donati, successionis legitimae, & nunquam interruptae continuationem praefecerunt. Quod cum ita sit, inter eas familias MAUROCENI numerantur, quae cum ipsamet Republica de antiquitate certantes, dubium faciunt, utrum eas tantae patriae filias, anne matres merito appelles; cum illud pro certo habere debeas, nullam omnino reperiri, nullam excogitari posse majorem generis claritatem. Eminent vero praecipue MAUROCENI, cum omni tempore belli, pacisque artibus clarissimi fioruerint; neque desint in pervetusto familiae splendore & (a) tres in Republica

Du.

(a) tres in Rep. Duxes) Magnum magnorum virorum proventum qualibet aetate tulit gens MAUROCENA, qui belli togaeque artibus, gestis domi forisque supremis magistratibus clari, ecclesiasticis dignitatibus insignes, literarum doctrinaeque laudibus celebres, nobilitatem

Duces, & omnes honorum gradus, quos eadem tribuit, & cardinalicia, (a) quas vocant, purpuræ, & regale (b) fastigium. Igitur ex hac gente natus est *Andreas* ipse, simulque sol eum hominem vidit, & patricium, non factum, sed natum, virtutisque splendore a clarissima suae gentis stirpe nunquam discedentem, ex quo magnam sibi gloriae accessionem fecit. Quemadmodum enim qui propria virtute non fulgent, alienae laudis gloriam aucupari, inque se trasferre non debent: ita qui ad majorum gloriam proprias virtutes adiungunt, duplicem mihi promereri laudem videntur; non minus quod nepotes fuerint, quam quod digni nepotes.

Ortus est *Andreas*, fortunato admodum, faustoque siderum concursu, posttridie idus februarii anno a Christo nato M. D. LVIII. qui Veneto more numerabatur adhuc M. D. LVII. Patrem: habuit *Jacobum*, virum prisca virtute, & fide, & Senatorem amplissimum, qui, multis exantlatis laboribus, publicisque muneribus summa cum laude persunctus, Reipublicae *Consiliarius*, qui inter fummos honores habetur, renunciatus fuerat: avum *Andream*, qui virtutibus universis, pietate praecipue, atque innocentia inter omnes eminens, Cretae, ubi Reipublicae nomine, summo cum imperio praefectum agebat, cum ingenti regni totius dolore, atque lacrimis, biennio post *Andream* nepotem natum diem obiit, atque caelum, unde prius venerat, veluti jure postliminii, revisit. Mater vero fuit *Caecilia*, *Pauli Cornelii* filia, divi Marci Procuratoris, quae dignitas, secundum Principem, primum obtinet in Republica locum: sicuti *Cornelia* gens amplissima, atque nobilissima, (c) praeter Reipublicae Ducem, innumerabilesque Senatores, omnes continuos annos in supremis dignitatibus egregie versatos, (d) quamplurimos etiam tulit purpuratos Ecclesiae Patres

b

tres

tem antiquissimam, & Reipublicae coevam maxime illustrant. Singulos enumerare immensi prope operis esset. Quos tres in Republica Duces memorat *Craffus*, suere *Dominicus*, anno 1148. ad principatum evectus; *Marinus*, 1249. *Michael*, 1382. Postremis hisce temporibus eandem dignitatem consecutus est *Franciscus*, qui *Peloponnesiacus* ob *Peloponnesum* domitam dictus est. Tertium supremo rei maritimae praefecto, anno 1688. Reipublicae principatus delatus est: Reipublicae Principi, quartum suprema rei maritimae praefectura.

(a) Et cardinalicia purpuræ *Petrus Maurocenus*, insignis jurisconsultus, a Gregorio XII. cardinalicia purpura donatus est. Hujus breviter memore *Marcus Mantua* in *Epitome illustrum virorum*, qui vel scripserunt, vel jurisprudentiam publice docuerunt, &c. Patavii, *Graciius Perbachinus* exordibus anno 1555. lo. 2. pag. 54. & *Guldo Pancirollus De claris legum interpretibus*, Venetiis, apud *Marcum Antonium Brogiellum*, 1637. in 4. pag. 448. Eandem dignitatem in gentem *Mauroenam* intulit deinde *Joannes-Franciscus*, cujus vitam scripsit *Stephanus Cefnus*, id temporis Congregationis Clericorum Regularium et Somaescha Praepositus Generalis, dein Archiepiscopus Spalatenus. Exstat ita inscripta: *Memorie della vita di Gio. Francesco Morosini, Cardinale di S. R. Chiesa, e Vescovo di Borgia. In Venetia, appresso Gio. Battista Catani, 1676. in 4.*

(b) Et regale fastigium dictum intellige de *Thomasa Mauroena* quae *Stephano*, Ungariae principi, nupta *Andream* peperit, cognomento *Ventum*, Ungarorum regem. Vide *Isi Sabellii* editionem postremam pag. 245.

(c) praeter Reipublicae Ducem) Haec cum *Craffus* scriberet, uno tantum Principe gens *Cornelia* gloriabatur, *Marcus* scilicet, qui anno 1365. Princeps est renunciatus. Deinceps vero anno 1625. *Joannes I.* dux creatus est; & anno 1659. *Franciscus*, ejus filius. Nunc JOANNES II. *Francisci* nepos, idem fastigium teoet.

(d) quam plurimos etiam tulit purpuratos Ecclesiae patres) Sex e gente *Cornelia* Cardinales recenter poterat *Craffus*: *Marcum* ab *Alexandro VI.* anno 1492. renunciatum; *Franciscum*, a *Clemente VII.* anno 1523. *Andream*, a *Paulo III.* anno 1534. *Alcyonem*, a *Julio III.* anno 1550. *Federicum*, a *Sixto V.* anno 1585. & juniolem *Franciscum*, a *Clemente VIII.* anno 1592. Ego duos alios adicio inferioribus temporibus inter Cardinales cooptatos: *Federicum* juniolem

ab

tres; neque solum (a) Reges, (b) sed etiam qui regnum ipsum incredibili, at maxime pia liberalitate patriae donaverint.

Tam clari vero parentes, cum nihil antiquius haberent, quam ut filium domesticis, hoc est sanctissimis praeceptis imbuerent, haud difficulter puerum, ad omnia summa natum, quique sive felicitate quadam, sive naturae bonitate rectam sponte viam ingrediebatur, ad suam consuetudinem, moremque deduxerunt. Ubi per aetatem licuit, praeceptorem ille nactus haud vulgarem, Bernardinum (c) Parthenium, qui non latinus modo sed graecae etiam literas egregie doceret, puerilibus in studiis non se pueriliter gerebat: immo vero usque adeo supra aequales adolescentes se se extulit, ut jam inde apud omnes magnam sui, nec illam sane dubiam, expectationem concitaret. (d) Erat enim celeri captu, expedita ratione, tenacique memoria ad prodigium stupendus, & elucebat ubique ingenium peracere, quodque caput est, gravitate quadam temperatum, & ad omne literarum genus bene, feliciterque natum; ut magister verba dumtaxat in promptu haberet, non verbera, magisque testis, & admirator, quam doctor existeret.

(e) Jam vero puram, & emendatam latini sermonis elegantiam imbibere,

ab Urbano VIII. anno 1623. & ab Innocentio XII. anno 1698. GEORGIUM, JOANNIS Ducis fratrem, qui patavinam ecclesiam summa cum laude moderatur.

(a) neque solum reges Catharina Cornelia, Jacobi II. Cypriorum regis uxor fuit, parens vero Jacobi III. cui etiam immatura morte praecepto ex mariti testamento successit.

(b) Sed etiam qui regnum... patriae donaverint. J. Eadem Cypri regnum libere Venetae Reipublicae largita est. Legendus hac de re Petrus Bembo Histor. Ven. editionis nostrae pag. 17.

(c) praeceptorem ille nactus haud vulgarem, Bernardinum Parthenium J. Cum Parthenius erudiendi ac probandis illis, qui cancellariae muneribus fungi debent, praefectus esset, Cancellariae magistrum vocamus, Joanni-Baptista Rejario successus est, ut graecae literas Venetiis publice traderet. Constat ex Senatus consulto VI. kal. novemb. 1573. edito, exscriptumque habeo ex Recepto Illivirum rei literariae, pag. 257. Natus erat Spilimbergi, pago haud ignobili in Foro-Julio. Edidit Commentarios in Horatii Flacci carmina atque Epodos. Ven. apud Dom. Nicolinum 1584. in 4. item de Imitatione poetica libros quinque, primum italice Ven. ap. Gab. Jolium 1560. in 4. deinde latine Ven. ap. Lud. Avancium, 1565. in 4. Verum auctor Vitae Fr. Pauli Veneti, ex ordine Servorum, sub narrationis suae initium memorat, Maurocenum, una cum aliis pluribus ex Veneta nobilitate pueris, grammaticae ac rhetoricae rudimenta accepisse ab Ambrosio Morello, ejusdem Pauli avunculo. At Lollinus in Mauroceni vita, quam huc latini subijciemus, narrat eum in literis graecis Parthenio doctore usum esse, latinis vero Baldo-Antonio Panno.

(d) Erat enim celeri captu, &c. Qua ingenii vi polleret Andreas, quod dederit primorum studiorum specimen, narrat Aurelius Palaeologus, Panegyrico in sanere Andreae Mauroceni, edito Ven. typ. Andr. Muscibii, 1620. in 4. Quae vero traderet praeceptor illius, ac moderator, ita excipiebat, ut non excipere, sed expromere videretur, quae dudum impressa, & insculpta laterent in animo. Quotidie sumebat aliquid, quod legeret, seponeret, stylo traderet, &c.

(e) Jam vero puram & emendatam latini sermonis elegantiam imbibere, &c. Postquam humanioribus literis, quantum satis puero fuerat, operam dederat, ad philosophiam, adhuc in patria degens, se totum contulit. Testatur Palaeologus laudato Panegyrico. Cum musarum, poetarum, historicorum saltus peragrasset, & quasi accurata apis, atque sollicita collegisset, quicquid dulce videretur, ac suave ex illorum floribus delibandum, tandem in PHILOSOPHORUM penetrabilibus confedit & abdidit se. Narrat porro idem auctor, quantum in rebus philosophicis profecerit, cujus rei argumento fuisse memorat theses publice cum summa laude apud frequentissimam illustrium virorum coronam propugnatas. Id vero clarius etiam inde colligitur, quod anno 1586. XI. kal. jun. cum ad Senatum de publico philosophiae doctore legendo relatum esset, quod munus a prima harum scholarum institutione patricii hominibus semper delatum esset, Andreas Mauroceni rationem habitam, cum magna ejus laude, invenit,

rat, cum a verbis ad res ipsas opportune conversus, (a) *Aloysium Pissaurum*, virum patricium, logicam, & philosophiam e Senatus consulto publice profitentem audire coepit. Is vero adolescentem amplexus, in eam viam, qua ex vera, solidaque virtute in caelum itur, recta deduxit; cum mentis altitudinem, omni ex parte perfectam, homines ex philosophia sibi comparare doceret, non ad ostentationem, & inanem sapientiae laudem; sed ad usum vitae necessarium, & ad virtutem per semetipsam expectandam. Hinc virtutis amore inflammatus adolescens, omnem curam, & diligentiam in studiis ponere, omnemque movere lapidem non cessavit, ut supra facundiae laudem, philosophiae peritissimus evaderet: quod tanta animi alacritate, tantaque contentione procuravit, ut nihil fere temporis amitteret; immo vero cum quiescere aliquando vellet, & animum relaxare, non ludis, aut inertiae se dabat, ut alii, qui solent

*Ludere par impar, equitare in arundine longa;*

sed argumentandi rationes omnes, captiosasque dialecticorum probabilitates summa cum voluptate, atque fructu percurrere: tantamque sibi argumentorum suppellectilem comparaverat, ut in disserendo subtilis, & omnium acutissimus dialecticus haberetur; possetque de omni re, quaecumque in disceptationem vocaretur, in utramque partem copiosissime disputare; & cunctis illis ludicris exercitationibus, quibus, ut Graecorum more juvenum alantur ingenia, solet unus aliquid proponere, quod ceteri oppugnare aggrediantur, ipsemet semper non interesse, quam praesse, magis videretur. Non tamen diu velitationibus illis operam navavit, cum sophistarum, aut agyrtarum verius artificum subodoratus, clamaret: *Nolle se rem omnium pretiosissimam, tempus videlicet, in commenticiis, futilibusque quaestionibus miserrime perdere, ex quarum disputatione nunquam doctior, sed infestior saepe veritatis hostis discedere valeat: severaque plerendos diceret doctores illos, qui, pellucidis, atque purissimis Aristotelis, & Platonis fontibus omisis, unde vera, solidaque philosophia hauriri potest, intulentes, & salebrosas recentiorum paludes, vepribus, atque dumetis undique consepas adolescentibus exhibent; ubi barbari, atque imperiti homines, contentioris cupidiores, quam veritatis, excogitatis distinctionum figmentis, & argumentorum improbe detortis conclusionibus, altissimas scientiarum contemplationes, non ad veritatis lucem, sed ad cimmerias tenebras, perpetuis verborum involucriis, insausis ominibus dirigunt, miseramque philosophiam, non vitae amplius, mirumque mogistram, non naturae, caelorumque indagatricem; sed artem faciunt ad fallendum vulgus captivam, atque nugatoriam, in qua hominum quoque ingeniosissimorum totas aetates sine ulla fructu contritas passim est videre.*

Cum itaque *Mauroceni* prima aetas, tam vario virtutum genere florens, tamquam ver, futuram anni ubertatem maximam ostenderet, Pata-

b 2

vium

veni, competitoribus *Luca Malino* in rebus philosophicis doctissimo viro, & *Angelo Gabriele*, qui alios suffragis vici.

(a) *Aloysium Pissaurum* ... audire coepit. ) Hoc idem *Grassius* affirmat in eo opere quod inscribitur, *Pissauri gens*, edito *Ven. ap. ber. Combi.* 1652. in 4. pag. 75. „ At docendi munere „ ri additus ( *Pissauri*, philosophiae in patrio gymnasio professor ) ita se gessit, ut ex eius ac- „ demia, quasi ex equo troiano, amplissimi viri prodierint, *Augustinus Valerius*, *ANDREAS* „ *MAUROGENUS*, historicus, &c. „ Hallucinatur hic autem *Grassius*, dum inter *Pissauri* au- „ ditores *Valerium* hunc recenset, qui aliquot ante illum annos professor erat; & quem *Andreas* „ noster adhuc *PUER* in *Venetis gymnasio philosophiam interpretantem audierat*, ut ipse testatur ad *Lullinum* scribens, *Opusculum* pag. 221. Confule *Diarium italicum literaturum*, tomo V. pagg. 373. & 372.

(a) cum

vium se contulit; ubi (a) cum (b) *Franciscum Piccolomineum*, (c) philosophum præstantissimum, audiret, nihil sibi ad omnem diligentiam reliqui facere, cessare nunquam, sibi ipsi instare, atque egregio cum semetipso certamine instituto, quotidie doctior evadere; sapientis comites, & famulos omnes a se dimittere, quo liberius, remotis arbitris, dulcissimis literarum studiis accuratius vacaret; nunquam se minus otiosum, quam cum otiosus, nec minus solum, quam cum solus esset, prædicare, ut ne cum cessare quidem opus esset, in suo studio cessaret, & dum animum relaxaret, tamen acrius intenderet. Nihil profecto tam alte natura constituit, quo labor, & diligentia non possit eniti. His artibus ille ingenuas omnes disciplinas non leviter, aut perfunctorie; sed serio diligenterque amplexus, studiorum prospero cursu, & feraci vigiliarum proventus ad summam, & inusitatam multiplicis doctrinae segetem pervenit, cum præcellentis ingenii velocitate, captu-

(a) cum *Franciscum Piccolomineum*, &c.) Gens *Piccolominea* noo antiquitate solum originis, sed magnorum virorum quocumque genere clarorum fecunditate nobilis est. Ortus est *Franciscus* Senis in Etruria, ubi familiaris sedes. Primum logicam in patria; dein Macedonae, ac Perusinae philosophiam docuit. A Senatu Veneto auctus auno 1560. philosophiam extraordinariam in prima sede, ac paulo post ordinariam in prima pariter sede Patavii professus est. Ita ajunt *Jacobus-Philippus Temafinus* in *Illustrium virorum elogiis*, Patavii, ap. Don. Pasquardum & fratrum, 1630. in. 4. ac *Antonius Riccobonus de Gymnasio Patavino*, Patavii, ap. Frax. Belzoni, 1598. in. 4. Ex *Regeſto* tamen illorum patavini gymnasii moderatorum apparet, ex philosophiae extraordinariae exedra ad secundam sedem ordinariae, hinc ad primam proventum; cum literas graecas ac latinas tradere iussum, donec iterum primae philosophiae ordinariae sedes reſtitutus esset. Adendum hoc *Regeſto* pagg. 229. 241. 245. 254. 262. 272. 276.

(b) cum *Franciscum Piccolomineum*... audiret) Non unum tamen *Piccolomineum* audivit, sed alios etiam doctissimos viros, quibus id temporis gymnasium illud florebat. Id testatur *Lollinus* in eius *Vita*; *Jacobus* etiam *Gaddius* in *Elogiographo* edito *Florentiae*, typ. *Amatoris Massae*, & for. 1637. in. 4. pag. 113. Si transferat illi *italica Aene*, *madre di Venezia*, e *natrice della sapienza*, per adattarsi più facilmente l'ali di Platone; dove dimorando lungamente, abbracciò la geometria, la musica, e l'altra parti della matematica, e della filosofia. Di questa i due lumi immortali, *Francesco Piccolomini*, e *Jacopo Zabarella*, emoli e principi di fazione letteraria, parimente andò efferò. Sed luculentior testis *Andreas* ipse, qui quadam epistola ad *Alexandrum Lollinum*, Belluni episcopum, virum doctissimum, sibi quæ maxima familiariter conjunctum, quæ exſtat inter ejusdem *Andreas Opuscula* pag. 212. his verbis eorum temporum meminit. „O præclaris temporibus, cum nobilitatis Venetæ flos in amplissimo ac pulcherrimo literarum theatro se se ad egregios moreas, atque disciplinas eſtingeret. Erant omniæ eruditione præstantes viri *Federicus Pondasius*, *Franciscus Piccolomineus*, *Jacobus Zabarella*, qui philosophiam profitebantur. Erat *Thomas Pergerius*, peripateticæ supernaturalis philosophiæ columnen, qui metaphysica interpretabatur. Erat *Melchior ille Guilandinus*, ingenuissimum artium promptuarium, qui amoenissimo præſidebat horto, plantarumque omnium imagines mente complexus, portentosa similes, cunctos ad stuporem usque excitabat. Quot ibi de ædificiorum causis, de naturæ arcanis disceptationes? &c. Necque hic præteriri debet, quam tunc amicitiam cum *Jeanne Franciscæ Musſate* inſerit, viro literis graecis & latinis ornatissimo, cujus obitum, cum in id tempus incidisset, quo *Mauræus* erat illius literariæ, deſet ipse brevi elogio, quod inter ejus *Opuscula* exſtat, pag. 194. „Quoniam meo ſato contigisse dicam, *Joannes Franciscæ Musſate*, ut qui tuam olim eximiam sapientiam ADOLESCENS ſuſpexerim (ah nimium ſero) extrema tua, mea jam incipiente ſenectâ fructum ferre coepim? Summo id ſelicitatis reponendam loco, me proximiſ hisce annis inter huiusce gymnaſii Moderatores a Senatu cooptatum, talem juvenem naſſum, qui cum de iſis rebus communicarem, de iſſeque diſſederem ſtudiis, quibus VIVENTAM alueram, &c. (c) philosophum præſantiſſimum audiret) Ut jurisprudentiæ ac theologiæ potius, quam philoſophiæ operam daret, Patavium *Mauræum* conceſſiſſe, teſtari videtur *Palaeſius* in *panegyrico*. „Latinis Igitur literis Venetiis diligenter exentis, ibidem in philoſophiæ ſtudio magna cum cura exercitatus, Patavium ad percipiendum ſtudium LEGUM, ac RERUM DIVINARUM conceſſiſſe.

(a) Eit-

ptuque illo fere incredibili, vanis, ac futilibus quaestionibus prorsus abdicatis, disciplinas omnes egregias complecteretur: eas vero philosophiae partes, quibus mores formantur, & rerum humanarum, ac divinarum arcana exquiruntur, non calleret modo perexacte, sed in omni vita praeclearissime quoque exprimeret; sapientiaeque studium eximium non solum verbis, aut rerum abditarum exquisita scientia, sed morum gravitate, ac vitae innocentia praeferebat.

(a) Eloquentiam praecipue coluit, atque exercuit, quae a natura ad salutem, & conservationem hominum data, in qualibet republica semper primas tenuit, prudentique viro non utilis tantummodo, sed necessaria omnino videtur existere. Nam cogitatione, & animo si quis multa comprehendat, at oratione quod velit explicare nesciat, perinde est, quasi nihil ille cogitarit: sapientiamque sine eloquentia thesaurum quidem, sed latentem in tenebris, penitusque abditum, cui nequeat pater aditus, non inepte dixeris. (b) Cum itaque inhonestis omnibus voluptatibus nuntium *Andreas* remisisset, vitamque in literarum studiis suavissimam viveret, triennium in praeclearissimo Patavino gymnasio non sine ingenti fructu gloriose peregit.

(c) Ubi vero Patavio, sicut per alias Italiae civitates, importunissima pestilentia vagari coepit, inde invitus discedere coactus est: non tamen intermisit, immo diligentius exercuit honestissima, & liberalissima literarum studia, ut iis ornatus, excultus, atque expolitus, speciosaque & ingenti doctrinae multiplicis, & historiarum suppellectile comparata, ad rempublicam accederet instructissimus: cives illos, veluti detestabilem pestem exacerari solitus, qui literarum rudes rempublicam administrandam suscipiunt, ut civitatis periculo, quin etiam exitio civilem tandem prudentiam sibi ferro comparent. Sic igitur per omnes ille dignitatis gradus ad supremam exaltationis, & nominis claritatem pervenit, cum propter ingentia ejus merita honores omnes, super alios alii continuati, eidem deferrentur; ille vero praestantissimis etiam literarum studiis, quae vel maximis in occupationibus,

---

(a) *Eloquentiam praecipue coluit* Accipe a *Palaeologo* uberiora de exercitationibus iis, quibus eloquentiam Patavio excoluit. „ Interdum in illis Musarum umbraculis, ubi erant con-  
ventus, ac concursus hominum praestantissimorum, e suggestu dicentem, docentem, dis-  
putantem, interpretantem, laudantem, quaerentem, vituperantem, commenta pulcherri-  
ma, atque dignissima afferebant audires: intelligentiam, aciem, industriam, eruditionem  
memoria notares. Ubi vero perorasset, & finem fecisset dicendi, summis plausibus, ac  
clamoribus exsquebatur. „

(b) *Cum itaque inhonestis omnibus voluptatibus nuntium Andreas remisisset* Quam alienus ab hujusmodi voluptatibus fuerit *Andreas*, alibi luculentissimo testimonio apparebit. Pudicitiam vero Patavii, ubi adolescentibus maxima & frequentissima pericula, sanctissime ab ipso cultam, praeter *Lullinum* in ejus vita, narrat etiam *Palaeologus*. „ Contra ille pudicitiam & continentiam oculatus ac complexus est, ac ita complexus, ut nullae unquam sum-  
renes, quae in hoc maris sinu innatae plurimae ac formosissimae celabantur, mellis cum  
verbis, & ad fallendum compositis irretiverint, insatuaverint; sed (permirum atque perra-  
zum) rationem quasi gubernaculum in hoc humanae vitae cursu adhibens, & rectam infi-  
stas viam cum immortalis conjunctionis gloria, quasi Argonauta vellus aureum, idest integri-  
tatem atque pudorem in portum, ad extremum videlicet spiritum invexit, &c. „ Subjicit  
deinde auctor, quibus potissimum rationibus inoffensam vitam inter tot infidias decurrerit;  
scilicet otium declinando, opem a Superis precibus, sacramentorum usu, aliisque pietatis chris-  
tianae exercitationibus implorando.

(c) *Ubi vero Patavio... pestilentia vagari coepit* Teterrimam ejus anni, qui 1576. fuit, pestilentiam describit *Maurocenus*, *Historiae* suae libro XII. pag. 492. Narrat autem *Palaeologus*, *Maurocenus* Venetias rediisse, non ob pestilentiae metum, sed ob confectum studiorum  
suo-

nibus, & muneribus nunquam intermisit, familiae vetustissimae gloriam a majoribus hereditariam, ac veluti per manus acceptam non tantum confer-  
varet; sed enixe etiam augeret, atque amplificaret.

(a) Illud autem admiratione dignum admodum videtur, cum haec ageret *Mauroceus*, dum aliud ageret: tot nihilominus, tantaque conscripisse, quae praecellenti, rarique ingenii existunt monumenta, cum veteribus etiam optimis comparanda, quorum gratia etiamnum post obitum sibi ipse superflus immortalis eruditionis, & eloquentiae laude commendetur. Neque tamen sunt adhuc tanti viri scripta in vulgus edita; sed a doctis hominibus prae manibus habentur, cum ille ab omni ambitione remotus longissime, facilitatem istam edendi quaecumque scripseris, saepius improbaret; praeclareque constitueret, qui scribit, ut doctrinam vulget, nullatenus eum doctrinae inservire, sed gloriae. (b) Extant vero, *De Rebus Venetis in Syria gestis* liber singularis: *De iis, quae Veneta Respublica ad Histriae oras gessit adversus Osbonem, Federici Imperatoris filium*, libri duo: *Tractatus de forma Respublicae Venetae*: *Icon, seu vita Christophori Valerii: Leonardi Donati, Venetorum Principis, Vita: Villa Hieronymi Fabritii ab Aquapendente*: praeter alia quamplurima opuscula, quae non minus eruditionem, & acumen, quam scribendi peritiam, elegantiamque abunde testantur.

Verum nihil praeclarior, atque ad famam posteritatis splendidius extitit, quam *Rerum Venetarum uberrima Historia*. Hanc *Xvirum* decreto, (c) cum anno M. D. XCVIII. *Paulo Parutae*, doctissimo viro, & Senatori praeclarissimo, eo in munere suffectus esset, latine scripsit, quaecumque Respublica gessisset ab anno M. D. XXI. usque ad M. DC. XV. diligenter complexus; eidem vero licet manus extrema nondum accesserit (nam (d) carptim scribere ne-

cess-

suorum circuleum. „ Postquam scientiarum orbem obivis, nihilque esse amplius videre  
tur, quod ille non perlustrasset, perlustratum non cognovisset, in patriam reverfus est. „

(a) Illud autem mirum... cum haec ageret *Mauroceus*, &c. ) Mirum sane videri debet, quod ianuis Senator, a prima adolescentia ad rempublicam ingressus, numquam non gravissimis curis occupatus, tantum otii oactus fuit, ut tot alia, quorum bona pars in lucem est edita, oedum hanc tantae molis, tantique laboris *Historiam*, conscripserit. Pauso post itaque ait *Craffus*. „ Carptim scribere necessarii cogebatur, siquid a publicis negotiis temporis vacaret; quaeque intemiserat, recolare vix otium erat; nedum orare, expotire, atque elaborare. „ Eadem affirmat etiam in *Panegyrico Palaezelus*. „ Obruebat nimirum viri animus Respublica: id est rerum contentio maximarum. Lucubrabat. Ad primam lucem ibat in Senatum. Reversus domum, quod reliquum temporis, studiis reddebat. Perire omne tempus arbitrabatur, quod scriptis non daret, literis non impertiret. „ Quae omnia non oratorie amplificat auctor, sed citra ullum artificium simpliciter narrat. Neque enim laudat orator, sed medicus ejus aegritudinis causas scrutatur, qua *Andreas* decessit. Hic accedit *Paulus Mauroceus*, qui ea epistola, qua Antonio Priolo Ducl, & Excelso *Xvirum* Concilio fratres *Andreas* *Historiam* nuncupat, ait „ In illa conscribenda, quod a publicis curis, & corporis aegritudinibus temporis reliquum erat, id omne fere ipsum contrivisse. „ (b) Extant vero, &c. ) Operum omnium, quae *Andreas* conscripsit, tum quae typis edita, tum quae calamo tantum exarata, ad caleem ejus vitae loculentum eleochem dabimus.

(c) cum *Paulo Parutae*... eo in munere suffectus esset, &c. ) *Historiae rerum Venetarum* scribebatur munus injunctum est *Mauroceo* *Xvirum* decreto anno 1598. X. kal. jan. post *Pauli Parutae* Equitis & divi Marci Procuratoris obitum. Anno vero 1599. IIII. kal. jan. *Xviri* pariter decrevere, ut ipsi quotannis ducenti ducati solverentur: quod etiam *Paulo Parutae* decretum fuisse, patet ex ejus *Vita* nuperime cum ejus *Historia* edita.

(d) nam carptim scribere cogebatur ) Exstat inter *Andreas* *Opuscula* pag. 199. epistola ad *Lolinum*, qua ipse de se idem testatur. „ Id unum me mordet, angit, atque excruciat, quod *Historiam*, quam summis vigiliis fere usque ad haec tempora perduxi, ad umbilicum adducere nequeo: neque enim vel semihoram diei ac noctis quietam ducere licet.

(a) quae-



cessario cogeatur, si quid a publicis negotiis temporis vacaret, (a) quaeque intermiserat recolere vix otium erat, nedum ornare, expolire, atque elaborare) nulla (b) tamen exiis desiderantur, quaecumque in gravissima,

&c

(a) *quaeque intermiserat, recolere vix otium, &c.* Non dubitat tamen asserere Palazzolus, quaecumque Senator noster diceret, ita elaborata fuisse visa, ut novis curis eadem expolire minime opus esset. „Raro commutabat, quae scriberet: rarius delebat. Omnia fluebant, acumen styli subibant; ut quae illis sponte, & nullo pene studio exciderint, aptiora viderentur, quam aliorum, qui continuo eandem tundunt ineudem, extundunt, & excedunt labore, &c.“

(b) *nulla tamen ex iis desiderantur, &c.* Longum esset, omnia afferre de hac rerum Venetorum Historia testimonia: omnia tamen praetermittenda non sunt. Joannes-Henricus Boecklerus *Bibliographia critica*; Lipsiae, sumpt. herodum Jo. Graffi, 1715. in 8. pag. 184. Andreas Mauroceni *Historia Veneta* minime spernenda est; sed merito PRAECIPUIS in rebus Venetorum MOMENTIS accensetur. „Jacobus Gaddus vol. II. de *Scriptor.* non *Eloquist.* Lugd. ex typogr. Jo. Pet. Cancell., 1649. in fol. pag. 2. hand multis Maurocenum laudat: „Maurocenus Andreas senator & HISTORICUS inter Venetos NOBILISSIMUS“ fuit. „Idem fuit in *Elogiographo*, pag. 116. Compose, oltre alcune opere, la storia Venetiana divisa in molti libri, abbracciando i più notabili avvenimenti all' Europa, e all' Asia nel passato secolo succeduti. Non si trova, tra' moderni almeno, istoriografò latino più copioso, ediligente, e grave, nè che discorra meglio dell' interessi della Repubblica, e de' Principi, del Morotini, il quale merita d' essere chiamato, a guisa del gran Tito Livio Padovano, al mio parere, IDEA DI NOBIL ISTORICO, LATTEO FIUME DI ELOQUENZA ROMANA, veramente raravissimà in un senatore, profondo in molte scienze, e ne maneggi pubblici occupato. Haec eadem oratoris ornamentis convellita Palazzolus tulit. „Haec (per Venetos fide) ille tam praeclare complexus est, ut si beati censendi sunt ii, qui aut faciunt scribenda, aut legenda scribunt, beatum Senatum, beatum Maurocenum fateamur: illi quid fecerit: hunc quod scripserit. Divina tuis factis Respublica es; his scriptis sempiterna. At quo stylo complexus? profectus? eo nimirum, ut copia Livium, verborum elegantia Caesarem, frequentia sententiarum Thucydem superaverit, posteris praeperuerit palmam sui conquirendi, &c. „Nicolaus Grassus, hujus Vitae auctor, alibi, nimirum in *Patriarchorum Venetorum elogiis*; Venetiis, ap. Euang. Deurbium, 1612. in 4. hisce verbis opus illud claudit, multa affirmans, vel consulto praetermissa, vel strictim expressa, ne viderentur in historiam haec *Elogia* evadere: & vero praeclara facinora explicata uberius, ex *Veneris historis* peti poterunt, ab iis praefertim, quas Andreas Maurocenus, Senator amplissimus, maximas Sapientis, & incredibili facundia, & latini sermonis elegantia, & rerum gestarum fide, vulgaris est. „Inter vivos enim debebat Maurocenus, cum Grassus haec scriberet. Addendum etiam, quae fuerit Aloysii Lollini de hac Historia sententia, quemadmodum apparet ex quadam ad Andream epistola, inter ejus *Epistolas miscellaneas* edita Belluni, typ. Franc. Vietri 1642. in 4. pag. 324. „Accedit tui ingenii praeslantia cum eruditione omnigena conjuncta; sermonis vero latini copia tam dives, tam beata, ut vel ingenti Venetae Historiae scribendae argumento, cujus sub pondere complures viri florentis facundiae succubere, non modo sufficere, verum etiam superflua videatur. „Neque hic ea praetereunda sunt, quae habet Othavii Ferrarii pag. 327. *Operum variorum. Patavii, typ. ber. Pauli Frambotti, 1668.* in 4. „Andreas liquidem Senator spectatissimus, Senatus consulto Venetae civitatis Historiam a Bembo sine condere iussus, in junculo muneris, atque omnium expectationalum praeclare satisfecit. Bembo quidem scribendi elegantia haud ita par, quod viro in specula honorum locato, & ideo magna semper, acvaria domi, forisque curanti, commendae orationi tempus defuerit. Sed operis magnitudine, consilii praeslantia, libertate, & rerum maximarum usu, nemine inferior. Nihil unquam falsi ausus, quod privato homini nequaquam impune cessisset. Quippe continentia Regum bella rebus Venetis adnexa, & implicita, magnas necessitates, bellicorumque causas, & modos, curaque accipites tradens, quibus ille magnam partem, aut interfuerat, aut praefuerat, ut aliquid gratiae daret, nunquam animum induxit; ac potentiorum offensas, quas veri studio sibi subeundas videbat, insuper habuit. „Accedit & celeberrimus Fortunius Licetus. Hic cum editurus esset quatuor libros de his quid vivens sine alimento; prodire autem Patavii, ap. Pet. Bertellium, 1612. in fol. eosque inferberet Andreas Mauroceno, gravissima illa nuncupatoria epistola ipsum ita alloquitur: „Ea quidem vitae integritate, judicii gravitate, ingenii praeslantia, & cum ceteris disciplinis o-

mai-

& praeclarissima historia expetenda sunt. (a) Ingressus fuerat italico sermone eam contexere, ubi *Paruta* desierat, inde initio ducto: verumtamen cum non modo suis civibus, Italisque hominibus, sed exteris etiam, & longinquis nationibus scribendum probe animadverteret; ne rerum gestarum memoria intra Italiae fines circumscripta, & conclusa contineretur, immo propagaretur quam latissime ad omnium notitiam; propterea instituit retexere, quae prius orsus fuerat, atque altius ea repetere, & latine praescribere, (b) quae italice prodita literis a *Paruta* fuerant. Cum autem dicen-

„minibus, tum sacra theologia, naturali moralique philosophia, eloquentia vero praefertim  
 „pollere te, Serenissimae Reipublicae compertum est, ut non solum in summis & arduis negotiis  
 „te consulto & moderatore libentissime felicissimeque uti consueverit; verum etiam ex  
 „innumeris alta sapientia claris te nunc olim elegerit, qui rerum a Venetis gloriose gestarum  
 „*Historiam* perpetuis famae annalibus infereres. Tu vero (mirum dictum) & sublimibus,  
 „frequentibus assiduisque urbis magistratibus nunquam deficiens, & musarum studio sedulo  
 „invigilans, simul Reipublicam praeclare gessisti, & praeclara Reipublicae gesta conscripsi-  
 „sti, &c.

(a) *Ingressus fuerat italico sermone, &c.* Contrarium de *Mauroceno* ac de *Paruta* contigit. Huic latine *Historiam* suam orso; ut narrat *Apostolus Zenus*, frater germanus meus, & cui non pauca eorum debeo, quae hic narrantur, in ejus *Vita*, quae ipsius *Historiae* per *Lovium* nuper editae, praemissa est; placuit deinde italicis literis ex integro mandare. *Maurocenus* autem, *ingressus italico sermone eam contexere*, mutata deinde sententia, instituit retexere quae prius orsus fuerat, & latine praescribere. Hinc, quam varia sit hominum mens, satis apparet, cum alii iidem rationibus captautur, quibus alii deterrentur. Ex *Parutae* epistola, quae ejusdem vitae inserta est, inter ceteras hae potissimum ratione ad *Historiam* italicè scribendam adductus ille videtur potest. *Oltre ciò mi pareva non poter fuggire ogni biasimo, s'io tanto stimato havevvi il PIACERE AGLI STRANIERI del porre ogni mio studio nella lingua latina, a' piè di loro partecipare, l'Historia delle cose nostre, che niuna opera, a' cura havevvi voluto porre per piacere a' nostri medesimi Italiani: molti de quali, pensano per altro di alto ingegno, per haveere altre volte l'industria loro, non hanno cognitione della lingua latina.* Contra vero *Mauroceno* pulchrum visum est, si ea lingua scriberet, qua legi & ab exteris posset. Id ipse testatur in proemio *Historiae* suae, pagina hujus editionis secunda. „Post cujus obitum (nimirum *Pauli Parutae*) cum mihi a supremo Decemvirum Consilio injunctum esset, ut scriptis rerum, quae nostra aetate gestae sunt, memoriam complecterer, cuperetque animus, NON  
 „INTRA UNIUS PROVINCIAE FINES, sed quaecumque praescae Romanorum linguæ  
 „notitia pervasit, nobilissimae atque antiquissimae Reipublicae gesta perlegi, &c.

(a) *quae italice prodita literis a Paruta fuerant.* Eadem etiam ratione, ut scilicet exteris quoque gentibus per Venetos fortiter & sapienter facta innotescerent, nequaquam *Historiae* suae initium inde sumpsit, ubi *Paruta* desierat, hoc est ab anno M.D. LII. verum operae pretium se facturum exilluminavit (ita in eodem proemio) si altius scriptorum exordia duceret, atque ab iis potissimum temporibus, quae post pacem *Bruxellis* inter Franciscum, Galorum regem, & Carolum, Belgarum tunc ducem initam, & cum Venetis Inducias pax, ab anno M.D. XIII. per septem insequentes contingerant, *Historiam* suam exoritur ab anno M.D. XXI. quo ad Reipublicae principatum evehctus est *Antonius Grimanus*, mira felicitate ad annum usque M.DC. XV. perduxit. Et fortasse interjectos eos septem annos completi narratione meditabatur: sed praepropera mors prohibuit; ut etiam prohibuit, ne ea completeretur, quae postrema vitae suae annis gesta sunt, quod *Paulini* frater in laudata nuncupatoria epistola videtur innuere. „Sed AB ALTIORIBUS, uti mollebatur, INITIUM ne sumeretur, neve ad proxima propius accederet, satis oblitere.

Non abs re erit hic significare, usque a *Lellini* aetate fuisse aliquos, qui italice vertere latinam *Mauroceni Historiam* conati sunt. Adeantur *Lellini* Epistolae pag. 251. „Audio, te ne, an fratrem tuum? utriusque enim nomen ad nos fama detulit, de HISTORIA MAUROCENA IN ETRUSCUM SERMONEM VERTENDA cogitare; nec conatum improbo, in multorum sane commodum cessurum. Quotus enim quisque nunc Romanum tractat, nisi *Orbilius* aliquis, in Indo verberare Iretio adigens comatorum gregem, ut bilingues fiant? „Quis fuerit is, cui epistolam hanc *Lellinus* dedit, divinare minime auiam. Id pro comperto asseruere possum, *Laurentium Pignorum Mauroceni Historiam*, priusquam

edle-

dicendi formae variae sint, ac multiplices, quas Hermogenes, & alii Graeci rhetores *ideae* nominarunt; duo tamen praecipua dicendi genera vulgo existimantur: brevius unum, ac pressius; uberius alterum, magisque diffusum: optimum utrumque, quodque jure quodam suo magnos autores, atque etiam laudatores habeat. Utrum autem ex iis alteri praeferre debeas, nullum certe in consilium adhibere, praeter temetipsum potes; ut scilicet, natura duce, quo genius rapit, eo propendeas, ne *invita*, quod ajunt, *Minerva*, hanc potius, quam illam dicendi rationem amplecti studeas. Id autem cum egregie calleret *Maurocenus*, licet brevem, & succi plenam orationem plurimum laudaret, uti aureum nummum eo pretiosorem, quo argenteos plures repraesentat una exigua nota; naturali tamen quadam propensione, & longo studio quaesita facundia amplum potius, quam pressum dicendi genus confectatus est, quod veluti magnum aliquod auri non signati pondus, eo jucundius, atque majoris pretii haberetur, quo mole amplius: nec alia praestantioris boni nota insignior est, quam quod latius diffusum in plura emanet uberius. Liber ille vere aureus de *Oratore ad Brutum*; cui tantum *Maurocenus* ipse tribuere erat solitus, ut e manibus, aut e sinu vix unquam dimitteret; quaeenam dicendi genera in usu, atque in pretio essent, quando praeclara illa lumina eloquentiae enitebant, Antonii, Crassi, Cottae, Caesares, Hortensii, atque Cicerones, exacte demonstrat. Quantum mutaverint tempora paulo post, cognoscitur ex iis, qui, *Flavia gens* orbi dominante, proximisque deinceps aetatibus supersunt auctores; praecipue vero ex Historicis, & Annalibus Taciti, qui cum saecula multa in tenebris, ac situ perpetua quasi oblivione sepultus latuisset; hinc erutus nuper, quamvis & lacer, & mutilus, eruditorum nunc prope omnium studio excolitur. Avorum nostrorum memoria sensus alius fuit, cum primum Latinae literae, intermortuae jam pridem, reviviscere coeperunt, atque ornari denuo; quod scripta multa doctorum hominum testantur. Est enim in oratione ipsa profecto, ut in rebus omnibus circuitus & veluti orbis quidam in idem recurrens, ut recidant in usum praesentem, atque revocentur, quaecumque temporis intervallo fieri jam desierant. Cernimus hoc quotidie in tota hominum vita, in officiis, in moribus, in judiciis, ac legibus; nedum in habitu & cultu, & gestu, & sermonibus. Quae cum *Maurocenus* omnia egregie perpenderet, quamvis contractum, & pressum orationis genus hac nostra aetate perciperet probatius haberi; nihilominus alterum illud uberius, ac fusius, ad quod etiam sponte, ac natura lubens ferebatur, consulto praetulit: ea certe quasi praefagitione, futura tandem quae prius extiterant tempora, ut in condenda historia praestantissimi viri imitari constant Livium potius, quam Tacitum, illum facundum quidem, ut constet, minus; addo etiam non magis prudentem. Haec igitur

c

de

ederetur, emendare, suasque notas adjicere animo aguisse. Testatur hoc idem *Lollianus* epistola ad *Pignorium*, pag. 291. „ De MAUROGENA HISTORIA pauca adjiciam, quam „ a te RECUDI non accurate minus, quam amanter, quid ni gaudeam, alienissimo tempore „ parentis lima destituta? &c. „ Huic epistolae cum responderet *Pignorius* (existat ejus epistola inter *Lollianas* pag. 292.) fatetur quidem *Mauroceni Historiam* in manus sumptisse; verum purgat se, quod susceptum opus minime perfecit. „ Ad *Historiam* quam inuisti, AD- „ NOTAVI mearum aescio quid ineptiarum; & malni insectiae notam subire, quam inoffi- „ ciositatis. Universam ne perillustrarem, vetuit moles atlantea occupationum, quibus opprimor „ quaeque oppresso exprimunt ingeniorum studiorum & memoriam, & ipsum paene nomen. „ (a) ut.

de liberalibus *Mauroceni* studiis, ac de praeclaris ingenii monumentis posteritati ab eo relictis quae diceremus, habuimus.

Non modo autem praeclara studia, & literas ipsas; sed literatos etiam viros, atque studiis deditos, quod in magno Senatore summae laudis locum occupat; in oculis terebat, atque adeo in sinu fovebat. Etenim cum ad ipsum literati omnes, tamquam communem doctorum hominum parentem, confugerent; ille vero eruditorum hominum colloquiis remittere frequenter animum videretur; inde factum est, (a) ut ad illius aedes, tamquam ad academiam aliquam cupidissime cuncti ventitarent, nec ullus tamen esset, qui non inde instructior discederet. Praeclare statuerat ille magnum virum decere, nullum habere, nisi quem Respublica haberet, inimicum: amicos vero; quos recte latinus orator optimam, & pulcherrimam vitae suppellectilem appellabat; omni studio enitebatur sibi comparare; sed ejus notae, ut amici cuiusque animum cum suo commiscere, & unum pene ex duobus efficere liceret. Quam ob rem cum ingenium illi non fucatum, aut fallax; sed simplex, & verax, nulloque simulationis artificio eruditum esset, assentationis acerrimus hostis videbatur, quae modo in locum invasit veritatis, & ingenuae, quae inter amicos maxime decet, libertatis loquendi. Immo vero ex hominum vultu mores colligere solitus, eos tamquam humanae societatis pestes evitabat, qui vitiis maximis polluti, & contaminati, virtutis speciem fuco, & quibusdam veluti medicamentis illitam ostentare solent; quorum insidii nihil potest esse in hominum necessitudine foedius, nihil perniciosius. Siquidem ubi parum aperta improbitas obesse potest, cum solo aspectu, quo nihil sit omnino deformius, cunctos a se deterreat; propterea formam honestatis gerere, & innocentiae personam induere solet, ut iis veluti cuniculis simplicium hominum mentes expugnet, atque ita in vitiorum potestatem impellat, ac pertrahat. Eloquentiam quoque a sapientia sejunctam, & sordibus inquinatam inter domesticae necessitudinis jura non admittit; eos prae ceteris omnibus odio habens, quibus, ut caesis antiquorum victimis, nihil praeter linguam, & ventrem superaret.

Honestissimos ergo, atque doctissimos amicos expetiit, quorum omnium non virtute magis, & doctrina, quam amore, & artificio necessitatis vinculo gregem ducit (b) *Aloysius Lollinus*, Venetus patricius, & Belunensis Episcopus. Is graecis, latinisque literis impense eruditus, philosophus, si quis alius, theologusque sapientissimus, literatorum omnium nostrae aetatis summus dictator, non solum liberali omni arte, ac doctrina, sed etiam scribendi elegantia omnem provocare antiquitatem facile potest: cum

(a) ut ad illius aedes, tamquam ad academiam aliquam, omnes ventitarent. ) Erat *Maurocena* domus conventus elegantiae, literarum domicilium, museum humanitatis, eruditionis emporium, Mularum ac Gratiarum omnium sacrarium augustissimum. *Palazzo*, in *Panog.* *Maurocenus* ipse ita ad *Lollinum* scribit, de vitae ratione, quam cum aequo docto ac sibi amicissimo praeferat, Patavio reverentius duxerat. Exstat epistola inter ejus *Opuscula*, pag. 211. Mutuis alloquiis, frequentibus congressionibus alebantur animi. In tuis, IN-  
QUE NOSTRI AEDIBUS de rerum natura, de moribus, de divinis rebus disputationes habebantur. Aderant multi, quos perdiscendi studium attrahebat; ex nostra nobilitate aliquot; intererat *Nicolaus*, frater meus, &c. Adestur etiam auctor *Vitae Fr. Pauli Veneris*, ex ordine Servorum, pag. 71.

(b) *Aloysius Lollinus*, &c.) De *Aloyso Lollino* sermo recurrit in *Mauroceni Vita* ab eodem exposita.

cum incorruptis, & plane aureis moribus, vitaeque innocentia, & virtutum omnium cumulo, praeclulis sanctissimi personam a Pontifice maximo sibi impositam peregre, summoque cum omnium ordinum amore, atque plausu multis ab hinc annis sustineat, atque tueatur. Hunc *Maurocenus* ab ineunte ferme aetate praecipue, insigniterque inter omnes dilexit: cumque alter in Republicae administratione Venetiis, alter vero in ecclesiae sibi commissae cura Belluni, viveret; commune sui desiderium absentis crebris, & longis quoque epistolis mutuo leniebant, multaque latine simul conferebant, (a) ut incredibilem hujusmodi epistolae, si unquam evulgeretur, doctis hominibus voluptatem, & fructum allaturae sint. (b) *Ottavianum* quoque *Bonum*, & (c) *Joannem Basadonnam*, quorum alter modo Patavii praetoram, alter vero Brixiae praefecturam, gerunt, politioribus literis, eloquentia, & sacrarum, ac multarum disciplinarum doctrina insignes, eodemque Senatores eminentissimos impense coluit. Arctissime vero complexus est (d) *Donatum Maurocenum*, quem maximam virtutum, & scientia-

c 2

tia-

(a) ut incredibilem hujusmodi Epistolae, &c.) *Lollini Epistolae* in lucem editae sunt ita infectae: *Aloysii Lollini, Patrini Veneti, & Belluni Antistitis, viri praeclearissimi, Epistolae miscellaneae*, &c. *Belluni, typis Francisci Viaceri*, 1642. in 4. Nitidioribus typis dignissimum opus.

(b) *Ottavianum quoque Bonum*. Quae *Maurocenum* inter ac *Bonum* amicitia intercederet, inde apparet, quod *Lollinus* huic *Lacrymas suas in funere Andreae Mauroceni* miserit suavissimo illo phalacro, quod opus praestitit:

- „ Cui donum lacrymabile hoc Thalia  
 „ Scriptum carmine dat Simonidæo,  
 „ Moestitudine terribum severa?  
 „ An tibi optime convenit BONE uni?  
 „ Non quod te hilaremque, gaudiisque  
 „ Perfusum velit omnibus; libellus  
 „ Funus sed quia continet sodalis;  
 „ Nulli qui magis flebilis storum,  
 „ Quam tibi, decus *Adriae*, recessit. „

Idem *Lollinus* in *Epistola*, pag. 137. ad nomen ejus morefque scitissime alludens, eum vocat *virum plane nominis sui*; pag. vero 372. *avui nostri Catenem*. Ejus obitum, dum velicæ calculo laboranti festio adhiberetur, eum ibidem, tum pag. 349. desset, addito longiore carmine hexametro, quo plurima narrat, quae viventi acciderant. Suavi tamen erga *Ottavianum* amorem nullibi clarius significavit, quam cum de fratris sui morte ad *Henricum-Catharinum Davilem* scribens, pag. 382. in haec erupit: „ Accedit *Ottavianus Boni* obitus. FRATER is mihi ALTER erat, non naturæ JURE, sed amoris, &c. „ Haec omnia eo libentius memoranda duxi, quod acque *Lollini* ac *Mauroceni* amicus esset *Bonus*. Ceterum *Boni* saepius meminere in *Joannis Histories Mauroceni & Baptista Nanius*.

(c) & *Joannem Basadonnam* *Ottavius Ferrarius* in *Peple Veneto*, qui inter ejus *Opera varia* exstat pag. 330. perhonorifice memorat „ *Joannem Basadonnam*, non exacta modo prudentia, atque administrandae Reip. artibus, sed altioribus studiis inelycum, quibus humana mens caelo admiscetur, orbisque aethereos scandens, insinctu Numinis plena, divina effata mortalibus communicat. „

(d) Arctissime vero complexus est *Donatum Maurocenum*. Non sanguinis, sed amicitiae vinculo *Maurocenus* *Andream* & *Donatum* conjunctos fuisse, declarat *Crassus* ea epistola, qua hanc *Andreas* *Vitam Donato* inscribit. Quanta etiam cum *Donato* sibi esset necessitudo, testatur *Andreas* ipse iis epistolis, quae exstant pagg. 186. 193. 195. 196. 205. 241. Praecipue vero pag. 204. cum *Nicolas Contareno* scriberet, ita *Donatum* commendat. „ Socium habes hujusce „ pulcherrimi instituti *Donatum Maurocenum*, virum clarissimum, in cuius ore & pectore *Mi-* „ nerva & *Mercurius* certam veluti sedem sibi defixisse videntur, &c. „ Inter *Lolliniana Epistolae* plurimae ad hunc datae inveniantur. Cum vero *Lollinus* ad *Andream* nostrum literas daret, quae exstant pag. 133. „ Erit, ait, fortasse apud te, dum haec leges, *Donatus Mauroceni*, idem & horarum omnium comes, & doctrina ac comitate excultissimus: nam te absque „

LAE-

tiarum concursus, supra suavissimos mores, admirabilenique integritatem, ad Reipublicae munia vel invitum traxit; nec minus clarum facit ad praesens, & illustre, quam perpetuum, & memorabile posteris ejus nomen. (a) *Christophorum Valerium*, Senatorem numeris omnibus absolutum, qui e Byzantina legatione rediens, Corcyrae diem obiit, tristeque cunctis ordinibus desiderium sui reliquit, & amavit unice, & luxit graviter, atque acerbè. (b) Longum vero esset omnes Venetos patricios, eosdemque doctissimos viros recensere, quibus familiariter admodum usus est. (c) Unum omittere non possum *Nicolaum Maurocenum fratrem*, eruditione clarissimum, atque graece, hebraice, & latine cumprimis doctum, qui ob ingentem literarum peritiam Reipublicae *Bibliothecarius*, cum primos honorum gradus, quosque per aetatem poterat, obtinuisse, jam septimum continentis, ut dicitur, *Sapient* certissimum nunquam interiturae felicitatis locum inter caelites jampridem promeritus est; ampliora munera in Republica consecuturus, si praecoci morte in aetatis robore raptus non fuisset. Hunc non modo pro fraterna necessitudine, sed ob multas etiam, magnasque virtutes dilexit unice, & studiorum omnium focum, & autorem habuit, tulitque mortem ejus aliquantum acerbius, quam instituta vitae ratio permitteret, ac philosophia, a qua tamen doloris incredibilis remedium haud incassum petiit.

(a) Jo-

„ LAELIO TUO illic ferari, quae utriusque vestrum est concordia, vix induci possum, ut credam. „

(a) *Christophorum Valerium* Meminit *Valerii Maurocenus* in sua *Historia* ad annum 1612. pag. 706. editionis prioris. Quam vero illi esset amicus, argumento est *Elogium* illud, quod inter ejus *Opuscula* legitur pag. 161. de quo alibi longior nobis futurus est sermo.

(b) *Longum vero esset omnes Venetos patricios, &c.* Praeter eos, quos *Craffus* enumerat patricii ordinis, ex ipsius *Mauroceni* epistolis pag. 175. colligi potest, familiariter usum esse *Maurocenum Francisco Erixe*, qui deinceps Venetiarum Dux creatus est. Huic data est epistolarum, prima, ubi amoenissimam villam *Fabricii ab Aquapendente* describit; nec non altera, quam invenies pag. 207. qua *Elogium Christophori Valerii* a se elucubratum illi misit. Sed luculentius habeo testimonium in ejusdem *Erixi* Principis vita a *Marco Trivisano* conscripta, quam Venetis impressit Jo. Petrus Pinellus anno 1651. in 4. lbi pag. 64. haec habentur: *Furono di Francesco (Erixe) AMICI tutti buoni, e virtuosi cittadini: ma alcuno non fu cotanto congiunto d' affetto, e d' intrinsechezza, quanto Girolamo Soranzo Cavaliere e Procuratore di san Marco, Battista Nani, Andrea, e Paolo Morosini, fratelli, e ambi scriveri eccellentissimi de' nostri Annali, & Istorie: quattro lumi al suo tempo splendidissimi di quella gloriosa patria.* Amicissimo etiam complexus est *Benedictum Sanatum*, de cujus obitu sic ad *Prevotium* scribit, pag. 233. „ De illustrissimi viri *Benedicti Sanati* obitu (quem recte se habere pridie intelleximus) nuncio accepto, cohortul. A. finis atque AMICI casum dolui vehementer. Eum enim „ amisi, quo nec virtute, atque integritate praestantior, nec mihi multis nominibus CHA- „ RIOREM unquam habui, &c. „

(c) *Unum omittere non possum Nicolaum Maurocenum fratrem*) Merito ita *Nicolaum, Andreas fratrem*, commendat *Craffus*, quamquam satis commendare tantum Senatorem nemo unquam potest. Decessit anno 1602. nocte, quae kalendas martias infecuta, cum *Sapient* Comitiensis esset, ut in *neurologio* parochiali sancti Lucae: sed kalendis ipsis decessisse testatur *epitaphium*, quod ejus tumulo sortasse inscribendum *Andreas* frater confecerat; quodque aureis characteribus exaratum legi in libello ubi descriptum est Senat. consulti, quo *Nicolaus* maricianae bibliothecae praefectura demandata est anno 1601. 9. kal. decemb., una cum libro- rum *Bellarionis* elencho, qui in bibliotheca eadem asservantur. Tale vero est epitaphium.

NICOLAO. MAVROCENO

SENATORI. INTEGERRIMO. RELIGIONE. INSIGNI. DOCTRINA. EXIMIO. RERVM. VSV. PRAESTANTI. REIPUBLICAE. BIBLIOTHECARIO. QUINTVM. CONTINENTIS. SAPIENTI. EO. IN. MVNERE. TERRIS. AD. COELVM. SUB-  
LA-

(a) *Josephum quoque Bonfadium illi ordini civium, qui Reipublicae sunt a secretis, erudiendo, ac probando Decemvirum decreto praefectum, cum rerum sacrarum peritia, & philosophiae studiis, tum humanioribus literis mirifice perpolitum, tantum adamavit, & magnificavit, ut ei Jacobum, & Andream nepotes, magni spiritus, & ingenii admirabilis, quos non minus ac filios diligebat, erudiendis tradiderit, eundemque studiorum omnium non raro consultorem adhibere voluerit: (b) Joannem Sozomenum, jurisconsultum, qui graecas literas publice proficitur: (c) Aurelium Palazzolum, philosophum, & medicum praeclarissimum: & Franciscum Cortesum, philosophiae, & juris utriusque peritum, mularum omnium amores, atque delicias, carissimos habuit.*

LATO. ANDREAS. FRATER. INCONSOLABILITER. MOERENS. PERPETVI. LVCTVS. ET. AMORIS. ERGO

VIX. AN. XXXXI. MENS. V. DIES. XX. OBIIT. M. DC. II. KAL. MARTII

*Nicolaus Orationes duas, elarorum virorum opus, ex Italicis latinis fecit altera est, qua Joannes Georgius Trissinus Andreas Gritto; altera, qua Franciscus Querus, N. N. Reipublicae Venetae principatum gratulantur. His accedit tertia, ab ipso compolita de philosophia cum humaniorum literarum studiis coniungenda. Manu exscriptae in papiraceo libello in 4. exlaeto apud Jacobum Cornelium, Georgii Seatoris amplissimi filium, apud quem etiam alia non pauca Maurocerorum nostrorum monumenta. Illi enim Mauroceras gentis familiae, ex qua Andreas oceller erat, nuper masculis omnibus destituta, ornatissimae duae feminae superfunt, Ursulae & Teresa, Zacharia Mauroceras gentitae, Andreas filio, Pauli nepote, qui scriptoris nostri frater germanus fuit. Prior Pava Capellus, Dominici filio, clarissimus Reipublicae nostrae summi; altera magnae spei juveni Jacobo Cornelio, nupsit. Sed ut ad Nicolaum redeat sermo, Andreas noster ita cum Lollino, data ad eum epistola, que inter Opuscula invenitur, pag. 211. ubi plura ad ejusdem Andream vitam spectantia leguntur, acerbissimum fratris mortem conquelescit est. „Immaturo fato ablati est mihi SUAVISSIMUS FRATER, tui amantissimus, qui „mihi omnes voluptatis ac jucunditatis sensus eripuit. „*

(a) Josephum quoque Bonfadium) Quae hic Crassus attulit, satis probant, quantum Maurocerus Bonfadium diligere, quantique faceret. Bonfadii vero doctrinam, eiusque erga Rempublicam nostram amorem probat ea, quae ab ipso edita est De civilis administrationis optima forma disputatio, adversus oppugnantem aristocratiam, praecipue vero Jo. Bodinum, Guilielmum Barclajum, atque Justum Lipsium. Patavii, apud Laur. Pasquatum, 1611. in 16. Prodit quoque Venetis ex praetio Aodiceae Muschii anno 1616. in 4. ejusdem Bonfadii Oratio de fuditis recte insituentis Venetorum civium, quicumque ad arcana Reipublicae sunt adsciscendi.

(b) Joanneo Sozomenum) Lollino ac Maurocerorum carum fuisse Sozomenum, ipse Lollinus significat, Maurocerus scribens pag. 213. „Misi ad me nuper SOZOMENUS NOSTER in „scriptiões vivificae erociis duas graecas, &c. „Non ultra graecas tradidisse Sozomenum tantommodo, sed bibliothecae oiarciacae custodem datum fuisse, praeterea librorum locum edendum examen illi commisit, apparet ex Reverso gymnasi Patavini Moderatorum pag. 333. 378. Edidit Sozomenus Venetis, ex typogr. Andr. Muschii, 1623. in 4. Platonis de virtutibus, sive de justis libris decem, & graeco in latinum, & ex dialogo in perpetuum sermonem redactis, additis notis & argumentis. In divi Laurentii martyris aede, ad aram Beatae Virginis in caelum assumptae, Joanni Sozomeno patri, Julio fratri, posterisque & sibi Claudius Sozomenus, Poleosif Episcopus, monumentum posuit anno iubilaei M. DC. Eam autem aram idem Claudius erexit & dotavit.

(c) Aurelium Palazzolum) Palazzolo medico uti consueverat Maurocerus. Inuit hoc Palazzolus ipse, cum mortuum laudaturus, de morbo quo decessit, verba facit. Quanti eum Maurocerus faceret, testatur hujus ad Lollinum epistola, pag. 223. „Aurelii Palazzoli, „medici, cujus solerti opera mori, Panegyricum in Platonis anatonem, quem me curante, „his diebus exhibuit, ad te mitto. Est sana Aurelius ipse tibi, ob singulari benignitatem „atque eximiam virtutem tuam, addictus, ac plane devinctus. „Huic autem epistolae ita Lollinus respondet. „De Palazzoli elogio plurimum te amo. Dili est, cum viro ob erudi- „tationem faveo, eximiumque in te colendo studium atque pietatem multo facio. „Sed ne- „mo lueuenter testis Palazzolo ipso, qui fovebri laudatioro Maecenatem suum ita alloquitur. „Tu, ubi scripta aliquot mea (dicere obscura, nisi ingenii tui splendor illustrat, „sei) perlegisti, me nonnum tibi de facie notum, sed sola commodatissimi rara virtutis, ac „

luit. (a) Patavii autem; praeter *Vincentium Contarenum*, (b) heu, quondam meum, (c) qui humaniores literas publice profitebatur, ac eruditione incomparabili, politionibus literis, & morum candore effecit, (d) ut magnos illos Scaligeros, & Lipfios Italia exteris nationibus non invideret; (e) (*J*) *Laurentium*

„probitatis, amore, quid amore? etiam laude profectus es. Tu me voluntate accersisti,  
„humanitate traxisti, liberalitate affecisti. Tu me scriptis tuis pulcherrimis ac politissimis  
„detinebas. Tu me detinebas, quamquam mei inebecillitate ingenii tantae impari provin-  
„ciae praemesferrem, Patavium, ubi & superiore aliqua sede deendi munere fungi pos-  
„sem, &c. „

(a) *Patavii autem, praeter Vincentium Contarenum, &c.*) Postquam *Contareno Lellinus* miserat suas *Lacrymas in funere Andreae Mauroceni*; responsumque honoris plenum ab ipso acceperat, iterum eidem scribit, hortaturque, ut tantum amicum a se illaudatum ne sine-  
ret. Exstat epistola pag. 206. „Quem (*Maurocenum* scilicet) cum tu PERINDE CO-  
„LUERIS AC EGO, non est seu humanitatis, qua cedis nemini, vel facultatis, qua ce-  
„teris praestas, ejus nomen, quantum in te est, oblivione finire urgi. Unus tu, nec me  
„fallit amor, AMICO, nobis importunissimo tempore erepto, otium paucarum horarum  
„nactus, parentare potes elogio meritis ejus digniori, quam vel meum, vel ulius fnerit,  
„&c. „ Ceterum viventi adhuc *Mauroceno* dederat sui erga ipsum amoris clarissimum argumen-  
tum *Contareno*, cum ipsi, una ac Marco-Antonio Memo, Procuratori, Antonioque Priolo,  
Equiti ac Procuratori, quorum uterque Reipublicae Princeps deinde salutatus est, id vero  
temporis cum *Mauroceno* rei literariae trimviratum gerebat, eruditissimum opus dicavi  
*de fragmentaria Romanorum largitione*, editum primum *Venetis, apud Nicolaum Petrum, 1609.*  
in 4. deinde ultra montes non semel recusum.

(b) *heu quondam meum*) Diem suum obierat *Vincentius* ab anno usque 1619.

(c) *humaniores literas, &c.*) Eas Patavii profitebatur *Contareno*; hac illi provincia anno  
1603. demandata. Anno autem 1617. ut *Tomafinus* in *Elogiis* refert, pag. 179. abicato do-  
cendi munere, Polam concefferat, urbem olim nobilem in Istria, ut Romanarum antiquita-  
tum semefa monumenta, quorum illi maxima copia, colligeret. Sed insalubri caelo, torri-  
daeque anni tempestate cum letalem morbum contraxisset, statim se Venetias recepit; ubi, nuli  
medicorum ope morbo unquam remisso, decessit eodem anno XIII. kal. sept. Verum in  
anno recensendo, quo *Contareno* exiliatus, non *Tomafini* quidem, sed operarum erratum  
pato: neque enim 1617. sed 1619. legendum existimo. Namque primum cum *Lellinus* iis epi-  
stolis, quae pag. 206. & 207. leguntur, cum ipso agat de *Lacrymis* a se editis in *Mauroceni*  
funere; constat eundem *Mauroceno*, qui non nisi anno 1618. obiit, superstitem fuisse. Prae-  
terea haec excerpti ex necrologio ecclesiae sancti Benedicti Venetiarum. 1619. ad 19. *agosto.*  
L<sup>o</sup> Eccellentiss. Sig. Vincenzo Contarini, q. Alvisi, d'anni 49. ammalato già giorni dieci di fe-  
bre maligna, &c. In eadem subbenedictina ecclesia tumulatus pariter fuit *Contareno*. Praeter  
relatas ad ipsum *Lellini* epistolas, alia etiam exstat pag. 108. qua *Contareno* Pola ex Istria redi-  
tum gratulatur.

(d) *ut Scaligeros & Lipfios, &c.*) *Tomafinus* affirmat, tantam fuisse *Contareno* eruditionem,  
ut vulgo *Italiae Lipfios* appellaretur. Lipfii tamen illum adversarium potius quam imitorem  
dixerim. In opere quod edidit *Variarum lollinum*, frequentius acrisque neminem, quam Li-  
psum impugnari. Liber vero *de fragmentaria Romanorum largitione, & de militari Romanorum*  
*spendio commentarius*, ut Lipfio contradiceret, editi sunt, cum ita civem suum *Petrum Bemb-*  
*um* ultimum se profiteatur. Alium similis argumenti libellum paraverat in Lipsum, quem in-  
scripsit *de Romanorum re nummaria*. Exstat in *Mauroceni* bibliotheca manu descriptus, quem  
si exorari se fneret nobilissimas & praestantissimas *Georgius Cornelius*, monumentorum literariorum  
*Maurocenas* domus heres dignissimus, ut ex iis tenebris emittere liceret in lucem, cum opti-  
me de literatis hominibus mereretur, tum uberrium laudis fructum suo nominali compararet.

(e) *Laurentium quoque Pignorium, & Martinum Sandellium Contareno conjunctissimos*)  
*Vigelium* primam *Symbolarum epistoliarum Pignerius Andreae Mauroceni* misit, gymnasi Patavi-  
ni tum Moderatori. Hujus epistolae ille est finis: Sandellius, & *Contareno salvere se jubent.*  
Vide clarissimorum virorum trigam, qui qua inter se conjuncti erant caritate, eadem *Mauro-*  
*cenum* nostrum prosequiebantur.

(f) *Laurentium Pignorium*) Praeter eam, quam modo laudavimus, Epistolam, alia etiam  
*Pignerius* sui erga *Maurocenum* amoris dat testimonia. Praet *Lellini Lacrymis Pignerius* epistola,  
quae tota demortui laudibus, ac suae in eum voluntatis testimonio referta est. Habes etiam  
hexametrum carmen ad *Lellinum*, quo *Pignerius* ejus dolorem ob communis amici iusturam le-  
vare



tiam quoque *Pignorium*, & (a) *Martinum Sandellium*, *Contareno* conjunctissimos, & per omnia pares, amore, & veneratione summa prosecutus est.

At non solum doctrina, & amicorum delectus tantum virum apud omnes commendavit plurimum, immo vero, quod aliis summum est, gradus illi fuit. Etenim sic ille modestiam, & gravitatem sermonibus cunctis praefertit, ut nec mendacium, nec intemperantius dictum, nec fraudem ullam vel joco probare posset, adeoque ab omni verborum obsoenitate temperaret, ut Vestalibus arbitris loqui crederes. Neque vero sermone solum, sed omni etiam vita pietatem supra quam dici possit egregie coluit; at solidam, sinceram, omninoque nudam; non contractione frontis, obtorta cervice, & gravi supercilio arceffit; non fictam, & incesu, & motu, blandaque oratione ad hominum opiniones captandas simulate compositam: cum versipelles illos odio vatiniiano prosequeretur, qui pietate, & religione, quasi nummis adulterinis, simplicibus hominibus fucum facere soliti, proborum virorum nomen sibi conciliant immerito. Ea vero continentia, & temperantia fuit, ut eximias formae pulchritudines, non libidinis, sed abstinentiae, ac virtutis incitamenta crederet: divitias, quas alii munera fortunae vocant, ipse insidias diceret, quas magnanimus vir, & invictus jure quodam suo contemnat, atque despiciat. Magnus enim, excelsusque animus, si immani, & effera habendi siti correptus non fuerit, nullum opulentius, atque praestantius patrimonium habere potest, quam ingentis virtutis, aeternaeque gloriae: at vero si avara febris aestuare coeperit, ut aeger aequo aureo, ac ligneo in lecto male cubat, cum suum morbum continenter ferat: sic nihil refert utrum in divitiis, an in paupertate aegrum animum ponat: suum secum trahit inexplibile desiderium. Omnia contemnere quilibet potest; cuncta possidere nemo. *Andreas* vero cum divitias omnes pro nihilo duceret, divitum etiam elatorum inflatos mores odio

---

vare nititur; ne hic plura addam de *Pignorii* studio in emendanda illustrandaque *Mausolei Historia*, quod supra innui; qua de re in epistola ibi laudata ita *Lollius* ad eundem scribit: „Facis, quod istam tuam FIDEM in AMICOS etiam fato sanctos decet; dum facis, „mae *Mausolei* consulis, PIETATI sedulitateque TUAE multum debitorae. „ *Murtus* etiam erga *Pignorium* amorem testatur *Mausoleus* laudibus illis, quibus *Elogium Antonii Priuli*, Principis a *Pignorio* conscriptum prosecutus est. Vide ejus *Opusculorum* paginam postremam, ubi haec occurrunt: „Salve interim, *Pignori*, pignore quolibet CARIOR, ac pretiosior. „ *Tonnasini* in *Elogiis* inter praecipuos *Pignorii* amicos *Andream Mausoleum* recenset.

(a) Et *Martinum Sandellium*. De *Sandellio* asserit plura non possum quam haec, quae ad eadem exstant operis italici: *Nuovo discorso di Torquato Tasso, nel quale si ha notizia di molti accidenti della sua vita*, &c. pubblicato da D. Martino Sandelli, *Padovano*: prodit Patavii, ap. Jo. Bapt. Martinum, 1619. in 4. Ho lecto, & copiato io Martino Sandelli, Dottore dell' una & l'altra legge, e Rettore in san Martino di Padova, il sopraferito Discorso del Sig. Torquato Tasso, &c. Quam recte *Andream Sandellium*, *Sandellium Andreas* noster conspiceretur, satis liquere puto ex brevi illo, sed elegantissimo elogio, quo *Lollius Lacrymas Sandellii* commendat: ante ipsas *Lacrymas* una cum aliorum lucubrationibus editum est.

Non hic tamen solummodo, quos *Grassus* recensuit, ex eroditorum numero, amice usus est *Mausoleus*. Ex ipsius epistolis carissimos illi fuisse colligo *Fabricium ab Aqua pendente*, pagg. 175. 197. 200. *Joannem Franciscum Massatum*, pagg. 194. & 205. *Properum Alpinum*, pag. 198. cujus etiam filium *Alpinum*, adhuc adolescentem, graviter commendat pag. 234. *Joannem Præstium*, pagg. 198. 200. 224. 227. 235. 242. *Angelum Grillum*, *Casimensem*, pag. 207. *Olivium Merinum*, pag. 225. *Alexandrum Syncriticum*, pag. 230. praeter alios quamplurimos, quorum nequaquam extremus fuit, omnium laude dignus, *Forrenius Licetus*.

odio proferutus, (a) aditu facilis, congressu suavis, colloquio perhumanus, nihil unquam aut sermone insolens, aut incessu superbum; sed comitatem, benignitatem, modestiam semper praeferebat; alacrique vultu, & humanioribus responsis quoslibet vel infimae fortunae homines a se dimittebat; & quod rarum in homine praecipue alto loco nato solet esse, humanitate, ac liberalitate animi facile cunctos superabat. Facere tamen non potuit, quin ardens, & concitatum ingenium ardenti aliquando affectu moveretur, ad iram plus aequo pronus. At si bene calculum ponas, quotus quisque est, qui non moveatur affectu? Iram ille tamen ut fumebat facile, facilius deponebat, omnemque cum ea scabitudinem ex animo sine cicatrice: quod hominem doctum, & vere sapientem non dedecet. Etenim ut incultis, asperisque regionibus diutius nives haerent; plano solo statim elabuntur: sic in pectoribus humanis feras mentes ira longius obsidet, eruditae praeterlabitur. Nec aliud est in omni *Andreae* privata vita, quod aliquam vel ab iniquo rerum aestimatore reprehensionem mereri possit, licet diligentissima indagazione cuncta perquirere a domesticis voluerimus: *testi* namque *ad alienos esse possumus*, *intimi multo apertiora videant, necesse est*. Cic. At ille viam ingressus, quam praecclare Socrates ad gloriam proximam, & veluti compendiarium dicebat esse, ut qualis haberi vellet, talis esset; ab ea numquam recessit, eandemque semper vitae rationem constanter secutus, idem semper & alienis, & intimis, vir probus pariter, & doctus non magis visus est, quam reapse fuit. Haecenus quae domesticum ejus; studium, & privatam vitam exornarunt, exiliter quidem, & jejune, sed vere, atque fideliter scripsimus. Reliquum modo est, ut quae in Republica gesserit videamus, quotantum virum posteritas omnis religiosa cum veneratione jure merito colat.

Cum igitur adolescens *Mauracenus*, non minori probitatis, quam eruditio-  
nis fama clarus, veluti lenocinio quodam virtutis, & bonarum artium cun-  
ctis ordinibus commendatus, ac probatus esset, & praestantioris ingenii do-  
tibus ad laudem emereret; vix togam virilem sumpserat, comitorumque  
jure potitus erat, cum vigesimo aetatis anno, qui fuit M.D.LXXVIII. (b) VIII  
idus julii magistratus ei magno suffragiorum consensu delatus est ex iis, qui  
adulescentibus patriciis committi solent. Hi venumdandis pignoribus trium-  
viri, de jure etiam congrui in urbe sententias ferunt, contractus omnes exa-  
minant, quosque ex legum praescripto celebratos cognoverint, iis, ut ratis,  
subscribunt. Creditoribus suffragantur, ut quae facile auferri, aut abscondi  
possint, res debitoris, eas magistratus interdicto remorari, ac sistere valeant.  
Quicumque vero testibus aliquid probare voluerit, ut veritas omni tempo-  
re constare, ipse autem ubique eorum testimonio uti queat, apud hos prae-  
cipue Illivros testes illos producit: qui cum ad perpetuam actorum me-  
moriā examinari dicantur, ex ea re praesertim his iudiciis *Examinatorum*  
nomen merito fuit inditum; quorum tribunal inter ea, quae divi Marci

Cu.

(a) *aditu facilis, &c.* Pariter in sua panegyri *Palaeologus*. „ Ille vero sic omnibus se  
„ dabat ordinibus, sic vultum componebat, ut nemo esset, qui non vel humanitate captus,  
„ vel oratione devinctus abiret. „

(b) VIII. idus julii. Pridie. nonas julii, non autem VIII. idus contigit. Porro quae spe-  
„ rant ad magistratus *Mauraceno* delatos, omnia attentata cura ex monumentis iis collegi, qui-  
„ bus designati majoribus minoribusque comitiis per annos & dies magistratus summa fide dige-  
„ sti sunt. Horum mihi copiam fecere viri patricii, cum generis nobilitate, tum maxime egre-  
„ giis virtutibus clarissimi *Bernardus Bembus*, Jacobi filius, & *Joannes-Baptista Venerius*, Seba-  
„ stiani filius.

(a) in

*Curiis* appellant, numeratur. Hoc igitur in munere cum *Andreas* intelligeret se Principis in cognoscendo personam gerere oportere, & publicam dignitatem sustinere, servare leges, & fidei suae commissa munia non meminisse modo, sed etiam exactissime obire; diligentia singulari tribunali primus occupabat, postremus deserebat, quo nemo studium, atque ejus operam desiderare posset. Quodque mirifice gloriam ejus, & famam apud omnes auxit, pro magistratus ipsius dignitate, ac jurisdictione praeclaram occasionem nactus, gravem & luculentam in XLvirali concilio orationem habuit, ejusque modi virum in jure dicendo se praebeuit, quo nemo modestia, uero aequitate, aut dignitate potior haberetur.

Cum vero primum per aetatem sibi fuit integrum, ardenti laudis studio, & communis consuetudinis impetu candidatus effectus, ingenti civitatis applausu, ac Senatorum fere cunctis suffragiis *ordinum Sapientum* est creatus. Is fuit annus M. D. LXXXIII. XV. kal. aprilis. *Ordinum Sapientes* vocamus quinquae nobilissimos juvenes, qui non ante XXV. aetatis annum transactum, & non nisi senatorum suffragiis eliguntur, ut in excelso atque supremo Ducis collegio sex continuis mensibus intersint iis omnibus, quae in tanta Republica videntur consultatione indigere, suamque dicendi sententiam, tuendique jus habeant: praecipue de iis ad *Collegium*, atque Senatum referant, quae ad maritimam Reipublicae ditionem pertinent, unde *Sapientes maris* olim dicebantur. Hic aditus est ad ostendendam virtutem, & gloriam parandam, cum in praeclarissima frequentis Senatus luce, quod imitari debeant juvenes diu audire possint, & suimet etiam in dicendo periculum facere necessario debeant, ut non solum adolescentibus in celeberrimo illo totius orbis terrarum confessu, qua discendo, qua dicendo civilem prudentiam adipisci liceat; sed seniores etiam, longeque prudentissimi Senatores illustrium juvenum quasi delectum habere possint, & ex eo numero quoscumque aptiores viderint, designare: ut Senatus mihi horum juvenum academia quaedam, & gymnasium; hi vero juvenes Reipublicae initium quoddam, & quasi seminarium Senatus esse videantur. In horum igitur numerum cooptatus *Andreas*, vultu, sermone, sententia, expeditoque consilio supra quam dici possit admirabilis, totum se, quantus erat, brevi tempore explicuit; atque id eximiae suae virtutis specimen dedit, quo non magnam modo de se famam, & opinionem fecit; sed concitatum quam maximam expectationem visus est etiam longo intervallo superasse. Etenim in agendo, tractandisque hominum ingenii jam tum senilis quaedam in eo maturitas apparebat; nec in magnis, arduisque negotiis capeendis alacritas, nec in gerendis consilium deesse comperiebatur.

Vix autem magno, atque amplissimo munere pro aetate perfunctus, cum gravissima etiam de capite, fortunisque hominum judicia intus, ut ajunt, & penitus in cute statuisset cognoscere, atque ita in civem perfectissimum, & numeris omnibus absolutum judicem evadere, VIII. idus novembris ejusdem anni XLvir creatus est, ut, quam prudentia, & eloquentia, atque doctrina sibi comparaverat, in praeclaro quoque gravitatis, & justitiae studio famam, nec frustra, quaereret. Habent, quaecumque in forenses controversias vocari possunt, singula proprios judices suos, a quibus tamen omnibus ad collegia, conciliaque iis destinata provocare licet. Haec Quadraginta viralia sunt numero tria. Ad primum sententiarum fere omnium, quae quingentorum aureorum summam excedunt, quaeque ab urbanis magistratibus feruntur, aut ab iis, qui in suburbanis, *ducatus* nomine appellatis, jus dicunt.

cunt, provocatio spectat, quod *civile vetus* vocatur. Referuntur ad alterum quae in cuncta Reipublicae ditione terra marique judicantur, si eandem vim aureorum quingentorum superaverint. Hoc *civile novum* appellant. Tertium vero de iis cognoscit praecipue, quae crimina attingunt, ideoque capitale, vulgo *criminale* dicitur. Horum omnium conciliorum insignis est auctoritas, atque in judiciis exercendis integritas, & sapientia singularis. Reipublicae vero dignitatem, & maiestatem excelso throno, in quo confident sui cuiusque concilii praefides, quos *Capita* vocant, sententiarumque auctoritate repraesentant. Contra eas namque, si ratae, atque ex legum praescripto latae fuerint, ne hiscere quidem cuiquam fas est; & quidquam sanctius, atque augustius in tota Reipublicae administratione vix existimatur. Hisce in conciliis, qui extra ordinem suffecti non fuerint in aliorum locum, biennium agere summum possunt, cum post octo menses XLviri, qui *civiles novi* vocantur, in *civile vetus* continuo transeant; tandemque post menses totidem XLviri capitales evadant. Hisce vero & Senatus ingrediendi, ac in eo ferendi suffragii, quod praeclarum inprimis, & eximium habetur, jus datur. Neque tamen haec ipsa concilia cuiquam quo minus alios ad magistratus provehatur, impedimento esse possunt, antequam in capitale concilium cooptetur.

Andreas ergo primum (a) in *civile vetus* adscitus, cum iusti, & aequi tenax periculo factio ostendisset, se doctrina quidem, & facundia in paucissimis esse; virtute vero, & integritate supra ceteros eminere, octo dumtaxat mensibus elapsus, (b) Illvir Auditor novus sententiarum renuntiatus est; honestissimum sane munus, & quod ego inter Reipublicae maxima haud iniuria posuerim. Etenim quicumque in Reipublicae provincia qualibet judicantur, ad Illviros Auditores novos provocare possunt, sicuti ab urbanis magistratibus ad veteres Auditores totidem: quibus omnibus aut provocantem a se rejicere, aut adeundi suos XLviros copiam facere est integrum. Cuicumque etiam est opus Auditorum auxilium, literas ab iis flagitat, facileque impetrat, per quas magistratibus universis in provinciis mandant, quidquid iustum, & legibus atque juri consentaneum videtur. Quod sicuti immensi, ac prope infiniti est operis; ita iustum cum primis, & salutarem, sed prudentem, atque etiam peritum iudicem requirit; idque eo magis, quod unius tantum sententia aut provocationem, aut literas ratas habet, quamvis alii collegae omnino dissentiant. Hoc sane in munere *Maurocenus* praeclare ostendit, neminem aut iustius, quam gravem virum, aut prudentius, quam doctum imperare posse. Etenim grato, ac pleno dignitatis aspectu summa acquirat ius dicere, tueri ab injuria infirmos; facile cuicumque, datis literis, opem ferre; facilius, ubi magistratui, ut solet, verba data cognosceret, auferre suffragium: uno verbo magistratum illum ita gerere, ut propter hoc ipsum valde celebre, & memorabile nomen ejusdem in foro adhuc viveat.

Obtinuit etiam dignitates ex earum numero, quae annuos Reipublicae fructus curare consueverunt; quaeque ad publicas impensas faciendas attributae sunt, ut nullum prorsus extiterit muneris in civitate genus, quod non obivisse, aut

(a) in *civile vetus* adscitus) Immo in *civile novum* adscitum fuisse invenio in citatis comitiolum commentariis.

(b) Illvir Auditor novus renuntiatus est) Nimirum anno 1384. postridie nonas jul.

aut non attigisse saltem videretur. (a) *Provisor* itaque, ut ajunt, officii praefectus anno M.D.LXXXIX. & M.D.XCI. (b) *Rationibus*, ut dicunt, veteribus; iis in magistratibus publicas res tractavit, ut suas, manus ab ipsis, ut ab alienis, abstinuit: ubi vero ex legum praescripto pecunia quaedam pro rata portione, ut fit, illi obveniebat ex iis, quae vel a tardis nominibus, vel ab aliis inflictae poenae nomine exiguntur, donabat lubens fere cunctis quidquid sibi obtigisset: cum veram virtutis vim esse diceret non solum illicitis, sed licitis etiam in rebus liberam se, & invidiam praestare, nec ullo publico quaestu commiseri.

Sic virtutis commendatione verius, quam suffragiis elatus, cum novos semper honores, & majora praemia perpetuis in Republicam officiis suis promereretur, anno M.D.XCIII. prid. kal. (c) *aprilis* creatus est Illvir *Advocator communis*: cujus ampla, & permagna Venetiis potestas, & dignitas, quippe cui universa prope Respublica permittitur. Jus ille dicit sive ex crimine causa constet falsi, perjurii, & corum, quae vi, clam, ac dolo malo aguntur; sive ex controversia de iis, quae Princeps benemerentibus civibus elargiri solet: Reorum quaestionibus praest, contra quos etiam apud XLviralia concilia causas agit. Ad eum provocant quicumque in Reipublicae ditione, atque in ipsa urbe judicia criminum, aut magnarum rerum contra se lata injusta, aut irrita arbitrantur. Collegia quotquot sunt in Republica, et iam sanctiora, ingreditur, atque egreditur, pro voluntatis arbitrio. Senatus consultis, & Xvirum decretis, legibus omnibus, cum libet, quasi tribunicia potestate intercedit. Quaeque Auditor civilibus in controversiis, eadem *Advocator* in criminibus jure suo agit. Quod autem peramplum, & honestissimum est, quaecumque judicem proprium habere non videntur, aut magnam quamdam auctoritatem praecipue requirunt, ad ipsos Illviros *Advocatores* deferuntur, qui purpurea, vereque senatoria toga, incessu, & majestate tantae Reipublicae decus, & publicam dignitatem sustinent, nec non praesferunt. Ad hoc igitur munus praeclarissimum *Maurotenus* cum eximiam eruditae facundiae laudem, firmissima latera, & gestum oris decorum attulisset, ex historiarum, & civilis doctrinae cognitione singularem orationibus gratiam, & venerem adjugebat. (d) Quod vero summae prudentiae fuit, ingenitaeque probitatis, iniquioris causae nunquam defensor, tanto nativi sermonis candore Patrum animos demulcebat, ut eos in quam vellet partem facile pertraheret; quippe qui tam acri, quam solitus erat, oratione, quamvis non contenderet, auctoritate tamen ipsa vehementer promoveret, ac fide. Dicebat vero forensi stylo, copiose, ac dilucide, & lingua celeri admodum, ac volubili; sed partite, distincte, necnon verbis propriis: ut magnam eloquentiae suae famam egregie sustineret, & auget in dies, ac majorem faceret; negotiumque nullum fere susciperet, quod non ad opta-

d 2 tum

(a) *Provisor officii* VIII. kal. quintid. anno 1589.

(b) *Rationibus veteribus* Idibus dec. 1591.

(c) *prid. kal. aprilis*, &c.) *Mauroteno* gravissimus hic magistratus demandatus est pridie kal. mart. non autem april. anno 1594. qui more Veneto adhuc erat 1593. Ita comitiarum ejus anni commentarius.

(d) *Quod vero summae prudentiae*, &c.) Qualem se in hoc magistratu gesserit *Maurotenus*, declarat ejus laudator *Palaetophilus*. „ Hunc magistratum, qui iustitiae fundamentum est, sic administravit ac gessit, ut tam benignum, quam justum & probi, & improbi experientur. Non illum illius argento hamus cepit: non opertus laqueus praeda irretivit: non dignitas, non munera illius, non dicam frangere, sed ne flectere unquam potuit a recto, &c. ”

(a) *Jo-*

tum finem, exitumque sua facundia perduceret. Porro admirabili severitatis, & clementiae temperamento iustitiam coluit; in proditores acerrimus, cum in reliquis criminibus puniendis exorabilem se, lenemque facile praeberet. Collegarum munia rogatus obsequio verius, quam ambitione adductus minime refugere, facilitate, & suavitate morum aequales allicere, inferioribus, ac egentibus praesto esse consueverat. In foro autem, ubi aliquando simplicitas calliditate, pudor impudentia, facundia verbositate, & veritas mendacio vincitur, aures ipse omnibus, nemo ipsi verba dare poterat. Ex hoc itaque munere veluti gradu facto, cum honores summos, tum quae summos parit honores, incredibilem benevolentiam sibi civium omnium peperit.

Quapropter statim (a) inter *Sapientes* adscitus fuit, quos *continentis* appellant, ex eorum numero, quibus Reipublicae gubernacula committuntur. Hi namque in excelsio Ducis Collegio consultant omnia, praecipue vero quae milites attingunt, & Reipublicae ditionem in continente, unde eis nomen inditum: leges quoque in Senatu rogant, & alia simul amplissima munera obire solent. Horum in collegium adhibitus *Andreas*, concitatum illud, & forense orationis genus, quo *Illvir Advocator* usus fuerat, mirum quantum immutavit. Etenim cum nihil vulgare, aut exiguum agitare animo, senatoriam indutus gravitatem, non rerum tumore, & sententiarum vanissimo strepitu, non mellitis verborum globulis, distisque quasi papavere, & sesamo sparsis; sed gravi, solida, & maxime nervosa oratione exactae prudentiae, atque senatoriae facundiae nomen consecutus est: cum nullus omnium vel suavi, blandoque sermonis genere alliciendis animis, vel concitato verborum fulgure perterrendis efficacior, atque vehementior existimaretur. Nihil autem antiquius unquam duxit, quam in rebus tractandis eam fidem, & animi fortitudinem egregie tueri, quae a boni civis officio, constantique erga Rempublicam studio nentiquam recederet. Quo factum est, ut cum arduum valde sit hominum expectationi jam excitatae semper respondere; semper ille tamen, ut in ceteris fecerat dignitatibus, hominum de se opinionem facillime superaret: gratissima vero patria tanti viri spem in honoribus tribuendis vinceret, cum ei non solum (b) tres continuos annos per vices idem munus permitteret; sed etiam (c) *Illvirum Advocatorem*, (d) non petentem, sed ne cogitanti quidem, iterum crearet; (e) eodemque anno, qui fuit M.D.XCVII. quod ejus praecipua in excelsio collegio egeret opera, optaret (f) quartum *continentis Sapientem*, moxque insequentibus annis tam frequenter,

(a) Inter *Sapientes* adscitus fuit, quos *continentis* appellant. Anno 1595. XII. kal. april. primum inter *continentis Sapientes* *Andreas* cooptatus est.

(b) tres continuos annos, &c. Idem etiam munus *Mauritano* Senatus detulit iterum anno 1596. V. kal. april. tertium autem anno 1597. pridie eisdem kalendas.

(c) *Illvirum Advocatorem* . . . iterum crearet. Iterum creatus est *Illvir Advocator* anno 1597. VII. kal. nov.

(d) non petentem, &c. Hic (nempe *Sapientum* eorum maneri, qui continentem moderantur) tanta fide, vigilantia, integritate, sapientia praefuit, ut legum denuo *Tribunum* creaverint NON PRENSANTEM, NON PETENTEM. Palazz. in Paneg.

(e) eodemque anno, &c. Anno 1597. tertium adscitus inter *Sapientes continentis Mauritanus*, ut diximus, non quartum. Ita ex comitiorum commentariis.

(f) quartum *continentis Sapientem*, &c. Quartum igitur hoc munere perfundus est anno 1599. cum pridie kal. apr. renunciatus esset.

ter, (a) ut denique undecimum, quod perpaucis accidere solet, coactus fuerit capessere hanc partem Reipublicae.

Anno tamen M.DC. VIII. kal. octobris, (b) in Senatum lectus est, cum praeclarissimorum in *Maurocena* gente civium ob ingentem numerum, qui ad senatoriam dignitatem pro meritis aspirat, difficillimum semper fuerit, maximeque operosum in eum gradum conscendere. Cautum enim legibus est, ne plures quinque ex eadem gente in Senatum legantur. Quamobrem cum multae familiae, plurimique lectissimi viri e *Maurocena* gente tamquam ex equo Trojano prodeant, ipsa virtutis, & meritum copia difficilem sibi implet ipsi reddunt ad Senatum aditum: quem tamen *Andreas* ipse facillimum habuit, cum senatoriam prudentiam singularem, praecellentis doctrinae praesidio, & multo rerum usu constitutam gereret, magnique animi, & praestantis ingenii documenta quotidie daret, quae gratiam illi apud omnes conciliarent propter egregiam opinionem, admirationemque virtutis.

Ad supremum itaque honestissimae famae decus, & incredibilem auctoritatem evasit in gravissimis rebus; cumque inter principes viros jure quodam suo censeretur, (c) eam obtinuit brevi dignitatem, quae inter primas Reipublicae habetur ab omnibus, nec minus re, quam nomine magna *Magni Sapientis* nomine designatur. Hi pariter atque ii, quos *Ordinum & Continentis* vocari diximus, Senatorum suffragiis eliguntur; sed numero sex, & vero ex iis, qui in Senatu ipso principem locum obtinent, longoque rerum usu, & maximis in Republicam meritis ceteros omnes multum post se reliquerunt. His ipsis, ubi tantam dignitatem semel adepti fuerint, (d) senatoriam vestem nunquam deponere fas est, quod etiam *Consiliarii* contingit inter

cos

(a) ut denique undecimum, &c.) Siquidem inter *continentis Sapientes* cooptatus etiam est annis 1600. V. kal. apr. 1601. prid. kal. apr. 1602. III. ante eisdem kalendas; 1603. prid. kal. jul. eademque pariter die annis 1604. 1605. ac denum VI. kal. sept. anno 1637.

(b) in Senatum lectus est) Terdecies in Senatum lectus est *Maurorenus*, ut testantur citati saepius commentarii; eum per alios annos amplissimorum magistratuum, quos gerbat, causa in Senatu nihilominus cum suffragii jure admitteretur.

(c) eam obtinuit dignitatem, quae... *Magni Sapientis* nomine designatur.) *Magni Sapientis*, quem etiam *Sapientem consilii* vocamus, amplissima dignitas primum delata est *Mauroreno* anno 1605. postridie kal. oct.

(d) Senatoriam vestem nunquam deponere fas est) *Andreas* nostri aetate consuetudo adhuc illa Venetis obtinebat, ut qui semel *Consilii Sapientis* aut *Consiliarii* fuisset, praeterea qui equestriis ordinis insignia consecuti essent, totius vitae tempore vestem laxis, & ad terram fluentibus manicis gestarent, quam *ducalem* vocant, ideo fortasse, quod taliter manicatam vestem primum soli *Duci* ferre mos fuit. Quam plurimi propterea ex patriciis erant, qui ita induti incedebant. Anno itaque M. DC. XXXVI. *Andreas Maurorenus*, *Pauli*, qui *Andreas* nostro frater erat, filio, ac Antonio Venerio, *Consiliarii*, nec non Joanne-Baptista Fuscarenis, ac Joanne Cernovichio, qui inter quadraginta virales consilii *Capita* erant, referentibus, *Majus Consilium* iussit, ne cui per totum vitae tempus *ducalem* vestem indui, praeterquam aedia sancti Marci Procuratoribus, Principis fratri, ejusve filio natu maximo, ac Magno Cancellario, liceret: ceteri, abdicato magistratu, laxioribus etiam manicis vestem, quae magistratus insigne est, exercent. Equitibus interiores vestes purpurei coloris, communis tamen alia patricii toga superinducta, togae vero praecingendae zonam auro praetextam, aureisque bullis, auro quoque praetextam *solam* gestare, permissum esset: *solam* vocamus vulgo, patriciae vestis brevem appendicem duabus ferme ulnis longam, dimidia latam, non illi quidem assutam, sed dividuam, quae expansa ex capite, cui tegendo antiquitus, ut narrant, evellus erat, in finistram humerum dejecta est. Hanc auro praetextam, ordinis insigne, nostris etiam temporibus Equites ferunt; vestium purpurearum usu interjectis temporibus sponte sua interire, abrogante nemine. Id memorant *Baptista Nanus Historiae Reipublicae Venetae* tom. priore, & *Alexander Vianulus Historiae Venetae* parte altera, ad annum 1636. Qui insuper narrant, mitius censuisse,

cos magistratus, qui certo temporis spatio definiri solent; ex iis autem, qui perpetuam obtinent dignitatem, *Procuratoribus* divi Marci, Equitumque ordini conceditur; praeterea nemini. Senos hi menses, ut *Sapientes* alii, minus obeunt; quod si recte, atque e republica sapienter gesserint, iterum, ac saepius per vices idem, sed electi, subeunt. *Andreas* vero cum anno M.DC.V. V. idus octobris ad excelsum hanc dignitatem pervenisset, eamdem etiam posterioribus annis, dum sapientissimi, atque prudentissimi civis opera Respublica egeret, usque ad annum M. DC. XVII. (a) undecimum summa cum laude consecutus est, tanto Reipub. fructu, & cunctorum Senatorum applausu, ut supremis vitae suae temporibus, cum semestre tantae dignitati obeundae spatium legibus definitum esset, totidemque intervallum mensium expectandum foret, ne tamen hujus viri exacta prudentia, & spectata virtus in excelso Collegio tamdiu desideraretur, id consilii a sapientissimis viris initum fuerit, (b) quo *Sapiens* continenti praefectus eligeretur: titulo quidem infra *Magnos Sapientes*; re tamen ipsa, si publicum spectetur iudicium, supra eximias quasque dignitates. Atque ita, quod perpaucis admodum contingere consuevit, bonorum omnium consensu *Mauroceno* tributum est, ut non per vices, quemadmodum cives alii solent; sed continuo, & sine ulla intermissione, suam operam praestaret Reipublicae.

Qua de causa (c) *Consiliarius* etiam anno M. DC. X. dictus est. Quod munus, ut relinqueret aliis locum, amplius non quaesivit. Verumtamen XXIV. continuos annos, qua *Continentis*, qua *Magnus Sapiens* & *Consiliarius* in purpura semper, cui tantis virtutibus splendorem addebat non vulgarem, ad Reipublicae clavum conspicuus resedit, ne quam officii intermissionem facere, aut pati videretur.

Tanta vero floruit sapientiae opinione, ut non modo cunctorum belli, pacisque consiliorum particeps, quae dignitatis, & honoris illius partes erant; sed saepius quoque autor, gravissima quaeque Reipublicae negotia summa cum gloria tractaret, ac prospere conficeret. Cum vero tantam dignitatis accessionem sibi factam perspiceret, vir suavi quadam comitate cunctis ordinibus semper carus, nescio quomodo benignitatem quoque auxisse visus est; ut egregia quadam ratione modestiam cum animo praecelso, cum mansuetudine maiestatem temperaret, & raram faceret gravitas cum humanitate mixturam, nullique difficilem, aut morosum unquam se praebere; immo vultus alacritate, & blandi sermonis efficacia eos etiam, qui repulsam patiebantur, laetos a se dimitteret. Quamobrem saepius idem stadium percucurrit, repetitis, ut fieri solet, ejusdem honoris vicibus, in quo sibi ipsi tamquam

---

fuisse, ipsum Reipublicae Principem Franciscum Ericium; Franciscum Basadonnam, Joannem Pisani, Dominicum Ruzzinum *Consiliarios*; ac Franciscum Barbadicum, ex quadraginta viris consilii *Capitibus*; eosque *Majori Consilio* nequidquam auctores fuisse, ne se rogati, nisi lenita nimis invidiosae legis severitate pateretur; latae vero contra eorum sententiam legi intercedere etiam frustra conatos esse *Advocatores communis*, ut appellant, Hieronymos Trivisanum ac Pisaurum, ac Marinum Bragadinum.

(a) *undecimum consecutus est*) Accipe temporum seriem, quibus deinceps hac tanti in Republica momenti dignitate ornatus est *Andreas* noster. 1606. III. kal. ocl. 1608. XVII. kal. maj. 1609. III. kal. apr. 1611. III. non. dec. 1613. prid. kal. jan. 1614. 1615. eadem die; & 1616. V. kal. jan. 1617. III. ante easdem kalendas.

(b) *quo Sapiens continenti praefectus eligeretur.*) Incidit hoc in diem VI. ante kal. sept. anno 1617. ut supra innuimus.

(c) *Consiliarius anno M.D.X.*) XI. kal. sept.

-(a) Xvi-



quam alteri aemulabatur, quaedamque rerum gestarum ad gerenda contentio fieri videbatur; cum melior semper prudentiorque haberetur consultor, cum etiam prudentiorem, ac meliorem omnino fieri non posse crederes, & virtutis clarissimae admirationem verteret in stuporem. Siquidem ita cuncta praedicere videbatur, ut qui prudentissimum vocaret, minus diceret, quam deberet, quamque veritas ferret. Quae autem fuerint acta in gravissimo, atque celeberrimo illo orbis terrae Senatu, totis XXIV. annis, quibus *Maurocenus* eidem praefuit verius, quam interfuit, *Historia* ab eodem elegantissime perscripta satis superque declarat. Quam vero ipse partem iis in rebus secutus fuerit, cum ipse nusquam in animum suum induxerit, quas frequenter habuit gravissimas, & celeberrimas conciones, in vulgus dare; sed alios potius, eisdemque sapientissimos Senatores placitorum suorum fecerit autores; non mihi videtur aequum modo ea particulatim narrare, quae ille ne verbo quidem annuere voluerit. Detur igitur sapientissimi Senatoris aut modestiae, aut prudensiae, aut certe non dubiae voluntati, quod cum ipse actorum fere omnium consultor fuerit, nescire tamen posteritas ex *Historia* illius valeat, quam in partem propenderit, & sententiam dixerit: illud certo sciant omnes, nihil unquam illi sanctius Reipublicae dignitate fuisse; omnia duxisse libertate posteriora. Honores quippe satis tempestive adeptus, iisdem semper artibus exercuit, quibus adeptus erat per omnes gradus ascendens; quo vero celsiore loco viri egregii posita sunt & virtus, & pietas; eo etiam clarius, & splendidius in Republica enituit, dum ille *Sapiens magnus*, & *Consiliarius*, qui duo magistratus amplissimi omnium, atque summi habentur, in excelso Collegio, tamquam in specula collocatus, quam longissime prospicere, Remque publicam sua vigilantia, ac pietate ab omni perturbatione vacuum reddere sui muneris esse iudicaret.

Magnum est in Republica nostra, ac fortasse omnium maximum (a) Xvirum Concilium, in quo una cum Xviris Princeps ipse, atque seni *Consilarii* Principi assidentes, non modo in atrocioribus criminibus jus dicunt; sed etiam quaecumque ad Reipublicae quietem spectare maxime videntur, auctoritate vere suprema decernunt, ac sanciunt. Scribas Reipublicae a secretis ex altero eodemque honestissimo civium ordine cunctos creant. Patriciorum cuiusvis generis omnes culpa ab ipsis praecipue & cognoscuntur, & plebuntur. Quod si cives regere, quam hostes vincere praeclarior est, atque clarissimum, aut exercituum imperatores partis victoris, parare sibi Decemviros credendum est. *Maurocenus* autem hoc in concilio non unam, aut alteram; sed leges Decemvirum omnes ex concilii totius consilio, una cum Francisco Contareno, Equite, ac divi Marci Procuratore sapientissimo, atque clarissimo Senatore, digessit, composuit, ac e tenebris ferme, & squalore in lucem restituit; magnumque illud opus permagni usus, atque fructus tantis Senatoribus debet ferre acceptum Respublica. In iudiciis vero cum magis ad lenitatem, quam ad severitatem natura propensus esset; severior tamen iudex existimabatur. Res enim publicas duabus praecipue rebus contineri, praemio, & poena frequenter in ore habebat: proinde neque rationi, neque iustitiae convenire magnum illud Xvirum concilium, quod gravissima

tan-

(a) Xvirum Concilium, &c.) *Maurocenus* ter in sanctissimum Xvirum Collegium allectus est: primum scilicet anno 1606. III. non. dec. iterum anno 1615. X. kal. sept. tertium 1617. VIII. id. sext.

(a) *Crean-*

tantum, ac atrocissima quaeque delicta punire solet, ad humanitatem, & indulgentiam traducere: cum magna scelerum facinora non solum ad poenam, sed multo magis ad exemplum, atque adeo metum conspicuis, atrocibusque suppliciis ex usu Reipublicae debeant jure vindicari. Non tamen ipsi, quod aliis fere semper contingit, severa virtus vel comparavit pro laude probrum, vel odium, aut invidiam peperit pro gratia: immo vero, quod arduum apud mortales in primis accidit, cum summa gloria benevolentiam quamdam singularem, omniumque civium studia numquam non conciliavit. Sciebant enim omnes, integerrimum virum delicta cuncta non odio dumtaxat habere, sed acerbè etiam castiganda, & coercenda ducere; nihilominus quosque reos, ac fontes acerbò cum animi sensu fere invitum punire.

Multas praeterea, easdemque maximas dignitates obtinuit, quas nimis longum esset singulas referre, sic omnes honorum ordines, & gradus nemisus, ut in dies majori laude cumulatus ad majora conscenderet. (a) Creantur, cum Princeps diem obiit, emendandis, si quid opus est, legibus Vviri, qui

---

(a) *Creantur emendandis legibus Vviri.* ) Trium diversorum magistratuum hic, & Insequenti oratione mentio fit a *Craffo*, quorum inter se discernimen paucis juvat subjicere. Primus, qui paulo post initum novi Ducis principatum, non autem cum *Princeps diem obiit*, creatur, Vviri est *legibus corrigendis*. Eorum munus satis lucide hic *Craffus* exponit. Alter est *Ducis promissioni corrigendas*. Vviri pariter gerunt, il vero statim a Ducis obitu, interregni tempore creati; qui leges ad Ducem spectantes emendat, ipsas abrogantes, derogantes, subrogantes, ut opus videtur: quas servaturum se quoniam Dux recens salutaris, iurejurando interposito, *promissus*, iisdem *promissio ducalis* nomen vulgo est factum. Vviri autem officio perfuncti, magistratu se se abdicant. Tertius Illviri est *Quaesitorum*: vulgus *Inquisitores* dicit. Interregni tempore & hi creantur. Eorum munus est, in vitam demortui Principis *inquirere*, ac de servata *promissione* cognoscere. Hinc aliquando contingit, ut multa ejus hereditibus irrogentur. Vide *Franciscum Sanseverinum* ad caleem libri XI. descriptionis Venetiarum, vulgo *la Venetia*. Omnes hi magistratus majoribus comitiis, creantur: eorum tamen nullus ulli umquam, praeterquam senatoris viris, prudentia, morum integritate, summorumque magistratuum administratione clarissimis demandatur.

Exstincto Marco-Antonio Memo Principi *Andreas* Illviri Quaesitor datus est anno 1615. postridie kal. nov. At *promissioni ducali* corrigendae Vviratum semel iterumque gessit eodem anno 1618. primo post obitum Joannis Bembi XIII. kal. apr. deinde XIII. id. maj. post obitum Nicolai Donati creatus.

Iisdem Principibus recens inauguratis, Vvir legibus corrigendis ter *Mauracenus* est delectus. Primum Marco-Antonio Memo principatum gerente, anno 1612. X. kal. jan. Iterum 1616. VI. kal. quint. Joanne Bembo principatum ineunte. Tertium post Nicolai Donati inaugurationem, 1618. prid. non maj. Eorum quae tertium Vvir gesserit *Mauracenus*, nihil memoriae proditum est. Etenim Donati Principis obitu primum, mox etiam ipsius *Mauraceni*, qui paulo post Antonii Prioli inaugurationem decessit, nihil memorabile fieri potuit. Contra *Mauraceni* collegarumque acta, Principibus Memo ac Bembo, digesta sunt in *Volume statutorum, legum, ac juris* DD. *Venetorum*, quod prodit Venetiis, typis Pinellianis. 1665. in 4. pag. 290. & 293. 2. Quin etiam conditator per ipsum legem, cum primum hoc magistratu functus est, idem meminit in sua Historia, sub exitu anni 1613. „Domi, ex veteri Reipublicae instituto, cum ab inito Marci-Antonii Memi principatu *quinque* instaurandis *corrigendis* *legibus*, majoribus comitiis delecti fuissent: Nicolaus Donatus, Leonardi Ducis frater: 1. *Alfonsus* Georgius: Leonardus Mocenicus: Antonius Grimanus: 2. *Andreas Mauracenus*: 3. 4. inter se consultatione habita, leges de testamentis scripto, vel in procinctu condendis, de quae dotibus solvendis, majoribus comitiis tulere, quibus Iniquorum hominum malignitati & fraudi obviam itum, &c. „

Alium etiam magistratum anno 1605. III. kal. apr. Senatus suffragiis delatum *Mauracenus* gessit, custodiæ legum praepositus: *legum Conservatorum* dicimus. Alium autem *custodiendis*, alium *corrigendis legibus* magistratum esse, ex ipso nomine apparet: quemadmodum alium esse *corrigendis legibus*, alium *corrigendae promissioni ducali* Vviratum, ex his quae supra dicta sunt, colligi potest: ille enim, quae ad civitatis universae regimen spectant; hic, quae ad Principis

qui non modo legum vitia corrigere, ut nomen indicat (nam *legum Correctores* vulgo nominantur) sed easdem condere, & antiquare novis rogationibus possunt. Id autem praeclarissime Respublica constitutum habet, ut quotiescumque interregnum accidit, cum leges omnes per sapientissimos illos V viros excutiantur, tum eae praesertim, quae Ducis personam attingunt, ubi ufuvenit, novarum legum rogationibus corrigantur. Aliis autem Illviris demandatur hoc munus, qui prudentia, & integritate quam maxime polleant. Accedunt etiam Illviri totidem ejusdem notae, qui in mortui Ducis aeta diligenter inquirent; bene atque ex legum praescripto, an secus se gesserit: qui ex eo, quo funguntur, munere *Inquisitores* appellantur: prudenti sane, atque laudabili maxime ratione, cum diu salva consistere non possit Respublica, nisi perpetua in ea legum vigeat autoritas; neque tyrannus unquam exoriri possit, ubi, circumscripta certis legibus potestate, ex earum, & non ex hominum arbitrio universa geruntur. Has dignitates, ut pleraeque alias, non sibi semel, sed iterum delatas, ac saepius, nunquam fastidivit, cum nihil ex rebus humanis *Maurocenus* praeclarior, quam de patria benemereri arbitraretur; nullumque ex magnis laboribus perhorresceret, nullum ex parvis se indignum existimaret; sed quodcumque Senatus imponeret oneris, alacri semper, atque lubenti animo perferret.

(a) Patavino quoque gymnasio moderando Illvir *Reformator*, ut ajunt, frequenter creatus (hic honos eis tantum viris tribui consuevit, qui egregiae doctrinae nomine commendantur, quique autoritatem, & gloriam maximis in Republicam meritis consecuti sunt) oblatum munus, per se amplissimum, atque celeberrimum, libentius etiam propterea obire videbatur, quod publice in tanto gymnasio literas profitentes (b) non modo cognoscere poterat eruditos homines, sed promovere, juvare, ac ornare facillime.

c

Pro-

pis auctoritatem respiciunt, leges instaurat & emendat: quod fortasse minus a *Craffo* animadversum est.

(a) *Patavino quoque gymnasio moderando, &c.* Patavinum gymnasium, universamque rem literariam ter moderatus. Haec provincia primum illi collata anno 1608. V. id. febr. Iterum 1612. IIII. non. aug. Tertium IIII. non. sept. 1616. quem magistratum cum gereret, vita functus est.

(b) *non modo cognoscere poterat eruditos homines, sed promovere* Quantum ab eruditissimis viris, ex illis praecipue qui in patavino gymnasio publicae docebant, *Maurocenus* noster observaretur ac diligeretur, supra memoravimus. Paucis modo quos ille ad ejusdem gymnasii subsellia promoverit, referemus.

Id *Maurocenus* se debuisse vir eruditione plurimisque editis operibus clarissimus *Fortunius Listerus* ipse testatus est, nuncupato ejus nomini opere quod inscribitur: *De his qui diu vivunt sine alimento*. Quod ad grati animi sui significationem a se factum esse professus est idem *Fortunius* libro de propriorum operum historia, quem edidit Patavii, typis Pauli Frambosi, 1636. in 4. hisce verbis: „Dicavi volumen *Andrea Mauroceni*, Senatori Veneto, qui patavini gymnasii moderator anno M. DC. VIII. cum collegis Triumviris literariis ME. PATAVINAM AD CATHEDRAM PHILOSOPHIAE primum extra ordinem VOCAVERAT atque traduxerat. „Toties laudatus Bellunensis Episcopus ita epistolam ad *Litterum* exortus est, pag. 209. „Magno non ita pridem recte studii erga te mei, eodemque „sponse tue in me amoris, sum privatus *Andrea Mauroceni*, utriusque nostrum cupidissimus, &c. „

Anno 1617. prid. non. oct. juri canonico horis vespertinis docendo ut praeficeretur, operam dedit, *Alexander Synchritus*, qui a *Tomasino* dicitur, vir omni laude dignus, & inter juris professores primarius, consilii & voce toto orbe celeberrimus. „Adi *Lellinianus Epistolas*, pagg. 1. ac 22. nec non *Mauroceni Opuscula* pag. 230.

*Mauroceni* quoque praecipue opera *Joannes Prebottius*, vir doctissimus, quemque ille plurimi faciebat, honestissimo stipendio conductus est, ut *simplicia* in hortis patavinis ostenderet,

*Procuratoriam*, quam vocant, dignitatem, quae, si Principem exceperis, primas obtinet, idcirco non obtinuit, quia nunquam petit: neque illa solet unquam tribui, nisi candidatis; nec ipse candidatum profiteri voluit, ab omni ambitione quippe longe remotissimus.

Qui tamen eminentissimum locum occupant, honorumduo gradus, Ducis, & sacri Praefidis, sive Patriarchae; ii *Mauroceno* utrique haud quaquam petenti, immo netale quidquam suspicanti, parum abfuit, quin obtigerint, ultro demandati. (a) Etenim anno M. DC. XV. cum in Matthaei Zanis, Patriarchae sanctissimi, locum Venetum de more civem sufficere oporteret; solerentque Patres Senatorem aliquem designare illustri pietatis, & doctrinae laude celebratum: *Maurocenus* inter ceteros, licet *continentis Sapiens*, neque adhuc maximis illis, ad quas paucis post mensibus pervenit, dignitatibus functus, suffragatorum multorum voluntatem, immo civitatis universae studium in se unus converterat. Ita certabant in eo virtutes omnes tanto fastigio dignae, scientia, facundia, mores integri, & quae primas agit, innocentia vitae, atque in Deum Optimum Maximum pietas singularis. Neque certe illi tantam veluti de manibus eripere dignitatem quispiam praeter eum poterat, qui tum creatus fuit, Franciscus Vendramenus, Senator amplissimus, qui deinde a Paulo V. Pontifice Maximo Cardinalis est dictus.

(b) Anno vero M. DC. XVIII. qui postremus ejus vitae annus quoque fuit; cum in Duce eligendo, qui Joanni Bembo succederet, electores inter se haud facile convenirent, eosque commemorare pergerant, atque nominare, qui etiamsi candidati non flagitabant, tam excelsum tamen honoris apicem merebantur: ipse quoque relatus est facile in eorum numerum, cumque suffragiorum numerum obtinuit, qui virtutem, & maxima in Republica viri merita testaretur, & aequae rerum aestimatori cuique facillime ostenderet: cum ille, audita re, subridens, *Laetari se multum*, diceret, *habuisse Rempublicam non solum Nicolaum Donatum, qui Principi renunciatus tandem fuerat; sed alios etiam quamplurimos qui sibi praeferrī possent: oportere cives probos nullius ambitionis, sed unius Reipublicae rationem maximam habere, ut dignioribus ceteri semper non gravate concedant, & oblati etiam magistratus respuatur constanter, si minus rei gerendae nos optos sentiamus; atque adeo, si res ita ferat, deponatur o-*  
mine,

---

ret, ut *Tomasius* affirmat in *Elogiis virorum literis & sapientia illustrium*, cum *Provetii* elogium assert. „Viro cl. *Prospero Alpino* jam satis defuncto, *Andreas* potissimum *Mauroceni*, ni consilio horum iuxta publici cura, additis LX. florenis, ipsi (*Provetio*) committitur. „Ex *Mauroceni* epistolis quae exstāt pag. 235. ad *Provetium* data, ipsi hanc novam provinciam demandatam videtur gratulari.

(a) Etenim anno M. DC. XV. Senatus novo Patriarchae in locum Matthaei Zanis creando habitus est V. kal. sept. anno M. DC. V. odo autem M. DC. XV. ut *Crausus* narrat; sed typographi errorem puto. Centum & septem suffragia *Maurocenum* creantur. Praelatus nihilominus illi est Franciscus Vendramenus, centum triginta tribus suffragiis creatus.

(b) Anno vero M. DC. XVIII. Joanni Bembo extincto cum Principem succeduri unus & quadragesima electores convenissent, ea fuere inter Patres certamina, ut quomvis suffragia iuris VIII. kal. april. coepissent, nonis tantum april. subrogato Nicolao Donato, conventus dimissus sit. Quinquies & tricies inita suffragia sunt: clarissimorum procerum nomina calculis subiecta, inter quos *Mauroceni* nostri habita est ratio. Cum enim III. kal. apr. decimotertio suffragia inirentur, primo *Maurocenus* novem suffragiis probatus est: duodecim deinde, cum III. non. apr. jam viciesimonoio in suffragia iretur: postea duodecim, cum prid. non. ejusdem mensis sessi certaminibus Patres tricesimoquarto ad suffragia essent vocati. Neque aliud certe tanto Senatori obfuit, quomodo Reipublicae Princeps renovaretur, quam novodum matura supremo magistratus aetas, qui non nisi confecto maximorum honorum curriculum, valde seorbis deserti solet.

(2) cum

mino, ut praestantioribus viris, & praecipue senioribus, quippe qui magis idonei videantur, permitti queat.

At paulo post, (a) cum tot jam annos Reipublicae causa & in excelso collegio labores maximos subiret, & quae incurrere solent, submissa temporaria perire sine fructu nulla pateretur, sed literarum studiis, & Historiae scribendae daret, (b) sensim debilitatis, ac ingravescente etiam aetate fractis corpufculi viribus, tantis oneribus ferendis diutius par esse non

c 2

po-

(a) cum tot jam annos Difficile dictum est, quibus quantisque, & quam assiduis curis ea Reipublicae pars administraretur, quae ad *Consilii Sapientiae* pertinet. *Alexius Lollinus* datus ad Senatorem nostrum literis, pag. 32. maxime exercitum *Sapientum* vitam ita describit: „Occupationes sane vero publicae *exemplum* Castoris vos reddunt, proceres politici. „Semissis anni cuique integer ita a vobis Reipublicae infumitur, ut vix respirandi otium superfit. Semissis vitae munus sit reliquus, nec ille quidem torus, cui aetatem, cogitationes, quippe pars non quotacumque, sed plerumque potior, eisdem sermone distinetur curis. „Etenim *Maurocerus* per sex alios menses, post abdicatum *Sapientis* munus, gravissimis, ideoque earum plenis magistratibus, ut solet, praeficiebatur, ne umquam vacaret. Propterea aliam ad eum epistolam pag. 33. ita incipit: „Nimium files, vir amplissime, hoc est, ut ego quidem interpreter, NIMIUM TE PUBLICA RES OCCUPAT, cui aetatem, cogitationes, omnes, linguam devovisti. Est te ille *duxor* fortasse fuerit dixisse, cum tu interea concionibus tuis curiam demulceas; gravioribusque curis otium rependis nuper valetudini infumptum. „Quantum tamen vir patriae amantissimus laboris in Reipublicae administrationem impendit, *Maurocerus* ipso luculentius nemo significavit, qui consanguineo & amico suo *Nicolas Constantino*, ut ex ejus *Opusculis* apparet, pag. 209. quicquam ille Patavii fruebatur sibi quoque maxime optans, haec scribit: „Quid vetat (dices) quo minus huc convoces? Ante fatigem narrando, quae melius, quam ego, nosti? Vivendi hoc impleretur curis genus quod perhorresco, fugientem me sequitur, vitaeque meae brevis summam intercipit: expellere si conitatur, tamen ultro recurrit. Quid plura? NULLA MIHI REQUIESA REBUS PUBLICIS, quae nocturnis diurnisque negotiis corpus animumque ipsum deterrunt. „Ideoque epistola etiam ad *Lollinum*, pag. 199. conquestus est, publicis se curis impediri, quo minus affectam *Historiam* suam ultima adnota manu perficeret. „Id unum me mordet, angit, atque excruciat, quod HISTORIAM, quam summis vigiliis fere usque ad haec tempora perduxi, AD UMBILICUM ADDUCERE NEQUEO; neque enim vel semihoram diei ac noctis quietam ducere licet: annuet fortasse meis votis aliquando Deus opt. max. „

(b) sensim debilitatis... ac fractis corpufculi viribus, &c.) Mirum nemini, quod viro tam molestis aliis ex aliis curis implicito, neque ideo a multis alieno ita corpus debilitatum sit, ut aetate in senium vergente multis gravissimisque morbis afflicta fuerit. Primum extremo suae vitae tempore vehemens oculorum dolore affligari coepit. Haec de re ita ad *Prevotium*, medicum celeberrimum, scribit. pag. 201. „Ego, mi *Prevoti*, anni huius initio, cum nondum bene confirmatus ad Collegium accessissem, in graviorem morbum incidi; nam VEHEMENTISSIMIS OCULORUM DOLORIBUS alternis noctibus EXCRUCIOR, quas saepe infomnes trahuco; neque adhuc remedia vincere malum queunt, &c. „Quotannis, statim tempus illud, huiusmodi dolore captum intelligo; siquidem quadam epistola, pag. 214. si bi ait amici *Lollini* literas redditas, „ANNIVERSARIO fere OCULORUM DOLORE LABORANTI, atque in tenebricoso loco sedenti. „Cui epistolae non infertur responsum dat *Lollinus* his verbis, quod inter *Epistolas miscellaneas* exiit pag. 150. quamvis operum incuria sit 350. „Illud medio de fonte tot leporum peramarum fuit, quod te OPHTHALMIA laborasse scribit. Te ne adeo, quem totum oculum esse in Reipublicae, literarumque rebus in primis foret, OCULORUM laboribus tentari? Insuper Asclepiadum cohorti, cuius crimen est, quod tantum doctrinarum lumen tenebras inibat, &c. „Ad oculorum dolorem, alium quoque accessisse, *Lollino* deinde significat *Maurocerus*. „Unde nam exordiar, Praeful amplissime? an a tuis suavissimis literis, an a meis acerbissimis doloribus? Hic animum erigunt, recreant, pascunt; hi corpus deprimunt, torquent, excruciant. Nam cum anni initio ab ophthalmia, quae mirum in modum vexatas fueram, convulsissem, atque iterum ad Collegii pensum redissem, me gravior morbus excepit, quo alternis noctibus CAPITIS OCULORUMQUE DOLORE vehementissime maceror; neque ullis adhuc remediis pertinax malum evincere potuit; medici potius morbi novitate atque obstinatione vincantur. „Non ideo tamen musarum amantissimus virum potuisse amatum

a li-

potuit. (a) Itaque cum in Senatu maximis de rebus semel atque iterum diffinisset, acerrimeque & concitate admodum perorasset, ut in more habebat, continuo morbum ex ingenti labore contraxit; qui levis prius, & nullius fere momenti creditus, brevi in adeo periculofum, & gravem evasit, ut, saeviente atrociter febre, decem dierum spatio os illud eloquentissimum, & sapientissimum aeterno damnarit silentio. Cum autem periculofus aegrotaret, gliscente in dies morbo, sacris, quae ad expiandum animum pertinent, rite procuratis, contractas animi sordes religiose diluit; epuloque caelesti, quo sanctissimum CHRISTI JESU corpus porrigitur, confirmatus, XIII. kal. julii ex hominibus non magis exemptus, quam exaequatus, si hoc fas est dictu, Divis ipsis, immortalitatem recepit verius, quam mortem obivit. Moriens sine ullo vultu, & corporis motu, adeo placide, ac tranquille ex hac vita decessit, ut videretur levi fomno sopitus quiescere: neque sanctius quisquam, aut lenius diem extremum clausit. Neque modo luctus, & lacrymas ordinibus cunctis; sed huic aetati magnum, ac triste desiderium sui, posteris etiam virtutis memoriam sempiternam reliquit. (b) Lugebat Senatus, moerebat equester ordo, plebs erat quasi senio, & squalore confecta; omnis aetas, sexus, & gradus afflictabatur; domus denique,

&amp;

„ aliterarum studiis avocari, ex iis quae sequuntur, intelligo: „ Ex his, quae mea nunc sit  
 „ vitae ratio, cognoscere potes. A publicis negotiis abstinere cogor: sed id in lucro reponere,  
 „ nisi mihi lectione & scriptione penitus interdictum esset. Aures tantum resant, quae  
 „ me auditu exerceant: anagnosce, idest lectore utor, qui labantem quandoque animum le-  
 „ ctione parum operosa, ac utiliori sustentet. „ *Angelo Grillo*, *Casimiro*, epistola, quae inter  
 „ *Opuscula* invenitur pag. 307. aliud etiam anniversarium valetudinis suae vitium *Maurecens*  
 „ narrat. „ ANNIVERSARIO STOMACHI IDOLEDO jam aliquot dies LABORAN-  
 „ ti mihi nihil vel ad leniendos cruciatus opportunum, vel ad constantiam salubrius, tui de  
 „ me memoria accidere potuit, &c.,

„ (a) *Itaque cum in Senatu, &c.*) Extremi illius morbi, quo decessit, causas & vim ita  
 „ describit medicus ac laudator ejus *Palazzolus*. „ Sed dum in Senatu vela in altum pro-  
 „ vehunt, ac multi subinde venti irascendi, dolendi, indignandi abripunt orantem, ex  
 „ multa atque contenta jactatione naufragium fecit. Sic enim incaluit, ut bilis in summum  
 „ corporis effusa sit. Dixi, & quantum in me fuit, contendi, ut decumberet, & per ali-  
 „ quot dies a publicis curis avocaret animum. Satis fraetum, satis confectum esse. *At Se-*  
 „ *natum*, inquit, *cegendum jussi. Salus mea plane mihi invisita, si non sit cum Republicae sa-*  
 „ *lute conjuncta*. O vocem patriae salutarem, &c. Accitus tandem *Amaltheus* (*Ostavius*  
 „ nempe, *Hieronymi* filius, clarissimi viri) ille *Aesculapius*, ille

„ „ *Non non praesentius allum*

„ „ *Auxilium venit*

„ Adhibita a nobis sunt quaecumque studium, industria, ingenium arte, experientia, exerci-  
 „ tatione consequi potest. Sed morbi perviciacia conatus omnes elusit: praefertim cum in-  
 „ commodum uteretur valetudine, & multis studiis atque vigiliis exhaustus, &c. Idcirco defun-  
 „ ctio inspicendi & exenterandi causa dissecto & jecoris, lienis, & pulmonis pars, quae altior  
 „ & editor, sanguine & tamquam spiritu carere jam coeperat. Ad haec \* *ac-*  
 „ *caluerat* ductus, qua bilis in primis ad intestina fertur; ut nulla jam relevare eum, & in  
 „ integrum restituere vel industria, vel remedia possent. Ita divinus ille animos suumum il-  
 „ lum locum & excelsum, plenum stellarum repetit.

„ (b) *Lugebat Senatus, &c.*) „ Luctuosus fuit omnibus illius obitus atque discessus. Te  
 „ enim, *Maurecens* optime ac sapientissime, jam enim te mea haec vox adfuit & alloquitur,  
 „ ubi ubi es; te, inquam, Collegium, quod sapientiae acutissime quasi admirabile reddidisti;  
 „ forum, quod negotiis plenum, controversis perturbatum, jure & aequitate placasti; comi-  
 „ tia, quae facundia & eloquentia derinivisti; Ecclesia, quam religione ac sanctitate ornavisti;  
 „ domus, ubi pietatem; Senatus, ubi fidem posuisti; bibliotheca libris optimis, & undique  
 „ conquisitis instructa; & illa, illa inquam lucerna, socia lucubrationum tuarum, lugere,  
 „ ac patronum suum requirere quodammodo visae sunt. „ *Aurel. Palazzol. in Paneg.*

(a) Ni-

\* forte oc-  
calluerat

& plateae tam beneficium, tam salutarem, & prudentem senatorem deslere videbantur. Fuit omnium cum gemitu ad divi Lucae tumulatus. *Paulus* frater; dicerem ego tantarum virtutum heres, si aut debitas laudes pateretur ejus viri modestia, aut res ipsa palam, quod existit, non loqueretur; hic igitur, quem minorem natu, sed non ulla virtute *Andreas*, veluti filium unice dilexit, veluti genitor ab eo vicissim observatus, sepulchrum de more faciendum, exstruendumque curavit.

Famam quidem tam clari nominis nullus tumulus, nulla unquam teget vetustas temporis, nulla oblivio. (a) *Nicolaus Contarenius*, ejus consobrinius, Senator gravissimus, in Veneta Historia conscribenda Decemvirum jussu confestim substitutus est: vir non modo literis, atque adeo disciplinis omnibus mirum in modum excultus, & eloquentissimus; sed qui pro temporum ratione a musis ad martem desistere, utilemque Reipublicae & gloriae sibi operam militiae, & in castris, ubi (b) summo cum imperio praefectum agit, praestare possit.

Non esset hercle, quod *Mauroceni* formam, atque effigiem referrem, cum illa non tam nobilium artificum expressa tabulis, aut signis, quam alte in hominum praestantissimorum mentibus impressa perenni, ac nunquam intermoriturae gloriae memoria sit jam conservata; (c) *Jacobus* autem nepos, jam ordinem *Sapiens*, ipso ingenuae frontis honore tanti patrum imaginem; sed multo magis moribus, & doctrina ita reseat, ut tam egregii nepotis causa beati *Andreae* manes habeant, unde supra humanae felicitatis fastigium efferre se valeant. Facies fuit illi non multo rubore suffusa; sed quasi repraesentaret animum, decora, modesta, & ingenua: lata frons, promissa barba, oculi hiliores, & venusti; sed qui assiduo literarum studio nonnihil lipitudinis contraxerant, qua vel invit *Andreas* literarum amorem ubique ostentaret: statura breviori, atque humiliori, quam cum elato capitis integumento, foculisque ac incessu incassum augere tentaret: excelsa ingentis animi magnitudine, & tantis virtutibus, veluti cumulis superimpositis, mirum quantum amplificavit, atque in majus extulit. Ita vero natura compa-

ra-

(a) *Nicolaus Contarenius*, ejus consobrinius, &c.) *Amintus Andreas Mauroceni* propterea fuit *Nicolaus Contarenius*. Siquidem hunc *Joannes-Gabriel Contarenius*, *Nicolaus* filius, Senator amplissimus, ex *Paula Mauroceni* susceperat, lectissima femina, *Andreas Mauroceni* filia, ac *Jacobi*, *Andreas* nostri parentis, sorore. *Contarenius* vero, sicuti *Andreas* in *Historiae* conscribendae munere, ita *Nicolaus*, *Andreas* fratri, in *Nicenae* bibliothecae praefectura susceptus est. Anno tandem 1630. januario mense patriae principatum obtinuit. Exstat apud heredes, praestantissimos viros, manu exarata, duosque in tomos digesta *Venetarum rerum Historia*, quam ille ab anno 1597. exorsus, usque ad sua tempora deduxit, sermone italico descriptam. Etiamnum adolescens Venetiis, ex typographia *Joannis-Baptistae Somaschi*, 1576. in 4. librum satis doctum evulgavit *De personarum rerum*; qui editus iterum est *Lynduni*, apud *Franciscum Feure*, 1587. in 8. Vide praefationem ad *Sobolesii* historias. *Nicolaus Contarenius Mauroceni* Opusculorum pag. 102. appellat virum philosophicis disciplinis arantissimum; ubi etiam magnificas ejus aedes Patavii in Vantio sitas luculenter describit, laudatque otium ejus, & cum literatis viris consuetudinem *Lollinus Contarenius* scribens *Epistol.* pag. 56. *Philosophi* cognomentum addit; eque cognomento ait illum communi consensione civium vocari. Habet autem *Andreas Nicolaum*, non tam cognationis, quam amicitiae jure sibi devinctum in primis: quod satis probant eae, quae in istidem Opusculis epistolae occurrunt, pagg. 202. 209. 210. 245.

(b) *summo cum imperio praefectum agit*) Legatus cum imperio in Reipublicae ditionibus ultra Minelium erat tunc *Nicolaus*, Praefectorem vulgo dicimus, quae legatio ipsi fuerat demandata anno 1621. XIII. kal. mart.

(c) *Jacobus*, jam ordinem *Sapiens*) anno 1620. VIII. kal. oct. eam a Senatu dignitatem obtinuit.

ratum est, ut qui nos moyet animus, brevi corpore inclusus, tamquam collecti minori in ambitu viribus, majori virtute membra regere, & facilius ad excogitandum moveri, celeriusque cuncta comprehendere, & explicare videatur. Nos itaque, quando ante oculos obversabitur species tanti Senatoris, tum intelligere debemus, eum, quem jam descripsimus, animum excessum, ingentem in brevi corpore adfuisse una cum tot, tantisque prorsus admirandis naturae, ingenii, & virtutum omnium ornamentis; atque ita cum magni hospitis exiguum hospitium, quod fieri saepe videmus, venerandi admirari.

Reliquum modo esset, ut praeterea apophthegmata, seu breviter quaedam dicta memoriae mandarem, ex quibus longe clarius, & apertius, cum ab intimis sensibus proficiscantur, quam ex oris lineamentis mores hominum judicari possunt; talis enim plurimum hominibus oratio, qualis vita: nec unquam fere alius serio dictis, alius animo color. Enimvero neque nos ea diligenter potuimus colligere, quae collecta integrum, & bene longum volumen exigerent; & *Maurocerus* sermone quotidiano veteribus potius elegantium scriptorum dictis usurpandis, quam recentibus a se excogitatis delectabatur. Nonnulla tamen attingam, perpaucis contentus, quae curiosi lectori satis esse possint. Cum igitur quemdam hortaretur, donum ut recusaret; ille vero nihil jucundius esse diceret, quam rem magni pretii nullo pretio obtinere, subiicit *Andreas*: *At saepe maximum pretium ejus rei existit, pro qua nullum datur.* Cum dolori alter plus aequo indulgeret, tempusque medicinam facturum diceret frequenter: *Vulgus*, inquit *Andreas*, *diu ferendo solet, prudentes diu cogitando leviores facere molestiam debent.* Cum quidam *seleppetti*, ut modo vocant, incertum istum reprehendens, militem, qui satis non collimaret, acriter castigaret, ridens *Andreas*, *An putas*, inquit, *hominem, quia fulmen accipit, Jovem esse?* Nonnulli hominum, Deorumque fidem implorabant, pacis nomine, & specie non semel decepti, cum *Andreas* populos quosdam esse diceret, quibus nihil fidei habendum: cum pacis, & belli nominibus, tamquam munus utantur, non ad fidem praestandam, sed ad arces, & civitates sibi comparandas: meliores certe cum bellum aperte movent, quam cum pacis, & amicitiae nomine insidias tegunt. Cum vero legibus cunctis, necnon magistratibus in omni vita religiosissime obtemperaret, *Nihil hominibus gravius esse, aiebat, quam injuste servire: nihil vero suavius quam juxta parere.* Cum amicus quoddam ejus dictum liberius carperet, & vetus illud usurparet, *Veritas odium parit: Immo*, inquit *Andreas*, *quod in hominibus fieri frequenter videmus, ut nepos avum suum potius reserat, quam patrem; id etiam in veritate usuvenit, ut ea, quae ex amore nascitur, amorem; odium vero parere solet, quae oritur ex odio.* Amicorum offensiones, non aurificis trutinis, sed quadam amoris lance ponderandas, affirmabat. *Blaterones* quosdam, & qui nihil penitus tacere possunt, *basilorum* pessimum esse genus quoddam, praedicabat: *Quid enim gravius hominem sibi ferre posse, cui tacere grave sit, natura cuique levissimum?* Divinas preces aliquando altius domi recitabat: cum amicus argueret, ille vero statim: *An igitur te, rogaro existimas, quae palam etiam non possum?* Cum virum quemdam nobilissimum solaretur, dixisse illi memini: *Ut sumus non nisi alta, atque summa petit, se ambitio, qui sunt in altissimo loco, praecipue persequitur: verumtamen quo petit altiora, aequae ac sumus, eo citius evanescit.* Hoc veluti oraculo huic descriptioni finis imponendus: tanti vero Senatoris illustis memoria grata cum recordatione perpetuo celebranda, ut amplissimo civi, tam praecclare de Republica merito, si non meritis par gratia, ac certe pro viribus nostris debita referri videatur.

LE.



## LECTORI.

**A**NDREAE MAUROCENI *Vitam duos aetatis suae clarissima lumina, ipsi aequales atque amicissimi curarunt: Aloysius Lollinus, Bellamenfis Episcopus; & Nicolaus Crassus. Utramque in hac nova ejus Historiae editione daturus, quam Crassus exposuit, praemissit, cum uberius mihi visa sit, ac ex ea lucidius appareat, qui cum privatim tuam publice tantus vir fuerit. Accipe nunc alteram, Lollini opus, quae priorem quoque Historiae editionem praecit. Neque enim committam, quod toties in aliis jure reprehenditur, ut aliquid eorum desiderari hic velim, quae primum excusam historiam ornant. Satis praeterea huic Lollini laborem commendant sermonis elegantia; stili etiam, nisi forte alicui supra hujusmodi scriptoris genus exsurgere videatur, juncta suavitati granditas; sed praecipue clarum auctoris nomen, ac ea, quae ab ineunte adolescentia cum Mauroceno nostro ipsi intercessit necessitudo, quam morum similitudo facile inter eos conciliavit, eorumdemque studiorum communio. Si qua cupis mutuae inter tantos viros amicitiae testimonia, adi Lollini Epistolas Miscellaneas, quarum baud paucas ad Maurocenum datas invenies, plures etiam ad alios, ubi Mauroceni mentio saepissime recurrit: adi lucubrationes illas, quibus amici obitum Lollinus desiet, quarum suo loco nos quoque meminerimus; ne quid addam de hac Vita, quam auctor scripsisse tantum proficitur, ut esset AMORIS FIDEIque suae MONUMENTUM: adi Mauroceni ipsius epistolas inter ejus Opuscula, baud multas illas quidem, sed pro dimidia ferme parte Lollino scriptas. Ipse tamen me tenere minime possum, quin ad hujus tam arctae familiaritatis argumentum pauca hic afferam excerpta ex quadam ejus epistola, ad Lollinum suum data Venetiis, idibus decembris, M. DC. XVI. quae castrat inter Opuscula, pag. 211. quod eo libentius facio, quod hinc etiam nonnulla ad scribentis vitam spectantia colligi possunt.*

„ Quid enim ad memoriam jucundius, quam illius temporis reminisci, quo, post „ turcicum bellum, pace cum potentissimo rege ista, anno superioris saeculi septuagesimo „ quarto, felici meo fato in celeberrimo totius orbis gymnasio TE PRIMUM AG- „ NOVI. Dii boni! quantum sublimis ingenii tui virtus eluxit? quos in omni scien- „ tiarum genere profectus edebas? quam in omnium ore versabaris, dum aedes tuae „ omnium studiosorum perfugium essent? Nihil tunc mihi optatius, quam te videre, „ audire, alloqui, jucundissimos sermones de communibus studiis ferere. O praeterea „ tempora! cum nobilitatis Venetae flos in amplissimo ac pulcherrimo literarum theatro „ sese ad egregios merces, atque disciplinas effunderet, &c. „

Transfere beata illa etia: in patriam concessimus. Toga virili sumpta, aliquan- „ tisper ego e statione desixi. Tu pervigil, acer dies noctesque cum linguarum cogni- „ tioni, cum scientiis impense operam navabas. Mutuis alloquiis, frequentibus congres- „ sionibus alebantur animi. In tuis, inque nostris aedibus de rerum natura, de mo- „ ribus, de divinis rebus disputationes habebantur. Aderant multi, quos perdiscen- „ di studium attraherat, ex nostra nobilitate aliquot: intererat Nicolaus, frater „ meus, qui te unice colebat, quem tu mirifice adeo diligebas, ut usumquam si junge- „ remini. (a) Alcyonios recolo dies, quibus per liquentia haec lateque extensa stagna „ incre-

(a) *Alcyonios recolo dies* Aut mytheria ipse mihi fingo, aut alcyonii dies hic non ferent tantum sunt & pacati. Quis enim tanta serenitate dies, quo nostris, non solum per intersecantes urbem euripos, sed per late extensa stagna mos sit vehi? Num & alcyonios ferent tantum sunt dies apud Lollinum epistola ad Maurocenum, pag. 67? Sic nunc consilii cui rationem probare vehementer, quod ejusmodi tuis gravissimis occupationibus diverticulum paraveris, ubi quasi de via sessus, & complures dies us aliquando libentissime, & ALCYONIIS vel

# XXXX

„ incredibili voluptate vehebamus. Sed cum ego, ac frater ad rempublicam vocaremur,  
 „ tu eam vitae rationem instituisti, qua studiis & tranquillitati commodius consulere  
 „ posses. Nam Beluacensis Antistes creatus, pietatis, religionisque officia cum o-  
 „ mnium literarum genere ita conjunxisti, ut bodie (parce, precor, neque id assenta-  
 „ tioni, a qua longissime absum, tribuito) *Daupha* habearis. Immaturo fato ablutus  
 „ est mihi suavis frater, tuique amantissimus, qui mihi omnes voluptatis ac ju-  
 „ cunditatis sensus eripuit: solus stadium hoc publicorum munerum percurrere coactus  
 „ sum, quam laborise, quanta cum meae valetudinis iactura, non commemoro. Inea-  
 „ nui, consensui, jam ad calcem deveni, cito colligenda vasa sunt. At tu, amplissime  
 „ Praeful, eundem semper vitae tenorem servans, diu vivas laetus, felix, cunctis cu-  
 „ mulatus bonis; quique ex uberimis sapientiae fontibus sacrum replesti pectus, pate-  
 „ re quaeso, ut inde stillae aliquot ad nos dimanent. Jam satis in vitae nostrae cam-  
 „ po expatiatus sum, jam vividis coloribus expressam brevem hanc mortalitatis usa-  
 „ ram animo insperi. Utinam, quemadmodum **PARIBUS**, licet dissimilibus, **PAS-**  
 „ **SIBUS** hoc quidquid spatii fuit, emensi sumus ad eandem metam, perennem nempe  
 „ beatitudinem, perveniamus. Vide, obsecro, Antistes optime, quo me imaginatio  
 „ rapuit. Agnosce fratris olim mihi carissimi, tibi additissimi manes, meaque in  
 „ te observantiam; studium sive, atque amplectere: idque pro certo habeas, nihil in  
 „ hac vita contingere mihi jucundius posse, quam si abs te, viro egregio, quem sum-  
 „ ma veneratione prosequor, me vicissim amari intellexero. „  
 „ Ceterum huic Vitae vix pauca adjiciam, praeter aliquas margini numerorum notas,  
 „ quibus admonearis, ut ea quae Lollinus narrat, cum iis conferas, quae a Crasso,  
 „ aut in nostris ad Crassum Anotationibus afferuntur.

AN-

„ vel media in rerum hyeme **FRUARIS**. „ Si quid latet, puto utrumque ad illud auctupii  
 „ genus alludere, quod capiendis mergis per hyemem, eosque potissimum dies, qui *alcyonii* pro-  
 „ prie a doctis vocantur, nobilitas nostra exercet. Est autem jucundum quidem, sed laboris  
 „ plenum ac difficultatis. Namque parvulis levissimisque cymbulis, in hunc unum usum constru-  
 „ ctis, mollibus pulvinis instrati, quantum late patent aestuaria, aliquando etiam longius in al-  
 „ tum provecti, hac illae circumvehuntur, ut marinas aves undis, in quas cibum captantes as-  
 „ sidue se immergunt, tandem emergentes exeliant. Has autem gracile caput aqua effereutes  
 „ (cibo enim infarsae ceterum corpus aegre trahere foras possunt) ut aspiciant, statim in genua  
 „ erecti, globum ex argilla ea arte arcu emittunt, ut capite petras exsternant, & stuporem  
 „ velut quemdam inieiant. Ita paene intermortuas, & summis aquis supernatantes cymba asse-  
 „ cuti, praeda potiuntur. Quoniam vero per quam diffidilis est tam certus idus, quoties pro-  
 „ spero directus est, ob gaudium veditores cymbae aureo, vel saltem argenteo nummo graviore  
 „ donant; aves vero domum delatas, expansis alis, foribus affigere solent in orbem, aliamve  
 „ figuram per earum numero dispositas, honesti laxamenti, captaeque ex eo voluptatis argu-  
 „ mentum. Hoc exercitationis genere oblectatos *Maurocentum* ac *Lollinum*, adhuc praecipue juve-  
 „ nes cum suspicor, eorum laudibus nequaquam obtereare mihi videor. Ceterum de auctoris  
 „ mente lector judicet.



ANDREAE MAUROCENI,  
 SENATORIS PRAESTANTISSIMI,  
 (\*) V I T A,  
 (\*\*)AUCTORE AMPLISSIMO VIRO  
 ALOYSIO LOLLINO,  
 BELLUNENSIIUM EPISCOPO.

(\*) *Vita*) Hujus *Vitae* a se perscriptae meminit idem *Lollinus* epistola quae exstat pag. 229. ad *Henricum Catharinum Davilam*, clarum illum bellorum civilium gallicorum scriptorem. „ *Historias Mauroceni* nostri sub praelo sunt, quibus ego auctarium paro VITAM AU- „ CTORIS. Pannum purpureae, inquires. Quid agerem? importunis amicorum precibus urgebar: li non aliter, quam parendo, sibi satisfieri passuri erant. „ In eandem sententiam pag. 301. scribit etiam *Bartholemaeus*, Carthusiae Vedanae praefecto, quem nunciatum ipsi fuerat, aggressum fuisse *vitam cujusdam ordinis sui columinis & coriphaei*. „ Similis plane „ nobis delatus est labor, ANDREAE MAUROCENI, amicorum omnium optimi, „ DICTA, FACTA, MORES lineis apellaeis dignos, deferentibus rudi pennicillo. Hic „ pudorem forsitan in me requires, qui majores nido alas explicarim. Quid facerem? nemo „ alius erat, qui se exorari pateretur, ut subiret onus. Usque adeo nos arcta hodie annona „ premit eorum pariter, qui scribenda faciant, & qui facta scriptis exprimant, & qua decet arte. „ Alia quoque epistola pag. 298. hanc vitam eidem emendandam mittit. „ MAU- „ ROCENI Vitam ad te mitto. Non tam a te laudari pergratum fuerit, quam corripri. li- „ lud amori, morique tribuas, hoc libertati, alienique profectus studio, quo flagrare ma- „ xime par est, tantum ab obtreclatione & livore distos, quantum candori propiores & „ dilectioni. „ Verum quo in pretio habenda illa sit, satis declarat *Laurentius Pignorius* epi- „ stola ad *Lollinum*, inter *Lollinianas* pag. 293. „ LUCUBRATIONEM TUAM ut vide- „ rem, permisit vir amplissimus Donatus Maurocenus, elegantem illam profecto, & multum „ decoris addituram historicae scriptiioni *Mauroceni* nostri. „

(\*\*) *Auctore Aloysio Lollino*) Antiquissimus *Lollinorum* gens in eam patriciorum Veneto- rum coloniam transcripta est, quae Senatusconsulto in Gremam deducta fuit. ALOYSIUS,  
 f. Pauli

*Pauli* filius, huius nobilissimae gentis ultimus fuit; quo extincto, in nomen adscita est, fortunarum etiam heres, *Iustinianorum* paris nobilitatis familia, qui nunc *Iustiniani-Lollini* appellantur. Ille enim ecclesiasticam vitam amplexus, renunciatus est Bellunenſis Episcopus Clemente VIII. anno 1596. IIII. kal. sextil. teste *Urbello Italia Sacra*, tomo V. col. 197. Urbano VIII. sedente, ipsum vita fundum idem narrat anno millesimo sexcentesimo vigesimo SEXTO. Verum *Urbelli* erratum facile deprehendes, si apud eundem legeris, *Joannem*, Delphinum datum fuisse Lollino successorem eodem anno 1626. V. id. febr. Neque enim fieri potuit, ut tam paucos dies dumtaxat Bellunenſis sedes vacaverit. Praeterea, *Donatus Bernardus*, cuius & intra meminero, Opuscula Lollini duo, quibus titulus q̄ *Praefatio Lambico carmini NOCTUA inscripto destinata*, &c. & *Epistolica dissertatio de non deferendo grege*: edidit Venetiis, anno M.DC.XXV. ut ex libri fronte apparet. Ille autem epistola nuncupatoria, data IDIBUS AUGUSTI ejusdem anni, qua illa obtulit *Amplissimo Jurisconsultorum Bellunenſium Collegio*, cum vocet Lollinum τὸν μακροβίον, sibi quae affert ab eo multiplicem atque amplam divini ingenii supellectilem LEGATAM; plane significat, optimum doctissimisque Antistitem idibus augusti anni 1625. jam defunctum. Ut vero certiora afferam huius rei argumenta, aio, apud *Bartholomaeum Celinum*, nobilem Bellunenſem, qui modo ad transigendas civitatis suae res Venetiis degit, inspectum a me Lollini testamentum, ipsius manu conscriptum anno 1624. V. id. nov. cui adnotatum est a publico notario, eum defunctum esse anno 1625. hora septima ejus noctis quae diem IIII. ante kal. april. praecedat. In sede cathedrali Bellunenſi, in medio presbyterio est Lollini tumulus cum epitaphio:

ALOYSII. LOLLINI. EPISCOPI

QVOD

MORTI. OBNOXIVM. FVERAT

HIC. CONDITVR

M. DC. XXV

In librum A&orum ejusdem ecclesiae cathedralis haec relata sunt:

M. DC. XXV. kal. aprilis ANNO SACRO

*Obitus Illustriſſ. & Reverendiſſ. D. D. ALOYSII LOLLINI, Episcopi Bellunensis, summo omnium hominum, ordinumque moerore in ecclesia nostra cathedrali, quam banestissimo funere, post laudationem, atque omne genus pietatis, honoris, & officii ſtebilitate ſepulti.*

Recentet *Urbellus* nonnulla ex ejus operibus, non tamen omnia; atque in his etiam non semel est emendandus. Vivens Lollinus nihil typis vulgavit, nisi fallor, praeter *Lacrymas in Maureceni funere*, quarum crebro occurrit in meis hſce adnotationibus mentio; atque hanc, quae *Hisſeriani* praecit, *Maureceni Vitam*. Moriens *Donato Bernardio*, civi Bellunenſi, familiari suo, quiddam scripserat, legavit, ut apud ipsum custodiretur, vel etiam, si ita illi visum esset, heredum suorum aere vulgaretur. Si quis cupit, quinam fuerint Lollini mores quaeque vita, intelligere, ab ipso Lollino quaerat, praecipue inter Opera, quibus titulus, *Episcopatum eucarum characteres*, pag. 133. in *Dissertatione epistolari de non deferendo grege* & ac pag. 137. in *Soliloquio*; quaerat etiam inter *Epistolas Miscellaneas*, pag. 455. in epistola ad *Laurentium Regensem*. Operum vero, quae ipse inedita reliquit, luculentus index exstat in praefato opusculo, quod inscribitur: *Praefatio Lambico carmini NOCTUA inscripto destinata*, in qua suarum lucubrationum recensum agit, &c. atque in *Additamento* quod eidem opusculo subjecit *Donatus Bernardus*, quo Aloysii Lollini operum recensum persequitur. Bona horum pars, eodem *Bernardio* curante, jam prodit in Lucem, & continetur in *Episcopatum eucarum characteribus*, atque in *Miscellaneis Epistolis*; quibus adiciendum est parvum *Carminum volumen*. Optime quidem de re literaria mereretur, qui omnium simul, sive editorum, sive nondum editorum operum novam nitidamque editionem vulgandam curaret.

# XXXXIII

## ANDREAE MAUROCENI

### V I T A.



ARAM omni aetate avem probum simul, ac doctum hominem si quando in lucem edit saeculi nostri vita situ, effoetaque viribus senectus, haud sane minori gaudio perfundi omnes deberemus, quam Aegyptii olim, religionibus maxime addicta natio, Api adiuvento. Quod enim Dei immortalis beneficium humano est coetui praesentius, ac conducibilius, quam indigenae virtutis exemplo vivo, ac spiranti minime destitui? quod moribus sibi exprimendum juvenus statuat, cives aemulentur, admirentur exteri, perbeatamque praedicent civitatem illam, cujus e gremio tantum lumen sub hanc sequioris aevi vesperam emerferit, documento apud omnes maxime futurum, necdum intercidisse disciplinam morum, seminave penitus exaruisse gignendis heroibus idonea. Nam cum ex toto humani generis affe vix sextulam decutias literatorum; ex hoc vero exiguo numero perrari sint, qui morum probitatem literis adjunxerint, quale decus erit, quam praeclarum, unum esse de tam paucis, de tam pene nullis? Quod ego sane decus patriae meae gratularer ANDREAE MAUROCENI, praestantissimi civis, causa promeritum, si apud ejusdem postrema merito descentem gratulationi locus ullus foret. Sed moerorem iustum illum quidem, & luneri tam Reipublicae acerbo debitum tempus edax rerum animis absterget: memoriae tanti viri ne quid idem oblit; neu qua nomen ejus intercipiat oblitio, enitendum est nobis summa ope, quibus in vita nihil fuit ejus amicitiae jucundius. Atque utinam non impar foret operi ingenium: extaret per omne aevum adversus vetustatis injurias hoc amoris, fideique meae monumentum, veritati non minus sacrum, quam virtuti; cui fraudi esse non debet, quotiescumque in aliquo civium ultra legem communibus ingeniis praescriptam eminet, si ejus praeclara opera sic ad historiae fidem literis mandantur, ut nihil prorsum Mommi detur auribus, quod magnopere audire cupiant: naevos enim in praestanti forma anxie scrutari, ubi nulli sunt, vel aspectum fallunt, non tam ego indicium esse libertatis, quam livoris putato. *Mauroceno* parentes fuere (1) *Jacobus*, Senator laticlavus, & *Caecilia Cornelia*, femina lectissima, *Paulli* Procuratoris Marciani filia, primariae claritatis ambo apud suos, & vetustate, imaginibusque majorum inclytae, quos sub nomine quemque suo dicere quid attinet nemini inditos? (a) Dies ejus natalis incidit in idus februarias anni post Christum natum M.D. LVII. qui fuit urbis augusti augurio conditae M.C. XLII. Fratres geminos habuit (b) *Nicolaum*, (c) & *Paullum*, quorum hic ei superstes adhuc vivit; (2) ille fratris fata antevertit natu licet minor.

f 2

In

(a) pag. viii. lin. 10

(b) pag. xx. lin. 9.

(c) pag. xxxvii. lin. 2.

(1) *Jacobus Senator* *Jacobus*, *Andreas* filius, *Jacobi* nepos, ortus est III. id. jul. anno 1530. Hic ex *Caecilia*, *Paulli* *Cornelii*, *Marcii* procuratoris filia, quam anno 1557. duxerat, trea liberos suscepit: *Andream* nostrum id. febr. anni 1558. qui Veneto more adhuc erat 1557. *Nicolaum* anno 1560. post. kal. sept. *Paullum* kal. oct. anno 1566.

(2) *ille fratris fata antevertit* Siquidem duos & quadraginta annos nondum integros vivus vivere desuit *Nicolaus*, post. kal. mart. anno 1602.

(1) pag. 1. x.  
h. n. 9.

In puero ab usque teneris unguiculis indoles emicuit summa, quae disciplina domestica paullatim excolta ad virtutem, atque pietatem sic increvit, ut specimen futuri profectus daret minime vulgaris. (a) Grammaticis est usus adolescens *Baldo-Antonio Penna* latine, & *Bernardino Partenio* graece, apprimè eruditus, sub quibus linguarum elegantia, atque ubertate principum rudimenta hausit, jam tum animo prospiciens iter sibi earum ope propius futurum ad scientiarum metam cursu pertingendam. Neque enim juvenis laudis festinus, ac doctrinae sincerioris avidus se unquam ab epidemico nostrorum hominum errore abripi est passus, falso opinantium philologiae, ac philosophiae finales lapides inter se diremptos multo magis esse, quam *Phrygum*, Myforumque res olim fuerint: nihil illis spederis, commercii nihil invicem intercedere: hostilia, ac impacata omnia aeternis dissidiis se iungi. Sed doctissimorum virorum, qui in Musarum, Sophiaeque castris agmen ducunt, exempla relegendis, studiorum malo genitos illos reputabat, qui res a proprietatibus verborum, quibus copulantur, tamquam vi illata divellentes, vel infantem sapientiam per vasta barbariae spatia sectantur, vel inani loquendi profluentiae, linguacque volubilitati consuefcunt, forensium instar formulariorum, quibus verbigerari invicem non modo munus, sed & census est. Et profecto si anormis quaedam philosophia, & nulli sectae addicta peteretur, aequius ferremus; nunc vero, orbe peripateticorum legibus parente, quis non istis liberiori stomacho succenseat, qui Aristotelem florentis facundiae virum, cujus in verba per quam religiose jurant, laboris vel odio, vel taedio non nisi semilatine, vel mixobarbare potius obloquentem audiunt ipsi plane Opici, omnisque eruditionis penitus expertes? Non neminem sane appellare possem supercilio *Lycæum* fulcilentem, cui nulla alia versio adhuc innotuit Aristotelicarum scriptionum praeter eam, qua *Averroes* usus est *Arabs*, nativam gentis barbariem praefferentem, unde ad nos venit latinis prius auribus ignota. Fas mihi sit comperta proloqui, ac testata omnibus, qui politioribus studiis ducuntur: nihil est profecto aureis veterum philosophorum eloquentiae fluminibus, quam istorum coenosi lacus dissimilius. Unde ne sibi esset hauriendum, operam dabat *Mauroceus* sedulam, ut in grammaticorum, rhetorumque scholis non paullo accuratius erudiretur, quam mos hodie obtinet multorum non alibi magis, quam in id genus studiis ludī a pueris operam existimantium; ideoque infulsorum quorundam autorum dispendiosa compendia sectantium. Nec conatus successu caruit, labore pertinaci, cui nihil non proclive, comitatus. Vix dum ephebos ingressus talis erat, quales provectionis aetatis condiscipuli perquam sane pauci: posse graecis latina jungere, orationemque tam uberi vena profluentem ad Ciceronis exemplum meditari, quam vincere numeris, Massisque felici rudimento innotescere.

(b) pag. 1. xh.  
h. n. 2.

Exinde philologiae spatia emensum dialectica excepit, ut eum, quo cursum ingenii maxime direxerat, ad limen porro sisteret *Lycæi*. (b) Doctor erat *Alcyonius Pisaurus*, philosophiae peripateticae professor, qui cathedrae ex Senatusconsulto praesidebat per id tempus, vir familiae amplissimae splendore, egregiaeque propriae virtutis laude non minus, quam tirocinio *Maurocei* celebris. Neque enim quemvis de trivio poscebat perfecta jam ingenii juvenis subtilitas, & quae de praeceptoris iudicio judicare non inepte posset. Exprimi non potest, quam ille sitim avidè expleverit in illimibz rivis doctrinarum, qui cum ab uno omnes dimanent fonte, male sane faciunt, qui tamquam imperiti aequileges alter ab altero ne excipiantur, excitato quasi trans-

transversim aggere impediunt. Non arctiori virtutes fibula inter se neſcuntur, aut venae per corpus invicem commeant ſequacius. Nec Plato, etſi nonnullis aliter videtur, ab hac ſententia diverſus abiit, cum in republica a ſe primum inſtituta lege lata cavit, ne quis plures unus artes ſcilicet exerceat: aliorum enim cautio illa reſpicit, neque ſepta ſellulariarum artium egreditur; alioquin legiſer ipſe reus agi poſſet violatae a ſe ſcitae legis, qui nullam liberalem artem non perfecte calluit, idem poeta ſummus, conditorque dialogorum diſertiſſimus, quos petitis ex omni ſcientiarum genere floribus reſerſit.

(a) Verum ubi quod ſatis eſſet operae *Maurocenus* in patria ſtudiis impendit, Athenas Euganeas ſe contulit, ratus inde proſectui ſuo incrementi non parum acceſſurum ob urbis, & doctorum autoritatem. Florebat illa tempeſtate *Franciſcus Piccolominius*, & *Jacobus Zabarella*, nobile par philoſophorum, quorum ille Averoſtarum princeps, hic Alexandreae ſectae propugnator acer habebatur. Unde inter eos ſtudio partium incenſus erudum in dies odium, aſperſimaque aemulatio gliscebant, dum alter copias parat adverſus alterum ea contentione animorum, ut non in circo olim Veneta faſtio Praſinae adverſata fuerit implacabilis. *Maurocenus Piccolomini* in diſputando ubertate, acumine *Zabellae* captus, ambos, qua erat morum lenitate, ſumme coluit, amboque eo in primis carnis, quod ab obſtinatione juxta, & favore partium intactus, hominum diverſas quidem, ſed praecclaras dotes pari pietate obſervaret. Idem Pomponio Attico aetas ſua praetantiſſimorum, ſi ulla unquam alia, virorum ſerax ſummae laudi vertit, quod, fide ſalva, officioque amicitiae debito incolumi, Q. Hortenſium, & M. Ciceronem, adverſis inter ſe in foro ſtudiis certantes, pulcherrimique laboris aemulos, pariter dilexerit, ab utriſque aeque cultus, dilectusque. Patavii per quam diu fuit *Maurocenus* genio ſuo obſecutus, qui non alia voluptate ducebatur, quam quae a literis orta in literis ipſis quaſi eodem orbe repetito acquieſcit. Quid enim quaſo aliud ageret poſitiſſimum juvenis frugi, conſtantiaeque inexuperabilis adverſus exitiales peſtes ſaeculi luxum, aleam, libidinem? Virginis eum ſeneſtae fuiſſe, quaſi alterum Origenem Adamantium, alibi ex familiarium relatu diximus. (b) Unus nempe diſcendi amor gloria flagrantem animum inceſſens, degeneres inde caduca:um rerum reliquarum omnium cupidines, veluti clavus clavo truditur, diſpulerat. Quod de Hippolyto quoque, Theſei filio, mortalium caſtiſſimo, fabulae teſtantur, qui non tam venatus, ut ajunt, quam ſapientiae ſtudio (erat enim is Orphicae philoſophiae ſumme deditus) ab omni cogitatione venerea abſtinuit, caecus ad formoſas. Obverſatur animo haud illepidi faſti recordatio, quae ad fidem diſtis aſtruendam mire facit. Commigrarat Patavium e fornice Veneto hilaribus Thais una omnium ſacerruma, ut juventutem ad pudorem natam a Minervae ſacris ad Veneris volutabrum, & Bacchi orgia traduceret. Huius ille cum ſores praeteriret uno atque altero ſodali comitatus, quibus mulieris fraus non ignota erat, forte accidit, ut illex in veſtibulo aedium ſederet aucupio intenta: quae ut juvenes accedentes vidit, obviam ultro prodiens, iis verbis, eo geſtu manuum, eo nutu, vultuque illos proſecuta eſt nunquam ſibi ne de facie quidem ante cognitos, ut nihil potuerit fieri amantius: quae non omnino gratituae benevolentiae imitacula *Maurocenus*, ut erat ingenuo, experteque nequitiarum animo, non aliorum eſt interpretatus, quam ſi officii ergo dicerentur. Ubi nunc, luxuria rerum potiente, in necedum ingreſſo ephēbos puero tantum invenias doli incapacitatis, quantum

(a) pag. xlii.  
lin. 1.

(b) pag. xliii.  
not. b.

in illo fuit sub ipso aetatis vere, firma valetudine, corporis habitu de calore plurimum trahente, tam vero vegeto ingenio, ut subtilissimarum rerum disquisitionibus par esset? Ita profecto fit, defixa omnibus virtuti, veritatisque vestigandae cogitatio indocilitatem hanc parit animorum ad ea, quorum ignoratio nobis expediret magis.

Jam omnes philosophiae partes haud perfunctorie perceperat; geometrici quoque pulveris, observationumque astronomicarum non omnino expers: primores jurisconsultorum audierat: specimen dederat in musicis, peritus diagrammatum harmonicorum, nec indoctus canere ad fides, quas Socratem ferunt Conone magistro admodum senem attigisse: cum mentem subiit mirari, quanto olei, operaeque impendio nihil plane scire disceremus. Admirationem augebat Sexti Empirici Pyrrhonicae adversus disciplinas dissertationes, quem ille sane librum matutinis horis, ut erat indefessi studii, versabat, antequam ad professores Peripati accederet, ut haberet, quem cum eis conferret, praeferretque; quod ii sententiis semel sibi sociatis nunquam, ne veritatis quidem vi compulsis, nuncium remittunt, ille ingenue fatetur sibi ignota esse, quae non liquent: dissentiendique, ac exercendi ingenii libertate utitur, si quis alius veterum Academicorum, quos non indifertos fuisse tradit Cicero, plena gravitatis, ac subtilitatis. (a) Aderam tum forte, ut saepe alias, cum verba sibi data a philosophia quereretur, anxius equodnam porro ad fontem iter sectaretur, unde cupidinem sciendi humanis sensibus a natura insitam explere posset. Huerere se, non, ut olim Hercules Prodicus in bivio, sed in curriculo plane ipso studiorum, tot in diverticulis, tot in vias secto: nec satis itineri tot salebris impedito glomere fili destitutum fidere: Philosophiam quidem hujusmodi splendidis promissis animum allicere:

(a) pag. xi.  
lin. 22.

Lucret. lib.  
I. v. 49.

Jam tibi de summa caeli ratione, Denique

Differere incipiam, & rerum primordia pandam.

Audiri quam magnifice? causas rerum ad quas etiamnum caligat humanum genus, & quicquid ubique, & quicquid nusquam est, in medium proponit vestigandum; terras, tractus maris, circumfusus aerem, hunc aethera finitimum, caeli templa stellimicantia, & quaecumque iis dirimuntur, seu Epicuri intermundia illa sint, seu atomi, seu immensa spatia inanitatis. Hoc quidni Socratae candidato salivam moveant, dum secum reputat, sibi mortalium uni naturae dimoto velo, sinus pandi, aeternitatis adyta patere, obvia ostia fieri terras incolenti? Tali plane mercede vel Cratetis pera maxime placeat, nisi spes, atque adeo adurgentem ceptis animi ardorem timor frigeret, ne tam praeciosa pollicita aurae differant. Qui sane timor ut non de nihilo natus videretur, fuit disceps philosophorum de rebus etiam minimis dissenso. Ajunt, negant, ambigunt de lana caprina saepenumero, aut de summi umbra, studio rixandi inflammata, veritatis plus nimio securi. Hinc aestum fluitantis animi in adversam litus jurisconsultorum quosdam rapuisse, sed nullum operae ob pretium. Nam qui domi elegantiores literas gustassent, eas periculum esse ne plane dedissent, si istorum elingues glossas audire pergent; qui gemmea veterum jurisprudentum dicta, candore Romani eloquii nitentia, suis interpretationibus infuscant. Nam amoeniora illa artium organicarum non tanti esse, ut in iis immorari quisquam multum debeat, aliorum gratia inventa, & pueris potius quasi melinela relinquenda, ante pedem quam ulterius promoveant in Musarum graviorum penetralia. Se quidem, dicebat, postquam nec philosophia promissa expedit, nec leges satis legitime traduntur, & disciplinae mathematicae, quas superficialias Seneca appellat, metam illum nequeunt contingere, quae effuso humanarum cogitationum cursui proponitur in hoc vitae circo, quae vitae rei si non ipsum cubile, et saltem vestigium aliquod congerisse haud ita pridem, dum forte die feriato sebo-



*scholas ea sine introisset, ut exiret in forum profecturus. Ibi enim Dominicani sodalitati doctorem audisse primum sacrarum biblicarum, qui Genesis inscribitur, interpretantem mirifica rerum subtilissimarum ubertate. Ab eo se ita captum, ut non sine numine Divino eo se pedes duxisse crederet. Fixum itaque esse, immotumque sibi, aliis curis procul ablegatis, non alibi jacere cogitationum suarum anchoram, quam in illa statione omnium tutissima. Quod & porro haud cunctanter praestitit, se totum theologorum praesertim antiquorum lectioni applicans, unde se una opera haurire pietatem, literas, eloquentiam dicebat.*

(a) Patavio digressus *Manrocerus*, non cruda adhuc, ut plerique omnes, studia, sed ingens secum nomen, summamque eximiae doctrinae laudem ad suos retulit: in congressibus absque assentatione blandus; in disputando, ubi plerique contentiosis pertinacis rixas, & clamores quaerunt, placidissimus; erga omnes exprompti officii, ac facilitatis. Nihil enim vir ad lenitatem natus magis oderat, quam refractaria, ac retrofusa ingenia quorundam, qui tanta asperitate morum inhorrescunt, ut ea in familiari colloquio omnino negligant, quae & sibi honesta, & aliis grata esse possint, offensae, ac gratiae pariter securi; quos etiam *humani generis passivos* apto satis nomine vocabat: sicuti quos in Principum aulis ambitio torquet mala, aut spes coenatica, *Ixionior amicos* appellare erat solitus; ad parasitos *Heliogabali* alludens, quos labe illa augustae dignitatis, Caesarum carcinoma, aquariae rotae alligatos titularum ritu sic circumraptabat, ut modo caput in altum tollerent, modo mergerentur per vertiginem. (b) Hujusmodi hominis sales transmarino lepore, rhythmoque plane Attico reserpi ab amicis quamplurimi narrantur. Nos nonnullos in gratiam lectorum memorabimus. Amico utebatur fluxae, & lethaeae propemodum memoriae; quem cum audisset morbo difficili implicitum in eo esse, ut ad plures iret, ad circumstantes conversus, *Quam vereor*, inquit, *ne familiaris noster bonae vir memoriae, & quidem Mnemosyne inconsulta, brevi fiat.* Sic enim de mortuis loqui mos obtinuit, valetque id dicti apud nos tantundem, quantum *i μνηστήρ* apud Graecos olim, vel apud Latinos veteres, si Persio Satyrarum scriptori credimus, beatulus. In eodem genere ponendum est, quod *literaria nucleo casta putamina* vocabat rerum inanes, sed tantum ore obstreperos disputatores. Eximie scitum item illud ejus dictum de viro barba tenuis sapiente, qui tonforum tabernas cane pejus, & angue desitabat; *Haud inconsulto eum sane facere, qui sibi ne pilum quidem de sua sapientia demi pateretur.* Idem civium quemdam nactus ingenii minime exprompti, sed rerum semel apprehensarum retinentis, cum id illi plus nimio doleret, nec naturam tamquam novercam inculandi finem faceret: *Quin tu potius*, inquit, *tibi gratularis, qui ingenium babeas non aureum, quod Socrates a Diis sibi dari votis postulabat, sed gemmeum plane, & cui cognationis cum adamante multum intercedat:* vitium hoc scilicet quantivis pretii semper fuit habitum aegre se insculpi sinere doctrinarum notis, seu quia discere ipsum pati quoddam est erectae indoli, & ad actionem natae parum congruens; sive quod raptim hausta repente effluunt: idem Plutarcho teste Catoni Uticensi accidisse, quo nihil habet Romana gravitas memorabilius, quod Graeciae in suorum laudes disertae regerat: idem Cleanthi, Stoicae porticus columini, cujus ingenium praeceptor Zeno (si fas ita loqui) duricior pugillari comparabat. *Erguidem perdociles istos*, aiebat, *nihil moror, qui quodlibet discunt, dediscunt e vestigio, obliviosos, hodie rudiarior, cras rudes, & gypsatae recens tabulae perfimiles, quos erudire brevis perinde labor, ac vanus fuerit.* Plura in hanc sententiam addebat, quae singillatim recensere ad ulteriora festinanti nihil est necesse.

(a) pag. xiii.  
lin. 18.

(b) pag.  
xxxviii.  
lin. 20.

Haec sane ratio, & tamquam vitae cursus *Muurosceno* fuit publicis curis non-  
dum occupato : haec provincia tam ampla ditone circumscripta, quam phi-  
lologiae, artiumque liberalium fines late patent; in quarum ille spatii assi-  
due ingenii vires exercebat, negotioso otio indulgens, & nunc stylum lectio-  
ne alens, nunc commentationibus variis exercens, modo controversias decla-  
mitans, modo disputans de natura cum amicis, quorum ita copia florebat,  
(a) ut (a) ad ejus aedes tamquam ad Athenaeum quoddam concursus fieret studio-  
siorum, quibus populosa civitas, & commercii exterorum celebris maxime ab-  
undat. (b) Ad rempublicam accessit jam famae inauguratus, cum primum  
ei licuit per annalem legem, vigesimum quintum ferme natus annum, itine-  
re ad honores prono, nempe quod ejus majores illustribus presserant vesti-  
giis, (3) pater etiam tum tereret, Senator priscoe innocentiae, & qui ex-  
emplo, discisque filium admonere posset muneris suscepti, unius omnium,  
quae juventuti patriciae contingant laboriosissimi simul, simul honestissimi.  
Nam ejus qui compotes evadunt vocanturque vulgo *Sapientes ordinum*, san-  
ctioris Collegii pars sunt, quotidie in commune consulunt, indictis diebus  
in Senatu veniunt, sententiam rogantur, quamvis jus ferendi suffragii  
non habeant. Eo ille in munere ita se amplissimo ordini probavit, ut in  
ejus sententiam Senatusconsulta non raro fierent. Erat enim hominis oratio  
ad persuadendum maxime appositae, rerum, verborumque juxta dives, ne-  
que parum vehemens. Accedebat actio, quae in artibus rhetorum est instar  
omnium, non illa elumbis, languidae, sed quae firmitate laterum, & vo-  
cis gestulque moderatione auditores, cum in Senatu necessitas censendi inci-  
disset, & oblectaret in primis, & moveret plurimum. (c) Unam in eo fa-  
turae legitima mensura brevioris dignitatem ne admodum desideraremus, vir  
alioquin anxii cultus corporis indiligens, altiori subere inulleis supposito, se-  
dulo adnitebatur, haud ita tamen, ut non eisdem jocos dicacium appetere-  
tur, quibus sua aetas Licinium Calvum, oratorem discretissimum, per urba-  
nam lasciviam fuit proseruta. Quos ipse liberae civitatis, & in districta  
profusae jocos non aliter, quam homines belli soleant, ferebat juvenis ad-  
huc, & per comitatem, affectatam hodie plerisque, sibi plane ingentem,  
aequalium coetibus se inferens; praefertim cum non sui juris fuisse diceret, ea  
proceritate nasci, ut caput ad fornicem Fabii demitteret: Tydeo modo similis evade-  
ret, non se multum Polyphemis injurum.

Varie opinionibus veterum certatum fuit, liceret, nec ne rem capessere  
publicam viro sapienti: plerisque quidem molestissimi hujus muneris vaca-  
tionem ei in omne tempus tribuentibus, veritis, credo, ne sublimibus curis  
assuetus, a quibus nonnulli ne avocarentur, opes, urbesque ipsas doctrinae  
studiis posthabuere, humilia ista tamquam se indigna aut fastidiret, aut  
plane negligeret: aliis vero non ante in communium rerum procuracionem  
sapientem ire permittentibus, quam tempora tulissent, novusque tali viadi-  
ce dignus incidisset aliquis; tum demum illum quasi scenicum ex machina  
Deum accessurum, laturumque auxilium; ficulneum mediis fidius, atque  
perdidiculus futurum, nisi prius partem reipublicae aliquam serio attingeret,  
in eaque se exercuerit, regendo per vices, parendoque: quae eximia est,  
& laudibus nunquam pro dignitate adaequanda rerumpublicarum tempera-  
tio,

(3) pater etiam tum tereret) Ad *Sapientum* subsellia promotos utrumque filium, *Andream*  
& *Nicolaum*, quae magna fuit ejus felicitas, *Jacobus* vidit; hoc tamen infelix pater, quod  
*Nicolaus* superstes fuit, cum tandem solum obiit anno 1604. mense aprili.

tio; praefertim ubi ornamenta Senatus, & beneficia comitiorum non minore virtute retinentur, quam primo comparata fuerant. Currum ut non temere auriga regat, tempore illi opus est, vigilique opera; nec gubernatori sedere ad clavum lex nautica permittit, nisi prius prorata fuerit, & tu artem difficillimam omnium, quas usus reperit, aut genuit industria, populos regendi, quatruiduo edisci posse arbitraris? Haec cum dici, credique soleant stultissime, *Maurocentus* quidem, etiam si aliae rationes deforent, exemplo suo litem hanc diremit adversus eos, qui sapientem, tamquam negotiis imparem, atque subineptum, a vestibulo curiae longe arcent: idem studiis bonus, rebusque agendis habilis; veluti *Asteropaeus* alter, utramque Spartam, quam Dei beneficio, virtuteque sua nactus fuerat, pariter exornans, totidem ferme annos, quot ab ipsis civilis ejus vitae initii ad ultimum usque aetatis tempus interjectos vixit. Quas enim ille ferias subsecivas a labore habuit, cui nullus fere dies sine linea est conditus, nulla nox effluxit cogitatione publici boni hand intersecta?

(a) Per omnes honorum urbanorum gradus, quibus summa in patria auctoritas acquiritur, ivit inoffenso pede ambitionis iuxta, ac repulsae expers, quamvis in ea tempora incidisset, cum mores ad honorum appetitionem nimiam incubuerunt. Mature accusator reorum publicus creatus fuit, quod munus justitiae Venetae pro telo est ad gravia crimina poenis coercenda.

(4) Mature in Senatorium ordinem allectus, & si quid ad rem facit, a. huc filius; cui ille nomini cum longam aetatem pro pietate sua precaretur, haud frustra fuit, patre inflexis pene viribus vigente, florentique non tam propriae, quam nati laudis praeconio. Exinde ad clavum Reipublicae diutius perdidit praefensor major, qui magistratus in primis & putatur, & est revera longe maximus, postquam res continentis, quae Venetae ditioni accensetur, (b) cum *Nicolaus* fratre, virorum (utinam non olim) optimo, publicoque ob summam eruditionem Bibliothecario, ita procurasset vicibus alternis, ut raro admodum exemplo alter alteri, veluti *Pollux* *Castori* succederet, donec in terris esse *Nicolaus* licuit; quod hand diuturnum fuit, Deo ipsum quadragenario paulo majorem eo evocante, quo se hinc statione peracta ingentes animi, singularique virtute praediti recipiunt. (c) Procuratorum Marcianam, quam & meritum viri, ipso licet recusante, flagitabat, & suffragatorum ei consensio pridem destinaverat, mors nec dum fatis matura, si aetatem cogitas, eripuit, indignantibus bonis fata obstitisse, quominus singulari ejus virtuti magnus in patria honos, & supremo propinquus haberetur. (d) Et si erant, qui praefecturam sacrorum illi praecoptarent memoria meritum, & in futurum spe, rati nihil, ipso aris praesidente, quod in rem Venetam foret, numen negaturum. Nulli certe civium sua aetate publica pietas, cum maxima decora honorum contulisset, majora se ei debere ita est conquesta, ut ingrata pene sibi videretur: illum quoque, imo illum maxime, inter eos numerans, quibuscum paria facere pro beneficiis nemo, licet officiosus, sane possit.

Profecto cum eorum fere omnium, qui reipublicae operam impendant, vita, veluti mimus quidam sit ex multis permixtus actibus statariis non minus, quam motoris, dum vel provincias ex magistratibus urbanis sortiuntur, paludamentisque praetextas mutant, vel ad Reges magnis de rebus le-

g

gati

(4) Mature in senatorium ordinem allectus, &... adhuc filius) In Senatum lectus est primus, viro adhuc patre, anno 1600. VIII. kal. oct.

(a) pag. xxiii.  
lin. 26. &  
seqq.

(b) pag. xx.  
lin. 8.

(c) pag. xxxiii. lin. 1.

(d) pag. xxxiii. lin. 5.

gati adeunt: ejusmodi vero munera eximiam dignitatem habeant voluptate etiam cum aliqua conjunctam, quae partim ex remissione animorum oritur non eisdem semper cogitationibus vacantium, partim ex perustratione variarum regionum, morum externorum observantia, officii amplissimi splendore: *Maurocento* eo major debetur laus, non sane quod, occasionibus peregrinationum saepius omisissis, certe non captatis, quibus *Vlyssae* prudentiae commeatus quaeritur, domi veluti alter *Vatias* *Servilius* tamquam in conditio situs, nunquam se in lucem, diemque proferens senuerit; sed quia ei in ipsa urbe provincia contigit laboriosior, & quae universam ferme *Reipublicam* complectebatur fide, ac sedulitate. Nam assidue in stativis quasi radicibus defixum permanere, nec unquam ne transversum quidem unguem a procuratore publica discedere, haud ego quidem humanarum virium, quae continuatione non minus, quam uniformitate operis lassantur, sed divinarum mentium proprium putaverim, quibus contagio corporis non admittit, ne caelo tantum vacent, unoque, ac perenni obtutu omnia alia solutae cura idem speculentur, Deo, quamvis immenso intervallo, proximae. Haec mea mens eventu citius firmata, quam putaram, quamque *Reipublicae* intererat, quae *Maurocenti* operam tam diuturnam voluisset, quam assidua fuit. Sed quis se tot laboribus parem esse postulet, qui nec *Talus* sit, quem totum ex aere conflatum perhibent, nec *Didymus* ille vetus Criticus, cui indefatigabile studium in literis *Chalcenderi* cognomen tum fecit? In dies senili specie magis apparere, licet intra senem; caput festinata canitie abesse; oculorum habeturi acies; vultus rugis exarari; vigor ille corporis, in quem tanta moles curarum incubuerat, paulatim carpi, & ab animo tamquam commeatum causariae missionis petere, sed frustra. Fixum scilicet ei animo haerebat, Senatoris esse vitam in ipso munere relinquere non minus, quam Imperatoris populi *Romani*, stantem morte praeveniri, quod *Vespasianus* dixisse traditur, dum in eo esset, ut *Divus* fieret. Et profecto nusquam vir patriae bono natus mori, quam in patria, debuit convenientius; ut ubi tot animi ejus praeclara monumenta retinentur, ibi & corporis tumulum posterius suspicerent, argumentum lacrymarum, indicem virtutis.

Aegre ab ipso demum fuit impetratum, ut saltem feriis vindemia libus, cum *Senatus* infrequens haberetur, *Patavium* secederet in aedes *Superantianae*, quas sui in hanc rem praecipue conduxerant *peramoena* ad *Medoaci* ripam urbis regione, ne deesset locus, ubi animi vires recolligeret, si adhibuisset, publicis curis fatigatus, quibus (a) praefectura, tutelaeque legum auctarii loco accedebat, *Atheniensium* *Nomophilaciae* nomine non magis, quam munere ipso comparanda. Eo se ille, cum rusticatione minus caperetur, curiae, hoc est, curis assuetus, nonnunquam transferebat brevi, pervioque itinere, otia animo; quem tamen novae subinde occupationes ita distrahebant, ut mutasse curas, non abjecisse videretur. (b) Admittendi erant domi professores, consilia cum eis crebro ineunda ex suscepto munere literarii *Triumviri*. Quod sane illi munus distractissimo tantis negotiorum curis, ut commendationis, & materiae doctos officii demerendi afferebat plurimum, ita & molestiae non parum, dum academiae *Italicarum* celeberrimae, quam sibi exornandam sumptu erat, rationibus opportune cupiens consultum, eo undique, propositis honorariis, ingenia praeclara, & in nomen liberalem artium studiis itura vocat, providetque sedulo, ne vel juventutis libera nimis, ut sit, lascivia morum disciplina exolefceret, vel doctorum indiligentia. Quae, ex quo ambitio animos incescit, scholas agminibus juniorum sti-

(a) pag.  
xxxii. lin.  
25.

(b) pag.  
xxxiii. lin.  
20.

stipatos ingredi, adeo in immensum crevit, ut jam serie inversa praeceptores discipuli vestigales habeant; leges ei feriendi non modo praescribant pro arbitrio, verum etiam ne ultra laconicam clepsydram praelegant, frustra adversum perditum hunc morem obnitentibus Triumviris. Atque utinam ne tanta licentia literis aliquando afferat justitiam, ne dum serias scholis longiores. Nam quem fervor ille aetatis timeat in abrupta praeceptis, postquam timeri a magistris coepit? Quos, nisi dicto paruerint, pastorica fistula excipiunt, aut ita solos in scholis subito destituunt, ut surdis auditoribus, pluteis utantur. Asservantur apud nos in seriniis Musarum, ejus literae Patavio ad me transmissae, in quibus seria jocos quasi insititiciis, ut saepe, temperans ita argutatur: *Mutationem loberum refectiois sibi esse loco; curas, veluti convivales olim umbras summatis vires ad coenas, se, quocumque pedem extulit, iniussas prosequi; Achatem suum illos esse, si vera de ejus nominis etymo a Virgilianis interpretibus narrantur, de voce graeca id descripti, quae in latinum versa solitudinem significat, esseque Rempublicam administrantibus comes omnium horarum. Tempus erit (ut ingentium virorum vestigia cupide noscuntur, monstranturque) quo posterii gestient invisere penates, quos tantus implevit hospes; quae spatia ejus inambulationes; qui remissiones hortii exceperet; nec minori celebritate memorabitur angulus ille felix amorum moenium Medoaci fluctibus amictus, quam olim Lucrini littus Publii Scipionis secessu nobile; nisi ingrati esse voluerimus erga viri meritum, qui non, ut Hermes vialis intento digito, sed officio, sermone, & quod sermone ipso multo est praestantius, exemplo iter suis civibus monstrabat ad virtutem.*

Locus me admonet, ut aliquid dicam de selectarum *Epistolarum* voluminibus, quas ille ad diversos dedit perquamplurimas philologos, historicos, familiares, scribendi genere facili, & illaborato (comendae enim orationi gravior jam annis non immorabatur) sed perspicuo, sententiisque crebris, quasi gemmarum coloribus distincto. Inter eas longitudine, & elegantia pariter excellit (nam longissima earum quaeque, quod de Archilochi iambis critici dicebant) ferme est pulcherrima, qua *villam Hieronymi Fabricii, Pendentiaque Medici*, describit, vel depingit: verius adeo iconice, ut insanas hominis substructiones, hortos pensiles, collesque felicium arborum confitos nemoribus, quos ille, *Xerxes* e chirurgo factus, e manubiis agrorum in planitie suburbana excitaret, lectori ob oculos ponat intuendos. Sed quid ego peplum aestimare pergo de lacinia? (a) Ingentis opus argumenti, studijque condidit, unde viri ingenium penitus cognoscitur, *Historiam rerum Venetarum* ex decreto Decemvirum, *Paulo Paruta*, qui prius in eodem scriptionis genere stylum summa cum laude exercuerat, fuissectus. Hoc opus, cui tot annorum subcessiva tempora dicaverat, magna ex parte affectum, etsi mors tamquam violentus tribunus interfecit, ne perficeretur, cura tamen *Pauli*, Senatoris optimi, & *Jacobi* filii, juvenis levisissimi (quae est eorum in fratrem patrumque pietas) minime committet, ut cum blattis diutius luctetur: votis certe studiosorum minus expetitur ut in lucem prodeat, ejus quantumvis properata facere non poterit editio. (b) In eo (vide mores ab inani jactantia immensis sane spatiis direptos) cum res, ipso jam publicis consiliis admoto summope- reque adnitente, decretas in Senatu memoraret, nunquam induci potuit, ut de se, praeclarisque suis inter diversa sentientes disertationibus verbum ullum faceret, magna historicorum omnis aevi exempla secutus, si fecisset. (c) Ejusdem quoque varia *opuscula*, *ebriaque* quamplurima leguntur, quibus ille, ad historiam veluti praeludens, amicorum supremis parcatavit: quo-

(a) pag.  
xliii. lin. 20.

(b) pag.  
xxxi. lin. 6.

(c) pag.  
xliii. lin. 13.

rum, dum viverent, familiam ducebant *Christophorus Valerius*, & *Joannes Franciscus Mussatus*, alter florentis facundiae Senator, alter literariae dignitatis columnen apud Patavinos.

(a) pag.  
xxxvii. lin. 1.

(a) Postremo cum aeger curis in Senatum praefes publici consilii venisset, ibique suborta, ut sit, in Curia acriori altercatione, semel atque iterum solito vehementius dixisset e suggestu, exandefacto per vocis, laterumque contentionem corpore, in islerum primum incidit, morbum candori pectoris ejus parum consentaneum: deinde intra paucos dies, succedente vilius defectu, sancte, & qua cum pietate in Deum decuit, vitae diem extremum clausit XIII. kalen. julii, anno M. DC. XVIII. devexa sane aetate, non negamus, neque ideo tamen tam praecipiti, ut in extrema, quod ajunt, tegula illi standum foret; vixdum enim annum LX. expleverat, immortalis senio, vel juventute potius dignissimus. (b) Corpore crasso magis, quam procero fuit, cervice leviter erecta, facie bene lata, dignitatis plena, oculis micantibus, laetisque, & qui animi mores praeferebant; barba, ac capillo, dum eis, per canitiem, sui coloris esse licuit, subrufo; voce qualem futuro oratori rhetores praescribunt, clara, concioni pergrata, & phonasci opera minus indigente; aspectu denique ita liberali, ut in eo morum probitatem facile agnosceres, ingenii vim non iavitus crederes. Somnus ei fuit brevis, & vigiliis saepe intercisis: cibus paratu, concoctusque facilis: potus in dies multo intra heminam. Cultus, suppellectilis, pecuniae contemptor extitit mirus; & si bibliothecae instruendae studium excipitur, nullius earum ferme rerum appetens, quibus mortalium mentes ad insaniam usque capiuntur. Inambulationibus, quoties a *sedentario opere* (sic munus senatorium vocabat) otium dabatur, ita oblectare animum solebat, ut Peripateticum germanum facile agnosceres. Harum socios habebat amicorum obvios, vir apprimis comis, & cujus familiares virtutes, atque penetrales forensibus, ac senatoriis non impares humanitas infucata ita condiebat, ut philtri esset loco ad omnium sibi studia concilianda. Sermones erant tempestivi ex eorum genere, qui vel rimosis auribus tuto committuntur; nam arcana rerum, quibus stat publica securitas, non ille sane aliter tegebat, quam olim sacra oportanea solebant, qui Eleniis mysteriis initiabantur. Theatralibus ludis, omnique spectaculorum genere, etiam cum per aetatem licebat, obfirmato animo abstinuit non minus, quam Herculano sacrificio mulieres; illud subinde repetens, sibi minime verendum esse, ne oblectamentum etio suo doret, donec typographorum operae praecula contorquerent; aut amariensibus calamus, anagones lingua uti posset: ii enim, si quis seriatim inciderat dies, aut ab interuentibus omnino vacuus illi, scenici, ii circenses erant, nihil minus timentis, quam se sibi remotis arbitris relinqui.

(5) Elatus fuit funere privato, luctu publico; (6) virginali ferto caput redi-

(5) Elatus fuit funere privato, luctu publico, &c.) Eadem legito apud *Jacobum Gaddium* in *Elogiographo*, pag. 117. Fu publicamente pianto, benchè spolto con effluvio privato, coronato il capo di laurea virginali, &c. Fu onorato di nobili elogi dalli amici, infra i quali Monsignore Luigi Lollino, Vescovo di FELTRE, sodisface all'obbligo dell'amicizia con diverse Poetie, e col descrivere la Vita del rapito amico, con esemplare carità, e con eloquenza mirabile. Fallitur tamen hic *Gaddius* dum *Lollinum FELTRENSEM* episcopum pro *Bellunensi* vocat, fortasse deceptus, vel quia *Feltria* est *Bellune* contermina; vel quia *Feltrensis* & *Bellunensis* ecclesiae aliquando ab uno regebantur Antistites.

(6) virginali ferto redimimus.) Mos est Venetiis, ut puellis puerisque, qui illibato aetatis flore decesserint, ferto, dum offeruntur, tempora praecingantur, quod scilicet *aureolam*, qua

in

redimitus, quod ex relatu sacerdotis, quo ille ad sacras confessiones uti erat solitus, vitae ejus castæ, puriterque actæ debebatur. Tumulum certatim e-logiographi monumentales celebrarunt. (7) Ego, ne clam Mulas meum esset dolor, excessum optimi, quem in caelo, ut opinio est, merita locarunt, non uno genere carminum deflevi; quæ, inculta licet, quia affectum animi in lacrymas effusum exprimunt, nec timor est, ne judicio favor virtuti de-bitus officiat, haud aegre sum passus exorari ab amicis, uti ederentur; si-mul ut posteris (si quid tamen mei ad posteros perveniet) contestatum monu-mento aliquo relinquerem, mihi *Maurocenum* etiam post fata vivere, victu-rumque ab oblivione intactum, fama notum, qua virtus, qua literae no-fcuntur.

in caelis insigniri virginitatem theologi docent, significet. Hac inculenta vitae innocenter actæ nota, grandiores etiam natu viros, vel bona apud populum fama, vel ipso etiam confessorio probante, honestari, pulcherrimum apud nos ducitur; neque secus alii sentient. Alienæ au-tem ab omni voluptatum genere vitae hoc testimonium *Maurocenum* datum, testatur, præter *Lellinum*, & *Gaddium* in *Elogiographo*, l. c.

(7) Ego, ne clam meus esset dolor, &c.) Non potuit *Lellinus* suæ futurisque ætatis bus non significare quo amore viventem *Andream* sit complexus, quo dolore mortuam profectus, edito ad amicum laudem, moerorisque sui testimonium, libello pereleganti, cui titulus: *Aloy-sii Lollini, Episcopi Bellunensis, Lacrymas in funere Andreae Mauroceni, Senatoris optimi, scriptorisque rerum Venetarum disertissimi. Patavii, typis Laurentii Pasquati impressoris cam-eralis*, 1619. in 4. Constant eae *Lacrymas* prosa oratione breviuscula, & *Epicidio carmine*, cui succedunt alia non uno metri genere contexta *epigrammata*. Symbolam contulere graecæ, la-tine, Italice viri ejus ætatis eruditissimi, ac *Maurocenum* amicissimi, quorum lucubratinneulæ *Lollinianas Lacrymas* præcedunt. Omnibus præit ejusdem *Lollini* salaculum ad *Oilevianum Bonum*, quod nuncupatoriae epistolae locum videtur implere: subsequitur *Laurentii Pignorii* epistola ad *Lesforem*, ubi sub initium converfo ad exstinctum *Maurocenum* sermone, ita *Lol-lini Lacrymas* laudat. „ Fortunatam tui memoriam, *Andrea Maurocenus*, cui præter sapien-  
tiae, humanitatis, caritatis in patriam, moderationis, integritatis laudatissima, & nun-  
quam intermorteura ornamenta, haec demum a fato, & pene posthuma contigit laus,  
ut *Lollini* præconium nancisceretur. „ *Lellinus*, pro sua animi moderatione ita de  
iisdem *Lacrymis* referibit viro clarissimo *Vincentio Contareno*, qui illas legerat, & maximis  
laudibus extulerat. „ Non ita me meaque perditæ depereo, ut non videam, siquid in iis  
placui, quae in *Andrea Mauroceni*, funere conscripti, argumenti esse potius, quam artis,  
quae, ubi affectus doloris ac desiderii deferbuit, quam sit in me exigua, facile cognoscens  
vel ex harum literarum scriptioe. Ille mihi ingenium animosque dictus faciebat etiam post  
fata, cujus vivi amore nihil in vita habui jucundius, &c. „ Vide *Lollini Epistolae*, pag. 106.  
Aliis quoque literis ad *Henricum-Catharinum Davilam*, pag. 227. carmina haec ait, quibus  
amici magni fata eluxerat, crudo adhuc dolore, necdum adhiberi sibi medicinam patiente, ab  
Octaviano Bono clam se edita fuisse. Tum haec subiicit „ In his haud sane video, quid  
probare possis, præter argumentum: quod ingenii vires si non fovit, certe, quod verum  
dum jure fuerat, minime oppressit tanta mole virtutis dignitatisque, &c. „

LIII  
ANDREAE MAUROCENI  
OPERUM  
ELENCHUS.

*Opera edita.*

1. Opusculum, cum ejusdem Epistolis, pars prima. Venetiis, apud Antonium Pinellum, 1625.  
In 8. Haec quoque Paulus, fratre defuncto, publici juris fecit, ac Joanni Cornelio, Principi, dicavit, quae ait, ab eo, dum a publicis numeribus vacabat, medicisque in laboribus *Historiae* contribendae *Historiae*, lucubrata. Porro subiecti, nihil tantae venerationi conveniens, nihil accommodatius a se praestari posse, quam amplissimo nomini atque auctoritati Cornelii Principis haec *Opuscula* commendare: „Non ignarus abs te eadem humanitate ac benivolentia accipienda, quae eximiam ipsani fratris mei erga te reverentiam reminiscit & recordatur solitus es. Ille fortasse, tecum dum in Reipublicae magistratibus obendis infundavit, aut in privatis congressibus, aliquod ex hisce *libellis* haud raro contraxerit. Hos enim vera pietate atque religione resectos, quam in omni vita coluit ac praefeculit, non ignorabat, gustavit, quate adeo mentis tuae sensui mirifice convenire: cum ex illo subtili & excelsio solo non modo propria pietatis luce eximie splendebat, sed Reipublicae totius religionem & sanctitatem ad vivum expressam, glorioso & praeclarissimo exemplo repraesentans. „Haec autem sunt *Opuscula*, quae *prima* hac *parte* continentur, quae tamen una adhuc in lucem prodierunt.  
2. pag. 3. De beati Thomae Aquinatis vita, obitu, scriptis, moribus, doctrina, scriptis commentariis. De hac *Vita* velut scortum a ceteris *Opusculis* edita nonnulli meminerunt.

1. pag. 3. De beati Thomas Aquinatis vita, obitu, gestis, moribus, doctrina, scriptis commentarius. De hac Vita velut scorsim a ceteris Opusculis edita nonnulli meminere.

2. pag. 53. De sacris *lipanis*, five reliquiis in divi Marci templo inventis. Joannes Cornelius, id temporis aedis fanchi Marci Procurator, deinde Venetiarum Dux, anno 1624. prostridie Idus maj. creatus; cum anno 1617. ejusdem aedis, cui in singulos annos singuli Procuratores praefunt, praefecturam iniisset, ac XV. kal. maj. a praefessore suo Francisco Mauroceno, de manu, ut ajunt, in manum traditum, marcianum gazophylacium acciperet; quodam



dam in loco, quem observarat nemo, magham sacrarum reliquiarum vim, quærum omnis memoria exciderat, latentem detexit. Hujus successus historiam fusc periculis vir genere, doctrina, ac morum sanctitate insignis *Joanni Thropulæ*, tum marciæas basilicæ Primicerius, deinde Venetiarum Patriarcha, anno 1699. VI. idus oct. renonciatus; ac io lucem eodem anno 1717. in 4. emisit typis Pignellianis, cujus altera editio priori auctior, hunc titulum præferebat: *Trattato delle santissime reliquie, ultimamente trovate nel santuario della chiesa di san Marco*. Hæc eadem hoc Opusculo persequitur *Mauroceus*. Hujus opellæ idem meminit duobus ad *Lullium* epistolis, quarum prima, pag. 222. eam ad *Lullium* missuram se pollicetur; altera, pag. 200. missam a se ait. Hæc vero cum *Lullius* rescriberet, pag. 126. hæc *ingenui ejus fœtorem* vocat *dolam*, *piam*, *elegantem*, & eo magis ornatum, quo *inelaborator videtur*. Meminit etiam alibi *Mauroceus* scilicet lo *Histeria expeditionum Terræ sanctæ*, cujus infra sermo erit, pag. 205. *Si trova nelle pubblico memorie, che essendosi nel tempo del principato di Giacomo Tiepolo acceso il fuoco, dove erano riservate e custodite con altre queste due pretiosissime reliquie* (crucis scilicet Redemptoris fragmentum in minorem crucem conversum, ac sanguinis ampulla, miraculo ex Christi imagine expressi) *furono ambedue ritrovate illeso; del qual miracolo accadente havendo diffusamente scritto nel trattato de sacris litanis in divi Marci templo inventis, ad esso rimette il curioso lettore*.

3. pag. 73. *Meditationes*, quatuor numero: *Christus pedes discipulorum abluit; Christus crucifixus; Christus resurgens; Beatissimæ Virginis anconium*. Stilo tenui ac perspicuo scriptæ sunt; ac piis sententiis refertæ, ut satis ostendat, quam assiduus in sacris biblis, sanctisque Patribus evolendis auctor fuerit.

4. pag. 99. *De zoophagia, & antropophagia commentarius*. Eruditissimus hic tractatus, in dialogi modum coarctatus, in duas dividitur partes. Priori parte, permixta eo sit homini *zoophagia*, hoc est animalium esus; altera, cur *antropophagia* interdicta sit, hoc est cur vetiti homines hominibus vesci, investigatur. Duo tamen alia prius auctor quaerit; num scilicet ante diluvium animalium carne vesci hominibus liceret; deinde cur post diluvium ejus esse permisso, cum sanguine tamen edere Deus vetuerit. Ex hoc doctissimo Opusculo intelligitur etiam, quibus præcipue oblectaretur tantus Senator, cum, publicis curis ab animo dimissis, vas cœderet. Nimirum maxima ipsi voluptas erat, Patavinam Carthufium adire, ibique mutuis cum optimis illis cœnobitis sermonibus aliquot diei horas fallere. Ad aedes illas (*Carthufianorum*) nonnunquam, cum Patavium vel valetudinis, vel studiorum causa accedo, divertere, beatoque illo otio frui solitus sum, &c. Id apparet quoque ex duabus epistolis *Stephano Galisio*, Patavinæ Carthufiæ præfecto, ab ipso datis. Prioris, quæ exstat pag. 190. hoc est initium, *„Ficus seu caricas ad te mitto, &c. „ Est autem hæc non traditionis solum, sed salium etiam & leporum plena, quibus illud fructuum genus commendat. Eucharistica altera ob missa sibi jucundissima ponit exstat pag. 242. Atque hic, „ Utotum vero, inquit, temp rom conditione, & te adeundi, & amplissimi istius cœnobii invisendi mihi potestas non præcipere. Nihil optatius, nihil ad levandas animi molestias opportunius ac eidere posset. „ Quo tempore, quaque de causa dialogus hic conscriptus sit, narrat auctor, qui illum his claudit. „ Hæc, dum gravi oculorum morbo laborarem, neque domo pedem efferre possem, ac mihi lætio omnis interdicta esset, subclivis hæris, dum inducias mihi cruciatus daret, animi ægritudinis levandæ causa, de *zoophagia & antropophagia* excipienti didivi anno M. DC. XV. mense octobri. „*

5. pag. 143. *In Joannem Bembi, serenissimi Principis obitu, elogium*. Cum *Bembus*, civilibus bellicisque artibus clarissimus Princeps, anno 1613. XIII. kal. april. fato sanctus sit; inter ea, quæ sub vitæ exitum *Mauroceus* scriptis, hoc *Elogium* est recensendum. *Lullius* ex epistola, quæ pag. 221. legitur, ita de eo scribit, *„ Miro ne quodam modo afficit BEMBUS „ TUUS, cujus tu oco tam postrema desces, quam saniam, vitamque adeo ipsam extendis „ decoratissimis præconiis, uous, vel cum paucis, artem illam callens, qua sit, oc quos amamus, etiam post funera ipsa, Lethes oblivia excipiant. „*

6. pag. 150. *De Alexio Georgio, divi Marci Procuratore, elogium*. *Vincenstius Coronellus* in *Calalogio Procuratorum divi Marci mortuum* refert *Alexium Georgium* XIII. kal. febr. anno 1615. m. v. cum tamen ea die minime decesserit, verum in majoribus Comitibus ejus mors evulgata sit, eique successor datus. *Erius Putanus* præstantissimo huic Senatori epistolam dedit, quæ exstat pag. 177. inter ejus epistolas, quibus hic titulus est inscriptus: *Erius Putæus Epistolarum attuarum promulgis in censuris tres distribuita. Coloniae, sumptibus heredum Lazari Zetneri, 1636. In 8.*

7. pag. 161. *Christophori Valerii elogium*. Desiet hoc opusculo *Valerii* mortem, quam obiit *Corcyrae* prid. kal. quindil. anno 1615. cum ex Byzantina lagatione in patriam rediret; captaque occasione, quæ ab ipso, dum viveret, præclare gesta erant, brevis coarctat. Hunc *Mauroceus* vivens titulum opusculo inscripserat: *Icon Christophori Valerii*. Occurrit pag. 207.

207. ejus epistola, qua hoc elogium *Francisco Ericio* suo misit. Pollicitus fuerat etiam, se illud ad *Lollium* missurum; quod cum facere cunctatus esset, *Lollinus*, data ad eum literis; quae pag. 3. exstant, eum ipso conquestus est. Misisse tamen aliquando, apparet ex ea quae sequitur epistola, pag. 4. qua *Lollinus* venustissimam lucubrationem graviter iaudat. Epistola sic incipit: „*ICONA VALERIANAM*, summa abs te rhetorum arte picturata, simul  
 „ ac perspetxi, ita sum miratus, ut idem de ea plane senserim, quod de Phidias statua anti-  
 „ quitas, quam ob id *canona* appellatam serunt, quod eadem aemulari studia volentibus, re-  
 „ gulae esset loco, &c. „ Exit autem in haec verba. „ Vale decus nostrum, & carmen,  
 „ quod his adjuvni de *VALERIANA EFFIGIE*, si vacat, perlege. Brevitate sua, puto,  
 „ impetrabit, ut ne ineptissimum tibi videatur, etsi id mihi ne illa quidem satis persuadeat;  
 „ adeo sum in foetus natura *ἄρπυγες*. „ Porro epistolae epigramma adnectitur hoc ti-  
 „ tulo: *De Imagine Christophori Valerii ab Andrea Mauroceno descripta*. Haud injucundam rem  
 facturum lectoribus spero, si illud exscripsero.

*Non hanc colore Zeuxis, aere aut Phidias*

*IMAGINEM effinxit: stylo*

*Sed Maurocenus aere: Hinc injurias*

*Contemnet aevi, saeculis*

*Cessura nullis: sed per ora cinium*

*Latura laudatum virum,*

*Cui sacra mors nil atstulit, ni obnoxium*

*Mortalitati quod fuit.*

*Vitam potentem nominis sed reddidit*

*Ille felix optimus.*

Redditae sibi eum hoc carmine epistolae ita *Maurocenus* rescripsit pag. 114. „ *VALERII*  
 „ *ICONA* ita exornasti, ut in bono lumine collocasti, ut tuo munere fortasse illam eru-  
 „ diti oculi non dedignaturi sint; licet τὸ πάρεργον majus τὸ ἔργον videatur. „

8. pag. 171. *De arrogantia.*

9. pag. 185. *Epistolae*. Haud multae hae plurimarum earum quas moriens relinquit, desiderium magnopere augent. Omnium prima *Francisco Ericio* data est kal. quintid. anno 1614. laudaturque a *Lollino* datis ad eundem *Maurocenum* literis. Vide *his Epistolas Lollinianas*, pag. 65. Quoniam vero haec ad *Ericium* epistola, ob rerum quas continet nobilitatem, a nonnullis ceu peculiare *Opusculum* celebratur, juvat ejus argumentum referre. Describit hic *Ericio Maurocenus* amoenissimam ac magnificentissimam agri Patavini villam quam *Hieronymus Fabricius ab Aquapendente, construxerat*. Huc ab honorato *Sene* amplissimus Senator *Andreas* vocatus fuerat, lautoque convivio exceptus. Acoamata interposita sunt; piscatio deinde, ac eicurus bestiarum, quae ad id siebantur, venatio. Prodiit tandem quaedam Dianae habitu, triumphali curru vestita, quae *Fabricii* librum *De musculorum assificio*, auro tectum, *Mauroceno* porrexit. Festivorem nobiliorumque donaudorum matronarum suis operum rationem quis excoget? Nuncupatoria *Fabricii* epistola gravissimis sententiis referta est; ea autem latini sermonis elegantia, quae omnia ejus opera valde commendat. Quamvis multa se debere Aristoteli ac Galeno profiteatur, minime tamen, hic ait, se ingrati animi notam timere, quod ab ipsis in hoc tractatu diversus abit, *causas diuturna observatione, quas saepe veritatis index est*. Porro pergit „ Quod si qui erunt mihi tam iniqui, ut negent, vel rem ita se habere, vel „ a veteri persuasione suis discendum, faciam te judicem, *Mauroceno* illustissime, qui omnium bonarum artium cognitionem, theologiae, philosophiae, medicinae politorum praecipue literarum ita cum civili prudentia conjunxisti, ut aequè in Veneto, atque in literario Senatu sis princeps, teque Respublica, ut semper rebus maximis administrandis, ita Historiis scribendis, literisque & earum amatoribus fovendis, praefecerit. Tu si me absolvis; quod facies ut spero, pro tua sapientia; negligam eos, qui a te dissident, quem tantopere omnes admirantur, &c. „ Sed iterum ad *Mauroceni Epistolas*.

Pag. 194. *Epicedium* occurrit in mortem *Joanni-Francisci Mustati*, cujus supra meminimus. Pag. 214. quorundam Venetorum patriciorum laudes, plurimarum rerum scientia clarissimorum, epistola ad *Lollium* completitur. Ii sunt undecim illi, quos *HEROAS SUOS* vocitare *Lollinus* conueverat, totidem elegantissimis epigrammatis ab ipso celebratos. Exstant haec epigrammata inter *Lollinianas Epistolas* pag. 139. una cum literis, quibus eadem *Henrico-Catharino Davilar* miserat: quae omnia statim excipit *Davilar* responsum; duae deinde *Lollini* ad *Maurocenum* hac de re epistolae. Pag. 225. *Lollino* suo nunciat, *Ossavium Meninum*, politorium literarum in gymnasio Veneto professorem, satis concessisse: quod anno 1617. X. kal. apr. accidit. Pag. 236. cum *Lollino* nunciaret, Respublicae Principem creatum Anronium Priolum, qui id temporis pacis cum Austriae sequester in Curiam, Liburniae insulam, a Senatu missus, procul a patria aberrat: pergit eos omnes enumerare, quibus absentibus suprema Rei-

publicae dignitas tollata est. Juvat legere, quid huic epistolae Lollinus referbat. Exstat responsum inter *Lollinianas Miscellaneas* pag. 203. datum Belloni, tertie idus junias, M. DC. XVIII. III. *Leonardi Donati, Venetiarum Principis, Vita. Venetis, apud Antonium Pinellum, 1628.* in 4. Meminit hujus operis idem Maurocenus in *Historia* ad annum 1612. quo loco Donati obitum narrat. » Quae pro patria egerit (*Donatus*) quot legationes obierit, quot tum domi, tum foris magistratus gesserit, **ALIO LOCO A NOBIS EXARATA SUNT.** »

III. *L'Imprese & spedizioni di Terra Santa; & L'Acquisito fatto dell'imperio di Costantinopoli dalla Serenissima Repubblica di Venetia; di ANDREA MOROSINI, Senatore Venetiano.* In *Venetia* oppresso Antonio Pinelli, 1617. in 4. Prater *Andreas Paulus* Historiam hanc Joanni Cornelio, Principi, inscribit. In duas velut partes tota divisa est. Prior pars huic titulum praefert: *Delle imprese & spedizioni della Repubblica di Venetia per l'acquisito & distio de' luochi di Terra Santa, di Andrea Morosini, Senatore Venetiano, tradotte dal latino in volgare.* Hunc altera pars, quae pag. 89. incipit, tresque libros complectitur: *L'acquisito che la Republica di Venetia, confederata con Principi Francesi, fece dell'imperio di Costantinopoli, di Andrea Morosini, Senatore Venetiano.* Pag. 91. refert Maurocenus, quibus causis adductus hanc Historiam scribendam suscepit. Hanno di questa spedizione fatta mentione li nestri, & alcuno esseno historico ancora: ma quelli molto ridressamente l'hanno rappresentata; e questi non havendo buona cognitione delle cose Venete, ne hanno sole imperfettamente potuto spigare alcuna parte. Hora io havendo osservate diligentemente li scritti al mondo publicati in questa materia, & havute opportunita di vedere diverse scritture, recondite ne gli publici archivi, nelle quali si conserva memoria delle publiche attioni, spero di potere non inutilmente impiegare la fatica, e lo studio mio.

Si frontem hujus operis dumtaxat inspexisset Vincentius Placcius, eum certe minime tot errorum argueremus, in quos foedissime lapsus est in *Theatre anonymorum, pseudonymorum, &c. Hamburgi, sumptibus viduae Geshofredi, 1708.* in fol. ubi pag. 1699. num. a DXXXI. illud inter auctorum anonymorum opera his verbis recenset:

» **TERRAE SANCTAE INVASIO:** sive *L'Impresa di TERRA SANTA* Angeli MOROSINI in *Rhedani* n. 15. & *Scaven.* n. 53. nomenatur, opus mihi nondum visum, sed quod ex illis esse censeo, quae obiter attingit *Janus Niclus Eribraeus* in ejus elogio, quod est n. 54. *Pinacothecae* par. 3. ubi librum etiam ipsius cui titulus *Flores Italici*, editum Venetiis 1604. in 4. merito laudat hisce verbis: *Quantum Vir ille latinis ac graecis in primis literis praestiterit, praestiterit declarat ille verissimis ac justissimis status in eorum laudibus liber, quem Flores Italicae linguae inscriptum edidit. Aliquet etiam, Etrusco sermone, tum selecta oratione, tum versibus, ab eo scripta narrantur: unde liceat intelligere, suumque illud ingenium, quantumque in partem se dedisset, sui semper finis existisse.* »

XV. *Scaven.* 53. »

*L'Impresa di Terra Santa* del MOROSINI vernacule (idest Italice) tantum citatus liber. » Incognitus equidem mihi, sed quem de invasione aut occupatione Terrae Sanctae sive Palaestinae tractare ex inscriptione conjecturo. »

Ecce tibi Placcii errata.

1. **TERRAE SANCTAE INVASIO.** *Invasio* igitur (quando ita latine loqui maluit) Venetorum aliorumque Christianorum expeditio ad eam a barbaris invasoribus recuperandam ac tenendam? Placcius certe titulo male exscripto, pejorque intellectu deceptus est, atque enarrati in illa historia credidit, quomodo sacerrima ea loca infideles barbaraeque gentes occuparint.

2. *Sive L'Impresa di TERRA SANTA.* Mutilis titulus est, aliusque videri potest. Integrum supra attuli.

3. *Angeli MOROSINI.* *Maurocenus* latine dicimus, vernacule *Morosini*. Sed id laqueus alienae regionis hominem. ANGELUM vero *Maurocenum* nostrum cur vocat? Cum apud *Janum-Niculum Eribraeum* nomen occurrit *Angeli Morosini*, continuo ipsum esse eum putat, qui hanc Historiam edidit? At enim *Aliquet etiam ETRUSCO SERMONE ab eo SCRIPTA* ibidem narrantur. Qui aliquet igitur *etrusco sermone scripti*, ille est, qui & hanc Historiam scripsit? Sit ipsa *etrusco sermone scripta*, dubitare saltem debuit Placcius, illene *Angelus* fuerit, credere siquidem non debuit, eam exigui adeo esse pretii, ut qui *Flores italicae linguae* ab Angelo editos memoraverit, Historiam hanc obiter attingeret, seu potius suppreffo nomine indicaverit.

4. *Angeli MOROSINI.* Haudquaquam MOROSINUS, sed MONOSINUS eruditus ille, ac optime de etrusca lingua meritis vir, ejus eo loco elogium contextit *Eribraeus*. Typographi tamen illud mendum fuit, qui eruditissimum opus *Colonias Uthorum* evulgavit, cum auctor Romae degeret, sui fortasse ne inter vivos quidem amplius degeret, ut ad calcem ipsius tertii tomi fatetur ipse typographus.

5. *Ubi librum ipsius, cui titulus FLORES ITALICI, &c. merito laudas.* FLORES ITALICI.

LICI quondam editi a *Mansino*? Debit saltem, cum haec scriberet, oculos ad *Eribrasi* elogium *Placcius* advertere, ubi librum FLORES ITALICAE LINGUAE *inscriptum adidisse* memorat. Ceterum germanus integerque libro illi titulus, non FLORES inscribitur, sed FLORIS italicæ linguæ libri novem, &c.

6. Sed inter *anonymorum* opera cur *Placcius* hanc Historiam rejicit, quae ANDREAE MAUROGENI auctoris nomen & prima fronte, & utriusque partis initio praefert. Sed omnium venia *Placcio* danda est, a quo memoratur opus NONDUM VISUM. Nisi forte acrius reprehendendi ii sint, qui opera a se nunquam visa memorare audent, & de iis iudicium ferre.

Haec tantum *Andreae Mauroceni* opera publici juris, quod sciam, facta sunt. Alia quoque ab eo relicta comperimus, quae quo seposita sint, quis divinet? Forfan aliqua plagiariorum, quorum natio numquam & nusquam non frequens, manus non effugerunt, qui pro suis ea venditare aui sunt. Inter ea, quae ab ipso relicta sunt, haec ad meam notitiam pervenere.

### Opera nondum edita.

V. *Epistolae*; quarum aliquot reliquisse volumina, supra num. II. §. memoravimus. De his ita *Lullinus* in ejus *Vita*: „Locus hic admonet, ut aliquid dicam de selectarum EPISTOLARUM VOLUMINIBUS, quas ille ad diversos dedit QUAMPLURIMAS, philologas, „historicas, familiares, scribendi genere facili & illaborato (comendae enim orationi gratior iam annis non immorabatur) sed perspicuo, sententisque crebris, quasi gemmarum, coloribus distincto. „Ubi vero lateant, maximo rei literariae damno, industriam meam adhuc fugit. Non dubio, quia *Janus Gruterus* suam *Magnam Inscriptionum Collectionem* his quoque locupletavit; idque eo concilio, quod auctoris nostri praecelsissimi nomen lego in indice eorum, qui scriptis privatis illi profuerunt. Aliae id genus epistolae in manus pervenere *Fortunii Liceti*, a quo libro I. de *Lucernis antiquorum reconditis*, cap. VIII. col. 16. Utinensis editionis, 1652. in fol. inter eos qui de *Lucerna Olibii aetolina* testimonium perhibuerunt, citatur *Andreas Maurocenus*, Venetus, gloria, pietate, probitate, sapientia, eruditio-  
ne, ac nobilitate in principe Republica spectatissimus, quem nuper extinctum

Luce. lib. III.

„Insatiabiliter desideramus, aeternumque

„Nulla dies nobis mororem e pectore dimet. „

VI. De iis quae Veneta Republica ad *Isidrae* oras gessit adversus *Othoneum*, *Federici Imperatoris filium*, libri duo.

VII. *Traictatus de forma Reipublicae Venetae*. Duo haec *Mauroceni* opera memorantur a *Craffo* in ejus *Vita*, pag. XIII. quibus ab eodem etiam adjungitur *Villa Hieronymi Fabricii ab Aquapendente*. Verum hoc titulo nihil aliud significatur, quam *Mauroceni* ad *Eriicum epistolae*, quae omnium editarum prima est, ut supra innuimus; de qua honestissimum est *Lullini* iudicium, cum in *Mauroceni Vita de Epistolis* verba facit, quas moriens reliquit: „Inter EAS (*Epistolae*) longitudine & elegantia pariter excellit (nam longissima earum „quaeque, quod de *Archilochi* iambis critici dicebant, ferme est pulcherrima) qua VII- „LAM *Hieronymi Fabricii*, *Pendentiaquensis medici*, describit, vel depingit verius; adeo „iconice, ut insanas hominibus substructiones, hortor pensiles, collectae feliciam arborum con- „sitos nemoribus, quos ille, XERSE e CHIRURGO factus, e manubis aegrorum in pla- „nitie suburbana excitaret, lectori ob oculos ponat intueandas. „

VIII. *Elogium Pompeji Justiniani*. Hujus operis notitiam *Aloysio Lollino* debemus, qui *Epistol.* pag. 15. haec *Mauroceno* suo scribit: „Nunc ELOGIUM ad regulam Tullianam „efformatum, quo POMPEJI JUSTINIANI sumus iustus Reipublicae prosequeris, in „ore ac manibus versatur, &c. „Fortissimus hic & nobilissimus Ligur, cum esset Venetarum copiarum magister in Forojulio, anno 1615. ineunte mense septembri, glande plumbex trajectus illius, perfractoque ossa sacra, pulcherrimam mortem occubuit. Id narrat *Nanius*, alique rerum Venetarum scriptores. Eneclaeus tamen tanti viri necem persequitur *Antonius Grimanius*, tunc in Forojulio Legatus cum imperio, datis hac de re literis ad Senat- tum eodem anno, prid. non. septemb. quas *Michael Justinianus*, secum a patruo meo clare memoriae, *Francisco Zeno*, Episcopo Justinopolitano, communicatas, inseruit tertiae parti *Epistolarum memorabilium*, quas edidit Romae, typis Tinassi, anno 1675.

VIII. *Carmina*. Nequid tamen inusule, nullum aliud offendi *Mauroceni carmen*, praeterquam unum tetralichon in *Lullini* sui laudem, quod exstat inter ipsius epistolae, pag. 210. *Lullinus* praeterea in *Epistolis Miscellaneis*, pag. 24. memorat *Mauroceni* distichon in laudem *Joannis Francisci Mussati*.

## SYLLABUS

*Auctorum, qui de Mauroceno, ejusque scriptis  
testimonium tulerunt.*

Praeter scriptores illos plurimos, quorum testimonia passim retuli, dum non fortasse indiligens, quae ad Maurocenum spectant, haecenus observavi, ipsius etiam alii nonnulli cum laude meminere, quorum nomina dumtaxat, adjecto operum titulo, placet hic referre.

Paulus Benius: *Orationes quinque et septuaginta*, &c. *Hic acceperunt epistolae et praefationes*, &c. *Venetis*, apud Jo. Gurilium, 1615. in 4. Habes in *epistolis et praefationibus*, pag. 18. Benii praefationem ad *Andream Maurocenum* pro *Summo Summo*, qui eidem *Andreae* suas theses philosophicas dicat.

Jacobus Fiorelli: *Dati e fatti memorabili del Senato e Patriis Veneti*. In *Venetia*, presso *Combi e La Nou*, 1672. in 4. saepius in hoc opere citatur *Maurocenus*.

Joannes Palatius: *Fasti ducales*, &c. *Venetis typis Hieronymi Albrizzi*, 1696. in 4. Credo hic *Mauroceni* nomen invenies.

Christianus Gryphius: *Differentia isagogica de scriptoribus historiam saeculi XVII. illustrantibus*. *Lipsiae*, apud *Themann Frisch*, 1708. in 8. pag. 456.

Langlet de Fresnoy: *Metodo per studiare l'istoria*, &c. *Tomo II. In Venezia*, appresso *Sabbatiano Coletti*, 1716. in 8. Pag. 157. inter eos, qui *Venetae Reipublicae* historiam scripserunt, suus, ilque honestissimus locus est *Mauroceno*.

Jacobus Albericus: *Catalogo de gli scrittori Venetiani*, &c. In *Bologna*, presso gli *eredi di Giovanni Rossi*, 1605. in 4. pag. 9.

Augustinus Superbius: *Trionfo glorioso d'Eroi illustri et eminenti dell'inclita et maravigliosa città di Venetia*, &c. In *Venetia*, per *Evangelista Deuchino*, 1619. in 4. libro tertio, pag. 105.

Franciscus Pona: *Elogia utroque Latii stile conscripta*. *Veronae imprimbat Tamus*, 1619. in 4. pag. XLIV.

Petrus Angelus Zennus: *Memoria de' scrittori Veneti patrii*, &c. *Venetia*, presso *Paolo Baglioni*, 1662. in 12. pag. 95.

Franciscus Sanfovinius: *Venetia, città nobilissima, et singolare, descritta in XIII. libri*, &c. In *Venetia*, appresso *Steffano Curti*, 1663. in 4. In *Additionibus Jusliniani Martinoni*, pag. 1.

Quae *Mauroceni* memoriam magis illustrarent, haud plura collegi. Unum illud superest, scilicet ut lectores meos admoneam, ne temere *Andreae*, *Venetiae* Historiae scriptori, alterius. *Andreae Mauroceni*, qui ejusdem fere coaetaneus fuit, sed ex alia tamen *Maurocenorum* familia, opus illud adscribant, quod ita inscriptum circumfertur: *Corsi di penna, e calcua di materic sopra l'isola della Cessalonja di Andrea Morosini, fo del Sig. Piero, nella quale è stato Provveditore*, anno 1621. e 1622. In *Venetia*, appresso *Evangelista Deuchino* 1628. in 4.

Caveat etiam, ne *Andream* nostrum cum eo confundant *Andrea Mauroceno*, cujus meminit *Leander Albertus* in *Descrizione eccelsae Italiae*, edita primum *Bononiae*, per *Anselmum Giaccarelli*, 1550. in folio, pag. 465. his verbis: *ANDREA MOROSINO, et Hermolao Donato, bene di continuo fissero occupati nel governa della città et de' stato, nondimeno dimostrarono, quanto fussero litterati, lasciando dopo se l'HISTORIE de i suoi tempi descritti in VERSI HEROICI*. Unde haec hauserit de duobus illis amplissimis *Venetae Reipublicae* Senatoribus, qui medio decimoquinto saeculo floruerunt, *Albertus*, conjectare minime audeo: nisi forte illius oculis obversatus est *Blondus Flavius, Favolviensis*, qui in *Italia illustrata*, edita una cum aliis ejus operibus, *Baskleae*, in officina *Frobeniana*, 1531. in folio, pag. 373. utrumque recenset inter *Venetos doctrina praestantes*, suaeque aetate adhuc viventes: „ *ANDREAS* „  
que

## LX

que MAUROGENUS bonarum artium studiis ornatus, sapientiae, & gu- „  
bernanda Republica peritiae gloriam habet: & *Hermolaus Donatus*, etſi ge- „  
renda republica fuit occupatiſſimus, in literis adeo eſt imbutus, ut cum „  
HISTORIAM teneat, tum HEROICOS VERSUS ſaepe compoſuerit ele- „  
gantes. „ Verum ex his verbis ( ne quid de *Donato* dicam ) nemo umquam  
mihi perſuadebit, *Maurocenum* hunc *Andream* aut HISTORIAM ſcripſiſſe, aut  
VERSUS faciſſaſſe.

bv

**A N D R E A E  
M A U R O C E N I.  
S E N A T O R I S,  
H I S T O R I A V E N E T A**

**Ab anno M. D. XXI.**

**Usque ad annum**

**M. DC. XV.**

**In tres tomos tributa.**







SERENISSIMO  
 VENETIARUM PRINCIPI  
 ANTONIO PRIOLO,  
 Et Excelso  
 DECEM-VIRUM CONCILIO  
 PAULUS MAUROCENUS.



*I* Quid nobis in votis superest post hujus vi-  
 tæ curriculum, Serenissime Princeps, illud  
 esse in primis fratri meo mibi persuadeo,  
 ut Veneta Historia, in qua conscribenda,  
 quod a publicis curis, & corporis aegritu-  
 dinibus temporis reliquum erat, id omne fe-  
 re contrivit, sub amplissimi nominis tui pa-  
 trocinio evulgaretur; ea potissimum ratione adducto, ut quem  
 sum-

*summa semper observantia coluit , quocum in plerisque obeun-  
dis muneribus insudavit , cujus amorem atque benevolentiam  
fuerat expertus ; eundem quoque patronum vigiliarum suarum  
nancisceretur . Id cum omnino contigisse videam , præclare me-  
cum , cui nihil magis est infixum animo , quam illius inhere-  
re voluntati , actum existimo . Tibi , Serenissime Princeps ,  
igitur hoc opus nuncupo , quod centum fere annorum comple-  
ditur spatium , in quo majorum tuorum merita recensentur ;  
tua saltem attinguntur . Quod si fratri meo recentiorum tem-  
porum res gestas explicare licuisset , plura quidem , & tuæ vir-  
tutis decora , & in patriam merita , quibus ad supremæ hujus  
dignitatis evectus es fastigium , enumerasset . Vobis vero , Pa-  
tres Optimi , quod vestrum est , defero . Supremo enim illi  
istius augustissimi concilii mandato , nescio id oneris , an bono-  
ris dixerim , fuit injunctum , cui satis ipse pro viribus facere  
nixus est . Sed , ab altioribus , uti moliebatur , initium ne su-  
meret , neve ad proxima propius accederet , fata obstitere . Ve-  
strum est , Patres Amplissimi , quæ Reipublicæ gesta continent ;  
auctoritate tueri : civis , qui animam fere ipsam in publicis  
exercendis muneribus effudit , labores benignitate amplecti :  
operi , quod imploramus præsidium , elargiri . Majora , Prin-  
ceps Augustissime , Præclarissimi Viri , vobis , quibus est publi-  
ca salus concredita , deberi fateor ; verum minus propterea  
gratum hoc fratris mei , meaque observantiæ pignus futurum  
non arbitror : nostri enim addictissimi animi quod testari ma-  
gis possit obsequium non suppetit : quod maximum habemus ,  
obtulimus .*

*Venetiis . kalendis januarii . CXCXXIII.*

# DUCES VENETI

Quorum principatus Andreae Mauroceni  
Historia complectitur.

LXXV.	LEONARDUS LAURETANUS.
LXXVI.	ANTONIUS GRIMANUS.
LXXVII.	ANDREAS GRITUS.
LXXVIII.	PETRUS LANDUS.
LXXVIII.	FRANCISCUS DONATUS.
LXXX.	MARCUS-ANTONIUS TRIVISANUS.
LXXXI.	FRANCISCUS VENERIUS.
LXXXII.	LAURENTIUS PRIOLUS.
LXXXIII.	HIERONYMUS PRIOLUS.
LXXXIII.	PETRUS LAURETANUS.
LXXXV.	ALOYSIUS MOCENICUS.
LXXXVI.	SEBASTIANUS VENERIUS.
LXXXVII.	NICOLAUS PONTIUS.
LXXXVIII.	PASCALIS CICONIA.
LXXXVIII.	MARINUS GRIMANUS.
LXXXX.	LEONARDUS DONATUS.
LXXXXI.	MARCUS-ANTONIUS MEMUS.

## E P I T O M E.

**Q**ui rerum status anno 1521. tota Europa esset, exponitur. Venetiis, Leonardo Lauretano extincto, Princeps Antonius Grimanus creatus est. Leo X. pontifex rerum in Italia novandarum cupidus, ut ad foedus cum Galliae rege ferendum Venetos secum traheret, primum omni ope annixus, mox novam cum Caesare societatem contra Gallos init. Venetus quidquid ex foedere Gallis debebat, quidquid ex pactis induciis Caesari, fideliter praestitit. Galli mediolanensi ditione a Caesareanis exuti. Suleimanus, Turcarum imperator, in Pannoniam irrupit. Quominus petenti Ludovico regi auxilia mitterent, Italiae motus Venetis impedimento fuisse. Post Leonis mortem iterum eorum, qui Gallo in Italia favebant, animi erecti. Hadrianus VI. pontifex renunciatus. Pro mediolanensis ditionis imperio acrius inter Gallos, ac Caesareanos certatum. Alexandria Caesareani, Novaria Galli potiti sunt. Frustra hi deinde & Mediolanum, & Ticinum aggressi: tandem accepta ad Piccolam foedissima clade, Laudem Pompejam, Cremonam, Genuam amisere, ac tota Italia cedere coacti sunt. Rhodos fortiter ab equitibus Hierosolymitanis propugnata, tandem in Suleimani potestatem venit: illis Melita ad religionis suae sedem firmandam a Caesare concessa. Caesar, & Angliae rex ad societatem contra Gallos ineundam Rempublicam illicere frustra conati sunt. Grimano mortuo, ad patriae principatum Andreas Gritus evectus est. Foedus inter Caesarem, ac Rempublicam actum. Gallus, maris praefecto Gausferio in Italiam misso, novos in Insubribus motus civit. Hadrianus pontifex e vivis excessit, ac Clemens VII. illi suffectus est. Galli iterum tota Italia depulsi: quibus tamen in novam ejus recuperandae spem, ipsius regis adventu, erectis, de sanciendo cum ipsis foedere magnis contentionibus apud Patres cum actum esset, nihil certi statutum est. Ad Ticinum male a Gallis pugnatum, ac Franciscus rex a Caesareanis captus est.



# HISTORIARUM VENETARUM ANDREAE MAUROCENI LIBER PRIMUS.



UAE mortalibus gravia , & atrocia acerrimis bellorum casibus accidere solent , cuncta fere Reipublicæ Venetæ octo annorum spatium contigere , quo invidiæ , atque odii stimulis acti Europæ Principes , adversus ipsam foedere Cameraci inito , exarsere . Julius Pontifex Maximus , Maximilianus Imperator , Ludovicus Gallix , Ferdinandus Hispaniæ Reges socia arma sumpsere , ut , imperio Venetis adempto ,

*Praemium.*

illorum nomen delerent , ac penitus excinderent . Hinc foedæ direptiones , adversa prælia , oppidorum vastationes , urbium opugnationes , populorum cædes ; quibus terrestre imperium debilitatum , pene collapsum foret , nisi Senatus in tot adversis constantia atque prudentia , civium egregia virtus favientem fortunæ vim fortiter exceperissent , ac mortales omnes surpergressæ casus , minanti exitium hosti invictis viribus restitissent ; ut ,

quamvis aliquando Respublica exagitari durioribus procellis, ac temporum illorum calamitate premi visa sit, nunquam tamen convelli, vel concuti potuerit; quinimmo animi infracto robore, & opibus, quibus abunde civitas pollet, hostium impetu repulso, conatibusque repressis, tandem amissa recuperaverit, pristinumque imperii decus cum dignitate retinuerit. Quæ omnia, uti gesta sunt, a Petro Bembo, & Paulo Paruta, clarissimis viris, literis fuere mandata: ille, post Marcum Antonium Sabellicum Decemvirum decreto conscribendæ Historiæ Venetæ onere suscepto, rerum seriem usque ad obitum Julii Summi Pontificis perduxit; ex quo tempore fœdus cum eodem Pontifice, ac Ferdinando Hispaniæ Rege adversus Gallos percussus illius excessu diremptum est: hic vero subsequutam temporum successionem Italico sermone usque ad annum M.D.LII. posteris transmisit; post cujus obitum, cum mihi a supremo Decemvirum Consilio injunctum esset, ut scriptis rerum, quæ nostra ætate gestæ sunt, memoriam complecterer, cuperetque animus non intra unius provinciæ fines, sed quacumque priscæ Romanorum linguæ notitia pervasit, nobilissimæ, atque antiquissimæ Reipublicæ gesta perlegi, operæ pretium me facturum existimavi, si altius scriptorum meorum exordia ducerem, atque ab iis potissimum temporibus inciperem, quæ, post pacem Bruxellis inter Franciscum Gallorum Regem, & Carolum Belgarum tunc Ducem initam, & cum Venetis inducias pactas, sequuta sunt. Inde sumere initium, Deo juvante, placuit, ac subsequentiū annorum res gestas conscribere: ingens sane opus, nec minori labore, quam utilitate refertum; siquidem clarissimæ, amplissimæque Reipublicæ, quæ domi, quæ foris acciderint, pace acta, belloque administrata sint, nobis erunt explicanda; quibus artibus coalescere civium animi, ac singulari concordix nexu ingentes pro patria labores exantlare potuerint; urbs ædificiorum publicorum magnificentia, mortalium undique confluentium frequentia, divitiis, ac viribus aucta, & illustrata, optimis legibus, severioribus judiciis firmata, bella cum potentissimis gentibus suscepta. Quæ sane omnia rerum cognitionem atque usum, dicendi vim & copiam incredibilem exposcere videntur; ea si minus asferre ad institutum opus potero, conabor certe diligentia, & studio certa-

re,

re , ne omnino impar ad provinciam sustinendam videar , quam mihi a supremo Consilio demandatam alacri animo suscepisse fateor , ut in re , qua nulla ad utilitatem ac splendorem præstantior esse potest , patriæ operam præstarem , & quantum in me esset , labentem rerum memoriam erigerem , ac civium præstantissimorum egregia facta ab interitu vindicarem .

Atque ut ea , quæ dicenda sunt , facilius intelligantur , quinam rerum status , quæ Reipublicæ facies , qui summorum Principum animus hoc tempore fuerit , paulo altius initio repetito , nobis explicandum videtur . Nam variis bellorum casibus Venetis jactatis , cum satis constaret , haud facile factu esse , Rempublicam antiquitate , civili prudentia , opibus , atque rerum terra , marique gestarum gloria illustrem , e statu decicere , averfis a bello Principum animis ; Bruxellis inter Franciscum Galliæ Regem , Maximilianumque Imperatorem pace inita , a Cæsare , ac Venetis octo mensium induciæ pactæ fuere , ut interea de firmanda pace ageretur : in quibus , ut , quæ Maximilianus Reipublicæ ademerat , Veronamque præsertim restitueret , cautum fuit . His peractis , de renovandis iterum induciis agi cœptum , Galliæ Rege auctoritate , & opera adnitente , ut ad pacem ineam aditus patefieret . Andegavum missi , penes quos rei tractandæ summa auctoritas foret , ab Imperatore Philibertus præpositus Trajectensis , & Hieronymus Borducius Brisatii præfectus , a Senatu Antonius Justinianus . In annos quinque induciæ pactæ , quo tempore ab armis abstineretur , nil hostile utrimque ageretur ; terra , marique cuncta pacata forent ; non consilio , non armis , non pecunia , non belli machinis hostes juverentur . Sancita hæc fuere anno ab humani generis reparatione M.D.XVIII. mense septembri . Quibus compositis , optata diu pacis spes orbi christiano affulgere cœpit , summisque votis a cunctis expetebatur , ut arma , quibus misere per tot annos Italia , atque Europa diffidiis Principium vexatæ , ac laceratæ fuerant , in communis hostis christianæ reipublicæ perniciem verterentur . Verum non ita fata Italiæ tulere ; sed nova dissensionum seges , libidine dominandi , veluti pabulo , aucta crescere in dies , novos motus ciere , clades cladibus adglomerare . Nam , Maximiliano defuncto , cum Carolus , Philippi filius , ejus nepos , cui nuper Hispaniæ regna amplissima , Ferdinando , &

He-

*Quinam rerum status qui esset , quo tempore Mauronius historiam suam conscribere aggressus est .*

Helisabeta vita functis, obvenerant, quique Neapolitanorum regnum adeptus fuerat, licet adversante Francisco Galliarum Rege, in demortui Maximiliani Imperatoris locum suffectus esset; odia, quæ jam restincta videbantur, recrudescere, ambitio transversos potentissimos Principes agere, Italia per tot annos armis labefacta, æmulationes alere, atque excipere, ac materiam ad arma exercenda præbere cœpit: cum Cæsar opulentissima Insulæ ditio privari, quam ad se Imperii jure spectare censebat, ægre ferret; neque Galliarum Rex a Neapolitano regno excludi, quod priores Reges hereditario nomine poscentes vi armisque ceperant, æquo animo pateretur. Jamque in dies ali occulta inimicitiae semina, alienari Principum mentes, ut si qua vel exigua occasio redintegrandi belli foret, turbari iterum res Italæ, divina, & humana misceri facile possent. Sed imminente malorum fato unum id obsistere videbatur, quod, quæ voluntas Italorum Principum, quæ inclinatio animorum futura esset, non satis erat exploratum: utram vero in partem vires provinciæ propenderent, maximum ad bellum conficiendum momentum erant habituræ. Respublica Veneta armis diu conflictata, quæ, fœdere cum Francisco Rege inito, ad Mediolanum tuendum tenebatur, motus bellorum denuo excitari, pacem labefactari ægre admodum latura videbatur; cum ob imminenti belli Turcici suspicionem; tum quod annuatim classibus parandis, mari tutando, imperio terrestri, ac maritimo defendendo publicæ vires, ac privatæ civium opes absumerentur, neque pares ad utrumque bellum sustinendum essent. Leonem Pontificem Maximum in summo dignitatis gradu collocatum, Urbini ditionibus, pulso Duce, sibi adjectis, nova appetere, ac moliri: religione, & pace florentem Italiam, in qua satis amplum imperium obtineret, novis bellorum eventibus objicere credibile non erat; cum Reges, qui opibus, imperio, viribus summopere pollebant, si semel in aciem descendissent, verendum foret, ne is, cui victoria afflaret (ut est hominum, ac præcipue Regum ingenium regnandi appetens) universam Italiam excurreret, legesque omnibus imponere adniteretur. Florentina Respublica, quæ nil, nisi ad Leonis Pontificis nutum agebat, nunquam sua confilia ab illius voluntate sejunctione videbatur. Genuenses, qui in

clien-



clientela Gallorum Regis conquiescebant, ab ejus sententia minime recessuros constabat. Lucenses, ac Senenses precaria libertate utentes, neque audere, neque moliri quidquam poterant. Federico Gonzagæ, cui Mantua parebat, nullæ rerum novandarum aut vires, aut spes erant. Alphonsus Estensis, Ferrariæ Dux, cui Mutina, ac Regiumlepidi urbes ademptæ fuerant, illarum recuperandarum desiderio flagrabat; attamen cum nullos sui consilii adjuutores speraret, potius in Regis auctoritate quam armis spem reposuerat. Franciscus vero Sfortia, Ludovici Insulbrum olim Ducis filius, Tridenti, urbe in faucibus Italiæ sita, degebat, in omnem occasionem intentus, qua se benignius fortuna ostentaret, ut nullis ærumnis fessum animum ad pristinum statum adipiscendum erigeret; qui a Gallo oblatas conditiones aspernatus, nulla vel temporum asperitate, vel fortunæ iniquitate adduci potuerat, ut juri suo cederet; immo varia agitare animo consilia, externos, Italosque Principes, ut suis afflictis rebus opem ferrent, implorare non desierat. Attamen qui spiritus in Francisco vigeant, non tantæ molis erant, ut pacem Italiæ turbare possent; cum Insulbres in potestatem potentissimi Regis concessissent, quem bello lacerare, neque facile, neque in promptu erat: cum præsertim nuper sibi Helvetios adjecisset, invictæque gentis armis nullum sibi aut grave, aut formidolosum bellum inferri posse censeret.

Is igitur Italorum Principum status ea tempestate: neque erat, cur quieti, ac paci bellorum motus, & curas anteferrent; cum repente veteribus Italiæ calamitatibus recentes adjectæ, bella bellis cumulata sunt; ac Respublica, quæ tum iis rebus maxime intenta erat, quibus cives præteritis laboribus fessi recrearentur, quæ pace, belloque ad illam ornandam, atque confirmandam pertinerent, instaurarentur, denuo novis jactari fluctibus, easdemque subire tempestates coacta est. Quo tempore Leonardus Lauretanus Princeps ex humanis excessit: singularis, & egregius civis, qui difficillimis temporibus clavum Reipublicæ tenuerat, vel hoc uno summæ felicitatis compos, quod quam tot pressam calamitatibus, ac fluctibus pene mersam Rempubicam conspexerat, eandem imperio, gloriaque florentem reliquerit. In ejus locum suffectus est Antonius Grimanus jam nonagesimum annum ingressus: civis, si quis alius, prosperis, adversisque

1521

*Leonardi  
Lauretani  
Principis  
obitus, &  
elogium.*

*Antonii  
Grimani  
Principis  
electio, &  
elogium.*

152 I *fis*que rebus adeo varie jactatus, ut humanæ fortis spectaculum cenferi merito possit. Nam anno M. CCCC. LXXXVIII. clas-  
 sis imperator adversus Bajazetem summo Patrum consensu creatus, cum ad Methonem cum classe Turcica male pugnatum esset, ad Prodonum bene rei gerendæ occasiones amisisset, Naupactum in hostium potestatem venisset, imperio illi abrogato, subletoque Malchione Trivisano; causam ex vinculis apud totius nobilitatis concilium dicere coactus, rerum capitalium Triumviris Nicolao Michaelē Doctore & Equite, Marco Sanuto, & Paulo Pisano Equite, anno M.D. tertio idus junii, divi Marci procuratoria dignitate adempta, in Illyrici maris insulas Apforum, & Crepsam exilio damnatus est. Verum novem postea emensis annis, ita rerum vicissitudine ferente, qua mortalia cuncta agitantur, Triumviris Bernardo Bembo, Marino Justiniano, Aloysio Gradonico majoribus comitiis legem ferentibus, eodem mense junio, universis fere civium suffragiis ab exilio revocatus, ac patriæ restitutus, statimque ad priorem evectus dignitatis gradum: undecimo post anno amplissimus illi honor delatus est.

*Suffragia  
 fuer. 1260.*

Principe igitur Antonio Grimano creato, tertio nonas quintilis anno M.D.XXI. etsi nondum ad arma palam ventum esset: attamen bellorum semina jam exorta, firmioribus nixa radicibus, acerbos propediem fructus editura videbantur. Nam fastus, ac dominandi libido, duæ animorum pestes, quæ mortales sæpe in summa mala præcipitarunt, jam animum Leonis invaserant, qui in flore ætatis, summaque in auctoritate constitutus, assentatoribus undique septus, sui pontificatus monumenta parum diuturna, & illustria rebatur fore, nisi ad aliquod egregium facinus animum adjecisset, quo memoriam ipsius quam maxime propagaret. Itaque omnibus modis statuit Galliarum Regem in amicitiam allicere, specie ad Italiæ quietem firmandam, re, ut, Carolo regno Neapolitano exuto, cujus potiundi desiderio æstare Francisci Regis animum noverat, Ecclesiasticum imperium, privatasque fortunas ingentibus dignitatibus, atque opum incrementis attolleret. Cum vero publicæ retinendæ pacis studiosum Senatum Venetum intelligeret, neque Reipublicæ rationes a Rege sejungi posse animadverteret, in eo in primis summa contentione laborandum duxit, ut defendendæ Italiæ obtentu foedus sanciretur, quo si quis arma in provin-  
 ciam

ciam inferret, hostis judicaretur; eo nimirum consilio, ut Cæsar, cujus in dies potentia, atque auctoritas augebatur, si armatus Italiam ingredi vellet, communi consilio, & viribus arceretur: non minus enim Pontifici, quam Venetis suspecta Imperatorum arma, vires, consilia semper fuerant. Huic se societati adjungendi Italici Principibus quatuor mensium spatium tribueretur. Si quis adversus sancita moliretur, foederave cum hostibus privato consilio iniisset, aut pactis aliquid adversum pacisceretur, illum tanquam hostem persequendi reliquis jus esset. Hac demum societate nihil aliis, quæ Pontifici, aut Reipublicæ cum Rege intercederent, foederibus derogaretur.

Hæc omnia cum ad pacem Italiæ magis firmandam pertinerent, libenter a Patribus audiebatur; licet de Pontificis voluntate nonnunquam ambigui vererentur, ne privatis consiliis ad novas res animum fortunæ illecebris corruptum converteret. Nam superioribus mensibus Antonium Pacium, Pistoriensem Episcopum, ad Helvetios miserat, ut sex millia peditum, qui in Ecclesiæ ditiones statim iter maturarent, conscriberet. Quod cum facile ex foedere nuper percusso a pagis impetrasset, milites per Mediolanensem agrum in Flaminiam, & Picenum pervenerant, stipendiaque ære pontificio merebant; primo non sine variis rumoribus, quoniam hæc destinarentur; deinde constanti omnium opinione arma in Neapolitanam expeditionem comparari. Quæ cum non obscure Leonem novas res meditari, bellicisque Italiam rursus exarsuram indicarent, Marco Foscaro legato Senatus mandavit, Pontifici significaret; *quod undique opinione hominum, voceque ferretur, Neapolitanum regnum Helvetios invasuros, eo vehementer Senatum commoveri: nam quemadmodum Cæsari armato in Italiam adventanti communibus viribus obsistere, ac in mutuam defensionem conspirare, id a nemine jure reprebensum iri censeret; ita illum ultro armis laceßere, ac fortasse nihil ejusmodi opinantem excitare, a publica utilitate sejunctum esse. Quis enim non maxime verendum existimet, si bello petatur Cæsar, Germanos, bellicosissimam gentem, illum omni ope, studio, viribus adjuturam, atque homines, alias a rebus Cæsaris aversos, contumeliam ad se pertinere existimatuos, in nostram perniciem denique consensuros? Huc accedere, quod hæresum pestis, quæ illos te-*

*Antonius  
Pacius Epi-  
scopus ad  
Helvetios.*

*Mandata  
ad Marcum  
Foscarum  
oratorum  
ad Pontifi-  
cem.*

ter-

1521 *terrimo veneno infecerat, Lutero majores, & acriores spiritus  
 suante, pontificiaeque auctoritati acerbius adversante, ingen-  
 tia incrementa sumptura, ac libere debaccatura videretur:  
 potentiam quinimmo, viresque Turcarum communium hostium  
 augeri, qui, Gazelle nuper devicto; nihil non sibi adversus Pan-  
 nonias, Italiam, atque adeo universam rempublicam ebristia-  
 nam superbe polliceantur; ac, si semel bellum in hanc provin-  
 ciam irruerit, quis non tristia omnia ominetur, dum ferrum,  
 quo adversus barbaras gentes pugnandum, illarumque sangui-  
 ne inficiendum foret: in nostra viscera propria dextera conver-  
 tatur? Hæc cum Pontifice agebantur. Joanni Baduario, ora-  
 tori apud Galliarum Regem, in mandatis datum: de iis, quæ in  
 Italia gerantur, Regem, ac Magnum Cancellarium certiore faciat;  
 constanter polliceatur, si de tuenda Italia agatur, cum  
 Rege Rempublicam in arma ituram, totis viribus adversus Cæ-  
 sarem, omnesque alios certaturam; contra valde periculosum  
 censere, Cæsarem hoc rerum statu ad bellum laceffitum urgere.*

*Mandata  
 ad Badua-  
 rium ora-  
 torem in Gal-  
 lia.*

Nullum interea officii genus, quo Venetos sibi adjungeret,  
 a Carolo prætermittebatur, magnum in Reipublicæ potentia,  
 ac viribus momentum ad res feliciter gerendas fore ratus: pol-  
 licita adjiciebantur; quodcumque in Venetorum urbibus, atque  
 agris Imperio jus esset, id ultro novis titulis concessurum. Ea  
 Patres, qui & temporis longinquitati, qua humana imperia,  
 non secus ac reliqua mortalia, vicissitudinibus subjiciuntur,  
 & gentium legibus, belloque, ac justis armis niterentur, nihili  
 ducere, neque semel Gallo præstitam fidem fallendam existima-  
 re. Decretam Cæsari non modo pro Imperii dignitate adepta  
 legationem, verum etiam Franciscum Contarenum, Gasparis  
 Contareni loco ordinarium legatum designatum, ne ullam Gal-  
 liarum Regis animo suspicionem injicerent, cunctari jusserunt.  
 Inde Carolus Venetorum amicitiae, ac fœderis spe dejectus,  
 Philibertum legatum in Galliam mittit, qui de pace cum  
 Francisco ageret, ut Regum conjunctionis metu perterritos, su-  
 nesta adhuc præteritarum cladum memoria animis hærente,  
 ad se attraheret. Cum Henrico Angliæ Rege conqueritur, Ve-  
 netos, neque pacta cum Maximiliano servasse, neque oblatam  
 pacem amplecti velle. Quibus in speciem agitis, eo minor  
 a Regibus fides habebatur, quod eodem tempore concordiae

*Franciscus  
 Contarenius  
 orator ad  
 Cæsarem.*

no-

nomen sermonibus Cesar usurpans, cuncta ad bellum summo nixu compararet, atque expediret. Itaque Franciscus rem omnem Joanni Baduario legato aperit, acriusque ad bellum incitatus in Morinis ad Ardresium oppidum in colloquium cum Anglo descendit; pacem nuper sanctam firmat; Venetorum amicitiam omni officiorum genere fovet; ut nuper sibi natæ filię sacro fonte abluendæ adlisteret, Senatum invitat, legato id muneris ejus nomine obeunte,

152 I

*Colloquium  
inter Gal-  
lia, & An-  
glia Reges.*

Ceterum Pontificis animus nunquam acquiescere, novis assidue rebus studere, plura in speciem, quæ ad pacem attinerent, Reipublicæ ostentare, in id omnes nervos intendere, ut imperii amplificandi, nominisque provehendi materiam pararet. Quæ cum eo spectarent, ut, iterum turbatis rebus, in novas bellorum procellas Italia conjiceretur, Senatum in summam suspicionem adduxerant, ne cum Gallo Pontifex arctiori vinculo junctus, Rempublicam in ingentes difficultates impelleret; cum inter cetera, ut perduelles, ac facinorosi homines a mutuis regionibus hinc atque inde communibus armis summoventur, poenisque afficerentur, quo Estenses Ferraria pelleret, Italica societate caveri vellet. Quibus permoti Patres, qui antea mandata subscribendi fœderis oratori dederant, Senatus consulto revocarunt; Regique significarunt: *Mirari, nova suboriri quotidie impedimenta, ut non propugnanda Italia, sed belli excitandi his fœderibus a Leone fundamenta jacerentur; dum tantum non aperte Casarem, provinciasque, quibus belli faces admoverentur, designaret. Quid vero quod perduellionis, & criminum reos persequi omnibus modis statueret? id enim præterquam quod plurimum rationibus Reipublicæ officeret, cujus militum præfecti, exteris provinciis orti, publica stipendia facerent, aperte innuere, illius animo, ut Ferrariensis Dux avito imperio pelleretur, penitus insedisse: quæ quantum momenti habitura essent, nemo non videret: Dum de communi firmanda societate, ac ne Cesar in Italiam arma inferret, actum fuit, ultro, ac lubenti animo Senatum assensisse: modo non de tuenda Italia agi, sed ut cuncta bellorum tumultibus misceantur: quæ ex pactionibus Regi Senatus teneretur, alacri animo præstaturum; iis, quæ a Leone proponerentur nullo pacto aures præbiturum.* Itaque fœdus quam-

*Veneri Fœ-  
deris adi-  
munt man-  
data fœde-  
ris subscri-  
bendi.*

1521 quamplurimis difficultatibus implicitum differri in dies ; Rex quin etiam secretiori cum Pontifice firmandæ societati moras necere , vel quod Leonis artes , cujus animum antea expertus fuerat , vereretur , vel quia , Cæsare multis difficultatibus septo , sibi vero cunctis ex sententia fluentibus , absque aliorum ope per se satis ad bellum gerendum expeditus videretur . Leo quoque plurimas antea sibi a Gallis illatas injurias mente repetere ; aliquando , ne summi Principes in pontificii imperii perniciosam arma jungerent , vereri ; incredibili nonnunquam Parmæ , Placentiæ , ac Ferrariæ urbium obtinendarum desiderio flagrare : quæ Mediolani a Lautrechio , & Tarbellenfi Episcopo juri ecclesiastico adversa gererentur , non æquo animo pati : ut tandem , non absque omnium admiratione , qui paulo ante ingenti ardore animi Francisci amicitiam concupiverat , is , momento mutata sententia , Carolo adhærens , Italicam pacem turbare , Cæsaris potentiam sibi antea invisam augere , atque innumeris se se periculis objectare decreverit . Angebatur Cæsaris animus ob Cantabriæ a Gallis illatum bellum : Mediolanensium extorrum spes , Helvetiorum nuper cum Rege inita societas maxime exstimulabant : difficile igitur non fuit , ut quos utilitatis species permoverat , societas quoque devinceret . Mutua itaque defensio Hetruriæ , ac Medicæ familiæ patrocinium , Mediolanensis expeditio , Parmæ , & Placentiæ pontificiæ ditioni adjectio , Francisci Sfortiæ Tridenti tunc vitam agentis in patrum imperium restitutio , Ferrariensis oppugnatio , jurisjurandi , quo Cæsar Neapolitano regno potiri vetabatur , absolutio secreto pacta . Ea priusquam in vulgus emanarent , statuunt clam per insidias , aut repentino aliquo armorum tumultu Gallos inopinato adoriri . Genua , quæ tunc in Regis clientela quiescebat , tentata ; Mediolanensis ditionis urbes per dolos petitiæ : sed utraque inani prorsus eventu contingere .

Senatus Venetus , ad quem nonnihil de consiliis a Leone mutatis pervenerat , latenter , astu , ac dolis belli initia regiratus , ut validiori præsidio urbes , arcesque firmarentur , decrevit . Trium millium Italarum peditum delectum statim haberi iussit ; si majore numero opus esset , id Sapientum collegio permissum . Cumque Thomas Scudus , Lautrechii frater , ac Tarbellenfis , ut Theodorus Triultius , copiarum Reipublicæ

*Fedus inter Pontificem, & Cæsarem.*

æ summus Præfectus cum cataphractis, leviorisque armaturæ  
 equitibus ad Insubrum fines adequitaret, a Senatu petiissem,  
 ex foedere concessum est. Triultio, ut suas cohortes in Ceno-  
 manos duceret, injunctum; Paulo Nannio Bergomi Præfecto  
 Legati munere delato, ut statim se ei adjungeret, mandatum.  
 Dum hæc agerentur, Scudus, cui, quæ occulto adversus Re-  
 gem pararentur, innotuerant, Regium lepidi Galliæ Cispalpi-  
 næ urbem per insidias aggredi statuit, inde rei patrandaæ op-  
 portunitatem, & occasionem nactus, quod quamplures ibi In-  
 subrum extorres, quos Pontifex a suis finibus arcere teneba-  
 tur, convenissent. Itaque ad viii. kal. julii summo mane cum  
 quadringentis levioris armaturæ equitibus Regium proficiscitur.  
 Illum Federicus Bozzolus, ejus nominis oppidi in Mantuano-  
 rum finibus Regulus, cum mille peditibus subsequitur. Eo  
 cum venisset, Franciscum Guicciardinum jam ea de re certio-  
 rem factum ad colloquium accersit, qui omnibus, quæ ad tu-  
 randam urbem spectarent, dispositis, ultro extra portas adest:  
 ibi dum mutuo conqueruntur; Scudus, quod exules adversus  
 pactiones intra moenia recipiantur; Guicciardinus, quod cum  
 armis Scudus fines pontificios esset ingressus, forte porta qua-  
 dam ad excipienda frumenta disclusa, Galli irrumpere conan-  
 tur: verum statim pulsi, clausisque portis, tumultu excitato,  
 displotis repente nonnullis tormentis, funduntur. Scudus in  
 summa trepidatione ab urbis Præfecto illæsus dimittitur. His  
 ad Pontificem perlatis, graviter de Rege conqueritur: nil hu-  
 jusmodi meritum per summam injuriam bello peti, dolo suas  
 urbes tentari; atque iis de rebus cum Oratoribus Principum  
 acerbe admodum, ac graviter agit; multa in Scudum, quam-  
 plurima in Regem exaggerat, qui cum occasionem ab ejus  
 amicitia discedendi diu quæsierit, nulla inventa, aperte bel-  
 lum moliatur. Reipublicæ Oratore accersito, quæ Regii acta  
 sint, exponit; ignorare, cur armis illum laceßere sibi Rex  
 in animum induxerit; statutum sibi, ac firmum esse, quacun-  
 que ratione Ecclesiæ jura, ac Pontificiam dignitatem sustine-  
 re: hoc uno vehementer angi, quod nondum coalitæ Italiæ  
 cicatrices denuo refricandæ sint, iisque certandum armis, qui-  
 bus Christiani nominis hostes pessum iri oporteret. Collegio  
 Cardinalium vocato, in Regem acriter invehitur, Cæsaris pic-

*Paulus  
Nannius  
Legatus in  
castris.*

*H. Mauroceni T. I.*

B

ta-

152 I tatem, ac religionem extollit; Italiae incolumitatem, totius Christianae Reipublicae salutem in illius societate contineri ostendit.

Senatus, cum ea, quae adhuc premere, ac celare Leo cupiebat, palam erumpere animadverteret, ut quantum opera, & consilio posset, nutantem Italiae pacem firmaret, graviter per Oratorem Pontificem alloquitur: quo loco res Christianae sint, exponit; quae, si bellum oriatur, incommoda provincia, per tot annos injurias bellorum perpessa, denuo subitura sit, docet: a Leone flagitat, priusquam adversus Regem moveat, illum de iis, quae nuper acciderant, certiore faciat; qua mente, quo erga illum animo sit, exploret; omnia experiat, antequam in aleam belli descendat; nihil eorum, quae multorum sermonibus vulgata fuerant, de Rege suspicari, qui omnibus pietatis officiis sanctissimam Sedem sit prosequutus: dein factum lenire; quae a Scudo ad Regium lepidi acta essent, non ad pacem labefactandam; sed ad extorrum facinorosorum hominum perniciem spectasse, quos rumor increbuerat, hostilia adversus Gallos, eorumque oppida meditari: de propensa Pontificis in commune bonum voluntate Senatum non ambigere: ceterum ad arma summos Principes redire, nunquam magnis caruisse periculis; nunc vero cum validissimo exercitu Suleimanus Pannoniis immineat, quis dubitet, his diffidiis illi non ad amplissimum modo Hungariae regnum, verum ad reliquas Europae provincias atque adeo ad Italiam ipsam aditum parari? quibus sane avertendis, cui onus incumberet, nisi illi, qui summum dignitatis, & auctoritatis imperium in terris obtineret? His convertere Pontificis animum ad pacis studia Senatus nitebatur. Arque eodem tempore, ne imparata Respublica offendi posset, decretum est, ut cataphracti equites lustrarentur, in eorum qui decissent locum, novi deligerentur; quadringenti levioris armaturae reliquis adjicerentur; sex Italorum peditum millia conscriberentur, mille & quadringenti ex Sedunensibus, mille ex Ræthis publicis stipendiis adlegerentur: petente Lautrechio, ut auctoritate, ac disciplinae bellicae laude insignis, quicum de bello administrando, deque Insubribus tuendis consilia communicaret, civis Mediolanum mitteretur, Andreae Grito, qui magna apud suos,

Andreae  
Gritus ad  
Lautrechium  
mittitur.



suos, summa apud exteros Principes excellentis virtutis opinione florebat, id oneris injunctum est. Legatus cum summa auctoritate Hieronymus Pefareus spectata vir prudentiæ, ac fortitudinis a Senatu declaratur.

152-1  
Hieronymus  
Pefareus  
legatus.

Interea Pontifex cum Gallo inimicitias palam exercere, nullum rationi, nullum Senatus precibus locum dare, bellum spirare; nam de illo administrando cum Joanne Emanuele Cæsaris Legato agere cœperat; Prosperum Columnam, scientia rei militaris clarum, Romam accersiverat, ut iis, quæ ad tantam rem conficiendam necessaria forent, communi consilio prospiceretur; copiarum vero suarum imperatorem Federicum Mantuanorum Principem delegit, ex cujus ditionibus, vel situ, vel propinquitate plurima adjumenta peti possent, ducentos illi cataphractos, totidem leviores equites imperat; cumque omnis rei bene gerendæ spes in celeritate sita esset, in primis statuunt, ut Pontificiis, Hetruscisque junctis cataphractis sexcentis, ac totidem ferme, qui tum in Neapolitano regno Cæsareanis aderant, a finibus Ecclesiæ Mediolanensis ager invaderetur; sex Italarum peditum millia deligerentur; duo Hispanorum, qui in Genuæ litoribus erant, ad exercitum inter Mutinam, ac Regium castra habiturum transirent; duo item Neapolitanorum millia Aterni Marchio duceret; mutuis Pontificis, Cæsarisque sumptibus quatuor Germanorum, duo Ræthorum peditum millia evocarentur: his Helvetiorum ad duo millia accedebant ex iis, quos ante Pistoriensis Episcopus, Pontificis jussu, in Italiam ductaverat, cum reliqui domum reversi fuissent: denique ut ab Helvetiis sex millia, juxta Pontificis fœdus, peterentur, decrevere; neve gens illa Gallis auxilio esset, postularetur, cum fœdera Pontificia longe Gallicis priora esse Leo affirmaret. His viribus a Lario lacu movere, atque Insubrum ditionem aggredi in animo erat: neque difficile, ut fortuna cœptis responderet, rebantur; cum ob nobiles exulum familias, quæ viribus, auctoritate, & clientium numero plurimum ea in regione pollebant; tum ob populorum ingens, erga Gallorum nomen, odium, qui a militibus gravia, & intoleranda perpeffi, cum neque Rex ob pecuniæ inopiam satis provideret, neque Præfetti ob negligentiam obsisterent, incredibilis, quo Regem prosequerantur,

1521 studii, & benevolentiae obliti, ut est plebis natura novarum rerum appetens, omnia sursum, deorsumque misceri, & agitari cupiebant.

Harum rerum, bellicae jam a Pontifice, & Caesare adversus Regem declarati fama in Gallias perlata, qua opulentissimam Mediolanensem regionem validissimo exercitu aggressuros ferebatur, Regem permovit, ut nihil, quod ad hostium conatus arcendos opportunum foret, praetermitteret; idque in primis cum in Venetorum foedere situm esse existimaret, Lautrechio, qui illius nomine toti regioni praesset, in Italiam misso mandaverat, ne quid Insubres detrimenti paterentur summa ope provideret; a Republica quaecunque ex foedere teneretur, requireret: sex porro peditum millia, sexcentos cataphractos equites Venetos praestare pactioibus foederis cautum erat: praeterea decem millia Helvetiae gentis adcersiri, sex Gallorum millia in Italiam proficisci, magnam Italarum peditum manum conscribi jubet: his copiis aut aequo cum hoste Marte certare, aut vim illius, conatusque repellere posse arbitrat. Verum Columna neque Neapolitanorum, neque Germanorum militum adventu expectato, reliquis collectis copiis, Ravennae, Forocornelii, Bononiae, Mutinae, Regii lepidi praesidis relictis, ad millia passuum quinque prope Parmam proficiscitur, spe haud exigua fretus, si Helvetii Regi milites non dedissent, oppidanique aversis a Gallo animis aliquid novi molirentur, fore, ut nullo negotio urbe potiretur. Verum Helvetii pactos ex foedere Regi milites permiserant, quorum dum delectus haberetur, Georgius Suprassius Mediolanum cum quatuor Sedunensium millibus venerat; Lautrechius ad Parmam tuendam Scudum cum hastatis quadringentis, ac quinque Italarum peditum millibus miserat: Senatus ad Pontem vicum, ut Gallis praesto essent, copias cogi jusserat. Proinde Columna non omnino suis viribus fidens, in Parma expugnanda operam amissurum veritus, ni Aterni Marchio cum trecentis hastatis, ac duobus Hispanorum millibus ex Neapolitano regno adventaret, ac Germani ad sex millia adessent, nihil moliebatur. Cum vero ex Aeniponti comitatu in Mediolanensem agrum, nisi per Reipublicae Venetae fines, aditus non pateret, Caesar a Senatu

petebat, ut Germanis iter per Veronensium fines facere permitteret, id summi beneficii loco a Republica accepturum. Caroli postulatis Senatus decreto ita responsum: Omnibus semper benevolentiae, ac observantiae officiis Rempublicam Caesarem prosequutam esse; quod iis, quae nunc petantur, assentiri nequeat, vehementer angi, propensae voluntati foedus obistere, quod iurejurando cum Gallorum Rege pepigisset; infringendum haud dubio, si Germanos per Venetorum fines transire sineret: Caesarem summo opere exorare, ut qui status Reipublicae Christianae, quorsum dissidia haec sint evasura, singulari prudentia expendere; ne virus hoc in omnia Reipublicae Christianae membra diffundatur, prospiceret; pietatis, & magni animi sui esse omnes cogitationes, & curas in Reipublicae Christianae pace defigere. Ita Senatus decreto Caesari responsum. Interea quam ratione Germanis militibus, si per Veronensem agrum transire velint, obstandum esset, consultitur: plerisque id nullo modo fieri posse, vel adituum multitudine, vel regionis latitudine contendentibus: Triultio licet difficultates inspicienti, conari nihilominus aliquid placebat; praecipuos in Veronensium fines ingressus summa diligentia custodiri; ac, si majoris aliquid momenti conficiendum foret, inter Pischeriam, & Lonatum munitionem erigi, qua situs opportunitate transire Germanis praeccludi posse sibi persuadeerat. Verum, vel temporis angustia, vel immutatis Lautrechii consiliis, res ad exitum perducere non potuit, nonnullis tantum locis ad hostes aditu prohibendos custodiae adhibitae, atque iis praesertim, e quibus facilior ingressus esset futurus, ad Croariam nempe, Gavardum, & Clusam inter montium fauces sitam arcem, quam amnis Athesis praeterlabitur, in quo catenam transversam duxere. Interim vero Lautrechio petente, ut copiae Venetae cum Gallicis jungerentur, quamquam moleste ferret Senatus exercitum a suis finibus discedere, ne militum incursionibus agri diriperentur, tamen ne foederi deesset, in Cremonenses copias duci assensus est; instante vero Lautrechio, ut Padum trajicerent, legato praecipitur, ut si ita in rem esse censeret, ultra Padum nostros cum Gallis jungeret.

*Triultii consilia de munitione prope Lonatum erigenda.*

Interea Germani milites, nostris elusis, per montium aspera, ac confragosos saltus cum ad Baldi montis radices access-

*Cesareani Parmam aggrediuntur.*

1521 fissent, incolumes in Cæsareanorum castra ad Parmam pervenire, quo etiam Aterni Marchio nuper cum Hispanis advenerat. Itaque propius admoto exercitu, civitas obsideri, & tormentis quati ab ea parte cœpta est, quam Parma flumine sejunctam, ad occasum vergentem, incolæ *Caput pontis* vocant. Lautrechius cum quingentis hastatis equitibus, septem Helvetiorum, quatuor Gallorum millibus, una cum Theodoro Triultio Venetorum Præfeto, qui quadringentos cataphractos, & quatuor millia peditum ductabat, Pado trajecto, lento itinere ripas amnis legens progreditur; dum interea sex Helvetiorum millia, qui a pagis Regi concessi fuerant, iter maturarent, id animo agitans, ut, vel cum hostibus manum confereret, aut si detrectarent, obsessæ urbi, cui frater præerat, opem ferret; quem per nuntios de rerum statu monitum, Gallicæ virtutis, sibi creditæ urbis, suæque existimationis meminisset, hortatur; cito cum exercitu, ut cum hoste pugnam capebat, ac civitatem obsidione liberet, adfuturum; certior namque a Scudo factus fuerat, paucos adhuc dies civitatem defendi posse. Itaque postridie ad viginti millia passuum ab urbe cum copiis pervenit, cataphractis præmissis, qui usque ad hostium castra citato cursu se se proriperent; verum dum hostes, omnibus ad oppugnationem instructis, acrius in mœnium everfionem incumbunt; Galli Capite pontis relicto, ultra Parmam amnem pacato agmine, cum maioribus tormentis se recipiunt. Hostes mane per murorum ruinas ingressi ea civitatis parte potiuntur, non sine oppidanorum applausu, ac lætitia; quippe qui Ecclesiæ imperium summo opere concupiverant; licet statim ingens gaudium mœror, ac luctus exceperit; nam eorum domus, ac supellex prædæ loco Pontificiis militibus cessere. Eam redintegrandæ pugnae opportunitatem nisi elabi Scudus passus esset, milites rapinæ intentos facile erat fundere, ac rursus civitate potiri. Hostes egesta humo, impedimentis perfractis, quibus portas Galli obseperant, tormenta in amnis margine constituunt, atque in adversam fluminis ripam displodunt. Dum hæc summo studio aguntur, Lautrechius cum exercitu ad Tarum flumen, quod septem millia passuum ab urbe distat, accedit. Eodem tempore rumor affertur, Alphonsum Ferrariæ Ducem centum

ca-

*Parma cis  
amnem ca-  
pta a Colu-  
mna, & di-  
repta.*

cataphractis, ducentis levioribus equitibus, duobus peditum millibus, quingentis Corsicis, quos Lautrechius miserat, æneisque tormentis duodecim improvise Finalis, Sanctique Felicis oppida adortum in suam potestatem redegit. His nuntiis perculsi hostes summa trepidatione, oppugnationis relinquentes consilia capiunt, veriti, ne a Lautrechio, quem appropinquare ferebatur, ad pugnam cogerentur, simul ne Ferrariæ Dux augendi imperii majores spiritus, atque opportunitates sumeret. Itaque duodecimo, postquam advenerant, die castra movent: Lautrechius, validiori præsidio urbe firmata, arcem Alam ditionis Parmensis oppidum ad Padum deditione recipit, atque inter Divi Secundi oppidum, Tarumque castra locat.

Insulto eventu Parma oppugnata, haud leves inter foederatos suspiciones exortæ sunt. Leo repentinum Columnæ discessum carpere; Cæsareanorum cunctandi artes timere, ne urbis potiundæ, qua flagrabat, cupiditate ad extorquendam ab eo immanem, qua maxime in belli sumptus egebant, pecuniæ vim uterentur, hæsitare. Cæsar vero Leonis ambigua consilia, atque inconstantiam suspecta habere; ne iis, quæ ex foedere ad illum spectarent potitus, quo æstu commotus repente a Gallis ad se transferat, eodem reciprocante raptus ad Gallos deferretur, vereri. Itaque denuo Venetos ad belli societatem, legato ordinario Alphonso Santio Venetias misso, sollicitabat: ex ea magna ad Rempublicam emolumenta perventura; non minus sibi, quam Venetis Italiæ pacem cordi esse: ne putarent Insuorum accessione propagandi in Italia Imperii materiam querere, cum ultro sancte polliceatur, Mediolanenses ditiones Francisco Sfortiæ Barenfi Duci concessurum. Verum, neque ullo officiorum genere, neque pollicitis, ut a foedere Gallico descisceret, Senatus moveri, aut flecti potuit.

Interim Helvetii superatis Alpibus Cremonam veniunt, quorum adventu permoti hostes a Divi Lazari ad Lenzium fluvium ea parte, qua Regium respicit, profecti, haud paucos dies ibi commorati sunt; cum interea nil memoratu dignum accideret, foederatarumque copiarum vires, atque existimatio imminuta opinione hominum excidisset. Cæsareani coeptis minime desistendum rati, sex millium Italarum peditum decem habere, duodecim Helvetiorum millia, Ennium Filonar-

1521

*Finalis &  
Sancti Felicis oppida  
a Ferrariæ  
se capta.*

*Cæsar per  
Santium  
Legatum  
Venetos ad  
societatem  
allicie.*

*Venetorum  
constantia  
in Gallorum  
amicitia.*

1521 dum Verulensem Episcopum evocare, Mediolanensemque agrum invadere totis viribus statuunt. Et quoniam exercitus Gallici, & Veneti propinquitare, vel acie certandum, vel commeatu laborandum norant, trans Padum copias ducere decernunt, ponteque ad Brixellum oppidum, in Padi ripa positum, extructo, kal. octobris amne trajecto, castra ad Casale majus posuere; quo tempore Julius Cardinalis Medicus Legatus a Leone supervenit. Lautrechius vero ponte sex millibus supra Brixellum passuum Pado instrato, copias in Cremonensem agrum perduxit, cumque hostes ad Ollium annum quatuor castrametationibus pervenisse, atque ad Rebeccam oppidum e regione Pontis vici substituisse, per exploratores nuntiaretur; statim impedimentis Cremonæ relictis, cum universis Gallorum, & Venetorum copiis ad Divi Martini quinque a Rebecca millibus celerrime Lautrechius proficiscitur, eo consilio, si hostes iter maturarent, ut obvius copiam pugnandi faceret. Qua re vehementer commotus Columna non ultra progredi, sed Helvetios adventantes opperiri statuit. Verum tertio die Lautrechius, castris ad Bordellanum positis, tormentorum partem trans Ollium ad Pontem vicum misit. Pileæ ferreæ in hostium castra ingenti strepitu jaciebantur, quo periculo perterriti, quarta noctis vigilia summo silentio motis castris, exercitum ad Gabionetam oppidum ducunt; inde manum conferere cum nostris detrectantes ad Ostianum castrametantur.

*Ferrarienses ad Finale Leonem profugati.*

Dum nil agendo tempus utrinque teritur, Pistoriensis Episcopus, ac Vitellius Helvetiorum, atque Italarum manu Ferrarienses ad Finale oppidum inopinantes aggressi fundunt, ac cadunt, Duce ipso quam celerrime se Ferrariam recipiente, qui cum valde suis rebus timeret, suppetias a Senatu enixe flagitabat; ne amicum, ac propinquum Reipublicæ Principem desereret, ne hostes sancti Georgii peninsulam ingredi summo civium quoque Venetorum detrimento pateretur; minora saltem navigia ad se, resque suas tutandas mitteret. Senatum, quin Ducis voluntati assentiretur, Pontificis auctoritas in primis permovebat; neque enim cum Leone apertas inimicitias exercere e Republica esse censebat, cum ea, quæ ex foedere ad Mediolanum defendendum Galliarum Regi præstaret, nec

Ca.

Cæsareanis induciis, nec Pontificiis rebus adversari constanter affirmaret. Eodem ferme tempore, eademque de causa cum per Oratorem Villierum Rex petiisset, ut Senatus Ferrariensi summam militiæ Præfecturam mandaret, exorari non potuit, inclinatum jam in hyemem anni tempus, ac cataphraкторum conscribendorum equitum difficultatem causatus. Dum hæc agerentur, Helvetii Sedunensis Cardinalis auspiciis per Alpes iter in Italiam moliebantur; qua de re cum rumor increbuisse, Bergomi, & Brixie Magistratus, ut aditus intercluderent, adnixa, in Sebino lacu lembos, ac rates ad oppositas ripas, ne facultas transeundi foret, sisti jusserant; Lautrechius Gallos equites cataphraкторos una cum aliquot ex Venetis levioribus Pandeomio Gallo duce ad Ollii pontem misit, ut fluminis trajectu Helvetios prohiberent. Verum conatus vano eventu cecidere; nam nocturno tempore per lacum vedi in Brixien-sium fines pervenere, non absque suspitione, adjumenta illis ad trajiciendum exhibita a nostris fuisse, cum lembos, ratesque loco motas summo mane fuisse constaret. Helvetii cum primum oppositam attingere ripam, ab Hispanorum, aliorumque militum manu excepti in itinere quamplurima regionis ac-colis detrimenta attulere. Sed inter hæc prætereundum non est, quod ad Ottolengum satis amplum agri Brixien-sis oppi-dum contigit: id Cæsareani, ac Pontificii milites ita fœde diripuerunt, ut in eo crudelitatis, avaritiæ, aut impietatis nulla non exempla reliquerint; non ætati, non sexui parci-tum; fortunæ direptæ; feminae ludibrio, & libidini habitæ; captivi abducti, in cunctos sævitum, & quod omnem imma-nitatem, atque impietatem exsuperat, sacratissima vasa, qui-bus Christi Dei corpus asservatur, furto sublata, Eucharistia abjecta, quæ barbaris quoque horrorem incutere poterant. Helvetii quoque, licet iis Brixie Magistratus jussu commeatus, & omnia necessaria abunde suppeditarentur, equis, atque aliis jumentis quamplurimis abactis, luctuosam agrestibus memoriam reliquere. His de rebus cum Cæsare Senatus vehementer con-questus est, quod induciarum tempore ejusmodi a suis mili-tibus patrata forent, qualia ne bello quidem committere fas esset. Eodem cum Pontifice officii genere egit, quæ in reli-gionem egerant milites gravius expressa, captivorum libertas, atque,

*Helvetiorum  
per Brixien-  
ses transi-  
tus.*

1521 atque, ut damna sarcirentur, petitum. Principes militum facinora partim detestari, partim excusare conati, captivos restitui jussere.

Helvetii tandem Ollio trajecto, hostium castris se adjungere, ingenti omnium admiratione, quod, qui nunquam invicem dimicare consueverant, pars Gallorum, pars Hispanorum stipendiis merentes infesta in se invicem signa ferrent. Verum non alia re, quam pecunia duci, ali, & contineri exercitus compertum est. Ceterum novo rei exemplo percussæ procerum mentes ad conciliandos animos bellicosissimæ nationis, armaque iisdem auspiciis connectenda nuntios utrinque mittunt, qui ad illos, quos Sedunensis Cardinalis in Italiam duxerat, profecti fuerant, in itinereprehenduntur; qui ad Gallorum exercitum designati erant, mandata exequuntur: pessimo consilio, non absque infamiæ nota, sub adversis signis ab eadem gente pugnari, civilia arma nunc primum acui, atque exerceri: quonam impetu, quo cæstro perciti furerent? fera corda mollirent, ab infausa militia discederent, in patriam redirent, neve partam a majoribus gloriam, neu florentem Rempublicam foeda contentione commacularent, ac miserrime distraherent. Hæc tantum apud eam gentem potuere, ut plerique Lautrechium auri, argenti inopia laborantem desererent, ac per summum dedecus prisco amicitiae jure, recentique Gallorum foedere posthabito, in patriam reverterentur. Hujuscemodi moribus vel loci natura, vel domestica disciplina ea gens imbuta est, ferocia, ingenti spiritu, bellica virtute, nostra, patrumque memoria illustris, sterili solo, montium angustis, saxorum crepidinibus fere inaccessible. Ut pauca inter se, eaque potissimum religionis causa, bella exercuere; ita quamplurimas in Europa pugnas alienis stipendiis edidere, quibus Helvetio nomini ingentem gloriam, egregios titulos peperere: quæ eximia bellicæ virtutis decora (ut nil undequaque perfectum mortalibus natura concessit) inconstantiæ, tumultus erga duces, ac parum sinceræ fidei notis nonnunquam aspersa fuere. Helvetiis dilabentibus, cum exercitus robur imminutum, ac fortunam trepidare Lautrechius inspicere, anxius animi; ac de rerum summa sollicitus, presidio Cremonæ, & Pisleoni relicto, castra ad Cassanum admovit,  
ut



ut hostes Abduæ fluminis transitu totis viribus arceret ; id haud difficulter aggerum altitudine , pugnae disparitate , militum virtute , consequi posse ratus . Hostes , ad Rivoltam exercitu admoto , de Abdua tranando , extruendoque inter Rivoltam , & Cassanum ponte , consilia ineunt ; sed cum vel rei difficultate , vel Gallorum imminentium copiis deterrerentur , Columna secreto , intempesta nocte , parvis lembis ad Vaprium quinque millibus a Cassano passuum , nonnullos milites in ulteriorem ripam exponit . Ii editiorem quemdam locum occupant , ut reliquis succedentibus auxilio sint , ac , licet vehementius obsistente Scudo , qui ad tutandum fluvium , hostesque ripa prohibendos cum quadringentis cataphractis , Gallorum peditum manu , majoribusque tormentis a fratre missus fuerat , evasere , ac trans Abduam pervenere . Scudus spe frustratus Cassanum se recepit . Lautrechius vero de transitu hostium certior factus cum Gallorum , Venetorumque reliquis copiis una cum Triultio , Mediolanum , totius regionis caput , ingreditur , ad Laudem Pompejam Reipublicæ legato cum tormentis , suarumque copiarum parte relicto . Hostes ad Melinianum oppidum Mediolanum , & Ticinum inter castrametantur , eo consilio , ut , nisi valido præsidio firmatam Mediolani urbem aggredi , saltem Ticinum regredi possent .

*Lautrechius cum  
Triultio  
Mediolanū  
se recipit .*

Sed cum declinare Gallorum res , averfamque ab iis fortunam cernerent , animos , ut adversus Mediolanum suarum virium periculum facerent , erexerant ; tum popularium studiis , atque animorum inclinatione , quos rerum novarum spes nonnunquam præcipites agere solet ; tum exercitus intra mœnia inclusi consternatione accensi : quæ Pontificiis , ac Cæsareanis , ut afflanti finem fortunæ explicarent , spiritus addiderant . Itaque ad xiiij. kal. novembris , in vespèram vergente die , suburbia aggrediuntur , quæ Lautrechius , ne hostis , illis captis , faciliorem sibi ad expugnationem aditum aperiret , munienda curaverat . Ad munitionem prope Ludovicam portam , cujus custodia Theodoro Triultio , & Andreæ Grito obvenerat , a scloppetariis militibus pugnari coëptum : primo congressu Hispani arcentur , ac funduntur ; paulo post redintegrata pugna , militum magno numero aucti , ignibus fabrefactis , vehementiori impetu invehuntur ; munitiones , quæ parum eminebant ,

*Columna  
Mediolanū  
aggreditur .*

con-

1521 conscendunt; cumque impares Veneti ad Hispanos sustinendos essent, Triultius, quam iniquo loco res esset, Lautrechium doceri jubet, ut Helvetiorum manu subveniat, petit; his imperata detrectantibus, totidem numero Aquitanos flagitat; tandem Petro Navarro cum paucis peditibus subsidio misso, Veneti ab hoste pressi, perturbatis ordinibus, loco cedere coguntur; idem Helvetii, qui haud longe aberant, fecere; pavore omnia, trepidatione, ac tumultu replentur. Hostes, Venetis fufis, Theodoro Triultio summo Praefecto, Mercurio Bua, Aloysio Marino Reipublicae a secretis, atque aliis captis, Andrea Grito se cum Gallis in civitatem recipiente, Romana, ac Ticinensi porta cum exercitu urbem ingrediuntur. Lautrechius noctis horrore, populi levitate, inopinato hostium adventu perculsus, nil egregii consilii capere; non hostes, qui metu soluti nullo ordine in civitate, ac suburbiiis vagabantur, adoriri; non suos adhortari, ac sistere; cuncta in pejus labanti animo subijcere; tandem paululum ad arcis arcem moratus, intempesta nocte Mediolano relicto, cum Gallorum, ac Venerorum copiis Comum se recepit: ibi quinquaginta cataphractos equites, ac sexcentos pedites praesidio sub Palicia imponit, Abduaque ad Leucum trajecto, cum reliquis copiis in Bergomatem agrum contendit. Ita Gallorum parta, ac sperata decora fere momento fortuna, Mediolano crepto, prorsus evertit; cum Lautrechius in amplissima civitate cum exercitu tutum se esse, neque hujuscemodi facinus ausuros hostes arbitraretur. Verum ita se res mortalium habent, ut earum saepe exitus, neque consiliis, neque sententiis hominum respondeant, ac nonnunquam rerum maximarum opportunitates, aut omiffae, aut ultro susceptae modo infaustos, modo praclaros exitus habuerint. Pontificis, ac Caesaris exercitus, qui paulo ante Parma inglorius, ac pene in fugam versus abiecerat, neque Insubrum vicos, ne dum urbes, attigerat, felici audacia caput regionis adortus, non bellicis admotis machinis, non nobili praelio depugnans, horae momento ingentem victoriam est adeptus. Atque, ut plerumque fit, ut nutantibus, inclinatique rebus, nec officiis, nec minis populus in fide contineri queat, Mediolano (arce tantum incolumi) amisso, Ticinum, Laus, Placentia, Parma, ac Novocomum ultro in hostium

*Theodorus  
Triultius a  
federatis  
captus.*

*Lautre-  
chius Me-  
diolanum  
deserit.*

*Complures  
urbes a  
Gallis desi-  
ciunt.*

stium potestatem concessere : Cremonæ trepidari cœptum , civēs ad arma concurrere , universaque civitas in defectionem versa , arce excepta , ad partes Cæsaris accesserat ; sed Lautrechio cum exercitu adventante , per nuntios delicti venia petita , atque accepta , rursus in fidem recepta est .

1521  
Cremona a  
Lautrechio  
recepta .

His rerum successibus suspensi Patres , tantam repente rerum mutationem sequutam anxiiis animis expendebant , tantam imperii accessionem Cæsari momento factam , Italiæ , ac Reipublicæ metuendam rati : nam regno Neapolitano , Insulæ opulentissima regione , quam summo opere concupiverat , adjecta , Pontifice sibi multis beneficiis obstricto , ac præsentī successu devincto , quo victoria impotens animus sese tolleret , circumspiciabant , effluentemne fortunam cohiberet ? An laxatis habenis , nullam iustitiæ legibus insitam Regibus dominandi libidinem coerceret ? Attritas Gallorum res , propinqua jam hyeme , nec suppleri exercitum , nec novas copias a Rege miti posse ; cataphractos Reipublicæ pedites , ac levioris armaturæ equites valde imminutos , recentique clade male affectos ; vires Reipublicæ ad belli molem sustinendam universam impares esse : quocirca præsentibus rebus accommodatis consiliis , Pontifici partam victoriam gratulantur , felicia illi , prosperaque semper optasse ; a veteri observantia erga sanctissimam illam Sedem plurimis pace , belloque testatam officiis , numquam se recessuros ; suppetias Gallorum Regi foederis nexu adactos tulisse ; inducias cum Cæsare servasse , nullas pacis æquas condiciones aspernatos , ut Christiana Respublica per tot annos bellorum casus magno cum damno experta ab intestinis dissidiis conquieret , ac communi hosti communi consilio obistere posset . Alphonsus Santius Cæsaris Orator Patrum Collegium adit ; Gallos post Mediolanensem cladem intra Reipublicæ fines exceptos a nostris foveri graviter conqueritur , perspicua in Pontificem , ac Cæsarem inimicitiae signa edita exagitat ; his nisi cito provisum sit , Cæsarem totis viribus obviam iturum . Senatus quæ acta sint necessitate temporum excusat ; Gallico foederi deesse absque fidei nota non licuisse ; nil contra inducias actum ; optima semper in Cæsarem mente fuisse , neque diu in suis agris Gallos moraturos . His officiis Cæsareanorum animos lenire , ardorem restinguere conatur ,

Cæsaris legatus de Venetis conqueritur .

Venetorum excusatio .

1521 veritus ne victoria insolens hostis, induciarum legibus perfractis, cuncta ad libitum misceret, ac quacunque facilior esset aditus irrumperet. Itaque Andreæ Grito Legato mandatur, Lautrechio suadeat, ut exercitum a Venetis finibus in Ferrarienses ducat; soli fertilitate, ac frugum ubertate omnia ad com meatum necessaria abunde regionem suppeditaturam; cum præsertim Alphonfus per suos nuntios nuper Lautrechio se, suaque Regi auxilio fore significasset, ac quamplurimæ rei optime gerendæ occasionem locorum opportunitate capi possent: id si omnino abnuat, quam maximam saltem copiarum partem eo mittat, cum reliquis in Veronæ, ac Vicentiæ finibus moretur; ne si intra Brixiensem, ac Bergomatem agrum exercitum continere velit, bellum in Reipublicæ viscera eliciat, infensis præsertim erga Hispanos incolarum animis, qui recentium injuriarum haud immemores, nulla periculorum habitatione, cuncta ausuri viderentur. Verum Lautrechius a Reipublicæ finibus amovere copias noluit. Interim Oratori apud Galliarum Regem injungitur: cladem in Insubribus acceptam Reipublicæ nomine doleat; de communium rerum statu edoceat, omnem spem in eo sitam esse, qui fortunæ malignitatem, ac improsperos eventus sua virtute corrigere possit: quocirca inexhaustis potentissimi regni viribus nitatur, labentes res sustinere, equitatus, peditatusque magnam vim in Italiam mittere: fore, ut hostes pecunia laborantes, munitionibus, atque arcibus adhuc Gallis obtemperantibus, non diutius victoriæ fructu lætentur. Dum hæc fiunt, atque omnium animi eo intendunt, quo, post summa felicitate, ac facilitate partam a Cæsareanis victoriam, res evasuræ essent, inopinato Leonis Pontificis obitu omnis eventuum, ac consiliorum ratio immutata est; qui cum ingentem lætitiā ex Mediolanensi victoria cepisset, animoque multo majora evolveret, ac spe jam potiretur, febricula paucis diebus confectus, v. non. decembris, non absque exhibiti veneni suspitione, e vita excessit: vir excellenti ingenio, regia liberalitate, præsertim in eos, qui ingenuis excolendis artibus incumberent, atque antiquitatis gloriam egregia aliqua virtute æmularentur: humanæ felicitatis votis supra reliquos mortales felix; nisi Italiam, quæ post præteritorum bellorum clades respirare videbatur, denuo in

Leonis Pontificis obitus.

in eodẽm fluctus , ac molestias coniecisset : erga Venetos in speciem propensus , re ipsa infensus , quæcunque potuerat adversus illos machinatus .

1521  
*Leo infensus in Venetor.*

Dum variis rerum casibus Italia jactatur , ac potentissimi Christianæ Reipublicæ Principes implacabili odio , armisque acerrime decertant , Turcarum vires Principum dissidiis in dies magis augebantur ; gens Christiano nomini infensa , nemine obsistente , libere debacchari , atque Europæ exitium meditari cœperat : eo sane ambitio , ac vecordia mortalium animos adegerat , ut ne de tantis quidem rebus cogitarent , & dum acrius invicem insurgerent , ac plusquam civilibus odiis præliarentur , nil sancti , nil pensi haberent . His factum fuerat , ut Selymus Bajazetis filius superioribus annis regnum adeptus , magnis victoriis Ottomanæ gentis nomen nobilitaret , qui cum omnia regnandi cupiditate minora existimaret , patre adhuc vivente , regnum invaserat . Fratribus Acomate , & Corcuto interfectis , Prætorianorum militum favore ad Imperium evectus , ingenii ferocitate , bellica virtute , vasto spiritu , animo supra quam dici posset , gloriæ , ac regnandi avido , ut regni fines augetet , primum Sophum Persarum Regem armis in Perside aggressus acie vicerat , Taurisum occupaverat , magnam amplissimæ illius regionis partem subegerat . Mox vetusta , ac præpotenti Mamalucorum gente , quæ Aegypto , Syriæque per trecentos annos imperitaverat , tribus præliis victa , ac deleta ; Memphi amplissima , ac celeberrima civitate in potestatem redacta ; exiguuo temporis intervallo Syriam omnem , atque Aegyptum Ottomanico imperio adjecerat . His autem regnorum accessionibus & maritimarum , & terrestrium copiarum robore , atque immensa auri copia maximos spiritus sibi sumpserat : siti inextinguibili regnandi ardens animus , quo plura armis adeptus fuerat , eo ad majora niteretur , Pannoniisque non modo , verum etiam Italiæ illius arma essent formidolosa . Verum medio rerum cursu interceptus apud Chiurdum Thraciæ pagum anno M.D.XX. postquam octo annos imperasset , spes omnes cum vita amiserat , Suleimano filio imperio amplissimo relicto , qui a patris crudelitate abhorrens , bellica virtute haud dispar , non exigua Ottomanis imperii incrementa peperit : nam regni initio Gazelem Syriæ Præfectum novos motus cientem , ac

*Turcarum rerum expositio.*

Ma-

1521 Mamalucorum nomen, Tripoli, & Beritho clarissimis occupatis urbibus, erigere conantem, prælio fudit, ac provinciæ pristinam tranquillitatem restituit.

Mox hoc anno M. D. XXI. bellum Pannoniis inferre decrevit, Christianorum diffidiis nobilissimo regno nullo negotio potiturum ratus. Huic Ludovicus Ladislai filius vix primæ juventæ annos ingressus præerat, rerum usu, militari scientia ad regia obeunda munera, atque ad tantam molem difficillimo tempore sustinendam parum idoneus; regni proceribus dissimili sententia, consimili affectu imperium in diversa trahentibus. Itaque Sulcimanus, ingenti exercitu comparato, Byzantio egressus, iter per Thraciam, ac Mœsiam in Pannonias arripuit, Albam Græcam regni illius celeberrimam urbem, ac Turcarum manubiis jam inde ab Amurathis temporibus refertam opugnaturus, uno & eodem tempore classe ad Christianorum Principum vires distinendas Hellesponto emissa. Quæ res Senatui impulere, ut Legato severiorem maris custodiam committeret; Corcyræ, Maleæ, Cretæ, ac Cypri nonnullis triremibus relictis, ut cum reliqua classe se in sinum Adriaticum reciperet, mandaret. Ludovicus cum primum certior factus esset, universum Ottomanici belli impetum in suum regnum erupturum, ut potentissimo hosti omni conatu obsisteret, summa ope nitebatur: & quoniam impares ad tantum onus sustinendum suas vires noverat, ad Christianos Principes, Republicasque conversus literas mittit; de rerum suarum, deque regni statu docet, auxilia implorat; ut, nisi sui regni periculo, saltem proprii commodi rationibus ad opem illi præstandam permoverentur, ne regno Hungarico adepto, aditus Christiani nominis hosti in Germaniam, Italiam, ac reliquas Europæ provincias pateret. Eæ literæ Laurentio Aurio Doctori, Reipublicæ Legato traduntur, quæ Venetias transmissæ ad reliquos Principes mittuntur. Cum Aurio Rex graviter agit, exorat, Senatum suadeat, ut prisce cum Pannoniæ Regibus societatis meminerit; hortetur, ne in tot rerum angustiis regno amplissimo, Venetique nominis studiosissimo deesse velit. Hæc eadem Philippus Mora Agriensis Episcopus Regis Orator Senatui significanda curavit, qui vetere in Hungariæ Reges benevolentia, ac studio omni ope, & apud Christianos Principes

*Ludovici  
Hungaria  
Regis literæ  
ad Christianos  
Principes.*

*Laurentius  
Aurius Venetus  
Orator in Pannonia.*

cipes officiis, & pecuniæ vi Hungaricas res juvare nixus fuerat, eidem Oratori ex foedere triginta aureorum millibus perfolutis. Verum temporum conditionibus, quin præsentibus postulatis assentiretur, remorabatur; præcipue vero in Italiæ præcordiis furente bello, quod per tot annos Venetorum civium vires haud parum debilitaverat. Itaque S. C. Legato responsum est: Quæ prospera, vel adversa regno Hungarico accidissent, semper veluti propria Rempublicam existimasse; ob bellum, quod Pannoniæ a potentissimo Turcarum Rege immineat, vehementer commoveri; verum eo loco Venetas res esse, ut præteritorum temporum casibus attritas, nihilominus rursus in belli Italici tempestates incidere necesse sit: quocirca regni vicem dolere, fateri nihil adversi illis accidere posse, quin ad reliquas Europæ partes pertineat, belli fluctibus in Italia residentibus, præcæ in nobilissimum regnum benevolentiae, ac pietatis signa edituram. Sed cum Turcarum ingenti conatu in summum discrimen Pannonias adduci Ludovicus cerneret, atque ab omnibus Christianæ Reipublicæ Proceribus subsidia sedulo flagitaret, Joannem Statilium Evursiensem Præpositum, qui a Senatu denuo opem, auxiliumque imploraret, Venetias misit: illum xij. kal. octobris Sapientum Collegium ingressum in hanc sententiam locutum esse constat.

*Esti qui Pannonicarum rerum status, Princeps Serenissime, Amplissimi Patres; vobis notum esse Ludovicus Hungariæ Rex sibi persuadeat; quique erga amplissimum regnum vester animus semper fuerit, illustribus argumentis nullo non tempore perspexerit; attamen ut me extraordinarium Legatum ad vos mitteret, plurima permoverunt; præpotentis Turcarum gentis adversus Pannonias bellum, hostium numero, ac viribus formidolosum; minime ad tantum onus sustinendum pares regni vires; amplissima istius Reipublicæ in illud semper spectata, atque egregia officia; Regis vobis addictissimi in gravissimo hoc Senatu spes, ac præsens fiducia. Neque enim antea Ottomana gens nomini Hungarico inimica, quæ semper crudeles iras, implacabile odium nobiscum exercuit, aut militum copia, aut tormentorum apparatu instructior, aut imperatoris virtute magis subnixa, regnum nostrum invasit; qui cum immensum fere undique militum numerum comparaverit, armis, equis, viris,*

H. Mauroceni T. L.

C

bel-

Joannis  
Statilii  
Hungariæ  
Legati oratio.

1521

bellicis machinis undique septus minas intentat, ingentem impetum frementis belli in nos effusus. Ad quod si alio unquam tempore repellendum nostrae opes dispaes fuere, hoc certe superioribus exhaustae cladibus, ne ad sustinendum quidem pares erunt; nisi a reliquis Principibus, quorum de re maxime agitur, periclitanti regno subveniatur, ne propugnaculum, ac veluti murum barbaris obiectum, ingenti totius Reipublicae Christianae damno, hostes transgrediuntur. Tot undique circumseptus angustiis Ludovicus quid faciat? quos imporet? nisi eosdemmet principes, ac illos praesertim, quorum salus in Hungariae defensione continetur? quorum res, illa labefacta, consistere nullo modo possunt? quique mutuis secum necessitudinis, ac benevolentiae officiis semper conjuncti fuerint? inter quos quis ignorat, praestantissimam hanc Rempublicam potiores partes semper tenuisse? quippe quae exactis temporibus Pannoniae Reges coluerit, atque ab iisdem summo bonoris, atque existimationis gradu habita sit. Inde illa foedera fluxere, quibus adstricti saepius dexteras vestras inimicorum sanguine aspersistis, opima spolia reportastis, teterrimis Christiani nominis hostibus obstitistis. Ii nunc, probo dolor, adeo insolentes, ac jactabundi efferuntur, ut quod nullo unquam tempore cogitarunt, modo sibi ultro spondeant, ut postquam ferro, cede, flammis omnia miscuerint, in caput, ac cervices nostras servitute, & armis deservierint, amplissimis, ac omni rerum copia affluentibus provinciis potiantur. His subactis facilem sibi aditum ad Italiam oppugnandam fore arbitrantur, quae hoc praecipue regno nititur, ut si illud (quod Deus Optimus Maximus avertit) detrimenti aliquid patiat, proculdubio ad hanc quoque precellentem, ceterisque gentibus admirandam provinciam tabes illa, ac pestis pervasura sit. Quid igitur vos potentissime Reipublicae Proceres, qui amplum in Italia imperium possidetis; qui Dalmatiam, Epyrum, Peloponnesum, ac Macedoniae partem, Aeger insulas; ad haec Cretam, atque Cyprum nobilissima regna in potestate habetis, facere oportet? Majores vestri, nondum tantis incrementis Turcarum imperio aucto, cum bella ab Ottomanis ingruerent, Pannoniae semper rebus opem tulere, illius salutem a vestra sejungi non posse se tuere. Quid potissimum a vobis, Patres, hoc tempore agendum est, dum jactabundus potentissimus,

ac



ac efferus hostis cum valido exercitu, ingentibus, tum equestribus, tum pedestribus copiis, vehementiori, insuctoque impetu Pannonias aggressus, Albam Græcam totius regni arcem, olim eorumdem tropæis hostium decoratam oppugnet: quam si, quod maxime veremur, in suam potestatem redegerit; quid erit impedimento, quominus hoc præpotenti præsidio, veluti quodam firmissimo aggere, comminuto, non undique rapidissimi torrentis more, minaci impetu furens cuncta dejiciat, atque prosternat? Tunc vos ad Forijulii, Dalmatiæ, Epyri, aliasque provincias animam convertere necesse erit; munire oppida, urbes validioribus præsidis firmare, immensos prope sumptus subire, de quibus dum Pannonia stant, dum viget Hungaricum regnum, vobis ne cogitare quidem necesse est. Quid? quod accessione hac fortior effectus hostis vires maritimas augebit, classes triremium numero majores ex Hellesporti faucibus educet, ac Respublica vestra ancipiti terrestri, maritimoque imperio tutando distenta, debilior ac hostium incursus perferendos fiet? Hæc, ut afflicto regno, dum fieri potest, dum tempus est, dum finit occasio, subveniatis, summo perire hortantur. Non exercitus deposcit Ludovicus, non classes, non bellicos apparatus; novit belli facies rursus in Italia arsuras, novit classibus vobis ad maritimas cras, provinciæque vestras tutandas opus esse. Auri tantum, argentique vim fugitat, quæ in usus rei militaris, in defendendis urbibus, in alendo exercitu erogari quest. Res nostra eo deductæ sunt, Patres, ut si inutili cunctatione prolatando tempus teritur, in aperto periculo versemur; cogemur enim (quod vix præ lacrimis effari queo) nisi per summam ignaviam, ac dedecus uitro captivitatem subire velimus, nullus rei ratione habita, cum hoste dimicare; non eventus Albi Græcæ terreat, non incertus exitus retinebit, non si ante oculos mors obversetur, consilia immutabimus; eo enim redacti sumus, iis angustiis premimur, ut vel invitis, aut cum hoste pugnandum, fortuneque alea subeunda sit, aut ab iis pacis leges accipiendæ, qui sæpius a gente Hungarica pulsus, ac turpius victi sint; quorum altero nil indignius, aut foedius; altero nil acerbius, aut durius esse potest. Quo igitur major adventantis periculi metus, debilior rerum Pannonicarum status, quo magis extimescenda cludes imminet, quæ ad vos usque,

1521

*atque adeo totam Christianam Rempublicam permanabit, eo magis subvenite amplissimo regno, labentibus rebus succurrite; Ludovico Regi vestrae Reipublicae amicissimo, in juventute flore, quod allicere vehementius ad pietatem debet, constituto, ferte opem. Id Rex pro veteri foedere, pro vestra benevolentia sibi pollicetur; id amplissimum regnum expectat; id ego vos praestatu-  
 turos confido, ut, qui ad hoc peragendum negotium missus bona spe in vestrum conspectum prodierim, gratia, auxilioque fultus meliori eventui, atque omine revertar.*

Hac oratione omnium animi vehementer commoti sunt. Princeps, ut moris est, pauca de propensa Reipublicae erga Regem, Hungaricamque gentem voluntate, & studio respon-  
 det. Res statim ad Senatum delata, dum dissentientibus sen-  
 tentiis agitur, Albam Graecam a Turcis expugnatam nuntii attulere. Hac in Pannonia agebantur. Cum interea Leonis Pontificis obitu cursus ille victoriae, quo magnopere hostes ef-  
 ferebantur, debilitari, ac languescere paulatim coepit: nam qui Pontificiis stipendiis merebant, Leonis morte audita, di-  
 gredi, ac deferere signa coepere: Caesareani vero argenti ino-  
 pia tantam copiarum vim alere non poterant, ut propterea magnam militum partem dimittere cogerentur; Helvetiis, mil-  
 le quingentis circiter exceptis, abundi facultas permessa. Ger-  
 mani quoque trans Alpes, Florentini in Hetruriam iter arri-  
 puere. Itaque qui antea inopinato Mediolani eventu perculsi fuerant, paulatim abjecto metu, ad meliorem spem animos erexere. Nam Ferrariensis Dux, producta centum cataphracto-  
 rum, trecentorum levioris armaturae equitum, duorumque mil-  
 lium peditum manu, sponte Bondini, Finalisque oppida, Mu-  
 tinæ, ac Carfagnanæ montes deditione recepit; nulloque ne-  
 gotio Lugo, & Bagnacavallo potitus, ad Centensem urbem castra admoverat. Andreae vero Grito Legato Senatus manda-  
 verat, ut peditum, atque equitum quantum posset, Lautrechium juvaret: Theodori Triultii, qui adhuc apud hostes captivus detinebatur, loco, Pompejo Castroæ cataphractorum equitum cura mandata est. Lautrechius cum Parmam haud satis firmo praesidio teneri per exploratores intellexisset, ut aliquo facino-  
 re praeteritarum cladum notam deleret, urbem expugnare sta-  
 tuit; in ea septingenti Itali pedites, quinquaginta cataphracti  
 ade-

*Alba Grae-  
 ca expugna-  
 tio.*

aderant. Summa totius rei Bonavallio, Federico Bozzolo, & Marco Antonio Columnæ committitur; spes in celeritate, atque in hostium negligentia sita erat. Bonavallius trecentis cataphrætis; Bozzolus, & Columna Gallorum alter, alter Venetorum quinque millium militum manu (nam Andreas Gritus Legatus, Lautrechio flagitante, tot ex nostris dederat, quot Gallis juncti ad Parmam recuperandam sufficerent) ad Turricellam duodecim a Parma millibus, Pado trajecto, urbis partem, quæ nuper ab Hispanis directæ fuerat, nullo obistente, ingrediuntur; sequenti die alteram partem, quæ trans Parmam amnem sita est, aggredi statuunt. Hostes, ne in adversam nostri ripam evaderent, hastis arcere, saxis dejicere, glandibus percutere, ut tandem militum audacia oppidanorum virtute, cum tormentorum bellicorum inopia laborarent, frustra fluminis transitu pertentato, referre pedem, coëptisque desistere coacti fuerint. Itaque oppugnatione relicta, pridie kal. januarii cis Padum se recepere. Quo etiam tempore Helvetii, Legatis cum literis missis, Senatui gratias egere, quod turbulentissimis temporibus Christianissimo Regi auxilium tulisset, ac, ne in posterum amplissimo regno ulla in re deesset, enixe exorant; summum in illo Italiæ, Reipublicæque Christianæ semper præsidium fore. Legatis perbenigne responsum, honorificeque excepti, ac dimissi sunt.

152 I

*Helvetiorum  
Legati ad  
Venetos.*

## M. D. XXII.

**I**Nterea in Insubribus arma quiescebant, nihilque, quod ad belli summam spectaret, agebatur, eo conversis omnium animis, quisnam in Leonis Pontificis locum cooptaretur, quique exitus comitiorum futurus esset; cum plurimum ad pacem Italiæ, atque ad universæ Christianæ Reipublicæ statum pertineret, qua mente is fururus esset, cujus summa semper apud Christianos Principes extiterat auctoritas. Itaque Senatus, Leonis obitu audito, ad Cardinalium Collegium plenas officii literas dederat, quibus eos graviter hortabatur, ut privatis posthabitis rationibus, id tantummodo attentissime prospicerent, ut illi Pontificatus onus sustinendum committeretur, qui pietate, prudentia, ceterisque virtutibus ornatus, religionem nu-

1522

*H. Mauroceni T. I.*

C 3

tan-

1522 tantem tueri, salutis publicae consulere; atque Italiam pristinae quieti, ac paci restituere posset. Coactis igitur, decembri mense exeunte, Cardinalium Comitibus, de successore Leoni deligendo per aliquot dies actum est, Julio Cardinali Mediceo, qui auctoritate, opibus, ac gratia ceteris anteibat, ut voti compos fieret, summo studio adnitente; inde mora oborta, ac dies aliquot in perquirendis sententiis absumpti. Inde Horatius, ac Joannes Paulus Baleonii fratres ad Perusiam, in qua principatum obrinuerant, occupandam illecti, ducuntis cataphractis, trecentis levioribus equitibus, ac quinque pedum millibus, tertio nonas januarii urbem oppugnare adorti, septem gravioribus tormentis moenia quater incipiunt; pluribus locis eodem tempore acerrime pugnatur: milites urbem ingredi conati maxima virtute a propugnatoribus repelluntur. Verum cum . . . Vitellius, qui subsidio missus fuerat, plumbae glandis ictu vulneratus discessum pararet, fratres Baleonii Perusia<sup>1</sup> potiuntur.

*Baleonii  
Perusia po-  
tuntur.*

His Romae auditis, Pontificem Leoni quamprimum sufficere Patres nituntur, summam illam dignitatis auctoritatem imminentibus bellis, ac Principum dissidiis poscentibus. Cum igitur, qui Comitibus intererant, in praesentes convenire non possent, vi. idus januarii de more Cardinalium sententiis exquisitis, praeter opinionem Pontificatus honos, non absque ingenti omnium, atque eorum etiam, qui aderant; admiratione, Hadriano Tortosae Cardinali delatus est, ex aliorum diffensionibus ad illud fastigium evehto; neque enim patria, (nam in Batavis ortus) nec rerum Italicarum usu, nunquam enim in Italia fuerat; neque Cardinalium favore, & gratia, quibus fama tantum notus erat, subnixus ad eam dignitatem pervenerat. Fuerat is Caesaris praceptor, atque illius auctoritate in Cardinalium Collegium coopatus, universam fere aetatem procul a negotiis, & curis traduxerat, senioque confectus in Hispania degebat, ac Vellutae Cantabriae civitate de adepto Pontificatu nuntium accepit, quem ne mente quidem, ne dum votis expetiverat. Senatus illi officii, ac oblationis refertis literis gratulatus, quo loco Italiae, ac Christianae Reipublicae res essent, ob oculos posuit, atque ad pacem inter Principes conciliandam vehementi affectu est cohortatus.

Le-

*Hadriani  
vi. Pontifi-  
cis electio.*

*Oratores a  
Veneris ad  
Pontificem  
designati.*

*Pestilentia  
in Italia.*

*Alexandria  
a Cæsare  
occupata.*

Legatio præstantissimorum civium decreta, qui Romam adventanti gratulationis munus obirent, pietatemque publicam erga Romanos Pontifices de more testarentur. Fuere hi Aloysius Mocenicus Eques: Antonius Justinianus Doctor: Vincentius Capellus: Marcus Dandulus Doctor, & Eques: Petrus Pefareus: Marcus Fofcarus, qui cum Bononiam pervenissent, ob pestilentiae luem, quæ eo anno in Italia grassabatur, redire in patriam coacti sunt. Ante Hadriani vero in Italiam adventum a tribus ex Cardinalium Collegio, qui singuli per mensem præerant, Pontificis absente loco res administrabantur; quibus, ut plerumque fit, dissentientibus, ac in Reipublicæ cura privato commodo inhiantibus, quotidie omnia in pejus labebantur. Nam ad Perusiae civitatis mutationem illud quoque accesserat, ut Franciscus Maria Feltrius e Ruverenti familia Urbini Dux cum septem circiter peditum millibus in Senensem agrum irrumperet, atque usque ad urbis moenia progressus cuncta metu, ac terrore repletet; trecentas auri libras sibi persolvi, mutarique civitatis statum exposceret.

Sed adventantium Helvetiorum rumore, ac Joannis Medicei, qui e Gallia Cisalpina ad opem Senensibus ferendam in Etruriam profectus fuerat, metu coëptis desistere, inchoatasque spes relinquere coactus fuit. Neque vero quietiores in Insubribus res erant; quamvis enim Pontificatus interregno pugnandi ardor, ut diximus, imminutus videretur, neque post Mediolanum a Cæsareanis captum aliquod memoratu dignum facinus ederetur; tamen animorum ad bellum propensio in dies acuebatur. Dum Galli præteritæ cladis fortunam virtute corrigere, Hispani penitus ex Insubribus, atque adeo tota Italia pellere contendunt; hinc Alexandria a Cæsareanis militibus occupatur, ab Hasta Galli pelluntur. Franciscus Gallorum Rex, cum prosperos Cæsaris successus, Mediolanum amissum, præcipuas urbes in hostium potestatem redactas, exercitum debilitatum, ac prope deletum intelligeret, animi anxius malignitati fortunæ eo vehementius occurrendum ratus, quo se Insubrum possessione indignius pulsus fuisse ferebat, quamprimum se in Italiam venturum vulgaverat, Lugdunum mensis aprilis initio se contulerat, maris Præfectum Gratianopolim præmiserat, atque in id omne studium converterat, ut recentibus

1522 tibus auxiliis, ac viribus copiae augerentur, majorique conatu nova in Italiam expeditio pararetur. Helvetiorum praeterea supplementum in Galliam Cisalpinam mittendum curaverat, quod pro vetere amicitia, ac foedere Pagi praestitere: decem peditum millia sub auspiciis Renati Sabaudiae nothi, magni Galliae Magistri, ac Galeatii Sanseverinatis magni Scutiferi per Lepontias Alpes, quas hodie *Divi Bernardi*, ac *Gothardi montes* vocant, in Cisalpinos mittuntur: Venetos, ne Caesaris pollicitis illecti mentem flecterent, in officio retinere conabatur. Andreae quoque Grito Legato literas dederat, quibus de suo in Italiam adventu, deque copiarum numero complura significabat. Proinde Senatus majori spe ductus sedulo ad bellum necessaria comparare: nullis sumptibus parcere: Gallos com meatibus, tormentario pulvere, pecunia ad militum stipendia juvare. Caesar iis, quae in Gallia gerebantur, cognitis, minime cunctandum ratus, octo peditum Germanorum millia, ut copias novo subsidio auctas firmiores redderet, conscribit: per Oratorem Santium, ut per Reipublicae fines tuto, ac libere transire liceat, postulat; id amicitiae, ac induciarum jure, quae sibi cum Venetis intercederent, deberi: quod sane eo consilio fiebat, ut qua Veneti mente erga Caesarem essent, dignosceretur; cum ad retinendam, ac firmandam Insubrum possessionem illorum amicitiam plurimum conducere Carolus intelligeret, eosque ad suas partes attrahere, jam inde a belli initiis adnixus fuisset: neque desperabat fore, ut superioribus annis bellorum calamitates experti animos ad pacem flecterent. Senatus ancipiti cogitatione distentus; cum hinc Gallico foedere detineretur; inde Caesarem praepotentem, ac finitimum sibi infensum reddere nolle, consiliorum cunctatione tempus terebat. Ea res, ut rursus Collegium Patrum adiret, Santium permovit: quenam de Germanorum transitu publica voluntas sit, exquirat: admittere illos, an arcere velint: nihil dissimulanter agendum: infestione, an amico in Caesarem animo sint, aperte promendum; id Imperatoris nomine petere: amicitiamne illius amplecti, suisque rebus favere, an inimicitias exercere, ac bellum malint; non minus Caesarem amicum, quam hostem experturos. Senatus, variis consultationibus re agitata, tandem hunc in modum respon-

spondit : Eadem semper mente erga Cæsarem fuisse, summæ in illum benevolentiae, atque observantiae argumenta dedisse ; quo minus id, quod maxime cuperet, re præstare queat, Gallico foedere detineri.

Interim Lautrechium ad copias quam celerrime instaurandas, milites reficiendos, cuncta studio, ac diligentia superanda summo opere urget ; Hieronymus Adurnus, qui ad milites in Italiam ductandos a Cæsare missus fuerat, licet a Rhætis Vulturæ vallis transitu prohibitus ; ratione tamen itineris mutata, montis cacumine superato, quo valles determinantur, per Camonicam, ac Bergomates inopinanter, atque adeo citato itinere cum Germanis in Abduanam glaream se contulit, ut Magistratus, qui Bergomi præerant ne remorari quidem illos, ne dum arcere potuerint ; licet prius ab Andrea Grito Legato, ut adventantibus in montium faucibus obviam irent, atque iter intercluderent, milites instruere, ac parare iussi fuissent. Prosper Columna Mediolani belli sede constituta, dies, noctesque aggeres firmare : fossas excavare : castella, munitionesque erigere : nec labori, nec vigiliis parcere : amplissima urbe munita, Gallorum impetus sustinere, Venetorumque vires repellere facile posse sperabat. Itaque septingentos cataphractos, totidem levioris armaturæ equites, ac duodecim peditum millia ad urbis custodiam disponit. Reliquorum subsidio oppidorum : Novariam Philippum Torniellum cum duobus peditum millibus : Alexandriam Nestorem Vicecomitem cum mille, ac quingentis Italis : Ticinum Antonium Levam cum duobus Germanorum, mille Italarum peditum numero mittit. Mediolanensem vero arcem Gallis obtinentibus, ne sibi ex ea in civitatem aditum patefacerent, veritus, atque ut iis omnem, vel comitatus importandi, vel subsidia militum introducendi facultatem adimeret, maximi operis vallum ad mille passuum erigi mandaverat, quo omnes aditus, quibus, vel a nostris ad arcem, vel ab arce ad nostros perveniri posset, præcluderentur ; atque ut Francisci Sfortiæ adventu populum, qui ingenti illius visendi desiderio flagrabat, magis in fide confirmaret, alacrioresque spiritus ad urbem tuendam adderet, Adurnum Tridentum, ubi adhuc Sfortia morabatur, ac sex peditum Germanorum millia jam in armis habebat, misit ;

1522

*Theodorus  
Triulcius a  
captivitate  
liberatus.*

*Mediolani  
a Lautre-  
chio obse-  
sum.*

misit; ut quamprimum per Veronensium, & Mantuanorum fines iter caperet. Interca Lautrechius sapius a Senatu ad præclarum aliquod facinus incitatus, una cum Theodoro Triultio summo militiæ Venetæ Præfecto, qui nuper, viginti aureorum millium summa Cæsareanis soluta, captivitate se liberaverat, atque Andrea Grito Legato copias lustrare: milites ad munera obeunda impellere: de belli administratione consilia inire. Inde omnibus junctis copiis, Helvetiorum, qui jam in Cisalpinam Galliam descenderant, auxiliis exercitu aucto, kal. martii Abdua trajecto, ad duo millia passuum ab arce inter Vercellensem, & Novocomensem viam castrametantur; ac primum explicata acie vallum adoriri, & summa vi expugnare statuunt; sed vel rei difficultate, vel hostium alacritate, vel populi favore, atque inclinatione deterriti destitit: unicam ad victoriam de hostibus reportandam viam existimante Lautrechio, si mora tempus terendo ad rei frumentariæ, ac pecuniæ inopiam hostes redigerentur. Id ut facilius consequi posset, extorum equitum Mediolanensium, qui exercitum sequebantur, opera agros vastari, totam regionem diripi, comearus prohiberi jubet: aquas, quæ per canales in civitatem influunt, alio duci: molas, quibus triticum in farinam redigitur, perfringendas curat: pecuniam hostibus, cum neque a Cæsare, neque ab aliis suppeditaretur, civibus perpetuis impensis ad maximam inopiam reductis, diuturnique belli laboribus fessis, ad quotidianos sumptus nequaquam suffecturam arbitratus. Verum tot obsessæ urbis difficultates libenti animo ea spe fulti Mediolanenses perferebant, qua sibi veterem Sfortiadum dominatum pollicebantur; adeo in Gallicum nomen infensi, ut omnia potius extrema subire, quam illorum imperium perpeti mallent. Interim Franciscus Sfortia cum Germanis militibus Tridento discedens, arce, quæ in Venetorum finibus sita est, occupata, nullo obsistente, per Veronensem agrum in Mantuanorum fines progressus, Pado ad Casale majus trajecto, incolumem se Placentiam, inde Ticinum contulit.

Lautrechius de Sfortiæ, ac Germanorum adventu certior factus; ne Prosperi Columnæ, quæ Mediolani detinebantur, copiis robur quoque Germanorum accederet, Ticinensi via ad

Cas-



Cassianum, quinque a Mediolano passuum millibus, castra locat. Veneti ad Binasum eadem via, Divorum Angeli, & Columbani oppidis captis, confedere. Nuntio allato, a Scudo Lautrechii fratre nuper ex Galliis reverso, pecunia, quam secum attulerat, Genuæ milites comparari, Lautrechius Federicum Bozzolum cum quadringentis cataphractis, ac septem millibus, partim Helvetiorum, partim Italarum peditum obviam mittit, ut conjunctis copiis iter in Insubres maturent. Mantuanus Ticino egressus, quo facilius sejunctos opprimere posset, Gambalum profectus, numero hostium perterritus, re infecta revertitur. Nostri ad Gambalum, junctis cum Scudo copiis, Novariam iter faciunt, ac bellicis machinis, quæ in arce reperiebantur, mœnia quatunt; mox per ruinas, prostratosque muros civitatem invadunt. Propugnatores alaci animo impetum excipiunt: utrinque pro mœnibus pugna committitur: nonnunquam Galli repelluntur; verum sæpius redintegrata pugna, omnibus fere, qui custodiæ præerant, militibus interfectis, Philippo Torniello Præfecto capto, civitate potiuntur. Interim vero Sfortia Germanis stipatus militibus a Prospero Columna exceptus, ingenti lætitia, ac plausu Mediolanum ingreditur, Mantuano Principe cum duobus peditum millibus, trecentis levioribus, ac quinquaginta cataphractis equitibus Ticini relicto.

*Novaria a  
Galliis ex-  
pugnata.*

Ducis a Ticino discessu, imminuto militum præsidio, occasionem nactus Lautrechius, motis signis, eo citato itinere contendit; statimque ad urbem castra locat: nec minori celeritate Columna, ut periculo subveniat, mille e Cyrno insula, ac nonnullos præterea Hispanos milites oppidanis subsidio mittit, qui eximia virtute per medios hostes ad urbem sibi aditum, nonnullis interfectis, faciunt. Nostri a duobus lateribus mœnia verberantibus, atque ad trecentos cubitos fere solo æquatis, Helvetij moræ impatientes copiam sibi urbis invadendæ fieri petunt: verum duces ardorem animorum lenire, atque nil temere tentandum rati cunctatione utuntur; cum eodem tempore Petrus Navarrus vir arcium expugnandarum, atque oppugnandarum ea tempestate peritissimus, subterraneos cuniculos ageret, quibus immensi operis propugnaculum subruere, ac disjicere statuerat, ut per illius ruinas

*Lautre-  
chius Tici-  
num aggre-  
ditur.*

tu-

1522 tuto miles invadere urbem posset; atque interea ponte supra Ticinum amnem strato, levioris armaturæ equites e castris usque ad portas urbis adequitando, hostes ab exitu, atque ingressu arcerent. In iis, qui civitati præsidio erant, militibus summa constantia, ac virtus: nullo labori die, aut noctu parcere: intrepide militiæ munera obire: nihil per socordiam agere. Verum opera, quæ a Navarro curabantur, ægre ad exitum perducere poterant, majoraque tormenta Laude, ac Crema submitti duces jusserant. Ita sensum rei bene gerendæ spes dilabebatur: nam ad alia incommoda illud quoque accesserat, ut, neque terrestri itinere ob aquarum ingentem copiam, quæ cælo fluxerant; neque Ticino imbris aucto, adverso cursu commeatus in castra importari possent. Qua oportunitate Columna usus cum universis copiis Mediolano egressus, ad Binasum medio inter Ticinum, ac Mediolanum itinere castrametatur. Centum e cataphractis equitibus, antequam de Columnæ itinere ab exploratoribus nuntiaretur, ad vastandos agros a nostris missi, cum in primum hostium agmen incidissent, quidam vulneribus confossi: nonnulli capti: reliqui fuga salutem consulere coguntur. Nostrum, cum Mediolano Columnam egressum, neque amplius octo passuum millibus ab exercitu castrametatum intelligerent, hæsitabundi quidnam consilii capiendum esset, hærebant; ad Ticinæ mœnia nihil agendo tempus tererent, an eventu ancipiti aditum in urbem molirentur: illud conceptam opinionem innuere: id non absque periculo experiri posse; cum Helvetios, si res parum prospere succederet, quod statuto tempore stipendia non accepissent, abituros vererentur; jamque commeatum difficultate laborare exercitus inciperet: si vero fortuna annuisset, a furentibus militibus, ad victoriam anhelantibus universa civitate direpta, præda onustos, nullo ordine, nulla disciplina, non ducum imperia, non minas audituros; propinquum hostem recenti milite, novis viribus exercitum, quo uno foederati niterentur, in summum discrimen adducturos. His permotus Andreas Gritus Legatus Ticino amoveri copias, tuto, ac munito loco castra haberi suadebat, atque ibi Gallorum Regem, quem cito transgressurum Alpes ferebatur, operiri oportere. Unum huic consilio officere videbatur,

batur, quod Helvetii, qui neque rationibus, neque precibus in officio contineri poterant, aut missionem, aut pugnam cum hoste flagitabant. Dum hæc varie apud nostros agitantur, hostes ad Carthusianorum cœnobium, prope septum, quod viginti millium passuum ambitu ad venatum olim Insubrum Duces muro sepeferant (*Parcum* vulgo appellant) ad tria passuum millia castra ponunt. Id cum Lautrechius persensisset, neque diutius tuto iis in locis morari posse exercitum cerneret, Ticino relicto, ad Landrianum vicum proficiscitur; inde Moedoetiam petiit, ut leviorum equitum auxilio pecunia nuper e Gallis Aronam delata reciperetur; quod ne fieret, ab Anchise Vicecomite, qui cum quingentis peditibus, ac nonnullis levioris armaturæ equitibus a Hieronymo Morono missus, ad Bustum oppidum haud procul Arona confederat, prohibebatur.

*Lautrechius a Ticinensi copulatione discedit.*

Hostes cum movisse Lautrechium cognovissent, Binasum, ne opportunitate illius loci potiretur, exiguo inter utroque exercitus intervallo rediere. Verum ingens pecuniæ inopia, quæ nostrorum conatus retardaverat, in dies augeri. Helvetii, quibus jam persolvendi stipendii tempus aderat, veteris instituto nullas moras admittere, conqueri, vociferari non ea se conditione a penatibus abstractos, ut animam, & corpus vili pretio æstimarent: non hæc egregia pro Galliæ Regibus facinora meruisse, pro quibus sæpe sanguinem cum vita profuderant, ex quorum vulneribus non minus gloriæ potentissimis Regibus, quam sibi sanguinis manasset: paratos esse in confertas hostium acies impetum facere: periculum virtutis, militarisque disciplinæ fortissimæ gentis Lautrechius ederet: postera die aciem instrueret: nullum non fidei, roboris, ac egregiæ virtutis argumentum adversus hostes præstaturus; si id abnuat, iter in patriam, ad domos, conjuges, filios, quæ omnia studio in Gallos minora duxerant, arrepturos. His de rebus, atque de Helvetiorum animis ab Andrea Grito Legato, & Paulo Nannio Bergomi Præfecto Senatus certior factus; ne ob illorum discessum aliquod detrimenti Respublica caperet, ut Lautrechio suaderent, mandaverat; si Helvetii secessionem molirentur, ac trans Alpes iter maturarent, ut se se cum exercitu; tum ad milites incolumes servandos;

tum

1522 tum ad agros, & oppida tutanda intra Venetorum fines reciperet: summum in illis ad prosperos belli eventus momentum habiturum: curarent præterea, ne Gallica præsidia in urbes immitterentur, ne hostis, inde occasione arrepta, in nostras ditiones eliceretur. At oblatum pugnandi studium, quamvis summo periculo conjunctum Lautrechius animadverteret, ac quantum exorando, adhortando, pollicendo posset, Helvetiorum ardorem restinguere conaretur, nihil impetrare valuit. Ex duobus igitur extremis consiliis illud est amplexus, quod in speciem dignius, ac ad bellum profligandum aptius existimavit, dubiumque pugnae exitum periclitari, quam Helvetios dimittere satius duxit.

*Prælium ad  
Piccòcam.*

Itaque cum hostes ad Piccòcam tribus a Mediolano millibus castra locasse intellexisset, solis exortu curatis corporibus, Modoetia recta exercitum movit, ut hostes, quos castris contineri noverat, neque exituros putabat, totis viribus aggrediretur. Helvetios primum duplici agmine cum ancis tormentis quatuordecim præmittit: iis Babo Naldius cum octingentis Venetorum scloppetariis adjungitur: hos medium agmen cum hastatis Gallorum equitibus subsequitur; Veneti pedites cum novem bellicis machinis in postrema acie locantur, quam cataphracti in duas turmas sejuncti claudebant. Helvetii primus aggrediendi castra injunctus est labor, in quorum fronte Germanorum militum robur, Georgio Frandispergio duce, Prosper Columna collocaverat, qui loci opportunitate non parum ad Helvetiorum impetum sustinendum juvabantur: domus enim aderat valde opportuna, undique hortorum amoenitate, qui profundis fossis sejungebantur, circumsepta, agrorumque fertilitate, aquarum irriguis fontibus conspicua, intra quos exercitum communiverat: itaque & natura loci, & militum virtute hostium impetum, quos adventare crebri speculatores attulerant, sustinere posse sibi pollicebatur, illos palam victos dictitans. Fertur enim ad Hieronymum Moronum, qui paulo ante in castra venerat, conversum, bono animo esse jussisse; nam si eo loco prælium committere hostes vellent, victoriam in manibus tenere. Milites itaque in armis esse jubet, ordines disponit, quæ cuique agenda sint, præcipit; ad Franciscum Sfortiam nuntios mittit, ut quotquot e populo ad arma

ca-

capienda idoneos possit, illico secum ad exercitum ducat : 1522  
 quod tanto civium ardore, ac concursu effectum est, ut cum  
 quadringentis equitibus, ac sex circiter peditum millibus, re-  
 liquis ad urbis custodiam mœnia circum dispositis, statim in  
 castra convolarit. Sub cuius adventum Helvetii, quibus gra-  
 viores partes in prælio sustinendas Lautrechius commiserat,  
 adversam castrorum frontem adoriuntur; sed cum præ fossa-  
 rum altitudine (quod in primis optaverant) bellicas hostium  
 machinas aggredi non possent, magno conatu transilire fossas  
 nituntur, Germanis peditibus, Georgio Frandispergio, ut di-  
 ximus, duce, strenue pro vallo propugnantibus, acriterque  
 obfistentibus: illis contra in castra penetrare conantibus, Ger-  
 manosque propellentibus, qui loci opportunitate freti eo majo-  
 re nixu pugnabant, quo plus verebantur, ne cum hoste fos-  
 sas prætergresso, ancipiti Marte certare cogerentur. Dum atrox  
 pugna utrinque committitur, a latere dextro Helvetii ab Hi-  
 spanis peditibus ingenti minorum tormentorum procella effusa  
 verberantur. Tum omnes intrepide pericula subire, morien-  
 tium vestigiis hære, nec socios inultos pati. Utrisque sum-  
 mo animorum ardore dimicantibus, Scudus a leva trecentis  
 equitibus, peditumque globo circumductis, a tergo hostes ag-  
 greditur, patentique aditu invento, in mediam aciem irrum-  
 pit, alios obruncat, alios perterrefacit: verum cum numero  
 impar esset, copiisque, quas secum Mediolano Sfortia eduxe-  
 rat, præter spem Cæsareanos auctos animadverteret, referre  
 pedem est coactus. A dextra Lautrechius equitum ala, quam  
 ad fallendos hostes rubra cruce adornaverat, Gallis albam ge-  
 stare assuetis, simul cum hostibus in castra irrupturum sibi per-  
 suaserat; sed astu detecto, Columna suis militibus spicarum,  
 quæ jam in agris excreverant, manipulos capiti imponere ius-  
 sis, Lautrechii conatus elusit. Igitur Helvetii, quibus certami-  
 nis pondus relictum fuerat, licet insita militari virtute, ac fe-  
 rocitate acriter pugnando in castra penetrare niterentur, natu-  
 ra loci, fossarum altitudine, Germanorum robore tandem fesi-  
 si, paulatim cedere coacti, ordinata acie cum tormentis, ac  
 sarcinis, extremo Venetorum agmine comitati, Modoetiam se  
 recepere. Eo die ex Helvetiis ad tria millia cum decem ac  
 septem eorum ducibus cecidere; pauci ex Cæsareanis deside-  
 rati

*Helvetii  
interfecit.*

1522 rati sunt. Licet nonnulli insignes viri eo in prælio obiverint, oriente Sole, ad Ticinum oppugnandum, quod in Abduæ fluminis ripa situm est, Lautrechius haud parum recenti clade perculsus, cum exercitu proficiscitur. Helvetii infelici eventu ad professionem arrecti missionem denuo flagitare; ni concederetur, relictis signis, in patriam recta ituros minari. Cum nihil a Lautrechio prætermitteretur, quod ad eos continendos spectaret, præmiis, ac pollicitationibus eorum duces onerando, ut omni officio sedare furentes animos contenderent, cum frustra operam impendi cerneret, strato super Abduam ponte, Helvetiis per Bergomatem agrum in patriam reditum concessit: Renatus quoque Sabaudiae nothus, Galcatius Sanseverinas, Momorantius; Palicia, atque alii Gallorum procedere trans Alpes abiere.

Senatus de iis, quæ ad Piccocam evenerant, certior factus, Helvetios domum profectos, magnam Gallorum partem moliri in Gallias iter; Gallicas vero vires debilitatas, ac pene prostratas animadverteret, ne Reipublicæ copiae, quæ ad sex millium peditum numerum redactæ fuerant, in finibus hostium diutius morarentur, ex Andreae Griti Legati consilio censuit, atque ut cis Abduam se reciperent, neque hostile aliquid in Insucribus molirentur, decrevit; ne felici successu elatus hostis Venetas ditiones invaderet, atque locum in iis ad castra statuenda deligeret. Lautrechius adversa fortuna perculsus, ac ingenti spe, qua tota Italia Cæsarem pellere sibi pollicebatur, dejectus, ut præsentibus rebus, quo melius posset, opem ferret, cum extra oppida, atque urbes tuto contineri exercitus non posset, ultra Abduam manere, ac cataphractis equitibus, Italis peditibus, atque Helvetiis nonnullis, qui ab exercitu discedere noluerant, præsidia augere, Laudem, Pisleonem, Cremonam validioribus subsidiis firmare decrevit; donec instauratis copiis, majorique exercitu comparato, suis in Italia periclitantibus rebus Rex præsto esset; id unum hoc rerum statu tantum sufficere arbitratus, si Cæsareani recenti victoria jactabundi ulterius non progredierentur. Cui sane rei fortuna favere initio visa est: nam a Germanis, qui Tridento cum Francisco Sfortia in Insucrias venerant, menstruum stipendium, victoriæ præmium, sibi solvi flagitantibus tumultuari coëptum,

ne-

neque apud illos rationi ulli, vel precibus locus; contendente licet Hieronymo Adurno, qui eos in Italiam ductaverat, hostibus, qui incolumes, servatis tormentis, se receperant, non debellatis, pecuniam sibi minime deberi; resque eo processit, ut reliquos milites ad seditionem sollicitando, hostilia ducibus minarentur; manus quoque in Prosperum Columnam injecturos, ni postulata præstaret, vociferantes; ut Franciscus Sfortia, ne victoriæ fructus militum arrogantia in discrimen adduceretur, triginta dierum spatio efflagitatum a militibus munus polliceri coactus fuerit. Ardore militum restincto, Cæsareani Laudem oppugnare aggressi, cum omnia tumultus, ac terroris plena invenissent, urbe, quæ semper miro studio nostris faverat, potiuntur. Nam cum equitum cataphractorum turmas Lautrechius subsidio misisset, peditibus eodem itinere Laudem contententibus, hostes opinione celerius ad urbem profecti, inopinantes Gallos, nondum stationibus dispositis, perturbatos, ac rei novitate perculsos offendunt: suburbio potiuntur: territis propugnatoribus, fugaque salutem quærentibus, facilis ascensus militibus per aggeres, ac muros in urbem fuit: plures capti: cæsi nonnulli: reliqui impedimentis exuti, Abdua trajecto, in tutiora loca se receperunt: urbs foede direpta: cives in servitutem redacti. Calamitate amicæ urbis audita, statim Andreas Gritus Legatus, & Paulus Nannius Bergomum, & Cremam, quæ non longe a Laude distant, validiori præsidio firmant, copias sub signis cogunt; tum, ut ad omnem belli eventum præsto essent; tum, ut agri, atque incolæ ab hostium incursionibus tutiores redderentur. Senatus, ne Cæsareani Laude potiti Cremonam aggredirentur, veritus, per Legatum Lautrechium hortatur, ut cum exercitu Cremonam proficiscatur, quo facilius cum Scudo fratre, quem civitati præfecerat, junctis viribus, hostium conatus repellere, atque urbem defendere queat; id recte administrandi belli rationes exposcere, ut præcipuæ urbi in Insu-  
bribus periclitanti subveniatur: si intra Reipublicæ fines se recipiat, hostes belli impetum in Venetos effusuros; inde plurimum Reipublicæ detrimenti, nil opis suis rebus perventurum: tuto in agris Gallorum reliquias contineri non posse; si oppidis, atque urbibus excipiantur, periculosum esse, ne

*Laus Pompeja a fœderatis capta.*

*H. Mauroceni T. I.*

*D*

*præ-*

1522 prætoriorum recenti memoria oppidani permoti adversus ipsos commoveantur : satius itaque ac tutius esse Cremonam contendere. Hæc Grito, ut Lautrechio suaderet, Senatus mandavit; ab iis si averfus esset, aditum ei in Brixiensem, ac Veronensem agrum permetteret. Lautrechius cum nuper Scudum fratrem Cremonæ præfecisset, animi anxius, ac ob res parum prospere gestas sollicitus, in Brixienfes se recepit, ac paucos dies in ea regione commoratus, copiarum, quæ superant, imperio fratri relicto, familia comitatus, per Ræthorum, atque Helvetiorum fines in Galliam reversus est.

*Pisles a  
Davallo cau-  
ptus.*

Prosper vero Columna, Laude direpta, ad Pisleonem Davalum reliquit, qui, incolumitate civibus pacta, statim oppido est potitus. Ipse cum exercitus robore, Abdua superato, ad Cremonam castra admovit; Scudus urbis Præfectus, cum se imparem illi tuendæ nosset, Gallorum copias imminutas, aliunde auxilia frustra expectari, ad concordiam cum Columna incundam animum flexit : ea vero his conditionibus sancita est : ut quadraginta dierum spatio elapso, Cremona Cæsari restitueretur, Scudo cum militibus, explicatis vexillis, tormentis bellicis, ac sarcinis omnibus in Galliam reverti liberum, ac tutum esset; ni interea e Galliis exercitus mitteretur, qui, aut flumen Padum trajiceret, aut in Insubribus civitatem aliquam militum præsidio firmatam expugnaret : interim ab armis utrinque abstineretur; captivi ultro, citroque redderentur; oppida quæcunque in Gallorum potestate essent, Mediolanensi, Cremonensi, Novariensique exceptis arcibus, statuto dierum intervallo elapso, in Cæsaris potestate essent. Pactionibus jurejurando confirmatis, obsidibusque a Scudo datis, Columna animum ad Genuam occupandam convertit, haud exigua spe fretus, si quam celerrime civitatem diffidiis civilibus laborantem, neque aliquid hujuscemodi timentem adoriretur, fore, ut ea potitus, tota Italia Galli excluderetur. Itaque statim cum exercitu Genuam contendit, Antoniotto, ac Hieronymo Adurnis fratribus comitantibus, quorum factio Fulgosiis inimica, sæpius de patriæ imperio cum illa certaverat, ac variis eventibus nobilem urbem civili diffensione foedaverat. Octavianus Fulgosiis, qui tunc Rempubli-  
cam administrabat, suis admodum gratus, rerum usu præ-  
stans,

*Cremona  
deditio a  
Scudo pa-  
cta.*



flans, excellens ingenio; verum ob ægritudinem ad munera belli exercenda parum idoneus, de hostium adventu certior factus, Federici Salernitani Antistitis opera fretus, duo Italarum peditum millia ad urbis custodiam disponit, quos in Liguribus Fulgosiæ familiæ, nominisque studiosos noverat, omnes in armis esse jubet. Nuntios citato itinere in Galliam mittit, qui Regem de civitatis statu, ac consiliis hostium doceant; Cæsareanos, in Insubribus bello pene confecto, nihil antiquius duxisse, quam Genuam, quæ semper Gallicis rebus faverat, occupare; proinde enixe Regem orare, ut nutantes Genuensium res validis auxiliis quam celerrime firmare velit; ne illis periclitantibus, omni spe Mediolani recuperandi deiciatur. Rex cum cladem apud Piccocam a Lautrechio acceptam, dedendæ Cremonæ urbis conditiones, copias non imminutas modo, verum fere deletas intellexisset; licet ingentem animo molestiam caperet, nihilominus & suoapte ingenio ductus, cui semper Italicarum rerum memoria hærebat, & Venetorum adhortationibus, qui ex foedere eandem cum Gallo fortunam subire cogeantur, incitatus, novos militum delectus habere, equitatum comparare, nulli sumptui parcere decreverat, ut labentem in hac provincia Gallorum fortunam sustinere, atque erigere posset. Itaque duodecim peditum millia, quingentos cataphractos, levioris armaturæ equites mille delegerat, qui Ruberto Scoto duce in Italiam properarent. Et quoniam Genuensium successus urgebant, ut duabus trirēibus confestim Genuam contenderet, Petro Navarro mandavit.

Interim Ferdinandus Davalus cum Italis, atque Hispanis peditibus propius ad mœnia accedit; per tubicinem literas ad urbis Præfectos mittit, quibus postulat, ut intra diei spatium Gallos omnes ex urbe ejeciant; supremum Reipublicæ magistratum Adurno restituant; classem, maritimasque civitatis vires ad Cæsaris nutum comparent: in reliquis suis legibus usuros: si abnuant, hostilia omnia subituros. His auditis, cum in urbe novis semper tumultibus agitata diversæ civium sententiæ essent, plerique vero tutiora speciosis consiliis anteferrent, Benedictus Vivaldus ad Davalum mittitur, ut de componendis rebus cum illo agat. Id dum sedulo fit, Hispani (ea forte die illis, qui juxta mœnia stationes agebant, munia in custodien-

1522

Genus a  
Davallo ca-  
pta, & di-  
cepta.

da civitate negligentius obeuntibus, turrim prope portam tormentorum ictibus fere solo æquaverant) inscio Davalo, & cum Vivaldo de pacationibus agente, per diruti muri ruinas acriter impetu facto, turrim occupant; ingenti clamore oborto, cum signis exercitu convolante, ac quâ primi cœperant irrumpente. Davalus a disceptatione digressus celeriter accurrit, Columnnam, qui cum Germanis, ac omni fere equitatu ab ea parte, quam Bisamnem vocant, constiterat, de eventu statim docet, ut cum reliquis copiis urbem ingrediatur, admonet; ipse altera ex parte ordinato agmine incedit. Cæsareani, nullo obsistente, cum omnia fugæ, timoris, terrorisque plena invenissent, civitate potiuntur. Magnus militum, civiumque numerus cum Præfecto prætorii, ac Salernitano Antistite naves ingressi per occidentem litus Massiliam contendunt. Octavianus Fulgosius se ultro in Ferdinandi Davali potestate constituit; Petrus Navarrus, ac plerique alii ab hostibus captivi fiunt; tota urbs diripitur; diuturnitate temporum, civium laboribus, atque industria congestæ divitiæ vix ad militum cupiditatem explendam sufficere. Ita parvo labore ea urbs Cæsari adjecta est, quæ semper ad res Italiæ summum momentum attulerat. Antoniottus Adurnus Dux declaratur, qui arci, quam *Castelletum* vocant, admotis tormentis, triduo in potestatem recipit. Dum hæc agerentur, Veneti ad instaurandum exercitum Franciscum Gallorum Regem eo vehementius hortabantur; quod cum prospera omnia Cæsareani experirentur, Gallis adversa cuncta evenirent; nisi nova subsidia in Italiam a Rege mitterentur, pertimescendum videbatur, ne Carolus, nullo adversante, quas sibi libuisset leges Italici imponeret; ac tandem bellum in Venetos fines converteret. Quocirca nullum officii genus a Senatu prætermittabatur, ut recentia Gallorum auxilia eliceret. Franciscus Clementem Sangam cubicularium per dispositos equos Venetias mittit: is literas quarto idus junii Lutetia ad Senatum attulit, quibus petebat, ut iis, quæ Clemens regio nomine diceret, veluti ab illius ore depromerentur, fidem præstaret: simul, ut quæ illius erga res Italiæ, atque Rempublicam mens esset, quamprimum intelligeret; alio itinere Comitem Beljojosum misisset. Is cum ad urbem accessisset, Patrum Collegium ingressus Regis mandata in hanc sententiam exposuisse fertur.

Quo

1522  
Clementis  
Sigea Gal-  
lie oratoris  
oratio.

Quo animo Franciscus potentissimus Galliarum Rex erga amplissimum istum Senatum fuerit, vos Patres optime nostis, qui difficillimis temporibus illius amicitiam experti, non exigua inde commoda, atque ornamenta retulistis. Necessitudinem, quæ Venetæ Reipublicæ cum præteritis Gallorum Regibus intercessit, non modo colere, verum augere, arctiusque adstringere conatus est: id vero se effecisse summo opere latatur; cum egregiam Senatus fidem, atque constantiam turbulentis tempestatibus expertus fuerit, cujus memoriam nunquam sibi ex animo elabi passurum summa adseveratione testatur. Hæc enim, quæ nuper in causa Mediolanensi summa alacritate præstitistis, argumenta propensæ vestræ in Regem voluntatis fuisse; dum copiis, pecunia, commeatu Regem amicum iuvistis, quod quæ acta sint minus prospere acciderint, fortunæ, quæ plurimum in bellis potest, non ignaviæ, non incuriæ tribuenda sunt. Ob egregie navatam operam quamplurimum se debere Reipublicæ Franciscus profitetur; & cum res, & occasio postulabunt, se, suæque omnia una cum amplissimo, ac potentissimo regno libenter pro Reipublicæ vestræ incolumitate, ac dignitate pollicetur. Nunc vero rerum præsentis statu, quæ vestra sententia sit, exquirat; consilium poscit, quidnam ad res Italiæ sustinendas, atque erigendas factum sit opus: non ex illius mente rerum Italicarum memoria excidit; non amicorum oblitus est, qui cum illo ad libertatem, ac dignitatem istius provincie arma junxerunt. Insidet animo ampla Insubrum possessio, iustis adepta titulis, armis vindicata; nullis sumptibus, nullis laboribus, nullis periculis parcendum statuit, donec a Cæsareanis occupata recuperaverit; non illi exercitus, non Duces, non socii deerunt, quibus victoria insolescentes hostes coercere, ac pellere possit. Quod enim ad copias attinet, duodecim peditum millia Alpium iuga superarunt; sexcenti cataphracti equites in promptu sunt; cum bellicis machinis cito Obigninus aderit; his prope maris Præfectus cum Regiis cohortibus, ac reliqua nobilitate subsequutus, jam iter arripuit; Allobrogum Dux ducentos cataphractos, tria millia peditum pollicetur. Populi cito Hispanorum dominatum pertæsi, atque a Prospero Columna multis oneribus pressi, prisca in Gallorum Regem studii, ac voluntatis igniculos persentiant, qui primis nuntiis nova spe arrepti arma ac-

H. Mauroceni T. I.

D 3

ci-

1522 *cupient. Helveticorum duodecim millia regia stipendia merent, qui ad xvj. kal. julii in Insubribus esse constituerant; sed ob varias difficultates re ad publica concilia delata, ut omnes moras abrumperet, trimestre illis stipendium Rex obtulit. His coactis viribus, non modo hostes superaturum; verum etiam aliquid Gallico, ac Veneto dignum nomine editurum sperat, idque in primis, si vestris conjunctis copiis, socia arma in hostes versa fuerint. Interea dum exercitus cogantur, dum copia in Italia lustrentur, ac omnia ad bellum necessaria expedian-  
tur, an Cremona restituenda, vel potius ex pacatione a Scudo inita Casereanis tradenda sit, exquirat; neque veretur, ne consulta Veneti Senatus ejusmodi sint, quae a praestantissimis viris, atque in maximis gerendis rebus versatis manare, atque expectari solent.*

*Senatus ad  
Sanctam re-  
sponso.*

In Senatu re agitata, ita responsum est: *Summam semper in Republica erga amplissimum Galliae regnum, Regemque omnibus regiis virtutibus ornatum benevolentiam, atque observantiam extitisse, cujus eximiam voluntatem perspectam saepius, ac cognitam intimo animi affectu perpetuo prosequeretur: prospera illi, feliciaque cuncta non optasse modo; verum omni opera, & studio diligenter curasse: id in votis semper habuisse, ut Insubres in Galliarum potentissimi Regis imperio essent; ut bellum majoribus viribus redintegretur, nihil praetermittendum censere. Ceterum hoc tempore vehementer commoveri, quod Helvetii, quorum magnum in bellis nomen, summa apud omnes existimatio sit, moras necando, opportune adesse non possint: id si contingat, quisnam rerum exitus futurus sit, cum restituendae Casereanis Cremonae tempus prope adsit, in incerto esse: quapropter e re communi Senatum arbitrari, a Thoma Cardinali Eboracensi Henrici Angliae regis nomine oblatas in biennium inducias amplius oportere, ut interea reparatis viribus, communi consilio, majoribus copiis, certiori spe belium renovari, & administrari queat. Verum improperi Genuae successus Gallorum in Italia rebus incredibilem jacturam attulere, omnique sublevandae fortunae spe Regem deturbant; qui licet novos delectus habuisset, magnam militum, ac bellicarum machinarum copiam parasset, suisque opem ferre, praeterita-  
que clades corrigere ingenti spiritu conaretur; Genuae amissio-*

ne

ne audita, exercitum, qui jam, superatis Alpibus, ad Villanovanum vicum in Astensi agro pervenerat, in Galliam revocavit; ita, ut Scudo, omni auxilii spe abjecta, de Cremona dedenda cogitandum fuerit. Cum vero Columnæ fidem vereretur, qui petenti, ut sibi tuto in Allobroges copias ducere liceret, aperte negaverat, a summo militiæ Præfecto, atque Andrea Grito Legato cum cataphractorum equitatu, ac peditatu, quæ Cremonæ habebat, Reipublicæ finibus recipi petiit. Gritus, ut de iis, quæ a regio exercitu agerentur, certior fieret, Senatusque mentem intelligeret, initio cunctatus, mox ex ejus sententia Scudo respondet: quod tutum illi in Allobroges iter negetur, vehementer mirari: si denuo instet, atque urgeat, pactaque servaturum confirmet, æquitati demum Columnam cessurum sperare. Grito vero mittendi tubicinis in Columnæ castra facultas concessa, qui, Cremona tradita, Scudo cum suis copiis tutum iter Senatus nomine peteret, uti tandem obtinuit; nam deditione facta, conditionibusque ex pactione servatis, Scudus cum Gallorum reliquiis, ac tormentis, pacato itinere, in Gallias est profectus. Ita paucorum mensium spatio ditissima, ac omnium rerum affluentissima regione, vel pravis consiliis, vel fortunæ adversitate Galli in Italia excidere: qua in re ita se Veneti gessere, ut, neque fœderi, quo Francisco obstricti fuerant, decissent, neque Carolum, salva Regi fide, qua ad tuendos Insubres tenebantur, ulla in re læderent. Rex per nuntios, atque Oratores, ac præcipue per Annam Momorantium, qui summæ apud eum gratiæ, & auctoritatis locum obtinebat, id sæpius Patribus est testatus.

*Cremona  
deditio.*

Cæsar vero Gasparem Contarenum Reipublicæ Oratorem, semper benigne, ac perhumaniter exceptum, omnibus benevolentiae argumentis est prosequutus; cumque in Angliam ad colloquium cum Henrico, apud quem Antonius Surianus pro Republica legationeungebatur, descendisset, cum utrisque de ineunda pace, aut induciis instaurandis egit. Interea Gallicis copiis trans Alpes profectis, Cæsarisque exercitu, pecuniæ inopia, plurimisque incommodis quotidie dilabentibus militibus, imminuto, Senatus copias in stativa duci decrevit; lapsam militarem disciplinam restitui; Cremæ, & Bergomi præsidia

*Gaspar Contarenus ad  
Cæsarem Orator.  
Colloquium inter Cæsarem, & Angliam Regem.  
Antonius Surianus  
Orator ad Angliam regem.*

1522

augeri; levioris armaturæ equites in Bergomati, atque Asulano agro commorari; Ollii amnis ripas sæpius excurrere, ut hac ratione oppidis, atque agris limitaneis prospiceretur: pedites ad duo millia sub Antonio Tifernate, Babone Naldo, Sevasio Narniensi Præfectis, redacti; levioris Epirotarum equitatus dimidiæ parti missio concessa. Per hos dies Horatii Balionii defuncti loco Camillus Urfinorum nobili familia ortus Reipublicæ militiæ est adscriptus; sexaginta auri libræ in annum tributæ; centum cataphractorum equitum præfectura concessa. Andreæ vero Grito Legato, qui strenuam turbulentissimis temporibus Reipublicæ operam navaverat, reditum in patriam petenti, pacatis in Italia, atque in Gallia Cisalpina rebus, Senatus concessit; qui post ingentes labores pro patria susceptos summis laudibus ornatus, honorificentissime a gratulabunda civitate exceptus est. Atque hæc in Italia usque ad sextilem mensem gesta fuere.

Neque minus hoc anno Ottomanorum arma Reipublicæ Christianæ gravia, atque infesta fuere; nec Veneti, qui maximos in Gallia Cisalpina labores, sumptusque subierant, Turcici belli suspitione caruere. Nam felicibus prioris anni successibus elatus Suleimanus, Christianorumque Principum continentibus bellis incitatus, opportunum tempus adesse ratus, quo animum gloriæ cupidum, juventæ ardore inflammatum, nova regnorum accessione ad famam supra mortales eveheret, anni initio ingentem classem, ex insula Coe, atque aliis locis multitudine fabrorum Byzantium accita, omnique navali materia comparata, moliri cœpit. Is vero rumor per Europam pervagatus omnium animos sollicitos habebat, atque illorum præsertim, qui finitimi Turcarum ditionibus erant. Complures in Italicam expeditionem parari; huc maritimas, terrestresque vires tendere opinabantur, in quam, si semel belli faces intulisset, intestinis dissidiis laborantem, multorum Principum imperio distractam, haud difficile esset, aliquam suo imperio partem adjicere, Maumethemque æmulari, qui Hidrunte capta, ingentem Italici terrorem, licet cito illius obitu disjectum, incusserat. Rhodum alii Suleimanum armis petierunt existimabant, erga Hierosolymitanos milites incredibili odio incensum, atque insito illas ulciscendi injurias desiderio percitum,

citum, quæ quotidie a religionis illius militibus Turcis infe-  
rebantur; cum ex Mitylene, Eubœa, Peloponneso, Achaja,  
Cariæ, & Lyciæ continenti frequentes populorum querelæ  
exaudirentur; depopulari agros; pecora abigi; diripi urbes;  
homines servitute affici; infesta maria; nusquam tutum navi-  
gandi iter; dum illi, qui Damascum, Alexandriam, Mem-  
phim, Chalcidem, Lesbum, Coum, ac denique Byzantium  
contenderent, innumeris se periculis objectare, ac plerumque  
navigia, mercimonia, vitam denique ipsam amittere cogerentur.  
Nec deerant, qui expeditionem in Cyprum insulam pa-  
rare Suleimanum aiebant, quod opulentissimum regnum, Sy-  
riæ quam Sultano pater ademerat, suo imperio adjicere sta-  
tuisset. Corcyram alii invasurum dicebant, insulæ opportuni-  
tate Epiro finitimæ, qua frænum Italiæ injici posset, ille-  
ctum. Augebantur suspiciones, quod æstate incunte a Turca-  
rum Rege Janusbejus Orator ad Senatum missus graviter con-  
questus fuerat, in Venetorum insulis piratas excipi, transfu-  
gis Turcis tutum perfugium ad nostros esse, multis incommo-  
dis, ac detrimentis Mussulmanos affici, in eosque præsertim,  
qui Cycladas insulas incolebant, in vectus fuerat, quos præ-  
donum socios Turcas invadere, rapinarum participes fieri di-  
cebat; omnia infesta, nil tutum in Aegæo mari esse.

*Janusbejus  
a Sultana-  
no Venetias  
missus.*

His permotus Senatus, ne imparata Respublica invenire-  
tur, sexaginta triremes partim in urbe, partim Cretæ, atque  
in ora Dalmatiæ instrui decrevit; classis Imperator Dominicus  
Trivisanus procuratoria, & equestri dignitate, majoribus co-  
mitiis renuntiatus est. Literæ Senatus ad Augustinum Amu-  
lium classis Legatum datæ, quibus subditos in officio contine-  
re; in illos, quos prædonum socios, atque adjutores fuisse,  
injurias, damnaque Turcis, cum quibus Respublica servari pa-  
cem vellet, intulisse constaret, graviter, ac severe animadver-  
tere jubebatur. Janusbejus triginta argenti libris donatus Ve-  
netiis discessit. Rumore vero belli aucto, neque adhuc cer-  
tis nuntiis quonam apparatus verterentur; Trivisanus Impe-  
rator idibus julii ab urbe discedere, atque ad classem decem  
aliis diebus auctam proficisci, ac quamprimum ad Maleæ  
promontorium navigare, in Cretamque cum universa classe se  
conferre jussus est: injunctum, ut, quæ Imperator Turcarum  
moli-

*Venetorum  
decreta de  
Classi au-  
genda.  
Dominicus  
Trivisanus  
Classis im-  
perator.*

*Mandata  
Senatus ad  
Trivisanū.*

1522

moliretur omni diligentia exploraret: si in Cyprum impetum facturus esset, nihil quod ad opulentissimum, ac nobilissimum regnum conservandum attineret, prætermitteret; quem sibi videretur tritemium numerum ad Tamassum, quam Famagustam vocant, præcipuam insulæ civitatem, ejusque portum custodiendum mitteret; Senatui constitutum esse, si de populo-  
 rum salute, ac maritimis suis rebus agatur, quæcunque desiderari, aut expectari possint, incunctanter, ac fortiter præstaret; sin vero in alias regiones bellorum turbines ciendi forent, in id omni studio intenderet, ne aliquid Venetis ditionibus detrimenti inferretur. Adjectum, ut quæcunque agenda forent, adhibitis de more in concilium Legatis, decerneret. Nam amplissimam dignitatem, atque auctoritatem, qua major a Republica tribui civibus non solet, majores nostri quibusdam veluti terminis circumscriptam esse voluerunt: quocirca classis Imperatori duos Legatos, qui de gravissimis rebus una consulerent, addidere; quæ a duobus decreta essent, ea mature facta, atque rata fore statuerunt; quæ vero ad navigationis iter dirigendum, crimina coercenda, omnes in officio continendos, ad militaria impigre, & fortiter obeunda munera spectarent, has solius Imperatoris partes esse decrevere; in eodem vitæ, necisque summam potestatem posuere, quam sane nullus, neque domi, neque foris magistratus habet, cum suprema auctoritas, ac majestas apud consilia tantum sit, in quibus absque provocatione decernitur.

*Classis Veneta Imperatoris auctoritas.*

*Suleimanus Rhodum egreditur.*

Suleimanus tandem Rhodum, clarissimam totius antiquitatis testimonio insulam, in Carpathio mari sitam, per ducentos, ac quatuordecim annos Hierosolymitanis militibus subiectam, Christianæ Reipublicæ propugnaculum, expugnare decrevit; atque ad vi. kal. julias cum classe trecentarum navium Rhodum appulit; in eaque oppugnanda omnes industriæ, ac laboris nervos intendit, ut, vel diuturnitate temporis, vel operum magnitudine, vel maritimarum, & terrestrium copiarum numero insulam subigeret. Nam exposita magna militum, & agrestium hominum multitudine, illi primum colle eminentiori occupato, bellicis tormentis in urbem ejaculari; hi vero vineas ducere, extruere aggeres, vallo, & fossa circumdare, subterraneis laboribus die, noctuque exerceri, quibus excisæ

rupes



rupes, campi montibus æquati, complanata fossatis montium juga. Neque vero minor bellicus terra, marique apparatus ad fortissimam insulam oppugnandam esse debuit: nam Philippus Vilerius Lilladamus summus sacræ militiæ Magister cum equitibus præclaris, ac fortibus viris constanter adeo, ac fortiter potentissimi hostis vim excepit, ut eximia virtutis, militarisque roboris exempla in ea insula tutanda posteris reliquerit. Pugnatum est acriter omni certaminum genere: Turcæ pro præda, pro gloria, pro imperio: Rhodii pro laribus, pro libertate, pro religione certarunt: nullus ordo, nulla ætas, non sacri, non profani cadenti patriæ defuere; steterissetque Rhodus, si, aut cum infirmiori hoste, aut majoribus auxiliis pugnatum fuisset. Suleimanus Byzantio v. kal. septembris in castra pervenit, labantem militum disciplinam restituit, atque ad seditionem vergentem exercitum adhortatione, & severitate compefcuit: obstinatis animis, instauratis corporis viribus, atque urgente Imperatoris præsentia, cuncta intentiore Ducum, & militum cura agebantur; vallo undique cingere, cuniculos ducere, fossas agere, immanibus tormentis ingentes globos excutere. Contra Rhodii eruptionibus nocturnis in opum custodias, diurnis in hostes irruere, stragem edere, in fugamvertere, libramenta plumbi, aut saxorum robustos stipites, ferventem picem, atque alia hujusce generis in appropinquantes jacere: tantaque constantia adversus tot mala duraverant animos, ut nonnunquam Suleimanus de rei exitu desperaret. Verum urbe tormentis disjecta, cuniculis suffossa, ædificiis publicis, privatisque everfis, cæde, labore, vulneribus confecti milites, vehementem fortunæ impetum, cum omnis auxilii spe destituerentur, diu sustinere non poterant. Nam Hadrianus Pontifex Maximus, qui nuper ex Hispaniis in Italiam venerat, Pontificatus administratione suscepta, ingravescente ætate, neque rerum usu gravissima, ac turbulentissima tempestate tanto sustinendo oneri satis aptus, quamvis communem Reipublicæ Christianæ causam amplexus, labenti sacræ Rhodiorum militiæ subsidia minime miserat. Quinimmo tria Hispanorum millia, quos secum adduxerat, adversus illos sententiam, qui ea militum manu subveniendum Cruciferis censebant, Cæsaris in Italia copiis in supplementum ad-  
junge-

*Hadrianus  
Pontifex  
in Italiam  
adventus.*

1522

jungere decrevit. Neque vero Carolus Imperator, neque Franciscus Galliae Rex, ad quorum alterum Magnus Magister Ludovicum Andugum equitem, ad alterum plures ex Gallis equitibus miserat, armis inter se certantes, suppetias cadenti Rhodo attulere. Venetis, quibus recens cum Ottomano pax confirmata fuerat, nihil erat causae, cur potentissimum Regem lacefferent, illiusque gentis impetum in suas ditiones excitarent, cum qua per quinquaginta ferme annos multa opum jactura, sanguinisque effusione dimicaverant; cum praesertim Christiani Principes, qui difficillimis temporibus illos adversus communes hostes juvare debuissent, vel imperii avidi, vel felicitatis invidi in summas calamitates coniecissent, ut inter potentissimos Reges constituti, hinc Europae Principum armis, inde Ottomanorum viribus premerentur. Sed neque in Rhodiensi bello parva a nostris adjumenta allata sunt; nam priusquam classis Turcica ad insulam applicuisset; ab Equitibus in Cretam missi fuerant, qui vina coemerent, sagittariorumque Cretensium manum, quorum illa regio maxime ferax est, compararent. Joannes quoque Antonius Bruladius Venerus, fama futuri belli per Aegæum diffusa, commeatus cum delecto juvenum numero Rhodum importavit; atque ob egregie navatam operam a Rhodiensibus equestri dignitate est insignitus. Advenit praeterea e Creta Gabriel Martinengus Brixia civitate ortus, cujus mira in operibus bellicis fabricandis virtus tota illa obsidione enituit; praecipue vero in cuniculis eludendis, quos hostis insuperabili labore, vel ob aquae scaturigines, vel ob indomitae silicis occursum ad moenia ducere conabatur. Tandem Suleimani obstinata constantia, ingens militum, atque agrestium numerus, quos classe secum advexerat, virtutem equitum, turres, fossas, aggeres, omniaque impedimenta vicit. Nam mense decembri, die Natali Redemptoris humani generis Jesu Christi dicata, urbem his conditionibus est ingressus; nempe, ut Divorum templa inviolata manerent; singulis propriae religionis servandae facultas daretur; qui in Rhodo manerent, per quinquennium a tributis immunes essent; qui abire vellent, iis naves, & commeatus in Cretam darentur; tormenta bellica asportandi liberum jus esset. Ita infeliciter amissa Rhodus, pulchritudine, opulentia, opportunitate,

*Rhodiurum  
dedisio.*

nitate, egregio portu spectata, ut merito horreum, armamentarium, atque arx Christianorum vocari posset. Equites domibus, ac patria pulsi, humanisque omnibus incommodis affecti, classi hyberno tempore impositi, innumeris periculis defuncti, mari denique tempestatibus, ac procellis in ipsos sævient, tandem ad Candidam Cretæ insulæ primariam urbem pervenere. Ibi a Dominico Trivisano classis Imperatore, universa effusa civitate, Magnus Magister honorifice, atque haud sine lachrimis est exceptus; qui instaurata classe, recentibus nautis, ac commeatu instructa, cum postea mense februario Creta solvisset, mari Aegeo, ac Ionio emenso, Corcyra a Reipublicæ magistratu omnibus humanitatis, benevolentiaque officiis cultus, Romam ad Summum Pontificem pervenit. Is, prisca Religionis Hierosolymitanæ privilegiis confirmatis, auditor fuit, ut a Carolo Imperatore in Melita insula, quæ in Siculo mari sita est, sedes Equitibus assignarentur.

*Melita a  
Cæsare  
Equitibus  
Hierosoly-  
mitanis as-  
signata.*

Dum Rhodus acriter a Turcis obsideretur, majoraque in dies Suleimanus virum incrementa fumeret, vel tacentibus Principibus Christianæ res per se ipsæ pacis, ac concordia rationes exposcere videbantur. Ac sane Hadrianus Pontifex optime in commune bonum propensus, Senatusque Veneti literis excitatus, omnes Principes, ut ad pacis studia se converterent, atque ab armis discederent, sedulo adhortabatur; ut confirmatis, ac junctis viribus, quæ intestinis bellis debilitatæ fuerant, Turcis Italiæ minitantibus obsisteretur. Verum hæc ad speciem magis, quam ad veritatem Principum animis excipiebantur; quamvis Carolus Imperator, Gallis ex Cisalpina Gallia ejectis, Lautrechio Alpes transgresso, ut Insulæ tuto potiretur, mirum in modum rebus suis conducere existimaret; si pace cum Venetis inita, illorum auxilia sibi ad nuper adeptam provinciam retinendam adjungeret. Quapropter cum in Britanniam, coram de communibus cum Henrico rebus acturus, navigaret, ut Rempublicam in suas partes traheret, vehementer laboraverat; eaque de re, & per se ipsum, ac per magnum Cancellarium, Palentiaque Episcopum cum Gaspare Contareno graviter egerat: neque minus id Henrico cordi erat, qui cum Cæsare foedus perculserat; itaque Thomas Cardinalis Archiepiscopus Eboracensis, cujus

summa

1522 summa in Angliæ regno erat auctoritas, per maris Præfectum; Antonio Suriano, ac Gaspere Contareno Reipublicæ Legatis ad se vocatis, ad pacem, atque amicitiam cum Cæsare renovandam adhortatus, ut cuncta ex utilitate, ac dignitate Reipublicæ agerentur, omne studium, operamque pollicitus fuerat. In Italia quoque eadem de re Prorex Neapolitanus cum magistratu Veronenſi egit; illud in primis sciscitatus, an, Gallis Insuſtrum ditione pulsus, inito antea cum Rege foedere Respublica obſtringeretur. Senatus, quemadmodum a Galliarum Regis amicitia desciscere, neque e dignitate esse, neque rebus suis conducere arbitrabatur; ita Cæsaris prorsus postulata renuere minime tutum esse censebat: pacem cum omnibus Principibus colere, id proprium Reipublicæ esse; cum eo Imperatore præsertim, quem semper summa fuerat observantia prosequuta, cujus ditiones in limitibus Ferdinandi illius fratris positæ sint. Verum ambiguis rerum eventibus minime certa consilia aptare prudenter Senatus volebat: licet enim Cremonam Cæsar recepisset: Gallorum reliquiæ fere omnes in Galliam profectæ fuissent: tribus arcibus exceptis, cuncta in Cæsareanorum potestatem concessissent; attamen Rex minime æquo animo laturus videbatur, se per ampla regione in ea provincia exutum fuisse, in qua de primatu cum Hispanis certaverat, atque primas auctoritatis partes obtinuerat; immo sequenti anno cum ingentibus copiis Alpes transiturum variis rumoribus perferebatur. Cæsar contra, & novis societatibus, & militibus conscribendis, oppidis firmandis intentus, nihil, quod ad confirmandum nuper partum Insuſtrum imperium spectaret, omittebat. Id ut facilius assequi posset, Venetos amicos, ac socios sibi reddere conabatur, eaque in re Henrici Angliæ Regis auctoritate, atque adhortationibus utebatur; ac foederi inter illos percusso, Venetis trimestre spatium statutum fuerat, quo, compositis cum Carolo controversiis, eodem societatis vinculo adſtringerentur. Mox per Alphonsum Santium ordinarium Oratorem Cæsar his de rebus cum Venetis egit. Verum cum Senatus rem cunctationibus traheret, neque aliquid de illius voluntate certum elicere posset, Oratores extraordinarios Venetias ad hoc peragendum negotium mittere decrevere. Richardus Paceus primus ab Henrico Legatus venit, qui

*Fœdus inter  
Cæsarem, &  
Angliæ Regem.*

*Richardus  
Paceus Re-  
gis Angliæ  
Orator ad  
Venetos.*

qui illius nomine vehementi oratione ad pacem cum Cæsare incundam Patres est cohortatus : ea firmata , ut arctiori foedere cum Carolo , & Henrico se conjungerent , multis rationibus suasisit . Demum in Gallos movere Rempublicam est conatus , ut adventanti in Italiam Regi sociis armis cum Cæsare , atque Henrico obviam iret . His postulatis decreto Senatus responsum est : quod ad pacem cum Cæsare incundam attineret , nihil ea re magis Rempublicam optare ; quod de novo foedere adjicebatur , nisi prius cum Cæsare rebus compositis , perfici non posse . Tandem quod Respublica adversus Gallos amicos , ac socios arma sumat , id a veteri majorum instituto , qui amicitias , ac foedera semper sancte coluissent , vehementer abhorrere : illud summis votis exoptasse ; id modo cupere , ut semotis odiis , ac bellorum tumultibus repressis , quibus Christiana Respublica miserandum in modum discerpitur , Regum potentissimorum animi in mutuam concordiam , pacemque conspirent : Pontificem per literas ea in re ex animo a se cohortatum , ut omnes industriæ , atque auctoritatis nervos intenderet , quo divinum hoc pacis bonum orbi Christiano illucesceret , gravissimum hoc negotium suscepisse ; nuntios designasse , qui Cæsarem , Galliæ , Angliæque Reges hortentur , suadeant , moneant , ut restinctis , odiis , ac immunitatibus ablatis , ab armis abstineant , eaque in immaniſsimos fidei , ac religionis hostes convertant . Quis enim neget huc omnium oculos obverti , cum Turcas anno elapſo Albam græcam expugnasse , modo Rhodum invasisse animadverterint ? Christianæque Reipublicæ præsidium pace niti non fateatur ? cujus quis exitus futurus sit , Rempublicam valde esse sollicitam ; ut nunc , non de armorum apparatu instruendo ; sed potius de communi inter Principes pace firmanda agendum videatur . Paucis postea diebus interjectis , cum Hieronymus Adurnus extraordinarius Cæsaris Legatus Venetias appulisset , iii. idus decembris una cum ordinario ejusdem , atque Angliæ Regis Oratoribus Principem , ac Collegii Patres adiit ; nonnullisque præmissis , quæ ad benevolentiam , propensamque Imperatoris erga Rempublicam voluntatem significandam spectarent , in hanc sententiam est loquutus .

*Venetorum  
responſio.*

*Hieronymi  
Adurni,  
Cæsaris ora-  
toris, oratio.*

*Qui Cæsaris mentem , atque animum norunt , ii. testari possunt ,*

1522

sunt, Amplissimi Patres, nulla re magis commoveri, atque angere, quam bellorum hisce dissidiis, quibus miserrime superioribus annis Europa, ac praesertim Italia conflagravit; quibus actus communis hostis, imperii propagandi occasione oblata, nihil non egit, ut Christianos Principes inter se mutuis bellis attritos, summis damnis, & cladibus afficeret. Inde in Pannonias cum ingenti exercitu profectus, Albam graecam, aliasque potentissimi quondam regni oppida expugnauit. Hoc anno Rhodum, classe innumeris nauigiis instructa, est aggressus. Et tamen haec arma, quae in Ottomanum hostem converti oportebat, in nosmetipsos convertuntur: sanguinem nostrum exsuriunt, tabescente, ut ita dicam, peramplo hoc, & vasto Christianae Reipublicae corpore. Ac vos, qui maritimis copiis, & viribus superioribus tempestatibus magna cum ea gente bellagessistis, ob eos turbines, qui Cisalpinam Galliam affixere, egregios illos vestros spiritus remittere, ac fere abjicere coacti estis. Doluit Caesar bellis quassatam Rempublican vestram per tot annos, vires, thesauros insumpsisse: neque inter armorum strepitus illius animus a pace unquam cum vobis auersus fuit; unum id semper optauit, ut dissidia; quae inter domum Austriacam, Venetamque Rempublicam exarserant, concordiae, ac foederis nexibus deleterentur; cum praesertim earum, quae Vormaciae per quinquennium pactae sunt, induciarum tempus elapsum fuerit; meque potissimum delegit, qui illius mentem, atque sententiam aperirem, potentissimique Imperatoris nomine a Veneta Republica pacem peterem. Enim vero id summo bonoris loco haberi debet, quod Carolus Imperator, inter Christianos Principes supremum adeptus dignitatis fastigium, potentia, opibus, belli, pacisque artibus florens, tot regnorum possessione pollens, ultro pacem, ac pristinam vobiscum amicitiam enixe cupiat, ac flagitet, atque ejusmodi conditionibus sancendam velit, quibus maxime Reipublicae vestrae decori, & utilitati prospectum sit. Quid enim, si recte cuncta aequa estimatione metiri velimus, rebus vestris conducibilius accidere potest, quam Gallos, qui jam intra proprios fines se recepere, atque paucis exceptis oppidis cito casuris, nihil reliqui in Insu-  
subribus obtinent, Gallia Cisalpina prohibere, quietemque illam, ac pacem diuturno tempore seruare, quam post multos  
labo-

labores, sumptus, pericula Caesar in hac provincia peperit? quis enim ignorat, si Gallus, superatis Alpibus, cum exercitu rursus in Italiam ingrediatur, fore, ut brevi a praeferoxi, & bellorum amica gente divina, humanaque misceantur? cuncta rapinis, incendiis, sanguine manent? Contra si pax, ac foedus inter clarissimam hanc Rempublicam pecuniis, viribus, classibus florentem, Carolumque potentissimum Imperatorem firmetur, non ausuros illam provinciam Gallos invadere, qua nuper Caesaris exercitu expulsi fuere; neque si audeant, aliquid perfiduros? Ita pax Italiae quam longissima, ac duraturna immortalis Caesaris, ac Venetae Reipublicae beneficio parta erit. An vero postremo loco illud censeretur, quod insolens Turcarum Imperator, qui ex nostris malis tantos sibi spiritus, viresque assumpsit, recenti hoc foedere inter Caesarem, ac Rempublicam inito perculsus, ab illis, quae jamdiu meditatur, ac molitur, abstinebit? Vestraeque res toto oriente in dies summa cum utilitate floreant; & ab eo metu, ac sumptibus immunes eritis, quibus immixtis a Turca annuatim classibus jactantini. Haec adeo salubria, ac praeciosa bona non aliunde vobis, quam ex pace, ac foedere, quae in manibus vestris sunt, manare possunt. In vestra potestate est, aut iterum novis bellorum casibus vestram Rempublicam, atque Italiam objicere; aut, si recte opportunitate, ac tempore uti velitis, tranquillitatem, ac pacem consequi, quam neque fortune eventus turbare, neque hostis, quamvis praepotens, labefactare, ac convellere queat. Id porro assequimini, si, societate cum Caesare inita, Gallos Italia prohibueritis, vel irrumpentibus communi consilio, viribus, armis obsistere volueritis.

Ab Adurno sine dicendi imposito, quid ad Caesaris postulata respondendum sit, Senatus consulitur. Collegii Sapientes, quorum munus est, antequam ad Senatum ulla de re referatur, quodnam consilium capiendum sit, diu, ac diligenter, subductis utrinque rationibus, exquirere, Adurno hujusmodi Senatusconsulto respondendum esse censebant. Quod Caesar Rempublicam amanter adeo, ac perbenigne complexus esset, praestantemque virum Hieronymum Adurnum Oratorem ad illam misisset, ingentes illi haberi, atque agi a Senatu gratias: quod vero ad pacem attinet, nunquam ab illius studiis alie-

H. Mauroceni T. I.

E

num

1522 num fuisse; pace aliam Rempublicam, cum omnibus Principibus illam inviolatam servare; nusquam ad arma, nisi lacepsitam descendisse; summopere cupere, cum eo praesertim Imperatore, qui omnibus regiis virtutibus sit excultus, cum quo eximia virtus cum summa fortuna conjuncta sit, pacem habere; proinde conditiones, quae justitiae, & aequitati consentiant, libenti animo amplexuram. Ceterum, quod ad Gallos ab Insu-  
 subribus repellendos, si in Italiam armati descendant, pertinet, ea de re, nisi prius de illis, quae ad statum Christianae Reipublicae, resque Italicas firmandas, attinent, agatur, nihil certi a Senatu responderi posse. Hujusmodi consulto in Senatu recitato, antequam in suffragia iretur, Lucas Tronus consilii Sapiens ita contra dicere est exorsus.

Lucæ Troni  
 oratio.

*Si rerum humanarum idem semper esset status, Patres Amplissimi, neque variantis fortune vicissitudinibus, veluti fluctibus, involverentur; eisdem eventibus eadem semper consilia adhibenda forent; neque publicarum, privatarumque actionum regina, atque administratrix prudentia, quae semper in hoc augustissimo Senatu viguit, tantum in libertate tuenda, atque in vestro regendo, ac provebendo imperio valuisset. Verum ea demum sapientissimorum, ac praestantissimorum civium summa virtus semper habita est, ad tempora, rerumque mutationes decreta quoque, atque consilia immutare, neque ita suis sensibus inherere, ut ab illis nulla, neque ratione, neque auctoritate divelli queant, quorum hoc pertinaciae, illud verae constantiae nomen mihi mereri videtur. Jam satis, Patres optimi, Gallis favimus; jam omnia a nobis verae fidei, atque amicitiae argumenta praestita sunt; foederibus, quae cum illis nobiscum intercesserant, abunde satisfactum est; commeatu, pecunia, viribus a nobis adjecti sunt; ut in Mediolani possessione retinerentur; nihil praetermissum: armis Carolum, cum quo nobis inducie erant, lacescere veriti non fuimus; Leonis Pontificis Maximi conatibus adversi fuimus. Vel hostium virtute, vel Ducum pravis consiliis, vel fortuna, quae omnia in bellis potest, Galli devicti sunt; Italia vel ejecti. Vel sponte cedentes abiire; vix parvae reliquiae in Insu-  
 subribus modo adsunt, quae cito a Caesaranis conficientur. Gallorum, Rex, qui, Mediolano stante, saepius se cum ingenti exercitu equitum, ac peditum transgres-*  
 su-



surum Alpes jactabat, atque ad opem laboranti provinciæ ferendam opportunè adfuturum predicabat; licet militibus nonnullis in Italiam præmissis, Cremonam dedere hostibus Scudum passus est; captis aut immutata voluntate, aut necessitate coactus destitit: modo omnia fere in potestatem Cæsaris concessere. Quamvis vero incerti rumores de ejus in Italiam adventu asserantur, quem initio veris futurum autumant; putamusne, quod nondum ita prolapsis rebus minime effecit, id modo hac cunctorum inclinatione facturum, & cum Imperatore, qui copiis, præsiidiis, commeatu, amicitiiis Insubres firmavit, pugnaturum? Nos vero, ut Gallorum genti, quæ pene Italiæ oblita videtur, ingenti Reipublicæ damno, exiguo, ac fere nullo eorum commodo præsto simus, terrestre imperium, quod immensa auri vi, magnis laboribus, summis vigiliis ex hostium pene faucibus eripuimus, in eosdem bellorum, ac turbinum anfractus conjiciemus? ac cum tota Austriaca domo graves, atque hostiles iras exercebimus? ut elapsis jam induciis, quas cum illa Vormaciæ pepigimus, in agros, in oppida, in subditos belli impetus, veluti turbo, feratur? ut terrestre imperium, quod latissimis finibus, vel a Carolo Imperatore, vel a Ferdinando ejus fratre Austriæ Archiduce continuato ambitu circumcingitur, præda, sanguine, cædeque redundet? Hæc longe ab iis diversa consilia esse reor, quibus majores nostri hanc Rempublicam per tot seculorum successiones felici fato administrarunt; qui tutiora semper speciosis consiliis prætulere; neque incertis rerum eventibus æternam fortunam Reipublicæ objectare voluerunt. Quamquam quid ego de dignitate loquar? quid præclarior, quid illustrior, quid inquam speciosius, quam a vobis potentissimum Imperatorem ultro pacem petere, Oratorem misisse, qui ad societatem incandam, ad veterem reconciliandam amicitiam illius nomine hortaretur, atque invitaret? Cui sane oblate opportunitati nisi obviam iverimus; si consilia hæc aspernati fuerimus, cito in easdem angustias relabemur; dum Cæsarem propinquum hostem experiemur; Gallorum longinquus, & incerta auxilia, aliquando etiam frustra, implorabimus, atque expectabimus; quasi vero satis laborum a nobis exantlatum non sit; quasi non usque ad satietatem calamitates, quæ bellorum comites esse solent, experti fuerimus. An non satis

1522

*malorum cives nostri, populi, qui in vestra tutela conquiescere debuerant, perpeffi sunt? Videte quaeso, ne sero tandem suscepti vos consilii poeniteat; pacis, bellicue vobis optione oblata, hoc potius, quam illam amplexos esse. Quod ad me attinet, ita existimo Imperatoris postulatis aliqua in parte assentiendum esse, atque ex decreto Senatus Aduerno respondendum: Gallis rursus in Italiam ad Mediolanum recuperandum redeuntibus, vos illos pecunia, armis, commeatibus non adiuturos. Id sane ad pacem cum dignitate, atque utilitate firmandam maximo erit adjuvento, atque ab illis vos malis servabit incolumes, quæ (utinam falsus sum vates) nobis imminent, nisi, verbis relictis, quæ dare difficile Imperatori est, quæ mens Reipublicæ insit, Hieronymo Aduerno aperuerimus. Cum a Trono peroratum esset, ita Georgium Cornelium Equitem respondisse ferunt.*

Georgii  
Cornelii  
ratio.

*Insiciari non possum, Senatores optimi, illos, qui hujus auctoritatem loci contingunt, cum suis consiliis gratum, ac plausibile pacis nomen prætendunt, quamplurimos in suam sententiam trahere; cum natura comparatum sit, ut omnes potius otii securitatem, quam laborum incertos exitus amplectantur; atque ii præsertim, qui bellorum difficillimos casus experti, calamitatem pertesi, nomina etiam præliorum, ac certaminum perborrescunt. Verum illud summa attentione, atque industria inspicendum, ac providendum reor; ne nimio pacis studio, ac desiderio incensi in bellum eo periculosius ruamus, quo nonnunquam pax non minus grato, quam insidiis pleno nomine obtegitur. Quidquid per tot annos, tot laboribus, tot sumptibus vestra constantia, civium virtute subivimus, eo spectavit, ut tutam pacem consequeremini. Non enim ambitio, ut plerosque mortalium, transversos vos egit, ut regnandi cupidine bella ex bellis sereretis: at libertas cum hac civitate orta integre semper, inviolateque servata; imperium a vestris majoribus legitime partum, ut aliorum libidini, ac furori obfisteretis, justis armis vos induit. Hanc animis vestris opinionem insidere, eandemque omnes vos sententiam amplecti, & optime novi, & vehementer lator: quæ cum ita sint, quisnam ad pacem consequendam tutior aditus, an Troni sententia, vel potius Patrum Collegii decreto aperiatur, differendum est. Ille Caesaris*  
vi-

*res, potentiam, dignitatem commendat, magni facit, extollit; Gallorum robur, conatus parvipendit, fortissima illius gentis armorum aciem bebescere sibi persuadet, gladiosque illos, & mucrones, quos toties inimicorum suorum jugulis admovent, veluti in vagina reconditos torpere arbitratur; neque ex illa unquam eductos iri existimat. Ego contra, & Casarem, & Gallorum Regem plurimi facio, neque id modo agitur, ut cui potentissimorum Principum primæ partes sint attribuendæ, decernatur; in eo potius totius deliberationis cardo versatur, an e re vestra sit, Imperatori vos obstringi, Gallis in Italiam venientibus auxilia non præstatorios. Id porro si ullo unquam tempore ab animis vestris alienum, atque ab utilitate publica sejunctum fuit, hoc potissimum esse oportet, in quo res adeo in ancipiti sunt, ut quisnam illarum exitus sit futurus, quonam summorum Principum odia, injuriæ vicissim acceptæ, atque illatae eruptura sint, conjectura assequi difficillimum sit. An vero arbitramini, prudentissimi Senatores, Imperatorem de concordia vobiscum ineunda frustra sollicitum esse, resque vestras, quæ per tot annos a Maximiliano, cujus in locum ad imperii apicem Carolus evectus est, dolo, ac vi petita, & vexatae fuerunt, illi curæ, & cordi esse? Quidquid agit, quidquid cogitat, quidquid molitur, eo spectat, ut nobilissima, ac quondam florentissima istius provinciae, Italiae inquam, quæ vetus Imperatorum sedes, ac domicilium fuit, arbiter, ac moderator sit; hoc adepto, cuncta ex animi voluntate in universa Christiana Republica facturum sibi pollicetur. Huic rei vestram cum Gallorum Rege societatem obsistere novit; neque illi, quo minus voti compos fiat, aliud magis esse impedimento. Quo fit, ut prudentibus viris, atque iis, qui in Republica administranda vitam exegerunt, mirum non videatur, si Caesar vos a Gallorum abstrahere amicitia, modo minas intentando, modo illecebris pertentando, nullum non lapidem movendo contendat; cujus si voti compos fiat, quis nescit vobis illas pacis conditiones, quæ sibi in primis usui esse possint, impositurum? vestris auctum viribus, Insuorum opulentissimas ditiones defensurum? Atque hæc illi Tronus ultro concedere mihi videtur; nam quod vix animo assequi possum, si illud a vobis impetrat Caesar, ut a fœdere Gallico recedatis, Regique Alpes transgresso au-*

1522 *xilia denegetis, quis ambigit, non in potestate Cæsaris pacem, bellumque futurum? tantumque ausurum, quantum illi non ratio, ac fides; sed dominandi libido suppeditaverit? Tunc vero quo se vertet amplissimus iste Senatus? ad Regemne, quem nulla laceffitus injuria contempserit, ac leserit? an ad Pontificem, qui licet optima erga Rempublicam mente sit, beneficiis tamen Cæsaris devinctum esse, parum facultate, pecunia, ac viribus posse nemo non novit? ad reliquosne Italiae Principes, qui e nutu Imperatoris pendent? A Cæsare ipso, a Cæsare, inquam, nobis aut pacis conditiones, aut belli eventus expectandi erunt; quarum rerum periculum, an dedecus majus futurum sit, dicere borret animus. Pacem amplectendam Collegii Patres censent; verum illam, quæ speciosi nominis obtentu, bellum nobis ingens, ac tetrum non importet: a Gallorum amicitia non recedendum; Cæsari publicam fidem non obstringendam; mentem illius, sensusque altius explorandos; ac tum demum concordiam ineundam esse, cum securitatem, ac dignitatem Reipublicæ secum allatura sit. Huic ego sententiæ vos suffragaturos reor, ab iisque consiliis non recessuros, quibus Rempublicam tot undique periculis circumseptam, incolumem, integram eximia cum prudentiæ laude servastis.*

Cum dicendi finem Cornelius fecisset, frequentibus suffragiis Senatusconsultum ex Collegii sententia factum est, quo Adurno de more perlecto, ab illo nonnulla de pace ineunda disceptata fuere, multa proposita, quæ, tum ad Vormacienses inducias instaurandas, tum ad novas pactiones firmandas attinerent. Ea res cum multis implicita difficultatibus videretur, quæ & longissimis disceptationibus, ac multo tempore egeret, tres e Sapientum Collegio a Senatu delecti sunt, quibus mandatum est, ut re inter ipsos, ac Cæsaris oratores discussa, de ea ad Senatum referrent. Fuere hi Aloysius Mocenicus Eques, unus e sex viris, qui Principi adsidere solent, qui *Consiliarii* vocantur; Georgius Cornelius Procuratoriæ dignitatis, Marcus Antonius Venerius Doctor; quorum ille *Sapientis*, ut dicimus *Consilii*; hic autem continentis locum in Collegio obtinebant. Hadrianus Pontifex Maximus de iis, quæ Hieronymus Adurnus Cæsaris nomine Reipublicæ significaverat, edocetur, qui mirum in modum pro Christianorum

Prin-

Principum concordia, ac præsertim Italiæ pace restituenda laborabat, ac perbenigno Rempubicam animo amplexus sæpius ad pacis studia fuerat cohortatus, præclaraque voluntatis in Venetos testimonia ediderat. Nam cum Henricus Angliæ Rex Rempubicam adversus Gallorum Regem, cum illo, ac Cæsare mutuis foederibus arma jungere nolle ægre ferret, quo animi dolorem aperta aliqua significatione Reipublicæ ostenderet, illius onerarias triremes, quæ pro mercaturis conveyendis, vel asportandis quotannis ad Britannia oras appellerent consueverant, detinendas curaverat. Pontifex vero sponte, antequam quidquam ea de re Senatus cum eo communicasset, literas ad Regem misit, quibus illum hortabatur, atque enixe rogabat, ut Venetas triremes, ex quibus mutua in commune commodum commercia augerentur, sui gratia ex Anglia solvere permitteret, uti a Rege effectum est: uberrimæ ob id a Senatu Hadriano per literas gratiæ actæ fuere. Atque hæc eo anno acta sunt.

1522

*Anglia Rex  
triremes  
onerarias  
detentas  
Venetis re-  
stituit.*

## M. D. XXIII.

Verum amissæ Rhodi jactura omnium mentes stupore defixerat, intestinarum dissensionum acerbis casibus ante oculos obversantibus, ut insolitus cunctos terror occuparet, ac jam cervicibus Italiæ potentissimum hostem imminentem perhorrescerent; eaque res potissimum Hadriani animum perculerat, cujus insaulto Pontificatu pestilentiaæ foeditas, bellorum ardor, Christianæ Reipublicæ clades contigerant. Itaque propensus ille erga publicam pacem animus, quem initio patefecerat, recentium calamitatum concursu in dies magis accendebatur, ut tandem agitare, ac moliri cœperit, quo omnes Christiani orbis Principes, simultatibus depositis, perturbationumque sedatis fluctibus, concordia, foederumque nexu adstricti adversus Turcas arma, viresque sociarent. Et quoniam tantam rem perficere non opis humanæ, verum divinæ virtutis erat, cum Principum corda in Dei Optimi Maximi manu sint, omni pompa, ac fastu abjecto, orationibus, jejuniis, omnibusque pietatis officiis, quibus iratum mortalibus divinum numen, ex sanctissimo Christianæ religionis præscripto,

1523

1523

Laurentii  
Campegii  
Pontificis  
ad Venetos  
Oratoris of-  
ficia.

placari, ac conciliari solet, navandam in primis operam cura-  
vit. Mox ad Christianos Principes literas dedit, quibus pro  
munere sibi imposito hortabatur, ac monebat, ut illos tan-  
dem iactatæ, atque afflictæ Christianæ Reipublicæ miseresceret;  
atque ad Venetos ob eam rem Laurentium Campegium Fel-  
trensem Episcopum miserat; quem loco Polensis Oratorem  
designaverat. Is enixe Pontificis nomine Senatum rogavit:  
*Ut qui cogitationes, consilia, actiones ad concordiam, pacem-  
que direxisset, turbulentissima tempestate, qua Petri navis  
patenti pelago prebensa, atra bellorum, ac dissensionum nube  
omnia involvente, premeretur, ab iisdem consiliis non abborre-  
ret, quibus per tot atatum seriem ingentem gloriam adeptus  
fuerat. Respiceret exundantia maria, terrasque tot hominum  
sanguine, qui pretioso Christi cruore redempti forent; Eu-  
bœam, Peloponnesum, Rhodum supplices ad victricia olim Ve-  
netorum signa manus tendere, ut ab infanda barbaræ gentis  
servitute vindicarentur; Pontifici statutum esse, animi ardore,  
& contentione summa conniti, ut Christianos Principes  
adversus communem, immanissimumque religionis hostem san-  
cito fœdere connecteret, ac devinceret: Rempublicam vehe-  
menter hortari, ac rogare, pace cum Cæsare firmata, cum  
reliquis Christianis Regibus, ac Principibus arma sumeret;  
neque diutius torpescere ingentes quondam Venetorum civium  
spiritus pateretur, ut iugo barbarorum miserrimæ servitutis  
tot gentibus, urbibus, provinciis liberatis, regna ab illis per  
nostram societatem occupata eriperentur; ac denique ex eorum  
manibus Dei Servatoris nostri universo orbi adorandum se-  
pulcrum avelleretur: non ignorare magnos veterum avorum  
animos adhuc in Republica vigere; illustria de hostibus insi-  
gnia ad propagandam religionem, atque imperium reportata,  
menti infixæ esse; quæ licet hoc tempore ob clades superioribus  
annis a Republica acceptas, ob ingentes communis hostis ter-  
restres, maritimasque copias, ob illa, quæ in eorum faucibus  
regna, ac provincias possidet, consopita jacere videantur;  
non ambigit Summus Pontifex Hadrianus, quin omnium  
Christiani nominis Regum, ac Principum armis excitata  
baud absimilia, præclara, atque egregia facinora cum Chri-  
stiani Venetique nominis gloria sit editura. In hanc senten-  
tiam*

riam loquuto Campeggio a Senatu responsum est : *Summis*  
*laudibus extollere sanctissimi Pontificis mentem, curam, solici-*  
*tudinem pro communi pace, concordiaque susceptam, ex qua*  
*eximii fructus ad publicam utilitatem, immortalemque Ha-*  
*driani Pontificatus memoriam manatura sint : nil a Republi-*  
*ca ardentiori affectu exoptatum ullo unquam tempore fuisse ;*  
*ab honestis pacis conditionibus nunquam aversum fore, testa-*  
*ri, quæ statim ad illum, cum ad summum dignitatis fasti-*  
*gium pervenisset, Senatus perscripserat. Ceterum quod ad*  
*foedus cum aliis Principibus adversus Turcas ineundum at-*  
*tineret, nulli altius menti hæere quot damna, & clades ab*  
*ea gente illatæ sint, postquam malo nostro crescere Ottomanor-*  
*um potentia cœpit ; cum, quæ post Byzantium orientalium*  
*Imperatorum sedem occupatum, a Republica per quinquaginta*  
*fere annos continentia bella gesta sint, quibus cives occumbe-*  
*re, diripi urbes, spoliari ditissimas insulas oculis pene ipsis*  
*Senatus conspexerit ; ut nulla sit gens, quæ, tum publici,*  
*tum privati commodi causa illorum potentiam repressam, atque*  
*imminutam vehementius cupere, magisque niti debeat : utinam*  
*vero summo huic Pontifici concessum foret, ut præteritorum*  
*seculorum præclara facta instauraret, ac sacro foedere adstri-*  
*ctos Christianos Principes in communem hostem impelleret :*  
*quis enim ambigat, si semel pia arma susceperint, atque in*  
*illum unanimes consensu, consilio, viribus bellum intulerint,*  
*non in eandem mentem Venetos quoque consensuros ? nemo sane,*  
*neque animum, neque quotquot cogi poterunt copias, neque præ-*  
*claros ausus desiderabit. Verum egregius iste, cunctisque laudi-*  
*bus superior Hadriani Pontificis conatus eundem finem habuit,*  
*quem Leonis tempora experta fuerant : nam speciosis, ac ina-*  
*nibus consiliis jactata Christianæ Reipublicæ vulnera refrica-*  
*runt ; ac gravi quodam veluti veterno oppressam patefecerunt ;*  
*ne dum ut ex iis fructus aliquis pristinæ majorum virtutis,*  
*atque gloriæ colligi potuerit ; cum gravioribus multo calami-*  
*tatibus Europa, atque Italia præsertim (ut suo dicemus loco)*  
*redundaverint.*

Ceterum pax inter Cæsarem, ac Venetos agitari cœpta,  
 variis obortis difficultatibus, ac disceptationibus trahebatur,  
 cum ingentem auri vim Cæsaris Oratores a Republica pete-  
 rent,

1523  
 Senatus re-  
 sponso.

1523 rent, ad quam persolvendam Senatus nullo pacto adduci poterat : deinde, cum pro Infubribus tuendis, ac Francisco Sfortia in Mediolanensi imperio retinendo se foedere obstringi Senatus minime abnueret ; Cæsareanis eodem foedere ad Neapolitanum regnum defendendum teneri Venetos placebat ; quod ne a Senatu probaretur, id in causa erat, ne Turcæ, quibus per immensam fere longitudinem Venetæ ditiones finitimæ sunt, inde ad pacem turbandam occasionem arriperent ; cum ex Neapolitano regno facilis in Epirum, Græciam, aliasque provincias in visceribus Ottomanici imperii trajectus sit ; neque timendum videretur, ut dum staret Mediolanum, copiarque illud Cæsaris, ac Reipublicæ tuerentur, hostes Neapolitanum regnum invaderent ; cum haud quaquam tutum Senatus censeret, Reipublicæ copias tam longe a suis finibus abesse, ut terrestre imperium viribus destitutum, hostium injuriis, atque libidini pateret. Præterea haud parvi momenti controversiæ accedebant de exilibus revocandis, de bonis restituendis. De Vormaciensibus quoque pacationibus inter Ferdinandum, & Carolum Imperatorem fratres, ac Venetos multa supererant, quæ non facile explicari poterant, præsentiamque Oratoris, qui Ferdinandi nomine ageret, exposcerent ; ut negotium ob varias, quæ in dies oriebantur, difficultates, brevi temporis intervallo perfici non posset. Pontifex vero omnibus de rebus a Senatu edoctus, cum vereretur, ne privata inter Cæsarem, ac Rempublicam controversiæ communi pacis bono essent impedimento, adhortando, omnia in se recepturum pollicendo nitebatur, ne levioribus difficultatibus eximium communis concordiae fructum, ac præsentissimum Christianis rebus auxilium cunctationibus, atque ancipiti consilio moraretur. Per eos dies Balthassar Glesius Ferdinandi Archiducis nomine Venetias accessit, ut ( quod maxime ad rem perficiendam necessarium videbatur ) quæ de finibus controversiæ inter illum, ac Rempublicam versabantur, definiret, pacique subscriberet ; quæ cum ejusmodi essent, ut neque facile, neque cito expediri possent, atque interim Caroli, & Henrici Oratores ad negotium perficiendum urgerent, eoque nonnunquam dicendo proveherentur, jam induciarum tempus elapsum esse ; nisi quamprimum quænam illius mens esset

*Balthassar  
Glesius Fer-  
dinandi O-  
rator ad Ve-  
netos.*



esset Senatus patefaceret, adversus Rempubicam arma moturos; inopinato Hieronymi Adurni obitu superioribus difficultatibus accedente, quinam rei exitus futurus esset, dispici haud satis poterat. Interea Gallorum Rex de iis, quæ a Cæsaris Legatis cum Patribus agebantur, certior factus, Venetorum consilia suspecta habere; vereri, ne Cæsari Venetis reconciliatis, difficilior illi in Italiam aditus, atque Insu- brum oppugnatio fieret. Quapropter, ut Senatum a Cæsareano foedere averteret, se quamprimum cum ingenti exercitu Alpes transgressurum, Joanni Baduario Reipublicæ Oratori significaverat; ac, ne de illius voluntate ambigi posset, Rentium Ceritem, Ambrosium Florentinum Venetias misit, qui una cum Vilcario ordinario Legato Patrum Collegium ingressi, quæ menses in Italiam expeditionem Francisci foret, exposuerunt, præpotentem Regem pedite, equite, pecunia, bellicis machinis cito Italiam ingressurum; Senatum rogare, ut in mutuo foedere, quod antea percussum fuerat, permaneret: Gallis cum suis copiis, ac viribus præsto foret; id cum veteri Reipublicæ in Regem benevolentia, atque amicitia, tum ipsius in Rempubicam meritis responsurum. Senatus, cum in re admodum ancipiti, ac perplexa versaretur, hinc Cæsaris, inde Regis Oratoribus illius amicitiam petentibus, aliquid certi pronunciare difficile admodum erat; ne alterius partis in se odium, atque arma provocaret. Licet enim cum Cæsare de pacis conditionibus ageretur, Adurni morte negotium intermissum fuerat; Gallorum vero vires, Regisque Insu- bres invadendi consilium Patrum animos valde suspensos tenebant, ut, neque deferere inchoatas concordia in- eundæ rationes, neque Gallis quidquam aperte, aut negare, aut polliceri vellent. Tandem ita Senatus consulto responsum est. *Optima semper mente erga potentissimum, atque invictissimum Regem Rempubicam fuisse; cunctis semper studii, atque observantia officii coluisse, quæ superioribus annis præstiterit argumento esse; de auxiliis in Italiam venturo subministrandis nil esse, quod modo ageretur; cum Summus Pontifex de communi inter Christianos Principes concordia summopere sollicitus, id sedulo meditaretur, ut, semotis armis, tandem quies orbi Christiano affulgeret, ac Pannoniis trepidantibus, bellique incendio con-*

1523

Hieronymi  
Adurni  
obitus.Rentium Ce-  
riter, & Am-  
brosius Flo-  
rentinus  
Gallici O-  
ratores ad  
Venetos.

fla-

1523 *flagraturis cito subveniretur, ne communis hostis ferrum in amplissimi regni viscera, nullo repugnante, ac obfistente, miserrime adigeret: apud Cardinalium Collegium dixisse, sibi Principes omnes monere in animo esse, ut in triennium, vel quinquennium inducias paciscantur; ni id faciant, anatthematis pœnas additurum. Cum itaque res ita se haberent; de armis inferendis certi quidquam minime asserre posse; ne Respublica communi huic bono obstitisse, ac spem, quæ mortalium animos ad pacem erexerat, immaturo, ac præcipiti consilio turbasse videretur.*

*Antonii  
Grimani  
Principis  
obitus.  
Anno 1612.  
interregno  
Principis  
Donati en-  
tignata lex  
hæc fuit.*

Pridie kal. maji Senatus consulto Gallicis Oratoribus de more perlecto: nonis Antonii Grimani Principis obitus est subsequutus. Inde cum ob ducalia comitia Senatus cogi non posset, publica consilia expediri nequibant: ita enim ex majorum veteri instituto inolevit, ut, Principe defuncto, priusquam successor sublegatur, nihil, quod ad Rempublicam pertineat; neque Senatus decretis, neque aliorum consiliorum, aut magistratuum sententiis sanciri queat: adeo tota ratio illorum Comitiorum perplexa est, ut ad omnem ambitum tollendum a prudentissimis, ac religiosissimis viris inventa videatur. Erant ea tempestate duo clarissimi, ac præstantissimi cives, Reipublicæ lumina, qui eximiis in patriam meritis ceteris anteibant, Andreas Gritus, & Georgius Cornelius: ambo clarissimis natalibus, rerum agendarum usu, egregia in Rempublicam pietate conspicui, per omnes honorum gradus ad Procuratoriam dignitatem evecti. Gritus difficillimis temporibus pace, belloque clarus, apud summos Reges, ac Principes in honore habitus, innumera fortitudinis, ac prudentiæ facinora pro patria ediderat, illiusque singularis virtus in Patavio recipiendo, ac propugnando mirum in modum superioribus annis illuxerat. Cornelius, vir integritate, atque affabilitate singulis civitatis ordinibus in primis carus habebatur: fama est, illum in Senatu quidquid de publica dignitate, atque utilitate esse sentiret, admirabili eloquentia perfecisse. Verum illi ad memoriam in omnem posteritatem producendam, celebritatemque nominis propagandam peculiare, atque insigne fuit, quod opulentissimum, & nobilissimum Cypri regnum ex illius domo ad Rempublicam transtulit, ac ingenti dono, in-

fucto

*Andreas  
Gritus, &  
Georgius  
Cornelius cō-  
paratio.*

fucto mortalibus exemplo, patria aucta, atque ornata fuerat. In tot præstantissimarum virtutum, ac meritum concursu, Andree Griti fortitudo, labores pro patria suscepti, captivitates, pugnae antelatae sunt. Nam cum Patres ad unum & quadraginta, ad quos Ducis creatio lege spectat, xvij. kal. junias curiam essent ingressi, sequenti die Gritus Princeps renuntiatus est: qui postea per multos annos arduis tempestatibus consilio, virtute, mira prudentia in Reipublicae administratione excelluit.

1523

*Andrea  
Griti Prin-  
cipis classis.*

Cæsar, audito Hieronymi Adurni obitu, Marino Caracciolo, qui postea a Paulo tertio in Cardinalium collegium cooptatus est, ac tunc Orator ad Pontificem fuerat designatus, ut Adurni loco Venetias accederet, inchoatumque negotium denuo suscipere, imperavit. Quocirca intentiore studio intermissa pacis tractatio revocatur: quotidie Cæsareanis Oratoribus Collegium adeuntibus, petentibusque ut moræ, ac cunctationum causæ tollerentur; amplectendamne Patres Cæsaris amicitiam, ac pacem censerent, non obscuris verbis patefacerent. Senatu sapius coacto, ob diversas sententias nihil decerni poterat, cum majori parti quidquam in re tam ardua non liqueret: quamvis enim Collegii Patres cum Cæsare pacem firmandam arbitrantur, atque ea de re decretum tulissent; complures acerrime oppugnabant, neque a vetere cum Gallo foedere, atque amicitia recedendum esse contendebant; qui si, ut constanti omnium prædicatione ferebatur, in Italiam armatus descendisset, pro ingenta gentis ferocia, ac viribus, Regis præsentia haud difficulter Cremonæ arcem opem laturus, ac Mediolano potiturus videbatur. Cæsareanos pecunia laborare; quamplurimarum rerum inopia premi; jam præda, ac rapinis alienos, a Gallisque averfos populorum animos ad veteris dominationis desiderium redire; ea si contingerent, Rempublicam impetum omnem irati Regis excepturam; eo acrius fines illius invasurum, quo magis ob spretam amicitiam, foedusque fractum, se ab ea lacessitum fuisse sentiret. Vires, aiebant isti, Gallorum summo Reipublicæ damno experti sumus, qui cum primum, licet immerito, a Reipublicæ amicitia regnandi cupidine, deservissent, nobis ingentem calamitatum cumulum intulere: cæde, ferro, sanguine nostra oppi-

*Marinus  
Caracciolus  
Cæsaris Orator ad Venetias.*

di,

1523

*da, agrisque redundarunt : neque antea tot malis finis impositus fuit, quam in pristinam cum iis amicitiam, ac gratiam rediremus. Franciscus hic, qui nunc rerum potitur, sivedere vobiscum icto, ad imperium recuperandum sociis vos armis adjuvit ; cui sane, quod Brixia, Veronaque amplissimis, ac ditissimis urbibus potiamini, acceptum referre debetis. Illum igitur Regem, qui post regni suscepta gubernacula semper amicus, sociusque vester fuit, adversus amicitiae jura, ac foederis religionem deserere, in animum inducitis ? vos, inquam, qui semper beneficiorum memores nullo unquam tempore ingratitudinis notam subiistis ; scilicet, ut Carolus Imperator, acerrimus illius hostis, nullo contradicente, in Italia dominetur, atque ea provincia, quæ ad Græciam, Macedoniam obtinendam, atque adeo ad totam Europam coercendam situs natura, virium robore opportuna semper est habita, sibi ad Christianam Rempublicam moderandam, ac subigendam gradum paret, atque adstruat ? Quid enim, quominus illam integre possideat, Cæsari deest ? amplissimum regnum Neapolitanum possidet : Insucribus potitur : Pontifex illi opera, & studio favet : reliqui Italiae Principes, vel fide, vel officiis devincti sunt. Vos, inquam, vos illi estis, quibus, si in Gallia Regis amicitia perseverare inconcussa opinio fuerit, librare potentissimorum Principum opes, regnandique immodicam cupiditatem compescere datum sit : cum immortalis gloria vestram auctoritatem reliqui Principes sequentur. Italia libertatem, ac splendorem vobis acceptum referet.*

Contra iis, qui temporum conditionem, præsentemque rerum statum attentiore cura dispiciebant, minime tutum videbatur, Vormacienfibus induciis elapsis, cum Cæsareanis ob Insucries subjectos, ac Mediolanensem arcem nuper in deditionem acceptam, tumescentibus iterum ad bellum redire, qui ob propinquitatem momento in agros, oppidaque Reipublicæ irruere poterant, pacemque honestam certo, ac difficili bello anteferendam esse Senatui auctores erant ; satisfactum jam esse Gallicis foederibus, copiis, pecunia, tormentis : illorum rebus in Galliam Cisalpinam opem latam fuisse : modo ejectos, atque Italia pulsos, nihil, præter Cremonensem arcem, eamque cito in hostes casuram, possidere. *Quid faciat*  
Se-

*Senatus? Bellumne cum Imperatore, cum quo semper inducias servasse affirmavit, modo suscipiat, dum cunctis bellicis rebus instructus apparatus iste regius in dies friget, atque elanguescit? Quid enim si Anglus, ut frequenti rumore increbuit, in Galliam impetum fecerit? An regni sui oblitus periclitanti Italiae, Venetaque Reipublica opem feret? Tot igitur procellis patriam obiectabimus? ut praeferita vulnera, cicatrice nondum coalita, acerbius recrudescent? Quid vero vobis ipsis; quid ad Italiae, vel libertatem, vel dignitatem optatus accidere potest, quam Insubrum imperium retroactis etatibus propriis Principibus parere assuetum, ad Franciscum Sfortiam pervenire? Vos, neque Gallum, neque Caesarem finitimos habere, qui aliquando Reipublicae felicitati invidere, atque illius imperio inbiare queant; quod paucis ante annis, Ludovico Mediolano ejecto, summo cum damno experti estis. In Insubrum enim regione is Princeps erit, a quo turbanda quietis, ciendique belli nullum vobis erit periculum pertimescendum: id porro in vestra est potestate; si pacem, ac foedus, quod ultro Imperator offert, amplectamini; si quieta, securaque consilia dubiis, atque incertis anteferre volueritis.*

*Andreas  
Gritus pacem cum  
Caesare suadet.*

Dum inter diversas sententias Patrum animi fluctuarent, Princeps Gritus gravi oratione Senatum alloquutus, dicendi vi, quae non mediocris in illo fuisse fertur, atque auctoritate, quam ex assiduo maximarum rerum usu sibi comparaverat, flectere ad pacem nutantes Senatores potuit; ut tandem amicitia, ac foedus cum Caesare decerneretur. Ac sane hoc loco non parum miror; non modo a Francisco Guicciardino, verum etiam a Petro Justiniano Venetarum rerum conscio, scriptis mandatum fuisse, Andream Gritum ad supremæ dignitatis in Republica fastigium nondum evectum, ut Venetos in Gallorum amicitia, ac foedere retineret, vehementer laborasse, iisque in Senatu acri se oratione opposuisse, qui Caesari assentiendum suadebant: eundem mox Principatu decoratum, nulla amplius ea in re verba ad Patres habere voluisse; ne, qui diu in Galliis moratus esset, certa quadam erga gentem illam propensione duci videretur: nam Gritum in Senatu pro foedere loquutum fuisse, ancipitesque animos ad certa impulisse constat. Verus quippe mos semper in Senatu fuit, ut, cum

de

1523 de gravissimis rebus agitur, qui prudentia, ac rerum usu opitulari patriæ consilio possint, quacunque privati commodi ratione semota, liberrime in suggestu, quæ sentiant, eloquantur.

*Fœdus inter  
Cæsarem  
ac Venetos.*

Quod igitur faustum, felixque esset, pax, & fœdus iiij. kal. augusti in hanc sententiam inita sunt. Carolo, Divina favente clementia, Romanorum Imperatori electo (ita enim antequam coronam de more suscipiant, vocari per vetusta consuetudine Imperatores consuevere) nihil unquam antiquius fuisse, quam iis non modo malis, ac calamitatibus obviam ire, quibus nobilissima Italiæ provincia bellis præteritis afflicta, atque attrita, non sine gravi Reipublicæ Christianæ jactura fuerat, verum in posterum turbari, ac vexari posset: proinde veram, certamque pacem, ac quietem firmare, ut inde communis inter omnes Principes concordiae bonum manare queat: ad hanc rem consequendam nihil conducibilius, nihil firmitus esse, quam si pacis, fœderisque nexu cum Illustrissimo Andrea Grito, Dei gratia Duce, & Excellentissimo Venetiarum Dominio (his enim verbis pacta inter Principes, ac Reipublicam concipiuntur) adstringeretur: His de causis ad communem præsertim utilitatem spectantibus, cujus semper Veneta Respublica studiosissima fuerat, summi, sanctissimique Hadriani Sexti Pontificis, Serenissimique ac potentissimi Henrici Angliæ Regis, fidei defensoris; intervenientibus Thoma Campegio electo Feltrensi, sanctissimi Pontificis Legato, Richardo Pæcco consiliario, & primario a Secretis, atque Angliæ Regis Oratore, tractatione primum Hieronymi Adurni, qui vitam cum morte commutavit, mox Marini Caraccioli Protonotarii Apostolici, ac Alphonso Sanches Consiliariorum, apud Rempublicam Cæsaris nomine Oratorum munere fungentium; in id Serenissimo Domino Ferdinando Hispaniarum Infante, & Principe, Cæsaris fratre, per Balthasarem Glesium ejus Consiliarium, Oratoremque concurrente, cum clarissimis viris Aloysio Mocenico Equite Consiliario, Georgio Cornelio Equite Procuratore Sancti Marci, & Marco Antonio Venerio Doctore, Illustrissimi Ducis, & Dominii procuratoribus, ad pacis, ac fœderis pactiones devenere, quæ inter ipsum sacratissimum, & invictissimum Imperatorem, ac Illustrissimum Ducem, Excel-

cellentissimumque Dominium Venetiarum ratæ, firmæque sint. 1513  
 Illarum summa capita hæc fuere.

*Præteritorum bellorum memoria inter Maximilianum, ac Rempublicam deleta, ac penitus sublata, mutua pax, eademque perpetuo sancitur.*

*Qua vulgata, ultro, citroque iniri commercia terra, marique regiones utrinque adiri queant; pirata, genus hominum inuisum, pellantur, excindantur; qui hoc vitæ institutum arripuerint, merita nece pœnas luant.*

*Extorribus in patriam receptis, jus civium amissum restituitur: quæ bona fisco adjudicata fuerint, in eis jus non habeant: quinque aureorum millia illorum vice singulis annis pendantur.*

*Quæ loca, atque oppida Venetis a Ferdinando ex Vormaciensibus conditionibus adhuc reddita non fuere, restituantur.*

*Ducentorum aureorum millia octo annorum spatio, singulis viginti quinque millia, persolvat Cæsari Respublica: solutione, nisi prius oppidis, locisque a Ferdinando receptis, minime teneatur.*

*Hæc pacis conditionibus continebantur. Fœdere vero cavebatur: Ut Franciscus Sfortia Mediolani Dux quingentos Italos cataphractos in Insubribus pace, belloque aleret; cuius rei se sponsores, ac vadem Cæsar promitteret.*

*Si adversus Ducem, aut Venetos bellum moveretur, cataphractorum numerum ad octingentos augere Cæsar deberet, adjecto sex peditum millium, ac quingentorum levioris armaturæ equitum numero, tormentorumque bellicorum apparatu; ut his viribus aucti hostium impetus arcerent, suosque fines tuerentur.*

*Contra vero Veneti Insubrum ditione bello petita, ac vexata, præsto futuros, omnique ope Ducem adiuturos; cataphractos octingentos, quingentos levioris armaturæ equites, sex mille Italos pedites, præter bellicas machinas, subsidio missuros polliceantur.*

*Neapolitano regno a quovis Christiano Principe, Summo Pontifice Hadriano excepto, bellis laceßito, quindecim triremes, omni bellico apparatu instructæ a Republica in eas oras ad regnum tuendum mittantur.*

H. Mauroceni T. I.

F

Ha.

1523

*Hadrianus Pontifex, Henricus Angliæ Rex pace hac, atque foederibus, si illis libuerit, honorifice excipiantur, eorumque conservatores sunt.*

*Qui ambarum partium foederati, ac socii fuerint, eadem pace, ac foedere comprehendantur. A Cæsare adscripti fuere Reges Lusitaniæ, Pannoniæ, & Poloniæ: Sabaudie Dux: Florentina Respublica, Julius Medicæus Cardinalis, omnesque ejus gentiles: Antonius Adurnus Genuæ Dux: Mantuæ Marchio: Senarum, & Lucæ civitates: Marchio Montisferrati.*

*Sex mensum spatium tam Cæsari, quam Reipublicæ ad aliorum, quos vellent, nomina apponenda constitutum est.*

Xviii. kal. septembris pax, foedusque inter Cæsarem, Rempublicamque ac reliquos foederatos ictum, solemnî ritu, ac more promulgatum est; & ne Senatus liberalitas desiderari posset, Marinus Caracciolus Cæsaris Orator, qui in gravissimis negotiis tractandis sedulam, optimamque operam navaverat, quinquaginta auri libris donatus est. Ad Cæsarem duo præstantissimi Senatores, Andreas Naugerius, Laurentius Priolus; ad Ferdinandum vero Carolus Contarenus, ut pacem, foedusque Reipublicæ nomine gratularentur, a Senatu missi sunt. Ad Franciscum Sfortiam Mediolani Ducem, qui eadem de causâ Franciscum Tabernam ad Patres miserat, ut idem officii genus præstaret, Marcus Antonius Venerius Legatus delegitur.

Pace, ac foederibus inter Cæsarem, & Venetos Hadriani Summi Pontificis auctoritate percussis, satis pacatas, ac firmas res Italiæ fore, Gallorumque Rex suspicione Anglici belli domi detentus nihil hoc anno in Italia moturus videbatur. Verum, ut in rerum eventibus, ac Principum gestis pernoscentis, debilia, atque infirma sunt hominum judicia; quæ remorari Regem ab ea expeditione poterant, vehementiores illi, atque acriores spiritus addidere: nunquam enim præteritæ cladis memoria ex animo effluerat, extimulabatque adeo amissa Insubrum regio, ut omnibus potius se objectare periculis, omnia subire incommoda, quam sibi a Cæsare illatas injurias perpeti posse videretur. Itaque quam maximum potest Gallorum, atque Italarum peditum, atque equitum numerum parat:



rat : bellicas machinas, tormentarii pulveris, jumentorum, vehiculorumque apparatus ingentes adhibet : tributa indicendo, vectigalia oppignerando, decumas a Sacerdotibus exigendo, quam maximam potest pecuniæ summam coacervat : ab Helvetiis per nuntios petit, ut cum primum in Taurinorum campos descenderit, peditum suæ gentis subsidia mittant. Iis de rebus instructum quamprimum Regem in Italiam cum exercitu venturum ore omnium circumferebatur ; cum præcipue impetus ille, quem Henricus Angliæ Rex se effusurum in Gallias jactaverat, paulatim elanguisset ; neque Cæsar aliquid extra Italiam moliri posset, quod Regem ab instituto revocaret. Itaque Franciscus Lugdunum contendit, ut loci opportunitate ; tum ea, quæ ad bellum necessaria essent, urgeret ; tum ut brevius illi in Italiam iter foret. Veneti cum haud dubie rursus Italiam bello conflagraturam animadverterent, nihil quod, vel ad fœderis conditiones servandas, vel ad proprios fines tuendos pertineret, omittendum duxere. Theodoro Triulrio summo militiæ Præfecto, quod partes Gallorum sequeretur, plurimisque cum ea gente affinitatibus, atque officiis adstrictus esset, ob navatam Reipublicæ operam gratiæ a Senatu actæ. Franciscus Maria e Ruverensi familia in ejus locum suffectus est ; vir scientia militari, ac prudentia clarus, qui creptum sibi per injuriam avitum imperium egregio conatu armis recuperaverat, ac nuper ab Hadriano Pontifice in gratiam receptus, legitimæ possessionis titulos consequutus fuerat, omnesque illius ditiones suscipere in clientelam Senatus pollicitus est. Copiis, quas ea tempestate Respublica in Cisalpinis habebat, sex Italorum peditum millium numerus adjectus ; levioris armaturæ equitatus trecentis equitibus auctus est ; urbes, atque arces validioribus præfidiis instauratæ, mille pedites subsidio missi. Leonardus Haimus Legatus a Senatu renunciatus, atque ut cum Urbinatæ ad exercitum proficisceretur, constitutum est ; statimque Præfecti cataphractorum equitum ad Olii fluminis ripas se conferre jussi, ut fines Reipublicæ defendere, ac ad omnes rerum eventus in promptu esse possent.

*Theodorus  
Triulrius a  
Venetiis stipendiis dimissus.  
Franciscus  
Maria Ur-  
bini Dux in  
locum Triul-  
rii suffec-  
tus.*

*Leonardus  
Haimus  
Legatus in  
castris.*

Interea de Regis adventu fama increbrescente, qui Gallo- rum partibus favebant, novas res moliri cœpere. Leo Comes

1523

Carpenfis oppidum, quo Cæſar Alberto fratri, uti perduellionis reo adempto, Columnam donaverat; per inſidias occupat. Galeatius Biragus Valentiam oppidum juxta Padum ſitum in ſuam poteſtatem redigit, arcemque, deditione ab oppidanis facta, recipit. Qua re ab Antonio Leva, qui Haſtam cum Hiſpano peditatu, ac levioribus equitibus ad continendos in fide populorum animos a Columna miſſus fuerat, inſpecta, cum militum manu Valentiam profeſtus, neque natura, neque arte munitum oppidum bido expugnat; cum arcem tormentis quater cepiſſet, deditione ſtatim accepit, quadringentis interſectis, nonnullis captivis factis; inter quos ipſe Biragus fuit. Verum dum Regem, qui ſe Lugdunum conſulerat, quamprimum in Italiam venturum nemo ambigeret, novæ ortæ rerum rationes, præter omnium opinionem, illum alia omnia opinantem a ſuſcepto itinere prohibuerunt. Præbuit mutandæ ſententiæ occaſionem Carolus Borbonius Dux regii ſtemmatis nobilitate, potentia, ac honorum inſignibus (nam Equitum magiſtri munere fungebatur) apud Gallos longe clariſſimus. Is, quod aliquot ante annos regio favore, & gratia excidiſſet, parumque ſibi in regno adminiſtrando auctoritatis tribui iniquo animo pateretur, ac nuper aliquot ex paterna hæreditate, & Borbonenſi ducatu oppida a regina in ſitem deducta eſſent, occulta odii, ac irarum ſemina animo conceperat. Opportunum itaque tempus adeſſe ratus, dum Rex trans Alpes profeſtus in Italicum bellum incumberet, aliquid adverſus illum in Galliis facinoris patrândi: per Hadrianum Baurenium Cæſaris Oratorem, qui ſimulata veſte mercatorem ementitus, ad illum profeſtus fuerat, cum Carolo, atque Henrico Anglorum Rege ſecretos tractatus habuerat, deque Gallorum regno cum illis pactus dicebatur; nempe ut Alpes tranſgreſſo Rege, ipſe cum duodecim millibus peditum, qui communi Principum ære compararentur, Burgundiæ fines ingrederetur, magna ſpe ſubnixus, Rege abſente, gratia, & auctoritate, qua plurimum apud omnes poſſet, facile ampliſſimi regni parte aliqua potiturum. Quapropter Molinii ſub ægroſantis ſpecie, ut ſua conſilia tegeret, ſubſtitit, Rexque illum benevola animi ſignificatione inviſerat; cui, cum Lugdunum perveniſſet, clarioraque in dies initæ conjurationis indicia

*Carolus  
Borbonius a  
Rege Gal-  
lia deſciit.*

cia deferrentur, detecta, ac patefacta sua consilia Borbonius persentens, duobus tantum comitatus, clam ad Sequanorum fines, qui Cæsari parebant, se recepit.

Rex de illius fuga edoctus, cum Germanos pedites Burgundiæ finibus appropinquare audivisset, periculi plenum esse ratus, si in regni visceribus atrocissima conjuratione patefacta, illo deserto, in Italiam proficisceretur, Gulielmum Gauferium maris Præfectum ( Galli *Admirallum* vocant ) in Italiam mitit; qui cum mille octingentis cataphractis, totidem levioribus equitibus, ac triginta millium peditum numero, nullo obfistente, Insubrum ditionem ingressus, usque ad Ticinum amnem pervenit. In itinere Novaria, quæ, consulto Francisco Sfortia, arce excepta, deditionem fecit, ac Viglevano receptis: nam Prosper Columna cum motus in Gallis, quos Borbonius conciverat, Regisque de professione inmutatum consilium intellexisset, in eam spem adductus fuerat, ut hoc anno Italica expeditio intermitteretur; quocirca nihil earum rerum, quæ, vel ad repellendos hostes, vel ad civitates ab eorum impetu tutandas pertinerent, comparaverat; inopinatoque hostium adventu, neque milites, qui ad pauciores numerum redacti erant, aut agere, aut colligere, neque bellica tormenta parare, nec mœnia diruta, strataque reficere, aut munitiones erigere potuerat: id illi eo rerum statu unum erat consilium, ad Ticinum amnem coactis copiis, Gallos transitu prohibere. Itaque quatuor Hispanorum, totidemque Germanorum peditum millibus, ac equitibus quotquot poterat collectis, ipse, licet gravi morbo confectus, lectica deferri, atque in citiori fluminis ripa consistere voluit. Verum secus, atque ille reputaverat, accidit; cum enim ad amnem Galli pervenissent, pertentatisque vadis, ob diuturnam siccitatem facilem transitum fore animadverterent, ad quatuor millia passuum ab hostium castris, nullo contranite, idibus septembris, pars pedibus, pars lembis flumen tranarunt, eidem ponte superjecto, quo tuto tormenta bellica duci possent. Columna inani eventu consilium cecidisse sero inspiciens; gravioribus tormentis Mediolanum præmissis, eodem cum exercitu contendit: qua ex re tantum timoris, ac trepidationis urbi injectum fuerat, ut, si ea occasione usus Gauferius, confestim cum copiis adfuisset, civitate poriturus foret.

*Gaufreii in  
Italiam ad-  
veniens.*

*H. Mauroceni T. I.*

F 3

Dum

1523

Dum hæc agerentur, Gallorumque cœptis fortuna adspiraret, Senatus Leonardo Haimo Legato mandaverat, ut cum quadringentis cataphractis, ac trium millium peditum numero, Ollio trajecto, in Abduanam glaream profectus inter Bergomatum, ac Cremensium fines opportuno ad utrasque urbes subveniendas loco castra haberet: ad Cremam, quæ magis patere hostibus videbatur, tutandam Christophorus Albanensis, ac Burghesius ductores cum trecentis peditibus subsidio missi fuere. Sed cum nondum Urbinas in castra venisset, & Galli inter Binasum, & Abiatum, duodecim a Mediolano passuum millibus, castrametati fuissent, cunctabundus Legatus rem trahebat. Ceterum præclare gerendæ rei opportunitas, vel negligentia, vel copiarum omnium ad Ticinum amnem cogendarum studio, e manibus Gauferii effluxit. Dum enim ille in ulteriore fluminis ripa substitisset, Columnæ, Mediolanensiumque animi in meliorem spem erecti, omisiss de relinquenda urbe consiliis, excipere, ac sustinere ingruentes Gallos decrevere. Quapropter, quæ ad Mediolanum retinendum idonea videbantur, summo studio perficere, præteritamque sordidiam virtute, ac diligentia corrigere: aggeres lapsos reficere: Italicum peditatum augere: commeatus intra mœnia convehere: ad arma sæpius, atque ex improvviso conclamare, ut quid spei, præsidiique in civibus reponendum foret, innotesceret. Quo factum est, ut brevi duodecim peditum millia, præter cives, in armis essent; ad hæc, ut Ticinum, ac Cremona præcipuæ Insubrum urbes hostium vim repellerent. Antonius Leva cum valida militum manu Ticinum missus; Cremona mille peditum præsidio aucta fuit: tribus egregie munitis urbibus, nihil a Gallis Columna pertimescendum ratus. Gauferius cum triduum in colligendis militibus operam impendisset, atque inter Binasum, & Abiatum oppida copias collegisset, Mediolanum versus proficiscitur, ac inter Romanam, & Ticinensem portam tormenta admovet: sed nimis arduam se aggressum rem conspiciatus, externis militibus, atque armati populi numero subnixam urbem omnem impetum egregie excepturam, oppugnatoresque propulsaturam fore, gradum retroagere, expugnationis consilium deferere cogitur. Inde inter Laudensem, Ticinensemque viam positis castris, ad Mo-

doc-

doetiam recipiendam partem copiarum mittit . Petrum Bajar-  
dum cum octo peditum millibus , equitatus robore , decem  
bellicis machinis ad Laudem oppugnandam proficisci jubet .  
Modoetia nullo negotio occupatur . Marchio Mantuanus , qui  
nuper cum equitibus quingentis , ac totidem peditibus ad exer-  
citum venerat , cum se imparem ad hostes arcendos animad-  
verteret , Parmæque , quod Pontifici militaret , subsidium im-  
portare vellet , Laude relicta , Cremam se contulit . Laude  
Gallus potitus est . Leonardus Haimus Legatus cum Modoe-  
tiam amissam , Laudem captam cerneret , Cremonam potituros  
hostes haud dubiis nuntiis intelligeret ; ne ex ea parte Vene-  
torum fines ab hostibus aliquid detrimenti acciperent , ad  
Pontem vicum prope ripam Ollii fluminis situm copias sta-  
tuit .

1523

*Modoetia  
& Laus a  
Gallis ca-  
pta .*

Interea Feltrius Veneti exercitus Imperator in castra perve-  
nerat : complures secum , quos in Flaminia , ac Piceno con-  
scripserat , milites adduxerat ; cumque non procul a Ponte vi-  
co Mantuanorum Princeps suos milites collegisset , situs oppor-  
tunitate id eventurum sperabat ; ut , & Galli nostrorum pro-  
pinqvitate Cremona abstinerent ; & Venetorum ditiones ab  
hostium incursibus tutiores redderentur : quorum alterum Co-  
lumna magnopere optabat ; alterum Senatui maxime cordi erat ;  
atque in id , ut valde niteretur , Legato mandaverat . Cæsa-  
ris , ac Mediolani Ducis Oratores cum mirum in modum de  
Cremona tuenda solliciti essent , a Senatu petunt , ut quam ce-  
lerrime subsidia Cremonam mitti , exercitum trans Ollium flu-  
men in Cremonensi agro esse jubeat ; hac una ratione Gallos  
consilia de illa oppugnanda relictuos : non tam exiguo nu-  
mero , neque tam modicis viribus nostros esse , ut timorem  
illis incutere hostes possint , qui quinque millium peditum ,  
ac quadringentorum cataphractorum equitum summam non ex-  
cedant : ad sollicitandos Patrum animos Prosper Columna ,  
ac Franciscus Sfortia nuntios Venetias misere . Senatus quæ-  
cunque e re communi forent , atque præsertim ad Cremonam  
tuendam spectarent , imperaturum affirmat . Verum Galli a  
Cremonæ oppugnatione non destitere ; ac primum arcem , quæ  
adhuc in illorum potestate erat , subvenire statuunt . Federi-  
cus Bozzolus cum quadringentis hastatis , ac sex peditum mil-

*Urbinitas  
ad Veneto-  
rum exerci-  
tum adven-  
tus .*

*Federicus  
Bozzolus ,  
& Kentius  
Ceres ad  
Cremonæ  
oppugnatio-  
nem .*

1523

libus, Rentio Cerite adjuncto, Abdua trajecto, Melenianum contendit: inde Cremonam adortus, quam centum cataphracti equites, ac peditum quatuor millia praesidio tenebant; tormentis admotis, postquam triduo urbis moenia magno impetu quassata, ac diruta forent, dato signo milites corona urbem aggredi iussit: conatus irritum eventu cecidere; tum propugnatorum virtute; tum pluviis repente obortis, ac magnis imbribus quadriduo e caelo demissis.

*Mediolanensium inopia.*

Cremonae igitur recuperandae spe amissa, Gauferius, qui antea Mediolanensis expugnationis dubium, difficilemque exitum veritus, in aliis oppugnandis oppidis, atque urbibus tempus triverat, rursus cum omnibus copiis ad Mediolanum obsidendum revertitur, recenti spe adductus, ut comiteatu intercludendo, hostes omnium rerum inopia pressos ad deditio-  
nem compelleret. Quocirca Modoetiam, Mediolanumque inter parte copiarum collocata, a duobus lateribus urbs obsessa, tam iis, qui e Laudensi, ac Ticinensi agro, quam illis, qui ex Brianteis montibus comiteatus in civitatem importari solent, carere cogebatur. Ad haec frumentarius molis a Gallo disiectis, ac incensis; adeo ingens in civitate oppidanorum multitudine, ac militum referta annonae caritas est oborta, ut supra centum hominum millia per aliquot dies leguminibus vesci coacti fuerint; donec molis, quae manu versarentur, in civitate fabrefactis, huic incommodo obviam itum est. Civitas liberali victu assueta, rerum non modo affluentia privari, verum quoque in usus vitae necessariis agere intercludi patiebatur. Prosper Columna, ut hostes a coepta obsidione averteret, Principi Mantuanorum mandaverat, ut cum Pontificio equitatu Ticinum profectus, ne annonae ad castra hostium deferretur, omni contentione niteretur. Eodem tempore cum Venetorum copiae ad Ticinum pervenissent, inopia urbis laxari, atque affatim in obsessam urbem cuncta confluere, cives afflicti sublevari coepere. Veritusque Gallus, ne a nostris disiecto, aut occupato ponte, quem ad Viglevanum struxerat, qui alios obsidebat, exercitus penuria laboraret, copias, quae Modoetiae erant, ad se vocat; quo facto undique ex agris tanta tritici, vinique copia in urbem est invecta, ut omni spe per obsidionem potiundae civitatis Praefectus maris

exci-

excideret. Neque feliciorem in ea obtinenda eventum in insidiis est expertus, quæ detectæ exitium, atque infamiæ notam auctoribus intulere. Nam Morgantius Parmensis, occiso cohortis præfecto peditum Joannis Medicei, stationem ad subli-  
cium pontem agente, qua extra urbis aggeres patebat aditus, ea se parte Gallos introducturum pollicitus fuerat : a Joanne Ferrariense Stephani Columnæ milite, qui proximas illi excubias agebat, & quem propositis hostium præmiis, ad se allicere tentaverat, proditio fuit ad ipsum Columnam delata, a quo, cum Joannes Mediceus detectos dolos cognovisset, Morgantius, ac facinoris socii more militari lanceis transfixi poenas dedere.

1523  
Gausferius  
Mediolanensis  
per insi-  
dias aggre-  
ditur.

Insidia de-  
tectæ : no-  
riorum po-  
na.

Cum igitur rerum eventibus sua frustrari consilia, nullamque benignioris fortunæ spem sibi relictam esse Gausferius animadverteret, ne, hieme jam adventante, ad munera belli obeunda opportunitas elaberetur, digredi ab urbe, obsidionisque metu Mediolanenses solvere coactus est ; inde ad inducias animum convertit. Locus inter castra, urbemque deligitur, quo utrinque ad negotium pertractandum mitterentur ; e Cæsareanis Ferdinandus Alarco, Hieronymus Moronus, Paulus Victorius Florentinus ; e Gallis Galeatius Vicecomes, Thomas Baverrius conveniunt. Summa animorum contentione disceptatur : petunt hi bimestres inducias, ut interea aliqua inter Cæsarem, Regemque pacis ratio iniri posset, Insu-  
bresque variis fortunis triennio fere agitati tandem quiescerent : Principibus id gratum fore ; assiduis incendiis, rapinis, cædibus exitum Mediolanenses inventuros : addunt, nulla magis in re, quam in bello incerta omnia esse, in quo eventus sæpius mortalium consiliis nusquam respondeant ; uterentur itaque opportunitate, periculisque, ac metu Cisalpinam Galliam, atque Italiam solverent. Contra Cæsareani differebant, nunquam averfos se a pacis studiis fuisse, neque bellorum occasiones quæsisisse : ut pax Italiæ firmioribus radicibus coalesceret, Franciscum Sfortiam in avito imperio collocasse : Gallos arma in Italiam invexisse ; pacem publicam perturbasse ; ut Insubribus potirentur, cuncta molitos fuisse : pro Italiæ pace Pontificem, Venetos, reliquos Italiæ Principes cum Cæsare foedera junxisse ; eam consequi non posse, nisi quæ citra

Ti-

1523

Ticinum Galli occupavere, fociis restituantur : quod si omnino ab Italia abstinerent, si ita illis constitutum sit, tum de induciis agi posse : cumque propediem Carolus Lanojus in Insubres esset venturus, rem omnem in illud tempus rejiciebant : nihil enim ipso, vel invito, vel inscio, vel inconsulto facturos : is namque, Prospero Columna gravi morbo confecto, atque in interitum vergente, ad bellum administrandum a Cæsare fuerat designatus. Multis igitur hinc, atque inde jactatis, re infecta discessum est, variisque incommodis Gauserii exercitu confictato, quæ nivium ingentium copia e cælo irruente, procellis, ventorumque turbine aucta fuerant, urbis obsidione desperata, ab ea abscedere, atque ad Abiatum duodecim ab urbe passuum millibus castra ponere Gauferium cœgere.

*Hadrianus  
Pontificis  
obitus.*

Dum modo afflante, modo reflante fortuna res Galliæ Cisalpinæ agitantur, Hadrianus Summus Pontifex ex humanis excessit ; vir sane, qui si optimam mentem, ac literarum studia, quibus imbutus fuerat, cum rerum usu, ac præcipue Italicarum, notitia conjunxisset, celebriorem nominis famam posteris, præsentibus vero ingens sui desiderium reliquisset. Fuit is valde erga Venetam Rempublicam propensus ; si vita longior adfuisset, clarioribus argumentis aliquando testaturus : constat enim Ravennæ, & Cerviæ urbes, quæ a Julio Pontifice Venetis ademptæ fuerant, Reipublicæ de re Christiana, ac sanctissima Sede optime meritæ restituere illum in animo habuisse. Romæ Cardinalium comitiis coactis, de subrogando Pontifice actum ; cumque illorum, qui ad supremum dignitatis fastigium anhelabant, dissidiis, suffragantiumque affectibus res fere ad duos menses protracta esset, tandem xiiii. kal. decembris Julius Mediceus Cardinalis Pontifex Maximus deligitur, qui splendore familiæ, auctoritate, atque concepta de se apud omnes eximia opinione virtutis, aditum sibi ad amplissimum inter mortales dignitatis gradum struxerat ; Clemens Septimus nuncupari voluit. Erant sane in eo viro quamplurima, vel natura, vel rerum usu, quæ in maximam speciem omnes erexerant, fore, ut sedatis bellorum tempestatibus, illius virtute, atque consiliis tandem Italia conquiesceret : nam Leonis Pontificatu summæ rerum universæ præfectus gravissima

*Clementis  
vij. electio.*

ne-



negotia confecerat ; pene solus imperii molem sustinuerat ; maximi, atque infracti animi documenta præbuerat : morum gravitate, quam subtristis quidam, & cogitabundus adpectus comitabatur, ad magna, atque eximia agenda formatus ; nil, nisi de maximis, semperque seriis rebus cogitare, atque ab omnibus voluptatum illecebris alienus, severam quamdam modestiam spirare videbatur. Compositi animi illud non mediocre argumentum exitit, quod vehementer musica oblectaretur ; ut compertum sit, nullum ea tempestate in Italia fuisse, qui illo magis in ea liberali facultate excelleret.

Pontificatus initio infensum in Gallos animum, veteremque sibi infixam animo cogitationem inesse Italia Gallos pellendi, non obscure significavit : in Italiæ pacem vehementer propensus, Franciscum Sfortiam in Mediolanensî imperio retinendum esse, ut ea firmioribus radicibus coalesceret, censebat : verum quot, quantisque illius Pontificatu convulsa ruinis Italia, quot Romana urbs religionis sedes perturbationibus jactata, ac convulsa fuerit, antequam pax affulgeret, suo loco pluribus nobis erit explicandum. Senatus Venetus Clementi primum per literas gratulatus ; mox Oratores octo designavit, qui publico nomine consuetum officii munus obirent : fuere hi Thomas Contarenus, Hieronymus Pesareus, Marcus Dandulus, Laurentius Bragadenus, Nicolaus Teupolus, Dominicus Venerius, Aloysius Bonus, Vincentius Capellus. Mediolanensî obsidione soluta, e Gallia Narbonensi, atque ex Allobrogicis Alpibus summo studio milites cogere Gauferius enititur ; Helvetiis instantissime missionem postulantis, persolutis stipendiis, abeundi facultas concessa ; tormenta bellica trans Ticinum abducta : cum reliqua quatuor millium peditum Helvetiorum manu, ceterisque copiis in hybernis commorari statuit ; ut interim quæ a Rege subsidia mitti quotidie afferebatur, adventarent ; ac, ne omnino belli consilia omisisse videretur, ad Aronam in Verbani lacus finibus munitissimum arte, naturaque oppidum, animum adjecit, Rentioque Ceriti viro impigro, plæclarisque rebus in bello gestis insigni, ut cum septem Italarum peditum millibus summa vi illud aggrediatur, imperat. Ceres nihil moratus, citato gradu Aronam profectus, neque feliciorē, neque faci-

*Oratores  
Veneti ad  
Pontificem  
designati.*

*Rentius Ce-  
riti frustra  
Aronam ag-  
greditur.*

- 1523 faciliorem fortunam votis Gallorum est expertus. Licet enim per triginta dies admotis tormentis mœnia arcis, quæ oppido imminet, atque ab hostium injuria tutissimum reddit, magno impetu, & horribili fragore quassata, & concussa forent, sæpiusque per murorum ruinas irumpere milites conati fuissent; propugnatorum tamen virtute, quos Columna mille ducentis peditibus Mediolano emissis auxerat, hostibus repulsis, quamplurimorum edita strage, oppidum, situs opportunitate summum ad bellum conficiendum momentum allaturum, egregie tutati sunt. Hoc loco res erant, cum Carolus Lanoyus Prorex e Neapolitano regno in Insubres venit; ad quem Senatus Oratorem Carolum Contarenum designavit, ut publico nomine de bello administrando consilia cum eo iniret, quæque in rem communem forent, Reique publicæ interessent, mature exequi posset. Atque in id tempus Proregis adventus incidit, quo Prosper Columna morbo octimestri consumptus ex humanis excessit; vir bellicæ virtutis gloria ea tempestate clarus, quique potissimum hanc laudem apud multos retulerit, ut ducibus illius temporis bella non minus consilio, ac prudentia, quam cæde, ac sanguine confici posse, ostendisse videatur.

*Carolus Contarenus ad Lanoyum Proregem orator.*

*Prosperi Columnæ obitus.*

## M. D. XXIIII.

- 1524 **R**erum gerendarum initium a rationibus, consiliisque belli administrandi Prorex auspicandum duxit; atque ea de causa Metaurensium Dux summus Venetæ militiæ Præfektus, ac Leonardus Haimus Legatus Mediolanum convenere. Consiliorum summa fuit, omni ope nitendum, priusquam Galli sibi majora subsidia compararent, ac jam prope lapsas vires, animumque colligerent, ut bellum conficeretur: id vero consequi haud difficulter posse, si fœderatorum copiæ jungerentur, quæ peditum, atque equitum numero, ac virtute, Ducum peritiâ hostibus terrorem incuterent, Mediolanensibus animum adjicerent: non intra urbis mœnia in otio continendum exercitum esse, ne torpescant vires, hebescat ferocia militum; immo assiduo armorum usu, atque exercitatione alatur, ac sustentetur: quocirca castrorum loca tuto, atque

atque opportuno situ deligenda , ut hostes commeatu prohiberi , atque ad omnem rerum inopiam redigi queant ; aut , si vires experiundi opportunitas affulserit , manum haud dubia victoriæ spe conferere , ac profligare hostes possint : neque enim fortunæ aleam subire , & opulentissimæ ditionis imperium , sociorumque res incerto plerumque belli eventui objectare tutum fore censebant : mora , arte , studio tepentis Gallorum ardoris reliquias extinguere posse ; ac fortunæ inconstantia ereptum pulcherrimæ victoriæ fructum , in studio , prudentiaque præstantissimorum Ducum reponendum esse . His consiliis per Legatum Senatui significatis , ut Reipublicæ copiarum Cæsareanis conjungerentur , facultas Imperatori , ac Legato permissa est ; injunctumque , ut oppidorum , ac urbium , quæ finitimæ hostibus sint , ratio habeatur , idque præsidii relinquatur , quod ad illas tuendas sufficiat ; cum præcipue a Laudensibus timendum foret , ne duobus Helvetiorum millibus , quos illis Gaufierius subsidio miserat , aucti , Cremonensium , ac Bergomatum fines invaderent : idque illis in primis curæ esset , quantum studio , ac diligentia assequi possent , ut eo loco castra locarent , quo pugnandi optio a nostris ad hostes transferri non posset ; ne , victoria , quæ jam præ manibus teneretur , per negligentiam amissa , Insubres in discrimen adducti in eadem pericula Venetas ditiones traherent . His constitutis , cum pecunia Cæsareani laborarent , ne illius inopia mora maturandis consiliis injiceretur , ac quamprimum ex hybernis milites deduci possent , quam maximam possunt argenti vim undique colligunt , Clemente ad Cæsarem juvandum mirum in modum proclivi ; qui cum viginti aureorum millia Cæsaris Oratori persolveri jussisset , Florentinis , Senensibus , ac Lucensibus auctor fuerat , ut quidquid ex foedere deberent , alacri animo ad Italiæ præsentem statum retinendum erogarent ; neque Francisco Sfortia aliquid , quod ad avitum imperium spectaret , omittente , qui propensa Mediolanensium voluntate , cunctisque populorum in se inclinatis animis , nonaginta aureorum millibus , quæ statuto tempore redditurum se polliceretur , adjutus fuit . Neque minus ea in re Venetorum studium exitit , qui a Cæsare rogati decem & octo aureorum millia , quæ ex pace Veneta debebantur , cum non-

dum

1524 dum solutionis tempus adesset, grato in foederatum Imperatorem animo numerari mandaverunt.

Dum pecuniæ, pediti, equiti, ac reliquis ad bellandum opportunis, ac necessariis rebus comparandis focii incumbunt, Joanni Mediceo Melenianum oppidum cum arce ultro, vi non expectata, in deditiorem concessit; nec multo post Laniojus, Davalus, Mediceus equitum, peditumque robore suffulti Robechum, cui Bajardus cum trecentis levioribus equitibus, ac non parva peditum manu præerat, nocte intempesta adorti, hostes nil ejusmodi suspicantes, aut cæde affecere, aut armis, equisque adeptis, fugæ se committere compulere. Interim Gauferius ad Abiatum tuto, ac forti loco castra habebat, e quo ad certamen subeundum a nostris nulla, vel vi, vel astu cogeretur, Helvetiorum auxiliis adventantibus ad pugnam laceessere hostes, aleamque martis experiri tuto posse ratus. Cum interea crebris excursionibus suos miles ferro, incendiis, atque omni calamitatis genere in agros grassaretur, at Cæsareani Germanorum auxilii aucti cum exercitu, qui cataphractis equitibus mille sexcentis, levioris armaturæ mille quingentis, Hispanorum septem, Germanorum duodecim peditum millibus, Italisque mille ac quingentis constabat, Mediolani præsidio quinque Italarum peditum millibus relictis, ad Binasum confedere; quo Metaurensium Dux Venetarum copiarum Præfectus cum sexcentis cataphractis, totidem levioribus equitibus, ac sex peditum millibus accessit; oppidum situ opportunum ad milites continendos ratus, ne ab hoste laceessiti ad prælium ineundum cogi possent, cum usque ad Ticini fere suburbia protensum, civitatem munitam, firmoque præsidio vallatam pro munimento haberet. Ibi exploratis iis, quæ a Gallis gererentur, cum Gauferium cum octingentis cataphractis, Helvetiis undecim, Italis quatuor, Germanisque duobus millibus adhuc Abiati se continere intellexissent, neque annonæ affluentia, castrorum firmitate, situs natura, aut vi pelli, aut ulla ratione ad munitissimum locum deferendum compelli posse animadverterent; alias belli ineundas rationes Duces statuunt, ut nempe trans Ticinum annem copiarum ducerentur: ita hostes commeatu prohiberi, civitates, atque oppida, quæ trans Ticinum obtinerent, occu-

pari

*Venetarum  
copiarum  
cum Cæsare-  
ans con-  
junctio.*

pari posse; his Gallos permotos castra munitissima deserturos, atque, ut rebus suis opem ferrent, divulgis, atque disiectis viribus, aut nostrorum virtute profligatum iri, aut Insubrum provinciæ obtinendæ spe abjecta, in Galliam se recepturos. Francisco itaque Sfortia, cum sex Italorum peditum millibus, ut sua auctoritate populum in fide contineret, Mediolanum regredi jussu, tribus confectis pontibus, Ticinum amnem foederati exercitus trajiciunt: ad Gambalotum Cæsareani castrametantur.

Urbinas cum Trumeli castra ponere statuisset, medioque inter Ticinum, & Trumelum loco Garlascum oppidum interjaceret, quod commeatibus ex urbe in castra convehendis maximo nostris erat impedimento, magna vi illud aggredi statuit; tormentorumque impetu magna mœnium parte disiecta, ac solo æquata, qua aditus militibus intra oppidum per strata mœnia patebat, equite ex equo descendere jussu, ut una cum pedita per murorum ruinas invaderent, summa alacritate adhortatur. Præfectus, ac milites, qui Garlascum tenebant, nostros imperterriti excipiunt, atque initio propellunt. Tum Urbinas acrius instare: spiritus suis addere: adequitando, voce, manu, nixu corporis incitare: labantes sustinere: ubi opus esset, pugnam vehementius redintegrare. Cujus virtute, ac exemplo ductores nonnulli, ac milites Veneti concitati fossas aquis oppletas mento tenus nobili ausu transiliunt: hoc facto, reliqui omnes impulsu per diruta mœnium spatia, ubi hostibus aggeri reficiendo distentis, minus ad nostros pellendos roboris inerat; conglobatione facta, urgere acrius, ac vehementiori conatu irruere. Hostes primum ad nostrorum impetum sustinendum impares loco cedere; mox trepidatione oborta, fuga salutem quærere: oppidum, quadringentis hostibus cæsis, aut captis, a Venetis direptum. Maximum inde ad annonam exercitui importandam commodum consequutum est; nec minor Urbinatis Ducis laus fuit, qui eo die egregii, fortisque Imperatoris decus tulit, suamque erga Rempublicam operam felici, atque egregio facinore commendavit.

Postquam Galli Ticinum amnem nostros trajecisse, Garlascum expugnatum fuisse intellexere; veriti, ne iis, quæ trans  
Tici-

*Garlascum  
Urbinatis  
virtute ca-  
ptum.*

1524

Ticinum obtinerent, Viglevano, ac reliquis Laumellenſis regionis oppidis a noſtris occupatis, commeatu intercepto, obſidione premerentur, Abiati mille peditibus, centumque equitibus relictis, Ticino ſuperato, ad Viglevanum cum reliquis copiis conſedere. Ibi cum omnia ſe inauſpicato expertum, ſecum maris Præfectus reputaret; neque obſidione profeciſſe; neque levioribus pugnis tempus terendo bellum confici poſſe animadverteret, cum non longius a noſtris duum paſſuum millibus abeſſet, extremum eventum experiri ſibi in animum induxit, foederatiſque Ducibus pugnandi facultatem, exercitu in aciem explicato, per triduum præbuit: qui, licet virtute, & numero hoſtibus præſtarent, a prælio tamen abſtinere; neque in ancipites belli caſus, quam ſibi victoriam tenere videbantur, præcipitare ſatius eſſe exiſtimarunt; cum præſertim exquisitis Mediolani de belli adminiſtrandi ratione ſententiis, a prælio abſtinendum Prorex Neapolitanus, Davalus, ſummus Venetæ militiæ Præfectus, ac Legatus cenſuiſſent; eandemque ſententiam Senatus, tuta conſilia incertis rerum eventibus anteferre ſolitus, probaſſet. Huc etiam illud accederet, quod ex interceptis hoſtium literis compertum fuerat, pecuniæ inopia adaſctos diutius militem ſub ſignis continere non poſſe: quocirca quemadmodum Abjato expulerant, ita Viglevano deturbare Gallos nituntur, atque Sartiranum oppidum in citeriori Padi ripa ad commeatus, qui in caſtra hoſtium convehantur, opportunum, cui Hugo Pepulus Bononiensis, ac Joannes Biragus cum quingentis peditibus, atque equitum manu præerant, aggrediuntur. Primum tormentis moenia ſtravere: mox ingruentes Hiſpani, quos ad duo milia Joannes Urbinas, cui oppidi expugnandi munus mandatum fuerat, ſecum adduxerat, ingenti edita propugnatorum ſtrage, Ducibus in captivitatem redaſtis, oppidum, atque arcem in poteſtatem redegere; neque Gauferius, qui ſuis, Viglevano relicto, opem laturus contendebat, celeritate noſtrorum præpeditus opportune ſuppetias ferre potuit; quinimo Mortariæ de rei eventu certior factus, ſubſiſtere coactus eſt. Hoc ſecundo victoriæ curſu Vercellenſes, Hieronymi Perſii ſummæ apud illos auctoritatis viri conſilio, atque opera a Gallis averſi ad Cæſarcanos acceſſere; atque ab opulenta civitate

*Vercellenſes  
Hieronymi  
Perſii opera  
ad ſuſtinen-  
das accedunt.*

vitae affatim annonae, & ceterarumque rerum copia exercitui subministrata est: inde foederati majori spe subnixi, hostes undique circumcingere, atque reditum in Galliam intercludere parant; quocirca ad pagum, qui Arcus Marianus dicitur, Vercellas inter, & Novariam situm, contendunt.

Gaufertum, qui ad Novariam copias duxerat, ne penitus spem rei gerendae abjiceret, haec maxime sustinebant: primum, quod decem Helvetiorum millia, ac quadringentos e Gallia equites expectabat; alterum, quod ex Rhætia quina illius gentis peditum millia acciverat, qui per Bergomates in Cisalpinos descenderent, eo consilio, ut Abdua trajecto, cum ad Laudem pervenissent, junctis copiis, nostros Mediolano metuentes a Laumellenfi agro revocarent. Ob id a tribus Rhætorum foederatis pagis Martinus Roccolinus Orator Venetias missus fuerat; ut pro vetere illius gentis in Gallos propensione Rempublicam ad amicitiam regis amplexandam cohortaretur: Rhætos, quæ illorum semper fuerat in Gallorum reges observantia, nullum, quod ab iis proficisci posset, officii genus in Regem prætermittens; armis, ac milite ad opem suis rebus ferendam propediem in Galliam Cisalpinam exscensuros; Senatum rogare, ne Regi optime de se merito, regnoque florentissimo deesset. Ad hæc Senatusconsulto responsum est: nullis casibus quidquam de Reipublicæ in Regem observantia imminutum; cur a foedere cum Cæsare icto recederet, nullam causam esse; quæ illo continerentur, ne irrita forent, omni contentione, ac studio enixuram. Hi Rhætorum motus, atque excursiones, quæ quotidie a militibus, qui Laudem infederant, in Bergomatum, & Cremensium fines fiebant, Senatum movere, ut trium Italarum peditum millium, quadringentorum Epirotarum, ac ducentorum levioris armaturæ equitum delectum haberi juberet, quo facilius Rhætis obsisteret, atque a fluminis Abduæ transitu illius gentis milites arcerentur. Quapropter Joannes Maurus Legatus cum copiarum partem in Bergomates duxisset, iisque novo delectu non parva manus accessisset, brevi quatuor peditum millium, ac sexcentorum equitum copias coegit, adjecta agrestium multitudine, quæ undique ad tuendos agros a Bergomi magistratu evocabatur. Franciscus quoque Sfortia cum totidem pe-

*Martinus  
Roccolinus  
Rhætorum  
Orator ad  
Venetas.*

*Joannes  
Maurus  
Legatus in  
Bergomate.*

1524

ditum millibus, ac ducentis equitibus eodem Joannem Mediceum miserat. Itaque Veneti, ac Sfortiadæ junctis opibus Rhætos transitu prohibere nituntur, ne (ut Galli summo opere optabant) iis, qui Laude erant, adjungerentur. Levioribus igitur certaminibus potius, quam iusto prælio aggrediuntur; leviores equites eo pugnae genere assueti modo lacescere, modo fugæ simulatione longius elicere; tum vehementiori impetu adoriri. Gens hujusmodi præliis minime assuetæ cum triduo inter Abduam, Brembumque amnem octo a Bergamo passuum millibus substitisset; neque pecunia ad stipendia persolvenda; neque commeatus ad alendos milites invenisset; moræ impatiens, tædio confecta, levitatem Gallorum, Rentique Ceritis, qui eos duxaverat, negligentiam incusans, eo, quo profecta erat, itinere in suos fines regressa est.

*Abiatum a  
Sfortia ex-  
pugnatum.*

His gestis, ad Abiatum occupandum Sfortia animum adjecit; ac Joanne Mediceo cum militum manu præmisso, qui pontem disjiceret, quem in Ticino amne ad Bufalorum Galli struxerant, præsidioque firmaverant; mox ipse cum Mediolanensium popularium agmine, qui militiae adscripti fuerant, eodem contendit; illiusque moenibus ab oriente sole usque ad meridiem tormentis quassatis, summo ardore oppugnat. Propugnatoribus, quamvis initio ingenti conatu hostem repellerent, ea tamen vis animorum, aut corporum non fuit, ut milites per aggeres, fossasque aquis oppletas muro appropinquantes sustinerent, atque impedirent, quin eodem die magna eorum cæde, oppidanorumque captivitate, locus opima præda refertus misere caperetur, ac diriperetur; licet relata ex hostibus spolia maxima postea cladis semina fuerint; ut pote quæ exitialis vi morbi correpta, pestiferam luem in Galliam Cisalpinam, ac præcipue Mediolanum diffuderint, quæ late plebem pervagata, in ea civitate quinquaginta ferme mortalium milia absumpserit. Dum hæc gererentur, Gauserius, qui, ut diximus, ad Mortariam substiterat, foederatorum exercitu adventante, Novariam se receperat: acius a nostris obsidetur; commeatum, qui e citeriore Ticini ripa in castra supportabantur, facultas adempta; multi pedites, atque equites belli incommodis affecti trans Alpes iter arripere; alii signa deferere; robur exercitus in dies debilitari, atque infringi; jam non

*Pestilentia  
ex hostium  
manubus  
sorta.*



non ad belli decora Gauferius adspirare, sed reditum in Galliam incolumem moliri; quem periculi plenum absque Helvetiorum auxiliis mente circumspiciebat, quos, cum ad quinque millia, transgressis Alpibus, Eporediam pervenisse, atque ob aquarum copiam, quibus Sefites amnis præter solitum excreverat, trajicere non posse intellexisset, Novaria moris castris, instructa acie, ad Romananum ejusdem fluminis ripæ adjacens oppidum progreditur, ut trajecto flumine, sibi que Helvetiis junctis tuto itinere in Galliam proficisci possit. His cognitis, foederati propius hostes copias admovent; dissentientibus Ducibus, rectane hoste in patriam contendente, incruenta victoria potiri; an pugna laceffitum in martis aleam elicere, ac cogi præstaret. Nonnulli, inter quos Prorex Neapolitanus erat, cum jam sex millia passuum hostes antevertissent, ulterius minime progrediendum censebant. Carolus Borbonius, cui de Burgundia subigenda consilia pessimo conatu suscepta, irrito eventu cesserant, atque ad exercitum in Italiam se contulerat, ut, qui semel a Rege defecerat, fidum, ac gnavum se Imperatori ostenderet, non hostium fuga contentos esse oportere, sed pleno gradu properantem victoriam excipiendam esse clamabat; tantumque eo die itineris conficiendum, ut postero hostem perterritum, pavore, ac consternatione dejectos milites, vel ad pugnam proficiscentes pertraherent, vel in turpissimam fugam coniectos insequerentur, palantes, turbatosque prosternerent.

Dum consiliorum varietate, atque altercationibus cunctando tempus teritur; Galli intempesta nocte motis castris, ad diluculum, nondum inalbescente cælo obviis Helvetiis, qui Eporediæ confederant, vado Sefitem amnem trajiciunt. Rumor de Gallorum professione in castra foederatorum perlatus, multos Cæsareanorum militum ad amnem tranandum, hostesque persequendos illexit. Hi nullo militaris disciplinæ ordine, absque vexillis, tumultuario nixu Sefite superato, postremum agmen adorti, levioribus certaminibus lacessunt; variis ex partibus in hostes ingruunt. Sustinuere primo impetum Galli, neque ab itinere deflexere; mox in terrorem versi, minus virium ad obsistendum objicere; quippe qui quam celerrime itineri conficiendo operam dabant, septem bellicis tormentis, vexillis, aliisque quamplurimis in hostium potestatem relictis. Multi cæsi, ac pro-

*Gallorum  
ad amnem  
Sefitem pro-  
fessio.*

1524

*Gaufrius  
in brachio  
vulneratus.*

fligati eo die fuere; inter quos præcipui nominis Petrus Bajardus, ac Joannes Cabaneus, qui equo militaria stipendia cum imperio meruerant. Gaufrius vulnere in brachio accepto, lætica delatus, unum id cum reliquis Ducibus curabat, ut incolumes, quantum fieri posset, trans Alpes copiae reducerentur; tormentis, quæ itineri impedimento futura erant, neque per Augustæ Prætoriae vallem, qua iter facturi erant, nisi vehiculis deferri possent, in arce novem passuum millibus ab Eporedia relictis; Cum interea Bothelinus, qui cum quadringentis equitibus subsidio Gallis Sebusium usque pervenerat, his auditis, in Gallias reversus esset. Foederati, levioris armaturæ equite emisso, qui hostes infestaretur, tormentisque in potestatem redactis, quæ Galli cum gravioribus impedimentis reliquerant, ulterius minime progrediendum censuere. Legato namque Senatus Venetus significaverat, Insuorum fines egredi e Republica minime arbitrari: longius enim abductis copiis, neque Insuorum finibus, neque Venetis ditionibus recte consultum iri: at vero, si rationes belli ulterius progredi compellerent, ac in Montisferrati, vel in Sabaudie Ducis fines copiae ductandæ forent, milium licentiam coerceret, Marchionique, ac Duci significaret, id a Senatu in mandatis habuisse, ut ab omni injuria eorum ditiones vendicaret. Legatus igitur Venetus ad Laudem, quæ Gallis parebat, recipiendam cum Metaurensium Duce; Davalus cum Hispanico peditatu ab Alexandria occupandam proficiscuntur. Laus, cui Julius Severinus præerat, vi non expectata, ad nostros accessit. Alexandria, quæ Federici Bozzoli auspiciis in fide Gallorum continebatur, cum jam Alpes transgressum Gaufrium certis nuntiis accepisset, ultro in Cæsareanorum potestatem concessit, Italis militibus in Gallias commeatu permisso, qui cum ad quinque millia essent, magno usui Francisco Regi fuere.

*Urbinae  
Laudem occupat.  
Alexandria ultro  
Cæsareanis  
se dedit.*

Hic eventus Gallicæ expeditionis fuit, quæ summo ardore, ingenti mortalium opinione suscepta, languescente primum concitata nationis impetu, mox imperatoris fastu, ac arrogantia repressa, impares exitus habuit: is enim qui minax, ac jactabundus Italiam summa vi, maximisque copiis ingressus fuerat, consilii inops, pavorisque plenus, accisis rebus, in Gallias reversus est. Senatus cum egregiam erga Cæsarem voluntatem re ipsa comprobasset, atque omnia, quibus

cx

ex fœdere Venetiis inito tenebatur, cumulate præstitisset; bello jam confecto, Petro Pefareo D. Marci Procuratori Legato in patriam reditum concessit; Joanni Mauro, qui Prætor Cremæ designatus, in Brixiensibus Legatus declaratus fuerat, ut peditibus, ac levioris armaturæ equitibus comæatu permissio, cataphractis in hyberna deductis, ipse Cremæ Præturam iniret, injunctum. Ita bellum, quod intra Italiæ viscera alebatur, disjectum, ac discussum est; ac Respublica in spem felicioris fortunæ erecta, bellorum se casibus Senatus prudentia, Ducum virtute subductam fuisse lætabatur; cum præsertim singulare omnium populorum in illam studium non obscuris argumentis renituisset; nam cum ob diuturnos bellorum labores, pecuniæ inopia Respublica premeretur, certatim singula oppida argenti, atque auri vim pro cuiusque facultate contulere, quibus gratiæ a Senatu actæ: quæcumque ad illarum fortunas augendas pertinerent, summæ sibi curæ futura semper pollicitus est. Ad hæc autem quod egregiam erga Rempublicam fidem, atque operam Franciscus Maria, Metaurensium Dux, summus militiæ Præfectus, præstitisset, in eoque omnes imperatoriæ virtutes cumulatae viderentur, quas fortunæ vicissitudine jactatus, domesticis sibi, externisque præclaris gestis comparaverat; maximum præterea, non modo apud Senatum, verum etiam apud omnes civitatis ordines favorem & gratiam iniisset, de suprema imperatoris exercitus dignitate illi tribuenda a Patribus actum est; cum præcipue plurima accederent, quæ non parum illi ad amplissimam consequendam dignitatem favere viderentur: ditiones imperio illius subiectæ ad læva Adriatici maris littora fixæ, quæ e regione Dalmatiæ Veneto obtemperanti respondent, haud mediocri usui Reipublicæ futuræ: nam frumenti maxime ferax ea pars Italiæ est, hominesque ad bella aptos gignit, ut comæatus, & milites momento præstare possit; quæ ad urbes, atque oppida Dalmatiæ tuenda magnum adjumentum afferre poterant. His de causis Senatus imperatoria Metaurensis dignitate insignivit; iis conditionibus adjunctis, ut trecentos ac vigintiquinque cataphractos, ducentos leviores equites in usus belli aleret: annum illi stipendium octuaginta aureorum milia persolverentur, quorum quinquaginta in cataphractos, tri-

*H. Mauroceni T. I.*

G 3

ginta

1524 ginta millia in leviores equites impenderet : ad hæc quinque illi aureorum millia ære publico penderentur ; eaque omnia decora , ac privilegia , quæ terrestrium copiarum imperatoribus deferri solent , attributa sunt .

Nam vetere Reipublicæ instituto inolevit ; ut , quemadmodum navalium armorum suprema auctoritas penes patricios semper esset , qui , toga deposita , atque arma induti proprio milite , atque indigenarum maritima peritia ingentia facinora edidere , imperiique Veneti fines in Orientis longinqua loca propagavere ; ita quæ ad terrestres pugnas tractandas spectant , exterorum ducum , quorum spectata in Rempublicam fides atque eximia virtus præclaris bellicis actionibus emereret , imperio , fidei , atque curæ committerentur . Cujus consilii rationes eas plerique retulerunt , ut Veneti , qui pacem inter cives , concordiamque semper summo studio aluissent , quieti publicæ perperam consultum existimaverint , civibus tantum auctoritatis impertiri ; exercitus subjicere ; summæ omnium rerum præficere ; ne dominandi assuetudine transversi clientelis , atque amicitiiis nixi , popularique aura suffulti , opibus , atque imperio in publicam aliquando perniciem abuterentur . Usu namque compertum fuisse , ab iis respublicas sæpe labefactas , ac pessumdatas , qui magnam auctoritatem nacti , civiumque privatas fortunas supergressi , sibi ad arripiendam dominationem gradus struxere . Romanorum exempla documento esse , qui cum exercituum imperatoribus Rempublicam permisissent , ii totis viribus ad dominandi libidinem , non ad imperii incrementa usi , patriam sanguine civili foedatam , ac domesticarum tempestatum fluctibus obrutam , suis parere consiliis , ac nutibus coegere : quocirca nihil mirandum , si Veneti mortalium omnium publicæ libertatis studiosissimi , moderata imperia civibus tribuere , maritimæque gloria contenti terrestres copias exteris Ducibus subjecere . Verum non defuere , qui verius fortasse universam hujusce instituti rationem non alio , quam ad tempestatum illarum statum referendam duxere , quo in Italia complures Principes , Respublicæ , ac Reguli imperabant ; quique vel amplitudine familiæ illustres , vel militari disciplina clari erant , affinitatibus , clientelis atque amicitiiis fulti quoscumque manu promptos , atque ingenio

nio ad militiæ munera obeunda idoneos existimarent, ad se trahebant, ut in eorum manibus quidquid, vel peditum, vel equitum roboris erat, reponeretur. Hos Principes, ac Respublicæ summa vi auri illectos, annuisque stipendiis obstrictos copiis præficiebant: illorum ductu, atque auspiciis limites non modo tuebantur, verum aliquando provehebant: inde Picinini, Sfortiæ, Fortebraccii, Carmaniolæ fluxere, qui egregie militiæ muneribus functi memoriam in omnem posteritatem propagarunt, humilique loco, abjectis parentibus orti, virtute sibi ad summos honores, atque imperia gradum fecere. In ea tempora cum Respublica Veneta incidisset, ubi terrestre imperium laudi maritimæ adjunxit, a procerum rerumque publicarum, quæ tunc in Italia florebant, exemplis non abhorrens, gravissima bella exterorum Ducum auspiciis gessit: cum interea, quæ ad classes, bellicosque maris apparatus, totamque navalem rem spectarent, civium virtute, ac disciplina administrarentur, quam, veluti propriam, cum Republica ortam, atque ab illius incunabulis exceptam majores nostri per varias temporum successiones posteris transmisere, nullamque maris oram, vel procellis infestam, vel piratis infamem, formidandam uspiam censuerunt: opes, atque imperium a parvis initiis ad summam amplitudinem perduxere. Neque vero dubium videtur, ita si tempestates tulissent, quin plurimi bellica virtute, rerumque gestarum fama noti cives terrestribus pugnis præesse, neque minoribus terra, quam mari præclaris facinoribus Rempublicam illustrare potuerint. Verum ea, quæ arduis rerum maritimarum casibus, periculis, ac laboribus probata virtus enituit, ad continentis imperium adipiscendum, aut augendum Veneti minime utendum rati, a veteri instituto nunquam recessere, neque decursu temporum confirmatum immutari voluerunt. Quo fit, ut vani illi metus penitus a Venetorum magnanimitate alieni existimandi sint, quibus plerique permotos exteris magis, quam civibus terrestres copias committere solitos fuisse sibi persuaferunt; cum ingentes classes milite refertas eisdem tradiderint, atque in triumphi morem e præliis redeuntes in civitatis sinum hostium manubiis onustos exceperint. Verum, ut ad institutum revertar, Metaurensium Duce imperatore declarato, Joanni Fulgo-

1524

fio Genuensi, qui principatum in patria adeptus antea fuerat, centum cataphractorum equitum praefectura a Senatu tributa est; horum quinquaginta sub Alexandro; totidem sub Caesare fratribus stipendia publica mererent. Aloysius Gonzaga Rodulphi filius militiae Venetae est ascriptus, annum stipendium pacis tempore sexcenti aurei, bello mille decretum, quo centum cataphractis, aut ducentis levioris armaturae equitibus Reipublicae militaret.

*Ostrovizza  
a Turcis  
occupata.*

Hoc anno de munienda Jadera urbe, quae Illyrici caput est, variis consultationibus in Senatu agitatum; cum Suleimanus Turcarum Imperator post Albam Graecam in Pannonia occupatam, novis in dies oppidorum accessionibus imperii sui fines late propagaret, ac nuper Ostrovizzam sibi adjecisset, quod oppidum, a Laurana in agro Jaderensi posita haud longe distat, propinquitatemque ferocis, ac potentissimae gentis provinciae pertimescendam Senatus censeret. Nam terminatur Illyricum a septentrionali plaga Pannoniis; a meridionali vero Adriatico sinu; ab occasu Istria; ad orientem solem Moesia, linea, quae a Savi fluminis diverticulo ducta juxta Scardum montem protenta, Liburniam ab Epirotis determinat. Urbium, atque oppidorum numero, incolarum frequentia, ac ferocia, frugum ubertate, sinuum, ac portuum varietate, quibus universa ora maritima distinguitur, insignis provincia fere omnis ea tempestate Reipublicae imperio continebatur. Jadera inter civitates principatum obtinebat, archiepiscopali dignitate, agri fertilitate, & amplitudine, civium opibus; castellis, quorum tria, Laurana scilicet, Nadinum, ac Novigradum praecipua habebantur, longe ceteris anteibat; praeteritisque temporibus saepius cervices a Venetorum dominatu excutere ausa, saepius domita, at repressa fuit. Hanc civitatem totius Illyrici primariam majoribus praesidiis firmare, vallo, fossa, propugnaculis munire; tum ad cives in officio continendos; tum ad hostes fortius sustinendos Senatus decrevit: ea omnia ita praestita fuere, ac subsequenter temporibus cumulatius aucta, ut inter praecipuas Veneti imperii urbes, situs opportunitate, moenium firmitate, ac propugnaculorum magnitudine merito connumerari queat.

*Jadera a  
Venetis  
munita.*

Dum haec summo studio geruntur, quies, quae summa omnium

mnium lætitia Italiæ parta videbatur, brevi labefactata, ac convulsa, majores exitiorum, ac cladium ruinas dedit. Franciscus Galliarum rex Gauferii turpi ex Italia discessu commotus, non per duces bellum gerere, sed ipse in Italiam cum ingenti exercitu ad Insubrum imperium recuperandum proficisci statuit. Ea re cum vehementer Cæsaris animus angere-  
 tur, antevertendum ratus, in Galliæ intima præcordia bellum inferre statuit, ut Regem a novis in Italia ciendis motibus revocaret; eo præsertim Caroli Borbonii consiliis, atque adhortatione ductus, quem, quod auctoritate, & opibus inter Gallicos proceres eminebat, maxime ad commovendos populos, ac res Gallorum turbandas aptum fore censeret: fieri posse, ut regno laceffito, de invadenda Italia Francisci consilia inturbaret, coëptisque, fortuna favente, Borbonii existimatione parte aliqua Galliæ potiretur: cum in primis Henrici Angliæ Regis opes accederent, qui veteribus, recentibusque injuriis Gallis infensus, cum Imperatore se jure societatis devinxerat, ut si uterque diversis e regionibus; Cæsar ex Hispania, aut inferiori Germania; Anglus a Northmanis regnum eodem tempore aggrederentur, omnia illis prospera futura sperandum videretur. Magna præmia a Cæsare Borbonio proposita; ut in avitum imperium restitueretur; Narbonensis Galliæ regio adjiceretur; regiis titulis insigniretur. In eam maritimam Galliæ oram Cæsar arma invehenda duxit, quæ portuum, ac sinuum frequentia, & amplitudine ad comparandas, atque augendas classes valde est opportuna, atque ob celeberrimum Massiliæ emporium ad negotia, quæ toto Mediterraneo exercentur, excipienda valde accommodata.

Borbonius itaque, ac Piscarius, quem Cæsar expeditioni præfecerat, cum quingentis cataphractis, octingentis levioribus equitibus, quatuor Hispanorum, trium Italarum, quinque Germanorum millibus peditum Nicæam proficiscuntur: & licet neque terra tantæ rei perficiendæ vires pares essent; mari vero regia classis Cæsarcam, cui Hugo Moncata præerat, superaret; omnia tamen Imperatoris decretum, & Caroli Borbonii constantia vicit. Cum exercitu Provinciam ingressi Taurentiæ turrim (hodie *Tolonem* vocant) quæ portui imminet, expugnant. Aquæ Sextiæ urbs regionis primaria ultro in Cæsa-

1524

*Francisci  
Gallorum  
Regis de  
Italica ex-  
peditione  
decretum.*

*Cæsariani  
in Galliam  
bellum in-  
ferunt.*

*Toloni a  
Cæsarianis  
capta.*

1524  
*Aquensium  
 deditis.*

*Cæsareani  
 Massiliam  
 aggrediuntur.*

*Massilia  
 Rensis Ce-  
 ritis propu-  
 gnatur.*

færeanorum potestatem venit. Illius auctoritatem alia minora oppida, nullo obfistente, sequuntur; cum enim quas hostibus opponeret iustas copias in agris rex non haberet, præfecti intra urbium, oppidorumque mœnia continere milites, quam dubiam martis fortunam experiri malebant, donec rex, cui Cæsareanorum in Galliam ingressus valde inopinatus acciderat, exercitum instruere, Germanisque & Helvetiis firmare posset. Animis inde ductus Borbonius auctor erat, ut Rhodano amne trajecto, in intima Galliæ loca exercitus duceretur; Rege imparato, pecunia laborante, suis copiis haud satis fidente, externis subsidiis nudato, aditum ad tutam, peramplamque de hoste victoriam reportandam patefieri. Vicit tamen Piscarii, Hispanorumque militum sententia, qui Massiliam oppugnandam censebant, opportunitate loci adducti, qui ad Gallias subigendas, atque ad Italiam invadendam alliceret. Universis itaque copiis urbem aggrediuntur; dispositis tormentis mœnia quaterere; cuniculis occultos in civitatem aditus moliri; nihil non experiri, ut perampla, nobilique Galliarum urbe potirentur. Verum irrita cuncta conatu cessere; nam murorum firmitudo, militum virtus, Rentiæ Ceritis, cui ex Italia in Galliam profecto civitatis tuendæ munus mandatum fuerat, præstans rerum militarium usus, incolarum erga Regem incredibilis amor, in hostes acre odium, fortissimo munimento erant. His certa auxiliorum spes accedebat, quæ mari, terraque magno studio comparari certis nuntiis afferebatur; cum rex Avinionem profectus ingentes copias undique colligeret. Cæsareanis, neque pecunia in promptu erat, neque Anglus Northmandiæ bellum intulerat, neque Cæsar ab Hispaniæ finibus in Galliam irrumpere potuerat. Itaque cum quadraginta dies in Massiliensi expugnatione contrivissent, tandem re desperata, exercitu amoto, discessere, & quammaximis itineribus poterant in Italiam contendere, minoribus tormentis in frustra comminutis, mulorumque dorsis impositis; majoribus, quia propter Alpium confragosa itinera duci non poterant, Genuam navibus comportatis.

Galliarum rex Mediolanensis ditionis recuperandæ opportunitatem advenisse arbitrat, si maximis, quas collegerat, copiis recta in Italiam proficisceretur, dum hostes improspere  
 Mas-



Massiliæ eventu animos demississent, Helvetiorum peditum sex millibus, totidem Germanorum numero, ex Italia, Galliaque decem millibus delectis militibus, cataphractis equitibus ad duo millia, paribusque levioris armaturæ equitibus stipatus incredibili celeritate in Italiam contendit. Ferunt itineri accincto Ludovicam matrem significasse, antequam Alpes trajiceret, convenire se illum, & colloqui cupere; Regem licet omnibus pietatis officiis matrem in omni vita coluisset, veritum, ne muliebri affectu mentem nulla re immutandam flecteret, illius colloquium renuisse. Itaque Franciscus, per Alpes Cottias arrepto itinere, per Salassiorum fines progressus, eadem die prima cum acie Vercellas, qua etiam Davalus Albam cum equitibus, atque Hispanis peditibus pervenit, Germanis insequentibus, mox Borbonio Duce: postridie Davalus Alba ad vicum Iriæ juxta Padum profectus: proxima luce suas copias Ticini cum Prorege conjunxit. Tam inexpectato, celerique Regis in Italiam adventu perculsi Lanjus, Borbonius, ac Davalus, de bello administrando consiliis statim initis, Mediolanum robur exercitus traducere, Ticinum valido militum præsidio munire statuunt. Illi tuendo Antonium Levam cum trecentis cataphractis, ac quinque fere Germanorum peditum millibus præciant: cum reliquis ipsi copiis Mediolanum contendunt; Sfortiæ, qui Pisleoni erat, significant, ut nulla mora interjecta eodem conveniat. Verum eo in statu civitatem offenderunt, ut adversus ingentes Regis conatus defendere se illam posse diffiderent: pestilentia, quæ tota æstate sævierat, urbe deformata, summa frumenti, rerumque omnium inopia laborante. Ad hæc vero, cum moenia, aggeres, propugnacula fere solo æquata essent, neque præ temporis angustia fossores, atque opifices ad ea reficienda vocari, aut comparari possent; Gallique cis Ticinum castrametari ab exploratoribus nuntiarentur; satius esse duxere, spe ad meliora tempora servata, fortunæ, ac felicitati hostium cedere. Quocirca edicitur, ut copiarum duces in crastinum parati copias in promptu habeant. Interea vero Franciscus Stortia, qui cum suis Ticino movens vix duo passuum millia confecerat, a Ferdinando Castriota, tormentorum machinarumque ductore, de Gallorum cis amnem Ticinum transitu admonitus, veritus, ne sibi ali-

*Franciscus  
Galliarum  
Regis in  
Italiam  
adventus.*

*Mediolanensis pestilentia.*

quid

1524 quid detrimenti in itinere accideret, consilio mutato, Ticinum revertitur.

Galli, qui victoriam in celeritate reposuerant, instructa acie ad urbem propius accedunt. Cæsareani commeatus quam maximam copiam possunt in arcem invehī jubent; Mediolano egressi Laudensi via profiscuntur: vix Romana porta exierant, cum per Ticinensem, & Vercellensem Galli ingressi inconcussa victoria Mediolano potiti sunt. Constans fuit opinio, ingentem eo die Gallos oblatam rei egregie gerendæ occasionem deseruisse, vehementiorque Mediolani urbis desiderio integra victoriæ laude privatos esse; qui si eodem animi ardore redeuntes ex Provincia Cæsareanos insequuti fuissent, longis itineribus defatigatos, cum plerique arma abjecissent, atque equos amisissent, profligare, ac delere potuissent: ne id fieret, Regis occupandæ urbis desiderium oblitit; cum mortaliū ejusmodi sit ingenium, ut si quando rerum, quas ardenti animo concupivere, compotes fiant, partis detentus animus langueat, & contabescat, ac dum præsentibus fruitur, dispicere futura, vel prævidere nequeat. Ceterum erga Mediolanenses summa Regis clementia enituit, qui nil hostile a militibus fieri passus: ipse, nisi confecto bello, intra incœnia contineri decori regio minime convenire arbitratus, ne invadere quidem civitatem voluit. Verum quo potissimum Mediolanum adeptus victorem exercitum duceret, consulto, Ticinum, in quo summum ad profligandum bellum momentum inerat, aggredi statuit, veritus, ne si a tergo relinqueretur, circumveniri ab hoste exercitus posset. Relicto igitur Mediolani quantum satis esset militum præsidio, ipse cum ceteris copiis Ticinum contendit.

Gallorum in Italiam adventu, repentina rerum mutatione Italici principes perculsi, in summa animorum perplexitate versabantur; cum maxime timerent, ne prosperis rerum eventibus elatus, ac victoria impotens Galliarum rex, Cæsareanis ex Insuorum possessione ejectis, suum ad arbitrium res Italas componere statueret; cum illi alte animo infestis videretur injuria, quam sibi ab Italis illatam rebatur, qui vetere illius amicitia, ac foedere relicto, Cæsari accesserant: cujus opprobria, Cæsareanorum debilitatis, fractisque viribus, copiarum

rum robore, ac numero potens, occasionem nactus videbatur : nam cataphractus Gallicos ad duo, Germanorum peditum octo, Helvetiorum sex, Italorum quatuor millia habebat : præterea milites voluntarios quamplurimos, qui prædæ spe illecti quotidie ad exercitum confluebant. Cæsareani contra, neque in acie vires ostentare, neque in agris copias explicare poterant ; sed intra oppidorum munimenta continere se cogebantur, ut quacumque rex vellet, vix nullo obistente, victor excurreret. Clemens Pontifex, ut fœderi, quod anno elapso inter Hadrianum, Carolum, ac Venetos iactum fuerat, subscriberet, adduci non potuit ; cum adeo se Cæsari obstringi, ut in Gallorum Regis inimicitiam incideret, minime tutum censeret ; in id vero incumberebat, ut pacis inter potentissimos principes conciliandæ, vel paciscendarum induciarum ratio iniretur ; quorum illud a Cæsare ; hoc a Rege minime probabatur. Veneti, qui de Gallorum in Italiam adventu fama gliscente, copias augeri, septem millium peditum, equitum mille delectum haberi iusserant, Urbinatem imperatorem, ut de gerendo bello consilium caperent, Venetias advocaverant ; cataphractus equites, ut in omnes rerum eventus parati essent, in Veronensem fines miserant. Cum valido exercitu Regem celerrime Alpes transgressum, Mediolanum occupasse ; ingentes victoria spiritus sumpsisse ; totius sibi Italiæ principatum brevi polliceri ; consilia pacis aspernari intellexissent : quonam difficillimis temporibus, tot procellarum, turbinumque imminente tempestate consilia publica fluere, summopere solliciti erant. Adversus Regem proprio milite, externisque auxiliis præpotentem, antea amicitiae, ac fœderis nexu Reipublicæ adstrictum, nisi summo periculo arma sumi posse pecuniæ difficultate, militum paucitate, Mediolani amissione attritas Cæsareanorum vires ad obsistendum exundantibus Gallorum copiis impares videbant. Quid si rex itidem secunda afflante fortuna, Ticinum adipisceretur ? aut Cæsaris Duces, desperatis rebus, spe subsidiorum abiecta, Insubribus penitus excederent ? timendum esse, ne rex injuriæ persequendæ stimulis actus, fines Reipublicæ ingressus, victricia adversus illam arma converterat : ad hos bellorum impetus sustinendos impares illius vires esse : his addi Clementis erga Regem propensum animum,

*Urbinas  
Venetias  
advocat.*

1524 mum; qui licet in neutram partem initio propendere videretur, postquam tamen Gallos Mediolano potitos perfenfit, ne Ecclesiæ ditiones superioribus annis diu bellis vexatas novis calamitatibus objiceret, a pacis, foederisque cum Rege societate minime averfus esset; quippe qui cum Senatu ageret, ne Gallorum amicitiam aspernaretur, pacique publicæ consulere; proprium illud Venetorum semper prudentiæ fuisse, pericula primum saluberrimis consiliis repellere; in ea conjectos virtute, constantiaque superare. Contra foedera superiore anno sancte cum Imperatore ista mentes sollicitabant, quibus deesse indignum eo Senatu videbatur, qui jura amicitiae etiam diffitis gentibus, atque ab institutis, ac religione abhorrentibus servasset. His fiebat, ut difficillima, ac periculi plena ea deliberatio esset. Primum igitur Urbinatæ copiarum Imperatore, & Petro Pefareo, qui denuo Legatus fuerat declaratus, Venetiis discedere jussis, injunctum fuit, ut ne quid Reipublicæ civitates, oppida, agri, incolæ detrimenti paterentur, omni opera, curaque providerent; statimque Senatu convocato, dissentientibus Senatorum, qui præcipui ea tempestate erant, sententiis, disceptatur: Dominicusque Trivisanus, ac Aloysius Mocenicus, qui tunc primi ordinis Præconsultores erant, atque prudentia, & eloquentia ea tempestate florebant, magnis certaminibus e suggestu in Senatu acerrime pro utraque parte disseruere, Primum Dominicum Trivisanum, Marcium Procuratorem, ætate, rebusque pro patria terra marique gestis clarum, in hanc sententiam dixisse ferunt.

Dominicus  
Trivisani  
Procuratoris  
oratio.

*Si unquam ulla in re sapientiam vestram, maximumque rerum gerendarum usum, Amplissimi Patres, in consiliis capiundis Respublica desideravit, eadem potissimum difficillimo hoc tempore a vobis suo quodam jure requirit; ut qui ex cunctis civibus propter egregiam virtutis opinionem in amplissimum Senatoriæ dignitatis gradum cooptati estis, iidem Senatorio munere, dum de rebus gravissimis decernendum est, strenue perfungamini. Non enim res hujusmodi agitur, quæ in utramvis partem propendeant consilia, parum momenti ad publicam incolumitatem allatura sit; sed hoc uno Senatusconsulto, bellumne cum potentissimo Francisco Galliarum Rege suscipiendum, atque hæc civitas, universumque imperium, quod nomini Veneto pa-*  
ret,

ret, quieti, ac paci sapientia vestra restitutum, in majores angustias, bellorumque procellas conjiciendum sit; quæ ad hoc gravia mihi videntur, ut in hoc consilio capiendâ rem omnem publicam, privatamque, ditiones, imperium, per tot temporum successiones auctas, exaggeratasque nobilissimæ civitatis fortunas in discrimen adduci censeam. Quis enim adeo est rerum imperitus, ac ignarus, qui nesciat statim, adversus Regem victoriam exultantem arreptis armis, ditiones vestras cunctas rapinis, cædibus, incendiis, atque omnibus bellorum calamitatibus conflagraturas? Quæ tot, atque ingentia mala, si prudentia arce-re, si opportunis consiliis avertere vestrum est, Patres, nescio, cur speciosa magis, quam tuta, hac temporum conditione, hoc verum statu, amplecti velimus. At cum Cæsare superiore anno fœdus percussum est; ne Mediolani imperio excidat, decertare, cuicumque hosti ingruenti pro viribus obviam ire debemus. Utinam vero is status rerum esset, atque ita Respublica se haberet, ut ea salva, atque incolumi hæc præstare possemus: urgemur undique non imminentium modo, sed præsentium periculorum mole, ut jam non de Mediolano tuendi, verum de imperio servando, hostibusque a Reipublicæ finibus arcendis agatur; cum rex quoquo versus arma victricia prosperis successibus inscrescens verterit, novas præteritis victoriis sit cumulaturus. Expectabitisne illum hostem recenti injuria insensum, illiusque vindicandæ ingenti studio incensum? at quo exercitu? quo milite? quibus viribus? exundanti hujus torrentis vi, quæ munimenta, quos aggeres objicietis, ne perfractis repagulis; undique in perniciem vestram ruat? Cæsaris res in Italia periclitantes sustinuiamus; Ducibus, commeatu, copiis, pecunia adjuvamento fuimus; fultum nostris auxiliis Mediolanum stetit; omnia, quæ a nobis proficisci possent, abunde, et cumulate præstitimus. Nunc omnium rerum facies immutata est. Rex cum prævalido exercitu in Italiæ præcordia irrupit: nullo negotio Cæsareanis urbem, totius regionis caput, ademittit: anni tempus, prospere rei gerendæ opportunitas animum jam per se anhelantem ad majora impellunt. Cæsaris exercitus, neque iusto certamine cum hoste congregi, neque e mœnibus exire oppidorum potest; Ticini, Laude, Cremonæ inclusi milites impetum hostium perborrescunt; auxilia incerta admodum, vel lon-

1524

*longinqua; pecuniae, vel ad continendos veteres, vel ad novos comparandos milites summa inopia; Caesar in extremis Hispanie oris degens, neque auctoritate, neque consilio, neque viribus jam labentibus, ac cito casuris rebus praesto esse potest. Quid igitur nos, qui undique bellorum incendiis circumfundimur, armis Gallorum circumcingimur, propriae salutis obliviscimur? atque, ut Caesaris res ruentes sustineamus, nos in malorum omnium barathrum, certamque perniciem conjiciemus? Id non virtus arduis in rebus a vobis semper testata; non prudentia; non venerandi istius toto orbe Senatus canities timere nos finit. Nautae profecto medio in mari fluctibus, ac procelis jactati, portum, quem recta tenere nequeunt, ventis obsecundando, tempestatibus obsequendo, cursum flectendo, saepe assequuntur; ita viri sapientes, atque ii, qui in rebus publicis, imperiisque regendis florere, consilia nonnunquam temporum rationibus accommodando, patriam e summis periculis eripuerunt. Exemplo, atque argumento nobis sit Clemens Pontifex Maximus, vir exactae prudentiae, atque in maximis gerendarum rerum curis innutritus, qui cum primum Pontificatus gubernacula suscepisset, medium se inter Imperatorem, regemque constituit, atque ut potentissimos principes in exitium Christianae Reipublicae dissidentes, restinctis odiis, conciliaret, enixe laboravit; cumque illorum animos a pacis studiis aversos intellexeret, Regem faucibus Italiae haerentem ingens moliri bellum inspiceret; non exasperandum, sed officiis, benevolentiaeque significationibus alliciendum, mulcendumque duxit. Modo vero cum eo, jam Mediolaniposito, de foedere sanciendo agere incepit. Ea res si ad exitum perducitur, Pontifex autem, & rex Galliae, Republica praetermissa, consentiant; quos vobis Italos Principes amicitia devincietis? Florentinosne, qui Pontificis auctoritatem sequuntur? an Duces, qui neque viribus, neque auctoritate pollent; immo clientelis, & patrocinio aiorum nituntur? Ad mensum jam videre videor, Gallum, nullo contradicente, toti Italiae fraena injicere, illamque pro arbitrio moderari: in nostros fines irrumpere: cuncta ferro, sanguine, incendiis, rapinis deformare. Contra vero si illius, quae ultro a vobis petitur, amicitiam amplectimini, ad quam a Pontifice adhortamini, ab ipso Rege invitamini, omnia tu-*

ta,

ta, tranquilla, felicia nobis polliceri possumus. Ad hæc Aloy- 1524  
sium Mocenicum ita respondisse ferunt.

Qui de rebus gravissimis statuunt, eos ab omni spe, metu, ira, odio, ceterisque humani animi perturbationibus vacuos, ac liberos esse decet; ne, si rationis loco, quam agendorum omnium regulam sane præstantissimam a Deo optimo maximo accepimus, animi motus sæpe illi adversos in consilium vocemus, recti specie decepti ea decreta amplectamur, quæ sæpe Respublicas cum ignominia nota maximis obiectas periculis aliquando possum dedere. Quod utique in consilio de tantis rebus capiendo ne vobis accideret, verendum fortasse esset; nisi vestra constantia, Patres Amplissimi, arduis Reipublicæ temporibus, non huic modo civitati, sed Italiæ, atque universo orbi perspecta omnem mihi penitus hanc dubitationem ex animo eximeret. Quis enim, dum ex hoc loco summa auctoritate, & eloquentia amplissimum Virum differentem audit; potius trepidatione, metu, terrore suadere vobis Gallorum amicitiam, quam ratione, aut præteritarum rerum exemplis non animadvertit? quasi vero larvis, ac terliculis majorum exempla, vestra instituta non maxime præponderent. Nemo sane ignorat, qua fide, integritate, constantia sanctissimi illi viri, qui nobis florentissimam istum Rempublicam, atque imperium, veluti per manus tradidere, societates, fœderaque coluerint; ut sæpe sociorum causa gravissima bella susceperint: non pericula, impetus hostium, cædes reformidarint: quo effectum est, ut summi Reges, ac nationes amicitiam vestram concupiverint; inde Venetum nomen usque ad extremas orbis regiones protentum immortalem gloriam huic Reipublicæ, ac per amplum imperium pepererit. Tot egregia decora a maioribus nostris parta, ut hoc uno Senatusconsulto obscurare velitis, auctor vobis est Trivisanus; dum, ut pacti superiori anno cum Cæsare fœderis obliviscamini, Galliarum Regis societatem amplectamini, eximia dicendi vi, & copia enixe contendit. Quoniam vero illud summopere ab institutis vestris abhorrere novit, ut nulla causa permoti societates, ac fœdera sanctissime iacta, & confirmata dirimatis, atque convellatis, eo disputando orationem flectit; Gallos Mediolano potiri, viribus polleere, Regem quicumque velit armis sibi sternere iter posse, Ticinum bre-

H. Mauroceni T. I.

H

vi

Aloyſii Ma-  
cenici ora-  
tio.

1524

vi in suam potestatem redacturum, res nostras eo loco esse, ut, nisi fœdere cum Gallis inito, nulla nobis spes reliqua sit, Quæ omnia si ita se haberent, ut Trivisanus disserunt; constantiæ tamen, ac dignitatis vestræ esset, omnia prius experi-ri, nihil prætermittere, antequam ab oppigneratæ fidei vestræ testimoniis recederetis, sponsiones, ac pacta infringeretis. Verum non ea est rerum conditio, ut ad extrema quæque non evitandæ necessitatis remediâ confugiendum sit, ut præcipientes in Gallorum amicitiam nullo consilio, nulla re urgente prorruamus, Nam quid rei est, cur copiis, & Ducibus Cæsaris parum fidamus? prælium sunt victi? an magna pars exercitus deleta? an forte nulla auxiliis, copiisque augendis spes relicta? Integer exercitus; strenui, atque obstinati Duces; subsidia undique accersuntur. At vero a Gallis ensibus vagina reconditis Mediolanum in potestatem redactum; Cæsareani omnes in fugam versi. Primum quæ illius civitatis conditio hoc tempore fuerit, nemo non novit: pestilentia absumptos cives: urbem desertam, cunctarum rerum inopia laborantem: diruta mœnia: prostratos aggeres, ut ne minimum quidem pristini roboris, atque amplitudinis retineat. Deinde non fuga arrepta, ut fertur, Cæsareani a Mediolano recessere; quinimo mature habito inter prudentes, atque bellis administrandis assuetos Duces consilio, cum satius esse duxerint, per amplam civitatem, quam tueri non sine maxima difficultate possent, hosti permittere, quam robur copiarum in illa defendenda summis periculis objectare; Ticino, Alexandria, Cremona militum præsidiis firmatis, donec externo milite exercitu aucto, ad decertandum acie cum hoste pares sint. Quis enim sibi persuadeat, Cæsarem, qui amplissimum in Italia imperium, tot impensis, laboribus, ac sanguine partum possideat, curam illius, vel retinendi, vel recuperandi abjicere omnem velle? Non hoc præterita egregia facta; non mens; non ætas; non ardor, atque impetus illi insidens ad gloriam; non imperatorie dignitatis apex persuadent. Ex Germania, Hispania, & ceteris, quæ nomini Austriaco parent, copias in Italiam mittet, omni ope, studio, conatu de Insulbrum imperio cum Rege certaturus. Quæ si contingant, quid, spreta illius amicitia; quid, contempto fœdere, tunc vobis agendum erit? cum amicos longe, hostes



stes prope, atque in sinu, ut ita dicam, habuerimus? At Pontifex, qui auctoritate plurimum valet, atque in utramvis partem pendeat, summum ad victoriam consequendam momentum affert, amicitiam Regis complectitur; de paciscendis cum illo foederibus agit; vos hortatur, rogat, ne a suis diversa consilia ineatis. Facit sane Clemens, quod e re sua fore existimat; Cæsari, nulla pactorum conditione obstringitur; semper Gallis insitu quadam patriæ propensione favit: nos Cæsari ex foedere obstricti, neutri parti unquam addicti fuimus; amicitias publica utilitate, dignitateque metimur; neque Pontificis coborationes apud nos majus pondus habere debent, quam commoda; ornamentaque Reipublicæ patiantur; cum idem Pontifex si aliquo minus fausto eventu (ut in bellis plerumque solet) Gallorum victoriam in dubium vocari senserit, qua facilitate modo Gallis; eadem tunc Cæsareanis adhaesurus sit. Vos vero, Patres sapientissimi, qui animi moderationis, constantieque singularis apud omnes gentes laudem tulistis, videte, ne tam præpropera cum Gallo societas ex levitate potius animi, quam ex eodem moderationis, ac constantie fonte fluxisse videatur; cum præsertim Gallorum Regem nullo unquam tempore amicitiam vestram aspernaturum certum sit, nullum majus in Mediolanensi imperio retinendo firmamentum, quam amicitiam, societatemque vestram habiturum.

Ob diversas Senatorum sententias eo die nihil a Senatu decerni potuit: quadriduo post eodem coacto, cum recentia Pontificis officia, quibus Patres ad Gallorum amicitiam trahere conabatur, accessissent, eorumque vires incrementa quotidie sumerent, Collegii Patres Marco Foscaro, apud Pontificem oratori, ita scribendum, mandandumque esse censuerunt, & iiij. kal. novembris ad Senatum retulere: Pontificem adiret; miram illius prudentiam, vigilantiam, qua pro communi reipublicæ Christianæ salute excubaret, Senatus nomine quam maximis posset laudibus extolleret: ab illius consiliis nunquam alienum, aut aversum fore, totum hoc grave negotium in ejus auctoritate, consilio, voluntateque reponere, quem, ut summum in terris locum obtinentem decet, publicæ incolumitatis custodem, ac vindicem haud dubiis argumentis perspexerit. In hujusmodi Senatusconsultum, Zacharia Bembo conti-

1524

nentis Præconsultore licet magna dicendi vi, atque impetu animi contradicente, frequentes Senatores ivere. Sequenti vero die ex Fosdari literis acceptum est, Joannem Matthæum Gibertum omnium Clementis consiliorum participem, qui Datarii munere fungebatur, citatis equis ad Regem ab eo missum, ut de foedere sanciendo ageret.

Cæsareani interea Duces, ut Ticinum fortiter adversus Gallos propugnarent, nihil prætermittunt: annonam omnis generis in urbem convchunt: stationes militum disponunt: molas frumentarias parant: pecuniam undique conquirunt: selectos fide, & solertia viros in Germaniam ad novos illius gentis delectus habendos mittunt. Ferdinando Davalo injungunt, ut Hispano milite Laudem in fide contineat, magnum in ea urbe momentum ad bellum esse, quod Abdua flumine, quo illius mœnia alluuntur, ad colligendas copias esset opportuna, eaque ab hostibus occupata, Ticino Germanorum supplemento subveniri non posset, omnisque trans Abdream ora cum Cremonensi agro in hostes foret concessura. Gallorum rex eorum omnium, quæ ad Ticini expugnationem necessaria essent, nihil prætermittebat; ac v. kal. novembris urbem aggressus ad Carthusianorum ædes quinque a Ticino passuum millibus castra locat, quæ dum propius admoventur, levioribus certaminibus propugnatorum virtutis periculum facit; mox disposito circa urbem exercitu, aptatis tormentis, biduum ab oriente, & occidente mœnia continenter quatuntur; quorum ingenti impetu, ac vi nonnullis in locis diruta, ac prostrata, aditum in urbem patefecerant. Rex milites fossas transilire, & per murorum ruinas ordinata acie conscendere jubet. Gallorum virtuti, & audaciæ acriter Germani, Hispani, atque oppidani obsistunt; utrinque compluribus cæsis, Galli repelluntur. Irrito eventu ingressu urbis tentato, ad operas vinearum, aggerum, propugnaculorum, cuniculorumque divertit; quæ cum absque temporis mora ad exitum perducere non possent, ac nulla re propugnatorum constantiam imminui animadverteret, cunctationis impatiens, Ticinum æmnam in duo distractum cornua; alterum civitatis mœnia alluens, præaltis, latisque aggeribus divertere ab urbe, atque uno, eodemque alveo deducere parat, ut ex ea parte urbem

tur-

turribus, & propugnaculis nudatam, ac profunditate tantum aquarum tutam, feliciori successu adoriatur. Sed incredibili prope hominum multitudine opere inchoato, immensisque in eo perficiendo exhaustis pecuniis, cum repente pluviae incidissent, aquarum insueta, ac vehementiori copia irriti conatus cessere.

Quapropter, neque vi, neque operibus Ticinum expugnari posse Galliarum rex expertus, obsidione civitatem premere, tum ad rerum omnium inopiam redactam compellere ad deditionem statuit. Quæ cum brevi temporis intervallo perfici non possent, duriores, atque animo conceperat, urbis expugnationem Pontifex fore arbitratus, animi anceps, variis agitata curis, quidnam potissimum tanta in re agendum esset, mente volutabat, totumque belli exitum ex Ticinensi oppugnatione pendere ratus, nihil undeque tutum sibi decernere posse videbatur: defenso a Cæsareanis Ticino, Gallorum impetum retundi, vincique illos posse: urbe a Rege vi, aut deditione recepta, reliquam Insuorum ditionem statim in illius potestatem concessuram, ac reliquias Cæsareanorum exercitus brevi confectum iri. His fiebat, ut in Clemente pristinus ille ardor, quo cum Rege amicitia, ac foedere jungi concupiverat, paulatim languesceret, & restingeretur, consiliumque a Ticinensis expugnationis exitu petendum censeret. Eam rem vocato ad se Reipublicæ oratori secreto aperuit. *Summa, inquit, prudentia hac tempestate, dum maximarum rerum momenta in ancipiti sunt, utendum, cunctatione opus esse, ne ex festinatis consiliis omnia in summa pericula prolabantur; proinde sibi constitutum esse, nihil hoc rerum statu certi decernere; si Ticinum Cæsareani tuerentur, foederi cum Rege ineundo moras necere: contra si urbe Gallus potiatur, statim cum Rege societatem, foedusque inire, & a Cæsaris Ducibus fugitare, ut penitus Insuorum imperium Gallo cederent; abnuentibus, illico bellum illaturum: cupere, quæ mens Patrum hac in re sit, intelligere.* Foscarî literis, ut moris est, in Senatu perlectis, variæ fuere sententiæ; nonnullis consilium Pontificis probabatur, rescribendumque censebant, Ticino expugnato, statim cum Rege societatem incundam. Aloysio vero Mocenico consilii Sapienti, licet Ticinum in Regis pote-

H. Mauroceni T. I.

H 3

sta-

1524

statem perveniret, nihil tamen, nisi denuo consulto Senatu, fieri placebat. *Quid enim si Cesareani, Ticino amisso, ad huc milites sub signis continerent, atque baud dispares viribus, justo praelio cum hoste congregi vellent? quid si Gallus multa cum caede, ac sanguine urbe potiretur? Temporis momento dubios humanarum rerum casus verti; plurimum fortunam in bellicis posse; quocirca nihil incerto eventui committendum, neque aliquid absque Patrum consensu in re tanta perficiendum.* Qui alterius erant sententiae, summopere cavendum esse, ajebant, ne ambiguo responso Pontifex turbatus, atque in hac verum fluctuatione incertus, Reipublicae consilia suspecta, amicitiam parum fidam opinaretur, separatimque ab ea consilia caperet, quo nil periculosius, nil durius hoc tempore accidere posse: ut contra nil salubrius, & conducibilius, quam communia consilia, communem mentem cum Pontifice habere: nulli dubium esse, quin de toto belli eventu ex Ticinensi obsidione conjectari possit; unde non modo Galliae Cisalpinae, verum etiam totius Italiae res pendere necesse sit. Verum cum in neutram sententiam Senatores ivissent, Hieronymi Pefarei consilium auditur, ac probavit Senatus. Is neque Pontificis animum in suspicionem adducendum, neque statim Ticino occupato, foederis conditiones amplectendas, quae extremae erant sententiae, censebat: facile id assequi posse, si Foscarus Clementi ob oculos poneret, auctas senis Germanorum peditum millibus Caesareanorum copias, comparatam ducentum quinquaginta aureorum millium pecuniam, Hispanorum militum auxilia, quae propediem in Italiam ventura fama vulgaverat. Quid si Ticini expugnatio multo sanguine, caede, detrimento Gallis constet? tunc ( nisi importuna celeritate utendo, nimis anxii de Gallorum societate videamur ) majori certe cum utilitate, ac dignitate totam rem transigi posse: neque vero haec ea de causa dici, ut quidquam de illius egregia prudentia, & virtute ambigatur; sed, ut ad praestandam singularem animi gravitatem, ac moderationem, qua mirifice excelleret, eo magis inflammaretur; Senatum nunquam ab illius consiliis, ac voluntate alienum fore. Eodem fere tempore Prorex Carolum Aragonium, Franciscus Sfortia Equitem Bilium, Venetias misere, qui Patrum Collegium ingressi, voce, & scriptis in hanc sententiam sunt loquuti.

Ni

Carolus  
Aragonius  
& Eques  
Bilius a  
Prorege &  
Sfortia ad  
Venetos  
missi.  
Oratorum  
Aragonii  
& Bilii  
oratio.

*Nihil unquam Cesareæ, Catbolicaeque Majestati æque animo hæsisse, quam Italiam per multos annos gravissimis bellorum incendiis confligantem pristinae dignitati, ac tranquillitati restituere: itaque cum primum ad Imperatoriae dignitatis fastigium evehctus est, hac in re omnes suæ potentia, amplissimorumque regnorum vires, ac nervos contulisse: idcirco ut Franciscum Sfortiam cognatum suum superioribus mensibus bello a Gallis petatum in imperio Mediolanensi retineret, nullis sumptibus, nullis laboribus pepercisse: Gallorum gentem hujus provinciae subigende cupidam, a pacis consiliis semper aversam, a cervicibus Italiae repulisse: duos summi nominis Duces, Lautrecium, & Gauferium cum copiis pene deletis, ut se in Gallias reciperent, coegisse: scire, ac testari Proregem, optimam, atque egregiam Imperatoris mentem; quæ ad se non spectarent, non modo non occupasse; sed ne concupivisse quidem, neque cogitasse: id sane pro communi salute summis votis exoptasse, ut omnes suis contenti, quiete, atque otio fruerentur. Huic tam humano generi præstabili voluntati unum Franciscum Galliarum Regem reluctari, qui ambitione, insitque sibi inexplebili regnandi cupiditate nihil non molitur, ac tertium fortune aleam in hac provincia experiri velit, si forte illius partem aliquam occupare, atque ad se rapere queat, humanis, divinisque haud quaquam pursurus. Hisce ausis, & conatibus pro Caesaris dignitate, pro Italia incolumitate Proregi obsistere statutum esse, ac propediem exercitu decem Germanorum peditum millium adventante in aciem exire, cum Rege, aut ad Ticinum, aut quocumque Senatui libuerit certaturum: proinde a Republica, quæ amicitia, & fœdere Cesari adstricta esset, petere, ac flagitare, ut pedestribus, equestribusque copiis cum Caesaris exercitu conjunctis, pulso ex Italia Rege nobilissimam provinciam a Gallorum dominatione eriperet: certam victoriam polliceri: exercitum neque virtute, neque numero cum hostibus conferendum; Hispanos milites ad sex mille cum Davalo, cum Prorege, & Carolo Borbonio quatuor Italorum millia esse; Novocomi in præsidiis mille, Alexandria duo peditum millia contineri; Ticini quinque Germanorum millia, quingentos Italos, Hispanos totidem reperiri: bis accedere mille, quingentos cataphractos, in iis quingentos*

1524 *Sequanos numerari, leviores equites mille, præter decem Germanorum peditum millia, qui jam Alpes superassent, atque in Cisalpina Gallia descenderent. His si Reipublicæ copiae accederent, quis jam animo cumulatæ victoriæ gloriam præripere vereatur? Quapropter pro amicitia, pro fœdere superiore anno cum Cæsare percusso; pro Francisci Sfortiæ incomumitate, qui semper addictissimus Veneto nomini fuerat; pro Reipublicæ Venetiæ gloria petere, bortari, orare, ut statim ea de re Senatus decernat, ne mora tempus terendo eximiae rerum optime gerendarum occasiones præterlabantur.*

*Franciscus rex Neapolitanos invadere statuit.*

Dum in re tam gravi anceps Senatus cunctatione utitur, ex novarum rerum successibus novæ in nutante Pontificis mente cogitationes oboriuntur. Nam rex, ubi spei a se de Ticino celerrime occupando conceptæ exitum nunquam respondere animadvertit, copiarum partem ad Neapolitanum regnum invadendum mittere statuit; duorum alterum fore ratus; aut Proregem, ut suæ fidei commissum Neapolitanum regnum tueretur, Insubribus relictis, eo statim cum majori, validiorique copiarum parte convoluturum; aut, illo absente, copiis fere omnibus exutos Neapolitanos ægre suorum impetum laturus. Joanni itaque Scoto, Albanæ Duci, id onus a Rege imponitur; ut sexcentis levioris armaturæ equitibus, ducentis cataphractis, quatuor Italarum peditum millibus ex universis copiis delectis, Apennini jugis superatis, in Neapolitanos impetum faciat. Rentio Ceriti mandat, ut iis militibus, quos ad classem, quæ adhuc in Herculis portu detinebatur, ducebat, præsto esset: complures ex Ursina familia adfuturos, quæ Gallicæ factioni semper studuerat; iis, ut in agro Romano quatuor peditum millium delectum haberent Franciscus iusserrat. Quæ res Pontificis animum nil tale suspicantem vehementer perculere;angebatur, quod Gallorum exercitus per suos fines iter facturus esset. Ducum consilia, militum insolentiam pertimescebat; regno Neapolitano Regem potiri æquo animo pati non poterat. Si transitum Gallis per pontificios fines permitteret, Cæsarem illum pro hoste habiturum; sin vero renueret, Regis offensam subiturum; utroque bellum in fines illius allici; nec sine magno Italiæ discrimine Regem evehi: in clientela Ecclesiæ Neapolitanum regnum esse; beneficia-

ciarium illius Cæsarem, qui nuper a Leone Neapolitanorum rex declaratus fuerit: se invito, atque inconsulto nil hujusmodi Regem moliri oportere. Omni itaque studio ab hac sententia illum avertere contendit; nondum perfecta Mediolanensi expeditione, Neapolitanum regnum invadere, periculi rem plenam esse; se junctas copias, neque in Insubribus, neque Neapoli onus belli sustinere posse; Cæsareanos pecunia, recentibusque auxiliis auctos, in Gallia Cisalpina superiores futuros; magnam Italiæ partem, antequam in Neapolitanum regnum perveniat, emetiri exercitum oportere; interea classe milites, auxilia, ceteraque ad illius defensionem conveyi posse. His pollicitationes adjiciebat, ut Mediolanensi ditione rex potiretur, omni ope enixurum.

Dum hæc cum Rege ageret, Carolo pollicebatur, Gallos se nunquam Neapolitano regno potiri passurum; cunctis viribus illi adfuturum. Hoc pacto Principum spes alere, utrisque amicum, & gratum se reddere; atque, ut se ab implicita, & involuta consiliorum ratione explicaret, de concordia inter Regem, atque Imperatorem concilianda multa mente agitare. Id vero se consequi posse arbitrabatur, si Regi Insubres, Cæsari Neapolitani parerent, Franciscus Sfortia in Cardinalium Collegium cooptaretur, atque illi viginti aureorum millia singulis annis persolverentur. Hæc Marco Foscaro exponit: addit singula Sinuessano Duci Caroli Legato, ac Proregi significaturum; qui si cedere Insubribus velint, statim ad pacis conditiones venturum; si abnuant, bellum quoque indicturum; si eadem mente Veneti fuerint, eandemque fortunæ aleam subire velint, eodem adstrictos foedere sibi adjuncturum: interea rogare, ne quid certi de Senatus sententia Cæsareanis respondeant; cunctatione utantur, ac mora tempus trahant. Paulum Victorium statim ad Proregem mittit, qui nuntiet, Pontificem, uti in terris Christi vices sustententem decet, nil vehementius cupere, quam, ut restinctis aliquando odiis, bellisque sine imposto, optata pax toti orbi Christiano affulgeat; id ut facilius consequi queat, arma sæpius iniquo Italiæ fato sumpta recondi jubere; sponsorem se, vademque statuere; nihil molestiæ Neapolitano regno Regem illaturum: si id moliretur, nul-

*Clement  
Paulum  
Victorium  
ad Lan-  
zum mittit.*

1524

lo pacto passurum ; summis votis optare , hortari , Insu-  
brestum tot incendiorum pabulum sibi oppignerari ; e Re-  
publica esse censere , ut Rex ea regione potiatur , potentissi-  
mique Principes haud exiguo singuli in Italia imperio contenti  
sint . Ad hæc Clementis postulata Prorex in hunc modum  
respondit : Sapienter a Cæsare Italiæ pacis diuturnitati con-  
sultum fuisse , dum superioribus annis cum Leone Pontifice  
Maximo communicatis consiliis , Franciscum Sfortiam Insu-  
brum provinciæ præficere , Gallos penitus ex Italia ejicere  
statuerat : summis impensis , ingenti labore , magnis copiis in-  
structis , votis fortunam non defuisse ; pulsos Italia Gallos ,  
Sfortiæ imperium restitutum : mirari quam tandem re per-  
motus Pontifex novis rebus , consiliisque studere velit : si pax  
illi Italiæ , ut prædicat , cordi sit , gentem turbidam , inque-  
tam , nova semper appetentem , ac molientem longe ab hu-  
jus provinciæ finibus arceat ; neque Principi , ad quem jure  
Insuubres spectant , illorum imperium adimat ; si diversas ra-  
tiones cogitationum , ac consiliorum inierit , Italiam , Chri-  
stianamque Rempublicam continentibus bellorum fluctibus ja-  
ctatum iri . Quod vero Mediolanensem ditionem Pontificis  
potestati permittat , id a Cæsare in mandatis non habere ;  
neque sibi suaderi posse , ullo unquam tempore id Cæsarem  
facturum : nihil sibi Imperatorem aliud præcepisse , quam , ut  
omni conatu , viribus , sanguine denique ipso Insuubres tueretur ;  
nunquam se , vel metu , vel spe , vel si foederati quo-  
que arma adversus Imperatorem sumerent , ab officio recess-  
surum . Sinuessanus eadem ferme Clementi respondit ; nul-  
lam se ad ea negotia perficienda facultatem habere ; verum  
de tota re ad Proregem scripturum .

Senatus , novis Pontificis consiliis intellectis , eo magis ad-  
ducebatur , ut tempus proferendo nil certi Proregis , ac Du-  
cis legatis responderet ; & præsertim , quoniam rumor de  
Neapolitana expeditione confirmatus suspicionem Patrum ani-  
mis injecerat ; ne Prorex , ut regno sibi credito opem fer-  
ret , Mediolanenses res defereret , ac Rempublicam Gallo-  
rum viribus objiceret . Jam enim Albanæ Dux , rebus ad Nea-  
politana expeditionem comparatis , itineri se commiserat ,  
atque Apennini juga transgrediebatur ; qua re vehementer

Cæsa-

Lameji  
Proregis re-  
sponso .



Cæsareanorum animi angebantur ; cum nondum auxiliis firmato exercitu , pecunia laborantes , duplici laceffiti bello , vel deferere Insubres , Galliarumque Regi ultro objicere , vel Neapolitanos copiis , ac subsidiiis nudatos , hostium libidini relinquere cogerentur . Proregis mens cum primoribus , qui illi a consiliis erant , eo vergebat , ut , Insu-bribus relictis , cum copiis Neapolim quam maximis itineribus properarent ; ne milite , ac Ducibus destitutum regnum , in quo vetus in Gallos populorum studium adhuc vigeat , imparatum hostes adirentur . At Davalus , qui rei militaris disciplina , atque animi magnitudine ceteris anteibat , contra disserere ; neque e Cæsaris dignitate ; neque ex utilitate publica esse , paulo ante armis partum imperium per summum dedecus amittere ; ac nondum signis collatis , nondum robur , ac virtutem hostium expertos , nullo incommodo accepto , oppida , urbes , populos prædæ loco Gallis relinquere . An non id invictum Cæsaris nomen perpetuæ notæ labe commaculatum posteritati mandaturum ? an non amplissimum Italiæ imperium in discrimen adducere , si sponte derelicta Mediolanensi ditione , pro Neapolitano regno decertaretur ? Sex millia Germanici peditatus robora jam in castris esse ; totidem paulo post adventura ; si adhuc ad non multos dies contineatur exercitus , rerum præclare gerendarum opportunitates ducum prudentiæ , virtuti militum non defuturas ; ex hoc uno salutem Italiæ , incolumitatem , ac decus Imperii pendere . Nam Insu-bribus amissis , & Gallicæ victoriæ fama per cunctorum populorum ora pervagata , Neapolitanum quoque regnum cito in hostium potestatem casurum : iisdem retentis , Neapolitanos non modo , & quidquid in Italia Cæsar obtinet , conservaturos ; sed victoriæ certos fructus ingenti gloria cumulatu-ros . Vicit Davali sententia ; verum ne penitus Neapolitanos deferuisse viderentur , Honorato Cajetano cum pecunia Neapolim misso mandatur , ut cum regni primoribus equitatus , peditatusque delectu habito , Neapolitanum regnum quacumque ratione possent , tuerentur . . . . . *Desunt nonnulla .*

M. D. XXV.

Hieronymi  
Caraccioli  
Caesareana-  
rum Orato-  
ris oratio.

Cum insequentis anni principio ad Ticinensem expugnationem cunctorum converſis animis, atque oculis, tantæ rei exitum ſolicitis mentibus homines prætolarentur, non ceſſabant Cæſaris duces cum Senatu agere, ut ſuas copias cum Cæſareano exercitu conjungeret, cum Rege de rerum, ſumma dimicaturi. Ob eam cauſam Hieronymum Caracciolum Venetias miſere, qui, Alphonſo Santio ordinario Cæſaris legato, ac Mediolanenſi oratore comitante, cum Patrum Collegium adiuiſſet, ut in ſuam ſententiam Senatum impelleret, multis, & graviffimis verbis egit: *Nunquam ſibi in animum Proregem inducere potuiſſe, Rempublicam, quæ ſumma ſemper fide cum exteris quoque gentibus moribus, cultu, religione a nobis diſſitis jura ſocietatis coluerit, hac tempeſtate, hoc rerum ſtatu Imperatori amico, & fœderato deeſſe velle, qui omnia cumulate præſtiterit, quæ ſuperiore anno præſta fuerint: neque ſatis ſcire, cur idem Senatus, qui paucis ante menſibus fortiter, ac ſumma cum laude in eadem cauſa arma induerit, nunc a ſe ipſo diſſentire videatur. Miſſos ſuperioribus diebus a Prorege Neapolitano Carolum Aragonium; a Franciſco Sfortia Equitem Bilium, ut de Cæſaris exercitu, de hoſtium viribus ſingillatim Senatum docerent, ſimulque hortarentur, ut cunctatione amota, Cæſaris exercitui ſuas copias ſociaret: nondum hac in re. Senatus mentem, ac ſententiam percepiffe; hinc hoſtes insolentiores factos nihil non audere; Inſubres quotidie majoribus calamitatibus objici; multos hoc exemplo ab officio deterreri; quamplures Gallo accedere; nonnullos ſuſpicionem tranſverſos agi; alios in perniciem Cæſaris nova conſilia agitare: neque tamen Senatusconſultum aliquod fieri: Proregem exiſtimare id accidere, quod Imperator, ac Legatus ex hac omnium copiarum conjunctione, ut fertur, detrimenti aliquid Rempublicam capere poſſe affirmant; tamen Proregi, & ſummi nominis ducibus certa ratione conſtare, in hoc uno ſalutem, dignitatemque Reipublicæ, atque Italiæ totius repositam eſſe: ne quis vero pluriſ hoſtium vires, noſtras minoris æquo æſtimet,*  
cer-

certo illud constare, Gallorum, Ticino amne trajecto, baud parum diminutas, nostrorum auctas copias esse : post Mediolanum Gallico impetu occupatum nullo incommodo nostros affecisse ; licet tunc Proregi, præter Germanos, qui Ticinum tumentur, sex Hispanorum, quatuor Italarum peditum millia tantum adessent : contra vero non parva hostibus damna nostros intulisse. Quis nescit postea Helvetios multos, complures Italos a Gallo discessisse ? manum militum baud exiguam cum Duce Albania Neapolim versus contendisse ? Rhetorum tantummodo quatuor millia ; mille Sedunenses accessisse ? Nos vero sex Italarum, septem Germanorum millium numero copias auxisse ? ut, si acie certandum sit, numero aut superiores, aut certe non impares futuri simus ? ut interim militum robur, ac fortitudinem, Ducum dexteris victoriis assuetas, militarem disciplinam longo labore, & periculis partam silentio præteream, quibus nos longe Gallis antecellere compertum est. His mille, ac sexcenti leviores equites accedunt, qui numero, & virtute præstant ; cataphracti præterea, qui nulla ratione sint conferendi cum Gallicis sexcentis nuper cum Albania Duce in Neapolitanum regnum profectis. Ad hæc civitates munitissimas, incolæ Caesaris nomini addictissimos, hostibus insensissimos habemus : quæ omnia certam apud nos victoriam fore pollicentur ; cum præsertim septem Germanorum millia, equitum quoque non exiguus numerus propediem in castra venturus sit. Neque vero ignoramus, quæ malevolorum hominum vocibus in vulgus jactata circumferantur ; Insubrum imperium pro se arripere Casarem velle ; id ne vi facere videatur, hoc obtentu tegere, quod ingentem auri vim in illo protegendo effusissime exhaurerit : rem sane tanto Principe indignam, qui fidem, pietatem, justitiam omni tempore summopere coluerit ; neque ullis vel ingentibus præmiis propositis averti ab officio potuerit. An non id aperte ostendit, Franciscum Sfortiam in fœdere Ducem Mediolani declarasse ? a Senatu petiisse, ut Helvetii ad Italiam, in primisque ad Insubrum ditionem tutandam asciscerentur ? Hujusce rei si qua in animis vestris hæret suspicio, Prorex, qui Imperatoris mentem multis argumentis, & literis optime perspectam, & cognitam habet, vadem se, ac sponsorem, si ita Senatui libuerit, fore pollicetur,

1525

*cetur, constituto tempore Imperatoris decretum de Sfortia in Mediolanensi imperio confirmando allaturum. Ad impensas quod attinet, totam rem Patrum iudicio, voluntatique permitturum. Quocirca omni abjecta mora, hesitationeque amota; iâis fœderibus, amico Imperatori, laborantibus Insubribus satisfaciant.*

Caracciolo ex Senatus decreto in hanc sententiam responsum est. Nullum officii genus, quod summam erga Cæsarem benevolentiam, observantiamque patefaceret, prætermisum fuisse: testari superiori anno, ut dignitatem, imperiumque illius in Italia adversus Gallorum vim, & copias sustineret, gesta: mentem minime immutatam: alia tempora, alia consilia, diversas administrandi belli rationes exposcere; neque cuncta volubilitati, inconstantiaeque fortunæ permitti; neque uno certamine, momento, de summa rerum periclitari oportere: non, si adesset, pro eximia illius prudentia Imperatorem secus facturum: si patientia, & cunctatione Prorex uti velit, aut victoria incruenta potiturum, aut honestis conditionibus inter potentissimos Principes pacem confectum iri; in hoc enim totum esse Pontificem, officiis, literis, nuntiis tantæ rei sedulam operam navare: Cæsarem ab iis consiliis minime alienum esse, eo magis quod nihil in Galliam, ut omnium fama percrebuerat, moliretur. Quid porro si Reipublicæ copiae cum Cæsareanis jungantur? vel ad Ticinum obsidione liberandum, vel ad Mediolanum oppugnandum destituant? congregiendum, certandumque acie fore, aut turpiter praelium vitari, subduci copias oportere; quorum alterum periculi plenum esse, rerum usu, ac militari prudentia duces summa necessitate compulso extremum omnium experiri; alterum vero amplissime victoriæ aditum hostibus patefacere, ut, non modo Insubrum provincia, sed quidquid, vel Carolo, vel Reipublicæ in Italia pareat, in Regis potestatem casurum sit. Neque vero id minus Rempublicam urgere, quod, Abdua flumine trajecto, in Bergomates Rhetorum permagnum numerum essent immisuri, quibus cuncta ferro, sanguine, præda permiscentibus, aut copiae revocandæ, aut innoxii, optimeque de Republica meriti incolæ hostium libidini, ac violentiæ relinquendi. Cunctandum itaque hoc tempore Senatum

*natum censere ; ne supremo cuncta discrimini objiciantur ; neve pacis spes in multorum animis concepta , insigni aliqua , & Christianæ Reipublicæ defenda calamitate conteratur .*

Hæc Venetorum consulta ; hæc consiliorum rationes eo spectabant , ut in re ancipiti variis fortunæ casibus , ac vicissitudinibus obnoxia , neque in Imperatoris , neque in Regis offensam incurrerent . Verum jam ita se res habebant , ut earum eventus omnium populorum , ac Principum Europæ mentes hæsitabundas , ac suspensas tenerent : in utram partem victoria inclinaret , ærumnis , & calamitatibus orbi Christiano se se objicientibus ; atque Italiæ præsertim , quæ superioribus annis oppugnationibus , ac præliis vexata , miserranda cunctis gentibus humanæ fortis exempla præbuerat ; neque adhuc , quibus foede discepta fuerat , vulnera coaluerant .

In primis vero Pontifex , ac Respublica Veneta summisangebantur curis , quod rerum præsentium mutationem consecuturam circumspectabant ; nihilque molestius , quam duos Principes acie de hujus provinciæ imperio decertaturos cernebant : Cæsarem Pontifici insensum , Reipublicæ amicitiam suspectam habere , victricia illius arma timenda esse : neque minus si Rex victoria potiretur , verendum ne felicitate impotens , atque elatus cuncta suo arbitratu in hac provincia moderari vellet . Quamobrem quantum precibus , atque adhortationibus niti poterat Clemens , ne Reges in arma ruerent , contendebat . Per Albertum Carpenssem , Franciscum admonet , orat , obtestatur , ne cum Cæsareanis acie decertet ; neve fortunas , opes , potentiamque Gallicæ gentis horæ momento in summum discrimen conjiciat . Eundem Carpenssem hortatur , ut Sigismundum , qui illi erat a secretis , in castra mittat , ut Regis animum a prælio incundo amoveat . Idem quoque agit cum Novioduni gubernatore , ac Regis legato , qui apud Venetos erat ; atque in omnem eventum intentus , communi saluti prospiciendum ratus , per Foscarum legatum Clemens Senatui significat , sibi in animo esse , oratorem ad Helvetios mittere , qui decem illius gentis peditum millium delectu habito , communibus stipendiis , si opus esset , in Italiam duceret ; ut Reipublicæ adjunctis copiis ; nec non pontificiis , Hetruscisque auxiliis , hostes a finibus

*Clemens  
Franciscum  
Regem a  
prælio deterrere .*

1525 bus summovent, ne incurfionibus ipforum facile paterent . Ea in re Senatus fententiam exquirir, qui, illius confilio probato, difficillimis, ac turbulentiffimis temporibus a Clementis auctoritate, atque fententia fe nunquam recessurum testatur . Sulpitio Verulano Epifcopo id munus a Pontifice mandatur . Eodem tempore fummo animi ardore Senatus Clementem hortabatur, ut paci publicæ confuleret, atque ea auctoritate ufus, quæ fummam in terris dignitatem deceret, diffidentium Chriftianorum Principum voluntates, interftina odia mitigaret; iras molliret; certis concordiae propofitis conditionibus, a conferendo prælio revocaret . Cum enim per eos dies Henricus Angliæ Rex fortunæ Gallorum invidens, Gregorium Cafalium equitem in Cæfareanorum castra miffet, ut mentes illorum ad bellum gerendum, acrioribus admotis ftimulis accenderet, & Hieronymum Paceum Venetias proficifci juffiffet, ut ad focia cum Cæfareanis arma ex præfcripto foederis jungenda Senatum adhortaretur; ingens fufpicio animos invaferat, ne Cæfar, cum Anglo adverfus Galliarum Regem perculfo foedere, ex inferiori Germania, atque ex Britannia terra, marique Gallias aggreffi, Regem cum exercitu ab Italia revocarent, Carolusque armatus, quas vellet, fingulis leges diceret .

*Caffianum  
a Davale  
captum .*

Dum hæc geruntur, & varia in utramque partem confiliorum momenta expenduntur; Davalus, qui res Cæfaris fide, virtute, ac difciplinæ militaris ufu præ ceteris fuflinebat, femper aliquid novi moliri, agitare, quo Regem a Ticini obfifione abduceret, aut renuentem in aleam martis alliceret . Ac ne quid fibi a tergo relinqueret, cum omnibus fere copiis Caffianum, ad Abduæ fluminis ripam fitum, atque belli initio a Gallis occupatum profectus, admotis tormentis, in poteflatem recepit; præfidioque arci impofito, Laudem reverfus eft . Et quoniam cunctos conatus retardari, ac impediri poffe pecuniæ inopia noverat, in id omnes confilii nervos, mentisque aciem intendebat, ut qua ratione cogi milites, continerique fub fignis poffent, fedulo perquireret : cum præcipue ex Antonii Levæ literis admonitus effer, Germanos Ticini obfelfos, feditiones, ac tumultus ciere; ni ftipendia perfolverentur, civitatem hofti tradituros minari . Huic tam gravi

gravi incommodo militari astu obviam itum est : duobus fidis, & industriis viris, ut cum equis vino onustis in Gallia castra progredierentur, præcipitur; tribus aureorum millibus vasfro consilio in vas vinarium immixtis. Leva ea de re per litteras occultis notis exaratas edoctus, exemplo ab ea parte, qua significatum fuerat, exire ad leve certamen incundum milites jubet. Tumultu in castris orto, statim undique ad arma conclamatur; misceri pugna incipit; alter ex iis, cui deferendæ pecuniæ munus injunctum fuerat, e medio elapsus, fracto vase, arrepta pecunia, urbem ingressus ad Antonium Levam sistitur; quæ res adeo Germanos permovit, ut compressa seditione, se solertiores in tuenda urbe, quam in pecunia petenda insolentiores ostenderint.

Non minor in equitatu ex hybernis deducendo, ob pecuniæ inopiam difficultas aderat, cui Hieronymi Moroni opera valde fuit opportuna. Is enim Cremona in mensem equitatu suffecturam argenti vim attulit, quantaque ad tormentorum apparatus, & cetera belli instrumenta usui esse posset. Pedites, quia facultas persolvendi stipendii non erat, Davalus pollicitationibus, adhortationibus, prece flexit; atque Laude exercitu coacto, in quo septingentos cataphractos, totidem leviores equites, pedites Italos mille, Hispanos, ac Germanos ad sena & dena millia censi ferebatur, viii. kal. februarii motis castris, Melenianum, quod Mediolano passuum decem millibus abest, Cæsareani proficiscuntur, tanquam Mediolano exercitum admoveere statuerent; eo consilio, ut, si periclitanti urbi Rex subvenire vellet, a Ticino exercitum abduceret, vel metu perterriti hostes urbem ultro desererent. Verum consiliis eventus dispar fuit. Lambrum amnem Cæsareani trajiciunt, oppidumque Sancti Angeli medio ferme inter Laudem, & Ticinum itinere aggrediuntur, ne hostes commeatus, qui a Laude ad exercitum convehendi erant, opportunitate loci impedirent, aut interciperent. Quod Rex veritus, ut Italis peditibus octingentis, equitibus ducentis, qui Pyrrhi Gonzagæ auspiciis oppido se tenebant, prospiceret, simulque an satis munitum, hostiumque ad impetum excipiendum validum esset, intelligeret, Jacobum Cabaneum Magistrum equitum, & Federicum Gonzagam Pyr-

*H. Mauroceni T. I.*
*I*
*rhi*

1525 rhi fratrem misit; qui egregie defendi posse retulere. Re tamen ipsa aliter compertum fuit; nam Ferdinandus Davalus dispositis, admotisque ad mœnia tormentis, ac prostratis pinis, e quibus propugnatores testi telis, scloppisque hostes ab oppidi ingressu arcebant, adeo strenue rem gessit, ut metu oborto, milites, mœnibus relictis, in arcem se receperint, neque hostium impetu expectato, ultro Davalo se dederint. Pyrrho Gonzaga, aliisque ducibus detentis, reliquos equis tantum, armisque multatos incolumes abire ea conditione permisit, ut Abduam trajicerent, neque illis arma adversus Cæsarem capere, nisi exacto mense, jus esset.

*Sancti Angeli deducio.*

Rex cum primum copias cogere, atque exercitum movere Cæsareanos cognovisset, consilia de belli gerendi ratione agitare cœperat. In diversas partes, ut plerumque arduis in rebus solet, consilia ducum scindebantur. Tramolii, ac Paliciæ ea erat sententia, quamprimum a Ticino exercitum abduci oportere; ad Carthusianas ædes, vel ad Binasum, aut si quis alius aquis, quarum regio ad agros irrigandos copiosa est, tutior esset locus, in eo castra statuenda: haud dubia hoc facto de hostibus regem victoria absque sanguine, ac suorum cæde potiturum: copias Cæsaris pecuniæ inopia premi, ingentibus promissis vix ex hybernis educas, in prælio, si cito committeretur, spes omnes reposuisse: cunctaretur Rex, moram traheret, hostem cito sponte abiturum; non ducum auctoritate, non vi milites sistendos: Ticino obsidione liberato, statim Germanos stipendia flagituros, ac momento temporis cuncta tumultu, minis, seditionibus exarsura: præclaros duces, quorum memoria adhuc viget, ad prælium nunquam, nisi vi coactos descendere consuevisse, summam militiæ laudem prudentia, non temeritate adeptos: incertos præliorum exitus esse, in quibus nonnunquam fortunæ potius, quam virtuti locus fuerit. *At gloria* (inquiunt) *Gallici nominis, Regis constantia, cunctisque mortalium oculis, tanquam in amplissimo orbis theatro spectanda virtus, pugnam suadent. An non dissuadet locus? dum ex uno latere exercitus desperatione actus, ex altero vero obsessa urbs, cum Germanorum militum robore hinc, atque inde circumire, atque aggredi copias nostras poterunt? quod sane militarium rerum*

*rum*



*rum scientissimi semper cavendum sunt opinati. Non audacia, non incertis, ac periculi plenis consiliis, sed prudentia captæ rerum præclare gerendarum opportunitates, prosperos eventus solidæ, veræque gloriæ fructum pariunt. Sed contra maris Præfectus speciosa tutis anteferre solitus, atque vulgi opinione, ac vocibus, non rei veritate consilia metiri, maximam illius famam in omnem posteritatem notam dedecoris subituram arbitrabatur, si constantiæ, invictique animi existimationem, quam apud cunctos mortales concitaverat, Ticinensem obsidionem solvendo, corrumperet, certamque obtinendæ jamdiu obsessæ urbis spem sponte amitteret: hostes rerum omnium penuria, atque egestate adactos; loco munito, atque ad obsistendum Cæsareanis opportuno castra esse: egregio hoc facto debellari hostes, totam Italiam subjici Gallorum imperio haud difficulter posse: audendum, dum omnia regiæ felicitati faverent, ac fortunam benigne afflantem, dum tempus esset, excipiendam.*

Consilium illius Rex amplexus, cum Sancti Angeli oppidum captum ab hostibus allatum esset, copias omnes (parvo militum numero excepto, quos trans Ticinum amnem ad continendos in officio incolas illius regionis reliquit) in unum contrahit. Itatorum peditum duo millia, qui æstate superiore Rentii Ceritis auspiciis militaverant, nuper Massilia Savonam profectos ad castra vocat. Joanni Ludovico Palavicino, cui quinquaginta equitum præfecturam, tribunatumque peditum concesserat, mandat, ut Cremonam auxiliis destitutam occupare conetur; commeatus, qui inde ad castra hostium convehantur, intercludat. Nihil, quod vires exercitus augere, vel hostes detrimento afficere queat, præmittitur. Qui Massilia moverant milites, cum in Alexandrinum agrum prope Urbam fluvium pervenissent, a Gasparo Mayno Mediolanensi, qui cum mille ac septingentis peditibus Alexandriæ præerat, parva manu, cum ex itinere defessi, ac rei novitate percussi non diu subsistissent, foede in fugam vertuntur, atque in Castelletum oppidum se recipiunt: nonnulli cæsi, ceteri cum oppido in hostium potestatem concessere. Palavicinus, duobus peditum millibus, ac quadringentis equitibus Pado trajecto, Casale majus nullis

1525 præinctum mœnibus oppidum ingressus, tumultuario opere aggere, & cratibus circumambit; depopulari, grassari, deterere undique populos, & agricolas jubetur. Franciscus Sfortia mille quadringentos pedites cum exiguo equitatu ductu Rodulphi Varani Camertis, nec non leviores equites nonnullos Alexandri Bentivoli Bononienſis auspiciis exire præcipit. Ea re audita, Palavicinus, licet Franciscum Rangonium Mutinensem cum peditatu, equitatuque sibi præſto futurum intellexisset, moræ impatiens, numero suorum confidens, paucitatem hostium contemnens, ad pugnam egreditur. Equites Bentivoli initio in fugam vertuntur; sed Sfortianorum omnium adventu re cominus agi cœpta, Palavicini copiae referre pedem; dux frustra animos addere, in confertos hostes impetum facere; donec equo excussus, Bentivoli, Sfortianorumque prosperum certaminis eventum sua captivitate cumlavit: quo facinore erecti Cæsareanorum animi de totius belli exitu felicia omina accipere, alacriori animo pugnam appetere; cum etiam eodem fere tempore Rhætorum sex millia inopinato ex regis castris callido Joannis Jacobi Medicei facto recessissent.

*Joannis  
Jacobi  
Medicei fa-  
cinus.*

Erat is Muſſiæ arcis, quæ juxta Larium lacum sita est, præfectus; cumque mente secum reputaret, qua ratione Clavenna Rhætorum oppido, non longe a lacu summo potiretur, fors consiliis aditum struxit: nam cum per eos dies Clavennæ Præfectus nihil hujusmodi suspicatus, arce, quæ juxta collem oppido imminet, egressus esset, a militibus, quos Mediceus inter quasdam rupes in insidiis non longe ab arce disposuerat, comprehenditur; atque uxore ad vociferationem, tumultumque commota, & quidnam illud rei esset, ad portam sciscitante, milites strictis ensibus eidem minantur; ni statim arx traderetur, conjugem interfecturos. Itaque reclusa porta, Cæsareani arcem occupant. Confestim Mediceus cum trecentis peditibus arce egressus, oppido potitus est. Qua re ad Rhætos delata, cuncti ad arma concurrunt; qui in regis castris erant per literas vocati, mox proscriptionis poena deteriti reditum in patriam moliuntur. His accensi Cæsaris Duces, ac in primis Davalus, in cujus auctoritate, con-

*Clavenna  
Mediceo oc-  
cupata.*

filio,

filio, ac virtute belli totius administratio sita erat, nihil, nisi de manu cum hoste conferenda, ac iusto congressu Marte, cogitare; quique levioribus praeliis semper superiores fuerant, si tota acie decerneretur, amplissimam de rege sibi victoriam pollicebantur. Davalus castra Gallorum undique inspicere, situm diligenter observare, loca notare, quo insisterent Helvetii, quo Italicus peditatus stationem haberet, ubi locati equites, qua parte tormenta disposita; agrorum fossas, vias, ingressus, exitusque illarum optime noverat; nocte intempesta ad arma hostem excitare, fossas propugnacula, vineasque propius agere, levioribus certaminibus lacerare, victoricia signa nonnunquam in castra reportare. Neque vero obsessi Antonio Levæ minus parebant; ex obsessa enim urbe sæpe exibant, improvisi hostes adoriebantur. Joannes Medicus, cui rex paulo ante trium millium peditum, ac trecentorum equitum præfecturam tribuerat, vir bellica virtute, ac militari ausu illustris, glande plumbea juxta pedis talum transfixus est, atque ob id Placentiam delatus praelio interesse non potuit.

*Joannes  
Medicus  
glande percussus Placentiam deducitur.*

Rex, ut appropinquantem Cæsareanum exciperet, in valle, quam Vernacula, rivus ex Parco fluens, præterlabitur, castra locat; a fronte, a tergo, atque a sinistro latere vallo, ac præaltis fossis circumcingit; a dextro in Parci Ticinensis muro satis sibi esse munimenti arbitratus; Mirabello præcipue, quod olim venationi operam daturi Mediolani Duces incolere consueverant, nonnullis equitum turmis, ac manipulis peditum firmato. Davalus ex adverso, sex instructis acierum ordinibus, quarum duæ equitum, quatuor peditum erant, exercitum disponit: peditum primam ex duobus Germanorum, totidemque Hispanorum millibus, admixtis Italis, constituit; huic Valtium Marchionem præficit: secundæ ex solo Hispano peditatu ipse Davalus præerat: tertiæ, & quartæ, quæ ex Germanis constabant, Proregi, Caroloque Borbonio parebant. Rebus omnibus ad pugnam ineundam comparatis, de omnium Ducum sententia vi. kalen. martias, intempesta nocte, castra movet: ante solis exortum per fabros lapidarios, adjuvante milite, passibus sexaginta muri solo æquatis, per ruinas Parcum ingreditur. Prima peditum acies Mirabellum,

*H. Mauroceni T. I.*

I 3

reli-

1525

reliquæ ad regia castra contendunt, statimque ad arma undique conclamatio in exercitu Gallico fit. Rex Parcum ingressos hostes certior factus, suis opem ferre: milites arma capere, Cæsareanis obviam ire, castrorumque relicta munitione, hosti æquo loco pugnandi potestatem facere. Primum Hispanorum agmen pugnam cepellit, emissoque summo impetu globorum ferreorum turbine, multos ex Gallis vulneribus, sanguine, cæde affectos retrocedere cogit. Gallicus equitatus cum Helvetiis peditibus insita ferocia a latereurgens Hispanos loco mover; verum subsequuti Germani cuneata acie Helvetios adorti, ingenti cæde illata, prosternunt, ac profligant. Tum equitum hastatorum numero, in quibus omnem victoriæ spem collocaverat, rex stipatus eximia virtute, infracto animi vigore, & corporis robore in certamen prodit; ac dum suos labantes, atque in fugam versos compescere, & redintegrare pugnam nititur, inter confertas hostium acies acriter dimicando sauciatus, equo, cui insidebat, graviter icto, excussus, densissima undique militum confluentium turba circumseptus, vivus in potestatem hostium venit: corporis proceritate, armorum rutilanti splendore insignem virum Prorex, qui eo accurrerat, conspicatus, ipsum jam quifnam esset palam ferentem, manu deosculata, summo honore nomine Cæsaris excepit. Eodem momento Alphonsus Davaus Gallicos equites, qui Mirabello infederant, dejecit, ac conficit, atque Antonius Leva cum Germanis Ticino egressus, Gallos a tergo invadit. Tunc undique in fugam versi, nemo consistere, nullus hosti frontem objicere, cuncta pavoris, ac trepidationis plena: jam non pro dignitate, & pro Regis salute certare; sed sævienti fortunæ cedere, ab hostibus vitam deprecari: ut ex tanto exercitu, prostrema equitum excepta acie, cui Carolus Alenconii Dux, Regis fororius, præfectus aderat, statimque conferto prælio se subdlexerat, pauci hostium vel ferrum, vel manus evaserint. Gallorum supra octo millia aut occisi, aut Ticini amnis aquis hausti: ex Cæsareanis septingenti circiter desiderati sunt. Ad hæc e Gallis proceribus multi occubuerunt, inter quos Gulielmus Gauferius, maris Præfectus, qui superiore anno improspere exitu in Insucribus dimicaverat, auctorque ine-

undi

*Gallorum  
ad Ticinum  
profligatio,  
& Franci-  
sei Regis  
captivitas.*

undi praelii Regi fuerat ; Scudus Lautrechii frater ; Jacobusque Cabaneus equitum Magistri , *Marescalli* a Gallis vocati , alique summi nominis viri . Regis fortunam reliqui fere duces subiere . Hic eventus Ticinensis pugnae fuit , qui sicuti non minus Regi , totique Galliae , quam Italiae luctuosus fuit , quae acriores bellorum tempestates inde perpeffa est ; ita Caesarem ; ejusque Duces e gravissimis periculis ereptos ingenti gloria , ac laetitia cumulavit , tantumque praedae e totius exercitus , castrorumque direptione , e manubiis , captivisque accessit , ut exantlatos labores , ac pericula opulentissima mercede supra vota compensarint . Atque in eodem die deletae Gallorum copiae , rex captus , Mediolanense imperium a Caesare recuperatum est .

## Finis Libri Primi.



## E P I T O M E.

**G**allia Rege captivo, audisq; Cesareanorum viribus, Italicorum Principum animi ob tuendam Italiae dignitatem, ac libertatem in varias curas distracti sunt. Primum in commune consulere, ac vires in unum conferre singuli animum induxere; at statim Clemens Pontifex ad Caesaris partes pertractus est. Franciscus Rex ex Italia in Hispaniam devedus, ob captivitatis tedium gravi morbo tentatus tandem convaleuit. Dum novi inter Caesarem, Italiaeque Principes foederis conditiones scribebantur, Davalus Franciscum Sfortiam tota Insubria, praterquam Mediolanensi, ac Cremonensi arcibus exutum, Mediolani obsedit, arctaque custodia adstrinxit. Gallia Rex iniquis conditionibus e carcere dimissus est. In Coniaci oppido foedus inter Galliae Regem, Pontificem, Venetos, ac Mediolanensium Ducem est percussum. Dum Caesar Italos Principes lenire, ac sibi conciliare nitebatur; Veneti minime interea cessandum rati, Laudem-Pompejam occuparunt; mox Mediolanum aggressi, incepto absistere coacti sunt. Foedere Coniacensi vulgato, dum, Modoetia capta, ad Mediolanum inter foederatos de oppugnanda urbe consulitur, Sfortia necessitate adactus arcem Hispanis tradidit. Cremonam a Baleonio circumsepsam Urbini Dux in Venetorum fidem recepit.



# HISTORIARUM VENETARUM ANDREAE MAUROCENI LIBER SECUNDUS.



RAELIO ad Ticinum inito, Gallorum profligatis copiis, Rege capto, proceribus in Cæsaris potestatem redactis, Alenconio Duce ex Italia quam citatissimo gradu abeunte, Mediolano recuperato, incredibile dictu est, quantum Caroli Imperatoris felicitas omnium Christianorum principum, Italo-

1525

rumque præsertim animis terroris incusserit, populorum omnium oculis prospectantibus, quoniam hæc ingens Gallorum clades, victriciaque Cæsaris arma essent evasura. Permovebant Imperatoris ætas, animus, occasio, magnam apud cunctos mortales, maximam apud principes vim habere solita: neque facile sibi suadere poterant; res ad eximias principem a prima juventa aspirantem, tantam sui nominis illustrandi, imperi-  
que

1525 que propagandi opportunitatem elabi per focordiam permiffum. Regem illum in potestate habere, cum quo fimultates, odiaque inteflina exercuerat, illuftrique æmulatione de Imperii dignitate paucis ante annis decertaverat: Gallias nihil non pro fui Regis libertate Cæfari conceffuras: præcipuam Italiæ partem illi obtemperare: exercitum Ducum peritiam, militum virtute, recenti victoria exultantem nihil non aufurum. His fiebat, ut qui potentia principes in Italia cinerent, Pontifex, & Veneti pro illius libertate dies, noctesque excubarent. Metuebat fibi Pontifex, quod Regi Gallorum adhæferat; quod Albanæ Ducem in Neapolitanum regnum bellum inferentem, per fuæ ditionis fines tranfeuntem comœtu, & milite iuverat; quod pro Rege in Infubrum poffeffionē retinendo, confilio; auctoritate, viribus enixe laboraverat. Senatus autem Venetus, quod copias ex foedere Cæfareanis flagitantibus conjungere detrectaverat, verebatur, ne ea re permotus Cæfar veteres inter Maximilianum, & Rempubliacam inimicitias, ac bella memoria repetens hoftile aliquid moliretur. Quocirca unum illud ad Italiæ incolumitatem, deufque retinendum hoc tempore fupereffe videbatur, ut Cæfari, fi victoria ad perfurbandam quietem, præfentemque rerum ftatum uti veller, communibus confiliis, ac viribus Clemens, Senatusque Venetus obfifterent. Eam fibi animo hædere fententiam Pontifex, neque focietatem abfque Republica cum Cæfare unquam habiturum, Senatui fignificaverat.

Verum Cæfareani Pontificem, Venetosque conjunctos effe ægre ferebant; unum hoc illis, quo minus ad nutum Italiæ principibus leges dicerent, pecuniamque, qua maxime egerent, ad deducendum exercitum colligerent, effe impedimento rati. Sejungere igitur amicos principes adoriuntur; Clementem ad fuas partes pertrahere; multis propofitis commodis, contendunt; Senatui, Clementis ratione pofthabita, facilia omnia apud Cæfarem fore pollicentur: propterea Joannes Sarmenius a Prorege Venetias miffus fuerat, qui partam ab Imperatore victoriam Reipublicæ gratularetur. Senatus vero Andreae Naugerio, ac Laurentio Priolo in Hispanias profectis, ut eodem officii genere uterentur, & de profpero ad Ticinum prælio Cæfari gratularentur, injunxit. Antonius autem Surianus

Bri-

*Joannes  
Sarmenius  
a Lanoe-  
Venetias  
miffus.*

*Andreas  
Naugerius  
& Lauren-  
tius Priolo  
ad Cæ-  
farem Le-  
gati.*

*Antonius  
Surianus  
ad Lanoe  
Legatus.*



Brixiae Prætor Reipublicæ nomine ad Proregem, Carolumque Borbonium eadem de causa proficisci iussus est. Verum longius prospiciens Senatus cum Pontifice agebat, ut communi consilio imminencia Italiæ pericula propulsarentur; id fieri absque dubio posse, si Pontifex, Senatus, Florentinaque Reipublica, quæ Clementis auctoritatem sequebatur, foedere inito, tantum copiarum equestrium, pedestriumque numerum instruerent, qui ad ditiones illorum tuendas, atque ad Cæsareanos, si quid hostile aggrederentur, arcendos sufficeret: ab auctoritate, potentiaque foederatorum minores in Italia principes non recessuros. Erant sane tunc Reipublicæ cataphracti equites nongenti, levioris armaturæ sexcenti, pedites ad decem millia, præter classem, quæ multis trirēmibus, magnis, parvisque navibus instructa facillime a Republica maritimis in rebus innutrita augeri poterat. Alphonsus Ferrariensis Dux ducentos sexaginta cataphractos, leviores equites quadringentos, non parvam militum manum habebat. Metaurensium vero Ducis ea erat sententia, duorum cataphractorum millium, mille quingentorum leviorum equitum, peditum triginta millium exercitu Italiæ libertatem, dignitatemque defendi, hostium impetum repelli, ac pro tempore non minima illis damna inferri posse: celeritate tantum opus esse videbatur: pecuniæ defectu, militum tumultu, variis incommodis Cæsaris undique pressis Ducibus, occasione utendum: non alienum ab Italis Henricum Angliæ Regem futurum, qui licet foedere Cæsari victus esset, atque ad prælium illius Duces incitandos Gregorium Casaliū in Italiam misisset, in immensum illius augeri vires, & penes unum leges belli, pacisque esse æquo animo minime laturus erat. His accedebat, quod a Cæsareanis pro novo foedere ineundo oblatae conditiones suspitione minime carere videbantur; cum præcipue Cæsar tunc in Hispania moraretur, neque ex illius consilio, & auctoritate quidquam decerni posset; quæque tractata de gravissimis rebus forent, comprobare, aut infringere in illius potestate esset. Cæsaris societati Italiæ libertatem, ac salutem prætereundum nihil aliud esse, quam acre adversus Gallos bellum, cunctis spectantibus, moliri; illis subactis, totius Christianæ Reipublicæ principatum Carolo deferre.

Qui-

1525

Quibus sane permotus Pontifex a foedere cum Cæsareanis ineundo animum averterat; Senatuque suadente, in Helverios ad peditum delectum habendum Verulano misso, undique copias cogere nitebatur, Jacobo Salviato, qui summa apud Clementem auctoritate pollebat, impellente, eandemque Florentinæ Reipublicæ mentem esse suadente, quæ Franciscum Victorium ad Pontificem miserat, atque illum, ut paci, & tranquillitati Italiæ prospiceret, omni officii genere fuerat cohortata. Ad hæc Ferrariensis Dux, viribus, pecunia, situs opportunitate maximo videbatur adjumento futurus. Is cum Pontifice amicitiae conciliandæ, veterumque odiorum memoriæ delendæ occasione arrepta, oratorem Venetias miserat, qui ducentos cataphractus, leviores equites quadringentos, de quibus supra diximus, Duces virtute, militarique disciplina insignes ad Pontificis nutum præstaturum polliceretur: Senatusque cum Clemente agebat, ut Duce in foederis societatem ascito, non minimum roboris exercitui adjiceret, ac libertatem, dignitatemque publicam firmitus tueretur. Neque alienus Clementis animus ab Alphonso videbatur; atque ut Henrici Angliæ Regis auctoritas accederet, suadente Senatu, Hieronymum Ghinnuccium Senensem in Angliam miserat, ut quo loco res Italiæ essent, Regi significaret, illumque impelleret, ut nimis Cæsaris potentiæ jam in omnium perniciem redundanti, auctoritate, potentiaque, quibus plurimum posset, obviam iret: id ipsum Reipublicæ nomine Laurentium Aurium Oratorem ad Henricum designatum significaturum. Dum hæc aguntur, Cæsareani nihil prætermittendum rati, ut in suas partes Clementem allicerent, pollicitatione, prece, minis agebant; illum detertere ab inceptis nitebantur; si id obtinerent, pecuniam militibus non defuturam arbitrati, reliquos Italiæ Principes, vel Pontificis auctoritatem sequuturos, vel certe cum Cæsare certaminis aleam nulla ratione subituros. Id ut facilius consequerentur, octo peditum Germanorum millia, quadringentos cataphractus, tria Hispanorum vexilla in Carporum ditione sita, in agrum Placentinum, qui una cum civitate tunc Pontifici parebat, Prorex immittit: minatur se, sexcentis adjectis levioribus equitibus, copias ad decem transmissum numerum auctas per Apennini juga in Campaniam trans-

*Hieronymus Ghinnuccius  
Clementis  
Legatus in  
Angliam.*

*Laurentius  
Aurius  
Legatus in  
Angliam  
designatus.*

1525  
*Capuanus  
 Archiepi-  
 scopus Pon-  
 tificem ad  
 pacem am-  
 plendam  
 fecit.*

missurum, Albaniae Ducem oppugnaturum; se vero cum pari militum exercitu Insubres defensurum. Interea Archiepiscopus Capuanus ex Hispaniensi legatione Romam reversus Pontificis animum nutantem, & in varias partes distractum ad concordiam cum Caesareanis Ducibus amplectendam flexit; atque, ut omnia e finibus Ecclesiae nascentis belli initia tollerentur, Ursinique, & Columnenses diversae factionis homines, qui milites, & arma ad res novandas comparabant, reprimerentur, Albaniae Duci Clemens auctor fuit, ut majori copiarum parte dimissa, e regno Neapolitano discederet: quo facto Caesareani quicquid militum in agro Romano haberent, statim missuros; Columnenses ab armis recessuros polliciti sunt.

Dux vero Sinuessanus Caesaris apud Pontificem legatus, ut penitus ad Caesareanos Clementem traheret, Proregis nomine de foedere adversus Gallos incundo, atque de sociis in illos armis vertendis, maximis propositis conditionibus, agebat; a quibus sane consiliis cum illius animum non parum abhorrere intelligeret, de praesenti rerum statu in Italia, inita societate, retinendo agi coeptum est. Clemens Senatus significat, necessitate adductum, ut rebus suis prospiceret, quas quamplurimis bellorum periculis, ac ruinis obiectas, non sine populorum clade, ac ditionis Ecclesiae detrimento, jam tum mente intueretur, praeterita consilia deferere coactum: non Italorum principum societatem, non copiarum incrementa probare; sed cum Caesareanis certis conditionibus in gratiam redire statuisset: enixurum, si ita Senatus visum fuerit, ut eodem foedere, ac societate Rempublicam complectantur. Ad haec Senatus, ne in re summi momenti, ex qua totius Italiae libertas, ac dignitas penderet, aliquid perturbato animo agat, vel nimio timore permotus decernat, hortatur: non eo loco res Caesaris esse, ut properanter, ac praecipiti consultatione in illius sinum ruendum sit: imminutas Caesareanorum vires, octingentos cataphractus, totidem, vel paulo amplius leviores equites, pedites quatuordecim millia illis adesse, quos pecuniae inopia sub signis vix contineri posse, ne dum novi aliquid hoc tempore moliri queant: summis laudibus efferre Pontificem, quod foedus adversus Gallos non modo Italiam, sed universum Christianum orbem incendiis bellorum, ac cladibus inflammaturum,

1525 rum, forti animo repulerit; suadere, ne aliquid de societate pro praesenti Italiae statu retinendo statuatur, priusquam Caesaris voluntas, ac mandata ex Hispaniis perferantur.

*Fœdus inter  
Clementem & Ca-  
sarem.*

Verum Pontifex, quem praesentia potius, quam futura urgebant, consilium amplexus, quo se, resque suas in tuto collocaret, & Caesareanorum stimulis, & suorum adhortationibus impulsus, non expectata Caesaris sententia, kal. aprilis cum Prorege fœdus iis conditionibus sanxit. *Primum, ut communibus armis, atque auctoritate Franciscus Sfortia Caesaris auspiciis in Insubrum possessione retineatur. Deinde, ut Caesar Pontificiae ditionis imperium adversus hostium injurias tueatur. Tum, ut in suam clientelam Florentinorum Rempublicam recipiat; Mediceae familiae dignitatem, atque amplitudinem nulla unquam de causa imminui in patria permittat: qui intra Ecclesiae fines detinentur milites, statim amoveantur: centum aureorum millia Florentini Caesaris Ducibus pendant. Quadrimestre spatium, ut hæc Caroli decreto firmentur, praefinitur. Venetæ Reipublicæ, ceterisque Italiae principibus viginti dies assignantur, ut æquis, honestisque conditionibus, si ita libuerit, in fœderis societatem coire possint. Atque his diebus Albaniae Dux classe regia cum Rentio Cerite ad Centumcellas exceptus, majori parte suorum amissa, in Gallias reversus est. Patres, cum Pontificem Caesari accessisse, minorisque auctoritatis principes eadem veluti tempestate jactatos, in eundem portum delatos animadverterent; multa secum animo vovere, maximis curis agitari; Galliae viribus consopitis, ac labefactatis, nulli rei, nisi Regis libertati aspirantibus; Pontifice adversus omnium opinionem in Caesaris partes protracto, quot superesse, qui illius potentiae, aut adversari, aut reluctari queant? Uni Senatui, & Reipublicæ libertatis, incolumitatisque Italiae onus incumbere.*

*Gaspares  
Sormanus  
& Francisci  
Regis ma-  
jore Venetias  
missus.*

Miserat sane per eos dies Ludovica Francisci mater, cui ob Regis captivitatem totius regni administratio obtigerat, Venetias Gasparem Sormanum cum literis, quibus Senatui significabat, omnia in Galliis tuta esse, neque ex adverso prælio, Regisque captivitate quidquam, quod vires amplissimi regni imminuere, potentiam, ac majestatem possit, pertimescere: rogare, ut quæ semper fuit erga Venetam Rempublicam Re-  
gis

gis benevolentia , ac nobilissimæ gentis in Venetum nomen propensio , pro eadem officio , auctoritate , viribus nitatur , ut Regi de Republica , ac de toto Christiano orbe optime merito ex indignissima servitute erepto libertas restituatur , qua salus , atque incolumitas rerum , filiorum , ac totius Galliæ regni , veluti fulcimento , sustentatur . Ad hæc rescribere Patres , ægerrime Regis casum Rempublicam tulisse , nihilque accidere illi molestius potuisse , quam Regem illum , quem semper summa observantia coluerat , in has ærumnas incidisse . Ceterum tela istiusque fortunæ , qua varie humanæ res commoventur , ac veluti fluctibus agitantur , fortiter perferre id demum esse animi vere regii ; cum præcipue res eo loco sint , ut omnia sperare fortunatum exitum jubeant ; atque incredibili providentia totius regni incolumitati , sapientissimis reginæ consiliis , prospectum fuerit : nihil magis Senatui cordi esse , quam ut celerime rex pristinam libertatem consequatur ; in eo omnem operam , studium , curam , quantum in se erit , adhibiturum . Verum magnas res sæpius prudentia , & cunctatione mortales assequi ; quocirca cum opportunitas affulserit , nihil ad tantam rem consequendam Senatum prætermisurum . Eodem ferme tempore Hieronymus Caracciolus , & Alphonsus Santius , ut novum fœdus a Republica cum Cæsare iniretur , a Senatu flagitabant . Patres minime de nova agere societate , cum prior sufficere videretur , necessarium arbitrabantur ; cum acrius instarent , ne difficillimis temporibus prorsus pacis consilia aspernari viderentur , Senatus decreto responsum est . Si in ea sententia permaneant , novique fœderis Pontificem caput , ac principem esse velint , non recusaturos . Verum cum in dies mora negotium protraheretur , & Pontifex cum Cæsareanis concordiam , pacemque firmasset , Mediolani Dux , Prorege non dissentiente , Equitem Bilium Venetias misit , qui Collegium ingressus Ducis nomine significavit , mentem Proregis esse , ut novi fœderis mentione præterita , vetus confirmaretur : cum copię Reipublicæ Ticinensi prælio non interfuerint , & ob id , ut militum numero pares hostibus essent , ingentes impensas efficere Cæsareani coacti fuerint ; æquum censere , ut ea vis pecuniæ , quam ratio exposceret , a Republica perfolveretur : petere idcirco aureorum millia centum , & viginti .

Ea

*Senatus ad  
Reginam  
responsio.*

*Eques Bi-  
lium a Pro-  
rege , &  
Sfortia Ve-  
netias mis-  
sit.*

1525

*Petrus Pefareus a Venetis Mediolanum missus.*

Ea re in consultationem adhibita, placuit, ut Petrus Pefareus legatus Mediolanum renovandi foederis causa proficisceretur, cui perampla a Senatu cum Prorege paciscendi auctoritas impertita fuit; dummodo mandata, quæ ad negotium peragendum requiri solent, non desiderarentur. Verum cum nullam Prorex a Cæsare tanta in re conficienda auctoritatem haberet, mora, ac novis eventibus nihil perfici potuit.

*Franciscus rex captivus Pisleonem perducitur.*

Interea Franciscus Galliarum rex qui post Ticinensem captivitatem Pisleonem perductus, regio cultu exceptus, & honorificentissime habitus fuerat, summo studio, ac diligentia in arce servabatur. Is cum primum eo post prælium perductus fuisset, literas ad matrem dederat, ut nuntiis Cæsareanis in Hispaniam proficiscentibus, tutum per Gallias iter agere liceret, eo gratiam Caroli Lanoji Proregis sibi conciliatum iri sperans, auctoritateque illius libertatem a Cæsare adepturum. Id non modo ultro a Regina concessum est; sed etiam per eundem, qui victoriæ nuntium ad Cæsarem ferebat, literæ additæ, quibus illum enixe obsecrabat, ne in tanta victoria, tam secundis rerum eventibus humanæ fortis oblivisceretur, Regemque sibi affinitate conjunctum, in illius manus prolapsum, clementia, & mansuetudine, quæ vere imperatoriæ virtutes sunt, erigeret, ac recrearet: tempus affore, quo illi pro immortalis beneficio non inferior gratia redderetur. Cæsarem tantæ victoriæ nuntio accepto, fama fuit, nullum lætitiæ signum, ne vultu quidem, dedisse; sed immobili, quam in utraque fortuna gerebat, animi constantia gestientis gaudii stimulos cohibuisse; & ne publica, quæ assolent, a populis victoriæ argumenta ignium, æris campani, ludorum, spectaculorumque ederentur, penitus prohibuisse: supplicationibus tantum Deo Optimo Maximo Cælitibusque decretis, qui sua illum providentia complexi aditum perhonorificum ad pacem Italiæ, atque totius Reipublicæ Christianæ firmandam aperuissent. Ceterum rex moræ impatientis, cum varia ob impedimenta, & difficultates libertatem sibi aut differri, aut negari animadverteret, in dies animi, mentisque curis contabescebat; nunquam e captivitate solutum iri arbitratus, nisi Carolum alloquendi sibi potestas permitteretur: quambrem ut in Hispaniam ad Cæsarem perduceretur, a Prorege eni-

enixe flagitabat. Postulatis Prorex tandem assensit, atque ut iter a Gallis tutum in Hispaniam foret, Annas Momorantius ad Ludovicam Regis matrem citato itinere profectus est, ejusque jussu sex e Massiliensi portu deductis tririmibus, Regem, Lanojo comitante, ad Delphini portum (quod viginti passuum millibus in orientali tractus Genuensis parte a Genua distat) offendit; inde mutato itinere, cum suis, sexque Gallorum tririmibus ad occidentem Hispanias versus flexit, ac Barcinonem delatus, mox Madritum Franciscus perductus est.

*Franciscus  
Rex Madritum  
perducitur.*

Rege ex Italia in Hispanias advecto, magna Principum Italarum immutatio subsequuta est, jactaque suspicionum semina in dies augeri coepere: Italiae totius ad imperium Carolum aspirare. Cur enim, si id illi, ut maxime prædicabat, cordi erat, ut bellorum procellis agitatam provinciam, Christianamque rempublicam stabili, firmaque pace sublevaret, non statim æquis conditionibus Rex de Ecclesia optime meritis magnanimo consilio libertate donatus? cur tot itineribus emensis, in penitiora Hispaniæ loca adductus; nisi ex illius libertate ingentem auri vim, Galliarum partem, Italiae principatum adipisci in animo habeat? ac Regis ærumnis, & calamitate ad res suas amplificandas, extollendasque fortunas usurus sit? Jam enim fama pervulgatum erat, in sequentem annum, ut de more Augustali corona insigneretur, Cæsarem in Italiam venturum, atque nobilissimæ provinciæ statum ad libitum compositurum. Idque haud difficile Carolo fore plerique arbitrabantur; utpote qui Neapolitanum regnum obtineret, Insubres subegisset, intra viscera Italiae exercitum victoriæ assuetum haberet; cujus nutum, ac potentiam minores Italiae Principes sequuturos; urbes, & oppida multa in suam potestatem redacturum; in iis milites, exercitumque distributurum; pecuniæ vim ingentem comparaturum, qua & copias veteres continere, & novos delectus habere posset. Denuo itaque a Clemente, atque a Senatu consultitur, quam potissimum ratione ab imminentium malorum formidine Italiam liberarent, metuque Italos solverent. Licet enim concordiam cum Cæsareanis Pontifex nuper iniisset; attamen rerum præteritarum memor, quas alte menti Imperatoris infixas esse non ab re verebatur, plus timendum ob insitam Regum, ac Principum ambitionem, dominandi-

*H. Mauroceni T. I.*

K

que

1525 que libidinem, quam pactis fidendum esse censebat. Senatus vero Venetus, qui tanquam ex specula libertati Reipublicæ, atque Italiæ semper prospexerat, minime tutum arbitrabatur, res tam magnas, tam ingentes fortunæ, casuique committere, atque iis Italos Principes præsidii nudatos esse, quibus se, relique suas tueri, ac Cæsaris vastis, quæ ferebantur, consiliis obfisti posset. Huic rei duo præsertim conducere; primum si inter omnes Italiæ Principes societas iniretur; deinde si Ludovica Francisci mater, quæ pro filii libertate sollicita nihil non factura esset, Italorum conjunctis animis, ac viribus, in spem Regis liberandi, quem adhuc arcta Cæsar detinebat custodia, erigeretur: non alienum ab his consiliis Franciscum Sfortiam futurum; cum præcipue post tot labores, ac vigilas, quas pro avito retinendo imperio exantlaverat, spes tantum incertas, inanesque captaret: quamvis enim Prorex Mediolanensis ducatus diploma penes se esse palam affirmaret; duodecies tamen centena aureorum millia a Sfortia prius persolvi petebat, ut iustis Insuorum titulis imperatoria auctoritate frui liceret; quæ res tantum ejus animo desperationis injecerat, ut nunquam se Mediolano potiturum putaret; ad retinendamque illius possessionem omnia hæc a Cæsareanis inventa esse crederet. Itaque Reginae matri incredibili filii amore æstuanti, neque diutius captivum ab Imperatore detineri æquo animo ferenti, suadent; nulla ratione facilius voti compotem evasuram, quam si cum Italis Principibus arcto societatis vinculo jungatur; una hac re moras omnes abrumpi posse: Galliis Rege amisso, Italorum disjunctis animis, victoria elatos Cæsaris spiritus nihil non mente moliri, aut sibi polliceri; qui si Italos Principes cum potentissimo regno, fortissimaque gente in Regis libertatem conspirare senserit, tum demum consilia, ac conatus emolliturum. His de rebus cum Alberto Carpeni, qui Regis nomine apud Clementem legati munereungebatur, agi coeptum est, a quo Laurentius Hetruscus in Gallias per dispositos equos missus est, ut quæ mens Italorum esset Principum, Reginae significaret; atque ad foedus percutiendum mandata in Italiam afferret.

*Dominicus  
Saulus  
Sfortia  
Orator ad  
Clementem.*

Interea Franciscus Sfortia Dominicum Saulum Romam miserat, ut Clementi patefaceret, nihil vehementius se cupere, quam



quam ut foedus pro communi libertate, & incolumitate sanciretur, inconcussaue societate Pontifex, Senatusque Venetus cum Gallis jungerentur: illorum consilia, atque arma sequuturum. Cum vero quæ ad negotium hoc conficiendum auctoritas requirebatur, a Laurentio Hetrusco allata non fuisset, ab Alberto Gallorum Oratore secreto Sigismundus, horum consiliorum particeps, ad Reginam mittitur, atque eodem tempore Episcopus Bajucensis, qui Reginæ nomine Orator Venetias venerat, una cum Ambrosio Florentio ordinario legationis munere fungente, omni studio a Senatu contendebat, ut quam primum Sigismundo e Galliis regresso, in foedus, & societatem cum Italis, Gallisque descenderet. Ad hæc Patres, Pontifice cum Florentina republica ac Francisco Sfortia consentientibus, ab iisdem consiliis non discessuros pollicebantur. Ea mirum in modum a Pontifice probabantur, veteribusque cum Ferrariensi Duce dissidiis, recentibusque injuriis compositis, eadem adstringi societate non renuebat, atque his præfidiis Italiam conservari posse censebat. Ferunt, Ferdinandum Davalum auctoritate, & disciplina militari conspicuum, tot egregie in Italia pro Cæsare gestis, ac recenti victoria priscom ducum laude æquata, cum sibi parem gratiam minime referri ægre ferret, palam de Carolo conquestum: id Hieronymo Morono, in quo viro Franciscus Sfortia omnia consilia, mentemque reposuerat, aditum a Cæsare Davalum alienandi aperuisse, magnisque illi propositis præmiis, ut Italis Principibus accederet, suasisse; ab his ingentia virtutis decora expectari posse, totius exercitus imperatorem futurum, Neapolitanumque regnum adepturum: ab ea re, modo absque dedecore, & prodicionis nota confici posset, non abhorrere Davalum prætulisse, juris civilis, pontificiique doctores consuluisse; liceretne Neapolitano homini, & Cæsari subiecto, Pontifici, qui supremum jus in Neapolitano regno obtineret, absque dedecore, fideique labe, adhærere: illos vero, non modo licere, verum Pontificiis mandatis parere, civili, pontificioque jure cogi, respondisse.

Rerum, quæ in Italia agerentur, incertis rumoribus in Hispaniam perlatis, Cæsar, quid de captivo Rege agendum esset, frequentia consilia habere coepit; atque ii, quibus dicendæ sen-

*Episcopus  
Bajucensis  
Gallia Orator ad  
Venetos.*

*Cæsaris consilia de Rege liberando.*

- 1525 tentiæ facultas erat, in diversas partes scindebantur. Cum enim maxima ex Regis Gallorum captivitate commoda comparare sibi in animum induxissent; nempe, ut Burgundionum provinciam opulentissimam, atque in visceribus Galliæ sitam, quæ olim Cæsaris majoribus obtemperasset, illius imperio adjicerent; ac Italiæ, cujus Principes prisca decoris, & libertatis memores exterorum nomen semper invisum habuerant, fræna injicerent, ut nullo reluctante, in ea dominari possent: his potissimum Pontificis, Reipublicæque societatem, quorum auctoritatem, viresque reliqui Principes sequuturi erant, adversari intelligebant: neque enim Gallos Principibus Italis suffultos a suis rebus alienis conditionibus assensuros; neque Italos in ipsorum perniciem Regis potentiam imminui passuros. Quæ res difficultatis plurimum consulentium animis offuderant, ut non satis sese explicare possent; cum præsertim Franciscum Regem dixisse ferretur, trium optionem Carolo facere; aut se æterno carcere vincum teneret; aut insigni liberalitate pristina libertate donaret, se tanti beneficii memorem, ac gratum in omni vita futurum; aut, si tanta Burgundiæ potius animus Cæsaris cupiditas invaserit, ut e vinculis se eximat, concessurum; amicitiam nulla ratione initurum; sed omnia hostilitatis signa editurum. Verum cum, ut morem Regi mater gereret, filiumque misera detentum captivitate solaretur, una cum duobus legatis Parisiensi Præside, ac Ombruni Episcopo, Margaretam filiam Francisci sororem, nuper Carolo Alenconio Duce defuncto, viduam, mittere in Hispaniam decrevisset; ejus adventu amicitiae reconciliandæ, ac firmandæ pacis rationes inveniri posse sperabat. Interim Rex carcere, animique ægitudine confectus in morbum incidit, cujus vi ad interitum pene redactus fuit; ita ut Cæsari Segobiæ existenti nuncius advenerit, si Regem videre, atque alloqui vellet, quam celerrime Madritum proficisceretur: qui, licet jam animo statuisset, Franciscum non nisi amicum allocuturum; rei tamen novitate perculsus statim eo convolvavit, atque cubiculum, in quo Rex ægrotabat, ingressus, cum ad lectulum propius accessisset, humanissimis verbis usus, illum ad pristinam sanitatem, ceteris sepositis curis, recuperandam est adhortatus. Ex eo colloquio plurimum Regem recreatum, medicos in spem suæ salutis

*Francisci  
Regis ægri-  
tudo.*

lutis crexisse. Die crastino rursus invisente Carolo, Regem dixisse ferunt, *se jam confessionibus animam expiasse; Divinum Eucharistie Sacramentum percepisse; se jam omnium mortalium fini propinquum esse intelligere: quapropter Cæsari filios mirum in modum commendare; illius esse magnanimitatis tueri ipsos, ac fovere; rogare, ne ab iis præterquam iusta, & honesta postulet.* Carolus Regem consolatus ad bene sperandum benigne crexit.

Interea Margareta Regis soror ex Galliis per Valentiaë fines Madritum supervenit, Cæsaremque obvium habuit, atque illam ingentem animi dolorem lachrymis, & ejulatu testantem cum humanissime excepisset, ad Regem perduxit, Toletumque reversus est. Rege vero, licet varie vi morbi conflictato, modo ad interitum, modo ad salutem vergente, pristinam valetudinem tandem adepto, ut quamprimum de pacis conditionibus a legatis, ac Margareta ageretur, Cæsaris præconsultores laborabant, veriti, ne humano aliquo casu victoria fructus, captivique Regis occasio e manibus eriperetur; Davalo præsertim suspecta omnia in Italia esse scribente, novaque confilia quotidie adversus Cæsaris dignitatem, imperiumque moliri significante. Verum res summis obvoluta difficultatibus erat, multaque a Cæsareanis petebantur, quæ a Gallis non nisi summo cum dedecore, ac detrimento concedi possent: in iis, ut Burgundionum provinciam libere Cæsari restituerent. Carolo in Italiam ad coronam de more suscipiendam cum exercitu proficiscenti, dimidiam stipendiorum partem persolverent, & cum classe præsto essent: copiis, quæ Gallis militabant, Imperator in Italia, aut Germania, aut adversus quos sibi, aut fratri Ferdinando collibuisse, uteretur: ab iis, quibus nunc amicitiiis, ac foederibus adstrictus esset, Rex abstineret; neque in posterum nova inire, nisi arbitrato Cæsaris, posset. His indignissimis conditionibus Galli nulla ratione assentiebantur: nam quod ad Burgundiones attinet, remittere Carolo non abnuebant; dummodo Gallorum, & Cæsaris in ea provincia jura dispicerentur, ac lege ad quemnam spectaret, disceptaretur. Sed nihil æque commovit, quam illud, quo amicos, foederatosque suos Regem deserere præcipiebatur: hoc uno Gallorum gentem in servitutem conjici; hoc

1525

nobilissimum, ac potentissimum regnum, quod egregia omni ætate pro amicis, fœderatisque suis facinora suscepit, æterno dedecore affectum maculari: in cunctos semper beneficum, ac munificentissimum Principem ingrati animi aspergi nota; cum ab iis, a quibus in omni fortuna adjutus, cultusque sit, turpiter desciscere cogatur, brevi ex amicis hostes evasuros. Re itaque infecta, Regis foror in Galliam revertitur.

Sed duo potissimum hac tempestate acciderunt, quæ Gallorum maxime rebus favere visa sunt: primum, quod Henricus Angliæ Rex, licet Carolum ingentibus promissis onerasset, se, exercitu trajecto mari in media Galliæ viscera immisso, cuncta devastaturum, ac præsentī occasione, qua omnia in pavore, & fluctuatione consiliorum versabantur, ad suum, Imperatorisque imperium augendum usurum; attamen, ut sunt incerta Regum consilia, & plerumque magis ad propriam utilitatem, quam ad fidei constantiam exigi solita, nimia Cæsaris felicitate commotus, veritus, ne Gallorum fractis viribus, ac imperio debilitato, gradum sibi ad totius reipublicæ Christianæ principatum strueret, clam cum regina pepigerat, & Imperatore relicto, ad amicitiam cum Gallo redierat: quæ res summopere Cæsareanis molesta fuit. Alterum vero, quod quotidie nuntii in Hispaniam perferebantur, Italis Principibus suspecta omnia consilia Cæsaris esse; inter illos societates initas fuisse; militum delectus haberi; comparari exercitus; nihil prætermitti, quo minui potentia Cæsaris, viresque in Italia frangi possent. In primisque Davalus Carolum monebat, ne diutius ancipiti consilio tempus tereret; hoc rerum statu in dies copias evanescere; auctoritatem, dignitatemque Imperatoriam contemptui esse; cuncta denique in pejus labi; suspensos Italorum animos suspicari, hæsitare; in agro Romano quatuor peditum millia ab Anguillariæ Comite coacta; Helvetios in procinctu esse, ut in Galliæ Cisalpinæ plana descenderent, ut, si quid humani Francisco Sfortiæ, qui tum gravi morbo distinebatur, accidisset, Maximiliano ejus fratri Infusbrum imperium deferretur: cum Republica nondum fœdus percussum fuisse; copias illi & numero, & virtute non parvas, neque contemnendas esse; petere, ut quam maxima sibi argenti, aurique vis mitteretur, ut milites continere, ac si ita

oc-

occafio ferret, exercitum augere poffet. Conftans fama fuit, Ferdinandum Davalum animo erga Italos infenfum, Hieronymo Morono callide in fuam amicitiam illecto, folerter ab eo Itolorum Principum confilia exquisiviffe, atque ob id alienum fe a Carolo animum gerere fimulaffe; multa cum illo colloquia adverfus Cæfarem feviffe: hoc aftu multa Cæfari fignificaffe, ex quibus poftea ea fubfequuta funt, quæ majoribus periculis Italiam, totamque Chriftianam rempublicam implicarunt.

His acciderat, ut qui Cæfari a confiliis effent, in diverfas fententias diftracti jam eo omnium rerum fummam redegiflent, ut; vel cum Gallo aliqua concordie ratio inveniretur, ut mox Italiam fubigere, ac fuo arbitratu moderari Cæfar poffet; vel ex Itolorum Principum animis omni fufpicionum nube difcuffa, illos in focietatem reciperet, Gallosque cogeret, ut fi Regis libertatem vellent, a Carolo leges amicitie, & pacis acciperent. Priori fententie Carolus Lanojus Prorex, atque Ugo Moncata præcipue favebant, quod abfque Gallorum focietate nihil egregii a Cæfare agi poffe contenderent; Rege amico, reliquorum Principum potentiam, ac vires minime pertimefcendas, vel belli impetu, vel pacis torpore totam Italiam demum in fui potefatem cafuram; provinciam, urbium nobilitate, populorum numero, omnium rerum copia, ac fitus præfertim opportunitate, cunctis non Europæ modo, verum totius orbis regionibus præferendam, qua Romani rerum domini, prifcique Imperatores gradum ad terrarum orbem fubigendum, monarchiamque ftatuendam ftuxerunt. Quæ cum ea tempeftate fere omnis Cæfari parceret, & quod reliquum in ea efferet, ex plurimorum Principum finibus, viribusque penderet; quis ambigat, inquiunt, Gallis vel faventibus, vel non repugnantibus, brevi Cæfaris imperio adjectum iri? Sfortiane beneficiarius Cæfaris imperata facere recufabit? Is vero fi, ut fertur, reliquis Italis adhæfit, ut omnem errati a fe culpam amoveat, maculamque, fi qua infectus eft, detergat, ac delectat, a Cæfaris majeftate, nutuque pendebit. Quis vero nefciat, Pontificem pecunia, copiis parum poffe; urbes factionibus divifas; fubditos male animatos; oppida minime munita, nullum Cæfari negotium faclurum? Superefce tantum Venetam

1525 netam Rempublicam, quæ licet terra, marique satis amplum imperium obtineat, unde pedestres, equestrisque copias comparare, & classes instruere possit, Imperatori, ac Regi conjunctis obfistere qui poterit? Cuncta idcirco Caroli fortunæ, ac felicitati prospera eventura: neque vero ambigi posse, Regem ab hoc consilio non aversum fore; cum nullo sui regni detrimento, quod maxime concupivit, sed aliorum damno libertatem consequuturus sit; qua insigni Cæsaris magnanimitate, ne ingrati nomen subeat, devinctum perpetuo futurum.

Alii, in quorum numero magnus Scriba, & Magister, ambo Italia orti; ambo odia, & similitudines cum Prorege exercentes, Gallisque natura infensi, Imperatori suadebant, ut Italos Principes sibi benevolentia, arctoque fœderis vinculo neceretur: Regem spe, atque auxiliis Italorum destitutum imperata Cæsaris facere coactum iri, qui hucusque nobilissimæ provinciæ humeris sustentatus flectere animum ad Caroli postulata renuerit: non alia re magis aut Burgundiones in potestatem redigere, aut firmioribus radicibus suam potentiam coalescere posse, quam si Italos benigne complectatur, Gallos vi cogat, illorum societate firmum in Italia imperium, tutumque ab hostibus habiturum. Contra a Gallorum gente semper sibi pertimescendum, quæ natura impatiens, novarumque rerum appetens, bella e bellis ferere solita sit; atque Hispanorum æmula, ac fortunæ Caroli adversa, nunquam quietura sit, donec cuncta sanguine, cæde, excidiis urbium, & cladibus populorum redundarint; Rege præsertim, tot viris suæ gentis amissis debilitato, recenti victoria fracto, captivitate, diuturnoque carcere fesso, cujus rei memoriam nunquam sibi ex animo elapsuram, cunctaque ad ultionem consilia, vires amicos paraturum. In hanc sententiam vergere Cæsar, præconsultores fere omnes, uti tutiori adhærere, eo actiones omnes dirigere.

Itaque Michaellem Herreram, Alcantaræ ordinis Equitem, in Italiam mittunt, virum & Italicarum rerum peritia probatum, & disciplinæ militaris gnarum. Mandant, ut Cæsareanos duces Davalum, Vastium, Levam adeat, mentemque Imperatoris significet: Romam deinde ad Clementem proficiscatur;

tur ; quæ in Hispania cum Laurentio Salviato Legato acta , pactaque sint , exponat ; ut iis assentiatur , a Pontifice postulet . Eidemque in mandatis dant , ut Cæsaris sententiam de foedere cum Venetis incundo Hieronymo Caracciolo patefaciat : hac ratione ex Italorum Principum animis dubitationem omnem eximere , fluctuantemque Italiæ statum firmare rati . Pontifici suadere nitebantur ; numquam aversum Imperatoris animum a pace Italiæ fuisse ; statim commisso ad Ticinum prælio , elatum victoriæ exercitum , robore , numeroque militum præstantem , ne bellorum facibus florentissima provincia æstuarer , cohibuisse ; eandem illi insidere mentem , pacatam Italiam , felicemque exoptare . Quod vero nonnulli ipsius adventum ad coronam ex vetere instituto suscipiendam reformident , vereanturque , ne si armatus Italiam ingreditur , novas res moliri , præsentiaque turbare velit ; pellere se e mentibus omnium vanos hosce timores velle profitetur : non ingentibus copiis , classibusque ; sed exiguo comitatu in Italiam venturum , ut more majorum inauguraretur , nemini molestiam illaturus . Tum si , ut maxime cupit , cum Italiæ Principibus pacem , societatemque sanciverit , concordiam cum Rege iniverit , Hispanos milites omnes ex Italia amoturum pollicetur , & adversus religionis hostes in Africam missurum . Ad hæc perficienda ducentorum aureorum millia exposcere , quæ , non nisi consensu classe , militibus quinque portionibus persolvantur , a Cæsare una , a Pontifice altera , tertia a Republica , quarta a Mediolanensi Duce , ac Florentinis , quinta a Lucensibus , Genuensibus , ac Senensibus : Venetis abnuentibus , pro quarta parte a reliquis portio Reipublicæ pendatur : atque ut omnis dissensionum leges amputaretur , quæ ex Mediolanensi ducatu sæpius orta , potentissimos Principes ad arma incitaverat , atque in Insubrum provincia , veluti campo , cæde , sanguine , ingentibusque cladibus certantes exercuerat , si fato Francisco Sfortiæ modo ægrotanti aliquid contigerit , Carolus Borbonius Dux constituatur , qui a foederatis communibus armis , ac viribus tueatur : verum pristinæ salutis , atque incolumitati Sfortia restituto , quam sibi videbitur , uxorem Carolus assignet . Tandem de Regiolepido , Ruberiaque oppido cum inter Pontificem , ac Cæsarem jam diu contro-

ver-

1525. versâ fuerit, ut iis amicorum decreto finis imponatur, utrinque assensum est: & quadraginta interim nummorum millibus Clementi oppignerentur. Hæc illorum summa fuit, quæ Cæsaris nomine cum Pontifice agebantur.

Hieronymum vero Caracciolum, qui de novo cum Venetis fœdere ineundo sedulo agitabat, acriter urgent, ut omnibus amotis impedimentis, rem perficiat. Tribus porro capitibus, quæ in controversia erant, contineri videbantur: primum, cum ex priori fœdere ad Franciscum Sfortiam in Mediolanensi dititione retinendum, & conservandum Senatus cum octingentis cataphractis equitibus, sex mille peditibus, certoque tormentorum bellicorum numero teneretur; petebant Cæsareani, ut copiarum loco pecuniæ vim certam penderet. Eam rem plurimis de causis probare Patres non poterant: neque enim e dignitate Reipublicæ censebant, ut quæ superioribus bellis suis copiis, Ducibusque præclara multa egisset, illius nunc societas pecuniæ tantum erudendæ causa requireretur; plurima semper obrentui Cæsareanis futura, quibus ad illorum exercitus alendos, ac sustentandos aurum, argentumque flagitarent. Belli rumoribus, ac suspitione emittere exercitus, duces, legatos, imperatores pro finibus, pro agris, urbibus, oppidis tuendis oportere, quæ fieri absque pecunia nequeant: ea cum maxime indigeas, aliis suppeditare qui possis? Alterum vero de exulibus, & eorum, qui superioribus annis a Republica defecerant, Maximilianoque adhæserant, bonis restituendis, erat; quæ Cæsareani in eorum gratiam concedi petebant, neque a Republica facile admitti poterant, cum fisco adjudicata, & sub hasta a magistratibus venumdata ad aliorum manus pervenissent. Tertio capite petitiones pecuniæ continebantur, quam Prorex a Republica postulaverat, quod illius copiarum Ticinensi prælio non interfuissent. Verum, ut amputatis difficultatibus, neque copiarum loco pecunias exigeret, neque de extorrum bonis restituendis verba faceret, Caracciolo mandatur, illam tantummodo, quam vellet Senatus, aureorum summam Cæsari persolveret.

Eodem die, quo per Herreram hæc in Italiam perlata sunt, qui fuit iiij. nonas novembris, nuntii de Hieronymi Moroni captivitate, ac magna rerum apud Insubres mutatione super-

vene-



venere. Dum enim ea, quæ diximus, in Hispania agebantur, cunctaque in Italia suspitionis plena essent, Ferdinandus Davalus exercitum, qui æstate in Taurinis stativa habuerat, in Mediolanensem agrum duxit; cumque Novariam pervenisset, statim Hieronymum Moronum per literas vocavit, qui licet novitate rei permotus plura animo volvere, & agitare cœpisset; nunquam tamen adduci poterat, ut aliquid adversus se moliri cum arbitraretur, quem amicum semper expertus fuerat. Itaque etsi initio moras necere, ac differre statuisset, illius adventum denuo flagitante, & si qua in Moroni animo hæsitatio orta fuisset, depellere Davalo adnitente, Novariam se contulit; atque hilariter exceptus, variis de rebus cum illo loquutus, cum discedere vellet, a militibus, Antonii Levæ jussu, comprehenditur. Hujus rei nuncio ad Franciscum Sfortiam delato, vix dici potest, quanto animi mœrore, ac consternatione repente dejectus sit. Tamen ut suis prostratis momento rebus opem ferret, illico Jacobum Philippum Saccum ad Davalum proficisci jubet; illum a cœptis desistere suadeat; suum erga Cæsarem obnixum studium, animique observantiam testetur; mirari, quod Moronum, virum de se optime meritum, cujus opera bello, paceque usus sit, in carcerem conjectum detineat. His auditis, respondet Davalus, se Sfortiam hortari, ut civitates, munitioraque Insubrum oppida Cæsaris nomine suæ custodiæ committat; sic enim (qua ipse agebat) mente erga Carolum fuerit, cognita, a justissimo Principe illius fide, ac propensa voluntate, sedatisque Pontificis, & Reipublicæ Venetæ suspitionibus, quæ non obscuris rumoribus undique ferebantur, fore, ut egregio auctus fœnore, cuncta Cæsaris munificentia, ac liberalitati accepta referat: ni id faciat, vi illum, & armis ad rationem redacturum minatur. Repentino, ac inopinato eventu commotus Franciscus Sfortia, cum neque consilio, neque viribus par Davalo ad obsistendum foret, qui exercitum in Insobrum visceribus habebat, Italosque Principes ad tantam belli molem, quæ jam Italiæ impendere videbatur, sustinendam impares esse intelligeret, satius tempori cedere, quam præcipiti consilio adversæ fortunæ aleam subire existimavit. Itaque Insobrum cuncta oppida, civitatesque,

Medio-

1525 Mediolani, Cremonæque arcibus exceptis, quas ad sui corporis tutelam retinere affirmabat, Davalo permisit: hac ratione illius mentem lenire, ac si qua Cæsaris animo de illius fide suspicio hæserat, delere arbitratus. Fefellit Principem opinio: nam illius vel facilitate, vel imbecillitate, vel, quemadmodum ipse præferebat Davalus, ob auctam suspicionem, maiora postulare, ac omni imperio exuere Sfortiam statuerat; ut tandem ab adhortationibus ad vim, atque arma deventum sit. Nam Ticino egressus cum ducentis cataphractis, trium milium peditum numero, magna leviorum equitum manu, decem & octo æneis machinis, Mediolanum Davalus ingreditur, Ducique, qui se intra arcem e gravissimo morbo convalescens continebat, significat, eo se animo urbem introiisse, copias immisisse, ut arcem nomine Cæsaris recipiat: quocirca quamprimum sibi illam, uti Caroli personam gerenti, tradat, extrema alioqui omnia, nisi obtemperet, passurum.

Indigna res, ac intoleranda videbatur, Principi, tota adnidente Italia, in avitum dominatum restituto, indicta causa, imperium, ac libertatem eripi: crumpere jam, ac in lucem prodire Cæsareanorum consilia, qui opportunum augendæ potentiae tempus nacti, modo Gallos, modo Italos eludendo, cunctationibus dissentos eo adegerint, ut veteris gloriæ, militarisque virtutis obliti, impune grassantes Hispanos, & per omne nefas ruentes perferant, nobilissimæ provinciæ cervicibus jugum imposituros. Verum Franciscus Sfortia tot rerum angustiis undique circumseptus Davali postulatis nulla ratione obtemperare statuit; ac ne mentem insolentis viri obfirmatam ad maiora, & periculi plena facinora impelleret, modeste respondet; suam erga Imperatorem observantiam, nullis aut præmiis, aut metu concussam fidem commemorat: duas sibi tantum Mediolani, Cremonæque arcēs reservasse; reliqua illi permisisse, non ut hoc facto Cæsaris commodis, gloriæque officeret; sed ut vitam aliquando pro ipso obijciendam incolorem tueretur. Non preces, non officia, aut obsequia apud Davalum valere, quominus in sententia obstinate permaneret; maiora etiam, atque intolerabiliora flagitaret: arcem nempe Cremonensem dederet; Mediolanensem quamprimum traditurum polliceretur; Joannem Angelum, primum a secretis

tis virum, ea de causa obsidem traderet. Ad hæc Sfortia, arces nullo firmiori præsidio, quam suæ erga Cæsarem fidei inniti posse; Joannem vero Angelum ab se discedere non permitturum respondet: petit, ut sibi certos ad Carolum homines ad illius exquirendam sententiam mittere liceat; in ejus postea voluntate futurum, ac quodcumque illi libuerit, libenti animo facturum. His auditis, Davalus, ne Sfortiam desperatione actum in præceps aliquod consilium impelleret, a priori severitate specie tenus deflexit: postulat, ut Cremonensem arcem jurejurando Imperatori obstringat, eodem sacramenti genere Mediolani civitas adigatur; ipse arcem Cæsaris nomine retineat, ab illa minime recessurus; hæc nisi præstet, quod illi onus, fides, dignitasque imperatoria imposuerit, continuo facturum. Interea Franciscus Sfortia, quæ a Davalo agerentur, Pontifici, Senatuique Veneto significaverat: summa cum indignitate, ac periculo foederatum Ducem obsideri; nullis precibus, ac promissis flecti Cæsareanos posse; cuncta Insufram oppida Davali libidini exposita esse; quod unum ad retinendam speciem aliquam Principatus superesset, Mediolani nempe, ac Cremonæ arces poposcisse; urgeri milite, equite, tormentis militaribus, & ne vitam quidem trahere, nisi cum summo dedecore, ac periculo posse: jam servitutem totius Italiæ portendi: in se ipsum modo tela conversa; mox cunctos Italos Principes petitura: subveniant itaque socio, quemque auctoritate, ac viribus in imperium evexere, non modo imperio, sed libertate, fortunis omnibus, vita denique ipsa exui non patiantur: id Pontificem in primis, qui magnam inter mortales auctoritatem obtineat, nec minus Venetani Rempublicam decere, quæ amicos, foederatosque suos nullo unquam tempore deseruerit; sed præclaro liberalitatis, & magnanimitatis exemplo adjuverit, ac sustentaverit.

Eventibus his rerum novarum periclitantis Italiæ permotus Senatus, Henricum Angliæ Regem, quem nuper Gallis foedere junctum auctoritate, ac potentia plurimum posse constabat, nimiamque vel Gallicæ, vel Hispanicæ gentis in Italia potentiam æque suspectam habebat, de iis, quæ in Insufris acciderant, certiores facit; quantumque non modo Italia, verum universa Christiana Respublica his dissidiorum facibus in-

cen-

1525 cendium conceptura sit. Captivitate regis de toto orbe optime meriti Cæsarem sibi gradum ad summam inter omnes Principes obtinendam auctoritatem, imperiumque struxisse: vincta Mediolanensis ditionis oppida occupasse: præsidia imposituisse: Ducem in arce obsideri, ut illo ejecto, solus cæteris leges præscribat, atque sibi aditum ad invadenda reliqua patefaciat: Scire, libertatem, pacemque Italiæ regem semper optasse, maximam afflictis Sfortiæ rebus toti huic provinciæ, atque adeo universæ reipublicæ Christianæ opem laturum. Et ne aliquod officii genus cum Carolo prætermitteretur, cum Pontifex Capinum Mantuanum in Hispaniam citato itinere misisset, ut de singulis rebus legatum commoneret, conceptamque, si qua foret in Cæsaris animo, de Italis Principibus suspicionem dilueret, Andreæ Naugerio solerti viro mandatur, ut Clementis legato omni in re præsto sit, nullumque officii genus, quod vel ad Ducem in imperio retinendum, vel ad quietem, pacemque Italiæ conservandam, & ad Pontificiæ, Venetæque ditionis limites custodiendos spectet, prætermittat. Santio vero, & Caracciolo Cæsaris oratoribus foederis pactio-  
nes anxie nimium, ac solícite urgentibus Senatusconsulto responsum est: Nihil esse, cur his de rebus agendum sit, Francisco Sfortia socio, ac foederato in Mediolanensi arce obsesso, oppidis, civitatibus, libertate denique ipsa per summum dedecus exuto: & Alphonso Santio conquerenti, quod Sfortia Cremonensem arcem Reipublicæ tradere decrevisset; nihil ea de re Sfortiam egisse Senatus gravissimis verbis testatus est. Dum hæc aguntur, Mediolani militum licentia, rerum inopia, pecuniæ defectu, tumultus, ac seditiones obortæ; facinorosorumque hominum adeo excreverat audacia, ut in magno pavore, ac trepidatione civitas versaretur, nec sine vitæ discrimine degi in urbe posset; idcirco Marco Antonio Venerio Oratori Veneto mandatum est, ut, Davalo salutato, Bergomum, vel Cremam se reciperet; qui voluntati Senatus obsequutus ab Episcopo Bajucensi accepit, sibi a Rovadante familiari mentem Reginæ ex Galliis perlatam fuisse, quæve cum Italis Principibus pactiones ineundæ forent, intellexisse: ea omnia ut nutantem Pontificis animum firmarent, Patres illi ab Oratore significari voluerunt.

Erat

*Senatus  
mandata  
ad Naugerio  
legatum  
Senatus  
responsum  
Cæsareano-  
rum orato-  
rum posi-  
tionibus.*

Erat sane in Pontifice summum libertatis, dignitatisque Italix desiderium; neque pati æquo animo poterat, ea se tempestate Ecclesiæ, Reipublicæque Christianæ præfectum fuisse, qua aut Imperatorum potentia semper Pontificibus adversa, maxima in illius auctoritatem, atque Italix perniciem incrementa esset susceptura; aut armis de utraque acerrime decertandum foret; quorum alterum Hispanorum; alterum Gallorum amicitia paritura videbatur. His curis undique fracto, atque in varias partes versanti nihil præsentī tempore ad tuendum imperium, dignitatemque opportunius videbatur, quam ut Senatum Venetum, Florentinamque rempublicam sibi adjungeret: quæ consilia cum a Venetis mirum in modum probarentur, Marco Foscaro facultas, qua Reipublicæ nomine foedus percuteret, concessa est. Illius summa hæc fuit. Cum Christianæ reipublicæ pacem, Italix libertatem Summus Pontifex omni studio, ac sedulitate procuraverit; in Senatu Veneto eandem erga bonum publicum propensam voluntatem, & curam innumeris argumentis perspectam, ac testatam animadverterit; tot, tantisque periculis, armisque circumseptam nobilissimam hanc provinciam inspiciat, aliquē intra reipublicæ Christianæ viscera virus cito in omnium perniciem, ac detrimentum evasurum: nihil æque tot malorum, ac ærumnarum ingruentium viribus obistere posse, quam arctiori foederis, atque amicitix vinculo Summus Pontifex, Veneta Respublica, Florentinique jungantur.

Pactiones ejusmodi fuere. Pro mutua defensione Pontifex, Venetus Senatus, ac Florentini arma sumunt: inimicos, neque consilio, neque pecunia, neque armis juvanto. Pontifex cum Florentina Republica pedites quatuor mille, cataphractos quadringentos, leviores equites trecentos: totidem copias Senatus Venetus habet. His dignitas, jura, imperium adversus quoscunque Christianos Principes, licet supremo bonorum fastigio præfulgeant, tuentor. Si majoribus copiis opus fuerit, pro facultate una pars alteri non deest: rebus postulantibus, spiritualibus telis Pontifex utitor. Respublica terra, marique eidem adfistito: alia foedera absque alterius consensu non ineunt; quæ bis adversentur, pro irritis habent. Ut Veneta reipublica amor, quo semper Mediceam familiam amplexa est, augea-

1525 *augeatur, incorruptusque in posteritatem manere dimanet; praesentem illius statum, atque amplitudinem defendito, atque illius praesertim, quem Clemens familiae caput, principemque in Florentina republica constituerit; praesentem reipublicae formam, familiaeque dignitatem labefactari nitentes repellito. Ut vero patrem Reipublicae gratiam Summus Pontifex referat, Medicam familiam in fide, & devotione solita, filialisque observantia erga illustrissimum Dominium perpetuis temporibus mansuram pollicetur: a quo summa benevolentia, & caritate complexum iri, sartam, & testam a cunctis periculis servandam fore, pro certo habet. Haec a Clemente, & Venetis agebantur.*

Ceterum regis Galliarum mater de iis, quae a Caesareanis in Insubribus gesta fuerant, certior facta, quaecumque ad dignitatem, & incolumitatem Italiae sustinendam spectarent, praestaturam, Gallorumque gentem semper Catholicae Ecclesiae addictam, discrimen omne alacri animo subituram, per Bajucensem Episcopum Clementi pollicetur. Qui licet mente ad libertatem, decus, auctoritatem Italiae tuendam propensus admodum esset; in illo tamen vis animi, ac vigor ad cepta consilia perficienda desiderabatur; cum parvo momento instituta consilia vel levi aliquo rerum eventu perturbatus commutaret, ancipitique consilio inter rerum maximarum successus fluctuaret: modo probare, modo improbare; neque se ex difficillimis anfractibus explicare posse. Hinc accidit, ut Michael Herrerio, de quo supra diximus, Imperatoris nomine propediem in Italiam venturo, duorum mensium cum Caesareanis inducias fecerit. Interea vero Franciscus Sfortia a Davalo in arce obsidebatur, exercitu maximis populi vociferationibus atque ærumnis per domos civium in urbe disposito. Nec dum, quae mens Caesaris erga Italos esset, rege adhuc captivo, illius ducibus divina armis, humanaque miscuitibus, fatis conjici poterat, plerisque opinantibus mora, & cunctatione Principum animos distinendo id assequi velle, ut iis torpentibus, devictis Insubribus, per suos fines in Neapolitanum regnum iter patefaceret; inde Tridento in Germaniam copias immittere, nullo obsistente, posset; atque eodem tempore Italos, Germanosque, gentes libertati affluetas, imperio, & auctoritate coercere.

*Inducia  
Aurum mē-  
sum inter  
Clementem,  
& Caesarem.*

*Sfortia in  
arce Medio-  
lani a Da-  
valo obside-  
tur.*

Sena-

Senatus vero in hac rerum omnium perturbatione nihil, quod ad Reipublicæ dignitatem, atque amplitudinem, ad Italiæ libertatem, deculque spectaret, prætermittebat: singulos rerum eventus solida prudentia expendere; diu, noctuque de gravissimis rebus agitare; summo studio, cunctisque nervis adniti, ut regi libertas restitueretur. Idcirco cum cardinali Eboracensi, summæ apud Henricum Angliæ regem estimationis, penes quem totius regni administratio erat, sedulo agebat; suadebat, ut regem ad Italorum principum causam auctoritate, & viribus sustinendam impelleret: hortaretur, ut Galliæ reginam ad foedus cum Italis, nulla mora injecta, sanciendo urgeret; cui sane si illius potentia, atque auctoritas accessisset, fore, ut statim Carolus regem libertate donaret. Clementi in rebus communibus conservandis, in libertate, ac dignitate Italiæ retinenda suum studium, mentemque significat; ut enixe in idem animum intendat, vehementer hortatur. Plerique, non inanibus consiliis, non reliquos principes permovendo, saluti atque incolumitati publicæ satis consultum iri, distitabant; sed vires Reipublicæ augendas, atque in tot, quibus Italia jactabatur, fluctibus, priscæ virtutis spiritus sumendos: constantia, ac fortitudine animi opus esse, qua tantum proteri imminetia pericula, sisti ingruentium malorum impetum posse. Coactoque Senatu, de classe, copiisque maritimis augendis acriter disceptatum est, nonnullis creandum classis imperatorem, quinquaginta triremes statim e navalibus educendas, quæ reliquæ classi adjicerentur, suadentibus; his imperii Veneti dignitatem, Reipublicæ incolumitatem tantummodo niti: majores nostros turbulentis temporibus vel hoste urgente, vel belli suspitione oborta, nullis sumptibus pepercisse, nullos labores reformidasse, ut quam maximas possent, classes compararent: his devicti, ac debellati hostes, servata patria, partum, atque augmentum late patens maritimum imperium; navalibus rebus affuetos cives remotissimas oras adivisse, victoricia signa in longinquas regiones intulisse: imperia iis artibus facile retineri, quibus initio parta essent: quonam Cæsaris ambitio, dominandique libido evasura foret incertum: pacis obtentu in Italia flammam belli in dies augeri, Davalum, ac Vastium ni-

H. Mauroceni T. I.

L

hil

1525 hil non in omnium Itatorum principum perniciem agitare; Gallos prisca splendoris, atque avitæ virtutis fato nescio quodam pene oblitos, suiue regis captivitate stupore defixos torpere, atque elanguescere: classem igitur augendam, imperatorem statim declarandum, hoc tantum everti consilia Italici nominis hostium, ac refringi ausus posse. Alii contra diserebant: non eo loco res esse, ut ingentes sumptus subire, populos tot damnis, atque incommodis afficere, cunctas Venetas exerere vires necesse esset: propediem aliquid certi de Cæsaris sententia ex Hispaniis venturum; neque in hac omnium rerum ambiguitate principes Italos versari diutius passurum: summopere providendum esse, ne Carolus; qui Italici principibus parum fidere videtur, novis suspitionibus adductus, ac ducum consiliis impulsus, hostem se Italiae patefaceret; verendum esse, ne Galli hos Reipublicæ conatus ad sua commoda verterent, atque ex Itatorum Principum conspiratione iter sibi ad regis libertatem summo istius provinciae damno facerent: itaque in aliud tempus de augenda classe decreta rejici; neque immaturis consiliis momenta maximarum rerum præverti oportere. Senatus frequens in hanc ivit sententiam.

## M. D. XXVI.

1526

*Pax inter  
Cæsarem &  
Franciscum  
Regem Gal-  
liae.*

**P**aucis vero interjectis diebus, ab Andrea Naugerio, Reipublicæ legato, literæ xviii. kalen. januarii ex Hispaniis supervenere; quibus continebatur, pridie idus decembris pacem inter Carolum imperatorem, ac Franciscum Galliae regem his conditionibus initam fuisse. *Ut Imperatori Burgundiam rex libere restitueret: id, quamprimum in Galliam reversus esset, regni ordines probaturos pollicebatur. Provocationibus, quæ a Germaniæ inferioris ditionibus fiebant, Parisiensis curia omnino abstinere. Insubrum, ac Neapolitanæ regni juribus cederet. Cæsari in Italiam ad Augustalem coronam more majorum suscipiendum adventanti sex peditum millibus, cataphractis sexcentis, totidem levioribus equitibus, semestri stipendio persoluto, præsto esset.* Pro his ser-

van-



*wandis duos filios, natu majorem, quem in spem regie successionis altum Delphinum vocant: ac minorem Andegavi ducem, additis Gallorum procerum duodecim filiis, obsides daret: hoc facto, statim pristinam libertatem rex consequeretur.* Atque ut pax firmioribus radicibus niteretur, Heleonoram sororem, ex Lusitanie rege defuncto viduam, matrimonio regi jungendam Cæsar statuit; Maconensem, Sonnenemque comitatum dotis nomine tribuit, filiis, qui ex eo connubio orirentur, Burgundie comitatum traditurum pollicitus. Per Europam nuntio pacis perlato; quamvis ex potentissimorum principum concordia innumeri fructus ad totius christianæ reipublicæ incolumitatem, atque incrementum emanare poterant; attamen nemo erat, qui ex pace nuper inita novas bellorum faces exarsuras non extimeret. Id vero vel Italie status, vel regis Gallorum exulceratus, ac multis de causis commotus animus suadebant. Neque enim dubium erat, quin Itali principes, si rex promissis staret, a Caroli nutu, ac voluntate pendere cogerentur; quippe qui exercitum in Insucribus habebat, duces militia insignes, ac rerum bellicarum peritia claros. Franciscum Sfortiam jam sex menses in arce Mediolanensi obsessum, arctaque adstrictum custodia tenebat; atque recenti pace cum Gallo inita, nullum vel ad augendas vires, vel ad imperium amplificandum impedimentum aderat, ut regis auxilio destituta Italia pares ad obsistendum Cæsari copias afferre non posset. Altera ex parte qui superiores Francisci actiones, & consilia metiebantur, vix mente concipere poterant, præteritas injurias, acceptas clades, amissum in Italia satis amplum imperium, impositas iniquæ pacis condiciones aut oblivisci, aut æquo animo pati posse: nullum neque jusjurandum, neque affinitatis vinculum majorem apud illum, quam ulciscendæ injuriæ, vel regnandi libidinem, vim habiturum. His de rebus Clemens, Senatusque Venetus solliciti regis animum, voluntatemque explorare decreverunt; ac cum primum pacem inter Cæsarem, & regem firmatam esse Venetias allatum fuit, statim Andreas Rubeus, qui a secretis Senatus erat, atque ex usu maximarum rerum insignem prudentiam com-

*Andreas  
Rubeus a  
Venetis in  
Galliam  
missus.*

1526 paraverat, Gallicamque linguam optime callebat, per dispositos equos ad Ludovicam Francisci regis matrem gratulatum missus est, cum longiori tempore ad mittendos legatos opus foret. Rubeo in mandatis datum, ut Reipublicæ nomine reginæ gratuletur; nihil jucundius, aut optatius Senatui obtingere potuisse, quam Serenissimo, Christianissimoque regi, de toto christiano orbe, ac præsertim de Reipublica Veneta optime merito, inconstantis, variæque fortunæ tela indigne perpeffo, tandem ingenti animi virtute, invicto robore ingruentes malorum impetus vincenti, felicitatis lumen affulsisse: libertate recuperata, in regnum amplissimum totius Galliæ humeris restituito difficile haud futurum, superiores clades virtute, ac magnanimitate corrigere. Ad hæc injungitur, ut quam solertissime exploret, quænam de sancitis pactionibus servandis regia voluntas futura sit. Demum Reipublicæ vires, classes, ditiones offerat, Senatumque nunquam a rege sejunctum fore polliceatur. Et quoniam Pontifex eadem de causa Paulum Regiensem in Galliam miserat, eidem Rubeo mandatur, ut, quæ ille Pontificis nomine egerit, observatis; si eadem illum mente esse intellexerit, ac illius consilia ipsius mandatis non repugnare persenserit, omnia cum Regiensi communicet, ut eodem tempore, quæ ex utilitate publica sint, conficere possint. Rubeus itaque cum Senatus mandatis iter in Gallias quamcelerrime suscepit.

*Conditiones  
paris a Cæsariis  
Oratoribus  
Senatui  
propositæ.*

Interea Alphonfus Santius, ac Hieronymus Caracciolus, Cæsaris Oratores, qui Venetiis erant, se minime a pace, & foedere cum Senatu Veneto abhorreere ostentabant; nam vj. nonas martii cum Patrum Collegium adissent, certas ineundæ concordæ rationes proposuere; quarum capita hæc erant. Nempe ut, expulso Francisco Sfortia a Mediolanensi imperio, Carolus Borbonius dux crearetur, qui eadem auctoritate, viribus, dignitate, qua modo Sfortia, floret: nihil sane Senatus interesse, uter Insucribus potiretur; dummodo ea in ditione nulli Italorum pertimescendus imperaret. Extorribus cuncta eorum bona restituenda pollicebantur. Ex adverso a Senatu flagitabant, ut quod in foedere cautum erat, de copiis Venetis pro Mediolanensi tutando impe-

imperio, id firmioribus legibus sanciretur, ac pro eo Respublica prædes daret. Ducenta insuper aureorum millia petebant, ac ut Ferdinando Cæsaris fratri debita a Senatu pecunia persolveretur; ut vicissim annis superioribus, dum bella recrudescabant, utrinque ablata oppida restituerentur. Ad hæc Senatus decreto in hanc sententiam responsum est. Summo semper studio Rempublicam pacem, foedusque cum potentissimo Imperatore amplexatam fuisse; in eadem manere sententia; nec sibi antiquius aliquid unquam fuisse, quam ut Italiæ libertatem, dignitatemque tueretur: hoc constituto, cetera absque ulla difficultate confecturam. Nam quod ad Ferdinandum attinet; paratam se solvendo esse; dummodo pacationibus stetur, atque hinc inde ablata restituantur. Quod autem ad reliqua spectat, rationes concordiae non defuturas: unum id hæere cordi, nec divelli a Senatu posse, ut Sfortia in Insubrum possessione retineatur; ex magnanimitate, aliisque præclaris, ac nullo unquam ævo interituris actionibus Caroli, sibi suaderi, Imperatorem non passurum, ut indigna servitute Franciscus Sfortia liberatus avito imperio spoliatur; qui si (quod vix credi potest) adversus Cæsarem erratum aliquod commiserit, quæ illius est animi magnitudo, ac propemodum divina clementia, Italorum principum, & reipublicæ desiderium respiciet; neque statum Italiæ aliqua in parte immutari patietur. Ea de re, quæ Caroli voluntas sit, cupere Senatum intelligere; eosdem legatos hortari, ut omni officio a Cæsare Sfortiam obsessum liberari, ac in pristinum statum restitui persuadeant. In hac incertorum eventuum hæsitazione, ne aliquod officiorum genus erga Carolum, & Franciscum regem prætermitteretur, placuit Patribus ex veteri instituto perhonorificas legationes ad utrumque mittere, quibus pacem partam, affinitatem illustri conjugio Leonoræ viduæ Lusitanæ reginæ gratularerentur. Designati fuere ad regem Sebastianus Justinianus eques, qui tum præturam Patavinam gerebat, ac Franciscus Pesareus: ad Cæsarem Laurentius Bragadenus, atque Antonius Surianus doctor, & eques; quorum alteri, ut functus legatione apud Carolum in Lusitaniam transiret, cum Leonora nuptias potentissimi regis gratulaturus, in mandatis datum.

*Senatus responsio.*

*Sebastianus Justinianus & Franciscus Pesareus legati ad Galliciam regem.*

*Laurentius Bragadenus & Antonius Surianus legati ad Cæsarem.*

Interea rex ipse, datis obsidibus, in suum regnum regressus,

*H. Mauroceni T. I.*

L 3

Bajo-

1526 Bajonam Valconiae urbem applicuit ; ac statim haud occulta animi indicia patefacere , ingentes mentis impetus vix cohibere ; in sermonibus Caesaris acerbiter conqueri ; severas nimium , ac praeduras pacis condiciones inclamare ; quaecumque assensione approbasset , cum vi , ut pote captivus , fecisset , irrita existimare . Rubeus de adventu regis certior factus , Bajonam magnis itineribus contendit ; ubi a Rubertetto gazae regiae praefecto , summæ auctoritatis viro , in Monfortium oppidum , ubi rex erat , deducitur ; Senatusque Veneti nomine in amplissimum regnum incolumem reditum mirifice gratulatur ; propensam Reipublicae voluntatem , studium , observantiam in regem cunctis animi , & corporis virtutibus praeitentem , atque adeo in universum Gallorum nomen extollit : in omni fortuna eandem servasse mentem ; prospera omnia non modo optasse , verum etiam quantum in se fuerit , ut res votis responderent , egisse . Ad ea rex perbenigne respondit : Maximas Senatus habere , atque agere gratias ; non ignorare quos pro sua libertate labores suscepisset . His dictis , statim sententiam , consiliumque suum Rubeo aperit ; multa de Imperatore , illiusque ministris conquestus , decrevisse illatam sibi captivitatis injuriam , ac mala , quae ex ea perpessus sit , non diutius pati ; experiri rursus fortunae aleam ; cunctas amplissimi Galliarum regni vires adversus Caesarem moturum ; nihil praetermissurum , quo potentia Caesaris refringi , ausus imminui , exardescens in cunctos Europae principes ambitio retundi queat : vehementer cum Veneta Republica , ac Summo Pontifice foedus , & societatem exoptare ; in id Henricum Angliae regem consensurum , quemadmodum ex cardinalis Eboracensis literis compertum habebat ; atque eam ob causam se legatum propediem in Britanniam missurum ; petere a Senatu , ut statim mandata ad hanc peragenda in Galliam , Angliamque mittantur . Hæc omnia quamcelerrime per literas Rubeus Senatus significat ; statimque , nulla interjecta mora , xiv. kalen. majas Senatus cogitur , ac summo Pontifici , quaecumque Rubeus de regis voluntate , novoque foedere incundo perscripserat , significantur : quæ temporum ratio , quæ Italiae conditio , armis Caesareanorum in ejus viscera adactis ; Mediolani duce arctiori custodia septo : exquirere Senatum , quænam

nam in summi momenti negotio Sanctissimi Pontificis mens, quod consilium arduis in rebus ab egregia illius prudentia hauriri possit. Pontifex, cui semper Italiæ dignitas, ac libertas, sine qua Pontificia majestas refulgere vix poterat, imis recondita præcordiis fuerat, regis postulatis annuendum existimat; Senatus sententiam, consiliumque amplectitur, eidemque vij. kal. majas significat, se alacri animo foedus amplecti, atque ad id incundum Joannem Joachinum in Galliam, & Angliam misisse, Capinumque ad hæc peragenda mandata cum pactionibus transmissurum. Eadem die literæ ad Rubeum scribuntur, Senatum in voluntate regis futurum, libentique animo arctiori hoc foederis vinculo arma, vires, animos conjuncturum: ad hæc facultas Rubeo publico nomine percutiendi foederis mittitur; eademque Laurentio Aurio apud Anglum Oratori significantur, & mandantur. Accepta Rubeus Senatus voluntate, Burdegalas totius Vasconiae caput statim proficiscitur, ut regem alloqueretur, quem tum ibi opperiebantur; ac Proregis Neapolitani nuntio, qui ad firmandas jurejurando pacis Madriti initæ conditiones in Gallias venerat, palam se minime ad ea teneri, quibus captivus subscripserat, professus fuerat, in pactaque jurare recusaverat: atque eo incredibili lætitia perfusus fuerat, cum Rubeum ad se Senatus nomine venientem audiverat. Nam statim Pontificis, Venetique Senatus audita voluntate, in societatem, ac foedus prompto, ardenti-que animo descendit; idque in Coniaci oppido ix. kal. junii ictum est; quo Franciscus Galliae rex, Summus Pontifex, Senatus Venetus, Franciscus Sfortia Mediolani Dux comprehensi fuere. Summa foederis capita hæc erant.

*Senatus ad  
Rubeum  
mandata  
pro foedere  
cum Gallis  
percutiēdo.*

*Fœdus  
Conjacenti  
inter Francis-  
cum regem  
ac Venetos.*

*Turbulentissimis temporibus, belli facibus in Italiæ visceribus cuncta depascentibus, ex qua exitiale virus ad reliquas Christiani orbis provincias inficiendas permanere facillime possit, nil tutius, vel ad dignitatem, vel ad utilitatem Christianæ reipublicæ, quam si illi, qui summæ auctoritate, viribus, ac dignitate præfulgent, invicem arctioris amicitiae, societatisque foedere connectantur, non ad vim alicui inferendam, vel injuriis quempiam lacessendum, sed ad res communes tuendas, ad quietem Christianæ reipublicæ firmandam, ad Italiæ libertatem, decusque retinendum: quo in foedere Imperatori, Fer-*

1526

*dinandoque ejus fratri perbonorificus locus, si ipsis libuerit; nec non reliquis Cbristianis Proceribus relinquatur. Quæ ut effici absque difficultate queant, exercitus in Italia communibus sumptibus alatur; triginta nempe millia peditum: cataphracti duo millia quingenti; leviores equites ter mille cum tormentis æneis; quæ omnia quamcelerrime in promptu sint; tum ad fœderatos tutandos; tum ad coercendos, ac reprimendos, si qui paci publicæ hostes se esse profitebuntur. Ad quæ singuli fœderati tenentur, hæc sunt.*

*Pontifex octingentos cataphractos, septingentos leviores equites, peditum octo millia in armis habeat. Gallorum rex quinque gravioris armaturæ, in quibus more Gallico mille levioris armaturæ comprehenduntur: ad hæc quadraginta aureorum millia singulis mensibus pro militum stipendiis pendat. Respublica Veneta mille, vel octingentos cataphractos, mille leviores equites, peditum octo millia sub signis habeat. Ac demum Mediolani Dux cataphractos quadringentos, leviores equites trecentos, peditum quatuor millia quamprimum paret; quæ omnia prædictam summam conficiunt.*

*Copie usque ad patratum bellum sub ducibus contineantur; donec pristina libertas armis jam diu concussa, Italiæ dignitas restituatur; atque auctores dissidiorum, publicæ pacis hostes, qui fœderatos læserint, adversus decreta, & sanctiones jurejurando firmatas, egerint; vi, & armis alienas ditiones occupaverint; ac demum in fœdus hoc consentire noluerint, penitus retundantur, ac profligantur: quod tum factum esse intelligatur, cum justas copias alere non potuerint, quamvis tunc aliquo oppido potirentur.*

*Quæcumque ad alendos milites erunt necessaria, singuli pro sua portione conferant.*

*Eodem tempore Galli, & Angli, ut ab Italiâ arma avertantur, adversus fœderis hostes insurgant.*

*Helvetii communibus stipendiis vocentur.*

*Omni studio contendant fœderati, precibusque nitantur, ut Imperator captivos regis filios patri restituat; pacem confirmet: nisi id fecerit, intententur minæ, bellum indicatur.*

*Confectis in Italia rebus, duodecim millia peditum, cataphractorum mille, totidem leviorum equitum, aut pecuniæ tantumdem*

dem Regi Principes Itali præbeant, quousque filii obsides a Cæsare dimittantur. 1526

- Atque ut perpetuo Italiam Galli, Itali Gallias tueantur, decem peditum millia, cataphractorum mille, levioris armaturæ totidem, cum opus fuerit, emittere teneantur: classisque viginti quinque triremium, ac onerariarum navium præsto sit; quarum triremium duodecim Rex, tredecim Respublica instruere teneatur. Si Provincia armis petatur, classẽm Rex avocare queat.

- Franciscum Sfortiam in quieta Mediolani ducatus possessione relicturum: cum fœderatorum exercitu adversus Imperatorem, ac Ferdinandum ejus fratrem defensurum Rex sanctissime spondeat. Dux e contra auxiliis Gallias juvare, si opus fuerit, teneatur: numerus copiarum consimilis sit: quotannis pro viribus, expensisque regiis illam auri summam pendat, quæ Pontifici, Angliæ Regi, Venetoque Senatui videbitur; atque ea non minor quinquaginta aureorum millibus esse queat: Maximilianumque ejus fratrem pro familie dignitate, propriæque existimatione alere teneatur.

Quibus ob sequitas Regis partes bona fisco adjudicata, quique patria privati sint, omnia libere restituantur.

Ex cognatione regia uxorem Sfortiæ se præbiturum, judicio Henrici Angliæ Regis, promittat; daturumque operam, ut Helvetii fœdere cum Duce ad Insubres tutandos conjungantur.

Si Dux fato concesserit, Maximilianum ejus fratrem ejus loco habiturum; pacta, promissaque præstaturum.

Astensis Comitatus, utpote a Mediolanensi ducatu sejunctus, in Aurelianensis Ducis hereditate sit: Regi, aut Duci ejus filio restituantur; qui quousque adolescentiæ annos excesserit, ad fœderatorum nutum administretur.

Et quoniam Genuæ civitas, vel situs opportunitate, vel portuum copia, maximum semper ad Italiam perturbandam momentum asferre visa est, si ita Regi placuerit, vel Antonio Adurno duce ad fœderatos declinante, summa Reipublicæ illi potestas, quam modo retinet, relinquatur; aut Genuensis Reipublicæ statu immutato, leges paci, & securitati Italiæ non adversæ dicantur, Rege supremum jus in civitate obtinente.

Præ-

1526

*Præsentem Neapolitani regni statum Gallorum Rex neque immutaturum, neque perturbaturum spondeat, nisi ex præscripto, voluntateque Summi Pontificis, ut altioribus initiis tranquillitas Italiae coalescat, pacisque hostes in ordinem cogantur. Quod si evenerit, aut Franciscum de fœderatorum consensu Pontifex Regem dicet; aut non sine illorum voluntate de Neapolitano regno statuet: utrumvis contigerit, Ecclesiæ jura suprema serventur, annuusque census ad minus quinquaginta aureorum millium. Regi autem pro juribus, quæ in prædicto regno possidet, ex Summi Pontificis arbitrio, alio Rege declarato, non minus septuaginta quinque aureorum millia, vel in Ecclesiæ ditionem reducto, aureorum sexaginta millia persolvantur.*

*Fœdus sane hoc, & societas ad posteros pertransseat, fœderatique Mediceam familiam sub tutela recipiant; dignitatem, statumque præsentem tueantur. Summo spondente Pontifice, Florentinos nihil fœderi adversum acturos, in suæque voluntate futuros.*

*Verum, cum neque majori, neque graviori auctoritate sancta societas inniti queat, quam Henrico potentissimo Angliæ Rege; protector is, ac conservator fœderis declaratur, fœderatorumque sponsor appellatur, illique, vel ejus filio notbo ditionis ducatus, vel principatus nomine insignita, cum annuo triginta millium aureorum censu assignetur: idem jus, ac imperium cum decem aureorum millium annuo reddito Cardinali Eboracensi tribuatur.*

*Si qua societati huic adversa fœdera sint, omnino aboleantur; neque alia, insciis sociis, ac præsertim ad statum Italiae pertinentia iniiri possint.*

*Fœderatorum amicis, ac sociis, ut moris est, ante subscriptionem nomina sua fœderi adscribere liceat; dummodo nullius hostes sint: quæ subscriptionis intra mensem fiat; cui si Sfortia in Mediolanensi arce obsessus subscribere non poterit, Pontifex, ac Senatus id ejus nomine facturos polliceantur.*

*Nuntius initi, ac firmati cum Rege fœderis v. nonas junii per literas Andreæ Rubei Venetias advenit, qui significavit, Henrico Angliæ Regi trimestre tempus, ut in fœdus reciperetur, datum fuisse. Ac pridie nonas a Senatu fœdus Coniacen-*

se



se approbatum est, cui Andreas Gritus Dux Reipublicæ nomine subscripsit : ac syngraphæ illico in Galliam ad Rubeum mittuntur ; cui, si ita Regi placeret, subscribendi facultas Reipublicæ Venetæ nomine a Senatu permittitur. Postera vero die ad Gasparem Spinellum, qui ob Laurentii Auriæ Doctoris obitum Reipublicæ negotia in Anglia gerebat, literæ perscribuntur, quibus mandatur, ut Regi, Eboracensique Cardinali ingentes gratias agat, quod pro Coniacensi fœdere omni officiorum genere laborasset ; Senatusque nomine enixe hortetur, ut in societatem adscribi velit, quippe qui cum potentia, auctoritate, consilio, magnanimitate antiquitatis memoriam æquaverit, nulli dubium esse, quin, cœptis ipsius voluntate adspirante, prospera cuncta, ac felicia sint eventura ; Rempublicam una cum Clemente Summo Pontifice, nihil pro Sfortiæ libertate, pro Italiæ dignitate omitturam : auctoritasque eadem, quæ Rubeo, Gaspari Spinello firmandi fœderis impertita est.

Eodem tempore Senatui, ac Pontifici copias augere, quamvis nondum a Gallorum Rege fœderi subscriptum esset, visum fuit ; præsertim cum quotidie nuntii secreto a Francisco Sfortia mitterentur, qui summas difficultates, maximas, quibus ille undique premebatur, angustias significabant : septem jam menses in arce inclusum teneri ; quæ ad victum necessaria sint, omnia fere exhausta fuisse ; vix annonam mensuram habere, qua se, familiam, milites alere queat : ni illius necessitati obviam eatur, cito succisa spe, vel ad deditionem faciendam ( quod pro sua dignitate, societatisque fœdere nunquam sit facturus ) vel extrema omnia ab hostibus passurum. Nam Antonius Leva, Alphonsusque Davalus, qui in Insubribus Cæsaris nomine, defuncto Ferdinando Davalo, res gerebant, licet multis undique difficultatibus pressi ; ac præsertim pecuniæ, omnia potius vel intoleranda pati, quam obsesso Sfortiæ suppetias ferri sinerent, in animum induxerant ; cunctos civitatis ordines ad erogandum argentum, aurumque compellentes : qui si aut recusare, aut excusare, aut moras necesse auderent, pignoribus ablatis, in terribissimos carceres coniciebantur : ac una vox tantum Mediolanensium civium exaudiebatur ; villas, oppida diuturnis militum sumptibus exhauriri ; agros deferri ; urbem, civesque ipsos miserrime affici, ac tanquam

*Mediolanensium sumptibus.*

1526

quam fontes in carceres trudi, & cruciatibus torqueri. Itaque populus iusto dolore fremens, ac furens, cum in fabri cuiusdam ædes satellites ad aureos quingentos exquirendos missi essent, totam urbem, tumultu excitato, vehementissime commoverunt, fabroque repente, arreptis armis, opem implorante, vicinis ad auxilium convolantibus, abire ministri publici coacti sunt; illisque rursus, Antonii Levæ iussu, aliis adiunctis, portas domus perfringere conantibus, ad arma statim a populo conclamari coeptum, per totam urbem tumultus, turbinis instar, citissime fertur. Ea tamen die furentis populi impetus non repressus; sed vis tantum repulsa: nam Leva e curia per infrequentes urbis vias ad loca arcis propinqua descendit, militibusque nonnullis repente coactis, Gaspare Mayno summæ auctoritatis cive comitante, ubi conferta multitudo, ac densior turba objici videbatur, se immittit; hortatur, arma abjiciant, inani tumultu abstineant; civitatis quietem importuno impetu non misceant. Davalus adhortationibus auctoritate pondus addebat; quippe qui apud populum invidia superiore gratiam nondum corruerat. Tandem iis conditionibus ab armis discedere voluit, ut Cæsareani privata pecunia abstinentes vestigalibus tantummodo contenti forent; neque novos milites in civitatem introducerent. Verum cum sequenti die nonnullos ex Hispanis ducibus adventare cernerent, crebrisque admonerentur nuntiis, peditum cohortes, turmasque equestres citato gradu ad urbem subsequi, oriri tumultus, augerique mirum in modum coepit; ut si ardenti, ac prope lymphatæ menti, magnisque ausibus vis, ac prudentia respondisset, statim insolito motu conflagrare civitatem, dissiparique Hispanos milites visum esset. Constanque fama est, tum de relinquenda urbe Cæsareanos consilium inivisse. Verum incondita multitudo, absque duce suas vires haud æstimare assuevit, ab armis ad veterem curiam diripiendam magno cum impetu progreditur: quo viso, Cæsareani ad arma redire, vias trabibus, ac impedimentis obsepere, relictaque arcis custodia, adversus populares ferri: quæ res ingentem, diuque optatam opportunitatem obsessis objicere visa est ex arce exeundi, hostium munitiones occupandi, egregioque facto immortalē gloriam comparandi.

At

At Sfortia, licet emissâ manu militum uno momento munitiones cepisset; ubi tamen qui opem sibi, aut commeatum ferrent, nullos inspexit, auxiliorum spe destitutus, cum hostibus incertum fortunæ exitum haud experiri satius arbitratum, suos intra arcem coegit. Interea multi e direptione curiæ præda onusti abire, alii Hispanorum domos diripere, plerique signa deferere; ita ut Cæsareanis, præter Germanos tunc arcem obsidentes, reliquos milites non modo ex urbe, sed ex agro Mediolanensi amovere pollicentibus, tumultus sedari cœperit; cum a solis occasu usque ad ortum incerto, obscuroque eventu mars dubius utrimque fluctuasset, Mediolano est restituta quies. Sed nonnullis, qui majore auctoritate, & gratia favorem plebis collegerant, præcipueque Sfortiano nomini addicti erant, ablegari, amoveri ab urbe cœptis, populo reluctantem, plerique cuncta rursus misceri, ac turbari cupientes, arreptis armis, Hispanos milites passim trucidare; neatos spoliare; injuriis contumelias addere: a quo licet primores, quibus civitatis salus cordi erat, maxime abhorrerent, centurionesque ad temeritatem, audaciamque populi compescendam per portas disposuissent; tamen rabies commotæ multitudinis vix cohiberi potuit. Inde Antonius Leva, Alphonsusque Davalus cum fide, qua se Mediolanensibus obstrinxerant, se solutos existimarent, signo Hispanis Ducibus dato, quibus cum militibus ad urbem accedere imperaverant, ipsi munitionibus, valloque ea parte, qua suorum statio continebatur, nocte munita, agmine militum coacto, alia ex parte inopinato egressi, prius quodam, qui ex infima plebe caput honoris causa aperire renuerat, occiso, certaminis initium faciunt, ignibusque ex turrium cacuminibus reliquos ad urbem vocant. Indigna cæde perculsi cives, nemo adeo pacato animo extitit, qui licet cum vitæ discrimine tantum facinus vindicandum non censeret. Cæsareani vero, qui urbem recenti milite muniverant, loca editiora occupaverant, e quibus excuti in Mediolanenses plumbea tempestas poterat, popularem impetum fregerant, ut cives, spe victoriæ abjecta, Ducum animos mulcere, iramque lenire satius putarent. Verum frustra tentata clementia, emittique suspectos cives jubentibus, pugna redintegratur, miserabili cæde cuncta foedantur; Germani

te-

1526 rectis ignem injiciunt; dum Mediolanenses e fenestris, & speculis missilibus diversi generis milites interficiunt: e turriculis illi balistis ferreis cives prosternere; nulli parcere; vulneribus, incendiis, cadibus omnia miscere: ut una die nobilissima, atque inter præcipuas Italiae civitas ad internecionem usque deleta foret, nisi Duces nondum ingressas Hispanorum cohortes urbe prohibuissent; ac populus, qui arma frustra induerat, fessus non modo Cæsareanorum voluntati non adversari; verum etiam migrare domo, patriamque deferere decrevisset. Hunc in modum summo civium Mediolanensium exitio alere exercitum, pecuniam conquirere Leva, ac Davalus malo uno alteri mederi cgebantur.

*Senatus  
mandata  
ad Petrum  
Pesareum  
Legatum in  
castris.*

Quæ res Clementem, Venetosque impellebant; ut licet nondum a Francisco Galliarum Rege foederi subscriptum esset; attamen augeri copias, novos militum delectus haberi, nihil ex iis, quæ ad bellum necessaria forent, prætermittere statuerent; Petroque Pesareo Legato Senatusconsulto mandatur, ut sex peditum millia veteribus copiis adjungat. Pontifex Placentiam Guidum Rangonium cum totidem peditum millibus proficisci jubet, ut suas copias, si occasio tulerit, cum Venetis conjungat. Ad hæc cum ad incrementa, roburque exercitus Helvetiorum gentem maximum momentum in præliis asserere compertum esset; præsertimque Franciscus Maria Urbini Dux, ac copiarum Reipublicæ Imperator suaderet, ad debellandos hostes duodecim Helvetiorum peditum millia necessaria esse; ut virtute militari conspicua gens, illustriumque victoriarum fama percelebris stipendia Veneta, & Pontificia mereret, e re communi visum est. Itaque cum hac in re Joannes Jacobus Medicæus Mediolanensis Mussianæ arcis Præfectus, ac Octavianus Sfortia Laudenfis Episcopus suam operam Senatui obtulissent, citoque sex millia ex Helvetiorum gente in Galliam Cisalpinam exsensus pollicerentur, Pontifex decem aureorum millia, quinque Senatus Mussiano Præfecto ad id peragendum mittit. Interim a Petro Pesareo Legato literæ superveniunt, quibus Sfortiam maximis undique circumseptum periculis Senatui significat, cunctarum rerum inopia pressum; vix paucis diebus victum suppetere; celeritate opus esse, ne spe auxiliorum dejectus, præceps consilia necessitati accommodare cogatur.

*Franciscus  
Sfortia ob-  
fessi extre-  
ma inopia.*

tur.

tur . Igitur quatuor peditum millium præter sex delectum habendum esse decernitur ; idque Legato mandatur , ut idem Guido Rangonio suadeat , Pontificias copias toridem peditum numero augeat , ac cum Ennio Verulano summæ apud Pontificem auctoritatis viro omnia communicet ; id enim Pontifex a Republica postulaverat : cataphractos insuper equites ad fluminis Abduæ ripas obequitare jubeat . Pontifex , qui Rangonium copiarum Ecclesiæ Præfectum cum cataphractorum turmis aliquot , sexque peditum millibus Placentiam miserat , Vitellum Vitellium cum novis militibus , Florentinorumque cataphractis mittit , ac Joannem Mediceum , quem Italici copias præfecerat , vicisque in exercitu illius gerentem Franciscum Guicciardinum . Senatus altera ex parte auctis copiis , quibus summa cum auctoritate Imperator , uti diximus , Urbinas præerat , Legatique munere Petrus Pefareusungebatur , exercitum ad Clarium , agri Brixienfis oppidum , ad flumen Ollium cogi jubet ; fure in eo peditum decem millia , præter milites , quos e præsidiis Imperator eduxerat : ac propediem Mussianus Præfectus duo millia Helvetiorum peditum in armis fore , quorum quingentos lacus Comensis custodiæ demandare deereverat , mille quingentos ad exercitum accessuros significabat . Ad hæc Laudensis Episcopus cum eodem Præfecto e Rhætis multos sparsim sub signa venturos : iis Pontificias , Venetasque copias conjungi Senatui placebat ; qua de re ut eum Rangonio summo Ecclesiæ Præfecto ageret , Legato perfrisierat ; atque ut idem Pontifex Rangonio mandaret , per Reipublicæ Oratorem petierat , ut justo exercitu ad liberandum obsidione Franciscum Sfortiam proficisci possent , futuri que belli prospera jacere fundamenta . Hæc erat rerum Italicarum conditio ; cum Cæsar ob moram in pace a Rege firmanda , quidnam ille moliretur , quo sua spectarent consilia , jam tum mente præviderat . Verum posteaquam apertius omnia a Carolo Lanojo , quem in Gallias ad jusjurandum Regis accipiendum miserat , intellexit , quamplurimas Regem excusationes necere , regni ordines nullo pacto Burgundiam dimitti passuros ; ingentem auri vim illius vice offerri ; foedus cum Pontifice , Venetisque percussum : licet illi nondum manum Rex apposuisset , animo vehementer perturbatus cuncta novorum

rum

1526 rum motuum casibus fomitem allatura circumspiciebat ; cum illi, vel Italiae pristinae restituere imperii formam, Francisco Sfortia liberato, necesse esset, eoque fructu carere, quem ex inita cum Gallis concordia speraverat ; vel pacationes illas lenire, quibus pax, ac libertas Regi concessa fuerat : quorum illud minuire Caesaris majestatem, auctoritatemque in nobilissima orbis terrae provincia videbatur ; hoc æmuli, potentissimique Regis spiritus augere, seque Burgundiae ducatu spoliare, quem vel situs opportunitate majorum stemmatibus illustrem, posteaquam ad imperii fastigium evehctus fuerat, anxiamente concupiverat.

At plus valuit in Carolo Burgundiae potiundae, ac cogen-  
di Regis desiderium, quam imperii in Italia retinendi spes. Consilia itaque eo flexit, ut Italos Principes, Pontificem nempe, ac Venetos jam animo aversos quacumque sibi ratione conciliaret, ac Franciscum Sfortiam in veteri majorum suorum possessione retineret. Propterea Ugonem Moncatam in Italiam celerrime misit ; qui statim Romam profectus Pontifici egregiam suam erga Rempublicam Christianam, atque Italiam voluntatem significaret, seque vel ad pacem cum Pontifice, Venetisque faciendam, vel non minus ad bellum alacri animo suscipiendum paratum esse. In itinere Moncata ad Senatum literas dedit, quibus significabat, se ad Italicas res componendas missum fuisse, ad eaque amplissimam facultatem, mandataque habere ; Romam ad Pontificem Imperatoris mentem perlaturum, magnis itineribus contendere : petere, ut eandem facultatem Oratori apud Clementem Reipublicae nomine Senatus tribuat. Has literas Alphonsus Santius in Patrum Collegium detulit, eademque etiam voce significavit ; Caesaris eximiam erga Italos principes benevolentiam ; propensum erga commune bonum studium, pacisque inter Christianos Principes ingens desiderium extollendo : his addit, Caesaris Duces, qui Mediolano praerant, sciscitari, quo pacto se gerere erga nostros debeant, cum cataphractos Reipublicae equites in Insubrum fines proficisci intelligant. Perlectis literis, audito Santio Caesaris Oratore, Patribus de re summi momenti, quae ad omnes foederatos maxime pertineret, nisi prius Legatis illorum consultis, Senatus decreto respondere non placuit.

*Ugo Moncata a Caesare ad Clementem missus. Ugonis Moncatae litterae ad Senatum per Santium Oratorem allatae.*

cuit . Igitur statim Pontificis , Galliæ , Angliæque Regum , ac Francisci Sfortiæ Oratores in curiam vocantur , ut illorum exquisitis sententiis Senatusconsultum fieret ; cum enim initum Coniaci foedus nondum vulgatum esset , licet jam per cunctam Europam illius rumor permauisset ; ambigebatur , num inter Principes inita societas apertis verbis , atque haud dissimulanter Cæsaris Oratori Senatus nomine aperienda esset . Una omnium fuit sententia : absque hæsitazione incunctanter Santio respondendum esse , Senatusque consultum foedere inniti oportere ; silentio , quod per omnes Europæ tractus fama vulgaverat , regi non posse ; sin secus fiat , conceptæ hominum spei de summorum principum societate derogatum iri , atque alicum a publicis rationibus futurum . Itaque Senatu hunc in modum Alphonso Santio responderi visum est . *Rempublicam nullo unquam tempore de præstanti Imperatoris erga concordiam , pacemque studio dubitasse ; idque in primis Senatui esse gratissimum ; digna siquidem optimo Imperatore , atque excellenti principe res semper fuit , omni labore , & studio niti , ut orbis Christiani principes dissidiis divulsi , bellisque mutuis exardescerent pacis vinculo connectantur : quod si ullo unquam tempore , his potissimum turbulentissimis , undique tempestates , horridisque procellas bellorum minantibus , maxime peroptandum est ; idque summis votis a Senatu exoptari . Ceterum quod ad postulata Ugonis Moncatæ , Santiique spectat , nihil respondere posse , nisi fœderatorum principum consensus , cum quibus a Republica societas inita fuit , accesserit .* In hujusmodi sententiam Cæsaris Oratori decreto Senatus responsum , eademque per Oratorem Pontifici significantur : additur , caveat Pontifex Maximus , ne summo artificio , mora , ac cunctatione unum id Cæsareani intendat , ut obtundere conatus nostros queant , & interim arce Mediolanensi , quæ ad summam rerum omnium egestatem redacta est , potiantur ; vel Galliarum Regem suspicione , ac technis impellant , ut cum Cæsare in gratiam redeat , atque Proregi Neapolitano si novas aliquas concordie rationes excogitaverit , assentiat : pro certo habere Moncatæ postulatam ita Pontificem responsum , ut ille aperte cognoscat , nihil absque reliquorum sociorum consensu facturum . Quod sane ita evenit ;

*Senatus  
responso.*

*H. Mauroceni T. I.*

*M*

*nam*

1526 nam cum Moncata, ac Sinveffanus Dux, Cæsaris ad Pontificem Orator illi significassent, Imperatorem Mediolanensem ditionem libere Sfortiæ relicturum; dummodo arx Protonotario Caracciolo in custodiam tradatur, donec Sfortiæ causa, non exactis calculis, sed ut dignitati Cæsaris consulatur, cognita fuerit, quæ inter Venetos, Austriacosque controversiæ sint, honesta ratione compositurum, copias ex Insubribus educturum: e contra nil aliud a Pontifice petere; nisi ut difficultatibus, quæ inter ipsum, & Regem sint, nullo pacto se immiscere velit. Respondit Clemens, nulli ignotum esse, quo semper studio amicitiae cum Imperatore conservandæ exarserit; nihil non egisse, ut Cæsar pacatam Italiam relinqueret, Sfortiæ libertatem restitueret, suspicioneque Principes hujus provinciæ liberaret: ea omnia vel pernegasse, vel distulisse: quapropter cum se omni spe dejectum Italicæ pacis, & interea arcem Mediolani acri obsidione præcinctam animadverteret, necessitate coactum, ut suæ, aliorumque saluti consuleret, cum Gallis, ac Venetis foedus sanxisse, cui nisi refragari velit, & fidem, jusjurandumque contemnere, aliud consilium inire neque congruum, neque Principe dignum esse. His intellectis Moncata Roma discessit; cunctaque ad bellum vergere, in novosque deduci fluctus cœpere, omnium oculis, animisque inspectantibus, quodnam initium futurarum cladum foret: inde foederatorum vires, Italicum robur, Gallorum impetus æstimantibus; inde Cæsareanos victoriis assuetos, verum pecunia laborantes in plena popularium tumultuum civitate, & innumeris, ut ferebatur, rerum ad bellum spectantium incommodis pressos; cum primum belli initium, felici auspicio Laudis Pompejæ urbis occupatione a Venetis facta; celebratum est. Quod ita evenit.

*Laura foederatis capta.*

Ludovicus Vistarinus civis Laudensis injuriis, ac contumeliis, quibus quotidie concives a Cæsaris militibus afficiebantur, commotus, qui milites cum Fabritio Maramaldo eorum duce omni genere avaritiæ, sceleris, libidinum in miseros sæviebant, idemque patriæ liberandæ generoso quodam animi instinctu percitus, Petro Pesareo legato antea conceptum animo facinus aperuerat, Venetisque se urbem traditurum spondebat; & cum opportunitas affulisset, cunctis ad rem gerendam

ne-



necessariis dispositis, legatum, imperatoremque Reipublicæ ad-  
monet, ut nocte concubia cum militum manu ad urbem ac-  
cedant, signum illis, tempusque patrandi facinoris daturus.  
Ab Urbini Duce Malatestæ Balconio viro impigro, astutique  
militari assueto provincia demandatur, ut tribus peditum mil-  
libus assumptis, iter ad Laudem Pompejam dirigat. Interea  
Vistarinus juvenum manu, quorum opera in urbe tradenda  
uteretur, selectis, ac in ædes aliquot occulto immisis, duo-  
bus tantum illum comitantibus, ad turrin, in qua sex mili-  
tes excubias agebant, quasi, an recte vigilas obirent, animad-  
versurus progreditur; quos, sociis subsequenter, mira cele-  
ritate omnes interfecit: quo peracto, vallum ingressus ad Ve-  
netos milites urgendos properat, Fabritio Maramaldo nondum  
quid peractum esset, audiente. Itaque viij. kalend. junii, non-  
dum albescente celo, Balconius urbem ingreditur, Laudeque  
Veneti potiuntur. Maramaldus vero, cui cum mille, ac quin-  
gentis peditibus urbis custodia mandata fuerat, in arcem con-  
tinuo se recepit, statimque Alphonso Davalo, & Antonio Le-  
væ quæ acciderant, significat; quid sibi in hoc rerum discrimi-  
ne agendum sit, postulat. Qui novitate rei perculsi, cum  
in laude Pompeja maximum ad bellum peragendum momenti  
inesse cernerent, statim Alphonfus Davalus cum Joanne Ur-  
binæ Tribuno, Mediolano tria peditum millia cum leviorum  
equitum manu educunt, citatoque itinere Laudem contendunt,  
& arcem per subsidialem portam ingrediuntur, eodemque mo-  
mento in forum profiliunt. At Malatesta Balconius statim ur-  
bem ingressus militibus forum occupaverat, vicosque, ac do-  
mos, quæ ad portam, qua ipse ingressus fuerat, ferebant,  
muniverat, ut majori hostium vi ingruente tutum discessum  
haberet. Hispani initio acriter pugnare, instare, conari Vene-  
tos presidio dejicere; sed illis acriter obsistentibus, Malatestæ  
Balconii adhortationibus majores spiritus, viresque fumentibus,  
eminus ballistis ferreis, cominus gladiis, hastisque pugnanti-  
bus, tandem Davalus amittere Laudem Pompejam potius,  
quam Mediolanum in periculum adducere voluit; reductisque  
militibus, & in arce presidio relicto, Mediolanum reverti-  
tur. Interea Urbinas, ac Pesareus cum reliquis copiis super-  
veniunt, qui, felici rei eventu cognito, cum nocte superiori

1526 ad Oragum Ollium flumen trajecissent, ponte, nuntio audito, Abduam transgressi fuerant, ac praesidia urbis augere, aeneas machinas ad arcis prospectum dirigere coeperunt, ut si hostes denuo in fortunæ aleam se immittere vellent, a nostris obfirmatis animis, omnibusque ex militari praescripto dispositis, resisti posset. Verum qui arcis praerant auxiliorum ambiguitate, arcis tuendæ difficultate permoti, utpote quæ angusto ambitu parvam militum manum intra se admittat, sequenti nocte abiere; ab equitibus excepti, qui Mediolano ea de causa emissi fuerant.

Laus Pompeja a Venetis capta maximum pondus foederatis attulit, cunctosque in spem erexerat, fore, ut felici cursu victoriæ initia in dies magna susciperent incrementa; Mediolanensesque praecipue hoc facto exitum miseriarum inveniri posse sibi pollicebantur. Nam egregie munita civitas, quam semper Caesareanos usque ad ultimum spiritum defensuros constans opinio fuerat, præterquam quod vires sociorum auxerat, non minora hostibus damna attulerat; cum inde absque impedimento Ticinum, ac Mediolanum viginti millia passuum itinere progredi liceat. Abduam nostri nullo obsistente trajectarent, mora jungendarum copiarum ablata, Cremona in maximas difficultates subsidiorum recipiendi, si opus foret, redacta. Quæ omnia ex Laudis Pompejæ eventu pendebant. Hoc nuntio habito, Senatus incredibili lætitia affectus est, mirisque laudibus Malatestæ Balconii virtutem, ac fortitudinem extulit, qui quatuordecim annos Reipublicæ Venetæ strenuam operam navaverat; atque ut egregio aliquo argumento illius virtutem, publicamque grati animi significationem testarentur, Senatus decreto peditum Praefectus summo Patrum consensu iij. kal. junias declaratus fuit, annuo aurcorum mille quingentorum stipendio addito, & si bella Venetis gerenda essent, ut strenuos milites seligeret, menstrui centum aurei nummi ex ære publico præberentur. Laude Pompeja occupata, nil superesse videbatur, nisi ut Pontificiis, Venetisque junctis copiis, ad Sfortiam, qui jam in Mediolanensi arce extrema patiebatur, liberandum proficiscerentur: qua in re non deerant varia a Clementis ducibus impedimenta; nam cum Guidus Rangonijs Rubertum Boschetum ad nostros misisset, ut de ratione belli

ad-

*Malatesta  
Balconius  
peditum  
Praefectus  
a Venetis  
declaratus.*

*Robertus  
Boschetus a  
Rangonia  
ad Urbina-  
rum missus.*

administrandi cum illis ageret, imperator Venetus quamcelerime posset exercitus conjungendos esse aiebat; sibi videri Pontificis copias cis Casale majus Padum trajicere oportere; Venetas eodem iter dirigere, ut ipsis conjungerentur. Ac dicente Boschetto, nullo pacto Ecclesiæ oppida, imminutis præsidiiis, Cæsareanorum libidini relinquenda; imperator militiæ experimentis edoctus vehementer hortabatur, ut, Placentia valido militum præsidio firmata, omni abrepta mora, statim Padum transgredierentur: celeritate nimirum opus esse, qua semper prospere bella administrari solent; illam in primis hoc tempore necessariam; dum hinc Sfortia obsessus obtestatur, opem implorat; quæ si cunctando mora protrahitur, sua consilia illum non voluntate, sed necessitate reorurum; hinc vero Cæsareani duces, & milites maximis difficultatibus premuntur, pecunia laborant, rerum omnium necessitate coguntur, Mediolanenses incredibili in Cæsareanos odio flagrant; dum milites nec illorum pecuniis, nec pudori parcent, sed per domos grassantes in illos summum violentiæ imperium usurpant: omnia hæc hortari, ut quam primum junctis copiis, communibus viribus bellum geratur. Ea de re Franciscus Guicciardinus ad Pontificis Legatum Venetiis commorantem perscripserat, multisque rationibus jungendarum copiarum impedimenta, & difficultates exposuerat.

Verum Laus Pompeja a nostris capta, Ducum Ecclesiasticorum consilia statim flexit, omnesque moras abruptit; nam cum nostri, ut diximus, Abduam trajecissent, Pontificii vj. kal. julias Padum transgressi, nostris ad Divi Martini tria millia passuum a Laude Pompeja se conjungere, cunctis exitum belli, obesseque Ducis libertatem ex Laudis Pompejæ eventu metientibus. Neque vero Senatus aliqua in re vel studio, vel pecunia, vel maritimis, terrestribusve copiis parcebat; ita ut solus fere totam tanti molem belli sustinere videretur. Nam præter pedites, & equites utriusque armaturæ, de quibus diximus, in primis, ut Germanis militibus Alpium aditus, descensusque in Galliam Cisalpinam prohiberetur, officiis non modo, verum etiam pecuniis nitebantur. Cum enim Rhætorum gens vias omnes, quibus per suos fines transiri in Italiam posset, Germanis clausuros sese obtulissent; dummodo controversiæ, quæ

1526 inter ipsos, Mussianumque Praefectum erant, penitus tollerentur, Senatus libenter assensit, Petroque Pesareo legato per literas significavit; si gentem ea mente esse cognosceret, ut angustias, quæ in eorum ditionibus sint, ac Vallis Tellinæ aditus adversus Germanos tueretur, simul cum Episcopo Verulano ageret, ut, omni semota inter illos contentione, quæ ex captivitate, ac libertate Oratorum Rhæticiæ Reipublicæ orta fuerat, æquis portionibus argenti vim Senatus, ac Pontifex Mussiano persolverent; quo facto, spes foret, Sfortiam Rhætos ad sua stipendia traducturum, pecuniisque, & Clavenæ comitatu quiete usuros permittiturum. Ad hæc cum nonnulli nobiles Reipublicæ sumptibus obsistere hostibus, ac itinera præcludere polliciti essent; inter quos Capinus Grangius legato scripserat, tercentis militibus nonnullos anfractus Alpium tutos, si ille annueret, redditurum; Senatus argentum præbere una cum Pontifice, ut hæc quamprimum efficerentur, non recusavit.

Præterea cum classis optime instructa summam foederis auctoritatem allatura videretur; eaque vel ad Genuensis Reipublicæ statum mutandum, vel ad hostes metu continendos ex præscripto foederum cum primis necessaria esset; Respublica Veneta majoribus comitiis Aloysium Armerium Praefectum classis creavit, ac pridie kal. julias, ut tredecim triremibus Venetiis solveret, Senatus mandavit, iterque Corcyram versus dirigeret, ubi duodecim triremibus, quas alter Legatus Joannes Maurus instruxerat, receptis; deinde velificatione facta, in Tyrrhenum mare proficiscatur, classem cum Pontificiis, vel regiis triremibus conjuncturus, atque Imperatori a Rege missi, quem Petrum Navarrum futurum fama vulgaverat, pariturus: in stipendia remigum, ac militum quatuordecim aureorum millia assignantur; ac ne in ditiones Caroli exscendere milites permittat; & non nisi cum Cæsaris navibus certamen ineat, injungitur. Eadem die, qua Venetiis Armerio Senatus mandata dabantur, Pontificiis, & Venetus exercitus ad Melenianum castra habuere; ibique quid potissimum agendum esset variis sententiis disceptabatur. Nonnulli Helvetios milites, priusquam aliquid momenti tentaretur, expectandos; cum absque gentis militia assuetæ, in armisque innueritæ auxilio, ac robore non sine periculo copiis recenti delectu comparatis

ratis Mediolanum accedere tutum esset : alii celeritate utendum ; a victoriæ cursu, quæ jam secunda, ac felici aura aspirare cœpisset, nullo pacto deflectendum ; fieri non posse, ut tria Germanorum peditum, quinque Hispanorum millia, parva equitum manus, in maxima annonæ angustia urbis adeo vastæ spatium adversus copias, equitum robore, æneis tormentis, ducum præstantia, Italicæ militiæ flore prævalidas tueri possint : quocirca tantas ultro oblatas spes gloriæ, ac præmiorum urbis præcipuæ, quæ caput belli erat, potiundæ non deferendas. Urbinatis ea fuit sententia, ut lento gradu Mediolanum versus proficisci oporteret ; donec Helvetii, quos rumor ferebat in Italiam contendere, nostris se adjungerent, quorum mille, jam jugis Alpium superatis, in Bergomatem agrum descenderant, ac iter ad exercitum arripuerant.

Interim, qui in arce Mediolanensi obsidebantur, cum pane ex farina fursure admixta vesci cogerentur ; neque diutius adventantia auxilia præstolari possent ; tertia vigilia noctis ducentos milites ex arce emisit, qui recta per munitiones hostium, qua segnius excubias agi prospexerant, vi, si opus foret, patefacto aditu, Melenianum contenderent ; ibi Franciscum Urbini Ducem, copiarum Venetarum imperatorem, Franciscum Guicciardinum, Petrum Pesarum ; Pontificis illum ; hunc Venetorum Legatum, adeuntes, ad extrema redactos obsessos significant ; præ ciborum inopia macie confecta militum corpora vix ad arma sustinenda satis esse ; ni cito auxilia præsto sint, brevi arcem deditioe ad hostes transiture ; ducem cum obsessis omnibus in Hispanorum ducum potestatem venturum ; quo nil, vel ad summorum principum auctoritatem, famamque minuendam, vel ad præstantissimorum ducum, qui in armis ætatis florem contriverant, gloriam corrumpendam deterius accidere posset. Imperator, ac Legati, Sfortianis constantiæ stimulis injectis, etsi difficillimum putarent, Cæsareanos veteranos milites urbe amplissima expellere ; attamen ad portam, quam Romanam vocant, copias dirigunt ; eo consilio, ut si intra urbis mœnia se Cæsareani continerent, suburbia a nostris caperentur. Itaque nonis julii ad Buffoletam, & Pilastrelas, quæ quingentos circiter passus a Mediolano distant, castra habentur, non sine spe aliqua, ut hostes nostrorum

1526 copias loco adeo urbi vicino castrametari cernentes, suburbia impetu, & conatu pervia propugnare non auderent. Verum, cum noctu Carolus Borbonius, quem Cæsar in Italiam miserat, supervenisset, ac cum octingentis Hispanis peditibus Mediolanum ingressus esset, abjecti militum spiritus erigi, ac spe meliore munia militiæ obire cœpere. Nostri aliquot tormentariis ictibus portam percutere aggrediuntur; tribusque machinis æneis e regione portæ erectis, summo impetu pilas ferreas excutere, nec minore conatu niti, ut e mœnibus ab hostibus balista ferrea, *falconetum* vocant, cui milites expositi erant, tollatur; quod cum prospere evenisset, multos cataphractos equites ad pedes desilire, portam aggredi, scalas admovere jubet. At cum votis successus non responderet, hostesque eminentiori loco positi nostros impune tormentorum machinis offenderent, ex quibus quadraginta interfecti, fauciique multi: ardore pugnæ remisso, levioribus certaminibus utrinque certatum est. Cumque Urbinas Cæsareanos suburbia constanter defensuros inspiceret, & Carolum Borbonium cum Hispanorum militum cohortibus Mediolanum ingressum intellexisset, hostesque situs, locique opportunitate superiores crebris tormentorum ictibus exercitum lacerare posse didicisset, satius duxit cum exercitu Mediolano discedere. Itaque servatis ordinibus, instructisque aciebus Melenianum, unde digressus fuerat, viij. idus julii reversus est; ibique Helvetios opperiri statuit, quos propediem ad duodecim millia in castra adventuros per certos nuntios ferebatur; auctis copiis, tutam, incruentamque victoriam, uti sperabat, relaturus.

Reperitus hic, inopinatusque a Mediolano discessus, cum undique Cæsareanos plurimis circumseptos incommodis profligatum iri fama circumferret, vehementer animos illorum commovit, qui res spe potius, ac votis, quam prudentia, rerumque usu metiri solent. Plerisque enim videbatur, si oppugnare suburbia Dux, ac impetum totis viribus facere voluisset, citra difficultatem hostibus repulsis, iissem aditum aperuisset. Aegre sane hos rerum successus Senatus tulit, qui ex Laudis Pompeje felici eventu, ex hostium imminuta auctoritate, & copiis, ex nostrorum ad Mediolanum profectione bellum haud diuturnum fore spe-

RAVE-

raverat. His de causis permotus Veneti exercitus imperator, ut rationem suorum consiliorum Patribus exponeret, militarique prudentia exercitum ab Mediolani oppugnatione abduxisse comprobaret, Aloysium Gonzagam Venetias misit; quem Collegium ingressum in hanc ferme sententiam loquutum fuerunt.

1526  
Aloysii Gonzagæ ab Urbinate Venetias missi Oratio.

*Nihil facilius est, optimi Patres, quam illorum, qui altissimo dignitatis gradu locati sunt, actiones, factaque carpere, & sugillare; ac præcipue earum rerum, in quibus plerumque fortuna plurimum potest; quo in genere tota fere ars militaris sita est. Nihil contra difficilius, quam optimis, tutisque consiliis res maximas ita gerere, ut absque iactura, periculisque quod mente concepimus assequi possimus. Quocirca inter præclaros bellis assuetos, victoriis illustres Duces, quos ad hæc usque tempora celebris, seculorumque omnium applausu probata perduxit fama, nonnullos accepimus, dum absque cade, ac sanguine, astu militari vincere hostem assueverant, quandoque vulgi obreftationibus, insciorumque hominum calumniis obnoxios fuisse; quorum voces per omnem vitam contemnere solitus Urbini Dux, qui scientiam rei militaris a primis adolescentie initiis ad hoc usque ætatis non ex vulgi inconstantia, imperitorumque hominum iudiciis; sed rerum experientis, acerrimis dimicationibus, oppidorum oppugnationibus egregie didicit, illius consilii rationem reddere, quo fœderatorum copias Mediolano discedere iussit, minime necessarium fore existimat; ac præsertim apud amplissimum Senatum, qui cum eum Imperatorem declarasset, quid de ipso sentiret, non obscuris argumentis patefecerat, aliisque quid de illo iudicandum esset, præscripserat. Verum cum varias ex omni parte hominum voces exaudiri, iudicia passim circumferri intelligeret, plerosque ex Senatoribus hac discessione imminutam auctoritatem, fractasque vires fœderis putare, quin me consiliorum, mentisque suæ aperiende causa ad vos mitteret, facere non potuit; & se, neque metu, quem in ipsum cadere vix opinandum est, neque alia causa ductum, quam belli recte administrandi rationes exigent, discessisse; summorum Ducum, Imperatorumque vestigia, & disciplinam sequutum, qui certam absque sanguine, & cade victoriam cruentis strage,*

occi-

1526 occidioneque redundantibus praeliis antetulerint. Num Meleniano cum exercitu Mediolanum profectus, nunquam eo fuit animo, ut amplissimam urbem, lateque patentem vel obsidione ad deditionem compelleret, vel vi oppugnando potiretur; cum praecipue sciret, octo Hispanorum peditum millia, praeter Germanos, equitatumque, in ea esse, qui veteri militia robore cum nostris nuperrime collectis non essent conferendi; sed ut citra periculum, dum Helvetiorum adventum praestolatur, cognosceret, qui animus Casareanorum, quos multis conflicteri incommodis nuntii afferebant, esset, & an forte cum & arcem obsidere, & civitatem tueri, & populi motus compescere deberent, & circuitum urbis transilire nollent, suburbia ipse occupare, in iisque castrametari, Ducique obsesso opitulari posset. Hoc consilio cum a Meleniano profectus esset exercitus, & ad Paradisi coenobium castra ad portam Romanam habuisset, superiori nocte Carolus Borbonius cum pecuniae vi, ac octingentis Hispanorum peditibus urbem ingressus fuerat. Id licet sciret Imperator; attamen tormentis quati portam, ac suburbiorum mœnia jubet. Eo hostes accurrunt, leviora praelia committuntur: illi editiori loco freti tormentorum vi, ingentique ferrearum glandium procella nostros disjiciunt, qui nulla ratione impetum vitare, neque obices interponere poterant. Quid faceret strenuus, ac prudens Imperator? sineretne coram pessumdari milites; inulta cæde, sanguine, cadaveribus cuncta oppleri? aleamne fortunæ extremam subiret, ac illius instantiæ universas copias, peditatum, equitatum objiceret? Hispanos, Germanosque milites Borbonii adventu confirmatos, & erectos nil necessitate, quæ plerumque etiam a victoribus ad victos certaminis præmia transfert, ad pugnam alliceret, ac brevi momento certas fœderis spes in discrimen adduceret? An non Helvetiorum auxilia, qui turmatim, relicta domo, ad hoc bellum descendunt, quotidie expectantur, quorum in adventu sive cum hoste congregiamur, sive cunctatione utamur, debellatum est? Quid Christianissimi Regis copiae equestres, pedestresve, quæ nondum Alpes sunt transgressæ? nonne junctis Pontificiis, Gallorum, Venetorumque copiis, victoriam incruentam, ac certam tenemus? Cur igitur exercitus vestri Dux, qui vel ab hoc ipso Senatu tuta consilia incertis eventibus præ-

præ-



*præponere edoctus est, non potius mora aliquot dierum interje-  
cta, baud dubiam felicitatem ex prudentiæ ratione expectare,  
quam hujus momento omnia incertæ fortunæ committere debuit?  
Hæ sunt consiliorum rationes, quibus victoriæ delata vobis in-  
tegras copias, tormenta, commeatum, populos conservabit: quæ  
baud dubie sibi pollicetur, summa prudentia, alto consilio Pa-  
tres comprobatorios; nihilque unquam ab Urbini Duce pro-  
fecturum, quod vel ad certam gloriam, vel ad Reipublicæ,  
imperiique bujus incolumitatem non dirigatur.*

Hæc Gonzaga de discessu a Mediolano coram Patribus dis-  
seruit. Eadem die, qua exercitus a Mediolano regreditur, qui  
fuit viij. idus julii, foedus Coniaci initum, ingentis lætitiæ si-  
gnis editis, Romæ, Lutetiæ, ac Venetiis vulgatum est, sup-  
plicationesque ex Senatus decreto Deo immortalis totius popu-  
li concursu habitæ, cunctisque civitatis ordinibus ingentem læ-  
ticiam præ se ferentibus, ut divi Marci ædes, totumque cir-  
cumquaque forum egregie peristromatis, auleis, signis celatis,  
pictis, vexillisque instructum summis lætitiæ, exuberantisque  
gaudii vocibus personaret. Ex Mediolani oppugnatione desti-  
tuta, quemadmodum Cæsareani maxima lætitiæ affecti fuere, quod  
sine prælio recessisse hostes, spemque abruptisse victoriæ cerne-  
rent; ita Mediolanenses ingenti, insolitoque pavore perculsi  
sunt, exercitum ex Italico robore conflatum, in quo spem pri-  
stinæ libertatis adipiscendæ reposuerant, retrocessisse audientes;  
laspas obsessorum spes, inania auxilia, vix in horas suffectura  
cibaria conquerentes. Cæsareani rerum successu exultantes mu-  
nire urbem, ad suburbia firmanda necessaria cuncta moliri;  
aggeres hiantes reficere, collapsos, vetustateque ruentes erige-  
re; cives, populum, ut ligonibus fossas urbis exhaurirent,  
compellere. Sfortiani obsidionis suprema tolerabant, cum sui  
nostros oblivisci, Ducemque hostibus se tradere passuros vix  
mente conciperent; præsertim cum in discessu quamplurimis  
tormentorum ingentibus boatibus illos confirmare, & melio-  
rem fortunam ut sperarent, persuadere niterentur. Præterea  
secreto literæ Urbinatis imperatoris, Petri Pefarei Venetorum,  
Franciscique Guicciardini Pontificii legati missæ sunt, quibus  
si in fide manerent milites, intrepideque arcem tuerentur, qua-  
tuor militaria stipendia pollicebantur. Verum obsessi eo deni-  
que

*Federis  
Coniacensis  
publicatio.*

1526 que inopiæ redacti erant, ut pane furfure admixto vitam sustinere cogerentur. Quocirca, cum alios timor occupasset, alios auxiliorum dubius exitus instantis necessitatis horrida facies transversos ageret, ad deditionem omnia vergere videbantur. Atamen ut cuncta prius Sfortia, quam hostium clementiam experiretur: simul, ut aliquot hominum, ac mulierum, quæ fruges reliquas absumebant, numero levarentur, placuit ad quingentos ex arce emittere, qui noctu per oppositas munitiones egressi, qua negligentius custodiæ habebantur, erumperent. His Pasquinus militum ductor cum centum quinquaginta cataphractis adequitare iussus, ut tuto per angustos calles penetrare possent; quam rem prospere eventus est subsequutus: nam per medios hostium aggeres incolumes, ut edocti fuerant, Melenianum ad exercitum se recepere: Veneto imperatori, legatis Pefareo, & Guicciardino obsessorum casum significant; succisas omnes tuendæ arcis spes; hominum umbras, luridas facies, macie, tabeque confecta hominum corpora, ad arma jam induenda non sufficere: ad furfutem, horridosque hominibus cibos ventum esse; si auxilium, quod in nostrorum dextris situm est, diutius protrahatur, ne, malorum omnium extremo, fame contabescat, invito licet, ac reluctante animo, deditionem hostibus facturum.

Permovit miserorum, & infimæ plebis conditio animos ducis, ac legatorum. Itaque Duci obseffo suppetias ferre, & arcem, si qua ratione queant, obsidione solvere decernunt; cum præsertim quinque Helvetiorum millium numero, ac robore auctus esset exercitus. Recta igitur ad arcem proficisci, & ad Mediolanum castrametari statuunt, Melenianoque digressi quatuor dierum itinere xj. kal. augusti inter Cafaretum, & Lambrum flumen ad Lambram perveniunt, atque inter Laurentiam, Tonsamque portas castra locantur, statimque militum parva manu ad expugnandam Modoetiam missa, quæ deditione in nostrorum potestatem eadem die pervenit: postera vero æneis machinis arx, cui Neapolitani pedites centum præerant, expugnatur. Interim autem dissidentibus sententiis in exercitu de subsidio arcis inferendo agebatur; nonnullis ad munitiones statim cum robore exercitus contendendum, vi transeundum, si hostes obsistant, dimicandum sentientibus; aliam Sfor-

*Helvetiorum  
in castra  
federatorum  
adventus.*

*Federati  
ad Mediolanum.*

*Modoetia  
cum arce a  
federatis  
capta.*

Sfortiæ succurrendi viam non esse ; nec rem dedecoris nota carere , si exercitus ex Italicæ juventutis flore collectus , Helvetiæ gentis robore suffultus in omnium oculis dedi Hispanis Sfortiam fœderatum patiatur . Aliis contra , non absque ingenti periculo oppugnari munitiones hostium posse : loci opportunitate , pugnandi securitate , veteris militiæ præceptorum firmitate superiores nostris futuros . Ac dum tempus consulendo teritur , obsessi jam non fame configati , sed mortem ipsam hærentem in faucibus adspicientes , extremo adaædi necessitatis telo , hosti arcem tradere quam optima possint pactione decernunt : Philippusque Saccus ad Carolum Borbonium mittitur , qui multa primum de Cæsareanorum odio adversus Sfortiam graviter conquestus , quodque Principem candore animi , & innocentia prænitentem , nominisque , & amplitudinis Cæsaris studiosissimum , æmulatorum obtreccationibus , & calumniis circumventum per tot menses obsessum , & vincum tenerent , arcem reddere non iniquis conditionibus paratum esse affirmat , quousque Cæsar de omnibus certior factus mentem suam patefaceret . His libenter a Cæsareanis auditis , quibus nihil æque cordi hæserat , quam arcis potiundæ desiderium , vij. kal. augusti ad arcis Mediolanensis deditionem his conditionibus devotum est ; ut *Sfortiæ cum suis omnibus , eorumque sarcinis , & supellectile tuto abire liceat . Comum civitas , quam Cæsareani cum præsidio tenebant , Sfortiæ cum triginta aureorum millium annuo redditu tradatur ; donec Cæsar de criminibus , quæ adversus Ducem jactabantur , ac de toto Insubrum imperio statuat . Cæsareanisque postulantibus Joannes Angelus Riccius Sfortiæ a secretis , qui omnium consiliorum Ducis particeps fuerat , traditur , a quo acta , agitataque a Sfortia intellexerent , fide oppignerata , se illum tuto abire permissuros . Stipendia militum , qui arci præfuerant , reliqua usque ad id tempus non soluta Cæsareani persolverent , quorum summa ad viginti milia aureorum erat .* Cupiebat Borbonius Cremonensem sibi arcem tradi , idque Cæsaris rebus firmandis opportunum esse censebat , adversus quem Italia cum Gallorum , & Helvetiorum gente conspiraverat . Ac Sfortia necessitate ad extrema quæque compulsus Sacco mandaverat , ut si melior ab hoste conditio reportari non posset , Cremonensi etiam arce cederet ; sed

*Philippus  
Saccus a  
Sfortia ad  
Borbonium  
missus .*

*Arcis Me-  
diolanensis  
deditio .*

1526 ex sermone; vultuque hostium lætitiā recipiendæ Mediolanensis arcis conjectans, constanter negavit Sfortiam Cremonensem traditurum. Iis, quas diximus, conditionibus arx a Borbonio, Cæsareanisque ducibus recepta est, illamque Hispani milites explicatis signis lætabundi ingressi sunt. Dux vero cum suis egressus, Gajaci Comite cum ducentis cataphractis equitibus, turnisque militum comitante, statim a Venetorum imperatore, ac legatis in fœderatorum castris mœrore confectus, diuturna quæ ægritudine imbecillus exceptus est; nulla quæ interjecta mora, initæ cum Cæsareanis deditionis conditiones imperatori Veneto, ac legatis ostendit; qui omni studio licet niteretur Sfortiæ animum ab hostibus avertere, neque, si suæ dignitatis, commodique rationem habere velit, iniquis pacis conditionibus, quas illi invito expressissent, assentiendum esse; attamen Dux sævientis fortunæ impetum diu expertus, tutius putabat Cæsaris liberalitati, voluntatique se credere, quam in præteritas sirtes, ac scopulos denuo impingere. Quapropter Sforcinum Comum præmisit, qui de illius adventu Cæsareanos certiores faceret, Hispanorumque militum præsidium amovendum curaret. Verum Cæsareanis, *Comum Sfortiæ tradituros, non milites ablaturus, pactos se esse*, dicentibus, Dux Hispanas calliditates, artesque agnoscens cito a superiori consilio, speque dejectus, totum se fœderatorum voluntati permisit, & fœdus Conjaci ictum amplexus est.

Quæ in Gallia Cisalpina quindecim dierum spatio, nempe ab viij. idus julii usque ad xj. kalen. augusti gesta fuerant, conceptæ ab omnibus de belli successu egregiæ spei cum non respondissent, diuturnum, variisque utrinque cladibus bellum fore portendebant. Fœderatorum diversi fines, dubiæ mentes, incerta auxilia, non idem animus erat. Pontifex, qui neque res magnas animo sustinere, neque difficultatibus vi, ac magnanimitate mentis obsistere assueverat, jam labare animo, consternari; neque se satis ad tanti belli molem subeundam paratum esse animadvertere; cum in primis pecunia maxime laboraret, ac in toto ferme illius imperio novi motus suborirentur, quibus vel retundendis, vel avertendis impar esse videbatur. In Carporum oppido trecenti Hispani pedites cum parva equitum manu ditionis Ecclesiæ agros assiduus excursio-

*Sfortia, &  
Gajaci Comi  
in fœderatorum  
castris.*

*Sfortia fœ-  
dus Conja-  
cense am-  
plexus.*

nibus vastare, curforum itinera impedire. Ugo Moncata, ac Sueffanus Dux, qui a Romana legatione discesserat, cum Aescanio, Vespasianoque Columna, illius familiæ oppida propinqua urbi ingressi bellum ab ea parte Pontifici non obscure minabantur; ac nonnulli illius factionis homines Anagniam, Campaniæ oppidum, muniverant; quorum motus non mediocriter Pontificibus pertimescendi Clementem mirum in modum afficiebant. His accedebat, quod cum Reipublicæ Senensis statum immutare in animo habuisset, præsentī opportunitate sibi adiutū rei conficiendæ patefieri ratus, licet multis dissuadentibus, qui non frangendas vires, sed omnes ad socios mittendas agebant: attamen ad Senarum civitatem animum adiecerat, ac extorres in patriam restituere decreverat: cui rei cum Virginium Ursinum, Anguillariæ Comitem, præfecisset, mille ducentis equitibus, novemque æneis machinis, & ferme octo mille peditum numero, quorum delectus in ditionibus Ecclesiæ, Florentinoque imperio habitus fuerat, xiiij. kalen. julii ad Senarum mœnia accessere; eodemque tempore cum trirēibus, ac millium peditum numero Senensium portus invaserat. Verum cum exulum amici, & propinqui nullum tumultus edendi, ut Pontifici speraverant, signum dedissent; quamvis quætere tormentis mœnia cœptum esset; situs tamen natura, urbis circuitu, cui præcingendo copiæ Pontificiæ non sufficerent, ac præsertim popularium constantia res ad exitum perducī non potuit. At licet Pontifex diris execrationibus Cardinalem, Columnensesque devovisset, cum difficultates in dies majores oriri, spes imminui, pecuniæ inopia contineri sub signis collectitios milites non posse cerneret, Ducis Sueffani nuntium, Ugonemque Moncatam pacis conditiones proponentes libenter audivit: quibus rebus agendis Romam Vespasianum Columnam Clementi veteri amicitia conjunctum miserant. Is dum ea de re tractare inciperet, exercitus pontificius, Senis relictis, palatus, arrepta fuga, sarcinis, tormentisque bellicis desertis, summo cum dedecore abiit.

His rerum eventibus Clementis jactatum animum Senatus Venetus sæpius confirmare, ac Marci Foscarī oratoris prudentia, & eloquentia ad spem meliorem erigere conabatur; nunquam Rempublicam ab officio recessuram, terra, marique, exer-

1526 exercitu, classe; licet immensis sumptibus, quibuscumque viribus polleat, enixuram. Cum vero Gallorum Rex cataphractus equites in Galliam Cisalpinam Marchionis Salassiorum ductu misisset, atque eodem tempore, Helvetiorum peditum decem millia foederatis copiis conjungere decrevisset, ut justo peditatus numero Salassii equitatus fulciretur, Pontificem, Senatumque, ut quatuor peditum millium novum delectum haberent, hortabatur; quibus ille duas stipendiorum partes persoluturum pollicebatur, reliquam a Pontifice, Senatuque persolvi petebat; quod Senatus efficere alacri animo spondebat, idemque Clementi, ut faceret, auctor erat. Ad hæc Eboracensis Henrici Angliæ Regis nomine, licet foederi subscribere distulisset, a bello nulla ratione cessandum aiebat, donec Cæsar Gallorum Regi satisfaciatur; neque Henricum a foedere cum reliquis Principibus incundo abhorreere; petere, ut triginta aureorum millia, quæ ex foedere annuatim Regi in Neapolitano regno persolvenda essent, eadem ex Insulbrum ditione percipere liceat. His ut Pontifex assentiretur, Senatus nitebatur, omnique studio contenderet, ut quamprimum Henricus foedus Coniacense amplecteretur. Quocirca Pontifex Joannem Baptistam Sangam a secretis in Galliam, & Britanniam misit, qui Gallorum Regem hortaretur, ut nulla interposita mora, Gallicum equitatum Alpes transgredi juberet, omnique auxiliorum genere socios, amicosque juvaret; viginti millia peditum Clementem, Senatumque Venetum in armis habere; cataphractus, leviores equites, magnam tormentorum vim; Laudem Pompejam initio belli captam, Mediolanum usque signa protulisse; præcipiti eventui tantarum rerum summam credere noluisse, præstolari copiarum adventum invicti regis, qui nonnunquam solus cum Cæsareanos in Italia fregisset, Mediolanum, belli arcem, cepisset, verendum non esse, ne Italorum Principum auxiliis subnixo prospera illi cuncta non evenirent. In Britannia vero Cardinalem Eboracensem omni studio, ut foederi subscriberet, Henricum impelleret, illum societatis auctorem, & adhortatorem fuisse, a sociis foederis conservatorem, vademque nuncupatum. Quæ officiorum genera per Sangam obiri Pontifex jusserat, eadem Veneti per nuntios, oratoresque suos præstari mandaverant, Sebastianumque Justinianum, ac Lau-

*Sebastianus  
Justinianus,  
&  
Laurentius  
Brayade,  
nuntii legati  
ad Galliam  
Regem.*

ren-

rentium Bragadenum designatos ad Regem legatos, ut quamprimum in Gallias iter maturarent, decrevere, & post gratulationis officia, ut Gallicis armis foederi adesset, enixe suaderent.

Atque ut plerumque accidit, ambiguos, nutantesque in consiliis capiundis animos levi momento huc, atque illuc impelli, neque diutius in coepta semel sententia consistere; Clemens cum belli impetum reformidaret, cujus adventantia signa tota Ecclesiastica ditone apparebant, ac praesertim Romae faucibus hærere videbantur; neque finem belli in Gallia Cisalpina speraret, nisi alio Caesaris vires averterentur; Senatui cupere se significavit, ut maritimis viribus Neapolitanum regnum, ac praecipue mari adjacentia Apuliae loca classe invaderentur: non difficile fore, vel populorum erga Caesarcianos odio, & in foederatos, praesertimque Venetum nomen benevolentia, vel virium magnitudine, Hispanis imparatis, tota Apulia potiri. Ad hæc Senatus respondet, Rempublicam, ut foederi satisfaceret, tredecim triremium classem, Aloysio Armerio Praefecto, in Tyrrhenum mare misisse; Corcyrae duodecim ad sinus Adriatici custodiam relictas esse, praeter eas, quas ad Cypri, Cretaeque regna, & alias in Oriente insulas tutandas habere moris esset: scire magnis copiis, classe militibus, tormentis æneis apprimè instructa opus esse, si adversus Neapolitanum regnum, Apuliamque cienda sint arma. Attamen si in ea mente Clemens permaneat, remque serio agi velit, ingenti impetu Apuliam aggredi non recusaturum. Ab hoc consilio Lucas Tronus, Franciscusque Maurocenus continentis praefconsultores abhorrebant; neque hoc tempore adversus Apuliam movenda arma censabant, omnia auxilia in Mediolanense bellum congerenda affirmantes, in Insubris victores Italiam universam armis, victoriisque peragraturos; Rempublicam hoc tempore immensam auri vim in stipendia militum erogare, praeter Mediolanenses copias, decem Helvetiorum millia suis sumptibus alere, duorum Germanorum millium delectum haberi iussum: in Carnis totidem peditum millia ad motus Ferdinandi Austriae Archiducis reprimendos, si forte aliquid novi in Reipublicae finibus moliretur, contineri: classem praeterea, si bellum in Apuliam cietur, instructissimam rebus omnibus, milite, pecunia, numero, habere necesse erit: quocirca in aliud tempus

*H. Mauroceni T. I.*

N

con-

1526 consilia hæc rejicienda esse, summa vi contendebant. Verum Senatus veritus, ne Clemens, qui non parum prioris constantiæ, ardorisque remiserat, & restinxerat, paulatim ad Cæsarem transfiret, ita, ut diximus, per Marcum Foscarum Oratorem responderi Pontifici iussit. Per eos dies Nicolaus Fulgus Venetias venit, Patribusque significavit, se quamprimum Genuam profecturum, omnique officio, & auctoritate, qua plurimum apud multos pollebat, enixurum, ut civitas in fœderis partes concedat, a Gallorumque regis nutu, & potestate pendeat; non ignorare quantum ponderis illius accessio sit habitura, utpote quæ situs opportunitate, viribus Italicas expeditiones omni tempore juverit. Hæc erant consilia, ex quibus magni rerum eventus pendebant: cum interea Rex, qui Coniacense fœdus summopere concupiverat, non eundem animi ardorem in exequendis rebus ostenderet; nam quadraginta aureorum millia, duorum mensium elapso tempore, persolvere omiserat; Salassiorum Marchionem in Italiam destinatum nondum arripere iter jusserat; Petrum Navarrum classis præfectum declaratum mora, ac cunctatione distinebat: ita rerum gerendarum occasiones elabebantur, & præcipue Genuæ civitatis expeditio, quam, appropinquante classe, haud dubius rumor afferebat, statim in nostrorum potestatem venturam.

Interea cum jani inclinante æstate, præter Laudem Pompejam, & Modoetiam oppida, nulla fœderatorum rebus facta fuisset accessio, ne exercitus, qui Mediolanum obsidere coeperat, opus summe difficultatis, vel propter civitatis amplitudinem, vel propter Hispanorum constantiam, qui sæpe levioribus præliis moenia egressi nostros lacebabant; ne sine aliquo egregii facinoris periculo tempus tereretur, placuit, Malatestam Baleonium Perulinum, cujus virtus, fama ex Laudis Pompejæ eventu non parum aucta fuerat, cum octo peditum milibus ad urbem Cremonam expugnandam mittere; cui Germani mille pedites cum quingentis Hispanis, equitibus ducentis, Corradino Duce, præerant. Malatesta, per aliquot dies urbe circumfessa, aggeribus, fossis, propugnaculis, ænearum machinarum impetu tentata, ac per arcem, quæ Sfortiæ nomine tenebatur, urbem ingredi adortus, cum suorum supra mille pedites amisisset, Franciscus Urbini Dux cum omnibus

Ve-

*Malatesta  
Baleonius  
ad Cremonam  
expugnatio-  
nem.*



Venetorum copiis eo contendere decrevit; qui, patefacto per vim usque ad munitiones aditu, quibus Cæsareani urbem ex opposito arcis muniverant, fortissimos quosque militum scutibus obtectos vallum ascendere iubens, vulnerare ferreis glandibus eminus propugnatores nitebatur; ex quibus multi faucii, plerique ictibus percussi concidebant. Ad hæc ex arcis turribus crebras ejaculari pilas ferreas, quæ cum Cæsareanos perterruissent, suorumque interitu minus alacres ad ictus excipiendos redderentur, tandem civitatem nostris dedere, nisi intra decem dies auxilia a suis acceperint, paciscuntur, Germanis trans Alpes redire jussis, Hispanis ne, nisi evoluto anno, in Insulribus militare liceret, jurejurando adaectis. Dum hæc geruntur, apud Helvetios, ut ea gens arma arripiat, ac in Cisalpinam Galliam descendat, summopere laboratur. At suborta difficultas ex inopinato Mussiani Præfecti ab exercitu discessu, impedimento fuit; is enim cum Sfortiam a nostris exceptum in castris vidisset, statim, nulli consilio communicato, discessit, & cum in Mussianam arcem se recepisset, Oratores Venetos Sebastianum Justinianum, & Laurentium Bragadenum in Galliam proficiscentes contra fas, atque gentium jus captivos fecit, idque ob eam causam, quod adhuc sibi quinque aureorum millia pro Helvetiorum delectu a Pontifice, Senatuque Veneto deberentur. Tulit sane hanc injuriam gravissime Respublica, cum Clemente, ac Francisco Rege conquesta; qui graviter Mussianum Præfectum, ut oratores per summum scelus captivitate affectos liberaret, admonuere; ni fecisset, vi coacturos. Verum Respublica rationes temporum optime pernoscentes, & quantum illius opera, atque auctoritas apud Helvetios, Rhætosque posset, intelligens, & Mussianam arcem, quæ lacui Comensi imminet, vel ad hostes avertendos, vel ad præsidia militum excipienda, magni momenti esse; rem per Pefarcum legatum, Franciscumque Guicciardinum cum Præfecto componere non recusavit. Itaque quinque aureorum millibus Præfecto solutis, oratores liberati sunt.

1526

*Urbinar  
Cremonam  
ad deditionem  
compellit.*

*Sebastianus  
Justinianus,  
&  
Bragadenus  
a Mussia  
Præfecto  
capti.*

*Finis Libri Secundi.*

## E P I T O M E.

**U**go Moncata simul cum Columnensibus, qui datam Pontifici fidem sefellerant, Romam ingressus, eoque sede directa, Pontificem in Hadriani molem confugere, & obsequium coegit quatuor mensium inducias cum Casare intrare. Cremonam per Veneris receptam Senatus Francisco Sfortias tradi mandavit. Quamvis ad intercludendum Germanis in Italiam aditum nihil operae praefermissum fuisse; alioe transgressi Padum ad Hefiliam trajecere. Foederatorum classis ad Seftium profpere cum Hispanica congressa est: faviente mari tempestate pugna directa. Pontificem animi dubium, ac relictâ urbe Venetias cegitantem, Veneti ab imperatoris consilio advocant. Salafforum Principi Venetorum auxilium auditus Placentiam, quam aggressuros Hispanos rumor erat, validiori praefidio firmavit. Hispani tamen, cum stipendia minime solverentur, orta in castris seditione, nihil melius sunt. Foederatorum classis mari, Rentius Ceres terra Neapolim versus movere. Fustoles classis adorta est: Hieronymo Priolo, trierarcho Veneto, primis per murorum hiatus ingressis, oppidum captum, ac direptum est. Maritima aliquot oppida se foederatis dedere: Neapoli maxima trepidatum est, ac ni Moncata obstitisset, cives in nostrorum potestatem voluntaria deditione venissent. Borbonius, ut opulentissimarum urbium direptione exercitum aleret, Bononiam contendit, per Etruriam, aut per Flaminiam moturus. Quamquam de octo mensium induciis inter Pontificem, ac Proregem Neapolitanum convenerat, a finibus pontificiae ditionis Borbonius minime vim abstinuit. Dominico Veneris, quod Romae injussu Senatus in conditione baud Republicae aequas foedati suscripserat, dies est dilata. Casartiani Romanam cepere, ac seditione diripuerunt. Expeditionis dua Borbonius, dum inter primos moenia conscendere nitebatur, glânde plumbea trajectus est. Hadriani moles, quo se Pontifex receperat, milite ac operibus cinctâ est. Constantinis, remque trahentibus foederatis, Clementi captivitatis pertasus ad pacem cum Casare componendam inclinasse animum cepit. Raderiae ac Cerviae, Pontifico captivo, in novandam remanifestem erectis, praefidium a Venetis impetratum. Nevi ad insubrandum in Insulribus bellum apparatus facti. Lautrechius Italiam ingressus est. Genua a Gallis & Venetis terra marique oppugnata in Gallorum potestatem concessit. Foederata classis ad Sardiniam tempestate disjecta est. Alexandrianum Lautrechius expugnavit. Sfortias, quod sibi restituta non esset, aere ferentem Veneti in fide retinuerunt. Lautrechius, capto Ticino, Romanam versus per Etruriam, frustra vocantibus Venetis, exercitum duxit. De pace ab Andrea Nauerio cum Casare actum: ea inscilla, bellum a foederatis denunciatum est: Ferrariensis, ac Mantuanus Reguli in societatem adsciti. Inter Sultinamum & Venetos effusit, muneribus, omnique amoris significatione certatum est. Clementi Pontifici multa, neque omnia aequa cum Casareanis pactus, se in libertatem vindicavit. Senatus consulto cautum est, ut qui a Pontifice singulis ditionis Venetae ecclesiis Episcopi dandi essent, ita Senatus nominarentur. Hoc ut abrogaretur, simul & Flaminiae oppida ut sibi redderentur, Archiepiscopum Sipontinum Clementi VII. Venetias petium misit. Gessar Centareus Romanam bis de rebus legatus est. Carolus Casar Gallos, Venetos, ac Florentinos oratores, qui bellum illi indiderant, comprehendi iussit. Foederatis regnum neapolitanum ingressis, alia oppida vi capta, alia ad deditionem compulsa: p'ura vetus Neapolitanorum in Gallos sudium, & nondum abolita mitis Venetorum in maritimas Apuliae urbes imperii memoria, ad foederatrum partes traxit. Regni caput Neapolim Lautrechius circumfedit, iussu maria obsidire Philippino Auria, eoque Veneta classe a Brundysinae arcis oppugnatione advocata. Brunswicensis dux ad redintegrandum in Gallica cisalpina bellum a Casare in Italiam missus aliquot oppida deditione recepit: mox Laudo-Pompeja irritis conatu oppugnata, in Germaniam revertit. Hispanica classis, antiquam Veneta Neapolim appelleret, a Philippino Auria prius universa sua demersa, aut capta est. P'isilentia deinde in castris transiente, cum Andreas Auria ad Casarem defecisset, Gallorum res vire ad Neapolim coepere: donec Lautrechio etiam morbi vi extincto, obsidione soluta, dum se in tutum Galli recipere conabantur, plurimi ab insequentibus Hispanis in itinere caesi, ceteri qui Averfam confugerant, urbem seque dedere coacti sunt. Andreas Auria Genuam occupavit, quae, immutata republicae forma, in Casartii clientelam concessit, arcem praefidio Gallis adhuc obstantibus. Franciscus Borbonius in Italiam missus multa fortiter, ac prospere in Insulribus gessit. Genuensis arx spe omni subsidiorum destituta Casari tradita est. Ut Apuliae urbes in fide retinerentur, maxima Senatus cura. Pontifex iterum Flaminiae urbes per Gallias atque Anglias Regem a Venetis repetiit. Milita a Venetis, ac Rentio Cerite in Apulia praecelere gessa. Borbonio amissa Mediolani oppugnandi occasione Genuam exercitum ducenti fassii sunt obviam Casareani Mediolano erepti, ejusque exercitus bene deleti, ipsum cum reliquis duobus vivum cepere. Urbinas, supremas Veneti exercitus transgressi, Casartianes Abduam trajicientes ex insidiis adortus, eos magna clade percussit. Ob Caroli Casarii, conciliata cum Pontifice pace, in Italiam adventum omnes Italiae Principes percussit, immotis Venetis, ac in priori sententia Italicae libertatis ac dignitatis tuenda manentibus. Pax inter Casarem & Galliarum regem Cameraci clam Venetis facta, sed tandem universos quoque Italicos, praeter quam Florentinis, Bononios data est.



# HISTORIARUM VENETARUM ANDREAE MAUROCENI LIBER TERTIUS.



Uamvis ex Coniacensi foedere, quo Franciscus Galliae rex, Clemens Pontifex Maximus ac Respublica Veneta, sociatis armis, Italiae libertatem tueri, ac nimiae Caesaris potentiae obsistere decreverant, nullus initio esset, qui tot virium, copiarum terra, marique apparatu brevi Italiam in pristinum restitui statum non arbitraretur;

1526

re tamen, atque experientia compertum est, foedera plus auctoritate, & fama, quam viribus plerumque posse. Nam praeter Laudem Pompejam occupatam, Cremonam deditione receptam, nil aliud memoratu dignum terra, marique gestum est; elapsae quinimmo praeclearae egregie gerendarum rerum occasiones, dum auxiliorum dilatione nihil satis tuto tentari poterat. Verum pene momento versa rerum facies, immutataque foederis consilia; nam Pontifex, qui nimiam Columnensium potentiam

*H. Mauroceni T. I.*

N 3

tiam

1526

*Clementis  
rum Colum-  
nenfis  
transactio.*

tiam suspectam habebat, quorum quotidie vires, militesque augeri, foverique ab Hispanis intelligeret, veritus, ne paulatim in intimis visceribus virus exardesceret, quacumque ratione statuit concordiam cum Columnensibus inire. Itaque cum Vespasiano Prosperi filio totius Columnensis familiae nomine, de ultro, citroque injuriis remittendis; de sententia, qua ipsos a reliquorum Christianorum cœtu sejunxerat, abroganda; de militibus ab Ecclesiæ ditionibus amovendis pactiones iniit: statimque ut impensa levaretur, tria peditum millia, qui jamdudum pro Romanæ civitatis præsidio stipendia meruerant, dimisit. Quam occasionem Ugo Moncata nactus, qui superioribus mensibus ad Pontificem *foru* Italicarum componendarum causa a Cæsare missus fuerat, ut gravissimis jactatum incommodis a fœderatis sejunctum in Cæsaris partes pertraheret; Pompejo Cardinali Ascanioque Columnæ suadet, facile esse Clementem præsidio militum nudatum, familiae gloria aucta, quæ priscis temporibus Bonifacium VIII. in potestate habuisset, intra aulae viscera latentem comprehendere, tumultuario collecto milite tantum facinus perfici posse. Assensere Columnenses, ac trium millium peditum delectu habito, Cæsarem Filetinum cum duobus millibus Anagniam mittunt, eo consilio, ut oppido potirentur, ubi ducenti pedites stipendiis Pontificiis additi ad custodiam aderant.

At undequaque itineribus septis, ac vallatis, ne illorum progressus Romæ ad Pontificem perferrentur, coactis ad Anagniam militibus ad tria millia, atque octingentos circiter equos, statimque mira celeritate itinere arrepto, noctu ante xij. kal. octobris improvise urbem adorti, tres occupant portas, ac per Lateranensem ingressi (aderant Ugo Moncata, Ascanius Columna, Vespasianus concordia, ac fœderis auctor, & Pompejus Columna Cardinalis) cum nulla esset suspicio, omnia tumultu, ac fuga replevere. Quorum adventum cum Pontifex nondum inalbescente cælo intellexisset, & ad Divorum Cosinæ & Damiani pervenisse, nimio terrore perculsus, consilii inops, viribus nudatus, tumultum sedare, & malorum ingruenti vi obsistere frustra nitebatur. At populus, tanquam nihil hæc ad se spectarent, suppetias ferendi Pontifici nulla signa dabat: qua ex re augeri hostium animi, ulterius progredi, ad Divorum

*Columnen-  
ses Romam  
invadunt.*

rum

rum Apostolorum sistere; inde per Xisti pontem quingentos pedes, nonnullis mixtis equitibus, misere, ac Stephano Columna Pontificis Duce repulso, qui ad opem deploratis rebus ferendam cum ducentis militibus accurrerat, recta ad Divi Petri, Pontificiumque palatium contendunt. Clemens tot angustiiis undique pressus, omnique auxilio non modo, verum etiam consilio destitutus, quo se verteret, hostibus jam palatium introeuntibus, ignorabat; mortem Pontificalibus indutum vestibus, mitra ornatum, in Pontificia sella sedentem, oppetere, ac interitu tot malorum cohærentium abruptum feriem satius ratus. Verum id familiaribus dissuadentibus, & Cardinalibus, qui aderant, indignum esse, injuriis, opprobriisque militum Sanctissimum Jesu Christi Vicarium, atque ideo Christianam religionem objicere; vix tandem persuaderi potuit, ut hora xvij. intra Hadriani molem, quam hodie *Sancti Angeli arcem* vocant, sese reciperet. Tunc effusa militum rabies, ac libido nullis rebus neque profanis, neque sacris parcere: pontificium palatium direptum; multis sumptibus egregie collecta supellex ablata, ac quod vix aures patiuntur, Divi Apostoli sacrarium expilatum, Pontificum sacra vestimenta, vascula aurea, argentea, & quidquid undique in augustissimum orbis terrarum templum congestum fuerat, avara, ac sacrilega militum manu foedatum, dissipatum, asportatum. Eodem impetu novum suburbium ingressis, multarum domus, Cardinalium ædes prædæ, ac direptioni vix sufficere; nec temperatum esset, ni a tormentis in mœnibus Hadrianæ molis dispositis sibi timuissent. Tandem tumultu, qui tres ferme horas suas vires exercuit, aliquantisper restincto, Ugo Moncata, prius datis a Pontifice obsidibus Cibo, & Rodolpho nepotibus Cardinalibus, palatium ad Pontificem est ingressus, verbaque ad illum habuit, quibus nonnunquam ut victor in sua esse potestate leges præscribere Pontifici affirmabat; quandoque quæ acta fuerunt leniendo, excusando, Pontificis animum demulcebat; nihil quæsisse hoc factò, nisi ut Clementem, qui, societate Cæsaris relicta, Gallorum regi se tradidisset, ad Imperatoris amicitiam, foedusque revocaret. Tandem Pontifex cum abscissas salutis spes omnes, seque cum suis intra arcem inclusum, nisi de sententia decederet, intra paucos dies omnium rerum inopia,

*Cibus & Rodolphus Cardinales obsides a Clemente dati.*

1526 pia, fameque consumptum iri animadverteret, Hispano cessit, quatuorque mensium induciæ pactæ; ut ab armis cessaretur, ac Pontificiæ copiæ, quæ in Insulribus erant, cis Padum revocarentur, Andreæque Auriam, cum triremibus relicta classe, Romam regredi juberet. Columnensibus, ceterisque, qui Romani tumultus socii fuerant, parceretur, datis Philippo Strotio, Jacobique Salviati filio obsidibus, quos intra duorum mensium spatium Neapoli sisteret; contraque Cæsaris, ac Columnensium copiæ ex imperii Pontificii finibus in Neapolitanum regnum abducerentur.

*Induciæ  
quatuor  
mensium in-  
ter Pontifi-  
cem, &  
Cæsarem.*

Perculere Romanus tumultus, ac Pontificis induciæ vehementer Senatum, quod repente a fœdere abstractum Clementem vi in partes Cæsaris concessisse cerneret; Gallis parce subsidia submittentibus, Pontificiisque copiis trans Padum proficiscentibus, totum belli pondus sustinere cogeretur, alioquin irritos conatus fœderis futuros. At quo magis conceptæ, ac prope adventanti victoriæ reluctari fortunam sensere Patres, eo acius instandum rati, statim Aloysio Pisano legato injunctum est, ut Michaeli Antonio Salassiorum Principi, qui nuper cum quatuor Aquitanorum militum millibus, quingentis cataphractis, totidemque levioribus equitibus Alpes transgressus in plana Cisalpinæ Galliæ descenderat, suaderet, ut cum copiis Mediolanum proficisceretur, nostrisque conjungeretur, communibusque consiliis, ac viribus bellum administraretur, ne hostes Romano eventu elati insolescerent. Eodem tempore Gallorum regi, quæ Pontifici acciderint, significantur; contra jus gentium, falsque direptam urbem; Clementem intra arcem inclusum vi ad amicitiam Cæsaris impulsus: his animo interrito obistere Senatum, neque ulla re a regis potentissimi amicitia discessurum; majori studio, ac sedulitate cœptam pro libertate, atque incolumitate Italiæ belli administrationem persequuturum; sperare, Pontificem, quem gravissimis injuriis, contumeliisque ab Hispanis affectum constaret, ab eo, quod cum Cæsareanis, fœdere, inierat, quamprimum recessurum. Ad hæc classis legato mandatur, maritimis Reipublicæ viribus cum Petro Navarro sociatis, nihil earum rerum, quibus hostium vires reprimi queant, prætermittat; a Regeque petitum, ut per literas Andreæ Aurii significet, ut quamcelerrime reliquæ Gal-

*Principis  
Salassioris  
in Italiam  
advenit.*

Gal-

Gallicæ classi præsto sit. Henrico quin etiam Angliæ Regi casus Pontificis significatur, Oratorique injungitur, omnem curam, diligentiamque adhibeat, quo tandem Rex fœdus amplectatur. Cum Pontifice vero Senatus gravissimis verbis illatas injurias, jus violatum, religionem proculcatam conquestus est; quæ cum Gallo, atque Anglo per oratores suos agi jufferit, aperuit; ne latos, atque de suis contumeliis exultare hostes diutius patiatur; præsertim cum Horatium Floridum cum literis Urbinas Venetias misisset, quibus Senatui significabat, Cæsareanos mensem ad Cremonam dedendam pactos, duodecim ea de causa obsides dedisse; quos fœdifragos semel Pontifex invenerit, iis salutem suam, imperiique incolumitatem credere, rem periculi admodum plenam esse. Quo officii genere Clementis animum, veluti fluctibus agitarum, sedare conabantur.

Verum ex Pontificis induciis multa detrimenta subsequuta sunt; nam quamvis Salassiorum Princeps, qui cum copiis fœderato exercitui se adjunxerat, victoriæ spem asferre debuisset; eam tamen penitus sustulerat copiarum Pontificiarum discessus, quæ Placentiam se receperant. His accessit, quod cum Veneti exercitus Imperator mensem ad Cremonæ deditionem prorogasset, non exigua Venetorum militum manus tempus frustra terendo circa moenia urbis distinebatur; quo fiebat, ut remissa Mediolani obsidione, quam ingenti spe fœderati aggressi fuerant, Cæsareani non modo metu soluti, & ab incommodis liberi essent; verum circumjacentes depopularentur agros, ac quotidie maximam commeatus copiam in urbem conveherent. Eadem de causa nihil egregii mari gerebatur, Andrea Auria ex præscripto Pontificii fœderis cum sua classe profecto: petentibusque Petro Navarro, & Aloysio Armerio legato pro Genuensi expeditione copiarum terrestrium partem ad Genuam terra, marique oppugnandam, cunctatione vires maritimæ frangebantur. Urbinas, Cremona recepta, quam statim Senatus Francisco Sfortiæ tradi mandaverat, consequutam rerum mutationem cœptis haud respondere animadvertens, neque armorum vi expugnari neque rerum inopia adigi Mediolanenses ad deditionem posse: ab urbis mœnibus abscedere cum exercitu, Modoetiamque munire statuit,

ibi-

*Cremona  
Senatus  
mandato  
Sfortia  
tradita.*

1526 ibique validam militum manum relinquere, qui commeatus ex Brianteis montibus Mediolanum comportari solitos interciperent: quo facto cum reliquo exercitu opportuno loco castra habere, ut Abiato, Ticinoque annonam vehentes detereret: his peractis, Salassiorum Princeps cum suis copiis, adjecto Helvetiorum robore, ad Genuam obsidendam, quam fame, rerumque omnium inopia laborare constabat, proficisceretur.

Verum hæc omnia summis implicita difficultatibus quin ad exitum perducerentur, quam plurima erant impedimento: pridie tamen kal. novembris Urbinas exercitum e castris ad Mediolanum eduxit, atque quinque passuum millia ad Pialtellum castrametatus est. Itaque Mediolanum obsidione solutum, atque aliis super alia rebus supervenientibus, Urbinae consilia frustra fuerunt. Nam Georgius Frondispermus, qui superioribus in Italia bellis militari gloria claruerat, strenuamque Cæsari operam navaverat, a Gaspare filio Germanorum ductore, Alphonso Davalo, Antonioque Leva magnis propositis præmiis accitus, partim proprio ære, partim Ferdinandi Pannoniæ Regis, ac Margaretæ Imperatoris sororis sumptibus, ad quatuordecim Germanorum millium delectum habuerat, quos per Tridentinos saltus in Italiam ducere decreverat; atque Tridenti lustratis copiis, & bellicis æneis tormentis, pulvereque sulphureo parato, lintribus curribus impositis, nonnullisque machinis ratibus transvectis, per Lagriam, vel Suganam vallem exscensurus in Veronensem, aut Vicentinum agrum videbatur. Quibus ad Senatum perlatis nuntiis, Urbinati significatur, ut quam primum in Veronensem fines tria, vel quatuor millia peditum, centum quinquaginta cataphractos, leviores equites quadringentos mittat, ut sua virtute iterum angustias tuerentur, aditusque hostibus in Reipublicæ ditionem præcluderent; ac novum quatuor millium peditum delectum haberi decretum; Augustinusque Amulius, spectatæ fortitudinis vir, legatus cis Mincium creatur, cui & repellendi hostis, & omnis, quæ cis Mincium est, regionis defendendæ onus demandatum fuit. Verum iterum difficultates, nostrorumque ad obsistendum conatus veriti, Tridenti bellicis machinis, earumque apparatu relicto, per angustas, dif-

*Augustinus  
Amulius  
legatus cis  
Mincium.*



difficileſque Ludinenſium ſemitas, Comitibus locorum domi-  
nis vias patefacientibus, iter habuere. Quod ut noſtris nun-  
tium eſt, ſtatim Vicentini, Veronenſiſque agri aditus equi-  
te, & pedite obſepti, Camilluſque Urſinus in Salodienſes fi-  
nes miſſus; cum maxime, quod verendum eſſet, ne Germani,  
lembis ad Ripam coactis, Salodium oppidum in margine Be-  
naci occuparent, ampliſſimoque lacu, opportuno loco ſito,  
potirentur, Camillus cum militibus, ut ſtatim ſe in viam da-  
rent, præcepiſſet. Magna leviorum equitum, ac peditum pars,  
ſæviente tempeſtate, & ventis, quibus ſæpiſſime terra circum-  
ſepti lacus fluctus mirum in modum intumeſcunt, lintribus  
vehi nequiverunt. Nihilominus cum hoſtes Coronæ anguſtias  
ſuperare laboraſſent, a noſtris non ſine aliquorum cæde repul-  
ſi ſunt; ut per montium juga pergere coacti, tandem Gavar-  
dum per acclivia loca deſcenderunt, accitato gradu in Man-  
tuanorum fines xvij. kal. decembris ad Caſtelloneum oppi-  
dum, quod Stiviarum vocant, conſedere: incertuſque rumor  
ferebatur, Padum ad Ticinum trajecturos.

Hæc omnia cum per certos nuntios Urbinati renuntiaren-  
tur, ad Vavrium trans Abduam, ubi inter Treccium, Caſſa-  
numque ſuperioribus diebus flumini pontem ſuperjecerat, ca-  
ſtraque munierat, Salaffiorum Principem cum Gallis, Helve-  
tiorum, Rhætorumque robore, & magno Venetorum pedi-  
tum, & cataphractorum equitum numero reliquit: ipſe xvij.  
kal. decembris, Joanne Mediceo ſocio itineris cum ſuis mili-  
tibus adſcito, cum Germanis, ac reliquis Venetis copiis, ad  
decem ſupra quatuor peditum millia nuper ſacramento mili-  
tiæ adactis, cataphractis ſexcentis, & non parva leviorum  
equitum manu Vavrio proſectus, xv. kal. decembris ad Son-  
cinum trans Ollium flumen caſtrametatus eſt; Mercuriumque  
Buam cum levioribus, & cataphractis equitibus ad hoſtes tur-  
bandos, incommodiſque afficiendos ire juſſit, qui eadem die  
ad Cancianam apparuerant. At cum x. kalen. decembris Ger-  
mani Ripaltam perveniſſent, quo die Venetorum imperator  
ad Pratum Alboini caſtra habuit, incertumque eſſet, quonam  
iter dirigerent; tandem viij. kalen. ad Borgofortium Padum  
trajicere ſtatuunt: cumque Tridenti, ut diximus, tormenta-  
rium apparatus reliquiſſent, ab Alphonſo Ferrariæ Duce, qui

1526

*Georgius  
Frendſper-  
gius cum  
Germanis  
in Italian  
tranſiit.*

*Camillus  
Urſinus in  
Salodienſi-  
bus.*

*Germani  
ad Borgo-  
fortium a  
Ferraria  
Duce tor-  
mentis in-  
ſtruſti.*

nu-

1526 nuper ad Cæsaris partes se contulerat, quatuor tormentis, quos *falcones* vocant, secundo Pado inunissis, adjuti sunt. Urbinas hostes, quos in viam se dare certior factus fuerat, statim est insequutus; Joannesque Mediceus prope Borgosortium postremum agmen leviori equitatu aggressus ordines Germanorum turbare, & cominus pugnare cœpit. Sed dum acius instaret, & vehementius in hostes ferretur, *falconis* ictu crude percusso, abscedere pugna coactus est; dein Mantuam delatus brevi dierum intervallo, frustra remedia expertus, omnium mœrore, bellicæ fortitudinis fama ad posteros transmissa, extinctus est, dum in flore juventæ maturiores disciplinæ militaris fructus ferret. Itaque obistente nullo, ad Hostiliam trajecto Pado, ad Reveresia castrametantur, Urbinas ad Borgosortium cum copiis substitit, statimque Horatium Floridum Venetias misit, qui Senatui nuntiaret, Germanos Padum transgressos, se cum exercitu ad Borgosortium esse; ponte flumini superjecto, quænam voluntas Patrum sit, expectare; Bononienses, Hetruscosque in summa trepidatione esse: Pontificis Legatum, Regis Gallorum Oratorem flagitare, ut cum vehementer rebus Pontificiis timendum sit, ne Germanorum impetus in Ecclesiæ fines effundatur, quamprimum Padum Venetorum copiarum trajiciant, ac nutantibus Pontificis rebus celerrime opem ferant. Nulla itaque interjecta mora Senatus cogitur, variisque sententiis gravissima in re disceptatur. Collegii Patrum ea fuit sententia; ne statim Imperator cum exercitu Padum transfret, finesque Reipublicæ relinqueret; in hac rerum omnium immutatione nihil temere agendum, priusque Urbinitis sententiam exquirendam, qua copiarum parte potissimum absque Reipublicæ detrimento Pontifici subveniri queat. Contra Andreas Gritus Princeps, ac Sexviri, nulla mora imperatorem trajicere cum copiis Padum censebant: inter hos Nicolaum Bernardum vehementi, & gravi oratione, in suas partes ut Senatum traheret, laborasse ajunt: nihil Pontifici adversi accidere posse, quin Respublica eisdem veluti fluctibus jactata auferatur; constanti sociorum fide, cohortatione, auxilio, licet vi foederi Cæsareano subscripserit, eandem mentem erga foederatos retinere: si cunctando tempus teratur, rerum gerendarum occasiones elapsuras: quod si ea in re ne quid

Joannes  
Mediceus  
falcone  
percussus  
Mantuam  
eiiit.

Horatius  
Floridus  
Venetias ab  
Urbinate  
missus.

quid accidat Reipublicæ detrimenti verendum sit, Pontificis commoda anteponenda se non existimare, rem totam Imperatoris consilio, voluntarique permittendam, qui si ponte Padum trajicere decreverit, cum quadringentis cataphractis; quatuor peditum millibus, ac leviorum equitum manu rebus Pontificiis opem ferendam: sin secus statuerit, statim unus ex Legatis cum copiarum parte trajiciat, omninoque Pontifici in hac rerum perturbatione viribus, opibus, consilio Rempublicam adesse oportere: tutius tamen visum est in re gravissima Collegii Patrum sententiam amplecti, eodemque tempore & Reipublicæ finibus, & Pontificiæ ditioni prospicere.

Dum hæc terra geruntur, foederatorum classis, cui Genuæ occupandæ spes oblata fuerat, tempus frustra conterebat. Nam cum totius rei exitus ex terrestribus penderet copiis, quas Petrus Navarrus, & classis Venetæ legatus ab Urbinatè flagitaverant, novique rerum eventus nova consilia postulassent, inani expectatione elusi sunt. Id vero potissimum ea de causa acciderat, quod induciæ Cremonensis dedendæ urbis per mensem concessæ fuerant; Pontifex exercitum ex foedere cum Cæsareanis inito a nostris copiis sejunxerat; quæ Romæ contigerant, magnam virium partem attraxerant; Germani Alpes transgressi in Cisalpinam Galliam descenderant; quibus effectum fuerat, ut neque dividi exercitus, neque opportune ad Genuam terra coercendam milites mitti potuerint. Atque interea Prorex Neapolitanus cum triginta duarum navium classe e Carthaginis novæ portu solvens Corsicam insulam applicuerat: cujus adventus fama ad nostros perlata, Aloysius Armerius legatus, ac Andreas Auria Navarro significaverant, sibi videri, triremibus aliquot ad Savonæ præsidium relictis, cum tota classe usque in Corsicam adnavigandum, & cum Prorege certa victoriæ spe congregiendum: eandem sententiam Navarrus amplexus cum classe regia, ut cum Venetis, Pontificiisque triremibus, coactis totis viribus, Hispanos adorirentur, proficisci statuit. Sed dum hæc agerentur, Prorex Corsica viginti quinque navibus profectus, reliquis septem ventorum vi in transversum actis, foederatorum classem, quæ sex Gallicis, quinque Venetis, totidem Auria triremibus constabat, ad Sestrium in Genuensi ad orientem solem ora obviam ha-

*Federatorum classis ad Genuam.*

*Prorex Neapolitanus cum Hispanica classe ad Corsicam.*

1526  
*Prælium  
 classis fe-  
 deratorum  
 cum Hispanis,  
 & Hispanorum  
 cædes.*

habuit, statimque ad pugnam ventum est; atque a vigesima secunda diei hora ad noctem usque non sine Hispanorum detrimento, multorumque hostium cæde certatum est. Verum sævientie maris tempestate, foederati ad Delphinum portum se receperunt, adventum ibi reliquarum triremium, quæ in Veneris portu stationem habebant, præstolantes, ut Proregem ante solis exortum remis, velisque insequerentur, quem ad Liburni portum usque maximo conatu, irrito eventu, persequuti sunt.

In his Reipublicæ Christianæ sævientibus fluctibus spes aliqua portus e longinquo sese ostentabat; nam Pontifex belli pertæsus, ac diurnitate curarum confectus, vehementi ob Germanos Padum transgressos timore perculsus, quoquo modo finem bellis imponi ardentè cupiebat. Nec Henricus Angliæ Rex, qui post Romanam cladem Pontifici consilio, & pecunia non defuerat, abhorre a pacis publicæ consiliis videbatur. Gallorumque Regem, ut tandem filios, quos obfides in Hispania habebat, reciperet, a concordia ineunda non alienum fore ferebatur. Qua in re Franciscanæ familiæ Antistes Pontifici suam operam obtulerat, in eaque summum reipublicæ Christianæ commodum ostentabat, vel pace, vel induciis atrox bellum ab Italiæ cervicibus depulsum iri ajebat. Eodemque animo se esse Senatus Venetus Pontifici significaverat; quippe qui nisi laceffit ad arma nunquam accessisset, & semper belli incertis, dubiisque eventibus uberrimos pacis fructus antetulisset: arma utrinque submovenda, ab injuriis abstinendum, induciis ad pacem gradum faciendum; quod Laurentius Hetruscus, Regis apud Rempublicam orator, non abnuebat, ac Bajucensis mirifice probabat. Verum Pontifex mora omni, atque cunctatione vehementer angebatur, neque difficillimis temporibus undique armis constrepentibus, suisque rebus præsertim graviter minantibus, animi ambiguus, hæsitansque, vigore mentis in summum timorem, ac terrorem verso, se satis explicare poterat; ita ut Reipublicæ Oratori Roma se abeundi consilium cepisse, ac Venetias proficisci velle significaret; a Senatu petere, ut quamprimum duas Anconam triremes mittat, quibus vehi in tutissimum suis rebus portum queat.

Ad

Ad hæc Senatus nomine a Foscaro responsum est : non eo loco res esse, ut ad extrema consilia Clementi deveniendum sit : ceterum quod ad triremes attinet, statim paratas fore ; ac si id acciderit, ut Venetias accederet, in nulla terrarum orbis regione libentius, aut jucundius exceptum iri : neque nunc primum Rempublicam omnia pietatis, ac liberalitatis officia erga sanctissimam illam Sedem exhibuisse ; utpote quæ eadem religionis, & urbis fundamenta habuerit, jactatosque variis fortunæ casibus Pontifices Romanos intra sinum suum receperit, classibus adjuverit, neque summorum principum orbis terrarum inimicitias, & copias perhorruerit, donec illos pristina restitutos dignitati in sua sede collocaverit. Cæsareanos nil sex mensium spatio, præter Germanos istos in Italiam immisisse ; pecunia, commeatu laborare ; milites ægre sub signis contineri posse ; sua tandem mole ruere oportere : quocirca præteritarum rerum gestarum gloria subnixum parvam temporis moram Pontificem sustinere debere, ut pacem cum dignitate tueretur. His nutantis Clementis animum erigere, & confirmare Senatus conabatur : cum interea Germani, Frondispermio Duce, Pado ad Hostiliam trajecto, Roveretum castrametati sunt ; ac de administrando bello consilio habito, per opportuna Cisalpinæ Galliæ loca iter in Insubrum fines dirigere, ut Cæsareanorum copiis, quæ Mediolano continebantur, conjungerentur, decrevere. Itaque Gabello torrente superato, iiii. nonas decembris ad Guardistallum ( id oppidum a Padi fluminis ripa non longe distat ) commorati, sequenti die ad Castrum novum decem passuum millibus a Parma civitate Arausionensem Principem obvium habuere, qui per Mantuanorum fines, ut cum Germanis munia militiæ obiret, advenerat : deinde Anicia, Parma, Taro fluminibus trajectis, cum ad Fidentiolam, agri Placentini oppidum, confisissent, pridie idus decembris literis, ac nuntiis Cæsareanos magnopere sollicitabant, ut quamprimum copias conjungerent, itineribus, quibus ad Padum pervenitur, quamcellerime complanatis. Interea Salassiorum Princeps, ad Trevium lustrato exercitu, cum ad decem millium peditum numerum, tria milia, octingenti, octogintaque desiderarentur, Venetis militibus auctus est ; stipendium centum septemdecim, ac nonaginta au-

1526  
Clementis  
consilium  
Venetiarum  
proposuissent.

Principis  
Arausionensis  
ad Germanos  
accesse.

reo-

1526 reorum millium Reipublicæ ære perfolutum : octo insuper  
 maiora tormenta , quos *canones* , *colubrinæ* , *falconesque* vo-  
 cant , addita : pilæ ferreæ , tormentarius pulvis , tormentorum  
 magistri missi : tercenti præterea equites levis armaturæ cum  
 Joanne Viturio legato ; quibus copiis Trevio movens in agrum  
 Cremonensem contendit , statimque ad Placentiam tutandam  
 duo peditum millia mittit , quam , rumor proferebatur , Cæ-  
 sareanos Mediolano egressos una cum Germanis Frondispergii  
 copiis oppugnatos . Verum omnia Borbonii consilia pecuniæ  
 inopia irrita reddebantur : neque egredi urbe milites , nisi  
 prius perceptis stipendiis , adduci poterant . Ab Hispanis pri-  
 mum orta commotio ; omnium se rerum egestate pressos , vi-  
 tam omni miseriæ genere cumulatam traducere : spernere  
 inde ducum imperia , excutere disciplinæ militaris onus , im-  
 petu magno irruentes in obvios sævire , tabernas publicas pla-  
 tearum diripere . Eadem rabie jactari Germani milites atrociaminiari , ac ni pecunia solvatur , omne facinus patratos .  
 Qua re Carolus Borbonius , Alphonsus Davalus , Antonius-  
 que Leva permoti statim in medias militum cohortes tumultus sedandi causa ingressi , vix quinque mensium stipendio  
 promisso , ardorem Hispanorum , ac effusam in omne facinus  
 libidinem coercere potuerunt . Atque ut pecuniam colligerent ,  
 innoxios cives , mercatoresque comprehensos , & sævis inclu-  
 sos carceribus , ad argenti vim representandam cogeant : ex  
 templis , basilicisque congesta a religiosis viris auri , argenti-  
 que munera , neque divinis , neque humanis parcentes rebus ,  
 auferébant ; perfolutaque in singulos militum manipulos sti-  
 pendiorum parte , Ticinum submittebantur . Germani vero  
 Nuriæ flumen , deinde Trebiam transgressi , Carolum Bor-  
 bonium cum exercitu opperiebantur . Atque hic rerum status  
 erat exeuntis anni M. D. XXVI.

M. D. XXVII.

1527  
 Federati  
 ad Neapo-  
 litanæ ex-  
 peditionem  
 se compa-  
 rant .

V Erum irrita Genuæ obsidione , ne ingenti sumptu instru-  
 cta classis otio torpesceret , in Neapolitanum regnum  
 maritimæ eo majori spe conversæ vires , quo di-juncta ho-  
 stium copiae minus ad obsistendum facultatis asserere poterant .

Se-

Senatus itaque Augustino Amulio, quem nuper legatum creaverat, ut Centumcellas proficisceretur, & cum foederatis juncta classe Neapolim versus vela daret, præcepit. At Gallorum classe morante, legatus Terracinam progressus tria millia peditum, quibus Horatius Balconius dux itineris fuerat, triremibus excepit; atque ut facilius tota ea res ad exitum perduciposset, e Galliis Comes Vademontius advenerat, qui quod ex stirpe Regis Renati ortus esset, antiqua Andegavenfis familiæ jura in Neapolitanum regnum sibi vindicabat; ut maxime sperandum esset, Neapolitanos vel memoriam priscorum Regum retinentes, vel in Gallorum gentem propensione, præsertim cum novarum rerum appetentes sint, ad classis adventum Vademontium lætis animis excepturos; nam a foederatis vulgatum erat, avitum regnum se Vademontio tradituros, neptemque Pontificis, Laurentii Urbinatum Ducis, filiam connubio juncturos. Univerfa itaque classis, quæ ex duabus & viginti triremibus constabat, Neapolim versus vela solvit; cum interim Rentius Ceres decem millium peditum copiis terra Apurtianorum fines invasurus esset. Andreas Auria, qui primus iter arripuerat, Puteolos aggressus, cum tormentis displois arceretur, re infecta discedere coactus fuit: mox cum reliqua classis accessisset, oppugnari oppidum maritimum cœptum est, ut tuta aliqua statio subducendis triremibus adesset. Itaque mœnia quassata, ac dejecta globorum vi locis aliquot fueremilites in continentem exscendere, terra, marique adoriiri. Paulus Justinianus Trierarchus Venetus primus cum suis per murorum hiatus oppidum ingressus est; illum ceteri sequuti, captum, direptum, statimque arx deditione in nostrorum potestatem pervenit. Quo prospero rerum eventu populorum percussæ, ac consternatæ mentes, quocumque foederata classis sese ostenderet, cuncta maritima oppida ultro se dedere; si qui obsistere audebant, vi, atque armis cogeantur, ut Surrentinis evenit. Itaque brevi tota maritima ora potita est, ac prope Neapolim, caput regni, pervenit. Interea Ceres Neapolitanos fines ingressus, Truento amne trajecto, Aquilæ oppidum, Taliacotii, Marforum, Albæ, & Celani comitatus in suam potestatem redegerat.

Prosperis his eventibus elatis nostrorum animis, in spem

H. Mauroceni T.I

O

ve-

1527  
Augustinus  
Amulius le-  
gatus ad  
Terracinâ.

Vademontius  
Comitis in  
Italiam  
advenit.

Paulus  
Justinia-  
nus Vene-  
tus Tria-  
rarchus  
Puteolos  
ingreditur.

Federato-  
rum confi-  
lia de Nea-  
poli oppu-  
gnanda.

1527 venerant Neapolitanæ urbis potiundæ ; quo factò debellatis hostibus, finem belli impositum iri ; ea præsertim civitate Cæsari adempta, ex qua ingens pecuniæ vis ad alendos, sustentandosque exercitus colligi poterat : quamplurima cum ad terrestres copias, tum ad classes comparandas inde proficisci solita adjumenta ; reliqua oppida belli terrore commota, præcipua urbe, quæ caput regni est, amissa, statim nostris accessura : neque vero difficile esse, cum haud satis valido militum præsidio tuta esset, nec tantum animi, ac roboris habituros, quantum ad belli impetus sustinendos par esset : ad hæc permagnam nobilitatis partem Hispanici dominatus pertæsam, cum primum occasio se obtulerit, signa haud ambigua suæ erga foederatos propensionis edituram ; Proregem a civitate abesse, nec brevi ea subsidia, quæ ad hostes everrendos necessaria forent, mitti posse. Itaque tempus minime inani cunctatione terendum, statimque urbem oppugnandam. Qui tutiora consilia amplectebantur, minimum fortunæ relinquere soliti, adventum Rentii Ceritis præstolandum ajebant, ut majori vi, & conatu invadi civitas posset ; præsertim cum ejus oppugnationis exitus magnum in utramque partem momentum allaturus esset : frumenti inopia cives laborare, nonnullis capis navibus, quibus multa ad victum necessaria convehiebantur ; populum, summa instabilitate, & impatientia notum, annonæ caritatem non facile passurum. His aditum Neapolis potiundæ aperiri posse. Classem præterea non eo numero militum constare, qui ad amplissimam urbem expugnandam requiri videbatur : quocirca novarum copiarum incrementis, aut navibus, aut terra adventuris classem augendam, ut absque periculo res tanta ad exitum perducì queat. Interim Salernum peti oportere ; illam parvo militum præsidio subnixam cito vel deditione, vel vi in nostrorum potestatem casuram, illiusque exemplum reliqua illius regionis oppida subsequutura. Prior tamen vicit sententia, ac nuntius Neapolim missus, qui foederatorum nomine dedi civitatem postularet.

At Ugo Moncata cum primum classem quatuor passuum millibus tantum abesse intellexisset, coactis duobus millibus & quingentis militibus, ex eorum numero, qui custodiæ urbis præerant, turma populari auctis, trecentis equitibus adjectis,



Atis, urbe egressus, Vademonium, & Horatium Baleonium cum militum nostrorum manu obvios habuit, qui e triremibus ad oppidi situm explorandum exierant: statimque, pugna oborta, hostes fugam arripuere, cum momento dispersis triremium tormentis, ingenti globorum vi perterrefacti, neque consilii, neque roboris ad obsistendum aliquid afferre possent; penitusque dederunt terga, nostris adeo acriter insequentibus, ut non procul absuerit, quin nonnulla tormenta amiserint, nisi Moncata ipse cum delectis aliquot Hispanorum cohortibus praesto fuisset. Verum ob eam causam cum tardius in urbem se recepisset, neque sublicii extollendi pontis, neque portam occludendi tempus habuit, quæ statim ab insectante Baleonio fuit occupata. Sed cum parva militum manu septus esset, verereturque, ne ingressi urbem milites statim diripere, ac prædas agere inciperent, palantesque, ac nullis ordinibus coacti caderentur, ad triremes, quæ non amplius mille passibus inde distabant, satius regredi existimavit. Hoc facto, tanto Neapolitani terrore perculsi sunt, ut classium duces oratum mitterent, ne urbem tormentis quaterent, neque agros diriperent, ac incenderent; se enim ad deditionem faciendam paratos esse. Unus Ugo Moncata hanc civium propensionem, hos foederatorum conatus constanter excipiendos putabat, omnem fortunæ aleam, & quidquid adversi accidere poterat, forti animo subiturus; cum præcipue illud compertum haberet, parvum militum numerum in classe esse, quod magnam partem ad capta oppida tuenda nostri reliquissent, nec quidquam aggredi posse, nisi prius Galli classi adventassent: quæ omnia vires foederatorum distinendo partum victoriæ fructum interciperant. Neque subsidia ad classem a Cerite mittebantur, licet obnixè postularentur: jam enim ferebatur, prolapsam disciplinam in Ecclesiastico exercitu esse, non ducibus obtemperari, pecuniæ, atque annonæ inopia premi; inde quotidie numerum militum imminui, spes rerum bene gerendarum recidi, ut sensim concepta de foederatorum viribus opinio in animis hominum elanguesceret.

Quæ res Clementem, qui numquam a pace cum Cæsare ineunda abhorreere visus fuisset, in eadem sententia confirmaverant. At Senatus nullum officii genus, quod ad nurantem

*Ugo Moncata punit cum Vademonio, & Baleonio confert.*

*Ugoni Moncata constantia in Neapoli propugnanda.*

1527

Pontificis animum confirmandum attineret, prætermittebat. Urbinatem copias lustrasse, propediem cum exercitu profecturum; omnia nostris favere; Germanos, atque Hispanos ob stipendia non soluta hostium exercitum tumultu replevisse; classem foederatorum multa oppida prope Neapolim cepisse; in summa trepidatione urbem versari; Rentium Ceritem, impetu in Neapolitanum regnum facto, non exiguam regionem illarum partem in suam potestatem redegisse. His accedere, quod Langeus non contemnendam pecuniæ vim attulerit, Regisque animum erga communia foederatorum commoda summo opere propensum patefecerit. Quæ cum ita sint, cur hæsitare, rebus cunctis ad vota fluentibus, Pontifex velit? cur non coëptis instare? atque tot laborum, & impensarum præmia inani timore fessum amittere? cur demum non ea ratione Cæsareanos eludere, qua ipsi illum perstringere conantur? illud tantum ab eo flagitari, ut nil absque foederatorum scientia, & assensu de maximis rebus statuatur; cum præcipue quantum terra, marique poterant, vires auxerint, copias comparaverint, classem instruxerint. Et ne pecunia copiis desit, quindecim aureorum millia a Senatu mittuntur, quibus augeri exercitus posset, qui, Duce Rentio Cerite, jam, ut diximus, in Neapolitanos fines ingressus multa oppida partim vi, partim deditione cepérat. Advenerat his diebus e Gallis Andreas Rubeus, qui a Senatu ad Regem missus, atque ob præclaram pro Republica in magnis rebus navatam operam torque aurea honoris causa donatus fuerat. Is egregiam Francisci voluntatem erga Rempublicam Senatui significavit, arctiori se societatis vinculo, licet Clemens ad partes Cæsaris accessisset, Reipublicæ conjuncturum. Ea res maximopere grata Senatui fuit, Pontifice præsertim, licet antea se nunquam a foedere recessurum profiteretur, ad inducias, & pacem cum Cæsare ineundam propenso; hinc Regi gratiæ actæ a Sebastiano Justiniano Senatus nomine, atque illud adjectum; Rempublicam eandem fortunæ aleam, eisdem casus cum Rege subituram; nunquam vel consilia, vel vires a potentissimo Rege sejuncturam. Quod vero ad Clementem attinet, secreto cum Prorege agere, verendumque esse, ne pollicitationibus illectus, aut periculorum facie, quæ menti pavida semper

majo-

majora, & vehementiora objici solent, commotus, atque perterritus tandem Cæsareanis accedat; id si contingat, ingentibus Venetam Rempubicam tempestatibus jactatum iri, omnem bellorum imperum, ac procellam in nos evasuram. A Rege itaque petere, ut quam maxima celeritate, & viribus possit, id si acciderit, amicæ Reipublicæ subveniat. Pontificis cum Prorege colloquia, & ad fœdus ineundum cum Cæsareanis propensio effecerant, ut ingenti spe, summaque alacritate suscepta in Neapolitanum regnum expeditio paulatim non minimum pristini vigoris amitteret, cum militum animi ob rumores induciarum ardorem victoriæ reportandæ restinxissent, non pecunia exercitui submitteretur; inde quotidie copias imminui, classem otio torpere, militum paucitate nil aggredi, hostium antea labantes spiritus erigi, adventantemque olim victoriam e manibus eripi. Itaque concepta in hominum mentibus de fœderatis opinio, atque expectatio cœpit labascere.

Altera ex parte in Gallia Cisalpina cum Germani milites, Frondispermio Duce, ad Casale majus trajecto Pado, Fidenziam, agri Placentini oppidum, se contulissent, obsidionis metu Mediolano liberato, ulterius progredi, atque militum imperum in alias regiones avertere decretum est: agris præsertim Insubrum belli diuturnitate ad vastitatem redactis, Laude Pompeja amissa, Cremona a nostris occupata, ex quibus magna annonæ vis exercitui suppeditari poterat. Objecere se se primum Pontificiæ ditionis oppida, in quæ universa procellarum vis effundenda foret; quocirca ad Placentiam expugnandam animus adjecerant. Ea res cum Veneto imperatori, ac Salassiorum Duci innotuisset, statim valido in urbem præsidio militum immisso, mœnibus vallo, fossaque munitis, Carolus Borbonius, qui cum Hispanorum copiis, & machinis propius accesserat, cœptis desistere coactus fuit; cum videretur, si urbis expugnandæ periculum faceret, exercitus, qui ad sex millia passuum inde castra habebat, opportunam nactus rei bene gerendæ occasionem ne prætermitteret. Spe itaque Placentiæ occupandæ dejectus, statuit Borbonius in Hetruriam aut per Flaminiam exercitum ducere, ut nobilissimarum urbium direptione, divitiis alta pace collectis egestati exercitus succurreret, ac militum prædæ, & rapinarum sitim exleret: inter-

1527

ea Antonio Leva cum quatuor Germanorum, totidemque Hispanorum cohortibus in Insucribus relicto. Motis itaque castris Borbonius Bononiam pervenit, inde in Flaminiam, ut plerique arbitrabantur, transiturus. Nam itinera complanari, ac dirigi ad transeundum exercitum, quæ ad Centum oppidum perducunt, Dux Ferrariensis iusserat; qui cum ad Cæsareanas partes, odio in Pontificem ductus, accessisset, cum Borbonio ad Finale oppidum secreta colloquia habuerat; illum nonnullis tormentis bellicis, & pecunia juverat, in spem creatus, in hac Pontificis rerum omnium perturbatione, Mutinæ, & Regii potiundi. Agrum Bononiensem Borboniani milites ferro, atque igne vastaverant, ut hoc exemplo Florentinos perterrefactos ad aliquam argenti vim exercitui solvendam cogerent, ut agros nobilissimarum domorum frequentia insignes ab hostium injuriis vindicarent.

*Borbonii,  
& Ferrariensis ad  
Finale colloquium.*

Clemens itaque cum totam belli molem, impetumque se sustinere non posse animadverteret, nobilissimasque urbes prædæ, ac libidini militum cessuras prospiceret, satius ducebat, vel iniquis conditionibus cum Cæsareanis pacisci, quam Pontificium imperium ingruentibus undique maximis periculis obiectare. Quapropter neque Reipublicæ consilia, neque Langei a Rege missi adhortationes, ac pecunia, quam ex Gallia attulerat, a concepta sententia avertere potuerunt, quin cum Prorege octo mensium inducias pacisceretur, qui ob eam causam Cæsarem Ferramoscæ Romam miserat, atque se intra paucos dies ad urbem venturum Pontifici pollicitus fuerat, ut majori auctoritate pacta sancirentur, & perficerentur: cum interea Cardinalis Triultius Legati Pontificii munere fungens Neapolim profecturus esset. Ferramoscæ post sex dies Romam cum venisset, inducias confirmavit, sponse adjunctæ, Borbonium suis copiis nec ditionibus Ecclesiæ, nec Florentinæ Reipublicæ damna ulla, aut incommoda illaturum: id si renuisset, Hispanos milites, qui in sua auctoritate erant, evocaturum. Pontifex vero exercitui sexaginta aureorum millia persolaturum, Columnensibus parciturum, Pompejum Columnam in pristinam cardinalitii ordinis dignitatem, qua illum exuerat, restitutum, promisit. De illorum oppidis nil statuendum esse; sed ab utraque parte retinenda decretum est.

*Inducia  
Florentinæ  
inter Pon-  
tificem ac  
Cæsarem.*

His

His de rebus Galliæ Rex a Reipublicæ oratore certior factus, neque Senatus consiliis, neque Langei officiis labantem Pontificis animum retineri potuisse; magis apud illum Borbonii in Flaminia motus, instantemque periculorum adspectum, quam foederatorum fidem potuisse: hoc Clementis consilio spes omnes bene gerendarum rerum imminui, ac debilitari; verendumque esse, ne a Pontifice, hisce induciis foedere violato, Cæsarique adjuncto, totius belli impetus in Venetos effundatur: unam Rempublicam universos hostium conatus excepturam, undique Cæsaris copiis septam, quas jam prope in penetralibus sentiat: iis Alphonsum Ferrariæ Ducem accedere. Quos vero hostes in Italia modo habent, nisi Rempublicam? adversus quam totam armorum vim exercere non dubitaturos: qua in re si compotes voti sint, si Venetos devicerint, quis ambigat, reliqua illis ex sententia eventura? hoc tanquam gradu sibi ad monarchiam totius Christiani orbis amplissimum iter munituros: petere itaque, rogare, flagitare, ut majoribus auxiliis, & copiis in hoc rerum periclitantium statu amicus Rex Reipublicæ subveniat, arctiori-que societatis nexu eandem complectatur. His Regem ad opem sibi ferendam Veneti hortabantur: verum in ancipiti humanarum rerum exitu, ut jactatæ tot bellorum casibus Christianæ reipublicæ subveniretur, a communibus Christianorum Principum induciis minime Patres abhorrebant; quapropter illud Regi adjectum est, se induciis cum reliquis incundis consilia a suis commodis haud aliena fore, existimare: cum interea cum Anglo cognationem filii connubio arctius firmare, quod maxime Cæsareani verebantur, atque potentissimi Regis mentem summopere ad inducias propensam ad se allicere posset; hoc facto, Cæsarem suspicione laborantem, ne Clemens, Angli, Galli, & Veneti focia arma jungant, facilius Francisci Regis filios dimisurum, ac post tot bellorum pericula, & clades optata tandem pace Christianam rempublicam potituram. Interim ne propter Clementis cum Cæsare pactas inducias aliquid foederatorum res detrimenti paterentur, Urbinati imperatori, qui tum cum exercitu inter Mutinam, & Regium morabatur, Senatus significat, ut cum Salassiorum Duce incolumitati copiarum consulat: idem Bajucensis Episcopus Salassio scripserat, ut suos milites nostris adjungeret.

*Urbinas cū  
exercitu in-  
ter Muti-  
nam, et Re-  
gium.*

1527

Verum ex altera parte Pontifex, postquam pepigerat cum Cæsareanis inducias, suas copias e Neapolitano regno evocavit, classem ad Centumcellas regredi iussit; ducibus mandavit, ut quaecumque oppida in Neapolitanorum finibus ceperant, statim Cæsareanis restituerent; ac Joanni Viturio legato Veneto primum, mox Senatui inducias cum Cæsare initas, neque hostile aliquid adversum illum moliri imposterum posse, significavit. Patres præcipiti hoc Clementis consilio multa illi damna imminere jam tum mente prospiciebant. Quocirca ne hostium promissis nimium fideret; ne sua omnia incertæ fortunæ casibus objectaret, monebant. Ut enim Prorex quæ sponderat, quam maxime servare velit, quis Caroli Borbonii mentem satis perspectam haberet? cum paria imperia cum illo se habere dictitaret, ac præferoces ejusdem spiritus non adeo facile mitescere posse haud dubium esset. Quod re ipsa evenit: nam cum Franciscus Guicciardinus a Borbonio petiisset, ut ab Ecclesiæ finibus abstineret: se quidem, respondit, ad inducias inter Cæsarem, ac Pontificem initas servandas apprime paratum esse: at milites contineri non posse; omnes ad bellum persequendum, stimulis veluti quibusdam percitis, ardorem nulla ratione compescendum præferre; se vero ad coercendam militum petulantiam, ac ruentes in martis aleam spiritus imparem esse. Itaque Rhenum flumen cum exercitu transgressus iter Flaminiam versus arripuit. Guicciardinus autem opem Reipublicæ implorabat, atque ut turbatis, & afflictis rebus Pontificis succurreret, flagitabat. Senatus non quæ Pontifex nuper adversus fidem, & jusjurandum egerat; sed quid e re communi esset, perpendens, pollicetur, si Borbonius cum exercitu hostiliter Ecclesiæ fines ingrediatur, arma pro Clemente sumpturum; legatoque exercitus mandatur, ut cum Salaffiorum Duce, ac Francisco Guicciardino communicatis consiliis, Cæsareanorum explorata mente, ac viribus, equitatum gravioris, leviorisque armaturæ parent, omnia ad prælium opportuna instruant; ut, si res, atque tempus postulet, hostium conatus avertere, incolumesque res Pontificis servare possint.

Sed Carolum Borbonium nulla res remorari poterat, quin milites ulterius progredi sineret; licet Cæsar Ferramosca

*Franciscus  
Guicciardi-  
nus a  
Borbonio  
petit, ut ab  
Ecclesiæ fi-  
nibus absti-  
neat.*

mosca nuper Roma adveniens Proregis mentem de pactis induciis significasset. Itaque copias movit, in Flaminiam transiurus, Cotiniolam oppidum deditione in potestatem recepit, dein cum ad Forum Livii iter direxisset, Meldolæ fines ingressus, Arni valle emensa, Alpes transgressurus, & in Hetruriam descensurus videbatur; ea spe, ut Senenses, qui odio in Pontificem adducti illi favebant, rebus necessariis juvarent, omniumque rerum inopia laboranti exercitui subvenirent. Cum vero maxime Urbinas vereretur, ne Borbonio Flaminiam cum exercitu transeunte, ditionis suæ fines damno aliquo ab hostibus afficerentur, a Senatu petiit, ut ad protegendas Pisauri, & Senogalliæ civitates mille ac quingentos pedites mitteret; utque Guidi Ubaldi filii saluti, atque incolumitati consulere, biremis, qua Venetias tuto accedere posset, in iis oris præsto esset. Quibus in rebus benigne a Senatu Duci satisfactum est. Ceterum quia in omnium ore jam erat, Borbonium in Hetruriam transiurum, quo Florentinorum, Pontificisque rebus prospiceret, Senatus ducem, ac legatum Pesareum, ut cum exercitu Padum pertransirent, incitabat. Nam Urbinas imperator jam copias coegerat, Germanos milites conjunxerat, tormenta bellica paraverat, atque ad Melaræ, Bregantini, & Castrinovi oppida reliquas copias cogere constituerat; ponteque flumini instrato, exercitum trajicere. Verum induciarum exitus adhuc in incerto erat: nam Prorex Roma discedens Florentiam versus proficiscebatur, ut, si fieri posset, Germanos milites ab Ecclesiæ ditionibus amoveret; cum in tot rerum angustiis Pontifex præter pecuniæ, quam solverat, vim adhuc centum, atque amplius aureorum milia persoluturum pollicitus fuisset. Dux igitur, trajecto exercitu, Bononiensium fines ingressus prope civitatem copias admovit: Salassiorum Princeps diverso itinere cum reliqua copiarum parte per Forum Cornelii transiens, inter Ravennatum, & Faventinorum fines confedit: nam cum diu inter foederatorum Duces de bello administrando variis sententiis actum esset, tandem copias in duas sejungi partes placuit; tum, ut inimicos interciperent; tum, ut frumentationis, & pabulationis facultas intercluderetur.

At Clemens, qui antea sibi omnia prospero eventu fluenta

1527

*Urbinas de suis ditionibus sollicitus subsidia a Senatu postulavit.*

*Mandata ad Urbinatem, & Pesareum Legatum. Proregis studium, ut Germanos ab Ecclesiæ ditionibus amoveret.*

*Urbinas in Bononiensium. Salassius inter Ravennatem, & Faventinorum.*

1527

tia pollicebatur, nullo instantium periculorum metu perterritus, cum certior factus esset, Cæsareanos milites arreptum iter persequi, non pecunia, non pollicitationibus illorum impetum averti posse, jam tum primum nimium se Cæsareanis credidisse coepit agnoscere; atque ea spe, quam certam sibi fore mente conceperat, dejectus, oratores Gallorum Regis, Senatus Veneti, Mediolanique Ducis, ad hæc etiam Angliæ regis ad se vocavit; causas, quæ ad inducias cum Cæsareanis ineundas permoverint, Cæsareanorum astus, fraudes aperit; orat, obtestatur, ne tot, tantisque tempestatibus perturbatas, atque afflictas res suas, & Florentinorum deserant; enixe a suis Principibus postulent, ut, pro sua in Romanam Ecclesiam pietate, periclitantem ipsius fortunam sublevent, neve Italiæ libertatem indignissime concuti, ac labefactari patiantur. Mox a Dominico Venerio Reipublicæ oratore petit, cum Senatu agat, ut Urbinatē trāns Alpes exercitum ducere permittat; perpetuo, nec ulla unquam re diffociabili foedere se Reipublicæ adhæsurum. Senatui licet suas copias per montium angustias in Hetruriam traduci valde incommodum videretur; cum præcipue Pontifex divisus a ceteris consiliis uteretur; atamen placuit, ut Urbinatum Dux cum Aloysio Pisano, qui nuper legatus designatus in castra venerat, si ita occasio tulisset, Alpes transgrederetur. Itaque Cæsareanorum exercitum subsequutus in Hetruriam se contulit. Carolus Borbonius prope Arctium castra posuerat, foederatorum copiarum ad Barberinum confederant.

*Clementem per  
Dominicū  
Venerium  
Oratorem  
postulat,  
ut Urbinatē  
Alpes trān-  
sgrediatur.  
Aloysius  
Pisanius le-  
gatus in ca-  
stra.*

*Fœdus no-  
vum Romæ  
permissum  
a quoque Se-  
natus man-  
dato.*

Dum hæc aguntur, foederati Romæ denuo fœdus percipiunt, in quo plurima erant, quæ mirum in modum Venetis officere videbantur. Primum quod ad immodicam pecuniæ summam persolvendam Respublica adigebatur, quæ ingentibus expensis publicas opes prope exhauserat, cum eodem tempore duos terrestres exercitus aleret, in Gallia nempe Cisalpina, & Hetruria, maritimamque classē omni navigiorum genere instructam sustentaret. Deinde quod bellum ubicumque opus esset, ac præcipue in Romanæ urbis finibus gerere cogebatur, ut si, quemadmodum sæpe assolet, aliquis incidisset casus, quo laboranti Reipublicæ subveniendum esset, ne id quidem fieri posset. Tandem quia cautum erat, ne abduci, renuente Pon-

Pon-



Pontifice, aut ejus legato, copiæ queant, cujus imperio Venetorum; Gallorumque exercitus pareat : qua in re non minimum periculi inerat, Antonio Leva vires augente, Germanorum robore, ducum numero militari peritia insignium, copiis denique omnibus, quæ illi facillime Ferrariensis summistrabat; ita ut quamprimum arma adversus Sfortiam moturum percresceret; cujus rationes a Venetis sejungi minime poterant. Hæc ad Senatum cum perlata fuissent, rei novitate summove commotus est; iniquis adeo legibus infcium, ac nihil hujuscemodi cogitantem se adstrictum fuisse, quibus nullo pacto assentiri voluit, quod suus apud Pontificem orator sine ullo publico mandato, contra leges fœderi subscripsisset. Neque eo tantum contentus Gallorum Regi, quæ acta essent, significavit; detrimenta, quæ Reipublicæ inde oriebantur, aperuit; hortatus est, ut in firmando fœdere aliqua mora uteretur : interea, si ita collibuisse, arctiori societatis vinculo cum Republica jungeretur. Verum cum ea, quæ Dominicus Venerius orator Romæ egisset, rei novitate, pessimo exemplo posteris futura mirum in modum displicuissent, silentio Patres nullo pacto prætereunda existimabant.

Qui Collegio præerant, literas a Senatu ad Venerium scribendas censebant, quibus fœdus infcia Republica sancitum conquerebatur; legibus, ac institutis majorum id adversari, quæ a Reipublicæ nascentis incunabulis ad ea usque tempora summa cum religione servata forent; quibus immutatis, vel labefactatis, multa consequi posse incommoda, & mala; hisce exemplis universam Senatus auctoritatem convelli; nullumque adeo ingentem fructum excogitari posse, qui justa lance cum Oratoris facto expendi possit. Adeat itaque Pontificem, summis laudibus sapientiam, atque consilium illius de fœdere innovando efferat; quippe qui optime noverit, Cæsareanorum machinis, ac dolis jam prope suam auctoritatem, fortunas, imperium in præceps ire; sed quod ad Rempublicam atinet, nullo modo iis, quæ fœdere comprehensa sunt, assensuram. Nam quod primo capite continetur, ut centum aureorum millia solvat, id fieri nequaquam posse; cum prope diem Antonius Leva Laudem Pompejam oppugnaturus, atque in Venetos fines impetum facturus diceretur; ob id immenso sum-

1527 sumptu copias refici oportere, augeri milite exercitum, Germanos evocandos, ut agros tuerentur, ne fructus messis, quæ jam appropinquabat, amitterentur: ad hæc instaurandam classem, quæ grave ad Centumcellas experta cælum numero militum, ac remigum valde imminuta fuerat; augendam quin immo non parvo triremium numero, ut maritima ab hostibus loca tuta sint: eam vero summam pecuniæ, quam antea promiserat, præbituram, triginta nempe aureorum millia. At quod secundo prohibetur capite, ne Venetus exercitus ex Hetruria, aliisque locis, ubi nunc detinetur, amoveri possit, id sane supervacaneum esse; neque enim Rempublicam amicis unquam defuisse; neque trans Alpes ductari copias permisisse, nisi eo animo, ut sociorum fortunas, ac imperium adversus hostes servaret. Quod vero Apuliæ provinciam classe aggredi Veneta velit; illud, ut hoc tempore non satis opportunum videri, ita si unanimi sociorum consensu arma adversus Neapolitanum regnum inferri e re communi visum fuerit, non abnuere, quin maritimis viribus universa Apuliæ ora oppugnetur: quocirca Clementem orare, ut hæ conditiones e fœdere amoveantur; nullam vim, aut robur ad cogendam Rempublicam obtinere, cum Senatus mandata ad ea peragenda, ut moris est, non adfuerint. Tandem multa adjiciebantur, quibus Venerius magis ad Pontificem in sententiam Reipublicæ ducendum impelleretur: ipsius agi existimationem; ipsius honorem, quo nil carius homines in vita habent, summo in periculo versari; ni ea obtineat, hoc uno benevolentiam Reipublicæ, ac gratiam perpetuo amissurum. Postremo, ut Dominici Venerii loco novus ad Pontificem orator intra quindecim dies designaretur, cautum erat.

Ea Collegii Patrum sententia, ut suffragiis Senatorum sanciretur, perlata, acerrime a Thoma Lippomano quadraginta virum capitalium præside impugnatur. *An hæc esse majorum nostrorum, qui sapientia, & civili prudentia florere, instituta, & exempla? gravissimis in rebus, quibus salus civium, imperii incolumitas continetur, suo arbitratu, nondum Senatus explorata mente, decernere, atque transigere? Quis ignorat, hujusmodi facta per conniventiam, ac dissimulationem neglecto, pulcherrimæ, & sæculis æquata Reipublicæ mores,*

ac

ac iura infringi, & labefactari? magna tractantibus, regendorum populorum onus sustinentibus, gravitate, ac severitate nonnunquam opus esse, ne nimia indulgentia civium animi sponte sua labantes diffuant, & corrumpantur. Quid porro agi ab Oratore potuisse, vel Reipublicæ adversum magis, vel a communi utilitate sejunctius, quam fœdus iis conditionibus pepigisse, quibus nulle majus detrimentum Venetis rebus asferre poterant? an vero perturbata, ac commota Venerii mens poterit e publica dignitate bis de rebus verba facere? illa impugnare, quibus subscripserit? constanter causam publicam defendere, qui omnia ad nutum Pontificis composuerit? Propterea censere, ut statim Andreas Rubeus a secretis Senatus Romam mitteretur, qui rationes Reipublicæ exponeret, atque Romæ usque ad novi Oratoris adventum moraretur. Dominicus vero Venerius nihil cum Pontifice ageret; neque, ut in discessu moris est, Cardinales alloqueretur, sed Pontificis, ut assolet, exosculatis pedibus, illico Venetias reverteretur, & coram Advocatorio magistratu causam diceret. Hæc erat Lippomani sententia, in quam cum perorasset Princeps, sex viri, quos *Consiliarios* vocant, Præconsultores denique, uno Carolo Contareno, continentis Sapiente excepto, qui prioris decreti auctores erant, ivere: eam statim cunctis fere suffragiis probavit Senatus. Venerii loco orator ad Pontificem Franciscus Pefareus, Decemvirum Præses, designatur, qui legibus ad legationis munus minime cogi potuit: mox cum aliis a Senatu ea legatio demandaretur, singulis varias excusationes afferentibus, tandem majoribus comitiis decretum est, ne quis, hoc bello exardesciente, posset ab eo munere subeundo excusari; multis ac gravissimis iis, qui onus non subiissent, impositis pœnis. Munus itaque id denuo Francisco Pefareo obvenit.

Dum hæc aguntur, & tam hostium, quam fœderatorum copix transgressæ Alpes, ut dictum est, in Hetruriam descendissent, ingenti motuum civilium turbine agitari Respublica Florentina cœpit; quippe quæ in varias factiones divisa diutius nunquam pacata civium concordiam servaverat; quibusdam popularem Reipublicæ formam appetentibus; aliis propenso in Medicæam familiam animo; ac voluntate paucorum

Decretum a  
Romæ  
Lippomani  
propositum,  
ut Venerius  
Romam evoca-  
retur, &  
causam co-  
ram Advoca-  
torio diceret.

Franciscus  
Pefareus  
orator ele-  
ctus lega-  
tionem re-  
novit, & de-  
novo eligitur.

RUM

1527

rum dominatum probantibus. Fervere itaque in diversas partes studia, civitatem undis civilibus concuti; superior populus videbatur, cunctamque ad se publicam auctoritatem rapere, Medicea familia auctoritate, qua plurimum pollebat, exuta, hostibus patriæ Hippolyto, atque Alexandro Clementis nepotibus declaratis; cum Dux Urbinas, exercitus imperator, Florentiam quamcelerrime cum Aloysio Pisano legato, & Federico Bozzolo se contulit, octoginta e suorum numero, qui insigniores nobilitate videbantur, comitantibus. Eo cum pervenisset, nutantes Florentinos tum cohortationibus, tum vicinarum copiarum metu in foederatorum fide retinuit, ac tumultuantium civium ardore restincto, Mediceæ familiæ dignitatem restituit, & civitatem factionibus labantem, sua auctoritate pace composita, firmavit; Florentinisque in clientelam receptis, ad foedus denuo confirmandum iis conditionibus adegit, ut ducentos quinquaginta cataphractos equites, quingentos levioris armaturæ, peditum quinque millia suis sumptibus alerent: ad hæc tormentorum bellicorum numerum præberent; quibus copiis una cum foederatis quacumque in Italiæ regione Ducibus visum esset, dimicarent: in Hetruria vero tantum copiarum haberent, quantum ad eam provinciam tuendam necessarium foret. Ea res in primis jucunda Senatui fuit, quod communibus rebus conducere mirum in modum videretur, Rempubicam locorum situ, pecunia, & viribus florentem a foedere non sejungi; præsertim cum Veneti plures exercitus alere, maximos quotidie sumptus facere cogerentur. Nam quia Antonius Leva in Insulubris moliri aliquid summi momenti afferebatur, sancti Columbani oppido in potestatem redacto, octo millium peditum novum delectum haberi decreverant; & Gabrielem Venerium ad Franciscum Sfortiam Oratorem miserant, ut ad hostium conatus præsto esset, ac si qua in re posset, consilio, & auctoritate Senatus juvaret. Aderant tunc Sfortiæ tria peditum millia, quæ, summo studio Cremona, & Laude Pompeja pecunias subministrantibus, collegerat, oramque omnem, quæ trans Abduam est, milite sequebatur, & Modoetiam improvise adortus occupaverat: qua re commotus Leva cum septem peditum millibus ad repetendum oppidum convolarat. Sfortia, cum non satis ad bellum necessaria in-

*Hippolytus  
& Alexan-  
der Medi-  
ci Floren-  
tiae jelli  
hostes pa-  
tria decla-  
rantur.*

*Urbinas  
adventu  
Medici in  
patriam re-  
stituti.  
Foederis  
cum Flo-  
rentinis cō-  
firmatio.*

*Gabriel Ve-  
nerius ad  
Sfortiam  
Orator.*

*Modoetia a  
Sfortia ca-  
pta, a Le-  
va recepta.*

structa haberet, auxilii que infirma spe niteretur, quod copiarum robor Carolum Borbonium insequutum esset, nuper occupatum oppidum Levæ militibus fœdè diripiendum relinquere coactus est. Quo eventu majora sibi Antonio Leva pollicente, ac propediem Germanos sibi milites adjecturum sperante, Veneti in Gallia Cisalpina augere copias cogeantur; veriti, ne Cæsareani milites feliciore fortuna adversus Sfortiam usi, in suos fines irrumperent; cum præcipue exercitus robor, ut diximus, eo tempore in Hetruria esset, ut Borbonii conatus moraretur, atque inturbaret; qui sane cum tuto aliquod in oppidum se recipere non posset, & pecunia, comœatuque laboraret, nobilissimarum urbium Romæ, aut Florentiæ direptione, tot incommodis obviam iturus vulgo ferebatur. Postquam vero compositis Florentinorum rebus, fœderatarum copiarum adventu territus facultatem se urbis occupandæ amisisse sensit, induciarum, quæ a Prorege cum Pontifice initæ fuerant, nulla ratione habita, quam maximis itineribus Romam contendit: eo facilius sitim diripiendæ, ac vastandæ præcipuæ orbis terrarum civitatis expleturus, quod Pontifex milite fere omni spoliatus Caroli Lanoci fidem satis firmum sibi præsidium existimabat; populum præterea, & rusticorum numerum, quem in urbem induxerat, eidem custodiendæ suffecturum putabat; ut cum Philippo Auricæ trium millium conficiendorum peditum munus imposuisset, atque ille mille jam sub signis haberet, quos ad Centumcellas coegerat, ingredi urbem minime iusserit: Guidoni autem Rangonio Comiti, qui, manu militum collecta, Otricoli morabatur, scripserat, ne injussu suo Romam proficisceretur.

Borbonius igitur, neque itinerum difficultate permotus, neque assiduis imbris, quæ loca, per quæ ducere exercitum oportebat, aquarum illuvie compleverant, remoratus in itinere, prius quam Romam adventaret, per nuntios a Clemente petiit, ut per suos fines in Neapolitanum regnum ducere sibi exercitum liceret, eo vel comœatum inopia ductus, vel fœderatorum copiarum timore perculsus, quæ illum a tergo insequerentur. Hujusmodi postulata ne audire quidem Clementis voluit. Ille cum suos omni rerum copia desti-

tutos

1527

*Borbonius  
Romam cō-  
tendit.*

*Clementis  
Lanoci fide  
deceptus  
Auricam &  
Rangonii  
ad urbem  
non accer-  
sit.*

*Borbonius  
a Clemente  
transitum  
in Neapo-  
litanos pe-  
tuit.*

1527

*Clemens  
Borbonio  
transitum  
denegat.*

tutos paulisper com meatibus recreasset, quos oppida quædam in itinere ab eo occupata subministraverant, pridie nonas maji urbem oppugnare statuit, certiore spe illius obtinendæ erectus, quod omnia, quæ ad illam tuendam necessaria videbantur, vel negligentia, vel difficultate omissa fuerant; nam Rentius Ceres, cui Clemens Romæ custodiam commiserat, neque suburbia satis muniverat, neque validis præfidiis urbem firmaverat. Scalis itaque ad suburbii mœnia admotis, brevi momento, nullo fere obistente, muros transgressi, suburbium occuparunt. Inter primos, qui mœnia conscendere nitebantur, Borbonius aderat, qui dum privati militis munus temere obit, glande plumbea tractus, execrandæ, quam manibus tenebat, victoriæ fructum cum vita amisit. Verum milites Imperatoris morte cum nihil pristini ardoris restinxissent, martis furore acti, & spoliis desiderio incensi, quæ ingentia sibi proposuerant, victoriæ cursum alacres prosequerantur. Clemens inopinato tantæ rei eventum perterritus, consilii inops, cum aliquandiu in palatio moratus esset, hæsitabundus, animo anxio, & dubia mente prælii exitum expectans, tandem se in Hadriani molem magno suorum numero stipatus recipere statuit. Interea Rentius civitatem circumire; populum evocare; cunctos ad arma impellere; ad sui defensionem hortari. At mentes insuetus terror ita invaserat, ut neque illius vox quidem exaudiri posset: populus, defensionis spe abjecta, præceps fuga latebris salutem quæreret.

*Clemens in  
Hadriani  
molem se re-  
cipit.*

Hostes brevi suburbio, & ea parte, quæ trans Tiberim est, potiri, inter Aureliam, & Settimianam portam, urbem neque murorum obice, qui vetustate fere collapsi fuerant, tutam, neque milite circumseptam ingrediuntur. Ita paucarum horarum intervallo amplissima, ac nobilissima civitas, quondam terrarum domina, ab immanissimis hostibus occupatur. Quidquid crudele, libidinosum, ac tetrum vel militum insolentia, vel victorum superbia perpetrari solet, perpessa. Nam Germani, & Hispani milites urbem ingressi, mirum dictum est, quanta crudelitatis, ac libidinis signa ediderint; non ætas, non sexus ab illorum injuriis, nefandisque sceleribus tuta; sacra, atque profana direpta; Divorum reliquæ aris erutæ; virgines

*Roma a  
Cæsareis  
occupata  
& direpta.*

castris occlusæ parietibus productæ, exardescenti barbarorum militum libidini prostitutæ: in homines non modo, sed in ipsa saxa, priscorumque Romanorum egregii operis simulachra sævitum; Sacerdotes insigniores, atque Episcopi ludibrio habiti; Basilicæ ornamentis, atque piorum votis exutæ, ut brevi nihil sit, a quo colluvies hæc sceleratissimorum hominum temperaverit. Neque hætenus insolens, ac præclara urbi infesta nimium fortuna stetit; nam dira lues ex tanta gentium colluvione orta est, ut passim, ac per vias pestifera morbi labe repente homines interirent, funera funeribus aggerarentur, ac teterrima mortis facies cuncta undique funesta redderet: amissus inclitæ urbis splendor; desertæ, ac prope ad solitudinem redactæ domus; agri absque cultore: universos pavor, ac terror occupaverat, ut pestilentiam mox famem consequuta sit, nullumque genus calamitatum fuerit, quod civitas, olim copiis omnibus florentissima, non experta fuerit.

Romanæ cladis statim per Christianum orbem diffusus rumor cunctos populos ingenti dolore, ac stupore defixit; quod præter opinionem, mentito induciarum nomine, tantum patratum facinus intelligerent; quod amplissimam totius terrarum orbis civitatem, e summo felicitatis vertice, momento in omne miseriarum genus prolapsam intuerentur; quod Pontificem e supremo dignitatis fastigio dejectum captivum teneri cernerent. Verum summa Hispani invidia flagrabant, quod facinus nefarium, ac post hominum memoriam fere nunquam auditum ab ea gente patratum foret, cujus dominandi libido, & avaritia plane intoleranda, & impatiens in adversis, insolens in secundis rebus animus, jam omnia suæ fortunæ cessura, humanum fastum supergressus, sibi pollicebatur. Quo siebat, ut reliqui Principes tanta rerum indignitate permoti; partim miseratione Clementis capti; partim rebus suis prospicientes, ad ultionem tanti facinoris exardescerent. Veneti tum communi omnium causâ, tum ne Caroli Imperatoris vires magis in Italia assurgerent, omnes conatus adhibere in Pontificis libertate sustinenda statuerunt; nulla adspernari pericula; nullis parcere sumptibus, donec erepto ex indigna servitute Pontifice, pristinus Apostolicæ Sedi decor, atque Italiæ

*Venetorum  
Audium ut  
Clementem  
in libertatem  
venderent.*

*H. Mauroceni T. I.*

P

di-

1527

*Mandata  
ad Urbina-  
tem, &  
exercitus  
Legatus.*

*Petrus  
Chiavellu-  
rius Clemē-  
tis legatus  
ad Urbina-  
tem.*

dignitas, & incolumitas restitueretur; cum praesertim haud levis suspicio suborta esset, Hispanorum Duces, Pontificem captivum in Hispaniam mittere decrevisse, quo facilius pro libidine ditionibus Ecclesiae dominari possent. Itaque Urbinati exercitus imperatori, Pisano, ac Viturio legatis mandatur, ut quamprimum cum omnibus copiis Romam versus proficiscerentur, captivo Pontifici opem ferrent; ad arcem, qua detinebatur, iter aperirent; illumque custodia ereptum omni metu, ac periculo liberarent. Clemens licet inopinato tantae calamitatis eventui consternatus animo, & malorum ingentium mole pressus, ac fere obrutus nihil satis firmi consilii expedire posset; attamen statim ad Urbinatem Petrum Chiavellutium miserat, qui quo loco res essent, illi significaret, celerrimam opem peteret; ac Guidoni Rangonio eadem de re mœroris, ac lachrimarum plenae liberas dederat. Imperator, & reliqui Duces <sup>Nuntius</sup> in Urbe Veteri exercitum habebant, castra <sup>mover</sup> ~~relinquendo~~ ielstinato itinere ad subsidium Pontifici ferre contendere statuerunt. Ne vero a Caesareanis, qui in Insubribus erant, impediri ea res posset, Senatus decreto novi delectus habiti, ut milites, qui in Gallia Cisalpina Reipublicae militabant, ad decem millia augerentur, ut Antonio Levæ obsistere possent, qui, nuper educto exercitu, novi aliquid moliturum praeferebat; praesertim spe Germani subsidii fretus, quod cito Alpes transgressurum fama ferebatur. Ad hæc ingens auri vis Adriatico mari Pisaurum, inde Romam versus ad exercitum, ad militum stipendia persolvenda, & copias augendas transmissa.

*Principum  
incenti ani-  
mi ad Pon-  
tificem ca-  
pritate li-  
berandum.*

Et sane in hac rerum Italicarum jactatione spes quædam bene gerendarum rerum affulgere videbatur; cum præcipue Pontificis Nuntius, Galliae, atque Angliae legati, & Franciscus Victorius reipublicae Florentinae orator, qui Venetos sua sponte ad opem Pontifici ferendam animatos adhortati fuerant, nihil suos Principes prætermisuros testarentur, ut a teterima Clementem servitute eriperent, atque Hispanorum turbidos, & insolescentes spiritus reprimerent. Franciscus quoque Galliarum Rex pollicebatur adversus Caesarem in Belgio arma moturum, ad eamque rem perficiendam Henricum Angliae Regem socium habiturum, cum quo nuper soc-

lus



das inierat : his enim coactum Carolum iri , ut , omnibus copiis ad Belgii præsidium collectis , Italicas res prætermitteret . Magnum quippe veteribus Regum in Hispanos inimicitiiis odium , illata Romæ clades addiderat ; quamobrem Henricus Eboracensem Cardinalem statim in Galliam miserat , qui Franciscum ad colloquium invitaret , in quo præsertim de Pontifice a captivitate vendicando ageretur ; & Franciscus suis ducibus , ut quamprimum Clementi suppetias ferrent , mandaverat ; ad quæ melius perficienda , illos , quos fortuna Clementis non attigerat , Cardinales hortabatur , Avenione convenirent , ibi Eboracensem adfuturum : a quo consilio etsi non abhorrerent ; commodiori tamen loco Bononiæ se fore censuerunt .

Cæsari ut primum de iis , quæ Romæ acciderat , ac de Pontificis captivitate nuntius in Hispaniam est perlatus , ingenrem animi molestiam , ac dolorem prætulit ; quæ acta essent , ducum consilio , non ipsius voluntate accidisse ; victoria non potitos malles , quam illa suos ita milites usos esse , cum semper studiosissimus pacis extiterit , in ea sedulo procuranda elaborasse , fœderatorum injurias oblitum , plurima in illorum gratiam fecisse ; nihil eorum , quæ ad Ecclesiæ fines vel tuendos , vel augendos pertinerent , a se prætermisum ; Sedis Apostolicæ dignitatem , & incrementa perpetuo reliquis omnibus antelata ; neque ob id Germanorum Principum similitudines vitasse , qui Romanis infesti Pontificibus ab illorum se eximere auctoritate , ac imperiis nitebantur ; nunc quod reliquum est , nullas justas condiciones pacis aspernaturum . In eam sententiam ad Henricum Angliæ Regem literas dedit ; idemque primariis Cardinalibus significari fecit . Illud quoque , ad animi molestiam patefaciendam ex infausto Pontificis eventu susceptam , publice argumentum dedit ; nam cum ob natum sibi filium , qui Philippi nomen sortitus est , ad lætitiâ ostendendam ludi , & spectacula magnificentissimo , ac regio apparatu ederentur , Clementis casu audito , ne in tanta Summi Pontificis calamitate lætari videretur , ea statim persequi vetuit . Palam hæc a Carolo agebantur : verum quæ mens illius esset , quidve animo moliretur , difficile erat intelligere ; cum debilitas , ac pene prostratas Italarum res sibi persuaderet , atque Hispani totius Italiæ imperium sibi animo usurparent . Nam sæpius Cæ-

1527

*Henricus  
Rex per E-  
boracensem  
Regem Gal-  
liæ ad collo-  
quium invi-  
tat .*

*Cæsar Pon-  
tificis cap-  
tivitatis  
invidiam in  
suos duces  
transfert .*

1527 far Caroli Borbonii facinus excusabat, culpamque quod pactas cum Prorege Neapolitano a Pontifice inducias non servasset, in militum insolentiam rejiciebat; ab Arausionensi Principe literas accepisse, quæ, quidquid Borbonius egerat, invitum fecisse, & præter animi sententiam exercitum Romam versus duxisse affirmabant, & coram omnibus non exercitum ducere, sed ab exercitu se duci prædicasse.

*Hispani  
diversa sen-  
tentia ob  
Pontificis  
captivita-  
tem.*

Neque vero in tam gravi re expedire quidquam consilii Cæsar nitebatur; licet a Clementis Nuntio vehementer quotidie sollicitaretur, ut Pontificem indigna servitute pressum liberaret: cum enim sæpius ea de re a Præconsultoribus inita consilia essent, in varias sententias distractæ, ac divulsæ mentes distinebantur. Nonnulli quamprimum Pontifici libertatem, ac imperium restituere Cæsarem debere censebant; hoc uno quæ a Cæsareanis ducibus Romæ adversus Pontificem, atque adeo universam Ecclesiam perpetrata fuerant, ea, non assentiente Carolo, acta esse, tantummodo orbi Christiano ostendi posse; neque illum unquam ea mente fuisse, ut quæ Prorex jurejurando Pontifici pollicitus fuerat, infringenterentur. Alii in Hispaniam Clementem duci oportere existimabant: hoc nimirum foederatos non parum deijci, ac consternari posse, & colloquio inter Pontificem, Imperatoremque habito, firmiter de totius summa rei decerni posse. Erant qui consilium istud, uti minime tutum, improbarent; cum verendum esse dicerent, ne classe Gallica, quam instructissimam, ac multorum navigiorum numero refertam esse constabat, cui Cæsar pares vires tunc ad obsistendum afferre minime poterat, Pontifex interciperetur: itaque nulla ratione ex Italia illum amovendum. Nec deerant, qui infenso in Pontificem animo consulerent, captivum Clementem detinendum esse; nihil illi reddendum; nullo unquam tempore Cæsari fidam cum Pontifice societatem fore; qui quamprimum e præsentī calamitate creptus fuerit, animo impressa firmiter injuriarum vestigia retinens, odii, atque inimicitiarum, quæcumque in Imperatorem posset, signa præbiturus foret. Quocirca nihil præpropere agendum; ex tempore fructum capiendum; nunquam serum in Pontificem Cæsaris beneficium fore. Hac in consiliorum varietate Hispani versabantur.

Ita-

Italorum vero Principum, ac populorum animi, quisnam tantarum rerum exitus futurus esset, anxie spectabant; unam spem in foederatorum copiis ponentes, quibus celerrime ad Romanam urbem admotis, Pontificem e captivitate eripi posse putabatur. Nam cum Urbinas Venetorum Imperator cuncta ad eam rem perficiendam comparasset, ac nutanti Perusiae civitati militum praesidium imposuisset, atque Orbiti omnes Venetorum copias coegisset, & eo Galli, ac Pontificii milites convenissent; ducum, selectorumque militum concilio habito, Senatus mentem significavit, ut quam celerrime cum universis copiis ad liberandum Pontificem properarent: qua in re sibi constitutum esse affirmavit, omnia potius aspera, ac difficillima subire, quam provinciam semel susceptam per inconstantiam, aut ignaviam deferere; pro comperto habere, ad egregium factum patrandum animo tantum, ac celeritate opus esse; sopitos hostium spiritus, libidine, atque avaritia diffuentes, nihil minus, quam de manu cum inimicis conferenda cogitare; qui si forte in aciem prodierint, certaminis aleam non recusare; ipsum inter primos ordines non Imperatoris tantummodo, sed militis officium obiturum; non pericula, non gladios, non saevam vim tormentorum, non denique mortem ipsam formidaturum. Haec sententia omnium excepta plausibus, atque in primis a Pisano legato probata fuit. Unus Viturius dissentiebat, quod periculi plena, dubia, & praecipua videretur, momento omnes foederatorum vires hostibus objectare, quos numero superiores esse constaret, atque complures rei militaris scientia, rerum gestarum experientia, animi, & corporis robore insignes, praesentis vero victoriae successu elatos, nihil non sibi ab eorum dextra pollicentes. Haec non modo oratione vehementi differebat Viturius, verum etiam scriptis quoque exarata imperatori in concilio obtulit; quo fiebat, ut ardor ille in omnium animis conceptus paulisper remitteretur. Nam licet universis copiis Romam contendere, ac tuto castra loco poni, atque ad omnem rerum gerendarum opportunitatem paratos esse, sententia staret; attamen prius experiri placuit, an repentino, & inopinato aliquo conatu fortuna nostris faveret. Itaque Federicus Bozzolus cum centum ac quin-

*Urbinas  
& Pisani.  
Legati con-  
siliū de  
exercitu  
Romam du-  
cendo.*

*Joannis  
Viturii di-  
versa sen-  
tentia.*

H. Mauroceni T. I.

P 3

qua-

1527  
*Federicus  
 Bozzelus  
 cum manu  
 milium  
 Romam pro-  
 fecit.*

*Cæsareano-  
 rum muni-  
 tiones ad  
 Pontificem  
 obediendi.*

*Alarco ab  
 Hispanis  
 Romam in-  
 greditur.*

*Urbinas a  
 Senatu po-  
 stulas ut  
 exercitum  
 augeat.*

*Clementis  
 littera in  
 Senatu re-  
 citata.*

quaginta cataphractorum manu, levioris armaturæ nonnullis equitibus, ducentisque sclopetariis, citato itinere Romam proficiscitur, non exigua spe celeritatis fretus, ut si hostibus nil hujusmodi expectantibus ad arcis prospectum se objiceret, Pontifex egredi, & ad foederatorum exercitum se conferre posset. Id quo facilius ad exitum perduceretur, Salasfiorum Marchio cum ducentis cataphractis equitibus, ut Federici conatibus faveret, Orbitum versus iter suscepit; Venetusque imperator cum exercitu moverat. Federici conatibus non favit fortuna: itaque imperator, ac duces de ratione belli administrandi sedulo consulebant, copiasque ad locum, qui Insula dicitur, octoque millia passuum Roma distat, castra promoveri, ut quacumque ratione possent, Pontifici opem ferrent. Verum majoribus difficultatibus obortis, occasio consilii capiendi minus expedita videbatur; nam ab exploratoribus afferebatur, hostes circa arcem vineas duxisse; aggeres trabibus, ac terra coagmentatos crexisse, illorum custodiam trium Germanorum millibus mandatam fuisse; Hispanos milites ex Neapolitano regno expectari; jam Ducem Alarconem cum nonnullis cohortibus urbem ingressum: quibus auditis ulterius progredi nequaquam tutum esse imperator, & reliqui duces censuere. Hujus consilii rationes Urbinas Senatui significavit, nulla prospere rerum gerendarum spe, eo copiarum numero, quas sub signis continebat, iter se proficui, remque ad exitum perducere nullo modo posse; augeri exercitum Helvetio milite, tormentis bellicis, rusticorum numero ad itinera complananda oportere; ducendas vineas, fossas egerendas.

His intellectis, Patrum animi incredibili molestia, ac summo mœrore affecti sunt, quod ea spe, qua ad Clementem ex arce liberandum aspiraverant, dejecti essent; illius vicem dolebant, qui e supremo fastigio deturbatus in tot ærumnas incideret: ob litteras Pontificis in Senatu recitatas ad pietatem proclivioribus animis, quibus Francisco Guicciardino Legato, quo loco ipsius res essent, significaverat, acerbissimum sui casum conquerebatur, fortunæ iniquitatem lamentabatur, foederatos obnixè rogabat, flagitabat, obtestabatur, ut amico, parenti, Christi in terris vices gerenti quam-

quamcitissime subvenirent. His accedebat, quod paulatim opinio de foederatorum conatibus, ac viribus elanguesceret, atque Regum animi ad Pontificem sublevandum, ad Italiam servandam incitati, hac mora, temporisque frustratione pristini nonnihil ardoris remissuri viderentur. Quocirca in sententia permanendum rati, Imperatori, & Legatis mandarunt, ne a priori consilio Pontificis liberandi discederent; atque cum copiis universis propius ad urbem accederent; hoc uno præteritæ Romanæ cladis memoriam deleri, ac foedus in pristina dignitate retineri arbitrati. Ac sane ardor ille, qui initio Duces, ut Clementi subvenirent, incitaverat, restinctus, atque consopitus omnium civitatis ordines ita inflammaverat, ut non modo in Viturium Legatum probra, atque convicia; verum etiam in Urbinatem jacerentur: quæ causa fuit, ut Viturium magistratu abdicatum Senatus in jus vocaret, reumque apud capitales Triumviros faceret. Sed mora, & cursu temporis lenita indignatione, cum ea, quæ dixisset, ac gessisset, non exiguis inniti rationibus compertum fuisset, in judicio absolutus fuit: Urbinati autem denuo a Senatu imperatoria dignitas per biennium delata, ipse cum suis ditionibus in Reipublicæ tutelam receptus, qui ut in Venetos fidei testem, atque obsidem daret, conjugem, & filium Principem Venetias missos, Muriani degere jussit. Ea res cum pergrata Senatui fuisset, literis amore, & benevolentia refertis in sententia confirmavit, laudibus extulit, atque in illius virtute, & fortitudine spem omnem felicioris fortunæ sitam esse amplissimis verbis significavit.

Interea Pontifex vel captivitatis tædio affectus, vel moræ foederati exercitus pertæsus, nutare coeperat, ac se a pacis conditionibus cum Hispanis minime abhorrere præferebat, quibus ex Clementis abjectione, & metu, nostrorum cunctatione adeo excreverant animi, ut Pontificem una cum Cardinalibus, & quidquid in arce esset, libere sibi dedi flagitarent: ad hæc quadringentorum mille aureorum summam peterent, atque in Hispaniam illum se missuros jactarent. Literas ad Urbinatem, atque ad Salassiorum Ducem Clemens dedit, quibus ut tuto Neapolitano Proregi Romam proficiscendi facultas daretur, postulabat: id ultro concessum, neque

1527

*Mandata  
ad Urbinatem  
& legatos, ut  
ad urbem  
accederent.*

*Convicia  
in Viturium,  
& Urbinatem  
Venetiarum  
jacta,  
& Viturium  
in jus vocatus.*

*Joannis  
Viturii ab-  
solutio.  
Urbinatem  
imperator  
a Venetis  
confirmatus.  
Urbinatem  
conjugem  
& filium  
Venetias  
mittit.  
Senatus  
literas  
ad Urbinatem.*

*Clementis  
animum  
ad pacem  
flexit.*

*Clementis  
Proregi  
facultatem  
Romam  
proficiscendi  
a foederatis  
obtinuit.*

1527

enim negandi causa visa fuerat. Hac re solliciti magis omnium animi tenebantur, quod qui Pontificis mores, animum, prae terita acta metuebantur, ne tandem ad Hispanos deflecteret, pertimescebant. In hac rerum omnium perturbatione dum quotidie novi exitus expectantur, Florentini et Clementis calamitate sibi ad Reipublicae formam immutandam opportunum tempus adesse rati, Mediceam familiam urbe eiecerant, ac populare imperium in Rempublicam induxerant: qua re, ut non satis explorata mens civium esset, acciderat. Quapropter Senatus, cum quantum momenti Florentinorum civium propensio in utramque partem habitura foret, solerter inspiceret, in id sedulo urgebat, ut in foedere retineret. Iisdem fluctibus Flaminiae oppida, & urbes iactabantur, quae adversis factionibus divulsae omnium calamitatum genere, nunc his, nunc illis rerum potentibus, premebantur, eo majori periculo, quod caput imperii deesset, unde nulla subsidia vel annonae, vel militum, vel tormentorum suppetere. Quibus permoti qui Flaminiae, & Ravennae praerant, civem Ravennatem ad Senatum miserant, qui quo loco illius urbis res essent, significaret; omnia extorribus plena, quorum adeo increvit audacia, atque insolentia, ut se urbem per vim occupaturos minitentur: petere igitur militum praesidia, quo amicam Reipublicae civitatem, resque suas incolumes tueri possent. Senatus decreto pecunia ad Ravennae Praefectum missa, quae in ducentorum militum stipendium erogaretur; si res posceret, majora pollicitus: postea cum omnia ad defectionem spectarent, Joannes Naldus eques, levioris equitatus ductor, ad eam urbem in Pontificis, ac foederis fide retinendam missus: eodem M. Antonius Faventinus, & Petrus Antonius Lacrisius, singuli cum centum militibus, & Joannes Teupolus patriciae gentis vir cum quinquaginta peditibus destinantur: adiectae Senatus literae Ravennae magistratui, quem *Sapientes ad utilia vocant*, quibus propensa Reipublicae voluntas significatur. Sed diffidiis inter milites, ac cives subortis, Ravennates Joannem Donatum Oratorem Venetias misere, qui ut Praefectus militibus regendis mitteretur, flagitaret. Bartholomaeo Contareno munus id demandatur: iungitur, ut milites in officio contineat, ab eorum injuriis

*Florentini  
Mediceos  
iterumque  
civium & po-  
pularem  
statum in-  
staurant.*

*Flaminiae  
urbes fa-  
ctionibus  
iactatae.*

*Ravennae  
res de extor-  
ribus solici-  
ti petunt a  
Venetis  
praesidium.*

*Joannes  
Teupolus  
eum mili-  
tum praesi-  
dio Raven-  
na missus.  
Joannes  
Donatus  
Ravennae  
ad Sena-  
tum Ora-  
tor.  
Bartholo-  
maeus Con-  
tareno  
Ravennae  
praeficitur.*

rius

riis urbem, atque agros vendicer, jus iisdem dicat; muros, fossasque urbis, ubi opus fuerit, una cum arce, in qua Joannes Teupolus cum quinquaginta militibus aderat, reparet, ac restituat, castellum communiat; nihil, quod ad civitatem firmandam spectet, prætermittat. Per eos dies Cerviæ civitas eodem malorum genere labefactata, Gibellinorum factione a Guelphis expulsa, qui statim Ravennam ad subsidium militum petendum misere: Morosus Præfectus cum militibus quinquaginta missus fuit: Cervienses vero Oratores ad Senatum proficisci jubent, qui statum civitatis exponant, postulent, ut aliqui ex patriciorum numero urbis regendæ, ac tuendæ onus imponant, peditum, & equitum subsidia ministrent; cum præcipue Præfectus, qui Pontificis nomine urbi præerat, discessisset. Joannes Franciscus Sagredus deligitur, Pontificis Oratore annuente, qui ne turbulenta hac tempestate Ravennatum, ac Cerviensium res Senatus negligeret, imo quacunque ratione posset, subveniret, auctor, atque hortator fuerat.

Urbibus, atque arcibus Flaminie firmatis, urgebat vehementer Patrum animos classis sollicitudo, quæ Tyrrheno mari ad Centumcellas quamplurimis incommodis, præsertim gravitate cæli afflicta, & debilitata haud parum ferebatur: multos remiges absumptos, trierardios nonnullos extinctos, ut, ni subveniretur, facinus nullum aggredi posset. Itaque Augustino Amulio legato Senatus decreto mandatur, ut quamprimum Corcyram versus naviget: eo pecuniæ vis missa, ut triremes instaurarentur, remige, ac milite augerentur: ad hæc quatuor aliæ nothæ triremes adjectæ, quarum Præfectus Antonius Marcellus creatus; duæ præterea, quæ Joanni Victori Baduario, & Francisco Bondimerio parerent. Nec multo post Petrus Landus classis imperator deligitur, quod non nisi difficillimis Reipublicæ temporibus fieri solet: nam in hac Italiae totius perturbatione, atque agitatione, dum omnia bellorum tumultibus perstreperent, & orbis Christiani Principum undique bellicæ expeditiones, ingentesque apparatus terra, marique personarent, nulla re magis imperium Venetum confirmandum, & stabiliendum Patres censuere, quam si instructa omnibus rebus clavis pro dignitate Reipublicæ, & subditorum incolumitate præsto esset: hac in re majorum exempla imi-

1527

Gibellini  
Cerviæ a  
Guelphis  
expulsi.  
Morosus  
præfectus  
cum militi-  
bus ad Cer-  
viâ missus.  
Cervienses  
Oratores  
ad Venetos.  
Joannes  
Franciscus  
Sagredus  
Cerviæ  
præfectus.

Augustinus  
Amulius  
Corcyram  
missus ad  
classis in-  
stantiâ.

Petrus Lan-  
dus classis  
imperator.

1527

imitati, qui rebus maritimis clari florentem Rempublicam reliquerant. Lando imperatori mandatur, ut Dalmatiam prætervehens, oppidis, atque urbibus quibuscunque rebus possit, adiumento sit; deinde Corcyram versus tendat, ibi triremes opperiat, classemque omnem cogat, quæ Joanni Mauro, atque Augustino Amulio legatis obtemperabat, ibidem Senatus voluntatem, ac mentem intellecturus. Dum hæc geruntur, in Insulibris bellum, quod intermissum, ac fere sopitum videbatur, ob Romanam cladem cunctorum defixis animis, de novo cœpit renovari, atque recrudescente: qua re vel armorum propinquitate, vel quod ad summam totius rei Francisci Sfortiæ eventus magni momentum afferre arbitrantur, non parum Veneti sollicitabantur. Nam Sfortia in omnem occasionem intentus Joannem Baptistam Specianum Doctorem Venetias Oratorem miserat, ut quo loco res illius essent, doceret; nova spe erectum Sfortiæ animum aliquod facinus aduersus hostes patraturum, mille ac trecentos pedites illi adesse, Laude, ubi tunc erat, ad exercitum profecturum: petere, ut illi pecunia a Senatu quamprimum mittatur, qua copiarum numerum ad tria millia augere posset. Ea libenter, ut Francisci animus in fide, ac benevolentia erga Rempublicam retineretur, præstita, & Dominico Contareno legato injunctum est, ut omni in re ausis, cœptisque Sfortiæ faveat.

*Joannes  
Mauro & h  
Amulio  
classis lega-  
tus.*

*Joannes  
Baptista  
Specianus  
Sfortiæ  
orator ad  
Venetos.*

*Mandata  
Senatus  
Dominico  
Contareno.*

Interim Franciscus Gallie Rex captivitatem Clementis miseratus, atque Hispanorum ex victoria spes, & animos auctos ægre ferens, nihil prætermittebat eorum, quæ ad exercitum quamprimum in Italiam mittendum conducere: nam decem millium Italarum peditum delectum haberi iusserat; novos ex Helvetiis milites, ut quindecim millium numerum æquarent, colligi; quinque præterea Germanorum millia: neque vero minori sollicitudine maritimarum expeditionum premebatur; propterea Andream Auriam Genuensem, ut suo ære militaret, addiderat, virum rerum navalium usu peritum, qui ea tempestate octo triremibus imperabat. Ad hæc quod Anglus cum Gallo in societatis jus coiisset, Franciscus Henricum impulerat, ut decem Germanorum peditum millia suis mercedium stipendiis in Italiam mitteret, ut majori conatu foederatorum auctis viribus, adversus Cæsarem bellum administrari pos-



posset. Lautrechius Imperator in Italiam designatur, qui summa auctoritate universis fœderatorum copiis præfesset; atque quo celerius, & accuratius omnia perficerentur, Lugdunum se profecturum Rex decreverat, ut propius imperio, & auctoritate præsto esset. His de rebus per cubicularium Laoni dominum Senatum certiorem fecit, qui Lautrechii adventantis nuntium pertulit. Petrus Pefareus Divi Marci Procuratoriæ dignitatis orator ad Lautrechium mittitur. Dum Gallica expeditione Italorum Principum animi spe pristinae recuperandæ dignitatis confirmantur, Cæsaris milites, qui Romæ adhuc detinebantur, quamvis Hispano milite, qui ex regno Neapolitano advenerat, ad quatuor & viginti millia peditum aucti essent, otio, ac libidine fracti, atque in omnem licentiam provoluti nullum egregium facinus adoriebantur: non Ducum imperia audire; non militaria munera obire; undique insolentia, nimisque libertate diffuere. Interamniam, & Harniam oppida nonnullæ Germanorum cohortes tantummodo fœda direptione crudeliter vastarunt. Spe Romanæ urbis recuperandæ amissa, fœderatorum copiæ discesserant, atque in Senensem agrum se receperant, eo consilio, ut Florentinorum rebus, animisque confirmatis, facilius Respublica ad fœdus denuo sanciendum alliceretur; cum præsertim exercitu, qui non longe aberat, ac Cæsareanorum minis trepida civitate, multorum civium nutarent animi, veriti, ne quod ad hostes Cæsaris accessissent, illatæ injuriæ ulciscendæ studio flagrant; quo metu a fœderatorum copiis discusso, in societatem coiere; ea adjecta conditione, ut stipendium in quinque peditum millia erogarent, qui reliquis fœderatorum copiis jungerentur; cum magnopere ad rei exitum expedire constaret, si equite, ac peditate instructus exercitus in Hetruria adesset, qui & distingere hostes, & Florentinorum fines protegere, Pontificisque ditiones, quarum gentes ob Clementis casum rebus novis studere videbantur, in fide retinere posset.

Quæ vero ea tempestate Venetæ Reipublicæ facies esset, hinc inspicere licet. Primum quod duos alebat in Italia exercitus; alterum in Hetruriæ finibus, cui Franciscus Maria Urbini Dux imperaret: constabat is sex Italorum, duobus Germanorum militum millibus, levioris armaturæ mille ac tre-

1527

*Lautrechius fœderatorum exercitum imperator.*

*Petrus Pefareus a Senatu ad Lautrechium missus.*

*Cæsarenses milites Romanæ otio, & libidine fracti.*

*Interamniam & Harniam a Germanis direpta.*

*Fœderis cum Florentinis renovatio.*

*Venetorum exercitus in Hetruria sub Urbini imperio.*

1527 centis equitibus, duobusque millibus cataphractis; cum Galli, qui sub Salassiorum Marchione militabant, licet ex foedere majori esse numero opportuisset, septem millia non excederent. Alterum vero in Insubribus sub Dominico Contareno legato, ac Joanne Fregoso gubernatore, quo res Francisci Sfortiae firmarentur, atque Antonio Levæ Caesareanorum Ducis obisterent; peditum decem millium, quingentorum cataphractorum, ac septingentorum leviorum equitum, cui nuper Sfortia cum tribus millibus & quingentis peditibus, ut supra diximus, accesserat. Classem præterea triremium, ac longarum navium in omnem maritimam expeditionem sub Imperatore Petro Lando, & duobus legatis habebat, qua & maritima ora tuenda, excurrenda maria, ac non exiguus triremium numerus Gallicæ classi in Tyrrheno mari jungendus erat. Ad hæc non parva militum manus ad urbes, atque oppida Flaminiae in fide retinenda missa fuerat, præter præsidiorum in urbibus incrementa, quæ in finibus imperii sitæ, majori militum numero, ut defendere se ab hoste possent, indigebant.

*Classis Veneta Petro Lando Imperatore.*

*Venetorum altera classis in mari Tyrrheno.*

His quanta pecuniæ vis exhauriretur, quantum publicarum, ac privatarum opum absumeretur, vix animo fingi potest; ut qui superiorum temporum bella, & clades sibi ob oculos ponat, quibus Venetorum res undique jactatæ fuerant, ac post foedera, pacemque consequutam in quos turbines, & procellas ab anno quingentesimo vigesimoprimo Respublica inciderit, usque ad stuporem miretur, necesse sit, potuisse tot exercitus alere, tot educere classes, terra, marique amplum imperium a potentissimis hostibus vindicare. Cujus rei duæ potissimum causæ fuere; civium omnium erga Rempublicam caritas, qua pro patria libenter se periculis obiectare, non sumptui, non vitæ parcere gloriosum ducebant; & Senatus constantia, quem non ingentes hostium vires terere, non adversi bellorum exitus frangere, non imminenti rerum metus retardare, non tot jactationum diuturnitas defatigare potuerunt, quin invicto animi robore cuncta potius perferret, quam vel amicos desereret, vel de dignitate decedendum sibi existimaret.

Sed ad Clementem redeamus, quem jam consternatum animo, ac nihil non concessurum, ut pristinam libertatem conse-

*Clementis  
cum Hispanis  
conjunctione.*

*Clementis  
Juliano  
Zeno manda-  
tus ut Parmam,  
& Placentiam  
Caesareanis  
permittat.*

*Veneti, ne  
Parmam &  
Placentiam  
in Caesareanorum  
potestatem con-  
cederent, ni-  
tuntur.*

sequeretur, Caesareanorum ducibus constabat. Is humanarum calamitatum impatiens, cum Hispanis novas accessisse vires, foederatorum copias Roma procul profectas animadverteret, licet a Caesaris ducibus indigna, atque intoleranda peterentur, & crebro a foederatis urgeretur, ne festinato consilio feliciores eventus inturbaret, nihil se recusaturum praeferebat. Itaque cum Prorege, qui Romam venerat, in has condiciones pepigit: nempe, ut *quadringenta aureorum millia Caesareanis militibus persolveret: Hadriani, Hostiae, Centumcellarum, & Tiberini arces Caesari dederet: ad hanc Parmam, & Placentiam urbes relinqueret.* His peractis, nondum libertate potiretur, sed Cajetam perduceretur, ibi Caesaris sententiam de concordiae pactionibus praestolaturus, quid de illo, & Cardinalibus, atque aliis, qui arce detinebantur decerneret. Statimque Bartholomaeus Gatina, & Ludovicus Lodronius a Prorege delecti, qui cum Juliano Zeno, cui id munus a Pontifice mandatum fuerat, prius commensus fide a Florentinis impetrata, in Galliam Cisalpinam proficiscerentur, ut Parmam, ac Placentiam Caesareanorum potestati permitterent. Hoc Clementis consilium licet prius mente praevideretur, haud parum foederatorum, & Veneto- rum praesertim animis molestiae injecit, quod Caesaris vires augeri, atque de eo conceptam opinionem incrementa sumere cognoscerent, cujus animus abditus, & multis recessuum ambagibus obrectus aegre perspicere poterat; cum nonnunquam ad pacem propensus non modo, verum etiam accensus videretur, aliquando iniquas adeo illius ineundae rationes objiciebat, ut averfus omnino a concordiae studio videretur, atque homines non vulgaris prudentiae existimarent, eo illius consilia spectare, ut moras neciendo Gallorum ardorem restingeret, atque foederatos belli taedio conficeret. Verum Senatus, immutato Clementis animo, nihil de vetere instituto immutavit, sed eo acrius insistendum putavit, quo Pontificis res vehementiori procellarum turbine quassari animadverterat; cum praecipue vel necessitate adactum, vel timore perterritum, ac de incolumitate sollicitum sua, iniquiores pacis condiciones amplexum fuisse intelligeret; id fortassis eventurum rati, ut & illum facti taderet, & felicior fortuna aliquando votis aspiraret. Senatus itaque consulitur, ut ne quid, illo adhuc capiti-

1527 privo, perficeretur, omni studio contenderet; ne Parma, & Placentiæ urbes in Cæsareanorum potestatem redigerentur; exercitus, qui in Cremenſi agro caſtrametabatur, Abdua flumine trajecto, ut Cremenſæ præſidium augeter, deditionem urbium impediret, Mediolanenſem, & Ticinenſem agrum vaſtare, atque diriperet; cum propediem Lautrechius Italiæ fines magno cum exercitu ingreſſurus eſſet, quo Duce, ac viribus foederatorum res in primis nitebantur. Cui Italiæ appropinquanti Petrus Peſareus orator designatus Senatus decreto Venetiis diſceſſit, ut illum ad iter quamcelerrime conficiendum impelleret, ne hoſtes, qui peſtilentia laborabant, atque aliis incommodis afflictabantur, ſpiritus ſumerent; cum Roma nuntii perferrentur, poſt direpta Interamnæ, Harniæque oppida, ut vires augerent, novos delectus militum habere: in eam totam rei proſpere gerendæ opportunitatem ſitam eſſem, ſi citiſſime cum exercitu Italiani emenſus hoſtes imparatos offenderet.

*Petrus Peſareus ad Lautrechii orator.*

*Lautrechius in Italia ad Haſtam. Petrus Navarro Italorum peditum præſectus.*

Lautrechius igitur Alpes tranſgreſſus, menſe julio Haſtam cum exercitu venit, in quo erant octo Helvetiorum, tria Guafconum, & decem Italorum peditum millia, qui ſub Duce Petro Navarro militabant. Neque vero adminiſtrandi belli omnium eadem erat ſententia, nonnulli ſuadentibus, ut quamprimum citatis itineribus Gallorum copiæ cum foederato exercitu jungerentur: tot collectis viribus hoſtes perterritos, qui quotidie funeribus abſumebantur, atque ægre ſub ſignis a Cæsareanis ducibus contineri poterant, palantesque per urbem peſtifera lue ſqualentem, ac vicinos agros vagabantur, opprimi, & Roma pelli poſſe: quo facto, ſtatim Pontifice a capivitate vindicato, ingens, atque apud omnes nationes perhonorificus victoriæ fructus colligeretur. Aliis magis e re eſſe dicentibus, ſi in Inſubribus ſedes belli foret, ſtatimque ad moveretur exercitus: impreſſione in Mediolanenſes facta, haud dubie urbes, atque oppida foederatis acceſſura, tum ob imminutas Cæsaris copias, tum ob populorum ingens adverſus Hiſpanos odium, quorum ſervitute preſſi miſerrime diſcruciabantur: conatibus favente fortuna, cum pares hoſtes foederatis copias non haberent, ut ſuis rebus opem ferrent, Roma Cæsareanos Duces cum exercitu diſceſſuros, longitudo, atque iterum difficultate præpeditos, foederatos a proſpero

re-

*Expediſſio Mediolanenſis a Lautrechio decreta.*

rerum cursu prope manu victoriam tenentes, non averfuros. Potior hæc sententia visa est : itaque Lautrechius, motis castris, Alexandriam contendit, ibi initia belli facturus, quod a Bosco, agri Alexandrini oppido, coeptum est. Nam Ludovicus Lodronii Comes cum in eo oppido Germanorum manu septus, pecuniam ad stipendia militibus solvenda, qui Alexandriæ præsidio erant, colligeret, Lautrechius, equite, atque Helvetiis peditibus properare ad oppidum iussis, Germanis ad suos Alexandriæ redeundi facultatem abstulit ; mox toto exercitu insequutus admoveri machinas, mœnia quati præcepit. Oppidani, atque Germani milites, qui mille circiter in oppido erant, aliquot dies tormentorum vim, Gallorumque impetum sustinuerunt ; tandem expugnatum oppidum, ac direptum, igne absumptæ domus, cives fuga salutem quaesivere ; reliqui pecunia libertatem redemere : Germani, qui cædi superfuerant, Gallicis stipendiis pugnaturi, Lautrechio adhæserunt.

*Lautrechius in Alexandriæ Bosco expugnat.*

Auspicato feliciter in Insulribus bello, Andreas Auria, regis classis Præfectus, e Massiliensi portu cum decem & septem triremibus solvens, Ligusticamque oram legens, Savoniam appulerat, quo in loco Veneta illi classis jungenda erat : nam Senatus Petro Lando imperatori mandaverat, ut quindecim ex universa classe triremibus selectis, in quibus nothæ octo essent, unum ex legatis Corcyra dimitteret, qui in Tyrreno mari Andreæ Auriam, Gallicæ classis Præfectum, conveniret, eique præsto esset, & in quamcumque Rex expeditionem decrevisset, omni studio niteretur. Magnum porro momentum ad foederatorum res firmandas, si Genuæ accessio fieret, videbatur. Itaque rei bene gerendæ, priusquam Veneta classis adventaret, oblata est : cum enim sex Genuensium onerariæ naves, quæ frumenti vim haud exiguam in urbem conveyebant, in Delphini portum pervenisissent, civesque ut tutas in urbem perducerent, octo triremes præmisissent, quæ in eundem portum se contulerant, Auria intercipere conatus, exscensione militum facta, actis vineis, portu potiri, hosti subsidia intercludere, atque in sui potestatem naves, triremesque angustiis septas redigere nitebatur. Eodem tempore Cæsar Fulgosi, qui Adurnorum adversa factione Genua pulsus Venetorum stipendiis militabat, terrestri itinere, Lautrechii Impe-

*Andreas Auria cum Gallica classe ad Savoniam.*

*Cæsar Fulgosi ad Genuam in vadendam a Lautrechio, per fœdus missus.*

1527 ratoris, ac Petri Pefarei legati juffu, Genuam verfus cum mille ac ducentis peditibus profectus eft. Nam civitatem fuma tunc omnium rerum, quæ ad victum neceffaria erant, egeftate laborantem celerius ad deditionem cogi poffe ferebatur, fi qua iter conficiendum erat, pecora, atque armenta abigerentur; oppida, & agri fitus afperitate, infrugiferoque folo deformes vafarentur, ac nullum ad inopiam urbis fublevandam edulii comportari genus permetteretur. Harum rerum nuntiis Genuam perlatis, trepida civitas, attonitæ omnium mentes, terra, marique urbe ab hoftibus petita, fumaque omnium, quæ ad victum pertinent, inopia preffa. Inde cum omnem ( fi qua fupereffet ) tuendæ falutis fperem in navibus in Delphini portu interceptis fitam effe confpicerent, armatas fex triremes educunt, nihil non tentandum rati, ut ex anguftiis portus navibus ereptis, laboranti civitati opitularentur. Verum cum terreftrès copiæ urbi appropinquarent, terrore omnium defixæ mentes; cum haud fatis virium ad hoftes repellendos urbi ineffet; cum milites, qui robore, ac virtute præftabant, cum claffe ad Delphini portum fe contuliffent, & ob diverfa civium studia, ne repente tumultus exorirentur, verendum effet; Adurni, penes quos fuma auctoritas, princeps urbis dignitas erat, Auguftino Spinolæ mandaverant, ut ftatim cum copiis, quibus præerat, ad urbem tuendam contenderet: quapropter claffis cura omiffa, nullo obfiftente, feptem triremes, atque hoftium fex naves in Auriæ poteftatem concedere.

*Navis &  
triremes  
Genuenfes  
in Auriæ  
poteftatem  
redactæ.*

Interea cum Adurni, popularibus ad arma vocatis, Auguftini Spinolæ, qui nuper advenerat, aucti militibus, Fulgofium cum parva militum manu adventantem, fi ex improvifo adorirentur, nullo negotio diffipare poffe arbitrarentur; urbe exire, pugna hoftem laceffere ftatuunt: qui cum loco commodiore, atque fitus natura opportuno castra haberet, acriter pugnando non modo impetum Genuenfium fufstinuit, fed fortius infistit, ut primum turbatis ordinibus, mox in fugam conjectos infequi corperit. Cæfi muki, alii in captivitatem venire, inter quos Spinola copiarum Præfectus, & Gabriel Martinengus, dum fruflra fuos revocare, ac fiftere niteretur, comprehenfi funt. Fulgofius adfpirantis victoriæ curfum profequu-

tus.

*Genuenſis  
pugna cum  
Fulgofio, &  
eorum pro-  
ſigatio.*

tus recto itinere Genuam proficiscitur ; quæ militum nudata præsidio, cum exclusos suos cerneret, re frumentaria laboraret, compluresque ob insitum in Fulgosios, & Gallos studium ad deditionem proclives essent, nullo negotio Fulgosium, ac Venetos milites intra mœnia excepit ; magistratuque Adurnis adempto, Genua in Francisci Gallorum Regis potestatem redacta est. Eo Theodorum Triultium Præfectum regio nomine cum præsidio militum Lautrechius misit, paucos post dies arce, in quam Adurnus cum Cæsareanis se receperat, per deditionem accepta ; ita ut Genuæ civitas, & Ligustica ora universa fœderatis accesserit. Veneti ut aliquod publicæ liberalitatis testimonium Ducibus, ac militibus, qui strenue in ea re perficienda operam navaverant, largirentur, Cæsari Fulgosio quinquaginta cataphractorum ductori alios triginta cataphractus duplicatis stipendiis adjecere ; Guidoni Naldo, Annibali Fulgosio, Augustino Clusonio, Cæsari Martinenghio, Tonso Forojuliensi numerus militum, & publica pecunia aucta. Genua in potestatem Gallorum redacta, magna accessio fœderatorum rebus facta fuisse videbatur ; cum Ligustica ora subacta, maritimas vires Neapolitano regno excipendas, atque eo belli impetum effundendum esse, non incertis rumoribus perferretur ; cum Lautrechius ad Senatum Venetum literas dedisset, Genua recepta, sexdecim triremibus, quæ in eam expeditionem designatæ fuerant, minime opus esse : itaque petere, ut per Tyrrenum mare navigatione omissa, Neapolitano regno adnavigent, ibi classem regiam cito adfuturam, ut communi consilio, ac viribus bellum in Neapolitanos fines inferretur. Petro Lando, classis Venetæ imperatori Senatusconsulto mandatur, ut quamprimum Siciliæ insulæ litoribus emensis, ac navibus, si quas frumenti onustas inveniret, ad urbis annonæ inopiam sublevandam, soluta pecunia, mitteret ; Joannem Maurum ex legatis alterum cum sexdecim triremibus Puteolos, aut in Aenariam proficisci juberet, ut ibi classem regiam præstolaretur, conjunctisque animis, ac viribus bellum administraret. Præterea eidem imperatori præceptum, ut Adriaticum sinum, quantum fieri posset, a piratis defenderet, ac præcipue Epidauri oram, quo, ut e proximis regionibus frumentum emerent, complures e nostris se contulerant, infestam-

*H. Mauroceni T. I.*

Q

que

1527

*Adurnis  
expulsi,  
Genua in  
Gallorum  
potestate.  
Theodorus  
Triultius  
Genua præ-  
ficitur.  
Venetorum  
in militum  
Duces libe-  
ralitas.*

*Mandata  
Senatus ad  
Petrum Lan-  
dum.*

1527

que prædonibus esse constabat. Augustinum vero Amulium legatum cum triremium parte, prout sibi e re esse videretur, ad orientis maria, insulasque Reipublicæ subiectas protegendas legaret.

*Joannes Maurus ad Liburnum cum classe regia se conjungit.*

Maurus Corcyra solvens, cum nondum regia classis ab Tyrheni maris oris discessisset, Liburnum usque profectus est, ubi Aurix triremes, & quatuor ac decem Gallorum invenit; in iis Rentius Ceres tria peditum millia imposuerat. Idibus novembris Liburno egressa classis, ut e Ducum omnium sententia Siciliæ insulam invaderet, licet postea consilio mutato,

*Federatorum classis ad Sardiniam oppugnationem.*

*Sardum a federatis captum.*

Aurix adhortatione, ut Sardinia primum oppugnaretur, decretum fuerit; cum & facilior illius potiundæ, ac tutior spes videretur, illa occupata, gradum ad Siciliam occupandam proximum fore. Itaque cum classis ad Sardi oppidum appulisset, ac nonnulla litori adjacentia loca nullo negotio recepisset, haud similis initio exitus fuit; nam ob morbum, qui universam ferme classem invaserat, cum quæ in eam expeditionem necessaria erant, ægre, ac sero exequi possent, dum sensim insulæ litora legeret, subita cæli, marisque tempestate oborta, triremes disjectæ, atque varias in partes sævientium procellarum vi compulsæ sunt: quatuor ex Venetis æquoris rabie jactatæ, Liburnum tandem incolumes pervenere: quatuor aliæ huc, atque illuc actæ salvæ in Cynnum insulam sunt delatæ, quo etiam prius Gallicæ appulerant; duabus ad Sardinia litora illis; octo demum Venetæ ad eundem Liburni portum convenere. Ita improspere eventus hujus anni conatus maritimi exceperet; nam autumnus jam senescente, classe ægritudinibus, variisque incommodis affecta, cum nihil, nisi summo periculo, aggredi liceret, Maurus Legatus Corcyram cum Venetorum triremibus reversus est.

*Lautrechius Alexandriam aggreditur.*

Dum hæc agerentur, Bosco direpto, Genua in potestatem redacta, Lautrechius Alexandriam aggreditur, inferri commectus prohibet, oppugnationem incipit, admotis machinis tormentorum vi disjicere, ac prostrare moenia. Ob Boschi amissionem fracti Cæsareanorum animi, impares ad hostium vim sustinendam erant, ni Albericus Barbianus cum militibus quingentis per colles proximos urbem ingressus, erexisset: nam vallum celerrime intra stratos machinis muros reficiebat, ut absque cæde patere aditus non posset. Verum cum a Venetis tormenta,

py-



pyriique pulveris non exigua vis supervenisset, & denuo moenia hac, atque illac concuterentur, Baptista Lodronius urbis tuendae difficultate deterritus deditionem, conditionibus hisce adjectis, fecit, ut cum Germanis militibus, atque impedimentis sibi, ac Barbiano abire liceret, per sex menses adversus socios, & Gallos bellum non illaturis. Urbi quingentos ex suis milites praesidio imposuit, tum, ut si quid illi adversi obtingisset, tutum ad suos recipiendos locum haberet, tum, ut Gallos exciperet, qui Alpes transgressi in Italiam venturi erant. Sed ea res haud parum Franciscum Sfortiam commovit, ad quem ex foedere ea civitas spectabat, cum victoriae fructum se nequaquam percipere, sed ad alios transferri videret. Neque minus Senatui Veneto hoc molestum erat, quod fractum animo, ac pene ad desperationem adactum Sfortiam cerneret, atque hoc Lautrechii facto suspicionum, & dissensionum seri inter socios aliquando ingentium malorum semina posse, animadvertet. Quocirca Petro Pesareo praecepit, ut cum Lautrechio ea de re ageret, adnitereturque, ut urbem Ducis potestati permitteret, quem ob eam rem dejectione, ac moerore animi prope confectum, cuncta questu implere intelligeret; nihil sibi eorum, quae sancte Rex, & mater, adeoque universa Gallia pollicita fuisset, praestari. His adjecta sunt, non videri impositi Alexandriae praesidii justam esse causam, ut tutum ultro, citroque commeandi iter suis militibus Lautrechius habeat; cum foederatorum copiae numero, & robore firmæ adeo sint, ut intercipi milites posse nulla ratione pertimescendum videatur: deinde cum ipse cis Padum contineatur, semper illi per urbis Novariae agros, Pedemontanamque regionem patens undequaque iter futurum: ex Alexandriae civitate nullum militibus, aut venientibus ex Gallis, aut ex Italia redeuntibus impedimentum, Transpadanis, Cispadanisque patentibus itineribus, inferri posse; eo Senatum vehementer angere, quod prospere gerendarum rerum momenta praeterlabi inspiceret, atque inutili cunctatione, opportuno anni tempore, debilitatis hostibus, victoriae cursum remorari animadvertet.

Eadem, Sebastiano Justiniano, ut Francisco Galliarum Regi Senatus nomine significaret, injunctum est, obnixequae peteret, ut quamprimum tradi urbem Sfortiae mandaret; cum praesertim

Q 2 per

1527  
Alexandria  
a Lautrechio occupata.

Francisci  
Sfortia  
perturbatio  
ob Alexandriam  
Galliae praesidii  
munitam.

Senatus officio  
ut  
Sfortia  
Lautrechius  
Alexandriam  
tradiderit.

Mandata  
Senatus ad  
Sebastianum  
Justinianum  
Oratorem in  
Gallia.

1527 per Italiam universam rumor pervagaretur ; inter foederatos contentiones , jurgiaque orta ; Franciscum Sfortiam , quæ sibi ex foedere loca deberentur , non reddi mirum in modum con-  
 queri ; inde socias infringi , ac debilitari vires , ut si qui nu-  
 tantes ex foederatis sint , parvo momento ad defectionem im-  
 pelli possint , in dies Cæsareanis adnitentibus , ut quos possint a reliquis secretos ad suas partes pertrahant ; in iis Florenti-  
 nos esse , quos prece , pollicitationibus permovere , atque alli-  
 cere contendant : & quoniam Lautrechium Bajardum hac de  
 causa missurum in Gallias rumor erat , Regem rogare , ut sta-  
 tim tradi Sfortiæ Alexandriam ; neque in posterum ullum im-  
 pedimentum , quo minus civitates , atque oppida , quæ in Insu-  
 bribus foederatis accederent , illi restituerentur , juberet : tan-  
 dem Lautrechium urgeret , ut celeritatem virtuti conjungeret ;  
 in qua præsertim victoriam sitam esse constaret , hostibus ad  
 paucitatem redactis , Antonio Leva ægritudine laborante , at-  
 que imperatoris muneribus obeundis nequaquam idoneo . Hæc  
 Lautrechio , & Regi Senatus significavit . Atque ut Sfortiam in  
 fide retineret , Aloysio Sabadino Senatus a Secretis , qui Rei-  
 publicæ nomine apud Sfortiam morabatur , præcipitur , ut Du-  
 cem bono animo esse jubeat ; nec ob ea , quæ Alexandriæ ac-  
 ciderant , demittere mentem velit , quam per varios fortunæ  
 casus per tot annos exercuerat ; sibi que persuadeat , infixum id  
 Senatui hære , ut semel pro Italiæ libertate , atque pro ipsius  
 incolumitate arma suscepta nunquam deponat , nisi ipse Ale-  
 xandria non modo , verum omnibus suis ditionibus potiatur .  
 Gabrielem quoque Venerium antea designatum oratorem ad  
 Sfortiam milit , ut iis , quæ e re communi forent , consilio ,  
 atque officiis præsto esse niteretur , cui in primis in mandatis  
 Senatus dedit , summam Reipublicæ benevolentiam testaretur ,  
 nihilque illi antiquius fore , quam ut Mediolanensem ducatum  
 integre obtineret : cœixurum proinde , atque omnem operam ,  
 & studium , veluti pro Reipublicæ filio , insumpturum .

Verum Alexandria occupata , ad debellandos hostes id sum-  
 mopere Veneti conducere arbitrabantur ; si Lautrechius , Pado  
 trajecto , Mediolanum versus copias omnes dirigeret ; cum præ-  
 fertim Antonius Leva , qui exercitum in suburbiis continebat ,  
 pecunia laboraret , undique querelis civium circumstrepentibus ,  
 virque

*Aloysius  
Sabadinus  
Venetus a  
Secretis  
apud Sfor-  
tiam .*

*Gabriel Ve-  
nerius ad  
Sfortiam  
orator .*

virque arduis rebus assuetus adversus hostium vim modico exercitu, sine pecunia, sine auxiliorum spe amplissimam urbem tueri posse diffideret. Itaque Lautrechio suadent, ut statim Padum trajiciat, qui si hostes imparatos, & præteritis successibus dejectos, atque perterritos offenderit, facillime victoria potiri, ac bellum profligare posse. Lautrechius cum universo exercitu iter Romam versus velle se arripere dicabat, ut Pontificem captivitate liberaret; qui licet concordiae rationes cum Hispanis iniisset, arce tamen adhuc detinebatur, propter varia impedimenta, quæ tum ob pollicita militibus stipendia, tum ob oppidorum deditiones eruperant. Verum cum a Pefareo Legato compluribus rationibus, ne Galliæ Cispalinæ res magnis periculis expositas defereret, dehortaretur; tandem copias ad Ticinum oppugnandum admovere statuit: quod eo facilius ad exitum perducere posse videbatur, quod Ludovicus Barbianus paulo ante milites circiter quadringentos Ticino Mediolanum misisset, ad quam urbem obsidendam conatus omnes Lautrechium adhibitorum rumor invaserat. Acriter itaque Ticinum Gallorum, Venetorum, ac Sfortianorum conjunctis viribus oppugnari coeptum. Quatuor diebus magna solo æquata murorum pars, cum ii, qui intra mœnia erant, neque ad vallum ducendum, neque ad urbis ambitum tuendum sufficerent; quocirca cives supplices Barbianum orare, ut ingruenti fortunæ cederet, neque irrumpentis hostis vim experiri vellet, quem Divina, humanaque omnia insolenti victoriæ lege violaturum constaret. Ille intrepida mente nihil timide agendum ratus; mox milites juxta ac cives insuperabili labore fessos, imparesque ad hostes sustinendos inspiciens, tubicinem dedendæ urbis nuntium ad Lautrechium mittit; sero id quidem: nam milites instructa jam acie, qua per muros ingenti ruina prostratos patebat aditus, conferti summo impetu urbem ingrediuntur. Barbianus captivus Genuam mittitur, direpta urbs, prædæ a militibus actæ; Galli in primis urbi, ac civibus infensi, quod acceptam superioribus annis cladem, Regisque captivitatem insigni vindictæ genere abolere contenderent. Itaque cædes editæ, privatorum direptæ domus, cœnobîa, ac templa expilata, cives in servitutem redacti, ad vitam pecunia redimendam coacti: tandem Vascones, gens fera, igne sævire,

H. Mauroceni T. I.

Q 3

per

Veneri  
Lautrechii  
ad Mediolanum  
oppugnationem  
dortantur.

Ticinum a  
Lautrechio  
captum &  
direptum.

1527 per captam urbem incendia miscere ; donec Lautrechius per dies octo debacchantes milites furori temperare jussit .

Ticino potitus Lautrechius , cum jam omnia ad Mediolani oppugnationem foederatos allicere viderentur , hostium ob tot urbium , atque oppidorum amissionem fractis animis , atque ob paucitatem , quod quatuor millium numerum milites non excederent , imminutis viribus , praesertim Mediolanensium civium odio conflagentibus ; attamen ad priora consilia reversus , ex Insu-  
*Lautrechii  
sententia  
Romani  
exercitus  
profugisset.*  
 Subribus movere , atque recto Romam itinere contendere statuerat , suadente in primis , atque impellente Innocentio Cibo Cardinali , Bononien-  
*Senatus  
Lautrechii  
desententia  
removere  
iussit.*  
 si legato , qui paulo ante ea de causa ad Lautrechium in castra venerat , atque ne diutius Clementem captivitate premi sineret , persuaserat . Quibus cognitis , Senatus licet non minus de Pontificis libertate esset sollicitus ; tamen hoc Lautrechii consilio omnes prospere gerendarum rerum spes succidi arbitrabatur . Itaque Pesareo mandavit , ut a propolita sententia dimovere Lautrechium omni studio conaretur ; neque praecelaram victoriam , quam nullo negotio consequi posset , praetermitteret . Cur enim Genua devicta , Alexandria expugnata , Ticinum in potestatem reductum , tot oppida , atque agri in deditionem accepti , si princeps , & caput Insu-  
 brum Mediolani civitas hostibus relinquatur ? quis ignorat quantum summæ totius belli intersit , in universa hac regione dominari , quæ per tot annos bellorum sedes , ac veluti theatrum Europæ dimicantium inter se gentium institutis , moribus , militari virtute diversarum extiterit ? Ea parva , reliquias Cæsareanorum dissipatum iri , Pontificem libertatem consequuturum , filios Carolum regi traditurum ; pacem denique inde universo Christiano orbi optanti , atque anhelanti reddendam fore . Ni id fiat , quæ hucusque celeritate , ac virtute in foederatorum potestatem concessere , amitti , atque ab hostibus occupari , & hoc incendio Reipublicæ quoque imperium absumi posse : inde enim Cæsareanos metu solutos prius vigorem sumpturos , Antonium Levam tam ingentem sibi oblatam prioris recuperandæ gloriæ opportunitatem per socordiam , atque ignaviam elabi non passurum ; cum præcipue Germanorum militum haud exiguum subsidium expectaret , quos propediem per Tirolensem comitatum in Galliam Cis-

al-

alpinam transgressuros Veronæ magistratus significabat. Id si accideret, Levæ copiis adjunctos, agros omnes direptione, incendiis, vastitate deformaturos. His quæcumque in Romanam expeditionem molirentur, retardari posse: Mediolano in potestatem redacto, Germanos milites ab Italia animos averfuros, nullius studio, ac sollicitudine evocatos, nec tutum, quo se reciperent, locum habituros, non equitatum, non commeatus, non tormenta, & alia, quæ copiis alendis, & instruendis summopere necessaria sunt; Italiæ spes omnes deferturos. Atque his a suscepta sententia Lautrechium amovere Senatus adnerebatur. Eadem in Galliis in Regis consilio agitata orator Senatui significaverat; ac licet Franciscus anceps consilii videretur, in eam tamen propendere præconsultores fere omnes videbantur; nuntio præsertim de Ticini expugnatione accepto, parvum numerum hostium, rerum omnium inopiam, militum ægritudines, Antonii Levæ vitam prope ad extremum deductam intelligerent. Attamen Rex, ut quid sibi magis summæ totius rei conducere videretur, Lautrechius decerneret, permisit. Lautrechium nihil a proposita sententia remorari poterat; atque illius consilio jam evulgato, vires cogere Cæsareani Romæ cœpere, Hispanis militibus Germanos adjungere; neque exiguis subnixus argumentis sermo ferebatur, Clementem in Neapolitanum regnum abductum iri. Hæc animos Patrum summopere sollicitabant; cum præcipue quotidie de Ferdinandi Caroli Imperatoris fratris Italica expeditione nuntii advenirent, quem post prælium adversus Joannem Transilvaniæ Principem feliciter gestum viginti peditum millium delectum haberi jussisse pro certo haberetur, illosque quamprimum in Italiam missurus diceretur.

*Rumor de  
Ferdinandi  
Austriaci  
in Italiam  
adventu.*

Tandem decrevit Lautrechius, ut Reipublicæ copię, quæ in Hetruria detinebantur, in Galliam Cisalpinam evocarentur, ipse in Hetruriam cum reliquo exercitu transiturus, cui trecenti equites levioris armaturæ Venetorum stipendiis adjungerentur. Summa vero Lautrechii exercitus hæc futura erat; peditum quindecim millia regio ære militantium, sex Florentinæ Reipublicæ peditum millia, Helvetiorum quantum conducere videretur, quorum stipendia pro dimidia parte a Rege, altera a Venetis persolvebantur; Germanorum quoque

*Lautrechius in  
Hetruriam  
proficiscitur.*

1527

militum, qui Angliæ Regis pecunia sustentabantur, ad decem millia. Reipublicæ vero aderant in Insucribus, præter equitatum, quindecim peditum millia, quibus oppida, atque urbes, quæ nuper in potestatem fœderatorum venerant, tueretur, omni spe Francisco Sfortiæ auxiliorum adempta; quod summa omnium egestate premeretur, afflictis, ac pene everfis urbibus, neque ad illas præsidii militum firmandas idoneo, ne dum ad emittendas ex fœdere copias, ut Antonii Levæ conatibus obstitere; ut totius belli in Gallia Cisalpina pondus Reipublicæ incumberet; quæ non minus pro Sfortiæ incolumitate, quam pro suis finibus tuendis laborabat, verita, ne vicinis belli facibus imperii fines exardescerent. Quapropter Senatus censebat, augendas vires esse, novos delectus militum habendos; quæ cum perfici, nisi ingenti pecuniæ vi, non possent, ab Henrico Angliæ Rege flagitabat Senatus, ne difficillimis temporibus Italiæ deesset, cujus dignitatis, ac libertatis semper se patronum fore professus fuerat. Verum ille arma se in Germania inferiori adversus Cæsarem moturum distabat; eo uno Cæsaris ab Italia conatus averti posse: Cardinalis vero Eboracensis suadebat, ut Italorum militum numero imminuto, Germano milite exercitus roboraretur, quod non nisi cum summa rerum omnium perturbatione fieri posse constans erat sententia; neque e re communi fore, ut Italiæ gentis militari virtute, corporis, atque animi robore insignis, fama, & existimatio læderetur, a nostrisque ad Cæsareanos transiret; cum præsertim Italorum militum fortitudinem in urbibus expugnandis expertus esset. Neque vero his deterritus quidquam præmittebat, quod sumptibus ad alendum, atque retinendum exercitum faciendis conducere; & jam bellorum diuturnitate exhaustos Reipublicæ thesauros decumis, ac vectigalibus sarciebat; cum interea cunctorum animos Lautrechii ex Cisalpina Gallia discessus admiratione affecisset, quod victoriam, quam manu tenebat, novo consilio desereret, Mediolanique potiundi, quod semper maxime Galli concupiverant, spes abjiceret, hostes ad extremam prope desperationem adactos erigeret, jamque confecti belli reliquias quandoque non absque magno incremento emerfuras negligere: varia namque cunctorum sermonibus ferebantur, illumque

non

non tam Pontificis liberandi causa, quam altiori, & profundiori consilio hæc agere, vel quod ex illius animo nondum Sfortiæ expostulationis pro Alexandriæ immisso præsidio memoria deleta esset, vel dum arctius de pace inter Gallum, & Imperatorem ageretur, cunctatione uti satius duceret, ne novarum rerum accessionibus perturbatio aliqua oriretur: id ex eo firmiori conjectura elicientibus, quod cum summa celeritate ex Infubribus movisset, in itinere tamen prosequendo tarditate, ac mora usus putaretur, atque Germano milite, quem præstolabatur, copiis adjuncto, otio tempus terens ad Parmam confedisset: Eadem fere contagione fœderatorum trans Apenninum exercitus arreptus fuerat, qui prope Montem Falcum sedens nihil moliebatur, neque aut propria virtute, aut hostium paucitate ad præclare aliquid agendum accendebatur. Inde Senatus Ducis Urbinatis vel socordia, vel privato aliquo commodo hæc accidere suspicari; illius fidem prope suspectam habere, ut conjugem, & filium tunc Muriani commorantes servari, ac custodia obsepiri juberet: qua re intellecta, ut a Senatu Venetias veniendi facultatem impetraret, Horatium Floridum ad Senatum miserat; qui suo nomine Patres certiores faceret, paratum ad omnium a se gestarum rerum rationem reddendam, fore. Verumtamen illum ab exercitu discedere non permisere, nonnihil temporibus concedendum rati; cum nihil in Rempublicam admissum cognoscerent, suspitione omni deleta, priorique de eo opinione recepta, ab uxore, & filio Senatusconsulto custodiæ amotæ fuere.

Hæc Lautrechii consilia, hi Venetorum conatus erant, cum inter bellicorum apparatus tumultus de pace ageretur, ad quam propensum animum Cæsar habere significabat. Nunc Francisco Galliæ Regi; nunc Venetis concordia rationes objiciebat; atque ex literis Andreæ Naugerii Reipublicæ ad Cæsarem oratoris xiv. kal. octobris Paredæ in Hispania datis significabatur, de pace cum Angliæ, atque Galliæ oratoribus actum: Regis filiis libertatem Imperatorem daturum, Burgundia in potestatem recepta, duodecies centenis aureorum millibus sibi, quingentis Anglo persolutis, quæ illi a Cæsare debentur; de reliquis trecentis millibus, nec de tempore præscripto, nec de obsidibus nondum convenisse; regni procures

Cæ-

*Federatorum exercitus ad Montem Falcum. Urbinatis conjugi, & filio adhibita custodia. Horatius Floridus ab Urbinare Venetias mittitur.*

*Ab Urbinate conjugi, & filio custodia amota.*

*Andreæ Naugerii ad Cæsarem oratoris littera de pace agitatio.*

1527 Cæsare pro obsidibus petente, quos Gallorum Rex ne vicies quidem centenis nummorum millibus traditurus erat. Deinde firmata pace, de dimittendis exercitibus subortas difficultates fuisse, postulante Cæsare, ut statim Lautrechius evocetur, cum de suarum copiarum missione ne verbum quidem faceret: e contra Franciscus nullatenus Lautrechium evocaturum, nisi prius filii ex Hispaniis advenissent, asseveraret. Tum de Cæsaris in Italiam profectio nihil esse, quod modo ageretur, cum ejus rei curam prætermiserit; pedites, atque equites ex pacto Madriti in Italicam profectioem inito, minime petere; cum se obtulerit occasio, in Italiam venturum; ut nemini in-de aliquid suspitionis, vel metus possit obrepere, tantum classem regiam flagitare: cui rei oratores minime assentiri voluerant. Quod vero ad Francisci Sfortiæ res attinet, eas summi, ac difficillimis implicitas perplexitatibus esse: ni Cæsar Ducem in avito imperio retineat, infectum negotium omne fore; cum Rex, quæ in Insubribus jura obtineat, non Imperatori, sed Duci concessurum affirmaret: Cæsaris contra ab his valde aversus animus erat, neque ambiguis argumentis Mediolanensis ditionis potiundæ cupiditatem præseferbat: decernendum primo de Ducis actionibus a iudicibus esse; dum causa pertractatur, imperium penes se existere; si iudicio insons Franciscus declaratus fuerit, Insubrum ducatum restitutum; sin minus, alteri traditurum; quis vero futurus is esset, silentio obvolvare; nec fratrem, ut antea, nominare. Angli Regis Oratores, nihil, quod ad mentem Cæsaris flectendam, atque erga Sfortiam conciliandam spectaret, prætermisere; neque iudicibus rem permetteret, id illius Regis causa faceret, a quo sibi affinitate conjuncto haud parva emolumenta, & auxilia acceperat. Verum nec officiis, nec precibus aliquid impetrare potuerunt. Galli oratores Naugerio significant, a Cæsare petiisse, ut foederatis Francisci Regis Respublica Veneta, ac Florentini adjungerentur; ab hoc primum valde alienam Cæsaris mentem fuisse; mox adjecisse, si in nonnullis, quæ jure exposcere videbatur, sibi satisfacerent, pace complectendos fore.

His de rebus cum Anglis, Gallisque Veneti, ac Florentini oratores colloquuti; re maturius expensa, Naugerius Impera-



peratorem adiit; Senatus mentem uberius exponit; pacis studium declarat; propensam in Christianam Rempublicam voluntatem ab honestis concordie rationibus nunquam recessuram. Ad hæc Cæsar, controversiis amotis, quæ illi cum Venetis intercedebant, non modo a Christianissimo Rege interfoederatos eos censerī se passurum, sed eosdem etiam inter amicos, & socios habiturum: ingenti pacis desiderio totius orbis Christiani flagrantem, omnia bellorum semina radicitus excindere, amovere suspiciones statuisse, ut ubique egregium pacis bonum, post præteritorum bellorum clades, ac sanguinem, percipiatur; neque cum aliquo seorsum pacem inire, sed omnes vincere concordia decrevisse, expertum, quot technis, ac dolis nonnunquam summum pacis commodum dominandi libidine interturbetur. Quid enim cum Gallorum Rege pace inita, nondum cum Republica firmatis rebus, expectari posse, nisi ut receptis filiis, faces Senatui ad bellum pecunia, ac viribus immisilis subjiceret, hoc prætexens, quod foederatos deferere regium minime affirmaret? Id si contingat, post paucos menses elapsos acriori, atque acerbiori incendio cuncta exarsura; ipsum eosdem pro hostibus habiturum, quo nil alienum magis a suis rationibus esse; quippe qui perpetuam, ac cum singulis Christianorum Principibus pacem percipiat: quocirca controversias omnes amputandas, atque tollendas, ut sincera, ac stabili pace Christiana Respublica perfruatur, ipse vero tam excellenti fructu, amota omni suspitione, quæ de illius animo suboriri posset, lætetur. Adjecit, falli eos, qui illum ad totius Christiani orbis principatum adspirare, ac contendere arbitrarentur; præter sua nihil exposcere; aliena non querere; pacem sectari; omnibus amicū se esse cupere; præter ceteros semper Reipublicæ amicitiam optasse: illa ut certis rationibus iniri, atque ad optatum finem perducī posset, petere primum, ut pecuniæ vis, quæ ex pacto cum Hieronymo Adurno, & Caracciolo Protonotario Regi Hungariæ fratri debetur, persolvatur; quæ Venetiis anno M. D. XXIII. eodem tempore pacta sunt, exequutioni mandentur: Tum ut centum, & viginti aureorum millia, quæ a Senatu Prorex postulaverat, quod copias cum illius exercitu, dum Franciscus Rex Ticini moraretur, non conjunxisset, tribuc-

1527 buerentur : deinde cum ipse superioribus mensibus ingentes sumptus facere ad res suas tuendas coactus fuisset, æquum videri, ut Respublica, quæ acriori illum bello, quam Rex Gallorum laceraverat, quæque Franciscum Sfortiam ad urbes, atque oppida Insubrum expugnanda adjuverat, tantarum expensarum portionem aliquam persolveret ; ut pace firmata, dimitteret exercitum, tutamque, ac pacatam Italiam redderet.

*Naugerii  
responsio.*

Hæc Cæsar cum Andræ Naugerio exposuisset, ita respondit : primum se arbitrari, si quid Senatus Ferdinando fratri deberet, nunquam negaturum ; deinde, quod ad reliquas passionis spectat, non ambigere omnia observaturum, modo a Cæsare idem fiat, neque aliquid foederi postea cum Gallo, ac reliquis inito repugnet : quod vero ad centum, & viginti aureorum millia attinet, cum Respublica Proregi, & Carolo Borbonio octoginta millia obtulisset, se recepturos dixisse, ac tanti satisfactum iri Cæsari ostendisse, nil postea mutatis rebus confectum ; adeo immensis sumptibus exhaustas Reipublicæ vires, ignorare se, an eadem mens Senatui foret. Meminisse oportere, non pacis coemendæ gratia, neque culpæ deprecandæ, quod pactis non steterisset ; nulla enim in re defuisse, ut a Gaspare Contareno, atque a se ipso sæpius multis rationibus tunc aperte probatum fuerat ; verum pecuniæ egestate laboranti singulari benevolentia, atque observantia, qua Cæsarem semper prosequutus erat, non absque summo incommodo, vim illam auri obtulisse : non voluntatem Reipublicæ, sed vires immutatas, terrestribus, maritimisque copiis auri acervos absumptos, publicas, privatasque pecunias imminutas. Tandem quod ad impensarum partem, quas petebat, sibi non videri hujus belli occasionem in Venetos rejici posse ; neque insimulare Cæsarem velle, cum rectam illius mentem, propensumque in pacem, & totius Reipublicæ Christianæ felicitatem animum optime nosset : idem & suis literis edoctum, & sua sponte Senatum sentire : verum Duces Cæsareanos adversus rectam illius mentem ita egisse, ut maximam cunctis suspicionem iniecerint, non cum, quem præseferbat, Imperatoris animum esse, qui superbia, crudelitate, avaritia cunctos ad arma pro suimet defensione suscipienda coegisse videretur.

retur. Si communis tranquillitatis, ac pacis illi insideat desiderium, ab iis petitionibus abstineret, quæ alienæ a pacis studio prorsus existerent. Ad hæc Cæsar pauca de sua in bonum publicum propensione præfatus, subiecit; partim invidia, partim timore, qui in ipsum arma moverant, impulsos fuisse. His Naugerius: quod ad invidiam spectaret, nihil esse, quod diceret: non diffiteri; Rempublicam, Italianque universam haud injusto timore permotam, cum Cæsareanorum infestos animos in Italiæ perniciem, ut prope in illius excidium conspirasse viderentur, animadverteret.

Hæc Naugerii literis continebantur, quæ licet gravia Senatus existimaret; tamen is erat post tot annorum curricula, quibus assiduis fluctibus agitata, ac fere convulsa Italia fuerat, publicæ pacis ardor, & studium, ut neutiquam ab iis conditionibus, quæ ab honestate minime abhorrerent, sibi discedendum censeret. Itaque Naugerio mandatur, Imperatorem adeat, eandemque erga pacem cum eo Reipublicæ mentem esse significet; nunquam æquas illius condiciones averfaturam. Ad concordiæ vero capita, quæ a Carolo proponebantur, ita responsum est. Assiduis bellis non pro augendi imperii finibus, sed pro incolumitate, ac salute susceptis, imminutas civium opes, ingentibusque sumptibus publicas vires attritas, tantas non futuras, ut quod ex fœdere anno M. D. XXIII. deberet, ad unguem expleat. Reliquum ducentorum aureorum millium persoluturam; dummodo subditorum bona, quæ in ditionibus Ferdinandi sita sunt, restituantur; eorum vero solutionem longe antea futuram fuisse, si eadem illi, quæ Reipublicæ mens, & voluntas extitisset. Postea de centum, & viginti aureorum millibus, quæ ob non conjunctas Cæsareanis Venetas copias petebantur: jam nulla alia causa permotam, quam sua erga Carolum benevolentia, atque observantia, in ejus militum stipendia octuaginta millia obtulisse, id acceptum, gratumque Carolo Borbonio fuisse, qui cum repente ex Infubribus in Hispaniam profectus esset, ea de re ad Gasparem Contarenum tunc apud Cæsarem Oratorem scripsisse: verum postea immutatis rebus, cum in dies nova in Rempublicam Cæsareani molirentur, bellorum incendia, ac ruinas imperio Veneto pararent, ut suis rebus consuleret, alio se

*Mandata  
Senatus ad  
Naugerium  
de pacis  
conditioni-  
bus ageret.*

1527

se vertere, aliis foederibus niti coactam fuisse. Quocirca perturbatis rebus, nova exorta bella, cunctis immutatis, ut alia rerum facies sese objecisse videatur, nihil esse, quod hoc tempore illa postulerentur, quæ ultro alia tempestate Respublica concessura fuerat. Tertio ad deducendum ex Italia exercitum ducenta aureorum millia Cæsare petente, non eo statu Reipublicæ opes esse, ut tantam auri summam persolvat, egregiæ Senatus voluntatis in Carolum majora in præsens argumenta exhiberi non posse. Quarto quod ad Insubres tuendos communibus viribus, & copiis spectat, quæ pacis capitibus anni M. D. XXIII. continebantur: non eadem tempora, maximam omnium immutationem sequutam, solutam pacto Rempublicam esse; nec, si vellet, ob Gallicum foedus illi integrum fore. Inter cetera vero postulantibus Cæsareanis, ut quæ nuper a Gallicis, ac Venetis copiis Insuorum oppida in potestatem redacta fuerant, traderentur, responsum est; ea Francisco Sfortiæ Mediolani Duci ex foedere a Lautrechio concessa esse. Insuper, ut Ravennæ, ac Cerviæ urbes Pontifici redderentur, petatum. Responsum est, Roma direpta, Reipublicæ auxilium non modo illarum cives, sed Pontificis Nuntium implorasse, ut fartas, tactasque ab hostium injuriis tuerentur; id Rempublicam pro eximia in Apostolicam Sedem reverentia, atque observantia ultro præstitisse: sperare libertati restitutum Pontificem, quæ a Republica gesta sunt, æqui, bonique consulturum: nihil enim vehementius cupere, quam ut Clemens tandem servitute ereptus huic novo foederi adesse, suæque auctoritate id tueri possit. Itaque Naugerio facultas tribuitur, ut his conditionibus paci inter Cæsarem, Gallorum Regem, Franciscum Sfortiam, ac Florentinos Reipublicæ nomine subscribat. Hæc omnia per Sebastianum Justinianum Franciscum Galliarum Regi significantur, nullisque rerum eventibus Rempublicam ab inita cum illo societate, & foedere discessuram, quem ejusdem erga ipsam mentis esse idem Orator Senatui declaraverat; nempe a rege se accepisse, sibi a Cæsare propositis conditionibus pacis contineri, ut, seclusis Venetis, ac Florentinis, ea fieret, neque Francisco Sfortiæ Insuorum restitueretur imperium: hæc Regem prorsus rejecisse, cum firmiter decrevisse assereret, potius filiorum captivitatem pati, adver-

*Pacis ag-  
itationes  
Gallorum  
Regi a Ve-  
netis signifi-  
cate.*

adversaquæ omnia experiri, quam fœderatos, ac socios descere; pro qua egregia significatione ingentes illi a Senatu gratiæ actæ sunt.

1527

Verum, cum ea, quæ prius erga pacem totius Christianæ Reipublicæ propensio in Cæsare cernebatur, vel rerum Italianarum novis successibus, vel spe fœderatorum dissensionis paulatim refrigesceret, Galli, & Angli Oratores, ab honestis pacis conditionibus Cæsare averso, bellum illi denunciandum, statimque ex Hispaniis discedendum censebant: idem, ut fœderatorum legati efficerent, hortabantur. Quid hac in re sibi agendum esset, Naugerius a Senatu petebat; qui rescriptis, ut ab eorum sententia de belli denunciatione, ac discessu ne latum quidem unguem discederet; præsertimque Gallo Oratori adhereret, & omnia, qua decet prudentia, & gravitate perficeret. In hac rerum, atque animorum immutatione ne quid, quod ad augendas fœderatorum vires conducirer, præteriretur, e communi re visum est, ut Ferrariensis Dux, & Marchio Mantuanus societati adjungerentur, omni studio niti oportere; id quo facilius perficeretur, Gaspar Contarenus Orator ad Ferrariensem mittitur, qui his conditionibus fœderi accessit, ut ducentos cataphractos ære suo copiis fœderatis conjungeret; in sex menses decem aureorum millia in peditum stipendia perfolveret: contra fœderati ejus ditionibus tuendis, & servandis se obstringerent. Mantuani vero Principis, quod a Lautrechio summopere urgebatur, negotium haud parvis difficultatibus erat implicitum: nam Lautrechius Senatui significaverat, se quamprimum Laurentium Hetruscum, & Equitem Casalium Mantuam missurum, ut régio nomine cum Marchione de novo fœdere ageret; ea in re Reipublicæ mentem exquirere. Tria potissimum capita erant; primum, ut Mantuanum imperium in fœderatorum clientelam reciperetur; deinde ut, Lautrechio absente, imperatoria dignitate, ac munere Marchio fungeretur; demum ut duo peditum millia suppeditaret, qui in Venetorum quindecim millibus censerentur. Senatus quemadmodum Marchionis societatem magnopere probabat; tum ob egregias illius Principis virtutes; tum ob situs, locorumque naturam, ac præcipue ut singuli Italiæ Principes ad dignitatem, & libertatem illius retinendam conspirarent; attamen

*Cæsaris  
animus de-  
nuo a pace  
aversus.  
Galli &  
Angli Ora-  
torum sen-  
tentia de  
bello Cæsari  
denuncian-  
do.*

*Ferrariensis  
Dux fœde-  
ratis adju-  
gitur.*

*Laurentium  
Hetruscum,  
& Eques  
Casalium ad  
Mantuam  
Marchionem  
missi.*

men

1527

*Mantua  
Marchionis  
ad federatos  
accessus.  
Joannes  
Haimus  
Mantuanum  
mittitur.  
Augustinus  
Amulius,  
& Anto-  
nius Mar-  
cellus in  
Orientem  
profecti.  
Cartoglius  
ad Cythe-  
ram navem  
Grimanam  
cepit.*

men ut Imperator exercitus declararetur, haud facile assentiri poterat, ne Urbinatis auctoritatem, qui universis Reipublicae copiis praeerat, laedere videretur. At re saepius agitata, tandem Marchio, amota ejusmodi conditione, in foedus concessit, cui subscribendo, ac firmando Joannes Haimus, Veronae Praetor, Mantuanam a Senatu missus est. Hæc in Italia gesta sunt.

Petrus Landus, classis imperator, maritimas oras legens, opida, urbesque opportune communiverat; populorum erga Rempublicam animos confirmaverat, frumenti vim Venetias navibus transmiserat, Augustino Amulio legato cum duobus levioribus triremibus, atque Antonio Marcello quatuor notharum Praefecto ad tuenda, purgandaque orientis maria præmissis, cum nunciaretur infesta Turcicis prædonibus omnia esse. Nam Cartoglius insignis pirata cum prædæ inhians maria excurreret, non longe a Cythera Aegei insula, Venetam navim (Grimana appellabatur) ceperat, ac pretiosis mercibus in suas triremes invecitis, incendio absumpserat; viros nobiles, feminasque ingenuas, nulla sexus, aut conditionis ratione habita, crudeliter obtruncaverat. Cum nautas, ac viatores ad Coturnicum, quem modo vocant, portum misisset Marcellus, qui tum in Amphimalo portu Cretæ cum tribus triremibus detinebatur; cum ab exploratoribus intellexisset, supra Amphimalum non longe a Bicorna oppido triremem Turcicam navigare, quam pone alias sequi nuntiatum fuerat, vel Cartoglium esse arbitratus, vel Sinanem, qui nuper, ex Numidia comparata classe, in sinu Adriatico, multis inflictis molestiis, cunctis non parum timoris injecerat, injuriarum ulciscendarum generoso impetu actus e portu se proripuerat; trirememque ingenti conatu adortus parvo intervallo in potestatem redegit. Verum cum statim cognovisset, non longe septem alias adeste, quibus Alexandriæ Maurus præerat, Byzantiumque recta contendebat, omni studio Marcellus militum, ac remigum furorem in Turcas sedare, & restinguere conatus, triremem captam, interim nihil adversi veritus, Bicornam adduxit. Inde arrepta occasione Maurus triremes suas celerrime collegit; Marcellus inopinata oppugnatione deterritus fuga saluti consulere nitebatur; duæ ad litus allapsæ, quod cum vix tenuissent, remigum turmæ statim se ex triremibus proripuerunt, & in Mauri potestatem

*Antonius  
Marcellus  
unam ex  
Alexandria  
Mauri tri-  
remibus ca-  
pit.*

tem venire, atque Alexandriam advectæ sunt. Ea cum Venetias perlata essent, notharum Præfectus, ut apud Advocatores causam ex vinculis diceret, Senatus decrevit: ille angore animi, & curarum mole obrutus in itinere obiit. Cidonizæ magistratui committitur, ut triremem Turcicam, quæ in nostrorum manus pervenerat, restituat; legato vero apud Suleimanum, ut totius rei eventum exponat, mandatur; flagitet, ut duæ a Mauro triremes captæ cum tormentis reddantur. Ad hæc ne piratis auxilium, vel tutus accessus in Suleimani ditionibus concedatur, Sinanesque ac Numidici latrones arcerentur, enixe peteret. Suleimanus, re cognita, Senatusque voluntate perpensa, statim triremes reddi iussit, magna vi tormentarii pulveris opportune adjecta, cujus inopia (affiduo bello immensa pene materia absumpta) Respublica premebatur. Nec minora amicitiz, ac benevolentiz argumenta Suleimanus in Venetos dederat, cum Alexandria non modo, verum etiam aliis sui imperii locis avehi frumentum ad ducenta ac viginti millia sextariorum permisisset, & quinque millia præterea dono dedisset. His præclaris benevoli in Rempublicam animi significationibus ne parum grati animi notam subiret, perhonorificam legationem, pretiosis muneribus insignem decrevit, illiusque obeundæ Thomæ Contareno onus injectum est.

Interim Cæsar conspirantium in se Christianorum Principum ad Pontificem liberandum conatus veritus, Franciscanæ familiæ Præfulem cum Verio Milliao in Italiam miserat, ut cum Prorege de libertate Clementi restituenda agerent; qui cum per eos dies Cajetæ excessisset, cum Ugone Moncata, quem sibi moriens Prorex substituerat, ea de re consilia iniere. Res inter magnas difficultates versabatur, cum nec Pontifici ad stipendia militibus Cæsareanis eroganda pecuniæ copia adesset, nec Cæsareani fatis fiderent, promissis Clementem staturum: ex quibus obscure admodum, quænam tota res exitum habitura esset, perspiciebatur. Clementis, ne sibi aliqua in re deesset, Lautrechium, ut quamcelerrime iter conficeret, sibi que suppetias ferret, impellebat. Hæc dum agerentur, obsides, fuga capta, secreto magna Germanorum, & Hispanorum indignatione, Roma abie-

H. Mauroceni T. I.

R

re;

1527

*Maurus  
Alexandria  
Venetas tri-  
remes aggre-  
ditur, &  
duabus po-  
nitur.*

*Antonius  
Marcellus  
cum causâ  
ex vinculis  
disturbus ef-  
fet, obiit.*

*Venetas tri-  
remes a Su-  
leimano  
magna vi  
tormentarii  
pulveris ad-  
jectis resti-  
tuta.*

*Suleimanus  
benevolen-  
tiâ argu-  
menta erga  
Venetas.*

*Thomas  
Contareno  
cum donis  
ad Suleima-  
num missus.  
Lancus  
Prorex Ca-  
jetæ obiit.*

*Clementis  
obsides a  
Cæsareanis  
fugam ca-  
piunt.*

1527 re; neque illi, penes quos liberandi Pontificis auctoritas erat, convenire poterant. Moncata aversum animum a Pontifice gerebat: Præsul Franciscanus propensus ad sublevandum Clementem erat, vel quod ita Cæsari conducere arbitraretur, vel cupiditate potiundi Cardinalatus incensus: Milliaus palam uti rei periculi plenæ adversabatur: Clemens, ne nullum lapidem non moveret, Hieronymum Moronum, summæ auctoritatis apud Cæsareanos virum, illexerat, filio ad Episcopatus Mutinensis dignitatem eveſto; Columnam Cardinalem Picenæ legationis spe sibi adjunxerat, gloriæque appetentem animum permoverat, cum in arce illum invisenti immortalem sibi apud posteros laudem comparaturum dixisset, si tantæ rei auctor, atque adjutor foret: quid enim præclarius, quid ad summam potestatem cunctis patefaciendam illustrius, quam penes illum esse Pontifices dejicere, ac deprimere; eosdem depressos ad pristinum dignitatis gradum restituere? quibus homo inflatus, atque percitus, omni opera, ut Pontifex liberaretur, connixus est. Verum novis ex Hispaniis Cæsaris mandatis supervenientibus, omnis ambiguitas sublata; cum præcipue quotidie de Lautrechii adventu nuntii perferrentur, coactumque iri se Cæsareani cernerent, ut omnes copias ad Neapolitanum regnum tuendum transferrent, quod, nisi prius persolutis stipendiis, non sine ingenti tumultu, ac seditione militum fieri poterat. Itaque in has condiciones inter Pontificem, ac Cæsareanos convenit: primum ne Pontifex Carolo hostile aliquid vel in Insulribus, vel in regno Neapolitano moliretur: deinde ut *cruciarium*, quod dicitur, vestigal in Hispaniis, decimam proventuum Ecclesiasticorum in omnibus suis regnis eidem permetteret: tum ut Hostia, & Centumcellæ, veluti prædes in Cæsareanorum potestate essent: ad hæc Tiserni oppidum, & arx Forilivii traderentur: obsides Hippolytus, atque Alexander nepotes, qui tunc Parmæ erant, statuerentur; interim Pisanus, Trulcius, & Gaddius Cardinales darentur, qui statim in Neapolitanorum fines abducti sunt: Germanis militibus sexagintaseptem; Hispanis trigintaquinque millia aureorum numerarentur; ipsi cum omnibus, qui penes se erant, Cardinalibus libere abeundi facultas permetteretur; Orbitum, vel

Spo-

Conventio-  
nes inter  
Pontificem  
& Cæsareanos.



Spoleum, vel Perusiam incolumis perduceretur : quindecim diebus elapsis, totidem aureorum millia solveret; reliquam pecuniam, quæ ad quadraginta millia supererat, trimestri spatio constituto, Germanis, Hispanisque tribueret. Quibus ita statutis, ac decretis, cum dies quinta idus decembris Roma exeundi statuta esset, vel fortunæ malignitatem, quam sæpe expertus fuerat, vel hominum perfidiam, ac Moncatæ præsertim adversus illum infestum animum veritus, moræ impatiens, nocte, quæ diem præfinitam præcellerat, mutato habitu, ex arce exiit, atque a Ludovico Gonzaga Cæsareano Duce exceptus incolumis Orbitum perductus est; noctu nullis, ut assolet, Cardinalibus, sed paucis e familiaribus comitatus, urbem ingressus humanæ varietatis exemplo, quippe qui e supremæ fastigio dignitatis dejectus, auctoritate exutus, carcere detentus, Roma amissa, imperio spoliatus; idem post paucos menses libertati restitutus, imperium denuo recuperaverit, pristinam dignitatem, atque auctoritatem adeptus fuerit. Ea de re Pisanus Reipublicæ Legatus certior factus statim cum literis eum, qui sibi erat a secretis, ad Pontificem misit, ut illi de felici successu gratularetur; ipse postea subsequutus est, & de præterito, ac præsentis rerum statu multa egit: a Senatu etiam ad Pontificem ingentis gaudii significatione refertæ literæ datæ sunt, quibus propediem oratorem ea de causa missurum continebatur.

Clementem tot angustiis ereptum variæ curæ, ac sollicitudines angebant; hinc fides, qua se Cæsareanis obstrinxerat; inde urbium, & oppidorum deditio, præteritorum malorum memoria, cui injuriæ acceptæ, illatæ clades infixæ hæserant. Ea in causa erant, ut summopere Lautrechii adventum cuperet: quocirca Senatus oratori Pefareo scripserat, ut ad conficiendum iter Lautrechium excitaret; quod si vel propter impedimenta, aut tormenta bellica, vel quia Germani, qui in itinere erant, nondum advenissent, morari oporteret, statim quas posset copias præmitteret, ut exercitui, qui trans Apenninum erat, subsidio forent; tum ut hostibus obstiti, illorumque conatus reprimi possent; tum ut Florentinorum studia confirmarentur; ac, ne Pontifex prorsus animo concideret, niterentur. Huc enim Senatus consilia spectabant, ut Clemens, qui captivus iniquis pa-

*Clemens ex arce exiit, & a Ludovico Gonzaga Orbitum ducitur.*

*Pisanus legatus ad Pontificem gratulatum accedit. Venetorum literæ ad Clementem mittuntur.*

1527

*Guido Ran-  
genius a fœ-  
deratis ad  
Pontificem  
missus.*

cis conditionibus subscribere coactus fuerat, a fœderatis non recederet; id summum momentum ad prosperos belli eventus allaturum. Neque vero ab ea re averfus illius animus videbatur; quippe qui Guidoni Rangonio, ad eum a sociis misso, dixerat; omnem rerum bene gerendarum spem in eo sitam esse, ut quamcelerrime univerlis coactis copiis nostri hostes aggrederentur: nam Jacobus Salviatus Pisano Legato e Corinto significaverat, Cæsareanos ab urbe discessum parare, in Senensium fines profecturos. His nuntiis de itinere hostium perlatis, a Lautrechio, Pesareo Oratore, ac Ducibus de ductando exercitu consulitur; quibusdam per Flaminiam, & Aprutianos fines dirigi iter placebat, ratis; hostes rerum suarum timore perterritos, ut Neapolitano regno succurrerent, Ecclesiæ ditiones, Senenses, ac Florentinos relictuos, omnemque belli molem intra illorum viscera casuram. Alii contra traducendum ultra Apenninum exercitum censebant, ut junctis reliquis copiis, quæ circiter peditum decem millia erant, Cæsareanos, qui penes se duodecim selectorum militum numerum habebant, continere, atque cum iis, si se obtulisset occasio, configere possent; ni id fieret, pertimescendum fore, Clementem, qui illis ex pacto pecuniam subministraverat, labantem, rerumque suarum incertum, quod reliquum erat, persolaturum; quibus auxiliis auctum vires hostium iri; coacto in Senensium agro exercitu, maxima in trepidatione Florentinorum res futuras, ac parvo momento, veluti tempestate jactatos, ad Cæsareanos accessuros. His per literas ab Oratore apud Lautrechium Senatui significatis, literæ ad illum datæ sunt, mandatumque, ut omni studio niteretur Lautrechium in hanc sententiam impellere, ut per Hetruriam itinere arrepto, reliquis fœderatorum copiis conjungeretur, ac si fieri posset, ne in Senensem agrum hostes penetrarent, obfisteret; id certe, cum ad confirmandum Pontificem, tum ad retinendam in fide Florentinorum Rempublicam opportunum fore. Verum Lautrechius, singulis perpensis, terra, marique Neapolitanum regnum invadere mente agitabat, atque consilio trahijciendi per Apenninum exercitum relicto, totus, ut mox dicemus, in ea expeditione fuit. Hoc anno de instaurando in Antistitum electione veteri Reipublicæ more, diversis sen-

sententiis in Senatu actum, ac tandem in hanc sententiam Senatusconsultum decretum est. Cum ex antiquo *Reipublicæ Venetæ* instituto, ut *Episcopi a Senatu nominarentur*, inolevisset, qui postmodum a Romano Pontifice confirmarentur, idque usque ad annum millesimum quingentesimum decimum servatum sit, atque exinde nihil prætermisum fuerit, quod erga Pontifices egregiam voluntatem, atque operam patefacere potuerit, & præcipue in eum, qui hac tempestate suprema hac dignitate præfulget, pro cuius libertate, & Apostolicæ Sedis dignitate universæ *Reipublicæ* vires terra, marique collatæ, ingentes thesauri effusi fuerint, ut nulli dubium sit, nisi Pontifex captivus detineretur, veterem *Reipublicæ* consuetudinem probaturum, Antistitumque nominandorum rationem confirmaturum: propterea Senatui videri, ut ex obitu Bernardi Rubei Tarvisini Episcopi Ecclesiæ destitutæ, initis suffragiis, ex antiquo instituto successor declararetur, idque in posterum in aliis quoque Antistitibus servaretur, quorum confirmatio ex legum *Canonicarum* præscripto a Pontifice peteretur; neve proventuum percipiendorum ab eodem Senatu civi, aut patricio alicui, nisi tantum unius Ecclesiæ facultas daretur.

## • M. D. XXVIII.

**I**nfederat adeo Principum animis vel regnandi, vel ulciscendi libido, ut optata Pontificis libertas, ex qua aditus ad commune pacis bonum consequendum oriri poterat, nihil prorsus proficeret, sed inde majorum dissensionum in dies causæ promanarent. Nam Clemens, ut erat solerti acumine ingenii præditus, ita in expediendis consiliis piger, atque parum sibi met constans, modo huc, modo illuc ex eventuum varietate impellebatur. Nonnunquam erga fœderatos propensum animum præseferbat, atque assiduis Venetorum officiis, qui maximum adjumentum suis rebus, si illum in suas partes penitus pertraherent, accessurum putabant, commovebatur, ut propediem fœdus instauraturum significaret; Cæsarem detestatus, a quo tor sibi illatas injurias, exutum imperio, libertate spoliatus, omnia indigna se passum affirmaret.

H. Mauroceni T. I.

R 3

Quan-

1528  
*Cæsar Pon-*  
*tifici de li-*  
*bertate gra-*  
*tulatur.*

*Clemens ad*  
*Mediceæ*  
*pristinæ di-*  
*gnitati re-*  
*situendæ*  
*intentus.*

*Archiepi-*  
*scopus Sy-*  
*ponthinus a*  
*Pontifice*  
*Venetiae*  
*missus ad*  
*Ravennam,*  
*& Cerviam*  
*reposeundus.*

*Archiepi-*  
*scopus Sypon-*  
*thinus patris*  
*abrogatio-*  
*nem legis de*  
*Episcopis*  
*eligendis.*

Quandoque vel illius potentiam veritus, vel præteritarum calamitatum memoriam perhorrescens, vel promissis Cæsaris delinitus, qui ad illum plenas officii, & humanitatis literas, quibus de recuperata libertate gratulabatur, pollicitis refertas dederat, vetera restinxisse odia, firmam cum illo pacem servaturus videbatur. Nec deerant, ut postea re ipsa compertum est, qui arbitrarentur, nunquam ex ipsius mente injuriam a civibus acceptam elabi passurum; in id suas omnes cogitationes defixisse, ut Mediceam familiam patria extorrem, immutata Florentinæ Reipublicæ forma, in pristinum dignitatis, atque auctoritatis gradum restitueret; tantæ conficiendæ rei dum opportunitas adesset, in neutram se pendere partem profiteri, imperii Pontificii calamitates, ac vastitates, pecuniæ inopiam prætendens, quam omnem in exsatianda militum avaritia, & libidine profudisset.

Summa inde sollicitudo Patrum animos ceperat, ne reliquis malis hoc quoque accederet; cum præsertim Clemens Syponthinum Archiepiscopum Venetias ad reposeundas Ravennam, ac Cerviam misisset: qui cum, Polæ Episcopo ordinario oratoris munere fungente, ad Patrum Collegium accessisset, duas Pontificis nomine literas ad Principem dedit; alteris Senatui respondebat, qui superioribus diebus de illius libertate fuerat gratulatus; alteris quidquid Syponthinus nuntiaret, veluti ex ejus ore depromptum, ut acciperetur, petebat. Literas Archiepiscopus sermone subsequutus est, ac primum Clementis nomine gratias Senatui egit, quod illi turbulentis, & calamitosis temporibus adfuisset, studiumque ac priscam majorum in Apostolicam Sedem observantiam illustribus argumentis testatus esset. Adjecit deinde, ut sibi Flaminiae urbes, quæ in Reipublicæ potestate erant, restituerentur, milites, & præsidia amoverentur: tum rogare, ut lex a Senatu de sacerdotiis nominandis nuper lata, quæ vehementer commotus fuerat, abrogaretur, rem gratissimam Pontifici facturum. Summi momenti res erat, & quæ dissentientibus discussa rationibus, ac sententiis hæsitabundos Patres teneret; e Republica nonnullis fore arbitrantibus, si Pontificiæ ditionis oppida, quæ semper Pontifici se reddituram professæ fuerat, nulla interjecta mora, restituerentur; id veteri instituto, pietati, ac religioni

con-

consentire, iustitiæque præsertim opinioni, qua magnum apud omnes gentes nomen adepta fuerat; non technis, aut dolis, sed virtute, recta imperii administratione populorum illectis animis, aut iustis armis imperio comparato, temporum rationibus Senatusconsulta aptanda; nihil hac tempestate utilius, quam fœderi Pontificem adungere. Sualor hujus sententiæ Dominicus Trivisanus, summa vir auctoritate, atque eloquentia, fuisse fertur, quem ita loquutum tradunt.

*Quicumque majorum nostrorum gesta sedulo inspexerit, nihil non ab illis iustitiæ, atque æquitati nixum vel in propagando, vel in retinendo imperio ullo unquam tempore actum intelliget; bella non cupiditate, qua plerique mortales aguntur; non augendorum finium causa suscepisse, sed ut Reipublicæ incolumitatem, ac decus tuerentur, injurias ab hostibus illatas repellerent, Christiani nominis dignitatem longe, lateque diffunderent. His effectum est, ut nomen Venetum apud omnes gentes ingentem prudentiæ, ac virtutis famam nactum firmissimis radicibus coalitam gloriam protulerit; qua potissimum causa oppida, urbes, provinciæ, & gentes ultro Reipublicæ suave, atque iustum imperium amplexæ sint; difficillimis, ac turbulentissimis temporibus, afflictis omnibus, & perturbatis bellorum procellis, ac fluctibus agitata Respublica nullo aut tutiori, aut validiori præsidio, quam populorum in ipsam propensa voluntate fortunæ ictus retuderit, & superaverit. Eandem mentem ab eximiis illis viris vos Patres hausisse certo scio; æquitati, atque honesto omnia semper posthabitueros, neque exigua emolumentis specie de universo belli hujus exitu periclitaturos. Quis enim ignorat, cum primum militum vestrorum præsidia in illas urbes intulistis, eo tantum spectasse, ut Flaminie, ac Piceni provincias ab hostibus tueremini, cum Clemente in Hispanorum servitutem rediit, Pontificum fluctuaret imperium, nutarent populi, qui miserrimo eventu perculsi, ac consternati parvo momento defecissent, ni vestris subsidiis labantes animos erexissent, & confirmassent? Neque vero sponte tantum vestra, sed a Pontificis Nuntio rogati, atque impulsu fuistis: id palam testati, non ditiorum vestrarum propagandi cupiditate adductos rem aggressos fuisse, paratosque esse Pontifici libertati restituto ad omnia tradenda: qua ex re sum-*

*Oratio Domini Trivisani.*

*mam apud cunctos mortales laudem consequuti estis, Venetæque Reipublicæ in sanctissimam Sedem merita mirifice auxistis, nec non extulistis. Quid igitur causæ est, ut consilia immutemus, quodque semel polliciti fuimus, præstare hoc tempore nolumus? Vereor, Patres optimi, ne huiusmodi Senatusconsulto quam semper summo studio Reipublicæ fidem, ac dignitatem servastis incolumem, eidem notam fœdissimam inuratis. Quid enim Gallos, quid Anglos, quid Italas gentes dicturas arbitramini, quæ miris antea laudibus Reipublicæ prudentiam, ac pietatem ornaverant, nisi nos, ut Flaminie civitatibus potiremur, præclarum hoc, & plausibile observantiæ in Apostolicam Sedem nomen obtendisse? An non idem Senatus, non iidem vos, qui opem afflictis Flaminie rebus tulistis? non eadem causa? Immo si recte perpendimus, præsens rerum status id maxime bortari, ac suadere videtur, ut quamprimum hanc suspicionem ex Clementis animo tollamus, quo Reipublicæ in illum egregia voluntate perspecta, recentique hoc beneficio devinctus, omni hesitatione amota, fœdus complectatur, auctoritate, ac religionis majestate tueatur; qui si ad Carolum accesserit, baud dubium est, quin summum fœderatorum rebus detrimentum sit accessurum. Novit hoc Cæsar; ideo nullum officii genus prætermittit, quo sibi Clementis animum recenti clade exulceratum mulcere, allicere, atque sibi conciliare queat; variis hinc inde curis, ac sollicitudinibus Clementis premitur; nisi oppida restituantur, minas intentat. Quid Cæsarem hanc occasionem nactum facturum putatis? nisi, vobis pernegantibus, iras accensurum, stimulos additurum, ut perturbatum, atque agitatum ingentibus pollicitis a sociis sejungat, atque ad sese rapiat? Id si acciderit, quis non videt majora parari bella; axiori incendio Italiam omnem conflagraturam; nullam concordiam, ac pacis spem reliquam futuram? Non pertenuis luctu spe, parvaque finium adjectione ultro in tot bellorum fluctus, ac turbines Rempublicam conjecistis; non duarum urbium potiundi spe septuaginta centena aureorum millia profudistis. Majora, atque excelsiora jam tum mente providebatis, cum vobis Italia dignitas, ac libertas ante oculos esset; cum unam illius retinendæ, ac servandæ rationem esse inspiciebatis, si Franciscum Sfortiam avito imperio restitueretis; si Cæsaris dominandi libidini obfisteretis; si arma vestra cum Gallis jungeretis;*

*socium Anglum haberetis; Pontificem, Florentinamque Rempublicam, ut eandem vobiscum fortune aleam subirent, contenderetis. Per tot annos vario eventu terra, marique pugnatum, modo aspirante, modo adversante fortuna, reluctantibus undis, robore animi, ac fortitudine amplissimum glorie, & libertatis æquor emensi fuimus. Lautrecbius modo cum valido exercitu a Francisco Galliarum Rege in Italiam missus, transgressus Alpes, aggredi Neapolitanum regnum decrevit; ad copias vestras terrestres, maritimam quoque classem a vobis in eam expeditionem mitti postulat. Hurum rerum fama ad Cæsarem perlata, Pontificem, quem per tot. menses indigna servitute pressum tenuerat, ex arce eripuit; novit sibi bellum redintegrandum fore; militum in Romana urbe animos fractos; penuria omnium rerum conflictatos; pestilentie lue plurimos absumptos. Id unum spectat, ut inter foederatos dissensionum semina suboriantur, ex quibus hoc, quod veluti corpus unum vehementer obsistere potest, divellatur, in diversas discissum partes, pristino robore prorsus destituatur; tunc se omnia ex sui voluntate, atque arbitrio facturum sibi persuadet. Quo magis sollicitos vos esse decet, ne materiam hanc veluti segetem illi præbeatis, qua magis ex nostris dissidiis, quam ex suis viribus rerum feliciter gerendarum opportunitatem comparet. Neque vero, ut ego existimo, vos illud movere debet, quod ajunt nonnulli, quos amplificandi imperii cura exstimulat, Reipublicæ tot sumptibus exhaustæ, tot egregie gestis de Apostolica Sede optime meritæ, hæc, atque majora deberi: vix ferendum esse Hispanis, indigne adeo Pontifice habito, urbes, atque oppida uitro concessa Reipublicæ, quæ prolapsas fere ad defectionem civitates erexisset, pecunia, milite juvisset, ac sustentasset, duas exiguas negari urbes, quæ per multa annorum curricula sub imperio Veneto fuissent; non vi, non dolis questitas, sed ab iis, qui illis superioribus tempestatibus potiebantur, ex testamento relictas, atque in nostrorum majorum potestatem traditas. Non eo inficias, justis titulis Flaminie urbes imperio Veneto accessisse; jus earum obtinendarum apud vos esse; at quis ignorat quæ superioribus annis sequuta sint? quis nescit temporum rationes immutatas, Regum, ac Principum Christianorum in Venetum nomen conspirantibus armis, cum*

ad

1528

*ad tantam rerum molem sustinendam impares essetis, id vos fecisse, quod ii, qui patenti mari modo ad sidera sese extol-  
lentibus, modo ad ima, & profunda se demittentibus undis,  
efficere solent, ut aliqua mercium jactura periculis undique  
circumseptam navim eripiant; idem vos coacti Patres egistis,  
cum partem imperii multiplici bello detenti prudenti consilio re-  
liquistis. Verum non ejusmodi est rerum conditio, ut modo in-  
vito Pontifice ea retineantur, quæ vos vestro præsidio non ad  
imperium adungere, sed Pontifici servaturos polliciti, ac pro-  
fessi estis: non majorum rerum eventus hoc immaturo consilio  
prævertendi sunt. Unicum vobis scopum præfixistis hujus pro-  
vinciæ dignitatem, incolumitatem, libertatem; hæc tanquam  
ad præclaram metam cogitationes, consilia, facta dirigenda  
sunt: hæc parta, quis ignorat nominis vestri gloriam præsen-  
tes non modo, verum eos, qui futuri sunt, mirificis usque ad  
cælum laudibus elaturos? vos servatores patriæ, vindices Ita-  
licæ libertatis, Pontificiæ dignitatis auctores posteros appella-  
turos? Id si secus fiat, quem exitum consilia vestra, aut co-  
natus habituri sint, haud facile divinare queo; cuncti quid  
hæc in re a vobis decernendum sit, solerter expectant. Ne pa-  
tiamini, obsecro, id homines de vobis cogitare, in consiliis ca-  
piundis plus parvæ utilitatis speciem, quam universæ Reipub-  
licæ decus, ac dignitatem valuisse.*

Commovit vehementer Patrum animos Trivisani oratio. At  
contra Aloysius Mocenicus, qui tum *Sapientis consilii* mune-  
reungebatur, oppositam Senatui suadens sententiam ita lo-  
quutus dicitur.

Oratio  
Aloysii Mo-  
cenici.

*Ea demum, amplissimi Senatores, vera, atque germana  
consulendi ratio est, si neque spe evectus animus, neque timo-  
re pressus de gravissimis rebus consulat: illa enim illecti tutio-  
ra, ac salubriora proponimus; hoc dejecti excelsa omnia, ac  
præclara perborrescimus. Qui vero neque nimia spe inflatus,  
neque immodico timore perterrefactus, sed, ratione tantum du-  
ce, ad consilium accedit; is raro, ni fallor, libi, errare, ac  
decipi solet; cum omnia ex rei natura, non ex humanorum af-  
fectuum agitatione, ac perturbatione rimetur, atque expendat.  
Illud gravissima hæc in re vobis statuendum esse arbitror, ne  
vimia Flaminie urbium cupiditas ab honesto abducat, neve*

ti-



timor ad ea præcípites vos agat , e quibus revocare gradum minime liceat : id vobis eventurum certo conjicio , si & præsentem rerum statum inspicere , & prudentiæ vestræ acumine , tanquam ex altiori specula , qui maneant rerum exitus prospicere velitis . Flaminie urbes restituere semper erit integrum ; illis exutos rursus recipere non erit . Utinam vero quid , iis modo redditis , futurum sit , aliqua ratione conjectura assequi possimus ; non ego is sum , qui Reipublicæ incolumitatem , Italiæ dignitatem , ac libertatem non æstimem ; qui nesciam tot labores a vobis susceptos , tot bella , tot pericula , in quibus per tot annos versatis , hoc unum laborum propositum præmium respexisse , ut tandem pacem cum dignitate obtineretis ; neve quempiam , qui suo arbitratu ceteris principibus dominari velit , pateremini . Sed an illud , redditis Flaminie urbibus , consequuturi sitis , sedulo animadvertendum est : siquidem vereor , ne celeri hoc , ac præpropere Senatusconsulto & receptas urbes , quæ per tot annos in tutela imperii vestri quievere , amittatis , & in easdem , ac majores difficultates incidatis . Quem enim prædem , ac sponsorem Pontificis voluntatis habetis , cujus sæpe vel ingenii imbecillitatem , vel mentis levitatem , atque inconstantiam summo damno vestro experti estis ? Jam quidquid auri , aut argenti habebat , id fere omne Hispanis profudit ; urbes eorum potestati , atque arbitrio permisit ; quotidie vel minis terretur , vel pollicitis delinitur ; ulciscendæ civium injuriæ flagrat desiderio ; restituendæ in patriam Mediceæ familiæ cupiditate incenditur ; quæ , nisi Cæsari penitus adbareat , perficere se minime posse certo scit . Faciendane vobis tam fluxo , atque instabili fundamento magnarum rerum molimina ? At arbitror ( quis dicet ) Ravenna , ac Cervia restitutis , statim hostem se Cæsari Clementem declaraturum . Contra ego existimo , iis receptis , tanquam repagulis quibusdam solutum , quibus illius animus distinetur , & coercetur , illico pro Cæsare futurum ; spe hac tantum ali , ac sustentari , ne prorsus se Caroli potestati , & voluntati permittat . At sane qui vobis reddendarum urbium auctores sunt , illud non satis perpensis videntur , magnam semper & ad bellum agendum , & ad pacem firmandam hæc oppida opportunitatem habitura ; cum per illas Flaminia , ac Picenum facile pateant ;

ac ,

1528

*ac, si se occasio obtulerit, nullo negotio vel populorum erga nos propensione, vel minime munitis urbibus, vel copiis nostris ea insidentibus, in nostrum sinum casura sint; aut si spes aliqua pacis affulserit, equiores, ac honestiores conditiones habituri simus. Cur igitur ultro urbes illas reddendas vobis suadent, ex quibus bello, & pace tot commodi sunt futura? Neque vero minora Pontifex consequetur, qui si probe animadvertisset, prudentiumque virorum mentem exquisivisset, non ea de causa Sypontinum Archiepiscopum Venetias misisset; neque ita vehementer a Senatu illa sibi reddi petiisset, quæ non minus Reipublicæ damni, quam sibi detrimenti essent allatura; cum milite, pecunia, atque omnibus rebus destitutus sit, quæ ad illas tuendas maxime essent necessaria, ut statim receptæ in potestatem Hispanorum concessuræ videantur. Atque iis si semel potiti fuerint, quibus viribus, ac copiis expellentur? Undique Ecclesiæ ditiones ab hostibus vexantur, crudele, atque intolerandum imperium in populos exercent, urbibus præsidia imponunt. Quid interest, bis adjectis, an intra Romanæ arcis mœnia Pontificem detineant, an undique circumvallata illius ditio, Orbito includant? Hoc igitur Pontificia dignitas; hoc salus continetur? tot acta superioribus annis fuere, ut Reipublicæ impensis defensæ urbes, tutatæ provinciæ non Pontifici accedant, sed hosti cedant? Reipublicæ pietas, religio, vetera, ac recentia in Apostolicam Sedem merita, præmia Casareanorum sint? Quasi vero labores a vobis suscepti, copie terrestres, maritimæ classes ad sublevandam Pontificiam maiestatem instructæ non exiguo hoc præmio dignæ sint? Non occupatæ Venetorum armis Ravenna, ac Cervia fuere, vestrum imperium per suos Oratores urbes imploravit; populi expetiverunt; Clementis Nuntius postulavit. Quod si animos vestros cupido totius Flaminie potiundi occupasset, an dubium est, quin statim singulis oppidis, atque urbibus consentientibus, finibus Reipublicæ fuisset adjecta? Testes Forolivienses, qui ut in vestram clientelam reciperentur, obnixè rogarunt; testes Bretinorenses, qui aliquando vestris sub legibus florere; testes denique Ravennates ipsi, ac Cervienses, qui Pontificiorum Præfectorum pertæsi ad vos supplices confugerunt, ut in suas urbes Veneti magistratus mitterentur, flagitarunt. Sed*

vos

vos honestatem, ac iustitiam commodis vestris antetulistis, & illius provinciae ruinas vestrorum militum, & Ducum virtute, ac viribus fulsistis. Quod Flaminia, & Picenum stetere, id totum vestrum est; & nisi coeptis institerimus, si nostris praesidiis urbes nudabimus, ne omnia labantur, atque in praecipitum ruant, pertimescendum videtur. At quas urbes petimus, nisi illas, quae supra centum annos, nullo reclamante, universis assentientibus Principibus, vestri juris fuere, quae ab iis, qui tunc potiebantur; ex testamento Senatui relictæ fuere? Opitero Polentanus Ravennæ, Sigismundus Malatesta Cerviae heredem Rempublicam instituere; multa onera adjecere, quibus publico aere persolvendis hodie quoque obstricti estis: Ravennam antiquam, ac præclaram urbem muris, ac propugnaculis ingenti sumptu instruxistis. An hæc omnia a vobis omittenda sunt, ut populi desperatione adacti se Cæsareanis dedant; vel ab iis, qui inexplebili siti imperii augendi tenentur, miseranda servitute premantur? Qui singula hæc æqua lance aestimabunt, non dominandi libidinis, non injustitiæ arguent; sed prudentiam quamplurimarum rerum usu confirmatam laudibus prosequuntur. At Galliae, atque Angliæ Reges Senatusconsultum de non restituendis urbibus reprehendent; immo, ut ego existimo, si quibus ad id statuendum adducti estis rationibus, accurate perpendere vulerint, Reipublicæ factum probaturos non ambigo, atque aliquam rationem cum Clemente inituros, quæ ea, quæ per tot annos optimo jure possedistis, retinere possitis. Sin secus fiat, accisas omnes spes video, nullum vos ex tot sumptibus, Ducibus, copiis, quas in tuenda Flaminia absumpsistis, fructum percepturos; ac dum inane, & speciosum gloriole nomen aucupamini, veræ, & solide prudentiæ virtutem omnem amissuros. In magnis rebus sæpe cunctatione opus est; multa sæpe accidere solent, quæ difficillimis in rebus agendis maximo usui fuere; eventuum humanorum baud exiguam partem fortuna possidet; id vos tot bellorum varii exitus docuere. Extremum omnium illud est, despondere animum, atque ingruentium malorum timore præsentia bona deserere.

Hunc in modum verba habuisse Mocenicum fertur, qui cum referendæ ad Senatum sententiæ jus ex magistratu haberet, ita decernendum statuebat: Rempublicam, ut communibus

1528 *bus fœderatorum rebus consulere, rogatam Ravennæ, ac Cerviæ urbibus præsidia imposuisse; inde non modo Flaminiam; ac Picenum, sed Bononiam quoque, atque eam, quæ trans Apenninum est, Ecclesiæ ditionem servatam esse: modo si postulatis annuat, id summo cessurum omnium detrimento; cum præcipue oppida, atque arces Apostolica Sedis in Cesareanorum potestatem vel vi, vel deditione reductæ sint: quocirca de iis restituendis nihil certi Senatui statuere posse, ni melior fortuna Pontifici, ac fœderatis accedat. Quod vero ad Antistites nominandos spectat, petere Rempublicam, ne illi a Clemente ea denegentur, quæ reliquis Christianis Principibus concessa sunt, penes quos constat priscum hunc morem adhuc vivere: eo sæpius maximis incommodis, quæ ob Antistitum absentiam accidere solent, obviam itum; per multas successiones temporum apud Senatum nominandorum Antistitum jus fuisse, qui a Pontifice Maximo populorum pastores postularentur, æquitati consentaneum, neque sacris legibus adversum videri; deberi hoc Venetæ Reipublicæ, quæ imperii, ac religionis eadem fundamenta jecerit; pro illa tutanda, & servanda non tæbauris, non viribus, non vitæ civium pepercerit; labanti Apostolicæ Sedi opem tulerit; pro illius dignitate, atque auctoritate acerrime certaverit; & si quando, hac potissimum tempestate non exiguis argumentis patefecerit: sperare id, quod vehementer optat, a Pontifice consequuturam. In hanc sententiam Senatusconsultum Aloysius Mocenicus tulit. At reliquis Collegii Patribus satius visum est, si orator ad Clementem deligeretur, qui coram iis de rebus ageret: interea Pontifici de libertate, & incolumitate gratulatum; gratiæ actæ, quod amantissimis literis, Sypontinoque Archiepiscopo Venetias misso, propensam erga Rempublicam voluntatem patefecisset: eadem Senatus decreto Archiepiscopo significata, oratorque Gaspar Contarenus est declaratus.*

*Senatus  
Decretum de  
oratore ad  
Pontificem  
mittendo.*

*Gaspar Contarenus ad  
Pontificem  
orator.*

Et jam belli redintegrandi acriorum animorum obstinatione, ac majoribus viribus, prorsusque abjiciendæ pacis certiora signa videbantur: quamvis enim Insubrum provinciam Sfortiæ restitutum Cæsar haud inficiaretur, atque a pace cum Venetis, aliisque fœderatis minime se aversum ostenderet; attamen omnia inter illum, Galliæque regem adeo plena suspicio-

nis

nis erant, ut neuter alteri satis fideret; abnuente rege, ex Italia exercitum se reportaturum, ni prius filios in potestatem haberet: Contra Carolus prius copias amovendas fore; deinde filios traditurum se pollicebatur: utrique aiebant, obsides apud Anglum servandæ fidei se daturos. Verum cum nulla ratio rerum constituendarum iniri posset, omni spe pacis acta, cuncti foederatorum oratores, Galli nempe, Angli, Veneti, Florentini, ac Mediolanenses Cæsarem, qui tunc in Burgensi civitate erat, adeunt; abeundi licentiam petunt, bellumque foederatorum nomine Cæsari indicunt; quod cum hilari fronte excepisset, statim Gallos, Venetos, ac Florentinos oratores ad oppidum, quod triginta passuum millia ab ea urbe distat, duci jubet, armatorum militum, & sagittariorum custodia adhibita, omnique vel pertractandorum negotiorum, vel epistolarum conscribendarum facultate adempta: Mediolanensi, utpote qui illi subditus esset, ne suo injussu discederet, injunctum est: adversus Anglum nil actum. Istius facti nuntio vulgato, mirifice omnium foederatorum animi commoti sunt, Senatusque statim Franciscum Regem per oratorem hortatus est, ut jam nudatis, ac patefactis Cæsaris conatibus obfisteret, Angloque, ut in id ipsum contenderet, suadere niteretur: cum interea Lautrechius Bononia discedens, per Flaminiam, & Picenum iter in Neapolitanum regnum arripuisset, & iiij. idus februarii ad Truentum amnem, qui Ecclesiæ ditiones a Neapolitano regno disternat, pervenisset, præmissis Venetorum copiis, quarum pars altera Pisano legato, ac Valerio Ursino, altera Petro Pesareo oratori, & Camillo Ursino parebant: hæc ulterius progressæ Civitatulam occuparunt, mox Sulmonem, atque alia in finibus Pelignorum oppida, quæ sponte deditione facta, nostris sese adjungebant, inter quos summam virtutis, ac fortitudinis laudem Andreas Civranus patritio genere ortus tulit. Is quingentorum Epirotarum equitibus Præfectus impigre omnia munera militaria obeundo hostibus summum terrorem incusserat, quocumque se verteret, celeritate, ac robore belli fulmen videbatur; excursionibus adjacentium provinciarum populos adeo terruerat, ut nihil adversus nostros moliri auderent. Totius exercitus copię ad Divi Firmi oppidum lustratæ sunt: in eo triginta pe-

1528

*Oratores  
foederatorum  
abeundi vo-  
ntiam a Cæ-  
sare petunt,  
bellumque ei  
indicunt.*

*Oratores  
Galli, Vene-  
ti & Florenti-  
ni in cu-  
stodiam tra-  
diti.*

*Lautre-  
chius ad  
amnem  
Truentum.*

*Veneti Ci-  
vitatulam,  
& Sulmonem  
occupant.*

*Andreas Ci-  
vrani Epi-  
rotarum  
equitum præ-  
fecti virtute.*

ditum

1528 ditum millia recensita, præter cataphractos, ac leviores equites, & fere omnium rerum, quæ ad bellum gerendum necessaria forent, immensos apparatus. Quarum rerum fama Arau-  
*Araucan-  
 fi, & Vastius exerci-  
 tum Roma  
 educunt.*

tionensis Princeps, ac Vastius Marchio permoti Roma exerci-  
 tum eduxere, viginti aureorum millibus nuper a Clemente  
 persolutis, quibus reluctantium militum animos, neque facile  
 se avelli patientes, lenivere: quatuordecim millium numerum  
 fere æquabat; cum, ut dictum est, plurimos pestilentiae lues  
 absumpsisset; multi præda, ac direptionibus ditati exercitum  
 reliquissent.

Dum hæc a Lautrechio agerentur, Clemens, Senatus Veneti  
 de Flaminiae urbibus decreto audito, vehementer exarsit; ni-  
 prius Ravenna, ac Cervia a Venetis restituerentur, foederi  
*Vademon-  
 tius & Longha-  
 vallius a  
 Lautrechio  
 ad Pontifi-  
 cem missi.*

nunquam adhæsurum professus; idque in causa fuit, ut Va-  
 demontio, & Longhavallio, qui statim atque Orbitum per-  
 venisset, a Lautrechio ad illum missi fuerant, ut omni ope in  
 communem societatem asciscere niterentur, moras nectendo  
 cum nihil certi respondisset, tandem occasione arrepta Pisto-  
*Episcopus  
 Pistoriensis  
 Pontificis  
 Legatus ad  
 Gallum.*

riensem Episcopum ad Gallorum Regem oratorem mitteret,  
 ut consiliorum suorum rationes aperiret: non se alieno a fœ-  
 deratis animo esse; verum milite, pecunia, viribus destitutum,  
 nullo se adjumento amicis futurum; cum præcipue Ravennæ,  
 ac Cerviæ urbes a Veneto Senatu retinerentur, quæ nisi in  
 suam potestatem concessissent, nunquam consilia immutatu-  
 rum: eo tantum se communibus rebus opitulari posse, si au-  
 ctorem se pacis præberet: quapropter Regi se in mandatis  
 habere, diceret, ut quamprimum in Hispaniam profectus Cæ-  
 sarem gravissimis verbis ad pacem amplectendam hortaretur.  
 Rex veritus, ne diversa cum Cæsare consilia haberet, transi-  
 tu in Hispaniam prohibuit; Reges, ut Pontificis gratiam au-  
 cuparentur, per literas, atque oratores cum Senatu agebant,  
 ut Flaminiae urbes illi traderet. Gregorius Cafalius Henrici  
 nomine cum illius, atque Cardinalis Eboracensis literis ad Pa-  
 trum Collegium accessit, quibus ad dedendas urbes Senatum  
 hortabatur. Ea res non parum Patribus molesta fuit, orato-  
 rique Reipublicæ nomine in Anglia moranti mandatum est,  
 ut summam, quam ea ex re molestiam acceperat, Regi expo-  
 neret; malevolorum hominum ne sermonibus aures præberet,  
 qui

*Anglia Re-  
 gis, & Ebo-  
 racensis li-  
 tera a Ca-  
 falio ad Se-  
 natum alla-  
 ta.*

qui diffidia ferere, principumque animos disjungere nituntur, ut hac præsertim tempestate dissociatas fœderatorum mentes in communem perniciem accendant. Ad hæc rationes, quæ ad id Senatusconsultum coegerant, explicet; nihilque ob eam rem de summa in sanctissimam Sedem reverentia, atque observantia imminutum tectetur. Cum Turonensi Comite, quem nuper oratorem ad Clementem Gallus miserat, ut ad fœdus instaurandum suaderet, Pontifex idem conquestus est, se invito Ecclesiæ oppida Senatum retinere velle: adjecit statim, Ravenna, atque Cervia a Republica receptis; Mutina, ac Regio a Ferrariensi Duce sibi traditis, nulla mora interjecta, fœdus amplexurum. Id Turonensis Gallo, atque Anglo oratoribus significaverat, per eos hortatus, ut quæcumque in gravissima re Pontificem remorari possent, statim a Republica præciderentur. Senatus decreto responsum est; mirari tam perturbato rerum statu Pontificem, qui in unicum Italiæ libertatem, & dignitatem incumbere, atque, ut illam a Cæsareanorum insolenti dominandi libidine eriperet, enixe contendere deberet, modo totum in re, quæ nullum ad eventum summam momentum haberet, defixum esse; cum præsertim ad illum orator designatus fuisset, qui propediem de Reipublicæ negotiis cum illo esset acturus.

Inter hæc agenda, Cæsareanorum copiis in Neapolitanum regnum ingressis, de bello administrando diversis inter primores sententiis certabatur. Vastius recta adversus fœderatos proficisci, extremamque fortunæ aleam experiri suadebat; id vel majore militum numero, vel nondum omnibus nostrorum collectis copiis, haud difficile fore; cunctatione Cæsaris vires imminui, cum quotidie, ut varia, ac levia ingenia gentis sunt, quamplurimi ad Gallos deficerent; neque pecuniæ satis ad continendos sub signis milites suppeditaretur; prospere confecto prælio, omnia in suam potestatem oppida, quæ fœderatis accesserant, concessura: depulso a Neapolitanorum cervicibus bello, reliquias in Infubribus confectum iri. Nonnulli contra tutius arbitrabantur, si loco & situs natura munito, & commeatibus importandis idoneo, castra locarentur, atque observato quid hostes agerent, inde consilia caperentur; potiusque intra Neapolitanæ urbis mœnia se recipere, quam momento de amplissimi

*H. Mauroceni T. I.*

S

re-

1528

*Clementis cū  
Turonens  
Gallia ora-  
toris de Ve-  
netis con-  
queritur.*

*Cæsareano-  
rum Ducum  
de bello ad-  
ministrando  
diverse sen-  
tentia.*

1528 regni possessione decernerent : nam Neapoli, quod caput est, conservata, nihil reliquis pertimescendum esse ; cum praesertim Amalphitanum principem, ac Fabricium Maramaldum magna militum, & indigenarum copia, obviam, ut illos exciperet, profectum fuisse nunciaretur : bellorum eventus non a fortuna, ac temeritate, sed a prudentia, & consilio pendere ; summos imperatores quamminimum se incertis rerum successibus credidisse, eam demum ingentem victoriam ratos, qua, nullo militum, civiumque effuso sanguine, citra ullam jaeturam hostes superarent : foederatorum copias licet magna hominum opinione oppugnare Neapolitanum regnum adortas, non minoribus incommodis premi ; Gallorum impetus mora, ac tarditate restringi ; tot gentibus constatum exercitum, tot Principum stipendia merentem, qui non eodem animo bellum amplexi, non eodem spectant, difficillime in officio contineri : his itaque fieri posse, ut non inultorum dierum intervallo moles hæc, quæ nunc perniciem istius regni minari, ac portendere videtur, in se ipsam tandem collapsura sit. Hujus sententiæ suasor Alarco erat, cujus auctoritatem reliquis sequutis, per Capuanos fines Neapolim contendere decretum est, cum ad Trojam castrametati fuissent, opportuno ad conmeatus loco.

*Cæsareani  
se recipere  
Neapolim  
statuunt.  
Lautrechii  
de prælio  
commisso  
sententia.*

Lautrechius re audita, minime omittendam prælii conficiendi occasionem censuit, magna spe rerum præclare gerendarum permotus, cum jam Salassianæ copiae accessissent, ac propediem Venetorum, & Florentinorum adfuturæ essent ; equitatu hoste, ac bellicorum apparatus copia superior foret ; atque adeo Cæsareanorum militari licentia, pestiferae luis contagione fractas corporum vires, imminutos animos ita cerneret, ut prope robur, ac disciplinam militarem amisisse viderentur. Hostes de Lautrechii adventu certiores facti, Troja egressi, in editiori colle, qui planitiei imminet, castra locavere : instare Lautrechius, atque adversus hostes progredi, licet nondum Venetæ, ac Florentinæ copiae advenissent ; instruere exercitum ; provocare hostes ; multis tormentis explosis perterrefacere : illi intra vallum coacti, prælio abstinendum rati, atque loci eminentia tuti, equites nonnullos tantummodo, ac sclopetarios, ut levioribus certaminibus cum hoste confligerent, emisere. Galli propius ad castra hostium

ac-



accedeabant, ut tandem ex æquo adversus illos tormenta jacerere intra vallum possent: & quamvis major militum copia e castris emissa fuisset, prohibere Lautrechium, quin collem occuparet, minime potuere. Itaque recepere se hostes, atque alio loco ex adversa parte Luceriam versus castra circumdudere. Verum cum Horatius Balconius cum selectis Florentinorum militibus supervenisset, statimque Pisanum legatum, & Camillum Urfinum cum Venetis adfuturos ferretur, Cæsareani recta Neapolim contendere, atque in mœnibus amplissimæ urbis omnem spem belli reponere statuere. Germanorumque ac militum præsidio ad decem millium numerum urbem firmarunt; summa diligentia, ac celeritate undique convehi frumenta, & ceterarum rerum, quæ ad victum opportuna, ac necessaria forent, copiam edixere. Cum Lautrechius justo prælio cum hoste certare, ut maxime concupiverat, minime potuisset, undequeque adjacentia oppida, atque urbes in suam potestatem, vel vi, vel deditione redigere, antequam Neapolim oppugnandam aggrederetur, decrevit. Petrum Navarrum cum Vasconibus, & Horatium Balconium cum Florentinorum copiis, quas cohortes nigras vocant, ad Amalphim invadendam, quo Princeps valido militum præsidio se receperat, misit; qui, acri prælio oppugnata urbe, per vim potiti, direptione, & ruina fœdare. Pisanus legatus cum Camillo Urfino, duobus peditum millibus, Asculana urbe occupata, Tranium, Molam, Pulinianum, Monopolim populorum deditione recepere; cum in eorum animis Veneti nominis memoria adhuc infixæ esset. Eadem fortuna Barulo, atque aliis Apuliæ urbibus Lautrechius est potitus, ut nihil Cæsareanis in Apulia præter Manfredoniam superesset, cunctique illius provinciae proventus in Lautrechii potestatem concesserint: Venetorumque copiis ad eam oppugnandam relictis, adjectisque duobus peditum millibus, centum cataphractis, ducentis levioribus equitibus, quibus ea regio tueri posset, ipse cum reliquo exercitu Neapolim contendit; quacumque progrediretur, oppidorum, atque urbium civibus erga Gallorum gentem propensis, sponte illius imperium amplectentibus. Cumque jam oblidione premere, atque oppugnare urbem decrevisset, mille ab ea passus castra locavit, tentorio suo majori militum robore, lo-

*Cæsareani  
Neapolim  
ingredi sta-  
nuunt.*

*Lautrechii  
progressus.*

*Amalphim a  
Navarro &  
Balconio  
capta & di-  
repta.*

*Apulia Ur-  
bes a Vene-  
tis Ducibus  
occupata.  
Lautrechii  
progressus.*

*Lautre-  
chius Nea-  
polim cum  
exercitu  
prospicitur.*

1528 co natura munito, atque ad obfessos quamplurimis incommodis afficiendos opportuno (*Collem regalem* vocant) posito.

*Venetæ triremes ad Apuliam oras.*

*Petrus Lædus in Cretam contendit ad agrestium tumultum componendum.*

*Hermolaus Maurocenus, & Camillus Ursinus Mäfredoniam obsident.*

*Andrea Civanani obitus.*

*Brundisium a fœderatis occupatum.*

*Bernardo Sagredo Brundisii arcis oppugnatione committitur. Triremes a Lautrechio Neapolim revocatae.*

Interea cum classe Veneta Corcyra reparata, quæ sexdecim triremibus constabat, legatus in Apuliam pervenerat: nam Petrus Lando imperator, ut agrestium nonnullorum tumultus, qui Cydone in Creta insula excitati fuerant, compesceret, eo navigare coactus fuerat. Legatus totam Apuliam oram legere; confirmare populos; spe mitioris Reipublicæ imperii allicere; ad deditionem sollicitare: cum adhuc Hydruntum, ac Brundisium, quæ Venetis paruerant, minime ad nostros accessissent. Manfredoniam urbem Hermolaus Maurocenus sinus Adriatici Præfectus cum nonnullis triremibus mari, Camillus Ursinus terra oppugnare ingenti conatu adoriuntur; obsidione cingunt; Ranutio Farnesio cum ducentis equitibus, Hieronymo Cremona cum totidem peditibus mœnibus egressis, ut nostros inopinatos offenderent, Andreas Civranus Epirotarum equitum Præfectus, pugnae impetu excepto, egregie cum hoste congressus tandem fudit, atque intra mœnia non sine multorum cæde, & captivitate compulsi: quod supremum illius facinus fuit; nam postea morbo correptus summo omnium dolore ob militarem scientiam, ac fortitudinem, quam liberalitas, & magnanimitas comitabantur, excessit. Brundisium nuper in nostrorum potestatem venerat; arcem Cæsareani valido militum præsidio tuebantur, quam legatus quater tormentis instituerat, illiusque rei curam omnem Bernardo Sagredo trierarcho, juveni impigro, ac solerti mandaverat; qui cum, excensione maritimarum copiarum facta, aditum in eam non sine magna illius potiundi spe moliretur; Lautrechii jussu cunctis triremibus Neapolim versus revocatis, victoria, quam jam præmanibus habebat, repente intercepta est. Cæsareani cum celerissimo victoriae cursu tot oppida vel vi, vel deditione capta in hostium potestate esse cernerent, id unum sibi superesse animadvertabant, si totius regni caput servaretur. Onus itaque conatu præsidii militum Neapolim firmare; frumentum, ac victui necessaria convèhere; quæque ad amplissimam urbem incolarum ingenti numero refectam tuendam sufficerent, comparare; ad vigintiquinque millia frumenti sextarium e Sicilia Hispanis

spanis navibus adveſta fuerant; præterea mille pedites adven-  
nerant. Lautrechius cum terra undique urbem circumſediſſet,  
ut mari intercluderetur, obnixè nitebatur, Philippinoque Au-  
riæ mandaverat, ut octo, quæ illi parebant, triremibus, ne  
qua in civitatem annona importaretur, ſæpius excurrendo,  
maria infeſta redderet. Verum non is erat numerus, qui ad  
rem perficiendam, vel ad impetum hoſtium ſuſtinendum, ſi  
inſtructis navigiis portu exirent, par eſſet; continuo Venetos  
Duces urgebat, ut quamprimum Neapolim ſe conferrent, ut  
junctis viribus, hoſtes ad omnium penuriam redigerent.

Is erat rerum Italicarum ſtatus, cum in Gallia, Anglia,  
atque Hiſpania undique belli clafficum perſonaret; in primis  
id ſummopere optante Franciſco Gallorum Rege, ut commu-  
nibus cum Anglo viribus, quemadmodum ſœdere cautum  
erat, in Belgium impetus fieret; cujus potiundæ provinciæ cu-  
pido mirum in modum animum inceſſerat. Itaque prædas age-  
re, excurre in Belgii fines ſuos juſſerat, id initium belli ſo-  
re ratus. Belgæ ſua tantummodo tutari, avertere hoſtium im-  
petum juſſi, intra ſuos ſe fines continebant; cum Cæſaris ſo-  
per Margarita, quæ iis ditionibus præerat, bellum cum Gallo  
perhorreſceret. Henricus quoque ſe eo implicari bello mole-  
ſte ferebat, quod negotia, quæ inter Anglos, ac Belgas, qui  
utrinque ſæpe commeant, & exerceri ſolent, non exiguo ſui  
regni detrimento abrumpi cerneret; licet illi oppida quædam  
ex ſœdere cum Gallo contingerent: quocirca varias morarum  
cauſas neſcendo tempus diſſerre; nil hoſtile moliri; ita ut  
Gallus, illius voluntate perſpecta, conſilium de invadendo  
Belgio immutaret, maritimisque amborum claffibus Hiſpanias  
aggrediendi conſilium aperiret. Quapropter cum Henricus Ba-  
tovienſem Epiſcopum in Galliam miſiſſet, qui Regi ſuaderet,  
ut auctis viribus, ac copiis, cuncti conatus in Italicam exp-  
ditionem, reliquis prætermiſſis, intenderentur, nil de pace in-  
ter Belgas, Gallos, atque Anglos immutatum eſt; cum præ-  
fertim illud conſilium, Lautrechio Neapolim oppugnante, pla-  
ceret; neque a Veneto Senatu improbareretur, qui confici bel-  
lum Italicum ſummopere cupiebat; ac ne Reges alio intenti  
ſtudium quo in illud incubuerant, aliqua ex parte remitte-  
rent, pertimeſcebat. Nam Cæſar, ut rebus ſuis in Italia laben-

*Franciſcus  
Gallia Reu  
Anglos con-  
tra Belgas  
incendit.*

*Gallorum  
incurſiones  
in Belgas.  
Margarita  
Cæſaris ſo-  
per Belgis  
Præſet.*

*Batovienſis  
Epiſcopus  
ab Anglia  
rege in Gal-  
liam miſ-  
ſus.*

1528

tibus opem ferret, ac foederatorum vires a Neapolitana expeditione auerteret, mittere in Italiam Henricum Ducem Brunsvicensis decreverat, ut, cum Antonio Leva conjunctis copiis, distineret hostes, atque in Gallia Cisalpina impetum faceret.

*Rumor de Germanicis apparatibus.*

*Venetorum militum delectus.*

*Veneti stipendia militibus augent.*

*Præfili militum a Senatu delecti.*

*Veneti pecuniam in Helvetios mittunt ad milites conscribendos.*

Ea re summopere Senatus Venetus commovebatur, quod omni conatu suos fines Cæsareanos aggressuros cerneret, quotidieque perferretur, Oeniponte decem millium militum delectum haberi; Tridenti frumenta comparari; bellica tormenta, atque omnia, quæ ad oppugnandas urbes spectant, cogi; Fiesæ, quæ trium dierum spatio ab Oeniponte distat, decem Suevorum millia expectari; ad hæc mille ac quingentos equites: quocirca nihil prætermittendum Patres ducebant, ut hostium impetum sustinere, urbes, atque agros ab illorum injuriis tueri possent. Primum duodecim millium peditum delectum haberi jussere; & quoniam assiduos bellorum motus, quibus Italia agitabatur, rerum omnium, & præcipue annonæ caritas subsequuta erat; neque milites stipendio, quod quibusque triginta sex diebus persolvebatur, quæ illis necessaria forent, comparare poterant, Senatus decreto ad tres nummos aureos publica pecunia aucta, singulis centenis militibus honoraria quindecim adjuncta stipendiorum summæ, quæ fortioribus, atque præstantioribus militibus impertirentur. Plurimi præterea delecti a Senatu ductores, ac militum Præfecti, quibus, ut celerrime milites deligerent, injunctum; in his Antonius Ripa, cui, ut quadringentos pedites Transpadanos cogeret, mandatum est: Hector Manfredus Faventinus, ut totidem ex Lamonii valle colligeret: Bellus Bellus Foroliviensis trecentos; Hieronymus Patavinus centum conflaret, atque cum iis ad lacum Benacum custodiendum proficisceretur: Comes Hieronymus Giacius ducentos seligeret; Sicardo Rhætorum Præfecto, ut trecentos illius gentis pedites per tres menses ære publico pugnatuuros, in Cisalpinam Galliam duceret; quatuor præterea Helvetiorum millia, missa in eas regiones pecunia, evocandos censuit; Oratorique apud Gallorum Regem jussu est, ut statim illum adiret, ac de hostium apparatu certiore faceret, atque obnixè hortaretur, ut tria Germanorum peditum millia transgredi Alpes juberet, totidemque Reipublicæ sumptibus adjicerentur, atque

acrius

acrius rebus urgentibus, cum summam auctoritatem apud Helvetiam gentem habeat, ut tria millia, si opus fuerit, Venetorum ære militaturos, ab ea Republica mittantur, agat: in Græciam præterea, & Dalmatiam missi, qui leviorum equitum magnum numerum in Italiam adveherent. E Piceno Urbinas Venetarum copiarum Imperator in Galliam Cispalinam venire iussus, ut statim arces, atque urbes inviseret; præfidiis firmaret; & quæcumque ad Venetam ditionem servandam necessaria forent, sedulo perficeret. Patriciæ quoque gentis a Senatu, ut præcipuarum urbium custodiæ præessent, designati sunt; octo Veronam missi, Zacharias Aurius, Philippus Cornelius, Alexander Donatus, Ambrosius Contarenus, Hermolaus Barbarus, Augustinus Canalius, Laurentius Sanutus, Joseph Badiarius; singulis vigintiquinque milites attributi, quibus, & portas, & plateam, atque alia loca tuerentur. Petrus Sagredus, ac Hieronymus Diedus, ambo a prima juvenia terrestri militiæ assueti, qui magna apud cives virtutis opinione florebant, alter Patavium cum centum & quinquaginta peditibus; Tarsisum alter cum toridem destinati sunt. Missus præterea in Galliam Andreas Rubeus, ut Regem de præsentis rerum statu moneret, atque ad Italicam expeditionem accenderet; ut Germani quamcellerrime progredierentur, Helvetiorum militum delectus haberetur, pecunia a Rege submitteretur, omni studio laboraret. A Florentinis quoque, ut Galliæ Cispalinæ, quibuscumque rebus possent, suppetias ferrent, petitum; in qua si hostibus obsisteretur, Neapolitanum bellum prospere confectum iri, eorumque Rempublicam nullis hostium incursibus obijciendam fore.

Nunciis de Cispalinæ Galliæ discrimine ad Regem perlatis, cum magnum Reipublicæ, haud exiguum cunctis fœderatis certamen imminere existimaret, paulo attentius, qua ratione propelli hostes possent, disquiri cœptum; cum vereretur, ne Lautrechio Neapolim obsidenti, conjunctis copiis, victoriam et manibus eriperent; aut, nisi validioribus præfidiis Galliæ Cispalina firmaretur, a Neapolitana expeditione nostri averterentur. Itaque statim decem Germanorum peditum millia, quo numero continebantur illi quos pridem Respublica petierat; duo præterea Gallorum millia, quingentos cataphractos hastatos equites

*Græcorum  
& Dalmatarum equi-  
tæ delectus  
a Senatu  
habiti.*

*Urbinas in  
Cispalinam  
Galliam vo-  
catur.*

*Patriciis  
Veneti ad  
custodiam  
urbium mis-  
si.*

*Andreas  
Rubeus in  
Galliam  
proficisci-  
tur.*

*Veneti a  
Florentinis  
subsidia po-  
stulant.*

1528

*Franciscus  
Gallorum  
Rex Fran-  
ciscum Bor-  
bonium in  
Italiâ mis-  
sere decer-  
nit.*

*Brunsvi-  
ci Dux ad  
Inclusam,  
Bellum in  
Venetis de-  
nunciat.*

*Brunsvi-  
ci Pifebe-  
riam, &  
Rivoltam  
occupat.*

*Hieronymi  
Canalis  
virtus.*

in Italiam mittere decrevit. Franciscum Sancti Pauli Comitem; Borbonia gente clarum, ac propriis virtutibus magnum apud omnes nomen adeptum, exercitus imperatorem declaravit. Verum Brunsvicensis Tridento movens per Agriensem vallem usque ad Veronensem fines pervenerat, statimque ad Inclusam locum nuncium cum literis miserat, qui exercitui copiam transfundi postulavit, & a nostris Veronam, deinde Venetias est missus: is cum bellum Ducis nomine Reipublicae denunciasset, statim absque responso est dimissus. Hostes Inclusam, atque Crociaram transgressi, ad Athesim fluvium pervenire, agrumque Veronensem ingressi direptionibus, incendiis vastavere; Pifeheriam, Rivoltam, & alia nonnulla Benaci lacus oppida deditione accepere: hisque prosperis rerum eventibus elati castra se ad aliquam ex Reipublicae urbibus oppugnandam admoturos praeferebant. Constabat Brunsvicensis exercitus duodecim circiter Germanorum millibus, annona, tormentis, ceterisque militaribus rebus instructus, ut diu sub signis tuto contineri posse videretur. Verum Galli fama magis, quam re ipsa praesentibus rebus opem ferebant; cum hostis jam in Reipublicae finibus adesset, ac brevi sua consilia, & conatus explicaturus esset. In Urbinate omnis rerum summa sita erat: is cum aliquantisper Veronae, hostium itinera accurate observando, moratus esset; mox Brixiam profectus, validiorique praesidio urbe firmata, inde Bergomum, cujus oppugnandi consilia agitare hostes certum erat, se contulit; ac praeter milites magnam agrestium copiam, qui in vicinis convallibus degunt, fidelissimique semper Veneto nomini fuere, in civitatem induxit; illam agere, ac vallo cinxit, brevique ad hostium imperus excipiendo instruxit: atque ut eos distineret, itineraque moraretur ab oppidanis aut de facienda deditione, aut de pecuniae multis persolvendis agi jubebat, ut interim praecipuas Venetorum urbes muniret, ac firmaret; cum interea leviores equites, qui in praesidiis illarum erant, improvise exeuntes assiduis incurtionibus Germanos sollicitarent, neque parvis molestiis, commeatuum aversione, atque aliis incommodis afficerent. Eluxit inter hos Hieronymi Canalis virtus, ac fortitudo, qui cum quingentis Epirotarum equitibus, quos nuper e Dalmatia deduxerat, multa, eaque egregia facinora edidit.

Ve-

Verum Brunsvicensi votis minime successus pares fuere; nam vel commeatum inopia, qui a nostris interciperentur, vel haud iusto copiarum numero, qui ad oppugnandas urbes mœnium circuitu, militum custodia ad quoscumque hostium impetus excipiendos satis validas, necessarius fuisset, spe dejectus alio consilia vertere coactus fuit, nullaque in re, nisi vastationibus, incendiis susceptam expeditionem posterorum memoriæ commendavit. Nam Mintio trajecto, per Brixianum, ac Bergomatem agrum, ponte ad Trevium ab Antonio Leva strato, trans Abduam amnem exercitum duxit, ubi ab illo exceptus simul ad Laudem obsidendam copias admovere: cum prius Infubrum Dux de hostium adventu a Gabriele Venerio certior factus, Brixiam profectus esset. Veneti milites, qui Laude erant, ac Joanni Paulo Sfortiæ notho fratri Ducis parebant, fortiter urbem tutari, cum irruentes hostes sæpius non sine ingenti cæde repulissent, tandem per vim illius potiundæ spem deferere cogere, ita ut obsidione pressam, fame domitum iri arbitrarentur; nondum enim collectis frugibus, ingens annonæ caritas civitatem oppræsserat. Verum cum pestifera lues inter Germanos grassari, cunctarumque rerum inopia laborare exercitus cœpisset, quamplures per Helvetios, ac Rhætos in patriam se subducebant; denuoque urbem aggredi Ducibus statuentibus, tumultu oborto, mille Comum versus iter arripuere; reliqui tormenta a Laude amovere, duobusque tantum Germanorum millibus exceptis, ceteri Como in Germaniam profecti sunt. Dux Brunsvicensis cum nihil momenti in Gallia Cisalpina gessisset; neque alicui adjumento Cæsareanis, qui in Neapolitano regno erant, fuisset; palantes milites, pecuniam absumptam, spes omnes accisas cerneret, per lacum Comensem, trajectis Alpibus, unde exierat, in Germaniam se contulit. Illum in itinere Calatiæ Comes, ac Mercurius Bua Bergamo excentes insequuti, extremam agminis partem aggressi, haud exiguum detrimentum intulere; cum interea quam plures Germani, qui castra deseruerant, ab incolis exuri, & contrucidati fuissent.

1528

*Brunsvicensis ab Antonio Leva exceptus ad Laudem obsidendam profectus. Franciscus Sfortia Brixiam se confert.*

*Joannes Paulus Sfortia Laudem tuetur.*

*Brunsvicensis in Germaniam progreditur.*

Germanorum expeditionis hic finis fuit, quo plurimum eorum, qui pro tuendo Neapolitano regno laborabant, atque illorum in primis, qui Neapoli obsidione premebantur, animis

1528 mis terroris injectum est; cum nullum terra aliunde sibi subsidium parari optime nossent; Puteolisque, atque aliis circum-adjacentibus oppidis in Lautrechii potestatem redactis, nil prorsus annonæ in urbem importaretur; Philippinusque Auria cum octo Genuensium triremibus infesta maria redderet, ac sæpius commeatus, qui navigiis invehebantur, interciperet, brevique Veneta classis adfutura esset; inde circumseptos undequaque mari, terraque fame ad deditionem compulsum iri. Imminentium itaque periculorum molem animo versantes, antevertere hostem, atque ante adventum Venetæ classis confingere cum Auria decreverunt. Quamobrem Ugo Moncata, Prorex Neapolitanus, præter sex triremes, biremes quatuor, duas celoces ad prælium instrui jussit, hisque aggredi Auriæ triremes parat, vel militum virtute, ac robore, vel navigiorum numero, quo superior erat, victoriam se adepturum ratus; qua spe multi ex proceribus inflati, veluti certam manu victoriam tenentes, triremes conscendere: in primis Moncata, deinde Vastius Marchio, Princeps Salernitanus, Ascanius Columna, Joannes Gevara, atque alii, quos prælii spectandi haud incuriosa voluptas ceperat. Universæ classi præerat Sanctacrucius cum nongentis tormentariis militibus. Portu itaque provecti, prandio primum ad Capreas, insulam, hilariter sumpto, instructa acie ad hostem invadendum profecti sunt, qui cum suis triremibus in Amalphi litore prope promontorium, quod Urfum vocant, detinebatur. Auria neque inopinato hostium adventu motus, quippe qui jam ab exploratoribus omnia noverat, neque impetu perterritus, maritimarum rerum experientia, atque usu excellens, prælium minime detrectare, sed strenue hostes excipere statuit. Ipse cum quinque triremibus ultro adversus hostes progressus Lomellinum admonuit, ut, tribus aliis triremibus longe in altum specie fugæ deductis, dum cum hoste confingeret, inardescente pugna, a latere, ac tergo omni conatu invaderet. Consilio vel virtus, vel fortuna favit; nam Philippinus obviam hostibus factus, ingentique tormento, quod *Basiliscum* vocant, e sua triremi discolo, Moncatæ triremis percussa est, ac momento quadraginta milites, in quibus triremis Præfectus, absumpti sunt: reliquis deinde minoribus tormentis excussis, ingentem

stra-

*Sanctacrucius Hispanica classis imperator Philippini Auriæ aggreditur.*



stragem edidit. Contra vero ab hostium tormentis Præfectus Aurizæ interfectus, navarchus vulneratus; cumque propius accessissent, sclopettis, atque aliis armis res agebatur, Genuensibus hostium ictus celeritate, ac dexteritate eludentibus. Dum acerrime utrinque pugnatur, tres, quæ cum Lomellino erant, triremes supervenere, impressioneque facta, victoria Aurizæ aspirare cœpit: nam Moncata vulneribus confossus, lapidibus, atque ignibus, qui e malis triremium jaciebantur, obrutus, dimicans occubuit. Quatuor triremes hostium demersæ, biremes captæ, duæ tantum, victoriam penes hostem esse, cum animadverterent, vix fuga saluti consulere. Vastius Marchio, atque Ascanius Columna, Princeps Salernitanus, Sanctacruccius, Camillus Columna, atque alii nobilitate, & virtute clari in potestatem Aurizæ venire: occisorum numerus supra milie fuit, quamvis non sine Gallorum clade.

Devictis maritimo prælio hostibus, Lautrechius spe Neapoli potiundi erectus, certum victoriæ appropinquantis fructum prope tenere videbatur, atque eo magis, quod Petrus Landus Venetæ classis imperator cum viginti triremium numero supervenerat; qui prius in Apuliam profectus, cum in Massensem sinum se recepisset, omnia oppida, quæ ex foedere Venetis contigerant, adeptus fuerat, nempe Tranium, Molam, Polinianum, Monopolim, Iapigium, atque Brundisium, cujus urbis tantum arces a Cæsareanis tenebantur; Augustinoque Amulio Legato totius oræ, atque urbium custodiam mandaverat. Ipse Neapolitana litora legens, sex triremibus Gajetæ, totidem Cumis ad propugnandam oram positis, cum reliquis maria urbi proxima præterlabens, adeo clauserat, ut nil comearuum ad hostes importari posset; atque iis, qui ad animalia abigenda nonnunquam exire consueverant, itinera adeo intercluserat, ut ceteris aditibus vel ablatis, vel aquarum illuvie præpeditis, cum aliquantisper excurrere loca mari proxima coacti essent, tormentorum, quæ ex triremibus Venetis displodebantur, metu intra moenia se continerent. Molas quoque nonnullas frumentarias occupavere, quibus ad molenda frumenta Cæsareani utebantur, ut iis ademptis, cum facultas ex tritico farinas conficiendi non adesset, coquere illa, atque militibus distribuere cogerentur. Laboranti vero multarum rerum

1528

*Federatorum  
contra Hi-  
spanos vi-  
ctoria.  
Ugonis Mò-  
cata obitus.*

*Cæsareani  
Ducei a fa-  
deratis ca-  
pti.*

*Petri Lan-  
di ad Nea-  
polim adven-  
tus.*

*Hispanorum  
inopia.*

1528 rum inopia Lautrechii exercitui subveniebatur, omnia ea, quæ ad victum necessaria essent, Venetorum classe suppeditante. Cum vero Barbesium cum pecunia in stipendia militum eroganda e Gallia missum fuisse hostibus allatum esset, Ferdinandus Gonzaga cum turma equitum, & sclopettariorum manu urbe egressus est, si quamecelerrime illos invaderet, antequam subsidia a Lautrechio mitti possent, ratus pecuniam se crepturum. Venetus Imperator, militibus e triremibus in terram expositis, Gallisque sociatis, strenue hostium impetum sustinuit, donec Valerio Ursino, Ugoneque Pepulo supervenientibus, quorum alter Venetos, alter Florentinos ducabat, hostes repulsi sunt; licet Ugo nimium fugientes insequutus captus a Cæsareanis fuerit. His fiebat, ut foederatorum confirmatis animis, hostibus maximis rerum angustiis oppressis, spes tandem feliciores eventuum objiceretur; ac nil magis victoriæ cursum remorari, quam illorum in omnem eventum durata constantia videretur. Commeatuum invehendorum ingens inopia, ac difficultas; pestifera lues in vulgus, & milites grassabatur; Germanorum nutans disciplina, quorum sæpe nonnulli ad Gallos transibant: neque alia re magis quam Principis Arausionensis, qui, Ugone Moncata defuncto, Proregis munus susceperat, auctoritate, & gratia continebantur.

Verum quod ingenti sumptu, summo labore, ac studio copiarum maritimarum, & terrestrium ad Neapolim expugnandam comparatum fuerat, nullis hostium vel fractum, vel debilitatum viribus, sensim sua sponte consensescere, ac labare, & veluti quodam fato concidere, ac ruere cœpit: gravissimis, & lethalibus morbis exercitum invadentibus, qui ex uliginosis locis multarum aquarum copia obsitis, paulatim ortum duxerant, & ingravescente autumno incrementa susceperant. Inde neque opera ad civitatem oppugnandam perfici, miles tæbe confectus segnius munera obire; inde difficultas annonæ sensim invadere; ægritudinibus, atque interitu cuncta impleri, ut non tantum ad infimos, atque gregarios milites, sed etiam ad insigniores, Ducesque ipsos ea labes pertingeret. His rebus Lautrechius mirum in modum angebatur, quocumque se verteret, quidquid decrevisset, horridæ, atque funestæ rerum facies ante oculos observabantur. Pergeretne ob-

fir-

*Cæsareanorum consilia in Neapoli tuenda.*

*Morbi lethales in foederatorum exercitu.*

firmato animo in urbe obsidenda? internecio pene totius exercitus, innumera incommoda, ac pericula, quibus tot objectare milites, & duces ad desperatum prope rei eventum necesse erat, remorabantur. Laxaretne obsidionem, atque copias subduceret? victoriam, qua paulo ante illius animus exultabat, perpetuo dedecore hostibus relinquere sibi videbatur, collectamque tot laboribus gloriam sua sponte corrumpere. Omnium fere ducum ea erat sententia, ut, per proxima oppida militibus distributis, ægrotos reficeret, ac morbi sævitiam, qui contactu in dies majores sumebat vires, quoad fieri posset, lenire niteretur. E licet tot undique circumstantium malorum vi nullus fere locus aliter consulendi esset: attamen Lautrechius præclaram sibi elabi rerum agendarum gloriam minime pati poterat. Remissa quippe oppugnatione, copiisque remotis ab urbe, noverat hostes, qui equitatu pollebant, non amplius moenibus se coerceri passos, aditum sibi ad suas copias, qua possent, invadendas facturos: semel amoto exercitu, propinqua hyeme haud facile amplissimam urbem denuo arcta circumcingi obsidione posse. Solicitabant animum nuncii, quibus quæ in reliquis regni provinciis prospera acciderant, perferebantur; Simeonem Romanum, quem in Brutios miserat, deditione omnem fere regionem Gallorum nomini mirifice addictam in potestatem recepisse; oppida, & Apuliæ portus Venetis accessisse; Aprutianos Gallis parere; prope Hispanam gentem Neapolitano regno cjectam: tot, ac tanta victorum præmia, tot labores uno hoc facto aut delendos, aut perficiendos esse; cum primum omnia huc consilia, atque conatus versi fuerint, ut Neapoli expugnata, bellis, atque ærumnis finis tandem imponeretur. Attamen tutiora consilia incertis forsitan, ac dubiis antelata essent, nisi Lautrechii mens, vel fatum obtitisset: nam ille natura nimium sibi arrogans, neque audire, neque aliorum opinionem sequi assuetus, quæve semel probasset, ægre improbare solitus, nullis aut suasionibus, aut rationibus ad amovenda castra impelli potuit, licet quotidianis funeribus exercitus absumeretur, cum Pontificis Nuntius, Aloysius Pisanus legatus, ac Petrus Pefareus obiissent, & plerique exitalibus correpti morbis Cajetam, atque ad vici-

*Simeonis  
Romani in  
Brutios pro-  
gressus.*

*Lautrechii  
in castris  
non amovendi  
dissertina-  
cia.*

*Aloysii Pi-  
sani, & Pe-  
tri Pefarei  
obitus.*

1528 vicina oppida, ut deferrentur, curarent; atque haud pauci signa deserere cogerentur.

*Andreas Auria a Gallis alienatus.*

His, veluti cumulus, accessit, quod Andreas Auria Gallorum pertæsus ad Cæsaris partes transiverat; cujus consilii quamquam non exigua argumenta antea præstulerat; Gallis tamen vel neglecta, vel levioribus, quam oportuerat, remediis tentata fuerant. Nam Auria cum minora suis virtutibus, ac pro Gallorum Rege gestis rebus, præmia ferre sibi videretur, pollicitationibus, divitiarumque, & honorum spe a Carolo illectus, avertere animum a Gallis coeperat, magnam sibi injuriam inferri arbitratus, quod in maritimi imperatoris dignitate, *Admirallum* Galli vocant, Barbefius illi antelatus fuisset; quod viginti aureorum millia in annum stipendium ad classem instruendam tributa minime persolverentur; sibi-que obnixè sæpius a Rege petenti, ut quod jus Genuenses in Savona civitate habebant, patriæ restitueretur, id pernegatum fuisset. His, atque aliis agiturus stimulis flectere animum ad Cæsareanos coepit, altiore forsitan consilio, ut, Genua libertati restituta, ingens sibi ob pietatem in patriam nomen apud cunctos mortales compararet, suæque dignitatis fastigium firmioribus fundamentis innixum confirmaret, ac stabiliret. Hæc per Valtium Marchionem cum Cæsare agebat, immemor inveterati in Hispanos odii, quod ob direptam, ac vastatam superioribus annis patriam altæ repositum menti retinuerat. Quæ sane omnia non ita contegi poterant, quin aliquis futuræ defectionis index appareret; & Pontifex, ad quem Auria cogitationes nuntiatae fuerant, Gallo significaverat, cum Auria mitius agendum esse, nihilque prætermittendum, quod ad hominem in fide erga socios retinendum spectaret, ne suam auctoritatem, qua plurimum apud Genuenses pollebat, atque haud exiguas vires ad hostes transferret. Rex, qui nihil hujusmodi verebatur, primum contemnere; mox malo remedia adhibere conatus, cum vires invaluissent, nequivit: Pontificemque hortabatur, ut Auriam ad majora spirantem Ecclesiastico stipendio, ac dignitate in suam militiam adscitum decoreret. Ille hanc in rem se propensum agebat; verum, ne quid, quod Cæsari molestum esset, efficeret, voluntati vires deesse affirmando, moras necessebat. At ne quid Rex prætermitt-

*Clementis Auria translationes Gallis significat.*

mitteret, Petrum Franciscum Nuceriam ad Auriam misit, ut denuo regio stipendio cum Savona oblato, viginti aureorum millibus, quæ jam meruerat, solvendis, totidem pro lytro Arausionensis Principis, quem dum captivum teneret, Rex Madriti, inita cum Carolo pace, libertate donaverat, permulceret. Sed inclinatum jam Auria, ac prope devinctum Cæsareanis animum, flectere, ac dimovere non potuit. Itaque tandem his ad Cæsarem conditionibus accessit; ut *primum, omnibus, quæ adversus Hispanum nomen gesserat, oblivione deletis, duodecim triremibus Cæsari militaret; sexaginta aureorum millia in singulos annos persolverentur; Genua sub Caroli patrocinio libertate frueretur, Savonæque civitas eidem subiceretur.*

Ex hac Andreae Auria ad Cæsarem transitione quamplurima foederatis, eaque gravia accidere, Neapolisque obtinendæ penne spes omnis succisa fuit. Nam Philippinus Auria cum suis triremibus discedens, Venetos ad intermittenda vinearum opera, in quæ remigum turmæ sedulo incumbabant, coegerat, ut maritimæ custodiæ operam navarent; Barbefiusque maris præfectus, qui cum sexdecim trirenibus e Massiliensi portu solverat, Savonæ tempus terebat, duobus fere peditum millibus, quibus subveniendum Lautrechio erat, ad Genuam in hoc rerum discrimine tutandam missis. Et licet Neapolitani regni proceres, qui Gallis favebant, Gravinæ nempe, & Castri Duces, ut Lautrechio suppetias ferrent, delectu militum habito, augere illius copias niterentur, parum adjumenti ad belli exitum asferre poterant. Cunctis rebus in pejus quotidie ruentibus; cum, neque subsidia e Gallia advenirent, nec militum delectus, qui in Neapolitano regno habebantur, tanti essent, ut instaurando exercitui, ac muneribus militaribus obeundis sufficerent; in castris omnium rerum egestas, hostium equitatu quæ importabantur sæpius avertente; aqua laborari cœptum, aquæductibus ab hoste fractis; inde tot malorum cumulus ingruerat, ut passim militum cohortes contage, ac labe morbi tabescerent; restinctus militum vigor; torpor obortus; generosus mentis impetus socordia, & abiectione corruptus, vix sustinere arma, quibus teegerent, vel hostem oppugnarent: immo nonnunquam illis abjectis, disciplinam,

1528

*Petrus Fr̃. ciscus Regis Gallia mādato nītur in ejus stipendiis Auriam cōfirmare. Andrea Auria ad Cæsareanos accessit.*

*Barbescus subveniendis Lautrechio mandata non exequitur.*

*Gallici exercitus cōfirmatio.*

1528

nam, ac militaria studia negligere; nullus ordo; non parere ducibus; summa omnium rerum desperatione ingens victoriæ spes commutata; quamplures castra deserere; duces, ut salutem confulerent, ab exercitu discedere; reliqui in castris morbo correpti nihil ad præsentem rerum statum, fortunamque sublevandam moliri. Tandem Lautrechius curarum ingenti mole pressus decubuit; cum undique circumstantia pericula cernebat, seraque poenitentia actus, quod magis sibi ipsi fidere, quam aliis credere voluisset. Igitur morbi vi intrepidam mentem, vividamque animi aciem consternante, neque quidquam agere, neque consilia capere valebat: reliqui duces nimia illius severitate deterriti cautius, ac segnius res gerebant. Ipse aliquantisper morbo levatus, nonnihilque pristini vigoris assumpto, lapsa restituere, reluctantes præceptis milites poenis coercere, augere copias nitebatur; nonnullis Epirotarum equitum turmis Surrento Venetis militantibus evocatis; Florentinos urgendo, ut duo millia peditum in supplementum exercitus mitterent. Verum nulla vi, nullo conatu impendenti jam fortunæ obsisti poterat: quantum enim fœderatis copiis animorum ademptum, tantum hostibus auctum fuerat, qui quotidie incenibus egressi usque ad Gallorum castra excurrebant; impedimenta, calones, & lixas abducendo, itinera infesta reddendo, regionem circumquaque vastando, ac ne a Veneta classe aliquid in castra invehere, prohibendo. At Lautrechius denuo multis laboribus, & sollicitudinibus confectus, graviori morbo correptus xvij. kal. septembris excessit.

*Lautrechii  
morbus.*

*Hispanorum  
excursiones.*

*Lautrechii  
obitus.*

*Salassiorum  
Marchionis  
in Lautre-  
chii locum  
successio.  
Capua ad  
partem Ca-  
saris acce-  
dit.  
Gallorum  
exercitus  
Aversam  
petit.*

In Salassiorum Marchionem ob illius obitum omnium rerum pondus inclinabat. Is, reliquis ducibus in consilium vocatis, castra movere decrevit; cum præcipue Capua in potestatem Cæsareanorum concessisset: qua ex re non parum incommodi exercitui accesserat, ac sese quoque recipiendi difficultas addita fuerat. Itaque copiis tria in agmina distributis, silentio, ut hostibus insequendi facultas eriperetur, iij. kal. septembris, oriente sole, iter Aversam arripuere. Neque vero Cæsareanos fœderatorum discessus ita latere potuit, quin extremam aciem adorti, quam Palissius, & Camillus Triultius ductabant, magno Gallis detrimento fuerint; quamplurimis fugatis, atque inter-

interfectis, ac paulo post peditatu Hispano aucti ulterius celerissime progressi, cum ad mediam pervenissent aciem, cui Navarrus præerat, turbatis ordinibus, captivum egere ducem. Sallastianus, & Guido Rangonius, qui cum prima acie castris exierant, incolumes Averfam pervenere; quos statim, Cæsareanis insequentibus, obsessa urbe, & ad summum periculum redacta, sponte se victoribus Galli dedere, magno mortalium rerum vicissitudinis documento; cum ingentes copiae numero militum, ac robore insignes, quæ Hispanis exitium portendebant, brevi intervallo disiectæ, & dissipatæ fuerint; victoriæque monumenta Gallorum extiterint sepulcra. Inde foederis existimatio nedum imminuta, verum etiam collapsa; & Veneti, qui omni bellico apparatu instructam classem, copias quoque terrestres, & cives insignes in eam expeditionem contulerant, summo dolore percussi, non modo ex intercepto tot laborum fructu, sed etiam, quod ægre oppida atque urbes in suam potestatem receptas, deleto Gallorum exercitu, defendi posse animadverterent.

His malis accessit, quod Genua pestilentia vexata, atque fere cunctis civibus mortis metu urbe egressis, Andreas Auria opportunitatem nactus, inopinato cum triremibus, favore populi subnixus, qui plausibili libertatis nomine captus fuerat, urbem ingressus, immutata Reipublicæ forma, Genuenses in clientelam Cæsaris se recipere coegit. Neque huic malo obviam ire Theodorus Triultius potuit, militibus pestilentiae lue ad summam paucitatem reductis; cumque ægre in arcem se recepisset, a foederatorum ducibus, qui in Gallia Cisalpina erant, subsidia mitti flagitabat, quibus amissam urbem denuo se occupaturum pollicebatur. Tria millia peditum Germanæ, & Helvetiæ gentis Genuam versus mittere decrevere, ex iis, qui Alexandria Gallis in Italiam venientibus jungendi erant. Interea dum ea, quæ diximus, Neapoli agerentur, Franciscus Borbonius Lutetia discedens, Lugduni, quæ in Italicam expeditionem necessaria erant, comparabat, atque a Senatu, ut quam celerrime Alpes transgredere, impellebatur, quo Antonii Levæ vires, & conatus præcideret; ac Franciscum Contarenum Legatum Eporediam in Subalpinis, ut Comitem Sancti Pauli exciperet, & stipendii partem, quæ Reipublicæ obvenerat, quinque Germanorum millibus persolveret, miserat; Legatoque Mauro scribenti Ger-

H. Mauroceni T. L.

T

manos

1528

*Hispani ex-  
termam  
Gallorum  
aciem ag-  
grediuntur.  
Et fundunt.  
Petrus Na-  
varrus a  
Cæsareanis  
captus Sa-  
llastius Co-  
mes et Gui-  
do Rangonius  
Averfam  
Cæsareanis  
tradunt.*

*Andreas  
Auria Ge-  
nuam occu-  
pat.*

*Theodo-  
rus Triultius in Ar-  
cem Ge-  
nuensem re-  
ceptus subsi-  
dia postu-  
lat.*

*Franciscus  
Contarenus  
legatus ad  
Eporediam  
a Borbo-  
nium exci-  
peret.*

1528

*Mandata  
Senatus  
Joanni  
Mauro lega-  
to.  
Venetorum  
copiam in  
Gallia Cif-  
alpina.*

manos pedites ducentos, qui hostibus militabant, ad nostros transire velle, hac in re Senatus sententiam exquirenti, injunctum, ut non modo istos, sed quotquot ad exercitum accedere vellent, exciperet. Aderant Reipublicæ ea tempestate, novis delectibus auctis copiis, in Gallia Cisalpinæ decem & septem peditum millia, partim in urbium subsidiiis disposita, partim patentibus campis ad prælium cum hostibus conferendum instructa. Bergomi, quod finibus hostium proximum erat, tria millia quingenta; Veronæ duo millia; totidem fere Brixiae; quatuor Italorum millia sub imperatoris signis continebantur, præter Epirotas. Crema, Asolum, Ponsivici, Vicetia, & aliæ arces, atque oppida, quod ad summam reliquum erat, absolvebant: ad hæc mille quingenti leviores equites, octingenti cataphracti; stipendia iis mensitrua nonagintaquingue aureorum millia persolvebantur. At Brunsvicensis Duce, ut diximus, in Germaniam profecto; cum propediem Sancti Pauli Comes Alpes cum exercitu trajecturus esset, universis collectis copiis, ad Insubres penitus obtinendos, Hispanosque ex ea regione pellendos aditus patefieri videbatur; Urbinatæ de totius belli administratione ita statuente, ut Laus opportuno loco sita, vel ad Mediolanum oppugnandum, vel ad Bergomum, & Cremam Reipublicæ urbes propugnandas validioribus præsidiiis firmaretur: ipse, cum primum Galli iter in Italiam arripuissent, Pado trajecto, Venetorum copiis Gallicis junctis, hostes opprimere conaretur: quod ut quamprimum fieret, Galeatius Vicecomes a Rege orator Venetias missus fuerat, qui Senatum ad copias cum Comitibus Sancti Pauli exercitu conjungendas hortaretur, atque ut subsidia quamprimum Genuam mitterentur, urgeret.

*Galeatius  
Vicecomes  
Regis Gal-  
liæ legatus  
ad Venetos.  
Francisci  
Borbonii in  
Italiam ad-  
ventus.  
Urbinate  
cum Borbo-  
nio addimen-  
ticulum col-  
legium.*

Jam prope julii mensis finis aderat, cum Borbonius in plana Cisalpinæ Galliæ descendit; quinque peditum millia, quingentos cataphractos Gallicos, totidem leviores equites ductabat. Urbinas Senatus jussu, ut coram de communibus rebus cum illo verba faceret, Monticulum oppidum ad ripam Padi positum se contulit. Ibi diversis sententiis actum: Urbinatis ea erat, collectis viribus, bello in Insubribus incumbendum, Antonio Leva Mediolano ejecto, cuncta in Italia prospera futura: non enim hostes, unde copias supplerent, ex Germania evocatis militibus, habituros; neque facile ex aliis regioni-  
bus



bus tantam commeatuum copiam, quanta in dies ex uberri-  
mo Infubriæ solo exercitui suppeditabatur, adfuturam: hinc  
debilitatis, ac fractis hostium viribus, nihil magnum aufuros.  
Comes Sancti Pauli contra, Neapolitanam expeditionem descri-  
ere communi non esse censebat, ne hoc metu soluti hostes An-  
tonio Levæ subsidia mitterent, quique nunc nostris ad obsi-  
stendum minime pares forent, novo aucti auxilio, atque sub-  
nixi augerent spiritus, & æquo nobiscum certamine congredi  
auderent. Inter hæc discrepantium Ducum consilia media quæ-  
dam inita est ratio, qua non prorsus Neapolitanæ res desti-  
tui viderentur; sed tota belli vis in Galliam Cisalpinam effun-  
deretur. Itaque Apuliæ urbes nomini Veneto addictas firmare;  
côpias instaurare; novum aliquod facinus aggredi decretum  
est; Senatusque Augustino Amulio legato, ut classem ad lito-  
ra Apuliæ appelleret, mandavit, instauratisque oppidorum, at-  
que urbium, quæ Gallo, & Veneto parebant, præsiidiis, Brun-  
dusii arces oppugnando adoriretur; & Rentio Ceriti, Amal-  
phitanoque Principi, qui post captivitatem Gallis accesserat, in  
eas oras ex Hetruria cum quinque peditum millibus, ac trecen-  
tis equitibus profecturis, octo triremes, atque alia navigia trans-  
missa, ut Anconæ in Apuliam tuto trajicere possent. Classem au-  
geri, atque instaurari jussum, tum ad hostes variis in locis dis-  
tinendos, tum ut validioribus viribus impetus in Neapolitanos  
fieret. Gallorum Reg, ob Andreæ Auriaæ ad partes Cæsaris acces-  
sionem, classem Gallicam numero, ac viribus augere cupienti, &  
a Senatu duodecim triremes petenti, quas Massiliæ, ac Genuæ  
ad bellandum instrui in animo habebat, satis ultro factum est:  
& post Neapolitanum casum, ut quo acerbior sese fortunæ fa-  
cies, tot undique circumfluentibus malis, ostendisset, eo altius  
regium animum erigeret, inexhaustasque potentissimi Regni vi-  
res vehementiori nixu exerere niteretur, Senatus suadebat. Flo-  
rentinos præterea, ac Ferrariensem, ne adversis humanæ sortis  
ictibus frangerentur; sed, ut ad bellum in Apulia instaurandum,  
quascumque possent opes conferrent, hortabatur. Qui nulla in re  
publicis defuturos commodis præferebant; illi Hetruriam; iste  
Mutinam in omnem eventum novis militum delectibus firmaturus.

*Auxilia ad  
firmandos  
Apulias ur-  
bes a fide-  
ratiss decrete.*

*Triremes  
Regi Gal-  
liæ a Vene-  
tis tributa.*

Interim cum jam Gallorum copiis Venetæ se adjunxissent,  
Mediolanum versus movere castra, & ad Landrianum perve-

1528 nere; sed urbe exercitu, ac comineatu ab Antonio Leva firmata, oppugnationem in aliud tempus differre Duces decreverunt, Ticinumque aggredi statuunt, infirmo militum praesidio, quod pedites mille non excesserat, urbe se cito potiri posse rati. Igitur quamcelerrime, ne consilii hostes certiores facti aliquid in nostros molirentur, Ticino universis copiis circumsepto, magno impetu moenia quater tormentis coepere, quae nuper e Venetorum oppidis huc, Urbinatis cura, adverso Ticini flumine inuenta fuerant; brevique strata magna murorum parte, ingressum experiri in urbem statuunt. Ut priores Venetorum copiae aditum aperirent, sorte obvenit; ac dum omnia ad dimicationem conferendam comparantur, Helvetii reluctari visi. Id cum ab Urbinate animadversum esset, dextra vulnere uni ex illorum ducibus inflicto, qui, se excepto, nemini parituros suos milites dixerat, atque eodem momento tormentis in illos verti iussis, insolentiam, ac temeritatem fregit. Itaque magno ardore animi, qua disturbata, soloque aequata moenia erant, pugna coepta. Urbini Dux inter primas acies, turba suorum septus, ubi hostes conferti majore nixu ab ingressu arcere nostros nitebantur, fortiter dimicans, summi ducis, strenuique militis laudem eo die tulit; atque inter militum duces non vulgaris Calaciae Comitis, & Antonii Tiphernatis virtus emicuit. Ticinum captum, direptum, milites fere omnes praesidarii caesi; arce postmodum a Galeatio Birago, qui cum iis, qui caedi superfuerant, in illam se receperat, deditioe recepta, vitae incolumitate pacta, Germanisque Mediolanum, Italiam ad domos cuique suas comineatu permissa. Victoriis Patres Senatus literis Francisco Borbonio Gallorum Duci gratulati sunt, atque illi pro egregie navata opera gratiae actae. Ex illius sane urbis expugnatione foederatorum res spiritus denuo sumere, praesentique beneficio & apud cunctos opinione incrementa acceptura videbantur, cum Novaria, vicinaque oppida in nostrorum potestatem concessissent, eo majore hostium detrimento, quod ex iis locis quamplurima ad illos inopia sublevandos Mediolanum antea importarentur.

Verum iis, quae felicibus adeo auspiciis coepta in Insubribus gerebantur, Genuensium res obstabant. Cum enim Franciscus Rex ingentem ex urbis illius defectione animo molestiam percepisset;

*Ticinum  
foederati  
aggrediuntur.*

*Urbinate,  
Helvetiarum  
duce confecto,  
alios  
obtemperantes  
reddidit.  
Urbinate  
virtus.*

*Ticinum  
captum &  
direptum.*

*Novaria &  
alia oppida  
a Borbonio  
capta.*

fet; quippe qui ex ea, & loci situ, & maritima, qua plurimum Genuenses pollent, disciplina, haud exigua commoda in Italicis praesertim expeditionibus acceperat, nihil non moliri decreverat, ut amissa civitas denuo in illius potestatem concederet. Itaque Francisco Borbonio mandaverat, ceteris praetermissis, id unum curaret, ut detrectantes Genuenses, dicto regio obtemperantes redderet. Tria peditum millia antea, ut diximus, quo Genuae rebus subveniret, missa fuerant: ii ob stipendia statutis temporibus minime persoluta, iter ingredi abnuent: inde Theodorus Triulcius, qui arce detinebatur, multis undique difficultatibus circumseptus diutius se sustinere non posse, deditionemque facturum, ni cito subsidia acciperet, significabat. Borbonius totus in eo erat, ut Genuae quamprimum opem ferret, aspirantisque fortunae auram negligens, omnia de Mediolano expugnando consilia abjecerat, atque ab Urbinatè summopere flagitabat, ut, cum Venetorum copiis itinere arrepto, quo tutius res ad exitum perduceretur, eodem contenderet: neque vero quem ex Ticini expugnatione, ex incommodis hostium, & Mediolanensium desperatione, qui a Caesareanis omnia acerba, atque intoleranda patiebantur, fructum amitteret, dispiciebat. Sed hæc Borbonii consilia Senatui minime probabantur, tum quod victoriae spes, quæ jam præ manibus habebatur, hac consiliorum immutatione defereretur; tum quod minime suis rebus conducere arbitraretur, universas fere copias trans Apenninum mittere, Bergomumque & Cremam in finibus hostium satis haud dubiis periculis obiectare; ac Francisco Sfortiae aviti recuperandi imperii opportunitatem, quæ affulsisse videbatur, eripere. Ea de re ad Franciscum Borbonium Senatus scripserat, hortatus; ne feliciter coeptam Insubrum expeditionem defereret: Mediolano occupato, cuncta prospere cessura; quacumque se foederati exercitus converterint, nullas obsistentium vires experturos. Adeo Borbonii fixa erat menti concepta semel de Genua tentanda sententia, ut cum neque ratione, neque adhortationibus ab ea dimoveri posset, universis Gallorum copiis, trajecto ad portum Stellam Pado, iter per Hetruriam Genuam versus facturus proficisceretur. Venetorum copiae ad Ticinum, tum ad hostes coercendos, tum ut Genuensibus rebus quatenus fieri posset,

*Mandata Gallorum ad Borbonium, ut Genuam adveniat.*

*Theodorus Triulcius per nuncios, se ad extrema redactum significat. Francisci Borbonii consilium de Mediolano, si expugnatione relinquenda.*

*Venetorum litera, ut Borbonium ab expeditione Genuensi demoveant.*

*Franciscus Borbonius in Genuam profectus scitur.*

1528 faverent, subſtitere; cum ad novas oppidorum oppugnationes impares eſſent, vehementer imminuto numero militum, qui præliorum, & certaminum ſpe, direptionum, & prædarum cupiditate, ſub ſignis continebantur. Huc acceſſerat, quod complures ſpe illeſti, Gallis juncti Genuam contenderant: quapropter novos delectus haberi, ac tria militum millia in ſupplementum reliquis copiis addi Senatus juffit. Hoſtes de Borbonii itinere certiores facti, Genuam valido militum præſidio firmaverant, omnibuſque iis rebus, quæ ad ſuſtinendum hoſtium impetum neceſſaria eſſent, muniverant. Borbonius, qui jam cum copiis iter emenſus haud longe ab urbe ſubſtiterat, cum vires ad facinus aggrediendum pares non haberet, ſpe illius potiundæ dejectus, regredi in Inſubres ſtatuit, ſtationem Alexandriæ habiturus; ac ibi duo Germanorum militum millia, qui Lugduno in Italiam iter habebant, præſtolaturus: pecunia laboranti cum a Senatu octo aureorum millia commodari ſibi petiiſſet, ultro miſſa ſunt. Per eos dies Petrus Franciſcus Pontremoli ortus e Galliis cum pecunia ſupervenit; atque inde Borbonius animo confirmatus augere exercitum, ac decem peditum millium delectum habere decrevit; cum interim Urbinas, Sfortiæ militibus ad præſidium Ticini relictis, cum reliquis copiis ad Abduæ fluminis ripas conſediſſet, nihilque, quod ad augendum, atque inſtaurandum exercitum pertineret, prætermitteret, quo denuo firmiori conſilio duplici exercitu Mediolanum aggredi poſſent: ita enim Franciſcus Borbonius, atque Urbinas Venetarum copiarum imperator ſtatuerant, cum, ut de omni re conſulerent, ad divi Nazarii oppidum conveniſſent.

Theodorus Triultius de Borbonii diſceſſu certior factus, omni ſubſidii ſpe deſtitutus, dedere arcem Genuenſibus coactus fuit, quam populus furore correptus, ac nomine libertatis concitatus ſtatim diruere, & diſturbare cœpit, donec ſolo penitus æquaretur. Eadem facilitate Savonæ civitas in Genuenſium poteſtatem conceſſit, inſperatæque libertatis auctorem Andream Auriam ſummis extulere laudibus, publiciſque monumentis ære, ac marmore inciſis illius memoriam ob ſingulare beneficium celebrem ad poſteros tranſmiſerunt. Rempubicam diverſis civium factionibus laborantem ad meliorem formam redigere; popularem libertatem, vel potius libidinem coercere conati;

*Genua a  
Caſareanis  
munita.  
Franciſcus  
Borbonius,  
Genua reli-  
ſſa, Alexan-  
driam ſecū-  
fert.*

*Franciſcus  
Borbonius  
copias au-  
get.*

*Urbinas  
Et Borbonii  
ad Divi  
Nazarii  
colloquium.  
Theodorus  
Triultius  
arcem Ge-  
nuenſibus  
tradit.*

*Genuenſes  
reformato-  
res eligunt,  
ut partem  
libertatem  
ſervent.*

nati; id ut maturo consilio consequerentur, duodecim cives, quos Reipublicæ *Reformatores* vocarunt, creavere; atque ut tum primum nascentem libertatem foverent, ac firmarent, summo cunctos Principes studio, & observantia se prosequi vulgaverant; neque his, neque illis favere; in neutram partem propendere. Ad Franciscum Sfortiam Oratorem e Saulia familia Reformatorum nomine miserant, qui quo loco suæ res essent; partam libertatem; quo animo in Principes futuri, nunciaret. decreveratis Venetias accedere; sed de Senatus mente ambigens literas publicas miserat: mox Federicus Grimaldus, ac Georgius Ventus, qui negotiorum causa Venetiis degebant, suæ Reipublicæ nomine, ut ad Collegium aditus illis pateret, petiere. Introducti, Arausionense Episcopo Regis legato præsentente: eorum oratio demissa admodum, officiorum, atque observantiæ in Venetam Rempublicam plurimis argumentis referata: partam Andreæ Auriæ ope libertatem ut conservarent, Senatum æquo animo ferret, rogarunt; a qua se minime aversum esse superioribus temporibus non obscure ostendisset; cum; urbe illorum obsessa, petentibus, ne a Veneta classe naves, quæ ad illius inopiam sublevandam frumenta invehebant, molestia afficerentur, Senatus decreto minime negatum fuerat: si Cæsareanos, atque Antonium Adurnum illis faventem urbe eiecissent, atque se in libertatem vendicassent, nulla re defuturum: id illorum mentibus insidere, atque haud exiguam spem concipere, libertati, ad quam adipiscendam cohortati fuerant, Rempublicam non adversam fore. Responsum a Senatu est: quæ Genuæ acciderint, summa animi molestia Rempublicam accepisse; immutatas temporum condiciones, ut ab indigna Cæsareanorum servitute eriperentur enixam fuisse; modo cum in Regis clientela conquiescerent, atque illius patrocinio fulti tutæ libertatis fructus perciperent; quid indignius efficere potuisse, quam Andream Auriam, qui nuper in Regem omnia hostilitatis signa ediderat, in urbem recipere; Gallorum copias arcere; classi regiæ damna inferre? hæc nisi ægre, ac summa cum indignatione intelligi non posse: jure magnanimi Regis arma in se ipsos lacerasse; foederato, ac socio tam justa causa nulla in re Rempublicam defuturam. Audito Senatus decreto, nil ultra addidere, nisi se omni opera, & studio gra-

1528

*Genuenses  
oratores ad  
Sfortiam*

*Federicus  
Grimaldus  
& Georgius  
Ventus Venetum  
collegium ad-  
eunt.*

1528

tiam Regis, mentem illius mitigando, imploratu-  
rum a Patribus Collegii est, nulla id ratione, nisi præclaris,  
ac recentibus in Regem meritis assequuturos.

Quod vero Geuuenfes a rege se exemissent, Imperatorique  
accessissent, ut moleste Senatus ferret, non una aderat causa;  
præcipua vero, quod civitatem, e qua aditus ad Italiam pate-  
bat, satius Regi amico parere, quam Hispanis ducebat, ne  
quam per tot annos terrestribus copiis affligerant provinciam,  
classe in Ligusticos portus, atque oras immissa, mari quoque  
vexarent; cum præsertim per omnium ora vulgatum esset, Cæ-  
sarem ipsum in Italiam cito venturum. Itaque Veneti nonnun-  
quam Genuenses hortari, ut Francisco potentissimo Regi denuo  
adhærent, in quo vires ad suam tuendam libertatem exper-  
tuos; nec propensam in ipsos voluntatem desideratu-  
ros affirmarent: nonnunquam denuo Genuæ oppugnationem instauran-  
dam censebant, ut conceptas in Regis animo querelas dele-  
rent, quod suis copiis Theodoro Triultio subsidia non misis-  
sent: verum, neque anni tempus, cum media hyems esset,  
nec copiarum imminutus numerus id patiebantur. Iisdem de  
causis nihil adversus Mediolanum moliri, licet urbs annonæ ino-  
pia pressa, Antonii Levæ ægritudo, hostium vires labefactæ  
mirum in modum allicere ad fortunæ aleam subeundam vide-  
rentur, crebrisque literis Senatus Urbinatem hortaretur, ne  
bene gerendarum rerum occasionem labi pateretur. Verum il-  
le parum viribus militum fidens, hyemis asperitatem veritus,  
nil tentari absque periculo posse arbitrabatur. Itaque fœdera-  
torum duces in hyberna deducere exercitus decrevere: Urbi-  
nas cum copiis Abduam trajecit, tutoque, & comodo loco  
castra posuit; Galli Alexandriam petiere, ut redintegratis viri-  
bus, appetente vere, prout rerum eventus exposcerent, con-  
silia caperent. In Neapolitano regno, Lautrechio defuncto;  
Salassiorum Marchione capto; exercitu fere deleto, adhuc Apu-  
liæ urbes, Tranium, Monopolis, Pulinianum, atque alia op-  
pida Reipublicæ parebant, eaque omni studio retinere Senatus  
decreverat: Barulum sub Gallorum potestate erat; ne urbs il-  
la in manus hostium, rebus omnibus in præceps ruentibus,  
concederet, Joannis Viturii legati Veneti virtus, ac diligen-  
tia effecerat; qui cum in Manfredonia expugnanda nitere-  
tur,

tur, de iis, quæ Neapoli acciderant, certior factus, triremibus magna militum manu imposita, subsidia ad loca maritima miserat; datis ad magistratus literis, quibus illos ad constantiam hortabatur. Tranium Camillus Urfinus cum copiis, Manfredonia relicta, ingressus fuerat; Monopolim Joannes Corradus Urfinus, Julius Montebellius, Horatius Carpenas: Rentius vero Ceres, cui Gallus vices suas obire mandaverat, Barulum præsidio tenebat, quo Simeon Romanus cum suis levioribus equitibus accesserat. Verum cum parvas nostrorum copias in ea esse provincia, neque eo numero, ut defendere urbes, hostibusque obsistere possent, nuntium Urfinus Senatu misisset, qui præsentem rerum in Apulia statum significaret, atque ut copiarum augerentur, suaderet: a Senatu Viturio legato mandatum, ut copias Reipublicæ ad tria peditum millia augeret; Camillus Urfinus omnium copiarum ductor est creatus, mille aureis publicum stipendium auctum; ad eundem datæ literæ, ut Ceritem totius expeditionis principem, & caput ipse cum aliis ducibus, & militibus observarent. In eandem sententiam Joanni Viturio scriptum, adjectumque est, si aliquod aggredi facinus communibus viribus vellent, nunquam præsidia ex Reipublicæ urbibus, aut tormenta, aut munitiones amoveri sineret; idque unum præ ceteris spectaret, ut easdem incolumes, & tutas præstaret. Decem peditum millia in ea provincia foederatorum erant; tria millia Venetis militabant; quinque ex Hetruria Ceres advexerat; duo millia Florentini, ac nobiles ex Ursina familia viri coegerant: equitatus septingentis constabat; quadringenti Venetorum, trecenti Rentii erant. In Aprutianis Joannes Jacobus Francus Amatricem, Camillus Urfinus Aquilam, regionis caput occupaverant, Gallorumque vexilla erexerant, cunctorum populorum animis in Gallicum nomen mirifice propensis; quo fiebat, ut invisi illis ob imperii acerbicatem, intolerandasque exactationes Cæsareani forent; quorum quingentos equites in iis regionibus turmatim adorti contrucidaverant. Veneti majori spe rei bene gerendæ erecti, quæ ad tenendas urbes necessaria in Apulia essent, importari iussere: sexcentos pedites ad præsidia urbium augenda e Dalmatia navi una longa, ac duabus triremibus misere; quæ asperissima hyeme cum navigarent, obor-

*Mandata  
Senatus ad  
Viturium,  
ut copias in  
Apulia au-  
geat.  
Rentius Ce-  
res supremus  
in Apulia  
Dux.*

1528

*Venera na-  
vis & trire-  
mes ad A-  
puliam litora  
silij.*

*Augustinus  
Amulius  
Corcyram  
ad classem  
instaurandam  
proficisci-  
tur.*

ta tempestate, Apulix litoribus illis sunt: qui in navi longa, & Baduaria triremi erant, e naufragio in litus evasere; ii, quos altera triremis (Capellam vocabant) vehebat, omnes fere undis absorpti perire. Augustinus Amulius legatus, qui sexdecim triremibus universam Apulix oram tuebatur, opidanosque in fide continebat, a Senatu Corcyram proficisci ad classem instaurandam, atque augendam iussus, quatuor triremes ad excurrenda proxima urbibus maria reliquit; Corcyramque profectus omni studio instaurare classem milite, ac remige nitebatur.

*Rumor de  
Cæsaris in  
Italiam ad-  
ventu.  
Veneti clas-  
sem augent.*

*Alexander  
Pefareus le-  
gatus.*

*Vincentius  
Justinia-  
nus, notha-  
rum Præfe-  
ctus.*

*Urbinitis  
Venetias  
advenit.*

Nam hoc tempore nulla major Patrum sollicitudo angebat animos, quam ut classis, & navigiorum numero, & militum robore, qua Cæsareanæ obsisti posset, pararetur; cum & nuntiis, & literis Imperatorem quoque ingentem Barchinone in Hispania classem moliri afferretur, ut appetente vere in Italiam navigaret, cum foederatis mari dimicaturus. Hæc omnia per oratorem Regi significantur; petitur, ut quamprimum adornari triremes, & naves actuaras, in quibus magna ad debellandos hostes vis esset, instrui juberet; nihilque prætermitebatur, ut anni insequentis initio & triremium numerus, & remigum, militumque robur quam maxime fieri posset, augeretur, atque Alexandro Pefareo legato nuper designato in mandatis datum, ut kal. januarii triremes in promptu haberet omnibus rebus ad protectionem instructas, atque adornatas. Idem Vincentio Justiniano notharum triremium Præfecto mandatum, quas ad decem numerum augeri Senatus decreverat. Per eos dies cum Urbini Dux copiarum terrestrium Imperator a Senatu, ut ad inviscendas ditiones suas se conferre posset, impetrasset, prius Venetias venit. Coram Patribus de ratione belli gerendi consultum est: interfuere Galli Regis orator, ac Francisci Borbonii nuntius Venetias missus. Regis legatus non tempus terere; non desidia labare militum animos oportere; præclarum aliquod facinus aggredi; in Insubrum caput, Mediolani civitatem omnia consilia, ac vires vertendas esse ajebat. Urbinas, qui militari fortitudini singularem prudentiæ laudem adjunxerat, non periculis obiectare media hyeme copias, summopere imminutas, satius esse ducebat; difficillimum fore hoc anni tempore, aquarum illuvie undique exundand-



dante, Mediolani expugnationem ad exitum perducere; quod satis per se tutum, hac quoque accessione validius esset. Urbinatis consilium Senatus est amplexus, expeditioque in proximum ver dilata, quo terrestribus, ac maritimis foederatorum viribus, majori conatu, ac nixu certandum fore videbatur.

Cum Gallorum Rex Neapolitanam victoriam sibi præreptam æquo animo pati non posset, præteritorumque eventuum infelicitate ad acrius instaurandum bellum veluti quibusdam stimulis incitaretur: Anglus vero, cui prosperæ res Cæsaris invisæ erant, idem se facturum polliceretur: neque Florentini ulla in re deessent; id unum, in quod summopere foederati incubuerant, adhuc desiderari videbatur; nempe ut Clemens tandem foederi accederet; quod hucusque distulerat, cum a Venetis Ravennam, ac Cerviam urbes, ab Alphonso Ferrariæ Duce Regium, ac Mutinam reddi sibi peteret: id ut consequi posset, a Gallo, atque Anglo postulaverat, ut auctoritate, atque officiis Venetos ad tradendas urbes hortarentur; quocirca Turrenæ Vicecomes a Francisco Rege, ut Pontifici gratificaretur, qui ob Renatam Regis affinem Herculi Ducis Ferrariensis filio ab eo connubio junctam nonnihil molestiæ percepisset, orator ad Rempublicam missus fuit. Petebat is Regis nomine, ut a Senatu urbes restituerentur; hoc tantum remorari Pontificem, ne foederi sese adjungeret; quo amoto impedimento, si foederatis accessisset, haud dubium fore, quin non exiguas vires adsumerent; id si Senatui non placeret, saltem illas in potestate Regis relinqueret, ut commodiori tempore de jure illarum disceptaretur. Senatus neque urbes tradere, neque se illarum possessione exuere æquum ducebat; cum, vel ad bellum proseguendum, vel ad pacem incundam non exigua ab eis commoda accipere posset. Attamen ut Regi satisfaceret, & Clementem aliqua spe demulceret, ut aliqua ratio rei conficiendæ ex amborum principum sententia inveniretur, haud quaquam alienum esse profitebatur; idque Vicecomiti, Arausionensi Episcopo ordinarii oratoris munere fungenti, atque Henrici Angliæ regis oratori, decreto Senatus responsum est. Sed cum votis, ac postulatis Senatusconsultum minime respondere animadverterent, rem dissimularunt. Senatus quo magis res Flaminiae firmaret, Cæsarem Fulgosi-

*Renata est  
Hercule  
Essensium  
propterea.*

*Turrenæ  
Vicecomes a  
Gallia Rege  
ad Venetos  
missus.*

*Cæsar Fulgosi-  
us a Sen-  
atu missus  
cum imperio  
in Flami-  
niam.*

fium

1528 fsum in eam provinciam summa cum auctoritate misit, quem centum cataphractorum equitum ductorem belli, & pacis tempore creavit; ea conditione, ut Venetorum bello turbatis rebus, quinquaginta cataphrastos, & pro aliis quinquaginta, centum leviores equites duceret, annuo mille aureorum stipendio; injunctumque, ut statim in Flaminiam proficisceretur. Aloysius Barbarus Aloysii Foscari loco Legatus Ravennam missus est. Neque interea Clemens quidquam pristini ardoris remittebat, quo semper Flaminiae urbes a Republica petierat, atque in dies exacerbari illius animum Gaspar Contareno orator significabat: ideo illum aliqua ratione delinitum iri Senatus optabat. Itaque diversae sententiae in Senatu dictae; nonnullis pecuniae quandam summam erogari Pontifici placebat, ut urbes, illo non repugnante, retinerentur: aliis Reipublicae jura exponi; mox ut cum Cardinali Montio, qui summa erat apud Pontificem auctoritate, de concordia incunda ageretur: alii totam eam rem oratori permitti debere arbitrabantur, qui vel annuo censu, vel annua ratione Clementi satisfaceret; cum Rempubicam a possessione Flaminiae urbium non recessuram sibi constaret. Vicit Leonardi Haimi Consiliarii sententia, qui nihil praecipue de urbibus agendum cum Pontifice censuit; tantum hortari, ac suadere, ut omne studium, atque operam in Christianorum principum conciliandis animis, ac pace firmanda poneret; si id acciderit, tunc Reipublicae erga sanctissimam Sedem pietatem, atque obsequium non desideraturum. Ut hoc Senatusconsultum fieret, rumores, qui de pace percrebruerant, in causa fuere; cum Caesar iterum a pacis consiliis minime abhorretere nunciaretur; an quod foederatorum conatus remoraretur; an potius quod Turcae bellum Pannoniis minitarentur, incertum. Illud constabat, quae ad illius profectiorem in Italiam attinerent, omnia sedulo comparari; nonnunquam omnem impetum belli in Rempubicam effusurum; terra, marique Venetorum imperium invasurum, jactitare; nonnunquam pacis, & concordiae condiciones objicere. Ea quorsum tenderent, ambigebatur; ac ne in Galli animo suspicionem aliquam gignerent, oratori injunctum, ut optimam Reipublicae mentem testaretur; nullo unquam casu, nullo unquam tempore ab eo recessuram. Is rerum status erat,

CVO-

*Aloysius  
Barbarus  
ad Raven-  
nam lega-  
tus.*

*Diversae de  
Flaminia  
urbibus in  
Senatu sen-  
tentiae.*

*Senatus de-  
cretum.*

evoluta jam anno M. D. XXVIII. quo exeunte, Calatiæ Comes, Ruberti Severinatis nepos, copiarum pedestrium præfectus, mille quingentorum aureorum stipendio adjecto, creatus est. Antonio Castellio omnium tormentorum bellicorum præfectura tributa, sexcentis in singulos annos aureis nummis assignatis.

## M. D. XXVIII.

**D**Ubias belli, pacisque spes, atque inter fluctuantes Principum animos incerta consilia annus M. D. XXVIII. excipit. Assiduus cedibus, ac præliis jactata Italia; exhaustæ vires; amissi duces; absumpti thesauri; pacem si non volentibus elicere, invitis saltem extorquere posse videbantur. Nam Gallorum in Neapolitano regno exercitu fere deleta, adhuc reliquæ supererant, quas, victoria licet elati Cæsaris Duces, minime extinguere potuerant; atque in Insubris copiis in hyberna deductis, Venetorum Imperatore in suas ditiones profecto, tumultus quiescebat. Cæsar quamvis intra varias latebras sensus animi abdere solitus, pacem haud aspernari videbatur, a rebus Italiæ componendis minime alienus; idcirco Franciscanæ familiæ Antesignanum, ut aliqua inter ipsos concordiæ ratio iniretur, ad Pontificem miserat. Gallus vero, cujus animus filiorum desiderio æstuabat, non minus in id propensus videbatur. Anglus & in Gallia cum Rege, & in Italia cum Pontifice per suos oratores, ut principum mentes conciliaret, nihil omittebat. Senatus Venetus, ut tandem post triginta annorum spatium, quo Respublica variis hinc inde fortunis agitata fuerat, pacem, modo per illam Italiæ liberatam, atque incolumitati prospiceretur, optabat. Ad eam rem Angli suasu, suo ad Pontificem oratori ad pacem conficiendam Gallus mandata dederat. Eadem ab Imperatore Franciscano, qui nuper cardinalatus dignitatem, Sanctæ Crucis titulo insignitus, susceperat; tributa facultas fuerat. Quæ cum Senatus intellexisset, Gaspari Contareno, ut Reipublicæ nomine paci inter cunctos Christianos Principes subscriberet, injunxit, rebus ex communi Galliæ, atque Angliæ oratorum, aliorumque fœderatorum sententiâ confectis: eidemque oratori

1528

*Calatia  
Comes pedestrium  
Venetorum,  
Antonius  
Castellio  
tormentorū  
bellicorum  
præfectus*

1529

*Principum  
ad pacem  
propensio.*

*Franciscanus  
Antesignanus  
miserat a  
Cæsare ad  
Pontificem  
missus.*

*Mandata  
Senatus de  
pace ad  
Gasparem  
Contarenū  
oratorum.*

man-

1529

mandaverat, ut enixe Pontificem ad firmandam inter omnes concordiam adhortaretur, quo tandem ex tot ærumnis, & calamitatibus Christiana emerita Respublica in optatum tranquillitatis portum se reciperet: id ejus muneris, quo in terris fungitur, esse; hoc uno perpetuam sui nominis famam ad posteros transmissurum.

Hæc quamvis a Venetis agerentur, plurima tamen adhuc suspicionum semina ferebantur, ex quibus haud facile erat, quo loco tandem res evasuræ forent, conjicere. Nam Cæsar se in Italiam venturum vulgaverat, atque ad illud iter conficiendum classem summo studio instrui jusserat. Ferdinandus frater Oeniponte magnum militum delectum habebat, conventibusque per Germaniam vocatis, subsidia impetraverat; quæ licet, ut Turcarum Imperatori, qui Pannoniis imminabat, obsisteret, cogi rumor erat; tamen ea condicione illa obtinuisse ferebatur, ut etiam, si opus foret, in Italiam mitteret. Quocirca Senatus sapius Francisci Gallorum Regis animum ad instaurandum exercitum inflammare, suas copias augere, novos præfectos, ac duces deligere, classem in promptu habere; tum, ut si hostis in Italiam Cæsar accederet, illius adventus prohiberi posset; tum, ut transacta hyeme Mediolanum communi consilio oppugnaretur. Interim cum in dies rumor de Cæsaribus in Italiam adventu magis augetur, Ferdinandumque in Venetorum fines moturum haud vulgaris opinio esset, quæcumque ad Reipublicæ fines tuendos, atque ad oppugnandos hostes necessaria erant, sedulo parabantur. Cæsar Fulgosius levioris armaturæ equitatus præfectus a Senatu deligitur, stipendio ad mille ducentorum aureorum numerum adaucto. Annibal Fulgosius, qui nuper, cum ab Hispanis Ticini captus fuisset, sese ex servitute redemerat, atque omnem suspicionis notam a se coram Senatu repulerat, pedestris præfecturæ honore insignitus, atque ut quingentos Corsicæ gentis Reipublicæ stipendiis militaribus adjiceret, adjunctum. Farsarellus item Ravennas, Aventinus Friapanes Veronensis leviorum equitum præfecti declarati; illi, ut centum quinquaginta; huic ut centum equites compararet, mandatum. Ad hæc, cum jam tempus, quo Urbini Dux Reipublicæ stipendia merebat, confectum esset, denuo Imperator terrestrium

*Classis instructio ad Cæsarem in Italiam advehendum.*

*Senatus ad Gallie Regem suasio, ut exercitum in. flaures.*

*Venetorum bellici apparatus.*

*Orbinas in imperio Venetorum copiarum confirmatur.*

copia-

copiarum a Senatu creatus est, decem millium aureorum stipendio ad quadraginta millia in singulos annos addito, ea conditione, ut trecentos cataphractos, ducentos leviores equites semper paratos haberet. Guidoni Ubaldo ejus filio septuaginta quinque cataphractorum Præfectura tributa; aut, si magis ei liberet, centum quinquaginta equitum levioris armaturæ, mille aureorum honorario adjecto. Nicolaus Teupolus ad Urbinatem Orator missus est, ut Senatus primum exhibitio decreto, ab illo, ut quamcelerrime in Cisalpinam se Galliam conferret, flagitaret: nihil enim non Venetorum modo; sed foederatorum omnium rebus præstabilius esse, quam ut copiis Imperator auctoritate, atque rerum militarium usu edoctus præset, hoc præcipue tempore, quo de ratione belli administrandi agendum erat, frigorisque vi remittente, educi e castris milites oportebat: & ne illo absente, detrimenti aliquid oppida ejusdem paterentur, Senatui placere, ut Republicæ sumptibus tria millia peditum conficeret; iis, quem sibi libuisset, præfectum daret, ut tranquillo animo, rebus suis in tuto collocatis, ad exercitum proficisci posset; in id etiam pecunia transmissa. Præterea Franciscus Insuorum Duci bellorum angustiis ad summam omnium rerum inopiam redacto, ut suas copias alere posset, decem aureorum millia mutuo data a Senatu sunt. Insuper Joanni Fulgoso suprema secundum Urbinatem cura copiarum demandata est, ut, Urbinate absente, qui tum ad res suas invisendas Senatus permissu profectus fuerat, exercitui Dux auctoritate, reique militaris experientia clarus non deesset; atque Antonius Albertus, *Sapiens*, quem vocamus, *ordinum* delectus, qui ad illum tunc Brixia commorantem contenderet, ad exercitumque deduceret. Ad Nannium legatum pecuniæ ad augendas copias missæ. Neque interea quæ ad vires maritimas augendas spectabant, mittebantur, Hieronymo Pefareo imperatore declarato, atque Alexandro Pefareo Legato, Vincentioque Justiniano notharum præfecto quamprimum ab urbe discedere jussis: decem trirremium trierarchi designati, cum ea mens Senatus esset, ut classis trirremium quinquaginta numerum excederet; ex quibus cum sexdecim ex foedere deberentur, quatuor præterea sunt adjectæ, ut ceteris foederatis jungerentur; his Hieronymus Contare-

1529

Guidoni Ubaldo Urbinatis filio cataphractorum præfectura tributa.  
Nicolaus Teupolus ad Urbinatem orator.

Joanni Fulgoso, absente Urbinate, copiarum imperium a Venetis declaratum.

Antonius Albertus ad Urbinatem missus.

Hieronymus Pefareus classis Imperatoris Alexander Pefareus classis Legatus.

Hieronymus Contareus triremibus cum foederatis jungeretur.

pus

1529 nus præficitur: ac Francisco Borbonio, cui ad instaurandas, atque augendas copias pecunia minime suppetebat, duodecim aureorum millia mutuo tributa sunt, ut foederatorum auctis viribus, Mediolani rursus oppugnatio tentaretur. Summa copiarum Reipublicæ octo peditum millia, Borbonii totidem, Sfortiæ tria millia erant. Galliæ Rex duorum millium Germanorum militum supplementum, atque octoginta aureorum millia se Borbonio missurum pollicebatur.

Hoc exercitu adoriri Insulrum caput placebat; eo expugnato, ad Genuam oppugnandam proficisci. Triremes viginti, quas diximus, Senatus Regi spondebat in Tyrrhenum mare navigaturas, ut Gallica adjuncta classe, Imperatori in Italiam proficiscenti obsisti posset: qua ex re totius belli eventus pendere haud dubie videbatur. Nam Carolo magnis terrestribus, ac maritimis viribus, ut rumor erat, in Italiam adveniēti impares ad sustinendum belli impetum foederatorum vires erant: illius præsentia Itolorum Principum animos procul dubio spe illectos, aut timore deterritos, communi omnium salute neglecta, suis rebus consulturos. Quapropter illud præsertim hoc tempore providendum videbatur, ut si fieri posset, Cæsaris in Italiam iter vel remorarentur, vel impedirent. Neque ab ea sententia Francisci Regis animus abhorrebat; immo summa invadendæ Hispaniæ cupido incesserat præpotenti exercitu, cui ipse imperator præflet, ad Pyreneos montes deducto; jamque sex Germanorum millia evocari jusserat, in spem erectus, fore, ut Carolus ne hostibus aditum in Hispanias præberet, consilia expeditionis Italicæ prætermitteret. Verum hæc Regis sententia gravioribus difficultatibus involuta videbatur; averſis quippe Gallorum ab Italia viribus, haud exiguis periculis objectari res Italicæ cernebantur, quæ hæcenus illorum subsidii innixæ steterant. A concepta opinione Regem avocare, ardoremque animo conceptum adversus Hispanos restinguere, tutum minime esse nonnulli rebantur; immo potius stimulos addendos, ut quo generoso quodam mentis impetu ferebatur, in id enixius incumberet: Contra aliis tutius esse videbatur, si in Italiam, in qua sedes belli erat, omnes conatus, ac spiritus impenderet: debellatis in ea hostibus, cuncta prospere, atque ad vota cessura. Inciderat in id

*Francisci  
Regis propo-  
sito ad His-  
panias in-  
vadendas.*

tem-

tempus Andreæ Naugerii designati ad Regem oratoris professio. Itaque quid potissimum in re summi momenti statuendum esset, quærebatur; irruptionemne in Hispaniam Galliæ Rex moliretur, an eas vires, quibus aggredi Hispanias statuerat, in Italiam verteret, Aloysio Mocenico, qui tum consilii Sapiens erat, consilia de Hispania invadenda ut probarentur, Senatui suadente; quem, dum ea de re consilium capiendum esset, in hanc fere sententiam loquutum ferunt.

Eo loco res hac tempestate sunt, Patres optimi, ut si ullo unquam tempore virtute, ac prudentia vestra Respublica, cujus clavum tenetis, indiguerit, hoc summopere egeat; cum, per tot annos attritis Italicorum principum viribus, Respublica immensis exhausta sumptibus, impar fere ad imminendum rerum molem sustinendum videatur. Exantlanda denuo nobis ingentia pericula proponuntur; nova se rerum facies ostentat animo; majores bellorum turbines ante oculos obversantur, quæ armati adventus in Italiam Caesaris nobis proculdubio portendit; exercitibus Italia replenda, Itale non modo gentes, sed externæ quoque, illuvie barbarorum buc immisæ, nobis inspiciendæ sunt. Si Rex, ut Imperatori obsistat, Alpes transgressus in Italiam descendat, nonne renovari præteritis calamitates, campos, ac flumina exundantia sanguine cernimus? Jam astus ille deserbuerat, quo superioribus annis bellorum incendiis passim depopulari, atque ardere urbes, & oppida nobilissimæ provincie inspeximus: restinctus ille impetus, atque ardor visus, quo sæpius acie certatum, tentatæ acerrimis oppugnationibus urbes fuere. Modo si ambo hi Principes in Italiam venerint, ingentibus stipati copiis, Germanis, Hispanis, Galisque comitantibus, quem bellorum exitum, quem calamitatum, atque ærumnarum finem inveniemus? Acrius acuenda ferri acies, obstinatoribus animis, vehementioribus viribus depugnandum erit. In acie media ingentia victoriæ præmia sua: a quonam victos, ac prostratos hostes mavultis? Incerti praliorum exitus sunt; ludit mortales fortuna; modo ab imo tollere; modo e vertice dejicere sueta: sæpe magnos exercitus parva manu fusos & legimus ipsi, & audimus; nihil incertius, aut fluxum magis certamine, ac pugna. Cesare, qui baud mediocres copias in Italia,

H. Mauroceni T. I.

V

ve-

1529

Andreas  
Naugerius  
ad Galliam  
Regem orator

Oratio  
Aloysii Mocenici.

veteranosque milites habet, novosque acervare paratus est, victoria potito, quis non undique insolenti dominandi libidine cuncta Casareanos ausuros, neque Divinis, neque humanis parcituros, neque inexhaustam sitim expleturos, ni omnia sibi subjecerint, animadvertat? At vincente Francisco Gallorum Rege, omnia secus eventura, integra Italici Principibus cuncta relicturum, baud dubium multis videtur. Quæso, Patres optimi, quisnam verum humanarum sciens id sibi suadere, ac certo polliceri potest? Ingentem in mortalium mentibus, cui resisti non potest, regnandi, atque imperandi cupiditas vim habet; Et apud Reges præsertim; qui dum urbes, ac provincias subjiciant, gentes premant, nil sancti, aut pensi habent: adeo fulgido hoc, ac splendido regii diadematis decore mentis acies perstringitur, Et, ut ita dicam, obcecatur. Nonne Galli Neapolitanum regnum, Insubrumque imperium justis titulis ad se spectare affirmant? Inde sæpius ab iis transmissæ Alpes, exercitibus in Italiam traductis, Italici Principibus fœderibus sibi devinctis; ac nisi ea spes nunc quoque illorum animos sollicitaret, post tot acceptas clades, deletosque exercitus, quis iterum eandem aleam periclitaturos crederet? Quid igitur, dicet aliquis, faciendum est? quod fîum, ut ex tot ambagibus incolumes evadamus, tenere, ac sequi oportet? Illud sane, ut ego existimo, quod nos ratio docet, fortuna objicit; nempe ut, si fieri potest, bellorum imminentes turbines procul a nostris finibus amoveantur, quodque per tot annos incendium misere perpeffi sumus, in remotas a nobis oras amandetur: id futurum esse, si recte conjectura assequor, videtur, si Hispania bello petatur; si exercitum viribus, ac numero præpotentem Gallorum Rex in Hispaniæ fines ducat, per Pyreneos montes impetum in penitiores illius regiones faciat. Id si eveniet, minime ambigendum est, Casarem ab Hispania non discessurum; sed illius omnes copias coacturum, ne deserta subsidii regio in hostium potestatem concedat, ac dum ipse incerto conatu incrementum imperii, ac dominationem Italiæ aucupatur, avitum regnum, Et proprias sedes in discrimen adducat. Quis enim putet in viscera Hispaniæ adactum Gallorum mucronem non repulsurum, aut Hispania incensa, undique æstuantibus flammis, non restinctum domi incendium



*Cæsarem malle, quam faces in alienas terras immittere. Ita-  
que bellum illud, quo per tot annos Italia exarsit, alio trans-  
mittetur, nosque tandem ex actoribus, ut ita dicam, specta-  
tores erimus. Cur igitur Regem ultro in illud propensum non  
adhortamur, non accendimus, Sebastianoque Justiniano, qui  
nunc in Galliis apud Regem est, & Andrea Naugerio in  
ejus locum proficiscenti Senatus decreto non mandamus, ut ad  
Hispanicam expeditionem properantem Regis animum incitent,  
atque impellant, præsertim cum ipse jam mente victoriam in-  
tueri sibi videatur; neque ambigat hac universam Galliam  
confluxuram? Non enim lustranda maria; non per longinquas  
regiones ductandus exercitus; sed domi, atque in vestibulo  
ipsius regni pugnandum est: facillime copiae cogi, ali, instrui  
poterunt; belli sonitu audito, finitimæ gentes Hispanorum no-  
mini insensa mira celeritate, incredibili alacritate sub signis  
coibunt; ac brevi Pyreneis transgressis montibus, Imperatorem  
eo omnes vires, atque conatus intendere adigent. Hoc pacto  
Italæ principibus, ac nobis præsertim consultum erit, qui tot  
aureorum myriadas, tot milites, ac ciues in hac assidua re-  
rum omnium jactatione absumpsimus. Non semper totis viri-  
bus pugnando, atque certando bella finiuntur; verum hostes  
avocando, domi laceßendo, plurima, & magna bella confecta  
sunt; ac veluti impetu quodam ex præruptis, atque altissimis  
montibus, amne fluente, cum sustinendo aggeres non sufficiant,  
sapius alio flectimus, ac divertimus: Ita in bellis evenire com-  
pertum est, ut quibus ad obsistendum nonnunquam hostibus im-  
pares sumus, ii alio laceßiti, in alias partes averso bello, vin-  
cantur. Sedes hætenus certaminis Italia fuit, nobis dimican-  
tibus summis laboribus, ac vigiliis contritis, dum nulla quietis  
spes effulgeret, reliquæ provincie per otium pacis fructus  
percepere. Immutanda est ratio, si forte alio converso tot ma-  
lorum cumulo, expectatus aliquis jamdiu honestæ concordie, &  
bonorificæ pacis fructus suboriatur.*

Aloysio Mocenico major Collegii Patrum pars adhæserat.  
At contra Joannes Delphinus, ac Marcus Antonius Corne-  
lius, Continentis Sapientes, minime imminuendas Italicæ vi-  
res; verum a Rege, prætermiſſa Hispanica expeditione, no-  
vas submitti in Italiam copias, satius esse ducebant. Ex his

1529

Marci An-  
tonii Corne-  
lii oratio.

Cornelius, vir eloquentiæ laude ea tempestate insignis, ita loquutus dicitur.

Cuperem profecto, Senatores optimi, ut quæ ab Aloysio Mocenico præstantissimo viro summa vi, atque eloquentia disceptata sunt, & cito aggredi, & facillime consequi liceret. Quis enim omnibus votis non exoptaret, quibus per tot annos premimur, varios bellorum casus a nobis repellere, atque in alias regiones ablegare? Sed summopere vereor, ne dum inani spe commovemur, remotisque, ac longinquis auxiliis nitimur, præsentia, & proxima omittamus, seraque tandem pœnitentia nostrorum consiliorum poenas luamus. Quisnam (nisi se ipsum sponte decipere velit) adeo est nostrarum rerum, statusque Italiæ ignarus, qui nesciat, quantum post Neapolitanam cladem Cæsaris vires excreverint, quantum Regis imminuta sint? Apulia excepta, cujus nonnulla oppida in nostra potestate sunt, pauca Galli retinent; cetera omnia Cæsari parent. Mediolanum sæpius incassum petitum; adhuc veterani milites, Antonii Leve ductu, Carolo militant; qui in Germaniæ finitimis locis delectus a Ferdinando babeantur, ad nos sæpius allatum est. Jam vulgatus apud omnes Cæsaris in Italiam adventus; comparata classis; in promptu milites; hanc Italia, & præsertim nostræ Reipublicæ imminentem exercituum, & classum molem, qui copiis vel nostris, vel fœderatorum se excipere, ac sustinere posse putat; aut Rege in Hispanias movente, avertere; is mihi videtur, non satis res nostras metiri, atque plus æquo aliorum viribus, & consilio considerare. Quibus enim viribus ad obsistendum Cæsaris conatibus, nisi Gallie Rex subsidia miserit, parati sumus; Francisci Bourbonii exercitu ad quinque tantum millia peditum redactō, nostris copiis, licet in iis instaurandis, atque augendis omnis opera impendatur, non eo numero, ac robore, ut ad ingruentem belli impetum ferendum, aut repellendum pares sint? cum Antonio Leva hinc, atque inde varian- te fortuna pugnatum; accedenti in Italiam Cæsari maioribus, ac firmiter viribus obviam eundum est: id nō fiat, quam facile illi omnia ad votum eventura putatis? quanta incrementa auctoritatem, atque potentiam illius acceptu-  
ram

ram arbitramini? Insubrum certe regionem, pro qua tot annos dimicatum est, quamque semper mirifice concupivit, brevi in potestate habebit; atque illum, qui ut avitum imperium Francisco Sfortia restitueret, neque suasionibus, neque bellis flecti potuit, putamus, eo adepto, ullo unquam tempore redditurum? qui hæc sibi persuadet, quam altis in Regum animis potentia, ac regni cupido radices agat, non animadvertit. Novit optime Cæsar, magnum sibi gradum ad summam amplitudinem sterni, si in Italia dominetur, quam nobilitate, viribus, auctoritate cunctis præcellere regionibus non ignorat. Idcirco nullum non movit lapidem, ut quantam maximam illius partem posset, suo adiceret imperio: sapius duces exercitus misit, decertavit, urbes atque oppida oppugnavit, in acie conflavit. Modo cum non adeo dejectas fœderatarum vires expertus esset, ut certam sibi victoriam polliceri posset, adventum ipse in Italiam parat; hoc uno arbitratus, illud, quod per duces perficere adhuc non potuit, se consequuturum, Italarumque principum animos sua præsentia dejectum, ac consternatum iri; cunctaque ad objectam ipsius fortuna speciem casura sibi persuadet. Quid enim de Pontifice dicamus? qui post tot ærumnas, atque contumelias ab Hispanis acceptas, hætenus, ut fœderi se adjungeret, nunquam adduci potuit: verum aut spe erigitur, aut timore detinetur. De Florentinisne loquar, qui cum suis cervicibus jam imminere præpotentem exercitum sentiant, neque consilio, neque viribus polent? Ferrariensemne, an Mantuanum commemorem, qui maiorum principum sententiam, ac nutus observare coguntur? Quid igitur superest? Una Veneta Respublica que tot fluctibus, veluti inconcussa moles, obicitur, servitutis impatiens, libertatis acerrima propugnatrix: hanc torvis oculis aspicit Cæsar, scit ab illa Italicarum rerum fortunam pendere, atque, ut sapius audistis, suis illam viribus adoriri, illius virtutem experiri se velle aperte didicit; an illius potentia vim, atque impetum sustinere possit, periculum facturum. Hæc cum ita sint, perpendite, quaeso, utrum de Hispania oppugnanda, an de defendenda Italia agendum vobis sit: cordi laboranti, cum tabifica lues invaserit, non externis, atque longinquis remediis subveniendum, sed intimis opitulandum est: propulsanda ab Italia insula

1329

hæc per tot annos tabes ; in visceribus coalitum virûs arcend-  
dum est ; mox illo penitus ejecto , aut saltem lenito , salubriori ,  
ac tutiori consilio exterioribus animum applicabimus . Sed con-  
tra differitur , Hispania oppugnari cœpta , Cæsarem illuc omnes  
nervos intenturum ; res Italicas abjecturum . Quid porro id sua-  
det ? an iste undique conquistus rerum omnium in Italianam  
expeditionem apparatus ? an mens Cæsaris jamdiu patefacta ?  
an iste , quem exercitibus , ac certaminibus campum , hæc  
provincia præbuit ? Munitissimas arces , fortissima oppida in  
Hispaniæ faucibus sita sunt , quibus destineri Gallorum exer-  
citus , impetus gentis præferocis in pugnam , mox languentis ;  
pristinumque ardorem remittentis , frangi poterunt . Interea in-  
tra Pyreneos montes Gallo bella miscente , quis suppetias Ita-  
liæ feret ? quis Imperatori resistet ? Neque enim credibile est ;  
Gallos in id unum intentos , ut Hispaniam oppugnent , copias  
in Italiam missuros ; immo potius Regem omnia de subvenien-  
do Italici principibus consilia abjecturum . Neque vero faci-  
lis adeo , ut nonnulli jactitant , Hispaniæ oppugnanda ratio  
est , cum per montium asperrima ducendus sit exercitus , ste-  
rili regione , atque infecundo solo , validis , ut diximus , ar-  
cibus tuto , quas Hispaniæ quondam Reges objecere , Gallis  
depugnandum sit : eas , verisimile est , Cæsarem in Italiam  
proficiscentem & numero , & virtute militum aucturum .  
Hæc sane tot incommoda vitanda nobis esse , quis non agno-  
scit ? id fiet , ni fallor , si Regis animum ab Hispanicis re-  
bus ad Italas convertere omni studio conabimur ; ut in aliud  
tempus de invadenda Hispania consilia differat , suadebi-  
mus ; hortabimur , ut quamprimum ingenti conatu , ac vi-  
ribus , quas potens , atque amplissimum regnum abunde sup-  
peditare potest , transgressus Alpibus , armatus in Italiam de-  
scendat ; neque cui per tot annos provincie auctoritate , ac  
viribus præsto fuit , Cæsaris arbitrio , & voluntati permit-  
tat : hoc uno fœderatos firmari ; hostes vinci ; filios , quo-  
rum desiderio flagrat , ex Cæsareanorum manibus eripi pos-  
se : antecapere tempus oportere , priorem se Italiæ , nil aliud  
cupienti , ostentare ; hoc fœderatis incolumitatem ; Italiæ di-  
gnitatem contineri ; sibi met immortalem gloriam parari : il-  
lud vero in primis in animum inducere , postquam Cæsar

cum.

cum exercitu, quem instruit, in Italiam venerit, castra locaverit, omnem præclare gerendarum rerum opportunitatem elapsam, atque amissum iri. Hac in primis Sebastiano Justiniano, atque Andrea Naugerio in Galliam proficiscenti Senatus nomine mandanda sunt: ut Rex, Hispaniæ curis solutus, acrius, ac vehementius in Italicam expeditionem incumbat, ubi nostra in primis res agitur, ne, dum in alias regiones Gallorum impetus effunduntur, Reipublicæ ditio Cæsareanis exercitibus pateat.

Universi fere Patres in hanc ivere sententiam, in quam literæ ex Senatusconsulto ad Justinianum missæ sunt: eadem in mandatis Andrea Naugerio data. Interea dum his de rebus in Senatu consulitur, Sebastiani Justiniani literæ supervenere, quibus significabat, Regem, maturius re expensa, de invadenda Hispania consilium immutasse, atque in Provincia copias cogere, & eo proficisci decrevisse, ut Cæsari in Italiam cuncti iter præpediret, opportuniore in Italiam transeundi loco omnia necessaria compararet: viginti peditum millia Gallicæ gentis, decem Germanorum millia, totidem sponte merentium ducere secum statuisse. His intellectis, Andrea Naugerio Senatus, ut apud Ludovicam Regis matrem oratorio munere fungeretur, mandavit; Sebastiano vero Justiniano, ut Regem in Italiam proficiscentem comitaretur. Dum hæc in Gallia agebantur, cum communi ducum consensu primum Mediolanum oppugnare, mox ad iri Genuam statutum fuisset, Abduæ flumini trajiciendo pons conficiebatur; eo consilio, ut mense aprili exeunte, trajectis Reipublicæ copiis, & cum Francisci Borbonii exercitu conjunctis, Mediolanum aggredierentur: si votis fortuna favisset, illo occupato, Cæsarem ab Italia averti posse rati; præsertim classis auxilio accedente, quæ a Rege Massiliæ sedulo parabatur, adjunctisque viginti Reipublicæ triremibus, quas quamprimum Contareni ductu Tyrrhenum mare navigare decretum fuerat. Eodem tempore ad retinenda Reipublicæ in Apulia oppida, atque arces militum præsidia submittebantur, quæ in omnem eventum ad Venetorum fines augendos in promptu essent; tum ut ancipiti Neapolitani regni, ac Galliæ Cisalpinæ bello Cæsareanos distinerent,

1529

*Senatus decretum.*

*Gallorum apparatus, ut iter Cæsari in Italiam præcludant.*

*Præsidia a Venetis in Apuliam missa.*

1529

ut sejunctis viribus imbecilliores essent . Aderant Reipublicæ octingenti cataphracti , leviores equites mille , octo peditum millia . Borbonio sex millium peditum numerus ad quatuor millia imminutus : neque ex Galliis subsidia ad instaurandum exercitum mittebantur ; pecuniæ inopia milites a signis passim dilabi ; reliqui egestate premi . Borbonius moræ impatiens , indignabundus reditu in Galliam moliebatur ; neque cur Regis ardor in dies remitti , ac restingui videretur , conjectari poterat : ac licet Castellioneus cum pecunia ad Borbonium missus fuisset ; ea tamen ob paucitatem neque temporis , neque rerum necessitati sufficere poterat . Itaque Senatus Regem per oratores enixe hortabatur , ne communibus rebus deesset , quamprimum exercitum instrueret , profectiorem in Italiam maturaret ; pecuniæ vim transmitteret : anni tempus poscere , ne otio tempus teratur ; quæ mature decreta fuere quamcelerrime perficiantur ; ut , si fieri posset , ipse Alpes transgrediens de Mediolani expugnatione , Genuæque invasione certius statueret . Castellioneus ab exercitu discedens Venetias cum venisset , in Apuliam cum pecunia , ad duces , ac milites sustentandos , se transiturum Senatui significaverat , navigisque ad iter impetratis , varias morarum causas nectendo , discessum proferebat ; quæ res haud parvam de Regis consiliis suspensionem iniecerat .

*Castellioneus cum pecunia ad Borbonium.*

*Castellioneus Venetias in Apuliam cum pecunia transit.*

*Joannes Joachimus Gallia ad Senatum orator.*

His accedebat quod Joannes Joachimus extra ordinem legatus a Rege ad Senatum missus , ad Patrum Collegium una cum Arausionensi ordinario accesserat , Regisque literas dederat , quibus multa de bello administrando , viribusque augendis exarata erant ; nihil in iis de adventu illius in Italiam continebatur : quæ res magnum cunctis metum incusserat , ne diversa secum Rex consilia agitarer ; ac , si a Cæsare æquas pacis condiciones obtinere potuisset , & filiorum restitutionem , quorum summo flagrabat desiderio , parum rebus Italicis prospiceret : quocirca ut sedulo Regis ea in re animum explorarent , Præconsultorum sententias acri indagine perquirent , oratoribus mandatum est . Altera ex parte ne otio miles torperet , initiumque belli fieret , cum opportunum ex hybernis educendis copiis tempus adesset , concilio habito , in quo Reipublicæ Legati , Franciscus

scus Sfortia, Joannes Fulgosius, atque alii interfuere duces, Galeatius Vicecomes ad Franciscum Borbonium mittitur, qui tempus Mediolani expugnandi adesse nunciet; cunctos in eam sententiam duces ivisse; idem Gallorum Regem, qui se Alpes transgressurum pollicebatur, sentire. Id enixe Borbonio suadeat, illiusque animum egregii facinoris desiderio incendat; petat, ut quamprimum, Pado trajecto, Mediolanum versus iter arripiat, Venetorum se copiis conjuncturus, quas castris educere decreverant, ut, sociatis viribus, urbem adquirentur, haud exigua spe illius potiundæ, instaurato, atque aucto exercitu, qui præter equitatum duodecim peditum milibus constabat; ex his octo Venetorum, quatuor Sfortiæ erant, hostibus & numero imminutis, & commeatu laborantibus. Sed eo res Francisci Borbonii prolapsæ fuerant; ita imminutæ vires; ad paucitatem redacti milites; omnium rerum, & pecuniæ præsertim inopia pressi, ut neque castris movere copias, neque aliquid aggredi se posse diceret. Et enim ex peditum decem millibus, quos Rex illi pollicitus fuerat, in quibus duo millia Germanorum erant, quam paucissimi sub signis aderant; Germani tantum quadringenti expectabantur. His auditis, Senatus pecuniæ vim Brbonio mittere, hortari, impellere, ut, quo maximo posset, militum numero Padum trajiciat: Gabrieli Venerio apud Sfortiam Reipublicæ oratori quinque aureorum millia, quæ Duci ad persolvenda militum stipendia erogaret, tradita: & cum Urbinas Venetarum copiarum Imperator ex Flaminia reversus, ut deinde ad exercitum proficisceretur, Venetias pervenisset, Natio Legato, ut quamprimum copias trans Abduam duceret, decreto Senatus injunctum est. Neque Flaminia res prætermittebantur, cum Cæsare Fulgosio, qui Ravennæ præerat, ad exercitum vocato, Thomas Constantius levioris equitatus Præfectus, cum sexaginta equitibus Ravennam missus esset, ac Joanni Baptistæ a Castro Epirotarum equitum ductori, ut cum quinquaginta sub illius auspiciis militaret, jussum est: in id Ravennæ Legato literis datis, a quo Senatus decreto in milites, qui nimia licentia, & luxu militarem disciplinam corrumperant, animadversum. Dum hæc in Insucribus, atque in Flaminia fierent, res Apuliæ variis eventibus agitabantur.

Nea-

1529  
Galeatius  
Vicecomes a  
Venetiis &  
Sfortianis  
duces ad  
Borbonium  
missus.

Thomas Ck.  
stantius  
equitum, &  
Joannes  
Baptista a  
Castro Epi-  
rotarum  
præfectus  
Ravennam  
missus.

1529

Neapolitani exules haud mediocria Cæsareanis damna inferebant. Rentius Ceres, vir industrius, atque acer; partium vires augere enixus, in omnem occasionem intentus erat, sæpiusque per literas, ac nuntios sibi a Rege pecuniam, ac vires suppeditari flagitaverat; quibus si opportune adjutus fuisset, Venetorum classis, & copiarum auxilio aliquid moliri, & hostes distinere, ac præpedire potuisset. Verum cum nulla ex Galliis subsidia adventarent, quæ jam de Cæsaris adventu pervagata fama fuerat, accolas, ac proceres erexerat; ita ut Araulionensis Princeps in Aprutianos profectus, Aquilam, & Amatricem urbes recuperaret, indigenis pecunia, qua exercitui satisfaceret, multatis. In Apulia cum pellicere ad defectionem Baruli oppidanos tentarent, re patefacta, Julius Neapolitanus peditum præfectus, cum nonnullis oppidanis, facinoris auctoribus, ac conscis, capite poenas luit. Græco Venetorum equitatu in ea provincia aucto, cum is sæpius ex urbibus exiret, agros non modo tuebatur, verum tuta ad commeatus excipiendos itinera reddebat, Pignatello, Borellique Comite equitum Græcorum virtute, ac disciplina ex iis finibus expulsis. At cum Vastium Marchionem Monopolis oppugnationem moliri ad Viturium Legatum perlatum esset, quingentorum peditum Ricciardo Pitilianco, ac Felice Perusino præfectis, duabus triremibus impositis, Monopolim firmiore præsidio firmavit; oppido cum summa auctoritate Andreas Gritus Venetorum magistratus præerat. Montisbelli, & Carpenæ Comites haud exigua militum manu ibidem erant, qui ut fortiter hostium conatus excipere, ac propulsare possent, summo studio in circuitu cuncta complanare; munire mœnia; civium animos confirmare; necessaria cuncta ad firmandam urbem parare. Interim cum Vastius exercitum admovisset, ipse cum nonnullis e suis prægressus situm urbis intente explorare, qua maxime pateret ad urbem invadendam aditus scrutari. Nec mora, cum suis Petrus Frassina egreditur; pari virtute, ac fortuna utrinque leviori certamine pugnatum. Mox Vastius operibus intentus, ut propius accederet, vineas agebat, glebæ defectu olivarum sarmentis, quibus abundat regio, opera struebat: atque ut triremium subsidia oppidanis averteret, brevi militum industria munitionem vicino

*Aquila &  
Amatrice  
ab Arantio-  
nensi in  
Aprutianis  
occupata*

*Ricciardus  
Pitilianus  
& Felix  
Perusinus  
cum præsi-  
dio Monopo-  
limissi.  
Andreas  
Gritus Mo-  
nopolis præ-  
fectus.  
Vastius  
Marchio  
Monopolim  
aggredditur.*



cino in litore erexit, quæ ipsarum triremium tormentis summo impetu disiecta est, propugnaculumque ad portum Veneti struxere, quo maris aditus ab hostium injuriis tutus pateret: quæ res ad urbis salutem summo momento fuit. Nam Camillus Urfinus a Tranio cum tribus triremibus subsidio supervenit, secumque Angelum Sanctocorcium, virum strenuum, atque arte elaboratorum ignium inventorem, duxit, cujus ope injectus in vineis hostium ignis, pabulum ad flammam alendas farmentorum materia suppeditante, omnes fere illius vi absumptæ sunt; ita ut ad illas reficiendas, atque instaurandas multum laboris, ac temporis opus fuerit; assiduus præsertim tormentorum ictibus, quæ e duabus turribus displodebantur, hostibus male habitis, ac perturbatis. Tandem post multos labores cominus moenia quati cœpta, stratis multis partibus, aditus patrefactus: noctu milites, atque oppidani disiecta sarcire aggressi, intercludere hosti vias, dejectam in fossas materiam intus, qua se tuerentur, comportare: magnus civium ardor, incredibilis ad munia militaria obeunda militum solertia: in mulieribus quoque ipsis generosus animi impetus emicabat, quo pro mœnibus milites incitabant, proprioque comœatu juvabant: strata etiam ipsa, ac pulvinaria ad munimenta reparanda impendebant. Vastius milite adori-ri urbem non ausus esset; ni moræ pertæsus, multarumque rerum inopia adactus eventum experiri satius, quam re infecta, regredi statuisset. Itaque magno impetu urbem aggredientem intrepide milites exceperunt, multorumque cæde pulsus inceptum prætermittere coactus fuit; quodque vi minime obtinere potuerat, obsidione consequi posse ratus, undique urbem circumfidere statuit. Verum ex ea bellandi ratione cum multa suis copiis incommoda accederent, lenteque stipendia persolverentur, seditiones, ac tumultus inter milites, & præcipue Italos pedites ortæ, quorum major pars, relictis signis, in oppidum concessere, Venetæque militiæ adscripti, ne obsessis incommodo essent, mari Trianum mitebantur. Dum transveherentur, duæ triremes maris, ac procellarum impetu disiectæ, atque propinquis litoribus illisæ; cujus eventus rumor, cum ad hostium castra pervenisset, Hispanorum manus ad prædam ex naufragio colligendam accur-

*Camillus  
Urfinus ad  
subsidium  
Monopolitaneorum.*

*Vastius a  
Monopolitaneis reje-  
ctus.*

1529 currit, qua mox a præfidiariis Tranii militibus recepta, haud mediocri Hispanis ea res constitit. Neque adhuc obsidionem hoste relinquire, Legatus Viturius censebat, ut Cæsareanorum oppidum aliquod nostri aggressi, hostes a Monopolitana obsidione revocarent. Verum Ceres satius esse ducebat, ut aucto Monopolis præsidio, improviso milites egressi, hostes nihil hujusmodi opinantes in castris adorirentur, qui Italorum discessione, Germanorum fessis animis, atque corporibus, minus ad obsistendum parati erant. Itaque cum duobus peditum millibus Amalphitanus Princeps in oppidum pervenit, inde obsessis robur, ac vigor accrevit: ante solis exortum oppido erumpentes, magno impetu castra hostium aggrediuntur; ad vallum pugnant; multos interficiunt, quorum loco alii ad propugnanda castra subeunt; sed & loci natura, & vallo muniti, ut castra defererent, minime cogi potuere. Interim Veneti nova subsidia, & commeatus navigiis transmittenda parant. Hujus rei rumor cum ad Vastium pervenisset, spe dejectus, obsidione soluta, Conversam cum se recepisset, inde Neapolim profectus est. Senatus prospero hoc eventu in spem Brundusii iterum potiundi adductus, classis Imperatori, ne Corcyrae amplius cunctando tempus tereret, in Apuliam proficisci jubet, qui a promontorio Iapygio omnem excurrando maritimam Apuliae oram infesta maria hostibus reddebat, atque Brundusio per dedicationem potitus, ac Joanne Francisco Justiniano Reipublicae nomine praefecto, arces circumsidet. Camillo Ursino expugnandi onus tribuitur, moenia quassantur, dejiciuntur; incolae omnium rerum necessitate premuntur, spe tantum Cæsareanae classis nixi. Simeon Romanus dum impigre, ac fortiter operam in ea expugnatione navat, fato concessit.

*Amalphitanus Princeps Monopolim cum praesidio ingreditur.*

*Vastius, Neapolim obsidione relicta, Neapolim proficiscitur.*

*Brundusio a Venetis capto Joannes Franciscus Justinianus praeficitur. Simeonis Romani obitus.*

Interea Urbinas in castra Venetorum pervenerat, & quamprimum, uti decretum fuerat, Mediolanum versus movere statuit; cum Franciscus Borbonius se eodem itinere ducturum copias significasset; ac ii, qui Sfortiae militabant, partim Gallo, partim Venetis adjuncti, ut utroque exercitu hostes oppugnarentur, spe haud mediocri erecti essent, non minus Borbonii fortuna, quae per hos dies illi felix affluerat, quam hostium incommodis, ac necessitate voti se com-

compotes futuros. Nam multa trans Ticinum oppida deditione Borbonius receperat; neque præter duas arces quidquam Cæsareani in ea regione retinebant, neque eorum militum præsidio, qui ad duo millia ex Hispaniis advenerant, atque a Genuensibus urbem ingredi prohibiti, Mediolanum introierant, hostium vires augebantur; etenim omnium rerum egeni, ac prope seminudi, horrido, squalidoque adspectu, ut fame confecti viderentur, ærumnas, calamitatesque aliorum haud parum auxerant, pecunia, rebusque ad victum necessariis in dies deficientibus. Copiæ ad Divi Martini oppidum, quod quinque millia passuum a Mediolano abest, convenere: ibi de bello administrando consilio habito, statutum est, duplici exercitu urbem circumsidendam, ut amplissima civitas in plures partes distenta facilius in potestatem veniret. Verum lustratis copiis, valde imminutus militum numerus conspiciebatur; Galli Venetos, Veneti Gallos insimulabant, alteri in alteros culpam conferebant: Præfecti, ductoresque animi vim ad tantum facinus aggrediendum necessariam remittebant, bellandi ardore restincto, ut tandem sejungere copias, ac separatim oppugnationem aggredi non sine periculo posse compertum fuerit. Ea res cœptis desistere, atque abducere exercitus imperatores coegit, alia ratione hostes oppugnatos: nam Borbonius Landriani, Urbanas Modociæ castra posuere, Sfortia Ticinum cum suis copiis ingredi statuit, eo consilio, ut qua quisque posset, itinera impediret, regionem vastaret, commeatus interciperet; his victoriam nancisci, ac tandem Mediolanum, & Comum, quæ duæ insignes urbes Cæsari parebant, in suam redacturos potestatem rati: fieri enim non posse, ut Mediolanum ipsum tot calamitatibus oppressum, confectumque, annonæ summis in angustiis, vastatis, ac direptis agris, sævientibus in incolas militibus, nutantibus civium animis, diu sustineretur. At cum Gallus in castra pervenisset, omissamque Mediolanensis oppugnationis occasionem cerneret, Genuam cum suis copiis contendere in animo se habere significavit; ad id in primis a Cæsare Fulgoso impulsus, qui inani spe adductus, omnia celerrime, ac nullo fere negotio confectum iri pollicebatur. Itaque ad castra cito regressurum se dicere, Urbi-

*Franciscus  
Borbonius  
Genuam in-  
vadendam  
decernit.*

1529 Urbinatem hortari, ut cum Sfortia in iisdem locis manerent, e quibus hostibus damna inferre possent, neque obsessis ulla quiescendi facultas daretur. Kal. junii Franciscus Borbonius, arrepto Ticinum versus itinere, exercitum movit; impedimenta, & machinas bellicas, primumque suorum agmen iussit incedere, cui Guido Rangonius præerat; ipse medium, postremum Claudius Rangonius ductabat. Hujus rei Antonius Leva per speculatores antea certior factus, urbe egredi, Gallos insequi, ac, si ita ferret occasio, cum hoste acie configere, nihil hujusmodi opinantem opprimere decrevit. Mediolani ad arma conclamatur, coacti milites, candido amictu superinduti, ut a suis noscerentur, Antonium Levam sequuntur; illum podagra, & articulari morbo membris fere cunctis captum, fella incubantem, quatuor armati gestant; summo silentio, tubarum clangore, tympanorum sonitu omisso, ordine militari incedit. Duo millia passuum hosti proximus, ab exploratoribus edoctus, nondum Landriano abiisse Gallos; citatiore gradu progressus, extremum agmen adoritur, ac priusquam illius adventum persentirent, invadit hostes, qui inopinato Cæsareanorum adventu perterriti, nihil ex ordine agebant; non vires, non animum ostentabant, ut a pedite, & levioris armaturæ equite impetu facto, loco cedere, seque recipere cogerentur. Franciscus Borbonius media in acie subsistit, hostium aggredientium conatus, atque impetus egregie sustinuit. Utrinque pari animo, haud dispari fortuna pugnatur; non minima spes in Germanis erat, quos ad duo millia & quingentos, partim ex hostium transfugis, partim ex Germania evocatis, coegerat. Verum cum Antonius Leva cum reliquis copiis, in quibus veteranus miles Hispanus erat, supervenisset, perculsi Galli, ac Germani loco cedunt. Itali pedites ad duo millia, Hieronymo Castellioneo, & Claudio Rangonio ducibus, labantes reliquos confirmant; præliantur aliquandiu æquis animis; tandem cuncti terga hostibus dantes fuga salutem quærivere. Borbonius præaltam fossam equo transilire nixus cum Castellioneo, Claudio Rangonio, atque aliis plurimis in potestatem hostium venit; equi, jumenta, vehicula, farcinæ, machinæque bellicæ hostibus prædæ cessere: qui superfuerant, in diversas partes dispersi, quam-

*Antonius  
Leva Gallos  
aggreditur,  
& fundis.*

*Franciscus  
Borbonius a  
Cæsareanis  
captus.*

quamplures in ditiones Venetorum excepti afflictis rebus per-  
fugium invenere . Prælii eventus cum ad Urbinatem allatus  
esset, Modoetia movere, atque ad Cassianum, ubi prius fue-  
rant, castra locare statuit; quinque peditum millia sub signis  
habebat, quadringentos cataphractus, ac septingentos levioris  
armaturæ equites : ad hæc sarcinas, atque impedimenta .  
Præalta erat via, qua iter agendum erat, copias in tres acies  
sejunxerat tanto intervallo, quantum, ut sibi invicem subve-  
nire possent, satis esset : magna sclopetariorum manu me-  
diam aciem protegebat, sinistra Cæsareanos distinguere cona-  
tus : levis equitatus regionem undique excurrerat ; hostium  
consilia explorabat, ne qua inopinato impressio fieret . Hac  
arte incolumem exercitum ad Cassianum perduxit, propin-  
quum Abduæ flumini oppidum, cui pons superinjectus in  
Abduanam glaream transitum præbebat : hoc veluti muni-  
mento exercitum tutari, circumquaque castra aggere, ac fossa  
munire statuit, una tantum iter ad castra faciente via ; inde  
Laudi, ac Ticino succurri, damno hostes affici, Reipublicæ  
fines defendi, Genuensi expugnationi magnum momentum af-  
ferri poterat . Hoc ducis consilium mirifice probavit Senatus ;  
quamvis Joannes Maria Fulgosius Brixiam ducendas copias,  
cum impares numero hostibus essent, censeret . Nam Leva re-  
centi victoria elatus, jam animo de fœderatis triumphum du-  
cens, Urbinatem insequutus, ad Vavrium, quod duo millia  
passuum a Venetis aberat, castrametatus est, cum plerique il-  
lum Abduam trajecturum, Brixientem, ac Bergomatem agros  
vastaturum, vererentur . Nostri levioris equitatus numero,  
ac virtute hostibus præstabant ; qui circumjacentem regionem  
lustrabat, ne commeatu hostibus importarentur, impediabat,  
tantumque terroris injecerat, ut nemo extra vallum egredi  
auderet . Urbinas & loci opportunitate, & rerum copia milites  
sustentabat ; neque civitatibus, atque oppidis oneri erat ; ad-  
huc Fulgosio contradicente, atque alio adduci exercitum sua-  
dente . Sæpius hinc, atque inde levioribus præliis dimicatum,  
pugna male habiti hostes discedere coacti : justum prælium  
imperatores detrectabant . Antonius Leva, ut aliquo faci-  
nore accepta damna sarciret, Cæsarem Neapolitanum trans  
Abduam ad diripiendos Brixientium, ac Bergomatium fines  
mittit .

1529  
Urbinas  
Cassianum  
se recipit .

Antonius  
Leva ad  
Vavrium .

Cæsar Nea-  
politanus à  
Leva trans  
Abduam  
missus .

1529 mittit. Urbinas re per speculatores cognita, Comite Calatiæ in castris relicto, haud parva cum militum manu, qua hostes flumen trajecturi erant, in insidiis se collocat; parte hostium trajecta, inopinato a tergo alios, qui adhuc in ripa substiterant, adoritur, ac ne fuga saluti confulerent, occupare equites, atque intercludere aditus viarum jubet. Hostium præfectus præsentī periculo perculsus, excindi pontem, ne Urbinas, transitu facto, aggrediretur, mandavit; qui cis flumen erant, ad mille & quingenti, aut cæsi, aut captivi in nostrorum potestatem pervenere: in iis Hispanus miles a proceræ statueræ femina, quæ virum clementia inter milites Calatiæ Comitibus stipendia merebat, captus est; *Margaritonem* illam vocabant, qua in conspectum Hispani quadam die venire iussa, Comes ad Hispanum versus, illum ludificando: *En, inquit, miles, qui te captivum fecit*. Tum Hispanus, *in sua calamitate id sibi solatii esse*, inquit, *quod in manus viri strenui, ac fortis pervenisset*. Verum cum feminam illam esse intellexisset, mœrore atque pudore confectus, indignabundus vita excessit.

*Hispanorum milites ab Urbinato cæsi, & capti.*

Urbinas, ne nihil agendo tempus tereret, continuo multa animo agitare; duces, ac præfectos ad consilium vocare; moliri quam potissimum ratione hostes ad castra deferenda cogeret; tandem universis egredi copiis, atque acie, si occasio tulisset, configere cum hoste decrevit. Itaque in unum locum machinis bellicis coactis, cum universis copiis castris, ac tribus tormentis egreditur, eo consilio, ut illis a tergo relictis, cum primum ad certamen ventum esset, ipse simulato timore se reciperet, inde hostes, ut tormentis potirentur, insequenturos sperabat. Tum machinis bellicis extemplo displosis, ordines hostium turbare cœpit, ac nihil hujusmodi opinantes disjicere, ac vulnerare interea majori impetu illos turbatos, ac palantes aggressurus. Sed res minime consiliis respondit: nam Calatiæ Comes cito nimium cum perditum manu prægressus, longinquo a castris loco pugna cœpta, cum hostes diutius sustinere non posset, quamvis Ducis muneri non deesset, pedem referre coactus fuit. Urbinas cum periclitantem animadverteret, cum reliquis copiis præsto fuit, tantaque vi, atque impetu hostes invalit, ut Cæsareani milites, qui nostros insequabantur, in fugam coniecti, nullo ordi-

ne

ne ad castra redire, Venetorum militibus semper urgentibus, compulsi sint. Mille ac quingenti Antonii Levæ pedites cædem, vel captivitatem perpeffi sunt, ut mox neque exire castris milites sineret, neque aliquid aggredi auderet: inter varias curas, ac difficultates suspensus animo hærebat; hinc comædium inopia premi, inde movere castra famæ, ac militari virtuti indecorum videbatur; in Venetorum regiones incassum exercitum duci, urbibus, oppidisque & præsidio militum, & annona munitis: in Mediolanensibus diuturnitate belli, militum injuriis suprema prope desperatio inerat; Cæsarcanorum jugum excutere, ac Sfortiæ imperio, cujus dominatum experti fuerant, maxime cupientibus. In hoc ancipiti rerum eventu Leva se Mediolanum recepit: illo profecto, Urbinas castra ad Modoetiam urbem propius admovere decreverat.

*Antonius  
Leva Me-  
diolanum  
regreditur.*

Ita res Insuorum se habebant, cum Galliæ Rex inter belli, pacisque consilia pendens, modo se quamprimum in Italiam venturum significaret; nonnunquam vel adverso suarum copiarum fato, vel filiorum cupiditate animum ad pacem flecteret: multa per suos oratores Venetiis cum Senatu agebat, & a foederatis, pecunia loco militum solveretur, petebat; his de rebus oratores ad se mitteret; atque classem in mare Tyrrenum, & subsidia in Hispanicam, quam moliri se agebat, expeditionem, subministraret. His Senatus decreto responsum est: quos ex foedere spondisset milites præstaturum; nihil esse cur pecunia miles mutaretur; militum virtute belli munera obiri: quamprimum Italiæ appropinquaret, oratores missurum; copias, Reipublicæ Legatos, Imperatorem denique ipsum Regis imperata in bello administrando facturos; Contrarenum Legatum cum viginti selectis triremibus quamprimum Massiliam, ut cum regia classe conjungeretur, profecturum; demum quæ conditionibus, pacisque teneretur, moto in Hispaniam bello, collaturum. Sed altera ex parte secreto de ineunda inter Carolum, ac Franciscum pace consilia agitabantur; Margareta Austriaca, Cæsaris amita, quæ Belgio præsidebat, in id enitente, cui ipse facultatem contractandæ, firmandæque pacis dederat. Hæc per nuntios sæpius in Galliam missos Regem ad pacem hortabatur; a qua licet minime averso animo esset, prius tamen, an ad summi momen-

*Margareta  
Austriaca  
de pace cum  
Gallis agi-  
tationes.*

1529

*Lelubajardus a Rege in Belgium missus.*

*Ludovicæ Regis mater ad Cameracum ad pacem sanctandam.*

*Franciscus Rex, ut Senatus oratoribus mandata de pace daret, postulavit.*

*Senatus mandata patri suffraganti oratoribus tribuit.*  
*Andreas Naugerius obiit.*

*Marcus Minius orator in Gallia.*

*Veni per Justinianum oratorem in Italiam Gallos allicient.*

ti negotium peragendum mandata Cæsaris sufficerent, disquirere voluit; ad eam rem explorandam Lelubajardum cubicularium a secretis in Belgium misit, visaque quam Margareta amplissimam facultatem Cæsar dederat, Rex Ludovicam matrem Cameracum misit, ut de pace ageret; iis se, quæ ambæ simul decrevisset, pollicitus assensurum. Rex ea consilia initio testata, mox oratoribus explicuit, nullas concordiae conditiones amplexurum testatus, ni prius Senatui, ac reliquis foederatis expositis, eorum voluntas accederet: interim propensum illius, atque benevolum in Rempublicam animum officii plenius testari verbis; ad pacem hortari; demum petere, ut a Senatu oratoribus ad negotium conficiendum mandata mitterentur. His a Patribus intellectis, quamvis Regis consilia, actionesque suspectas haberent, quippe qui modo in Italiam se venturum, modo ingentia subsidia submissurum cum diu affirmasset, clam de pace cum Cæsare agitaret; attamen ne ab eo, quod ceteri Principes cupere videbantur, alieni se patefacerent, mandata oratoribus, ut paci subscriberent, dedere, modo communi reliquorum foederatorum consensu esset amplectenda. Illud adiectum est, si Rex ab Italico proposito itinere abstinere velit, saltem copias ad decem millia peditum augeat; duodecim millia præter cataphractos, & leviores equites, tormentaue, Reipublicæ militaturos. Nondum his Senatus literis in Galliam allatis, Andreas Naugerius gravissimo morbo conflictatus Blesis excessit, vir excellenti ingenio, omnibus disciplinis, politicioribusque præsertim studiis instructus. A prima juvenia Bartholomæi Liviani, terrestrium copiarum Imperatoris, consiliorum particeps, atque itinerum comes; mox accedente ætate, summis negotiis apud summos Reges assuetus, cui ob singularem facundiam, maximarumque rerum usum Decemviri Historiæ Venetæ conscribendæ onus detulere: licet illius fructus acerrimi ingenii censura, ex testamenti tabulis concrematis libris, ad posteros minime pervenerit; ex cujus obitu summus omnium ordinum civitatis mœror fuit. In ea legatione Marcus Minius suffectus est. Sebastiano Justiniano literæ dantur, quibus quo in statu res Italiæ sint, Regem edoceat; octo millia peditum in Hastensem agrum Rempublicam si in Italiam



liam venerit, obviam missuram; hunc militum numerum singulari studio augeri; octingentos cataphractos, mille quingentos leviores equites in promptu esse: Sfortiam duo peditum millia habiturum; Florentinos quinque millia, leviores equites sexcentos: si ipse, ut fertur, triginta millia armatorum, adjectis quinque peditum millibus, quorum stipendiis persolvendis vicena in singulos menses aureorum millia Senatus pollicetur, in Italiam adduxerit, amplius quinquaginta militum millibus, præter equitatum, exercitum constatum iri; atque non modo ad obsistendum hostibus, verum etiam ad confliendum, & vincendum satis futurum: si vero ea Regis menti insidet sententia, minime transgredi Alpes velle, viginti peditum millia, adjecto equitatu, sub claro, militariumque rerum experientia insigni imperatore, in Italiam, mittat; ne Cæsari adveniienti nobilissimæ provinciæ excurrendæ liber undique campus pateat. Id tertium superesse, si Cæsar, quod vix credi potest, de sua professione consilia reliquerit, qua ratione bellum gerendum sit; id si eveniat, duodecim millia peditum ab eodem postulare, Rempublicam totidem habituram, duo Sfortiam, quatuor Florentinos præstuturos, ut triginta millium exercitu confecto, equitibus adjunctis, bellum confici, repelli hostes, ac debellari tandem possint. Ut hæc perficerentur, exercitum numero, ac virtute militum instaurare, atque augere Senatus nitebatur; ob id Præfecti, ac Duces ad delectus peditum, atque equitum habendos designati: Sigismundus Malatesta, Bernardinus Montacutius, Gabriel a Ripa, Hercules Poeta, Pompejus Ramazzottus, Antonius Scolarius, Justus Gualdus, Babo Naldus, Galeottus Malatesta Ariminensis in eo numero, atque alii fuere. Ad hæc cum Germanos per Tridentinos saltus in Cisalpinos exscensuros multis nuntiis perferretur, ne quid ea in parte detrimenti Respublica caperet, Joannes Delphinus legatus a Senatu deligitur, muniendorum adiutorum, qui ex Germania in Veronensem agrum patent; ordinariorumque militum recensendorum causa Franciscus Paschalicus legatus creatus est. Inter hæc primum subobscuræ, dein crescente, ut assolet, fama, vulgari coeptum; Sfortiam clam cum Cæsare de pace agitare. Id licet minime sibi suaderet Senatus, tot

*Præfecti  
militum ad  
novos delectus  
a Senatu designati.*

*Joannes  
Delphinus  
legatus trās  
Mincium.  
Franciscus  
Paschalicus  
in Veronensem  
agrum legatus.  
Rumor de  
Sfortia cum  
Cæsare de pace  
agitante.*

1529 beneficiis Mediolani Ducem devinctum, separatim quidquam acturum: attamen moveri castra, atque tutiori loco locari placebat, ne, si quid inopinato accidisset, ad Bergomo subveniendum aditus intercluderetur: ac primum ad Laudem castrametari; tum ad ducem in fide retinendum, tum oblata occasione ad aliquid adversus hostes moliendum opportunum videbatur. Verum re maturius perpensa, Leva ad Trevium potiundum, ut a Bergomo subsidia averteret, animo adjecto, ac de adventu Germanorum in Veronensium fines rumore increbrescente, intra Reipublicae fines reducere exercitum decretum est. Urbinas cum copiarum parte Brixiam se recepit, cum reliquis Calatiae Comes Bergomum se contulit. Joannes Fulgosius summa fide, ac prudentia Venetarum copiarum Praefectus, morbo correptus interiit. Filii a Senatu ob patris in Rempublicam merita honoribus militaribus decorati: Cæsar leviorum equitum praefectura ornatus, Alexander cataphractorum ductor, Annibal peditum major Praefectus creatus est. Interim, urbe Monopolitana obsidione soluta, Amalphis, & Juvenatium Apuliae oppida a Venetis capta sunt. Inde majora animo classis imperator, ac legati concepere, consilia hostium inturbare aggressi, quos cum Arausionensi Principe in Hetruriam exercitum ducturos, Perusiamque opugnaturus, per exploratores cognitum erat. Ac per eos dies Urbinatis uxor per literas Senatui significaverat, vereri, ne, ut rumor erat, bellum Ducis ditionibus inferretur: itaque ut trium millium peditum jam decreta stipendia aere publico ad protegendas eas regiones perfolverentur, a Senatu sancitum est. Imperatori, ac Legatis mandatum, ut terrestribus, maritimisque viribus hostem distinendo, ab Hetruria, ac Flaminia invadenda averterent. Rentio Ceriti Senatus nomine gratiae actæ, quod consilio, atque ope Reipublicae res in iis provinciis adjuvisset; mille pedites Viturio legato petenti in Apuliam supplemento copiarum missi.

Interea Cameraci in Belgio de pace inter Imperatorem, atque Galliae Regem secreto agebatur; neque Sebastianus Justinianus, qui cum Reginam Cameracum comitatus esset, in oppido Sancti Quintini morabatur, quid in eo conventu ageretur, certo scire poterat: nihil socio, ac foederato consiliorum Galli

com-

*Joannis  
Fulgosii obitu.*

*Fulgosii filii a Senatu  
honoribus  
militaribus  
decorati.*

*Amalphis,  
& Juvenatium a Venetis  
capta.*

*Urbinatis  
uxori litera  
ad Senatū.*

*Senatus decretum ut  
stipendia  
militibus ad  
Urbinatis  
ditionem pro-  
tegendas sol-  
verentur.*

communicabant. Hæc Senatui significata sollicitos Patres habebant, ne Rex, foederatis omisſis, cum Imperatore pacifceretur, magisque in ejus animo præſens utilitatis ſpecies, quam ſociorum fides vim eſſet habitura. Ipſe vero vel ut æquiores, atque honeſtiores pacis conditiones conſequeretur, vel ut ſociorum ſuſpectas mentes firmaret, extra ordinem oratores ad Senatum miſerat, qui de expeditione Italica agerent, in quibus Theodorum Triultium, ac Joannem Joachimum, qui Regis nomine Flaminia urbes depoſiti loco apud illum ſtatui peterent, quoſque ad exitum grave illud negotium perducī poſſet: huic rei ſi Senatus annuat, foederi Clementem adjunctum iri; id ſummi momenti ad res feliciter conſiciendas fore. Ad ea Senatus decreto reſponſum eſt: Reipublicæ ad pacem conſtituendam oratori in Galliis facultatem impertitam: in Cameracenſi conventu de conditionibus diſceptari; inter cetera de hoc quoque agendum; neque vero Senatum, ſuis rebus tutis, ac reliquis compoſitis controverſiis, a Regis ſententia, & voluntate alienum fore. Oratorique in Galliis Senatuſconſulto datæ literæ, quibus jura, quæ in Ravennæ, & Cervia urbibus obtinebat, ſummo ſtudio tueretur, injungebatur; ne de hac re per pacis conditiones tranſigeretur, laboraret; ad extremum, ni aliter fieri poſſet, urbes Regi ad tempus traderet. Epiſcopus quoque Tarbellenſis per hos dies Venetias venit; is, ut quæ bello neceſſaria forent, Senatus pararet, poſtulabat; triginta aureorum millia in ſingulos meſes pro ſeptem millium ac quingentorum pedatum ſtipendiis, ut Regi perſolverentur, petebat. Senatus decreto in hanc ſententiam Tarbellenſi dictum eſt: cupere magnopere Senatum poſt tot bellorum clades Cameraci pacem publicam, ac communem inter Chriſtianos Principes, ita Chriſtianæ Reipublicæ afflictiſ, & perturbatiſ rebus poſcentibus, firmari, regiones juvenes in libertatem vindicari; quæ ſi adverſante fortuna obtineri nequeant, quid reliquum eſſe, niſi ut bello decernatur? Rempublicam pacis ſemper ſtudioſam, atque appetentem, bellum tum ſuadere: Regi potentiſſimo in Italiam tranſgreſſo, firmiſſimis, ac validiſſimis copiis, omnia proſpera eventura: illius adventu foederatos, auctis animis, nihil non, quod in rem communem eſſet, præſtatuſ: Tarbellenſem

1529

*Theodorus  
Triultius  
& Joannes  
Joachimus  
oratores ad  
Venetos, &  
eorum offi-  
cia.  
Senatus re-  
ſponſo.*

*Mandata  
Senatus ad  
oratores  
in Gallia.*

*Tarbellenſis  
Gallia ora-  
toris officia  
de bellicis  
apparati-  
bus.  
Senatus re-  
ſponſo.*

H. Mauroceni T. I.

X 3

ora-

1529 orare, ut Regem hortaretur, atque ad egregium facinus ag-  
grediendum impelleret: ceterum triginta, quæ menstrua pe-  
teret, aureorum millia, non Senatus animo, viribus certe im-  
paria esse: satis fuisse, viginti millia ad pecuniam quinque  
peditum millibus erogandam obtulisse, cum adhuc octo mil-  
lia peditum octingenti cataphracti, mille ac quingenti levio-  
res equites sumptibus suis alendi forent. Regem summa æqui-  
tate vires Venetas metitum, satis sibi factum a Senatu censui-  
sse, nil amplius ob suum in Italiam adventum petiisse: sin  
Rex atque Cæsar ab Italico itinere abstinerent, tum duodecim  
peditum millia sub signis, uti Regi pollicita fuerat, Rempu-  
blicam habituram. Tarbellensis Senatusconsultum minime sibi  
placere ajebat; ampliora petere, hædere, sermonibus anceps,  
hæsitabundus; regias quoque artes non ita satis tegere, ac ce-  
lare, quin sensus animi latebris quamvis involuti manifeste se  
promerent, atque patescerent. Quocirca Senatus magis ambi-  
gere cœpit, suspecta omnia habere, timere, ne pace devincti  
Reges aliquid in communem aliorum Principum perniciem  
molirentur, ac ne Rex prorsus Italiæ rationes abjiceret. Itaque  
Ludovico Faletro apud Henricum Angliæ Regem oratori man-  
datur, ut quam maxima possit diligentia, quæ Cameraci de  
pace agantur, exploret; Regem adeat; Rempublicam summa  
in illum observantia, ac studio tueatur, roget; neu patiatur  
quidquam Cameraci, quod illi detrimento foret, agi posse:  
id enim non citra summum Italiæ periculum, ac Reipublicæ  
Christianæ damnum eventurum; propensam difficillimis tem-  
poribus Angliæ Regum voluntatem, ac studium Senatum ex-  
pertum fuisse, atque ex eo potentissimos Reges sibi ingentem  
apud cunctas nationes laudem comparasse, quæ illorum no-  
mina æternitati consecrasset. Neque interim qua mente circa  
concordiæ pactiones Senatus esset, quin apud Gallum orato-  
ri significaret, omittere placuit: in primis Franciscum Sfortiam  
in avito Insubrum imperio retinendum, Mediolani Ducem  
declarandum esse, cujus causa tot suscepti labores, tot the-  
sauri impensi, bellatum per tot annos foret. Tum ut Vene-  
tæ pacis anni M. D. XXIII. pacta perficerentur, ducentorum  
aureorum millia, uti ea cautum erat, statutis temporibus Rem-  
publicam persoluturam, si Ferdinandus Imperatoris frater op-  
pida,

*Mandata  
Senatus ad  
Ludovicum  
Faletrum  
in Angliam  
oratorem.*

*Consilia  
Reipublicæ  
de pace ad  
Gallum ora-  
torem trans-  
missa.*

pida, quæ ex Vormaciensi fœdere debebat, restitueret: ad hæc octoginta aureorum millia, quæ pro eo, quod superioribus annis Venetæ copiæ Cæsareanis junctæ non fuerant petebantur, sponte, non ex debito præstaturam. Deinde, si Rex quæ in Neapolitano regno loca obtinet, Imperatori restituat, idem de Apuliæ urbibus Rempubicam facturam, modo ii, qui ad illius partes accesserant, poena non multarentur. Mox quod ad Flaminiaæ urbes spectat, ni alia ratione res transigi possit, in auctoritate Regis futuras; donec jure disceptatio inter Pontificem, ac Rempubicam dirimatur. Demum Ferdinandus, uti quoque antea in aliis tabulis concordiaæ factum fuerat, cunctis assensurum, pacique subscripturum polliceretur.

Hæc Sebastiano Justiniano de pace agenda Senatus decreto scripta fuere vij. idus julii. Cæsar tandem pridie idus augusti Genuam cum quinque, ac triginta triremibus, octoginta majoribus navibus pervenit; octo peditum millia, mille equites ex Hispaniis secum advexerat, Savonæque exponi jusserat. Quo facilius in Cisalpinam Galliam iter arriperent, Placentiam proficisci decreverat, præmissis qui copiis necessaria compararent; statimque Antonio Leva ad se vocato, quem post Franciscum Borbonium captum, & Gallos profligatos, mox in Venetos, qui tum ad Cassianum castrametabantur, irritum conatu exercitum adduxisse diximus, de rerum in Insucribus statu plura egit. Aderant Antonio Levæ hoc tempore duodecim peditum millia: Arausionensis Princeps eodem tempore e Neapolitanorum finibus copias Spoletum adduxerat; eodem Pontificis milites advenere, qui, Barchinone clam cum Cæsare fœdere inito, in gratiam redierat. Germani, decem millium peditum exercitu ad Banzanum oppidum lustrato, per Tridentinos salus in Veronensem agrum descendere cœperant, ita ut Cæsari quadraginta millia peditum adfutura constaret; præter equitatum, qui virtute plurimum pollebat, Burgundionibus Germanis adjectis, simul ad decem millia. Hoc Cæsaris adventu, quamvis ipse ad res componendas, ad pacem inter Principes firmandam se in Italiam profectum, non obscuris verbis significaret; attamen omnium Italarum Principum perculsæ mentes, ac sollicitæ, quoniam ingens hic armorum terra, marique apparatus evasurus esset, cum nulla spes in Gallorum sub-

1529

*Cæsaris ad  
Genuam ad-  
ventus.*

*Fœdus inter  
Pontificem  
ac Cæsarem  
Barchino-  
ne initum*

*Cæsareni  
exercitus.  
Italarum  
Principum  
ob Cæsaris  
adventum  
côsternatio.*

1529 diis foret ; jamque Rex abjectis belli consiliis , omnem recuperandorum liberorum spem in pace reposuisset , quam inter am-  
 bos Principes Cameraci initam fuisse , incertis rumoribus au-  
 gente fama , per omnium ora vulgabatur . Magis quam ceteri  
 solliciti Florentini erant , adversus quorum libertatem Clemen-  
 tem cum Cæsare conspirasse ferebatur : reliqui minores Prin-  
 cipes quo se fortuna vergeret , spectabant , non in bello , at-  
 que armis , sed in deprecationibus apud Cæsarem , & in illius  
 clementia incolumitatem collocantes . Pontifex , qui , libertate  
 impetrata , variis artibus abdita animi texerat , foederatos spe ,  
 ac verbis ludificatus , detectis consiliis , in Cæsaris partes pa-  
 lam transgressus , ex illius nutu , atque auctoritate totus pen-  
 debat , Cæsarique Genuam adventanti tres e præcipuis Cardin-  
 alibus obviam miserat . Florentina Respublica , cui ingentem  
 tempestatem imminere multa portendebant , quatuor statim  
 oratores ad Cæsarem miserat , ut illius mentem explorarent :  
 quod civitas cum foederatis adversus ipsum arma sumpsisset ,  
 id , Clemente suadente , atque nitente , factum ; Cæsari suas  
 res commendare ; in illius voluntate , atque auctoritate futu-  
 ram . Verum cum Pontifici , ac Cæsari maneret immota sen-  
 tentia Reipublicæ Florentinæ immutandæ , nihil obtinere po-  
 tuerunt . Ferrariensis item oratorem ad Cæsarem miserat . Man-  
 tuæ Marchio ad eundem profectus fuerat : ita cuncta pavo-  
 ris , ac consternationis plena erant . Veneti per tot annos com-  
 muni omnium consensu Italicæ libertatis , & dignitatis vindice-  
 ces , quamvis armatum Imperatorem in medio Italiæ inspice-  
 rent ; Pontificem illi adhæsisse cernerent ; nutantes Florentinos ;  
 reliquos vero magno veluti fulgore correptos , quid consi-  
 lii caperent , aut quo se verterent , ignorare , nisi in Cæsare  
 perfugium haberent ; a Gallo nulla belli subsidia expectari  
 posse ; tamen infracto animo , impavidi ad omnia fortunæ te-  
 la excipienda , durato assiduis curis , ac molestiis animo , ni-  
 hil humile , aut demissum agere decrevere . Partem a majoribus  
 libertatem , & gloriam , ab iisque posteris per manus traditam  
 conservare statuunt ; neque insitam majorum Principum animis  
 ambitionem , ac fastum experiri velle ; cum sibi suaderent ,  
 Cæsarem ; qui per tot annos nobilissimæ provinciæ domina-  
 tionem affectaverat , Pontificem pollicitis oneraverat , reli-  
 quos

*Cardinales  
 Genuam a  
 Pontifice  
 ad Cæsarem  
 missi .  
 Oratores  
 Italorum  
 Principum  
 ad Cæsa-  
 rem .*

*Venetorum  
 ambassiantia .*

*Decretum  
de duobus  
oratoribus  
ad Cæsarem  
mittendis a  
Senatu re-  
jicitum.*

*Senatus  
confilia de  
novis dele-  
ctibus habi-  
dit.*  
*Venatorum  
ad federa-  
tes adhorta-  
tiones.*

*Marcus  
Antonius  
Venerius ad  
Ferrariensium  
orator.*

*Pax inter  
Carolū &  
Cæsarem &  
Franciscum  
Gallia Re-  
gem Carac-  
tari inita.*

quos sibi colla submittere perspexerat, a cupiditate non tem-  
peraturum; verum quascumque sibi leges libuisset, Italīs im-  
positurum. Itaque cum Leonardus Haimus consilii, ac Hie-  
ronymus Pefareus continentis Sapientes de duobus legatis ad  
Cæsarem designandis ad Senatum retulissent, vigintiduo tan-  
tummodo ex Senatoribus assensere. Id omnium animis fir-  
missime hæserat, ut nullis impensis, nullis vigiliis parceretur,  
quidquid publice, quidquid privatim Veneti possent, id omne  
pro Reipublicæ incolumitate, ac dignitate impenderetur: in-  
de novos delectus militum haberi; duces, ac præfectos ære  
publico, & præmiis acciri; urbes munire, quindecim peditum  
millia Reipublicæ militarent, decretum; neque quidquam, ut  
perculosos, atque dejectos foederatos confirmaret, animos cri-  
geret, ne adversæ fortunæ telis cederent Senatus omittebat;  
quæ maxima a Republica expectari possent subsidia præstatu-  
ram, Cæsare e Placentino profecto, copias in Parmensem  
agrum, vicinaque illi regioni loca missuram, ut Cæsareanos ab  
Hetruria averteret, ac quacumque ratione posset, amicæ Rei-  
publicæ opitularetur. Marcus Antonium Venerium, qui antea  
ad Alphonsum Ferrariæ Ducem orator designatus fuerat, pro-  
ficisci Ferrariam jubet, qui Reipublicæ propensum in illum  
studium Senatus verbis testaretur, difficillimis temporibus cum  
principe finitimo, ac socio eandem fortunæ aleam subire, eod-  
em experiri casus non abnuere; propterea hortari, ut quan-  
tum possit militum manum comparet, & Mutinam mittat, ut  
opportune suppetias Florentinis ferat, quorum salus, atque in-  
columitas summo in discrimine versetur, neque ruere illi pos-  
sint, quin eodem motu principum Italiæ res convellantur,  
labefactentur. Dum hæc aguntur, nuntius de pace Venetias  
perlatus est, quæ Cameraci inter Imperatorem, & Galliæ Re-  
gem inita pridie nonas augusti in majori basilica solemnī ri-  
tu de more promulgata erat. Summa capitum hæc fuit.

*Primo. Ut Regis filiis libertas restitueretur, Rex duodena  
centena aureorum millia pro eorum lytro persolveret; Hen-  
rico Angliæ Regi ducenta millia Caroli nomine eroga-  
ret.*

*Secundo. Quæ in Insubribus possideret, Carolo concede-  
ret. Hastam, quæque in ea urbe jura haberet, relinqueret:*  
Ba-

1529 *Barulum præterea, & quaecumque in Neapolitano regno possideret.*

*Tertio. Venetos bortaretur, ut ex Coniacensi foedere Apuliae loca Imperatoris potestati permetterent; ni id facerent, hostem se illis futurum; Caesarem triginta aureorum millibus in singulos menses, duodecim triremibus, quatuor navibus, totidem maioribus navigiis adjuvaret.*

*Quarto. Quod e triremibus ad Delphini portum captis superesset, redderet, vel illius loco pecuniam reponeret, iis detrahitis, quæ Caesareani recepissent.*

*Quinto. Furi supremo in Belgio, & Artesia renunciaret.*

*Sexto. Acta adversus Carolum Borbonium rescinderet: defuncto, quæ iniusta esset ignominia nota, deleteretur: bona posteris restituerentur; quæque eo bello occupata hinc, inde forent, mutuo subjectis redderentur.*

Inter foederatos, ac socios Pontifex in primis numerabatur; deinde Allobrogum Dux, ut imperii fiduciarius: de foederatis vero, qui simul adversus Caesarem arma sumplerant, nulla habita mentio. Venetis si intra quatuor menses res suas cum Caesare componerent, ut eodem pacis edicto comprehenderentur, permillum. Firmata itaque pace, qua etiam Angliae Rex, & Ferdinandus Austriae Archidux Rex Hungariae continebantur, atque iis detectis, quæ diu latuerant, consiliis; quam ratione Caesari, si adversus Rempublicam arma moveret, obsistendum esset, plurimis, atque assiduâ consultationibus Patres disquirebant: ac præterea, quæ ad continentis curam spectabant, visum est, ut Respublica maritimarum rerum usu, atque experientia insignis, & pollens, in primis omnem præsidii spem in classe poneret. Quamobrem illius imperatori Senatus decreto mandatum, ut si Brundusii arces, quarum expugnationi operam navabat, bidui, vel tridui spatium aut deditio, aut vi in suam potestatem redigere possit, nulli communicato consilio, opus perficiat: deinde coactis cunctis triremibus, Corcyram contendat; inde ad Rhizonicum sinum ad Ascrivii fauces classem ducat, quam omnibus rebus instructam, remiges, milites, tormenta, ac si quid aliud, in promptu habeat; quo ex loco & sinum Adriaticum tueri possit, & maritimas Apuliae, Neapolitanique regni oras bre-

vi

*Mandata  
Senatus ad  
classis Im-  
peratorem  
de Brundu-  
si arcibus  
expugnandis.*



vi momento adiens excurrere; quod si Cæsareana classis in ea maria se conferat, prælio decerneret. Interea Galliæ Rex, qui, uti diximus, ea, quæ in Neapolitano regno possidebat, conditionibus pacis Cæsari restituere debebat; idemque ut Veneti facerent, enixurum pollicitus fuerat; per suos oratores a Senatu petebat, ut quamprimum oppida, quæ in ea provincia Reipublicæ parebant, quemadmodum Cameraci convenerat, Imperatori traderet. Ea de re præterquam quod Coniacensi foedere cautum esset, id loco summæ gratiæ ab ea Republica impetraturum, cui ipse, prioresque Reges summa benevolentia difficillimis temporibus adfuerant: nulla alia ratione filios in spem regni enutritos recipere a Cæsare posse. Senatus decreto responsum datur: eadem mente erga Regem Rempublicam esse; nullis fortunæ casibus ab ea se amicitia, quam summo studio majores illius coluerant, avelli passuram; optasse suis rebus quoque Cameracensi pace consultum fuisse, atque cum reliquis principibus concordiæ rationes initas: ceterum quod ad Apuliæ loca attinet, Coniacensibus pactionibus nequitiam cogi, cum illis cautum esset, de pace, Republica non adsentiente, minime agere Regem oportere; quod modo efficere nequeat, pro sua in Regem voluntate magis opportune facturam, cum duorum mensium spatium ad tradendos Regi filios statutum esset: interim sperare aliquas cum Cæsare pacis condiciones iniri posse. Hac re cognita, maris Præfectum in Italiam Rex mittere decrevit, ut ad pacem cum Venetis, aliisque principibus Cæsarem hortaretur; Rentioque Ceriti mandaverat, ut quæcumque in Neapolitanorum finibus in potestate Regis Gallorum essent, ex foedere Cæsari restituerentur; idemque, ut Veneti magistratus efficerent, niteretur, qui prius de Senatus voluntate certiores facti abnuerant: Patrumque infederat animis, potius omnia experiri, quam ut Insucribus Cæsarem potiri paterentur. Quocirca sociali foedere soluto, recens cum Francisco Sfortia ineunt, ne sibi desit, hortantur; omnem operam, studium, vires adhibuituros; nullis periculis, sumptibusque, ne avito imperio spoliectur, parci-turos. Interea quo tandem Cæsaris in Italiam adventus, exercitus terra, marique conquisiti tenderent, cuncti non modo Principes, sed etiam populi spectabant: hinc magnum immi-  
nere

1529  
*Franciscus Rex a Senatu petiit, ut urbes Neapolitani regni Cæsari traderet.*

*Senatus responsum.*

*Urbes Neapolitani regni a Gallis Cæsarianis restituta. Veneti cum Sfortia novum fœdus ineunt.*

1529 nere bellum ; inde post afflictas diu , ac turbatas Italiae res pacem effulgere : hæc omnia penes Cæsarem esse , qui validis succinctus copiis , Pontifice amico , ac socio , reliquis Italiae Principibus timore perterritis , nihil illius adverso nutu audentibus ; Gallis pulsis , atque Italicis cunctis rebus ex Cameraci foedere nuper firmato cedere coactis , belli , ac pacis habenas obtinere videretur ; in Venetos tantum onere incumbente .

Attamen Cæsar cum primum Genuam appulisset , pacem se , ac tranquillitatem Italiae redditurum apertis verbis non modo dixerat , sed vulgandum quoque apud omnes curaverat ; quamvis ea , quæ ad bellum necessaria erant , summo studio compararet . Neque Veneti ulla re sibi deerant , ut hostem fortiter terra , marique , munitis urbibus , terrestribus auctis copiis , classe quinquaginta duarum triremium constanter hostium impetus exciperent . Verum plurima ea tempestate contingere , quæ Imperatoris animum , licet Italiae dominandi cupidum , evocare , atque avertere potuere . Nam Suleimanus Turcarum imperator Byzantio cum ingenti exercitu movens , Pannoniam invaserat , ut Joannem Hungariæ Regem nuper a Ferdinando pulsum in regnum restitueret ; Budamque Regum sedem adortus paucis diebus occupaverat ; equitatu , ac peditatu uberri-  
 mos Pannoniæ agros diripuerat , atque vastaverat ; omnemque inferiorem Pannoniam , expugnatis arcibus , ac plerisque munitioribus oppidis , in suam potestatem redegerat ; finitimaque Austriæ loca ferro , igne , cæde incredibili mortalium terrore fœdaverat ; ac Viennam illius provinciæ caput aggressurum minitatus , magnam com meatuum , bellicarumque machinarum copiam colligi jusserat , ut Danubio amne urbem versus veherentur : quæ magno militum præsidio firmata , nisi Turcæ obstitisset , ad tantos remorandos conatus nullum impedimentum inventurus , aditumque in penitiora Germaniæ loca sibi facturus videbatur . Harum rerum tristes nuntii haud parum Cæsaris mentem commovebant : his accedebant frequentes Ferdinandi fratris literæ , qui rerum suarum statum , potentissimas acerrimi hostis vires , quibus par vel sustinendo non esset , fratri significabat ; petebatque , ut nisi funditus Pannonias excindi vellent ; nisi triumphantem hostem Viennæ cernere , ingentia subsidia quamprimum mitteret . Ad hæc quotidie hæreses

*Suleimanus  
Pannonias  
aggreditur .*

*Buda a Suleimano capta .*

ses in Germania incrementa sumere nuntiabantur ; qui hac peste infecti erant , novas res moliri , cogere milites , copias parare : his nisi quamprimum obfisteretur , magnam Germaniæ ; atque imperio perniciem , ingentia universæ Christianæ Reipublicæ mala irreptura . Hæ res animum Cæsaris haud mediocriter vexabant , agitantem nulla facti egregii spe , nullo tot laborum , ac impensarum digno facinore Italarum principum animos suspectos teneri : interim potentissimum hostem , nullo obfistente , regiones percurrere ; urbes expugnare ; provincias in suam potestatem redigere ; acerbiora minari , dum ipse tempus terendo suarum cladum spectator esset . Itaque coepit animum ad pacem flectere ; niti , ut , compositis Italiæ rebus , laboranti Pannoniæ , timentique Germaniæ succurreret , sapius de pace loqui , cupere se controversias cum Venetis definire . Idem qui maxima apud illum gratia , atque auctoritate poterant , suadebant , inter quos Andreas Auria per Federicum Grimaldum Reipublicæ suam operam in agenda pace detulerat , propensumque in illam Imperatoris animum esse significaverat . Senatus , qui pacem cum dignitate semper bello antetulisset , eundem Grimaldum ad Auriam remisit , ut pro illius benevolo in Rempublicam animo gratias ageret , paratumque ad pacem cum Cæsare ineundam studium significaret . Clemens quoque cum Marco Cardinali Cornelio de pace colloquutus , eniti se magnopere aiebat , ut Cæsaris animum ad pacem cum Republica ineundam impelleret , ad eandem amplectendam vehementer Senatum hortari . Senatus Pontificis erga pacem studium laudibus efferre , ab ea nunquam averso animo fuisse . Venetias quoque per eos dies Sigismundus Turrianus Mantuæ Marchionis orator venit , qui Cæsaris optimum in Rempublicam animum testatus , ut Mantuæ de concordie conditionibus ageretur , Marchionis nomine rogaverat : illuc , qui suo nomine agerent , cum mandatis Cæsarem missurum , ut pax e Reipublicæ dignitate conficeretur , nihil se prætermisurum . Marchioni gratiæ actæ , publicumque pacis desiderium affirmatum .

Dum Respublica ad concordiam sollicitatur ; ac nihil , quod ad bellandum necessarium esset , hinc , atque inde prætermittitur , Franciscus Sfortia , cui gravia post Cæsaris in Italiam adventum imminere pericula videbantur , ut cum Cæsare ,

avi-

*Andreas  
Auria suam  
operam in  
pace cum Cæ-  
sare sancti-  
ficando Reipub-  
licæ deservit.*

*Clemens per  
Cornelium  
Cardinalem  
& Mantuæ  
Marchionem  
per ora-  
torem de pa-  
ce cum Ve-  
netis agens.*

1529 avito imperio retento, in gratiam rediret, summopere optabat; nihilque Senatu inconsulto aggredi poterat. Marco Antonio Venerio significavit, cupere se legatum ad Cæsarem mittere, ut illius animum leniret, bellicumque apparatus, quo se petatum iri fama ferebatur, remoraretur: id in primis illum decere, quod Cæsaris beneficiarius, ejusque vicem obtinens in Insubribus esset: eadem ab illius oratore Senatui significata. Neque impellere, neque adhortari Sfortiam placuit: quid sibi magis conducere videretur, id efficeret, permissum; adjectum, certo sibi Senatum suadere; nisi se conscio, & consiliorum particeps, cum Imperatore pacem non confecturum. Negotium illud Caracciolo Protonotario, & Garziæ e Padilia a Cæsare datum erat; qui cum sæpius Sfortiam adiissent, ut Ticinum, atque Alexandriam Cæsari traderet, hortabantur. Renuit Sfortia; neque se hujusmodi postulatis unquam adfensurum constanter affirmavit: eoque responso per oratorem Senatui communicato, ut firmioribus subsidiis urbes firmarentur; bellicæ machinæ mitterentur; pecunia suppeditaretur, petebat. Urbinati Imperatori datæ literæ, quibus Sfortiæ opem ferri, ac veluti de Reipublicæ urbibus ageretur, quæcumque ad eas conservandas opportuna forent, subministraret, jubebatur. Decem præterea aureorum millia Senatus decreto Sfortiæ legatis numerata sunt. Ferrariensis quoque Dux in ancipiti versabatur, ob Regium, ac Mutinam, ad quas uti Pontificiæ ditioris urbes superiores Pontifices, & Clemens ipse adspiraverat. Itaque his Marco Antonio Venerio significatis, nihil, ut hostes arceret, omittendum, disertis verbis, Senatui nunciaret, petiit; præterea sibi a Republica duodecim instructa minora navigia, quibus Padum, ripasque hinc inde tueri posset, darentur. Clodiæ magistratui, ut quamprimum instructa ad Duces mitteret, præceptum: insuper illius animus in libertatem, ac dignitatem Italicam egregius commendatus: summa inter illum, ac Mediolani Ducem benevolentia, arctæque animorum, & virium conjunctione opus esse: Rempublicam utrique accessuram; periculis minime cedendum, non abjiciendos animos, sed potius assumendas vires, atque in mutuam defensionem acuendas. Si Cæsar, justis, honestisque pacis conditionibus rejectis, armis laceggeret, & in nostram perniciem hoc quid-

*Caracciolo  
& Garziæ  
& Padilia  
provincia  
de Sfortia-  
nis rebus cō-  
ponendis a  
Cæsare de-  
mandata,  
& totum pe-  
nitentes.*

*Mandata  
Senatus ad  
Urbinatem,  
ut Sfortiā  
juvet.*

quidquid est copiarum convertere velit; eam Reipublicæ insidere mentem, quamvis hostis in sinu prope sit, suis viribus nixam nihil de veteri constantia remittere; militum subsidiis, ac omnibus ad victum necessariis munitas urbes hostibus objicere; Sfortiam, ne præcipiti consilio ruat, sustentare, vel generoso conatu bellum excepturam, vel ad justas, atque æquas pacis condiciones Cæsarem coacturam. Cum Ticinum, atque Alexandriam minime a Sfortia impetrare posse Cæsar intelligeret, Pontifex per Episcopum Vasonensem, ut sibi depositi loco traderentur, postulabat. In id, quo aditum ad gratiam Caroli comparandam sibi strueret, propendere Dux videbatur; attamen quid ea in re sibi statuendum esset, per oratorem a Senatu petiit. Is Sfortiæ literas perlegit, quibus non libere Senatus sententiam exquirere videbatur, sed veluti jam quid acturus esset, decrevisset, assensum petebat. Senatus decreto ita Marco Antonio Venerio oratori scriptum: summa cum admiratione, ac dolore gravissima in re, quæ mens illius esset, intellexisse; cum inde vetus Reipublicæ cum illo fœdus, atque amicitiam in discrimen vocari animadverteret: quod vero ad postulata Clementis spectet, iis, nisi omnino res suas pessundare velit, cum fœderatorum principum, ac universæ Italiæ summa jactura, minime assentiri posse; nulla alia in re magis Cæsarem insudare, quam ut Italos principes sejungat; divellat; semina inter ipsos dissensionum serat, quo facilius a singulis obtineat, quod ægre ab universis impetrare valet. Quis porro ignorat, Ticini, atque Alexandriæ restituendarum urbium penes se, non apud Pontificem facultatem esse velle? huic rei si Sfortia annuat, quis ambigat Florentinos, & Ferrariensem, veluti desperatione adactos, præcipientes arbitrio se Cæsaris permisiuros, quascumque libuerit ab eo pacis condiciones accepturos? Hæc intentiori studio a Senatu agebantur, ne Sfortia, cui per tot annos præsto fuerat, cunctisque officiis adjuverat, præpropere consilio res suas fortunæ, & Cæsaris voluntati penitus concrederet, atque ut æquiores concordiae rationes, si eodem tempore cum Duce quoque ageretur, a se iniri possent. Dum hæc de pace agitantur, Cæsar, ac Pontifex Bononiam convenire decreverunt, uti Barchinone statutum fuerat, quæque ad iter necessaria erant, utrinque paraban-

1529

*Clementis a Sfortia petit, ut Ticinum & Alexandriam, sibi depositi loco tradat.*

*Sfortia Senatus sententiam postulat. Senatus responsio.*

*Clementis & Cæsaris decretis Bononiam conveniendi.*

1529 bantur. Eo in conventu maximis de rebus agendum erat : Italiae non modo, verum etiam totius Christianae Reipublicae status ex consiliis, quae ibi caperentur, pendeat. Cum vero acius res urgeret, ac tum Vasonensis Episcopus, qui Placentiae cum Caesare morabatur, ut oratores a Senatu ad tractandam pacem mitterentur, peteret; Mantuanique oratores, ut iidem Mantuam eadem ex causa adirent, postularent; hac de re variis, ac dissentientibus sententiis in Senatu actum est; nonnullis, ut quamprimum oratores Mantuam mitterentur, sentientibus; aliis, ut Bononiae conventus expectaretur, suadentibus. Prioris sententiae auctor ita loquutus fertur.

Oratio in  
Senatu ha-  
bita de ora-  
toribus  
Mantuam  
mittendis.

*Maximarum rerum opportunitates in proclivi admodum sitae sunt: iis vel negligentia, vel animo, dum maiora sibi pollicetur, spernente, omissis, sapius ob praeteritis, e manibusque lapsas rerum gerendarum egregias occasiones querimus. Neque id miror, cum ea sit mortalium conditio, ut in difficilia, & ardua, quaeque vetita sunt, summo nixu contendat; quae vero in promptu sunt, quaeque fortunae beneficio, ac Dei benignitate nobis sese obijciunt, ac ultro porriguntur, ea negligat, & aspernetur. Id nobis nonnunquam evenisse baud vulgaria exempla testantur, qui superioribus annis, cum controversias, quae inter Fulium Pontificem Maximum, ac Rempubiicam intercedebant, cum dignitate dirimere potuissemus, omissa, relictaque opportunitate, in maximas angustias, bellaque incidimus, in quibus jam viginti annos versamur; quo tempore quae sequuta sint, commemorandi locus non est, ne adhuc recentia vulnera contrectando, praeteritarum cladum memoria animus exhorrescat. Quid enim tam grave excogitari, quid tam dirum fingi potest, quod nobis exhaustum non fuerit? Angulusne in nobili hac, & cunctis saeculis insigni Italiae provincia inveniri potest, qui exterorum arma, praedas, captivitatem, funera passus non fuerit? An infandas exercituum strages memorem? Quid Italicae Abduca, & Eretenus flumina, quid Brixia, Ravennaque constiterint? Quis enim arumnas, malorumque summam enumerare, aut cogitare queat? Tot calamitatum finis in nostra voluntate situs est, Patres optimi, si illa prudentia uti velimus, quae Senatus amplissimi menti insita, ac prope ingenta est, quaque difficillimis, ac turbulentis temporibus, frementibus*

undique bellorum fluctibus, incolumem Rempublicam servare potuit. Quid enim a Deo immortalis ( si nobis optio data fuisset ) aut expetendum magis, aut exoptandum videbatur, quam ut hoc rerum statu non ipsi concordiam querere, sed ultro oblatam acciperemus? Nam postquam Caesar cum exercitu in Italiam venit, sibiique Pontificem adjunxit, Galli spectatores rerum Italicarum existunt; foedus illud, quod Imperatoris potentiae, ac cupiditati objiciebatur, abruptum, dissolutumque est. Quid reliquum erat, nisi ut Respublica in se hostium vim, impetumque, Florentinis, Sfortiaque nutantibus, reciperet? Difficillimum porro bellum, quodque longe praeterita superet, ni pacem amplectamur, nobis subeundum est, attritis viribus, absumptis thesauris, subditorum fortunis fere accisis, atque ob immensam, quam tanto annorum intervallo molem sustinemus, laxatis, ac defatigatis Reipublicae nervis: cum contra Imperator prosperis rerum successibus elatus, sociis stipatus, recens collecto exercitu, omnia ad votum sibi eventura polliceri possit. Attamen iniqua hac lance singulis expensis, nos non ii sumus qui pacem petimus; Caesar concordiae rationes nobis proponit; amicam sibi fieri Rempublicam optat. Andreae Aurie literas, Mantuani Marchionis oratores, qui pacem nobis Caesaris nomine offerunt, audivimus. Ambigi ne de Caesaris voluntate potest? an arbitramur bis de rebus absque illius consilio nobiscum agi? Et adhuc dubitamus? adhuc animum flectere ad pacem nolumus? Parvo, ut dixi, momento rerum praecclare gerendarum occasiones labuntur; dum certa facultas adest, dum finit tempus, obviam eundum est, sinum venienti fortune pandere oportet. Quis enim eodem semper animo Caesarem futurum vobis pollicetur? incertae hominum voluntates, atque consilia sunt; Regum praesertim, in quorum animis regnandi libido dominatur, cunctaque illi submitunt. An putatis defuturos vestri nominis invidos, atque hostes, qui Caesari suadeant, ne incassum exercitum in Italiam duxisse videatur, ut bellum potius experi ri summa spe victoriae subnixus, quam de pace agere velit? Id si eveniat, quantis curis involvemur? quot nobis pericula, sumptus denuo exantlandi erunt? Quae omnia si forte nobis invidis ingruant, non nosmetipsos, at fortune malignitatem

H. Mauroceni T. I

Y

tatem

1529 *tatem incusare poterimus, quæ nondum nostris exsaturata malis, bella bellis, funera funeribus accumulet. Neque Deus Optimus Maximus laboranti, ac pro libertate pugnanti Reipublicæ, quæ præter ceteras laudes, pietatis, ac religionis sibi gloriam comparavit, deerit. Verum, si sponte in hanc arenam descendimus; si ultro Rempublicam in has undas, tempestatesque conijcimus, quid aliud, quam nosmetipsos culpæ poterimus? quod præsentī occasione minime uti voluerimus; quod incertos humanarum rerum casus non inspexerimus; quod bellorum exitus, qui nutu fortunæ reguntur, neglexerimus. Hactenus Reipublicæ virtus, vestra constantia enituit; bella pro Republica, pro Italia ingentia suscepimus; dignitatem, ac libertatem nobilissimæ istius provinciæ super alias sustulimus; pro iis acriter certavimus; laborum fructus in nostris prope manibus est: neque præsentium, neque posterorum erit, ut opinor, aliquis, qui summis ad cælum laudibus vos non extollat, quod toties pugnaveritis; toties cum potentissimis hostibus dimicaveritis; quod a fœderatis destituti majorem, atque altiozem in defendenda Republica, atque Italia animum ostenderitis. Sed videte, ne dum hanc laudem aucupari pergitis, prudentiæ fructum amittatis, obfirmatique animi, ac mentis obstinatiæ in reprehensione, & notam apud mortales incurratis, præteritamque gloriam, quam adepti estis, hoc nimis duro, atque inflexibili consilio corrumpatis. Oratores igitur a vobis designandos, & Mantuam mittendos arbitror, ut ibi de conditionibus pacis agant; ut tandem felici exitu concordiam, ad quam nos Cæsar invitat, amplectamur.*

Cum jam hic perorasset, contra in hanc sententiam alter dicere est exorsus.

*Oratio in  
Senatu ha-  
bita, ut de  
oratoribus  
decretum ad  
Bononiæ cō-  
victum dif-  
feratur.*

*Nemo est, ut opinor, Patres optimi, qui bonestam pacem periculoso bello non anteferat, quique non Italiæ calamitatibus, vestris sumptibus, ac laboribus finem imponi, metam statui non summo perire optet. At illud in primis cavendum arbitror, ne dum in re summi momenti omnia ex voluntate, ac desiderio metimur, præsentem rerum statum oblitī egregia facinora, quibus per tot annos Rempublicam, atque Italiam tutati sumus, non absque detrimento publicæ incolunitatis, dignitatisque corrumpamus. Quid enim causæ est,*

*cur*



cur, nondum Bononiæ conventu coacto, oratores mittere Mantuam velimus? putatisne hoc intervallo vobis pacem e manibus elapsuram? quasi vero eo loco res Caesaris sint, ut quæcumque sibi in mentem venerint, ea exequi, ac perficere possit? An illius copias multis incommodis premi ignoramus? commeatu laborare; pecuniæ inopia urgeri; molem tantam ægre sustentari, cito in semet casuram? Qui, si in vestros fines exercitum ducere velit, validissimas urbes, natura, atque arte munitas inveniet, in quibus oppugnandis ingentibus viribus, omnium rerum affluentia, ac tempore præsertim opus est, quod longioribus obsidionibus terendum erit. Ea ut maxime difficilia sunt, ita confici a Cesare hoc tempore non possunt: bellum enim in Italia moventem Pannoniam deferere, totius Germaniæ oblivisci necesse est; at quo rerum statu? dum Suleimanus Turcarum Imperator, Pannonia vastata, ac direpta, Viennam oppugnat; mœnia concutit; in illius potiunde spem adductus, Germaniæ exitum parat; dum heresum pestis per populos grassatur, intestinarumque dissensionum non minus, quam externorum beliorum adventantibus periculis conflatur; dum anxium, ac sollicitum de salute, atque imperio Ferdinandum fratrem aspicit, cui subsidia negare, crudele, atque impium: submittere, id demum est præsentis metu, ac formidine Italarum animos solvere. Nam Caesaris copiis imminutis, quod amplius aggredi facinus Casareani queant? quas vires nobis pertimescendas censetis? qui diu cum Antonio Leva pugnavistis, vanosque illius conatus reddidistis. Pacem banc, quam modo ostentant, qua allicere vestras mentes nituntur, putatisne illorum causa, an vestra peti? vestrane, quos sibi insensos putant, quod toties cum Gallo juncti iis obstististis; irritos conatus reddidistis; augendi, ac propagandi imperii consilia fregistis? an potius sua? qui cum alio avocentur, neque diu cum exercitu in his regionibus morari possint, Italicas res pacatas, ac tranquillitas relinquere cupiunt; id, nisi pace cum Republica constituta, obtinere posse desperant; propterea vos urgent, ac sollicitant; Et cum sæpe Galorum in se animum experti sint, verentur, ne, turbatis Italiæ rebus, Imperatore absente, eodem Galli revolvantur; neque magis concordie Came-

1529 *racensis, quam Madriti inita pacis memores sint. Omnis itaque ex animis vestris, si forte quis insedit, timor pellendus est, omniaque cum dignitate agenda; cum praesertim adhuc in vestra potestate Flaminiae, atque Apuliae urbes existant, quas, Caesare Italia profecto, imminutoque exercitu, non ita facile e manibus vestris eripi patiemini. Modo se vobis pacis conditiones exhibituros credunt, tunc vos petentibus iis, quae magis e re vestra erunt, assentiemini. At dicet aliquis, Pontificem recipiendarum urbium desiderio flagrantem Caesari faces ad bellum additurum. Quasi vero omnia iterum misceri, prioribusque calamitatibus involvi exoptandum illi sit, qui captivitatem, omniaque humana mala perpeffus, nunc primum respirare inceperit. Alio Clementis mens, atque consilia spectant; in Florentinos jam spicula furoris contorquet; jam Mediceam familiam pulsam patria, ejectam domo, in priori dignitatis, ac potentiae gradu collocat; jam Reipublicae formam immutat. Quanam re illius animum vehementius impelli putamus? an Flaminiae urbium obtinendarum spe, quas pace potius, quam bello recipere potest? an domandae civium pervicaciae, & restituendae familiae, ad quam rem conficiendam copiae in promptu sunt, ad arma conclamatum, in Hetruriae faucibus Arausionensis Princeps cum Caesaris exercitu haeret? Neque vero credibile est, Pontificem Rempublicam Venetam dejectam velle, quae semper Pontificiae auctoritati faverit, Apostolicae Sedi laboranti opem tulerit; mutuo collatis viribus libertatem ac decus Italiae niti non ignorat. Quocirca sperandum est, ne praepropere acerbos adhuc fructus carpere velimus, band multo post majori cum dignitate, atque utilitate praecleara, atque undequaque absoluta laborum nostrorum praemia nos laturos.*

*Andreas  
Rubeus  
Mantuanum  
mittitur.*

Inter discrepantes sententias mediam quandam rationem inire placuit. Itaque Andreas Rubeus a secretis Senatus ad Marchionem Mantuanum missus est; mandatumque, ut gratias publico nomine ageret; benevolum in illum, ac gratum Senatus animum testaretur; eadem mente, qua semper fuerit, de pace cum Caesare incunda Rempublicam esse; in conventum Bononiensem negotium differre statuisse, quo propediem Pontifex, & Caesar, ut Reipublicae Christianae rebus consu-

le-

lerent, profecturi erant: verum si aliter Cæsari videretur, alibi de pace agendum censeret, quæ illius voluntas sit, libenter audituram. Hæc fundamenta pacis jaciebantur, in quam etsi Cæsaris animus maxime propendere videretur, tamen eodem tempore suspectos adhuc principes tenebat; Antonio præsertim Leva suadente, quod indignum diceret, a Sfortia, ut Ticinum, atque Alexandriam Clementi depositi loco traderet, Cæsarem impetrare non potuisse. Itaque illo permittente, Ticinum magnis viribus oppugnare parat; bellicas machinas, militaria tormenta adducit: cuncta ad oppugnationem necessaria instruit. Annibal Picenardus urbis præfectus primum, quod dum de pace ageretur, nihil sibi hujusmodi verebatur, contemnere; re acrius urgente, cum commeatus vix in duos menses suppeteret, præsidio imminuto, quod ad sancti Angeli oppidum, quo Leva exercitum ducere simulaverat, magnam militum manum præmisisset, paucique admodum ad urbem præsidium reliqui essent, priusquam illam hostes adorirentur, pacta sui, ac militum incolumitate, non sine avaritiæ, vitæque antea nota, Cæsareanis tradidit. Pontifex Romæ iter per Picenum, ac Flaminiam Bononiam versus arripuit, urbem viij. kal. novembris ingressus. Cæsar vij. kal. Placentia profectus, per Regium, ac Mutinam eodem se contulit; a Pontifice solemnî ritu, ac more honorifice excipitur; Gasparemque Contarenum, Reipublicæ apud Pontificem oratorem, qui Clementem comitabatur, Imperator alloquitur. Statimque de pace agi cœptum; quo in negotio maximis de rebus agendum erat; de Flaminia, atque Apulia urbibus; de firmando rerum Italicarum statu; de Francisco Sfortia in avito imperio retinendo; de veteribus inter Ferdinandum, ac Rempubli-  
cam diffidiis componendis. Verum præter cetera Francisci Sfortiæ negotium summis difficultatibus implicitum videbatur; neque enim Cæsar adduci poterat, ut Mediolanum Duci, a quo summis se affectum injuriis prædicabat, libere restitueret. Sfortia, ut, quoquo pacto Insubribus potiretur, nihil sibi omit-  
tendum ducebat: quæ nuper Antonius Leva in Ticino occupando adversus illum gesserat, remorabantur: addebat animos propensa Imperatoris in pacem mens: at se penitus Cæsaris fidei committere verebatur. Itaque ancipiti dis-

*Antonius  
Leva Tici-  
num aggre-  
ditur, & per  
ditionem  
occupat.*

*Clementis &  
Cæsaris Bo-  
nonia com-  
veniunt.  
Agitationes  
de pace.*

1529

Franciscus  
Sfortia de  
rebus suis  
Venetos con-  
sultat.

tentus consilio, quidnam sibi agendum esset, Venetos consulit.

Summo vero conatu Senatus nitebatur, ut unde bellorum antea origo fuerat, inde pacis initium, Sfortia Mediolano restituto, existeret. In eam rem oratori Bononiam mandata a Senatu data sunt, ut Imperatoris animum ad id suaderet, atque impelleret, & Pontificis, qui benevolo in Sfortiam animo erat, plurimumque apud Cæsarem poterat, auctoritate uteretur. Magnum Cancellarium Granuellanum, ac Pratum concordiae conditionibus tractandis Cæsar præfecerat. Primo congressui Pontifex adesse voluit; ibi post multa hinc inde agitata, Contarenus Reipublicæ orator, ut Sfortiæ Mediolanum restitueretur, gravi oratione petiit: hoc uno Italiæ pacem, ac tranquillitatem niti, diutiusque conservari posse. Eodem officii genere cum Imperatore usus, ad Sfortiam complectendum, avitasque illi ditiones reddendas, Senatus nomine est hortatus. Cæsaris animum duriorem, quam arbitratus fuerat, expertus, nihil obtinere potuit; cum Sfortiæ in illum facinora commemoraret; arma adversum se sumpta; oppugnatas urbes; cum hostibus juncta foedera; neque imperatoriam decere dignitatem, ita cum subiecto, ac beneficiario agere. *Quid enim? an ex jure agi Sfortia postulat? Id si velit, nihil est, cur vereatur, aliquid contra fas, ac jus ab eo factum iri. Sin benignitatem implorat, Clementiæ se permittit: cur non ipse Bononiam petere audeat? Id si faciat, benevolum, ac propensum in Pontificem, ac Rempublicam Venetam animum ostensurum.* His intellectis, Senatus Marco Antonio Venerio, ut Sfortiam contendere Bononiam hortetur, mandat, honorisque illi gratia comes itineri adsit. Sfortia, accepto ab Imperatore publicæ fidei diplomate, Bononiam proficiscitur. Ut primum ad Cæsarem accessit, pro re pauca loquutus, benigneque exceptus est. Tandem, ut quid juri consentaneum esset, in Sfortiæ negotio decerneretur, decretum: id magis e re sua esse Dux censuit; tum ne candori, atque innocentiae suæ diffidere, tum ne Imperatoris justitiæ parum confidere videretur.

Senatus  
hortatu  
Sfortia  
Bononiam  
proficiscitur.

Deinde de pacis conditionibus cum Venetis agi cœptum, cum prius mandata ad negotium peragendum a Senatu Contarenus accepisset. Multæ hinc inde subortæ difficultates longiorem rei exitum prænuntiabant: propterea ambiguo eventu ani-

mi

mi sollicitabantur, veriti, ne studiose moras neſcendo, per ſpeciem tractandæ pacis inopinatos invaderent. Suspicio augebatur, quod cum ſæpius a Senatu, ut Germani milites ex Brixienſi agro ſubmoverentur, poſtulatam eſſet, obtineri nequiverat; at quotidie regionem vaſtari; prædas agi; incolas detrimentis affici a Germanis perferebatur, qui ad decem millia in Brixienſium finibus conſederant. Præterea cum viginti quinque triremium claſſis e Centumcellis Neapolim navigaſſet, inde quatuor auctam triremibus in Apuliæ oras proſecturam nuntii attulerant. Quocirca dum de pace ageretur, neque terreſtres copiæ, neque claſſis imminui poterat; aſſiduis impenſis civium vires abſumi, publicam pecuniam exhauriri, cuncta inter pacis ſpem, bellicque timorem in incerto eſſe. Itaque autumno exeunte, cum de triremibus ſubducendis, claſſeque minuenda ageretur, vicit Joannis Mariæ Maripetri ordinum Sapientis ſententia, qui in aliud tempus rem differri ſuadebat; plerisque, denuo inſtauratis viribus, majori conatu bellum renovandum dictitantibus. Nam in Pannonia reſediſſe bellum videbatur, quod Suleimani cum Viennæ exercitum admoviſſet, fruſtraque in ea oppugnanda laboraſſet, tandem Byzantium reverti coactus fuerat: qua ex re haud parum Cæſaris dignitati, ac nomini acceſſerat, ac multos ex iis, qui nunquam ab ejus latere diſcedebant, fama erat victoriæ ſtimulis mentem accendere, ac nimis avidum gloriæ, ac potentiæ animum incitare, ne quam tot copiis præclare gerendi opportunitatem fortuna tribuerat, inaniter diſceptando contereret; inter quos Antonius Leva majores, atque acriores faces admovebat; cum, Inſubribus in poteſtatem reductis, magnum ſibi apud cunctas nationes nomen, ingentes opes adepturum ſperaret.

Neque quod agitarum diu cum Pontifice de Flaminia urbis negotium fuerat, ob varia impedimenta adhuc ad exitum perducipotuerat; cum eadem omnibus non probaretur ſententia; nonnullis placeret, Cæſari totam rem committere, illiusque ſibi animum hoc factò conciliare. Satiſ aliis eſſe videbatur, cum eodem Pontifice agere; ſperare futurum eſſe, ut annua aliqua pecuniæ penſione, tanquam beneficiarias urbes Clemens, qui totus in Florentinos intentus eſſet, Reipublicæ reſiqueret. Hæc Senatui cum probaretur ſententia, Contarenius ora-

*Joannis  
Mariæ Ma-  
ripetri ſen-  
tentia de  
claſſe non  
minuenda.  
Vienna Ma-  
ni eorum a  
Suleimano  
oppugnata.*

*Antonius  
Leva Cæſa-  
rem ad belli  
Italicum  
accendit.*

*Diverſa  
Venetorum  
ſententia de  
Flaminia  
urbium ne-  
gotio.*

*Senatus de-  
creto nego-  
tium Pontifi-  
ci permiſ-  
ſum.*

1529 tor, quo res, uti Senatui placebat, conficeretur, omnes ingenii, atque eloquentiæ nervos adhibuit; irritum tamen conatu, cum flectere, aut permollire Pontificis mentem haud quaquam potuisset. Qua de re certior factus Senatus, nihilque de pace ad exitum perducere posse animadverteret, Collegii Patres ad Senatum tulere, ut conditionibus pacis inter Imperatorem, ac Rempublicam restitui Pontifici Flaminiae urbes caveretur, illo adjecto, ut Venetorum jura in iis urbibus reservarentur. Adversus hoc Senatusconsultum Hieronymus Pesarcius continentis Sapiens multa loquutus, Senatum ab urbibus tradendis abducere conatus est, neque quidquam ea in re decernendum esse, ni prius de reliquis pacis conditionibus actum esset; quibus absolutis, tum de Ravenna, ac Cervia restituendis statuendum esse. Hæc Pontifici, & Cæsari significari, insuperque testari placebat; nullo pacto Venetos passuros, ut Christianæ Reipublicæ atque Italiæ incolumitas, ac dignitas, Flaminiae urbium potiundarum studio impediretur, ac retardaretur. Verum re hinc, atque inde expensa, & discussa, rejecta Pesarci sententia est. Hæc ut Contarenus Pontifici, & Cæsari significaret, mandatum: gratias ambo Senatui egere, illiusque prudentiam, ac pietatem commendarunt.

*Senatus decretum de urbibus Flaminia restituitis.*

*Apulia urbes a Venetis Cæsari traduntur.*

Inde firmioribus pacis jactis fundamentis, ut controversiæ cum Cæsare componerentur, major spes orta est; ac primum de Apuliæ urbibus agitatum, quæ, nisi Cæsari redderentur, nulla concordiæ ratio iniri poterat: ad eas vero tenendas iterum acerrimum cum Carolo ordiri bellum necesse erat. Itaque ut urbes Cæsari traderentur, decretum est: hac tamen conditione, ut illis, qui ad suas partes accessissent, parceretur, præteritaque omnia oblivioni mandarentur; vetera Venetorum in Neapolitano regno privilegia servarentur. Inter cetera vero, ut foedus percuteretur, Cæsar pro Mediolani propugnatione a Senatu petebat, ac bello Neapolitanis illato, Respublica subsidia mittere deberet. Senatus quod ad Insubres defendendos spectaret, se a pactis, quæ in tabulis pacis anni M. D. XXIII. continebantur, non recessurum affirmabat: quod vero ad Neapolitanum regnum tuendum, si illud Principes Christiani invaderent, quindecim triremibus adfuturum, eo adjecto, ut primum Franciscus Sfortia in avito imperio collocaretur. Hoc Senatusconsultum a Marco

Dan-

Dandulo Doctore, & Equite, consilii Sapiente, ac Hieronymo Pefareo, & Francisco Superantio continentis Præconsul-  
toribus improbatur, quibus nulla ratione Insu-  
bribus defendendis Rempublicam obstrictam esse placebat, ni prius in  
illorum possessione Sfortia esset; neque ullam de Neapolitani  
regni subsidiis mentionem fieri. Adhuc enim suspecta apud  
multos consilia Cæsaris erant, pacisque obtentu moras tra-  
hi, opes Reipublicæ assiduus impensis labefactari, nil sincerum,  
ac simplex, omnia tecta, & simulationis plena; cum  
a Nanio Legato Senatus certior fieret, hostes de Soncini,  
atque Urceorum novorum oppidis aggrediendis consilia habere,  
ac Paulum Luzzasum timere, ne in Bergomensum agrum  
ad prædas agendas se conferrent. Quocirca Nanio injunctum  
est, ut cum Urbinatibus de agris custodiendis, ac de hostibus  
repellendis ageret, cum Germanos Padum transituros, secum-  
que duo millia Hispanorum peditum ducturos, vulgatum es-  
set; attamen, auditis ea de re sententiis, in superiorem Senatus-  
consultum factum est.

*Cæsaris ex-  
silia Ven-  
tis suspecta.*

Eodem tempore de Francisci Sfortiæ rebus agebatur, to-  
tumque negotium Clementi Cæsar permisit. Patres Contare-  
no legato, ut Pontifici enixe Sfortiæ res commendaret, jus-  
sere; quamprimumque Mediolanum illi restitueretur, sedu-  
lam operam navaret. Quingenta aureorum millia, ut diplo-  
mate Insu-  
brum titulos ab Imperatore reciperet; ad hæc tre-  
centa aureorum millia pro belli impensis postulabant: tres  
præcipuas Insu-  
brum arces cautionis nomine petebant. Sfor-  
tia hac de re Senatum consuluit: ex illius decreto Marcus  
Antonius Venerius ita respondit: minime probare, ut arces  
Cæsari pro pignore traderentur: hoc enim illius auctorita-  
tem valde imminutum iri; populos bellis, atque calamita-  
tibus attritos agere passuros, sperato se post tot ærumnas fru-  
ctu fraudari; nec sine magna difficultate Cæsari pecuniam  
persoluturos. Sed cum Sfortia id impetrare non posset, ut  
apud Pontificem deponerentur, flagitabat. Negabat Cæsar,  
ne si quid humanitus Pontifici accidisset, alterius fidem ex-  
periri conaretur. Eo tandem post multa ventum est, ut Sfor-  
tia Mediolanensem, ac Novocomensem arces in manus Cæ-  
saris tradere decreverit: intra anni spatium trecentis aureo-  
rum

*Cæsar pro  
Mediola-  
nensi diplo-  
mate ingen-  
tem pecu-  
niam & tres  
Insu-  
brum  
arces pe-  
tuit.*

1529 rum millibus solutis, sibi restituerentur: e quingentis millibus quinquaginta in singulos annos erogarentur.

*Franciscus  
Sfortia re-  
rum cum Cae-  
sare compo-  
sitio.*

Rebus cum Sfortia compositis, quæ præcipuæ belli causæ fuerant, nihil fere, quod summi esset momenti ad pacem cum Venetis firmandam reliquum esse videbatur: quapropter cunctorum ora, atque animi in Florentinos conversi, quos maximis undique angustiis premi ægre Senatus ferebat; neque facile videbatur, obfirmatum Pontificis animum a suscepta provincia revocare. Nam ex reliquorum Principum concordia, bello in ceteris Italiæ partibus cessante, majora imminere Florentinæ Reipublicæ pericula videbantur, cunctis conversis Pontificis, & Cæsaris copiis; cum Arausioensis Princeps, ac Vastius Marchio fines Florentinorum cum exercitu ingressi magnum civium animis terrorem incussissent, Perusiaque ab eodem Vastio per deditionem recepta esset: ac si eodem, quo coeperant, impetu bellum prosequuti fuissent, Florentia brevi potiturus Pontifex videbatur. Attamen quod immutare Reipublicæ formam, Mediceam familiam restituere, in primis optaret, quam minimo poterat subditorum, ac rerum Florentinarum damno fieri cupiebat. Inde cum Pontificis mandato duces inceptum morarentur, augeri Florentinorum animi, ac vires coepere; refici urbis moenia, strui aggeres, & quidquid ad firmandam urbem necesse esset, summo studio curari. Ita majoris, quam rebatur, belli semina jacta, civium incitatis in Pontificem animis, quorum ardore, atque impetu paucorum consilia, qui tempori, ac necessitati parendum existimabant, abjecta, & restincta sunt; cum plerisque plus apud Cæsarem pontificiæ auctoritatis, quæ semper Imperatoribus infensa fuerat, augendæ metus, quam sibi a Florentinis illatas injurias ulciscendi cupiditas, locum habitura videretur. Verum Pontifex acerbior in dies animo in Florentinos erat, quod illius potestati se Respublica permittere nolle; ac belli motu in Cisalpina Gallia sedato, in spem felicioris exitus majorem erectus, nihil de constantia in suscepto consilio remittebat. Oratores Florentini qui ad Cæsarem, ut de pace agerent, profecti fuerant, dimissi; Marchio Vastius Cortona, atque Aretio occupatis, ad Florentinæ urbis moenia admoveere exercitum a Cæsare jussus. Nam quod

*Cæsaris  
exercitus in  
Etruriam  
ingreditur.  
Perusia a  
Vastio capta.*

*Oratores  
Florentini  
a Cæsare  
rejecti.*

antea



antea in Pontificis gratiam effecerat, id demum sua interesse censebat, ut Respublica quæ Gallorum nomini semper ad dicta fuerat, ex illius auctoritate pendere in posterum cogeretur: quapropter Alexandro Mediceo Pontificis nepoti Margaretam notham filiam conjugio se se juncturum pollicitus fuerat. Veneti, qui ingruentem in Florentinos fortunæ impetum persenserant, vehementerque illorum periculis commovebantur, quod in dignitate, ac libertate Italiæ retinenda socii fuissent; ut integra libertate, si qua in re possent, Pontifici gratificarentur, adhortati fuerant. At rebus nondum firmatis; novis sumptibus in exercitu, ac classe retinenda erogandis, Republica implicata, subsidia periculis eorum paria submittere non poterat. Id tantum ad Pontificis animum inter duobus pacis, bellique spes, flectendum præstitit, ut Urbinate, qui duodecim peditum millia sub signis habebat, se in Parmensem agrum copias ducturum vulgaret, quo Clementis in suspicionem novi belli adductus, benignius cum Florentinis ageret.

Ceterum iis postea, de quibus superius diximus, consequitis, omni cum Florentinis spe pacis accisa, universa belli procella in Hetruriam effusa, pro mœnibus Florentiæ pugnari cœptum est: cum interea pax Bononiæ inita fuisset, qua Pontifex, Imperator, Ferdinandus Rex, Senatusque Venetus convenire: illius hæc summa fuit. *Cum superioribus annis inter Carolum V. Romanorum Imperatorem electum, Regemque Ferdinandum ejus fratrem, & Venetorum Rempublicam, Hadriano VI. Pontifice Maximo suadente, perpetuæ pacis, mutuæque rerum Italicarum defensionis fœdera iij. kal. augusti, anno M.D.XXIII. sancita essent; temporum variante vicissitudine, urgentibus fatis, publica quies variis bellis convulsa, atque exagitata, novis fœderibus, quibus superiora oblitterata, ac deleta fuerant, initis, cuncta fœde turbata fuerint; majora, atque acriora bella in singulis fere Italiæ partibus orta, regimina immutata, quamprimum quoque urbes tam Sanctæ Romanæ Ecclesiæ, quam regni Neapolitani direptæ, atque occupatæ summè tuius Reipublicæ Christianæ detrimento: ut tandem tot calamitatibus, ac malis finis imponeretur, Clementem VII. Pontificem Maximum eundem.*

*Pacis inter  
Clementem,  
Cesarem,  
Ferdinandum Regem,  
& Rempublicam Venetam conventiones.*

1529

demque Imperatorem Carolum V. pacis, ac tranquillitatis cupidissimos; ut ad communem concordiam gradum struerent, inter se primo foedera junxisse: deinde cum Francorum, & Anglorum Regibus aequas pacis conditiones firmasse: demum posteaquam Caesar in Italiam venisset, nihil magis antiquius illis fuisse, quam ut certo loco de communibus Reipublicae Christianae rebus colloquerentur; idque ut citius fieret, Clementem Pontificem Maximum Bononiam se contulisse, atque Imperatorem paterno amore, ut par erat, complexum: cumque ambo id maxime optarent, ut ad pacem cunctos Christianos allicerent, rebus Insubrum compositis, ac Francisco Sfortiae Mediolanensi ducatu restituto, ad pacem, & concordiam Venetorum Reipublicam, cujus semper in pacem propensus animus fuisset, tanquam potissimam Italiae partem, adducere statuisse, ad eam rem Gaspari Contareno oratori facultate a Senatu impertita: quapropter inter Caesarem, Regem Ferdinandum, Venetorumque Reipublicam ad hanc foederis pacta devenitum fuisse.

I. Primum Ravennam, ac Cerviam, Flaminiae urbes Veneti Pontifici traderent: quae illis in locis jura obtinerent, reservarentur: a Pontifice illarum civibus, qui partes Reipublicae sequuti fuissent, parceretur; & ubicumque degere maluissent, bonis suis frui, de illisque, ut libuisset, statuere liceret: patricii, cives, alique Venetorum subditi, qui in illis urbibus, atque agris res, aut proventus possiderent, libere annuos fructus percipere, & quocumque iis liberet, sine ulla novi vectigalis solutione deferre possent: a Pontificiis magistratibus jus exigere; exactumque redderetur: quae post pacem jurejurando firmatam quindecim dierum intervallo perficerentur.

II. Deinde mense januario Caesari Tranium, Monopolis, atque alia castra, oppida, agri, quae in Neapolitano regno Reipublica obtinet, restituantur. Contra vero omnia jura, privilegia, immunitates, exemptiones, praerogativas, atque alia Venetis a Regibus Neapolitanis concessa, uti illis ante bellum fruebantur, Caesar confirmet: domum praeterea in Neapolitana urbe sitam, quae Sancti Marci nuncupatur, restitui jubeat.

III.

III. *Solutio reliquorum ex aureorum ducentis millibus, quæ ex tertio capite pacis Venetæ anni M. D. XXIII. infra tempus annorum octo Cæsari debetur, hoc pacto fiat; nempe, ut mense januario exeunte, viginti quinque millia numerentur; hac tamen adjecta conditione, quod intra anni spatium loca ex capite sexto pacis anni M. D. XXIII. Reipublicæ restituantur. Ea in re ut omnes difficultates tollerentur, placuit, ut intra viginti dies utrinque iudices arbitri eligerentur, communisque intermedius designaretur, qui controversas dirimerent, atque intra annum sequentem definirent.*

III. *Extorribus annua aureorum quinque millia a Venetis persolvantur, pro ut quinto capite fœderis anni M. D. XXIII. cavetur.*

V. *Præterea in Cæsaris gratiam, præter pecuniæ summam, quæ conventis anni M. D. XXIII. continetur, centum millia aureorum erogarent, quinquaginta januario insequenti, totidem omnium Sanctorum festo die anni M. D. XXX.*

VI. *Quoniam vero Vormaciæ pactioibus jura Aquilejensis Patriarchæ illesa tuenda esse cautum erat, atque ab iis, qui Regis Ferdinandi nomine agunt, res suas turbare Patriarcha conquereretur; totum hoc negotium iudicibus arbitris mandatum: ii jura cognoscant; quæ reddenda sint, reddi faciant; atque impedimenta si quæ extiterint, cuncta amoveant.*

VII. *Eadem pace, ac fœdere, uti amicus, & socius, in clientelaque Reipublicæ existens, adficiente Pontifice, comprehendatur Franciscus Maria Feltrius, Urbini Dux, atque almæ urbis præfectus, cum civitatibus, oppidis, aliisque rebus, quas nunc possidet.*

VIII. *Comiti Brunorio Gambaræ, Cæsaris cubiculario, ejusque fratri omnis contumaciæ culpa, si quam hactenus subissent, condonaretur; in Cæsaris aula degere iis liceret, patria, bonis, privilegiis frui, omnium præteritarum rerum memoria præsertim deleta.*

IX. *Ad hæc invicem convenere, quod subditi omnes libere, tuto, ac secure possent in cujuslibet eorum ditionibus terra,*

1529 terra, marique mercari: benigne, atque humaniter cum illis ageretur, perinde ac si incolae, & subditi illius Principis essent, cujus civitates, locaque adirent; ne vis, aut injuria ulla de causa inferretur; jus quamprimum administraretur; nulli ex eorum ditionibus, instructis armis, navigiis, nisi prius obsidibus de injuriis non inferendis datis, egredi liceret; terra, marique piratæ, ac prædones grassari in alterius Principis subditos probiberentur.

X. Respublica vero quascumque civitates, agros, castra, oppida, loca, lacus, flumina, actiones, jurisdictiones, jura tunc obtineret, pacifice, quiete, & secure possideret.

XI. Quicumque post motum inter Maximilianum Imperatorem, & Venetos bellum usque ad pacem anni M. D. XXIII. Cæsari, aut Ferdinando adhaeserant, atque ob id bonis multati, aut damnati fuerant, perpetratorum venia daretur; captivi, deportati statim utrinque libertate donarentur.

Hæc pacis conditionibus continebantur: foederis hæc summa fuit.

Quod licet quæ superius exarata fuerant, firma satis viderentur; tamen ea firmiteribus fundamentis innixum iri censebant, si arctius vinculum foederis accederet: propterea Imperator, ac Respublica una cum Ferdinando Rege, ac Francisco Sfortia Mediolani Duce, foedus invicem percusserunt, quo se ad mutuam defensionem pro ditionibus, quæ in Italia possiderent, perpetuis temporibus adstringerent; se, suaque adversus Reges, Principes, Potestates, Dominos, aliosve cujusvis gradus existerent, quacumque etiam suprema dignitate fulgerent, tutarentur; iis, quæ sequuntur, conditionibus adjectis.

Franciscum Sfortiam pro Insubrum defensione quingentos Italicos cataphractos semper in promptu habiturum, Cæsar pollicetur.

Si qui Reipublicæ aut Mediolanensi ducatu hostes arma inferrent, copias admoverent, exercitumque in Italia ad eorum ditiones invadendas instructum haberent, cum octingentis cataphractis, quo in numero quingenti, de quibus nuper

nuper dictum, comprehenduntur, p̄s̄to futurum, ditio-  
nes tutaturum, promisso C̄sar obstringitur: ad h̄c quingen-  
tos levioris armatur̄e equites, selectos pedites sex mille, pr̄e-  
ter bellicorum tormentorum apparatus.

Respublica vero pari pacto Ducem, atque Insubrum omnem  
ditionem tueri, ad omnem eventum adesse, subsidia, qui-  
bus indigeret, mittere spondit; octingentos nempe Italicos  
cataphractos, quingentos leviores equites, sex peditum Ita-  
lorum millia, machinarum bellicarum apparatus: his copiis,  
ac viribus mutuo fines conservarentur, atque tuerentur; ex  
iis quingenti in pace alerentur.

Præterea convenere, ut ingruente in Neapolitanos a quo-  
vis Principe Christiano bello, etiamsi is in sublimi digni-  
tatis gradu locatus esset, Respublica illi servando, ac tu-  
endo quindecim triremes armis, ac militibus instructas  
mitteret.

Hac pace, & fœdere utrarumque partium socii compre-  
hendantur: C̄sar, & Ferdinandus frater inter bos ad-  
scribere Respublicas Genuensem, Senensem, ac Lucen-  
sem, Sabaudia Ducem, Montisferrati, & Mantuæ Mar-  
chiones. Jus, ac facultas Reipublicæ ante jurisjurandi tem-  
pus declarandi socios tributa: iisdem fœderibus Alphonsus  
Ferrariæ Dux, si cum Pontifice, & C̄sare concordiam  
inverit, includatur.

Quæ capitibus superioribus continentur, a C̄sare, Ve-  
netis, Mediolani Duce intra quindecim dierum terminum  
a Ferdinando Rege, atque aliis, fœderis habita notitia,  
intra mensem firmentur; sacramento singuli adigantur, cun-  
ctis superius exarata observaturos, atque dolo malo, & frau-  
de amotis, bona fide præstatorios.

His procuratores Principum nomine assensere, eademque  
sigillo subsignare: actaque hæc Bononiæ, in domo Car-  
dinalis Gatinariæ x. kal. januarii anno Servatoris M. D. XXIX.  
Paci huic firmandæ pro Pontifice interfuere Hieronymus  
Episcopus Vafonenſis, Pontificiæ domus Magister ac Nun-  
tius; pro C̄sare vero Mercurinus Cardinalis, & Marchio  
Gatinariæ Magnus Cancellarius, Ludovicus a Flandria Pra-  
tensis, Nicolaus Perenotus Granvellanus Consiliarii, Fran-  
ciscus

1529 ciscus Covius supremus Cæsaris a secretis ; pro Ferdinando Caroli fratre Hungariæ Rege Andreas de Burgo Consiliarius, & orator ; pro Veneta Republica Gaspar Contarenus ; ac demum pro Francisco Sfortia Mediolani Duce Georgius Andreusius Protonotarius Apostolicus.

Ita denique post tot bellorum casus , post ærumnas , & calamitates , quibus jactata , ac fere convulsa Italia fuerat , læta pax affulsit ; & Respublica quæ terra , marique vario eventu , modo reluctante , modo afflante fortuna , dimicaverat , pacem cum dignitate , ad quam omnia consilia , atque actiones direxerat , nacta est. Gratum id cunctis civitatis ordinibus fuit ; cum post assidua viginti trium annorum bella , tranquillitatis , ac quietis fructus esset perceptura . Pacis nuntius ix. kal. januarii Venetias perlatus est : supplicationes Senatus decreto Deo Optimo Maximo cælitibusque habitæ , nec non grates actæ ; ac licet Cornelius , & Pisanus Cardinales , Gaspar Contarenus , & Marcus Antonius Venerius oratores , Cæsari Reipublicæ nomine gratulati essent ; hoc tamen officii genus ut denuo præstarent , Senatusconsulto mandatum est . Pontifici ab iisdem publico decreto post gratulationem gratiæ actæ , quod benevolum in Rempublicam animum ostendisset , atque adeo enixe in commune bonum incubuisset . Franciscus Gallorum Rex per Sebastianum Justinianum de pace ejusdem jussu certior factus . Adjectum , Rempublicam potentissimi , & Christianissimi regis exemplum sequutam , ut rebus Italiæ , Christianæque Reipublicæ prospiceret , ad illam firmandam devenisse , qua , ut Apuliæ loca , quod ab eo sæpius flagitatum fuerat , Cæsari restituerentur , cautum erat : inde ad filiorum libertatem tutiorem , ac firmiorem viam munivisse : nullo unquam aut tempore , aut casu a veteri in amplissimum regnum amicitia , atque in eundem Regem observantia , ac benevolentia recessuram , quam per manus traditam , a majoribus acceptam , atque a natura in animis insitam hætenus conservaverat . Eadem Henrico Angliæ Regi significatur .

Ita compositis Italiæ rebus , eo cunctorum animi convergebantur , quod a Suleimano aviditate gloriæ inflato , grave , atque acerbum

bum Christianæ Reipublicæ, & Cæsari præsertim, bellum intentabatur. Nam cum post Viennam irritò conatu oppugnatam Byzantium revertisset; appetente vere, aucto exercitu, acriori vi eandem urbem aggressurum, Germaniamque invasurum apud cunctos mortales fama vulgaverat; qui nominis gloriam aucupatus, Joannem Transilvaniæ Vaivodam Hungariæ Regem declaraverat; neque se dominandi cupidine permotum, sed, ut ejecto, atque sua sede pulso opitularetur, adductum fuisse. Aloysium vero Gritum thesaurarium regni creaverat, qui, episcopatus Agriensis titulo sumpto, apud Joannem Regem consilarii munereungebatur. Is Andreæ Ducis filius nothus erat, qui dum privatorum negotiorum causa, adhuc immatura juvena, Byzantium se contulisset, haud vulgare ingenii specimen dederat, magnamque auctoritatem, & gratiam apud Hibrainum, qui tunc supremo apud Turcas magistratu (quem *Visirum* vocant)ungebatur, nactus, turbulentis Reipublicæ temporibus plurimo fuerat adjumento. Omni igitur belli terrore ab Italia amoto, firmata pace, quatuor ex præcipuis Senatoribus a Senatu ad Pontificem delecti, ut illi pacem, ac fœdus nuper initum gratularentur, atque de more id officii genus erga Apostolicam Sedem præstarent, quod superioribus annis, ardente bello, deferri nequiverat: fuere hi Marcus Dandulus, Aloysius Gradonicus, Aloysius Mocenicus, Laurentius Bragadenus. Gaspari Contareno, cui in patriam reverteendi facultas data fuerat, Antonius Surianus orator apud Cæsarem suffectus est; Marcus Antonius Venerius, qui ordinariæ legationis munere fungeretur, adjectus. Iis cum reliquis quatuor, ut Bononiam proficiscerentur, injectum est; qui honorifice a Pontifice, atque Imperatore excepti, præclare legationis munus obivere.

*Joannes Transilvania Vaivoda a Sultimano Rege Hungariæ declaratus. Aloysius Gritus Hungariæ Thesaurarius assumit titulum episcopatus Agriensis. Oratores Veneti ad Pontificem pacis causa delecti.*

Pacis bono lætis animis insuetisque gaudii argumentis cunctis Italis exultantibus, in communi lætitia Florentina Respublica gravibus undique circumsepta molestiis, & curis videbatur, reliquorumque Principum concordiam in suam perniciem casuram verebatur. Nam Cæsar Clementis suasionibus, ac petitionibus adactus Bononiæ, arma in Florentinos movere, reipublicæ illius statum immutare, Mediceam fa-

*H. Mauroceni T. I.*

*Z*

*mi-*

1529 miliam in patriam restituere aggressus fuerat ; ea conditio-  
 ne , ut Alexandro Mediceo Pontificis nepoti , cui nuper  
 Margaretam , ex non legitimis nuptiis susceptam filiam , in  
 matrimonium collocaverat , principatus traderetur . Itaque  
 quatuor Germanorum millia , Hispanorum duo millia supra  
 quingentos , octingentos Italos pedites , trecentos leviores  
 equites in Hetruriam miserat ; adjectis machinis bellicis vi-  
 gintiquinque , qui auspiciis Arausionensis Principis adversus Flo-  
 rentinos , cum pontificiis copiis conjuncti bellum gererent .  
 Florentini licet ad tantam belli molem sustinendam impares  
 essent ; attamen ingenti animo hostium imperum excipere ,  
 ac pro libertate usque ad extremum spiritum pugnaturi vide-  
 bantur ; eo miseriori conditione , atque infirmiori spe , quod  
 nullos socios , qui secum belli fortunam subirent , habituri  
 essent ; cum nemo pacem tanto studio partam , statim la-  
 befactare , & convellere vellet . Veneti , qui ante immi-  
 nens Florentinæ Reipublicæ bellum providerant , & sæpius  
 illam ad aliquam concordia rationem cum Pontifice incun-  
 dam fuerant adhortati , ut sua consilia temporibus aptarent ,  
 suadebant : generosos , ac minime ea tempestate opportu-  
 nos spiritus matura prudentia compescerent ; pacem , etsi  
 minus fortasse æquam , incerto , & periculoso bello ante-  
 ferrent . Verum is erat fere omnium civium ardor , ea con-  
 stantia , ac firmitas , ut quicumque sermones de pace ha-  
 berent , ii hostes patriæ judicarentur . Bellum itaque intre-  
 pide suscipiunt ; Malatestam Baleonium , militari scientia  
 clarum , copiarum Ducem eligunt . Acriter utrinque pugna-  
 tum est ; levioribus præliis , acie dimicatum ; oppida ca-  
 pta , & direpta ; urbs quassata , & obsessa : utrinque cla-  
 des illatæ , atque acceptæ . Tandem cum neque fame per-  
 vicax constantia civium frangeretur , neque in mortem rue-  
 re vererentur , Malatestæ Baleonii , qui cuncta desperatio-  
 ne involvi cerneret , minis potius deterriti , quam suasio-  
 nibus permoti , inviti extremæ necessitati parere coacti fue-  
 re . Itaque iiij. idus augusti cum Ferdinando Gonzaga , qui  
 post Arausionensis cædem , principem in exercitu locum ob-  
 tinebat , his conditionibus pepigere : nempe , ut Cæsar  
 Rempublicam Florentinam , incolumi libertate , prout sibi  
 vide-

*Veneti Flo-  
rentinos ad  
concordiam  
hortantur .*


*Malatesta  
Baleonius  
Florentina-  
rum copia-  
rum supre-  
mus Dux .*

*Florentini  
Baleonii  
minis deter-  
riti cum  
Ferdinando  
Gonzaga  
paciuntur .*



videretur , ordinaret ; captivis libertas , extorribus civitas redderetur ; injuriarum omnium , ac præteritarum rerum memoria oblivione deleretur : octoginta aureorum millia in stipendia militum a Florentinis perfolverentur . Ita perdomita respublica , præclara quondam , multisque rebus egregie gestis insignis , fuit .

## Finis Libri Tertii.



## E P I T O M E.

**V**enetici Carolum V. Imperatorem per eorum fines in Germaniam redeuntem omni officiorum genere persecuti sunt. Eo praesertim versa Senatus cura, ne datam Suleimano fidem violasse ipsi viderentur, eundemque ut ab emit-tendae classis consilio averterent. Pontifex grassantes haereses bello persecutus fuisset, ni aliter Veneti persuasissent. In sacerdotiorum possessionem minime mittendos antistites, quos Senatus non designaverat, decreverunt Patres: in Clementis tamen gratiam paullo post mitti placuit. Ob turcici belli metum, simul & ob infesta latrociniis maria classis aucta. Motus in Insulribus per Jacobum Medicum, Mussi praefectum, excitii. Reipublicae Florentinae Alexander Medicus Princeps a Caesare impositus. Bellum pannonicum a Suleimano indictum. Sacerdotibus subsidium ad classis impendia a Senatu imperatum gravissime Pontifex tulit. Veneta classis, Caesareana ac Turcica percurrente maria, utriusque studio vacua Corcyrae potissimum substitit. Novo cum Caesare, & Pontifice obstringi foedere, quamvis illis enixe postulantibus, non e republica visum. Montisferrati ditione dotis nomine Gonzagae potiti. Hieronymus Canalis turcicas triremes, cum piraticas credidisset, aggressus est. Pugna noctu, prae lucente luna, commissa, ac prospere pugnata describitur. Catharina Medicea Duci Aurelianensium Henrico nupsit. Chariadenus Aenobarbus, rei maritimae a Suleimano praepositus, universam tyrrheni maris oram caedibus ac latrociniis foedavit: Romae ipsi maximum terrorem injecit. Turcici imperii fines terra, marique prolati. Aloysii filii nothi, qui egregiis animi dotibus, magnaque apud Suleimanum auctoritate suae sibi fortunae faber fuerat, ab inimicis obtruncati caedes Andream Grisum patrem, Venetiarum Ducem, gravissime perculit. Clemente VII. extincto, Paulus III. Farnesius universae Ecclesiae Pontifex datus est. Hic pacis primum studiosus, ob Camertium ducatum, in quem Urbinas tamquam uxori debitum intraverat, parum absuit, quin novae in Italia bello facies subjiceret. Carolus V. in Africa rem prospere gessit: Guletam vi, Tunetum captivorum christianorum, qui se in libertatem proripuerant, ope expugnavit: regnum Muleassi reddidit: victor Neapolim regressus est. Franciscus Sfortia herede nullo relicto decessit. Galliae Rex vetera in Insulres jura obtendens, eo sibi viam, aliquot subalpinis oppidis expugnatis, aperire conatus: Turcas in Caesarem incendit. Hinc a Caesaris amicitia ut Venetos advocarent, Turcae omni ope an-nixi. Sed tandem fortuitis quibusdam casibus tota turcici belli moles in Venetos incubuit.



# HISTORIARUM VENETARUM ANDREAE MAUROCENI LIBER QUARTUS.

M. D. XXX.



Niverſa Italia, cunctiſque orbis Chriſtiani provinciis diu communis concordiae boni expectatione tabeſcentibus, cum tandem egregia pacis ſpecies ſe obtuliſſet, vix dici poteſt, quanta undique omnes, praeterimque Italos lætitia circumfuderit, ut pene præteritarum cladium, ac laborum obliſi, Divino quietis munere jam præcipere animis futurae felicitatis præmia viderentur. Reſpublica vero Veneta, quæ per triginta atque amplius annos continentibus bellis exercita, varia rerum diſcrimina, diverſosque caſus ſubierat, portum tandem quietis, ſecuræque tranquillitatis ſtationem inveniriſſe videbatur; eo ut firmiori nexu ſibi ſummos Principes adjungeret, omnium, quas unquam antea

*H. Mauroceni T. I.*

Z 3

deſi.

1530

1530 designasset, præstantissimorum civium præclaram, ac perhonorificam legationem, de qua diximus, ad Clementem, & Carolum miserat. Hæc Bononiam anni hujus initio ingressa cunctorum oculos ad se attraxerat; quippe qui Senatus Veneti majestatem in ore, ac vultu præcellentium civium intuerentur, secumque reputarent, quanta infracti animi constantia, quibus egregiæ fortitudinis exemplis patriam e summis ereptam periculis, incolumem servasset, ampliorique gloria illustrem reddidisset: habitus quoque præclaram quandam Senatoriam dignitatem præferebat; erant enim in lato clavo aureo ad talos usque demisso, ad humeros fibulis subnixo, augusta quadam gravitate spectabiles. Pontifex in frequenti Cardinalium, atque aliorum Sacerdotum confessu eos humaniter, ac perhonorifice excepit: triduo post Cæsar amplissima in aula, regali sede subnixus, principibusque viris circumseptus, multis benevolentiae, atque honoris argumentis suscepit.

*Oratores  
Veneti a  
Pontifice  
& Cæsare  
excepti.*

*Laurentii  
Bragadeno  
oratio.*

Laurentio Bragadeno, cui sapientiæ studia cum eloquentia conjuncta magnam apud omnes virtutis, atque existimationis famam concitaverant, orandi partes, quod natu minor esset, obtigere. Is gravem, splendidam, omnique genere laudis refertam orationem seorsum ad Cæsarem, atque Pontificem habuit. Pontificem summis laudibus extulit, quod excelso spiritu perturbatæ, ac labantis Christianæ Reipublicæ causam suscepisset; afflictis, & prope perditis rebus opem tulisset; nil præclarius, nil sublimius ab eo; qui Christi Optimi Maximi vices in terris gereret, ad uberiores omnium commodum proficisci potuisse, quam ut aureo pacis vinculo discordes, ac dissilientes Principum mentes vinciret, & conciliaret. Tum Senatus nomine gratias ingentes egit, quod Reipublicæ de Christiana religione optime meritæ studiose favisset; quod illius ope assiduis bellorum curis, ac sollicitudinibus libera, præsentī tranquillitate, & pace frueretur, id illi in primis acceptum referre. Cæsari vero, ingenti Rempublicam lætitia affectam fuisse, significat: tempus illud, quod summopere concupiverat advenisse, quo propensum in illum studium arctiori foedere testaretur; quæ superioribus annis acta fuerint, necessitate temporum accidisse; illorum malignitate ad arma, ad bella descendisse; ægre tempestatum illarum casus Rempublicam tulisse:

se : nunc vero , controversiis undique amputatis , firmata pace , ut illam in dies majoribus præliis fultam tueretur , enixuram : nil potius Senatui in votis esse , quam ut vetus inter nobilissimam Aultriacam domum , ac Rempublicam amicitia majora incrementa fumeret . Latine oranti Evangelista Tarasconus pro Pontifice , Mercurinus Cardinalis pro Cæsare , eodem sermonis genere usi , responsum dedere .

His perfuncti officiis legati , etsi egregie munera sibi a Senatu injuncta obivissent ; Bononiæ tamen illius jussu subistere , ut eum diem , quo Cæsar corona augusta decorandus erat , ad Reipublicæ in illum studium declarandum , cohonestarent . Cæsar enim quamquam antea Romam ad coronam sumendam proficisci decreverat , varias ob causas consilio mutato , Bononiæ ad illam suscipiendam commorari statuerat : cum plurima illius in Germaniam profectioem urgerent ; quod in ea provincia dissidiorum semina oborta , dissensiones , bellaque civilia portenderent ; Pannonicisque rebus occurrendum esset , cum Joannem Regem , ingentibus Turcarum præliis fretum , vere in Noricum irrupturum nuntiaretur . Itaque vj. kal. martias , divo Matthiæ Apostolo dicatus dies , natalis Cæsaris deligitur , quo imperiali diademate inauguraretur . Id vero tanta mortalium undique confluentium copia , & concursu , tanta celebritate , ac splendore effectum est , ut nihil ea tempestate , quod vel pompa , vel regio apparatu , vel opibus , atque exquisitissimo cultu spectaculum illud superarit , aut exæquarit , visum fuerit . Quo perfecto , legati Venetias rediere : ante discessum a Cæsare aureis nummis Lusitanis quingentis donati , quorum singuli denos aureos Italicos conficiunt . Cæsar , augustali corona suscepta , Bononia discedens , Mantuam profectus est , atque in ea urbe regia hospitalitate a Federico Gonzaga Marchione cultus , ut ad illius posteros perpetua hujusce rei memoria maneret , Ducis titulo illum decoravit . Inde cum per fines Reipublicæ iter in Germaniam facturus esset , Paulo Nanio , & Joanni Delphino continentis legatis , Joanni Mauro Patavii , Petro Grimano Vicetiæ præfectis Senatus mandavit , ut ad Villam Francam , Veronensium oppidum , Mantuanis finitimum , Cæsari obviam irent , ac Reipublicæ nomine exciperent . Veronæ magistratui injunctum ut summo studio annonam , quæque necessaria forent , conquire-

*Carolus Bononiæ corona Imperii insignitur .*

*Federicus Gonzaga a Cæsare Ducis titulo auctus . Veneti legati ad Carolum Cæsarem in Reipublicæ finibus excipientes .*

1530 ret, ut omnia militibus, Cæsarisque comitatu abunde suppet-  
terent. Cæsari tria millia sestarium ordeï, ac quidquid undique  
vel generosi vini, vel piscium, aut avium, aliarumque rerum  
hujusmodi excellens inveniri potuit, exhibitum est. Itaque Ca-  
rolus principibus viris, ac legatis comitantibus, inter quos Ni-  
colaus Theupolus, ordinarius ad illum a Senatu orator designatus  
est, agro Veronensi emenso, ubique summis honoribus, & ef-  
fusa omnium gratulatione exceptus, ad Exclufam pervenit. Ibi  
cum legatis, ac præfectis magnas habere gratias Senatui dixisset,  
quod in illum tot honoris, humanitatis, & benevolentiae signa  
edidisset, eadem memoriae semper hæfura pollicitus esset, exi-  
mium in Rempublicam studium testatus, per Tridentinos saltus  
in Germaniam se contulit. Statimque tres legatos Venetias misit,  
qui propensam illius erga Rempublicam voluntatem patefacere,  
atque de iis perficiendis agerent, quæ Bononiensis pacis condi-  
tionibus continebantur. Multa de extorribus, & definiendis  
cum Ferdinando Caroli fratre finibus egere. Iis cum a Senatu,  
uti res poscebant, responsum esset, pateris aureis ad nullum au-  
reorum summam singuli donati, dimissi fuere.

*Nicolaus  
Theupolus  
ad Cæsarem  
orator.*

Earum rerum, quæ in Italia gerebantur, fama pervagante,  
crebri sermones de jungendis adversus præpotentem Turcarum  
Imperatorem Principum Christianorum armis ferebantur: & cum  
plerumque eveniat, ut iis, quæ maximopere cupimus, spe blan-  
diente, potiri jam nobismetipsis videamur, cuncti, quonam po-  
tissimum arma vertenda forent, differere: nullas satis ad obsi-  
stendum vires hostibus futuras; terrestres copias, maritimasque  
classes enumerare; debellatum animo subjicere hostem. Bono-  
niæ in aliquot Cardinalium concilio Pontificis jussu, cui legati  
quoque Principum nonnullorum interfuerant, quo apparatu,  
quibus viribus bellum adversus Sulcimanum inferendum, quave  
ratione illius in dies crescenti potentiae obsistendum esset, actum  
fuerat; cum præsertim hoc anno se Vienna pulsum indigne ferens  
recentibus, atque majoribus copiis illius excidium minaretur, rui-  
nasque mente designaret. Hæc vero Byzantium ad Sulcimanum  
supra veritatem quoque perlata, haud exiguum illius animo suspi-  
cionem injecerant, ne Veneti, qui nuper pacem, & foedus cum  
Carolo percusserant, aliquid suis rebus adversum molirentur. His  
de rebus Senatus ab Aloysio Grito, Joannis Sepusiani Hungariæ

*Sermones de  
bello Turcia  
inferendo  
Byzantium  
delati.*

Re-

1530

Regis legato, qui Suleimanum Byzantium comitatus fuerat, certior factus; ut quamprimum suspicionum semina, quæ aliquando in Reipublicæ perniciem eruptura forent, ex illius mente evelleret, legatum Byzantium mittendum censuit, qui pacem cum Cæsare initam significaret; veterem cum Ottomanis amicitiam colere sibi constitutum esse affirmaret; optantibus Turcis, denuo pacis conditiones firmari, iis subscribere ne detrectaret. Vigebat sane in Suleimano ingens animus, ut omnem fere barbariem exuisse videretur; in Rempublicam mira propensio, quam quidem sæpius haud obscuris argumentis declaraverat. Primum enim Hibrainum oratorem Venetias miserat, ut de iis, quæ in Pannoniis gesserat, Senatum doceret, Joannemque Sepusianum, amicum Reipublicæ, regio titulo decoratum, Hungariæ præfecisse nunciaret; ac paulo post Cussaino nuntio mandaverat, ut Venetias profectus significaret, statuisse Suleimanum quatuor suos filios circumcidere, ut qui iis solemnibus interessent oratores Senatus mitteret. Thomas Mocenicus legatus designatus est; Petro Zeno ordinario legato Franciscus Barbarus suffectus, qui statim itineri se commisere. Cum eodem tempore sacrum in Turcas bellum a Pontifice promulgatum esset, cujus iussu e suggestis concionatores vehementissimis orationibus populorum animos concitabant, ut pecuniam in belli adversus Christianæ religionis hostes sumptibus erogandam affatim; & liberaliter tribuerent: ea res magis suspectos Venetos Suleimano reddiderat, ne, communi cum reliquis Principibus scedere icto, adversus ipsum conspirarent; præcipue cum ex Bononiensis pacis conditionibus non exiguam pecuniæ vim Cæsari pendissent, neque unquam de concordia ineunda illum certior fecissent. Poterant hæc Suleimani animum a Republica alienare, ni legati supervenissent, a quibus veteribus conditionibus pax denuo instaurata, ac firmata fuit. Legati ludis, & spectaculis interfuere, quæ pro initiandis Suleimani filiis maxima pompa, magnificentissimo, ac regio apparatu exhibita fuere; summis honoribus a Rege, atque a purpuratis culti; & multis, iisque pretiosis donis, quæ de more gentis Reipublicæ nomine Turcarum Imperatori dedere, illustriori legatione reddita: inter hæc ingentis pretii, ac pulchritudinis rhinocerotis cornu mirum in modum Regi gratum extitit.

*Hibrainus  
Suleimani  
orator ad  
Venetos.*

*Cussainus  
Suleimani  
orator mis-  
sionem Ve-  
neti orato-  
ris postulat.  
Thomas  
Mocenicus  
legatus ad  
Suleimanum  
designatus.*

In-

1530

Interea Suleimanus belli non minus laboribus, quam pacis artibus, & studiis intentus, modo bellum Pannonicum moliri, de Vienna invadenda consilia habere; modo de classe ex Hellesponto emittenda, marique a piratis purgando agere. Atque ut Byzantium imperii sui sedem, quantum fieri posset, florentissimum, & opulentissimum redderet, animo volutabat, ut aromata, & alia mercimonia, quæ ex India, atque omnibus orientis oris Alexandriam, & ad alios imperii sui mercatus convehantur, cuncta Byzantium importarentur: quocirca omnium gentium negotiatoribus, ut a sericis, atque aromatibus emendis abstinere, imperaverat, ingentemque harum rerum vim, sexcentis aureis millibus in id impensis, suo ære coemerat. His rebus haud parum Veneti commovebantur, incrementa, quibus in dies validior gens Christiano nomini insensa evaderet, suspecta multum habentes; aliorum Principum, ac regnorum casibus sterni ad reliquos acrius oppugnandos iter intuentes, cum Turcis insitum esset, assidua bellorum agitatione imperii spiritum fovere, atque alere, quod torpore pacis dissolutum, ac languidum contabesceret. Itaque Senatus Joanni Sepusiano, Hungariæ Regi, suadebat, ut, concordiae ratione aliqua cum Ferdinando Archiduce inita, innumera impendunt mala, ingentesque calamitates a Reipublicæ Christianæ cervicibus propelleret. Poloniæ Regem, qui antea id negotii susceperat, hortabatur, ut vehementius in publicum commodum, auctorem se pacis præbendo, incumbere. Eodem tempore, ut ab emittenda classe Regis animum averteret, enixe Senatus laborabat, Grito, qui summa apud eam gentem auctoritate pollebat, contendente: Venetos nihil prætermittere, quod ad exturbandos piratas spectaret; classẽ omni genere navium instructam habere; omnia percurrere maria, ut tuto mercatores ultro, citroque commeari possent. Ac ne Turcæ, ut in sinum Adriaticum irrumperent, Melitensum excursions prætenderent, Veneto præfecto injunctum est, ut Senatus nomine trierarchis Melitenisibus significaret, ab Adriatico sinu abstinere, neque iis navigiis damna inferrent, quæ Ionio, & Cretico mari navigarent, quod ea loca in Venetorum tutela essent: ni id facerent, Melitenfes triremes exarmari jussit. His consiliis diurnam servare pacem Senatus,

mu-

*Veneti Joannem Sepusianum ad pacem cum Ferdinando ireundum hortantur.*

*Senatus mandata de Melitenisibus piraticam exercitiis.*



mutuisque officiis Regum , ac Principum amicitias retinere , 1530  
& conservare adnitebatur .

Et cum Franciscus Galliarum Rex nuper filios , qui quantum jam annum obsides in Hispania fuerant , e custodia dimissos in suum regnum incolumes recepisset , atque exoptatæ rei nuntium ad Senatum misisset ; ut nullum officii genus prætermitteret , quod ad Reipublicæ studium , & observantiam in præpotentem , atque amicum Regem declarandam spectaret ; duos oratores ad Regem designavit , Joannem Antonium Venerium , ac Joannem Pisenum divi Marci procuratorem ; quorum prior in Sebastiani Justiniani locum suffectus ordinarii legati munere fungeretur ; alter vero de filiorum libertate , atque incolumitate , ac de Regis cum Helconora Cæsaris sorore connubio gratulâretur : quo munere a Pisano peracto , simul cum Justiniano in patriam reversus est . At Cæsar cum primum in Germaniam venisset , Principum concilium Augustæ indixerat , in quo de gravissimis rebus disceptatum fuerat ; quibus nempe viribus Suleimani conatus arceri , ac Pannoniæ fines defendi possent . Tum de causa religionis actum , cum teterrima pestis , quæ superioribus annis a Martino Luthero illata , tractu temporis adeo invaluisset , ut a priscis ritibus , & ceremoniis miseris , nimiumque credulos mortales abstractos , pravis , atque sæpius inter se dissidentibus erroribus turpissime fœdâset : cui malo sævienti licet obviam ire Cæsar adniteretur ; attamen res undique magnis involuta difficultatibus cernebatur . Concilium Novatores petebant , in quo de maximarum rerum controversiis agigaretur ; & licet , hac una adhibita ope , sæpius ab Ecclesia hæreses profligatæ , ac penitus everstæ fuissent , præsensque afflictiis christianæ reipublicæ rebus remedium videretur ; tamen is erat perversorum hominum , qui se capita , atque antesignanos profitebantur , livor ; illud in Pontificem odium , ut non ad confirmandam , sed potius ad convellendam religionem concilium postulare viderentur . Quæ res Clementem permovebat , ne tam facile Cæsari Germanorum nomine concilium petenti assentiretur , veritus , ne illo ad labefactandam , ac penitus convellendam pontificiæ majestatis auctoritatem abuterentur . Quocirca nonnunquam moras necessebat : Christianorum Principum dis-

*Joannes  
Antonius  
Venerius,  
& Joannes  
Pisanus  
oratores ad  
Gallia Regem .*

*Cæsar Germanorum nomine concilium postulat .*

1530

diffidia tolli prius oportere; in id singulos, odiis, simultatibusque semotis, conspirare, ut procul a sanctissimo religionis negotio animorum perturbatio, humanæque mentis subdoli nimium sensus abessent. Verum quo minus probare concilium Pontifex videbatur, eo magis Germani, qui se *Protestantes* vocabant, instare, ac flagitare: ut Clemens majora in dies incrementa suscipienti malo armis occurrendum esse sibi in animum induceret. Qua de re non modo graviter cum Imperatore egit, pecuniæque vim obtulit; verum ea se mente esse Reipublicæ oratori significavit, cunctosque Christianos Principes ad pium pro avita religione bellum suscipiendum impellendos censere; quæ gravissima in re Senatus sit sententia exquirere, consilium ab illius prudentia petere. Senatus, qui a bello, atque armis abstinendum arbitrabatur, ne jactata diu christiana respublica hac tempestate in majores procellas, ac turbines incideret, Pontificis egregiam mentem extollebat; in religionem, priscamque, & per manus traditam majorum disciplinam, accensum animum summis laudibus efferebat: ceterum ad aleam belli, nisi necessitate adactos, descendere minime probare: his enim acrius Germanos Principes exasperandos; conquisitis undique copiis, atque auxiliis, veluti in rabiem actos, in bellum dirum, atque inextricabile prolapsuros: genus id hominum esse, quod suis opinionibus additum, ægre, nec, nisi annuente Deo Optimo Maximo, ad bonam frugem reduci queat: sacrarum literarum auctoritate, ratione cum illis certandum: respiceret quo loco christianæ reipublicæ res essent, quot superioribus attritæ casibus: ut denovo vires assumant, quiete in primis, non novis bellorum agitationibus opus esse: a quonam Itolorum Principum quidquid pecuniæ, quidquid virium erat, præteritæ calamitates non exhauserint? an vero Germaniæ, licet amplissimæ provinciæ, viribus fidendum esse? quis autem pro explorato habeat, orto bello, cuinam parti procures Germani, penes quos eligendi Imperatoris facultas est, adhæsurî sint? liberæ porro civitates, quæ Cæsaris auctoritatem sequuntur, nisi prius ratione disceptetur, nunquam ad arma venturas esse profitentur: an vero Cæsar, reliquis destitutus auxiliis, per se ipse tantas cogere copias poterit, quæ frangere seditiosorum hominum super-

*Clementis  
sententia de  
hæresibus  
armis ex-  
tollendis.*

*Senatus of-  
ficia, ut a  
bello Pon-  
tificem amo-  
veret.*

perbiam, effrenesque illorum turbas, & conatus coercere queant? quid? quod desperatione præcipientes, cæca insania in exitium acti, ad illa subsidia confugere possent, quæ illis non modo, verum toti christianæ reipublicæ perniciofa, atque exitialia futura essent? Hanc itaque Senatus gravissima in re sententiam esse: nihil magis optandum, quam ut, religionis diffidiis amotis, restinctis odiis, prisca, eademque catholica religio retineatur, atque augeatur, quam ab incunabulis Respublica Veneta sanctissime servaverit, atque omni tempore coluerit. Tanta in re vel Senatus auctoritate, vel rationibus permotus Pontifex belli consilia abiecit; cum præsertim ea temporum conditio esset, ut potius in communem hostem arma vertenda, quam in propria viscera sæviendum esset, cum in dies Suleimanum ingentibus copiis in Pannoniam reversurum, Viennam oppugnaturum rumor afferret; neque Cæsar ab iisdem consiliis abhorrebat, potiusque concordie rationes inveniri, quam armis decerni cupiebat, in id summopere intentus, ut Ferdinandum fratrem procerum suffragiis Romanorum Regem crearet: quocirca religionis causam in futurum concilium distulit.

Interea vero, quo finium controversiæ a Venetis cum Ferdinando definirentur, ut ex præscripto pacis utrinque arbitri deligerentur, postulabat. Neque dissentiebat Senatus, sed cum in supremum arbitrum minime convenire possent, mora negotium differebatur: nam Ferdinandus Mantuanum Ducem, vel Augustæ Vindelicorum Antistitem, vel Pontificis apud se oratorem huic muneri obeundo præficiendum curabat: Veneti Teatinum Episcopum, Salernitanum Archiepiscopum, & Pontificis apud Rempublicam oratorem dicebant. Tandem cum Senatus Matthæum Avogarum nobilem patricium, doctorem, equestri insignitum dignitate, arbitrum dixisset, adhuc diffidentibus de supremo sententiis, res cunctatione trahebatur. Neque minus Senatum urgebat, quod nondum, anno fere elapso, Mediolanensem arcem, ac Novocomum civitatem Francisco Sfortiæ Cæsar, ut cautum fuerat, restitueret; veritum, ne humani casus fructum pacis præriperent. Cunctationis causa dicebatur, quod Franciscus Sfortia eam pecuniam Cæsari solvere non posset, quam se numeraturum prius quam oppi-

*Arbitri inter Venetos ac Ferdinandum.*

1530

da traderentur, pepigerat. Itaque mutuo illi quinquaginta aureorum millia a Senatu oblata sunt; atque ut eadem opportune restitueret, centum ac quinquaginta millia sestarium salis præbiturum, Ticinum usque missurum pollicebatur; in singulos quartam aurei nummi partem Reipublicæ penderet, maiorique pretio Insulbrum populis divenditis, quinquaginta aureorum millia mutuo accepta cogeret. Verum Sfortia, ut Cæsari gratificaretur, qui Genuensibus negotiatoribus favebat, salarium vectigal alia ratione comparavit, pactaque pecunia soluta, arcem, & urbem recepit, integraque Mediolanensis imperii possessione est potitus. Atque, ut plerumque accidere solet, quod ii, qui novum principatum adepti fuere, omnes armorum motus perhorrescunt, parvis quoque, ac minimis rebus in ingentes suspiciones adducuntur; verebatur Sfortia, ne Gallus, amissæ in Italia opulentissimæ ditionis impatiens, novos motus ciceret. Senatum enixe rogabat, ut cum Rege Galliarum ageret, ne quid hostile in ipsum moliretur, motusque armorum compesceret, quorum famam Alpes transgressam augeri Sfortia in dies affirmabat. Senatus, quamvis iis, quæ ab ipso dicebantur, fidem haud satis haberet, attamen ut Gallorum animis spem omnem eximeret, a Cæsare, & fociis Venetos seungi posse, Reipublicæ mentem Regi non modo, verum aliis quoque Europæ Principibus significavit: statutum, ac fixum sibi animo esse, præsentem Italiæ statum tueri, neque ullis propositis conditionibus a pace nuper firmata velle discedere. Andreæ Grito Duci injunctum est, ut quotiescumque ea de re cum legatis Principum sermones incidissent, apertis id verbis expromeret. Cæsar, ut non verbo tantum, sed re ipsa Respublica quod foedere tenetur, præstaret, flagitabat, milites conscriberet, copias augeret. Ea molesta nimium Senatui erant: si res ita tulissent, exercitum cogere, cuncta ad bellum necessaria comparare, nulla in re foederi deesse velle, Cæsari significabat: nihil esse quod vanis, atque incertis rumoribus ad ingentes sumptus traheretur, quibus vires Reipublicæ exhaurirentur, ac pro pacis beneficio acerbos belli fructus perciperet. Ita inter recentes nuptias, atque arctæ affinitatis jura, quibus modo Carolus, ac Franciscus devincti fuerant, regni cupidines, aut metus miscebantur; humanæ sitis in-

*Ars Mediolanensis & Novocensis a Sfortia recipitur.*

inexplebilis exemplo, qua mortalium animi adeo transver-  
si aguntur, ut communis fortis obliti, veluti æternum victu-  
ri, dominandi libidini divina, atque humana cuncta subji-  
ciant.

Dum variis hisce curis Principum animi distinentur, Sena-  
tus, quod superiori anno negotium cœperat, temporumque  
conditione intermissum fuerat, de majoribus nempe sacerdo-  
tiis eligendis, denuo suscepit; cum nimis grave videretur, ea  
se auctoritate exui, qua urbiium antistites designare, ac Sum-  
mis Pontificibus confirmandos exhibere majores consueverant;  
quod priscum Reipublicæ institutum præteritorum bellorum va-  
rii casus interverterant. Quapropter a Clemente Senatus eni-  
xe petebat, ne antiqua jura Reipublicæ de Apostolica Sede  
optime meritæ adimeret; idque vel priscis illius, vel recenti-  
bus meritis tribueret, quod pro Italiæ dignitate, & liberta-  
te retinenda tot, tantisque curis, ac periculis obstinate adeo  
laboraverat. Clementis vero hac in re durus nimium, atque  
difficilis animus plerosque Senatores sic affecerat, ut quos il-  
le antistites delegisset, eos in sacerdotiorum possessionem nul-  
lo pacto mitti vellent. Atque inter ceteros, Christophoro Mar-  
cello, Corcyræ Archiepiscopo, vita functo, in ejus locum Ja-  
cobo Cauco suffecto, cum ab eo possessio peteretur, atque  
Senatusconsultum ea de re ab universo Collegio latum fuisset,  
rejectum fuerat; neque alij, quam Hieronymo Barbadi-  
co, quem Senatus delegerat, sacerdotium id concessuri Sena-  
tores videbantur. Qua re commotus Pontifex, indigne fere-  
bat, a se delectos antistites repulsam a Senatu pati; jura Ec-  
clesiæ nunquam lædi, vel imminui passurum se affirmans,  
præteritarum offensionum memoriam sæpe revocans, & crebris  
sermonibus usurpans: quo fiebat, ut in diversas sententias  
Senatores distraherentur. Nonnulli insistendum, & constantem  
Reipublicæ causam defendendam esse contendebant; si nullo  
modo flecti se posse Senatus ostenderet, æquis Clementem il-  
lius postulatis assensurum; si dissidentes Senatorum sententias  
persentiret, si nutare, ac labare mentes animadverteret, cui  
dubium, quin nihil impetrari a Pontifice posset? unanimi Se-  
natus consensu Clementis obstinatum mentem frangi posse; ac  
nulla re magis everfas Reipublicæ res pristinae dignitati, ac  
de-

*Veneri de  
Antistiti-  
bus designa-  
dis negotiū  
denuo susci-  
piunt.*

*Jacobo  
Cauco Cor-  
cyra episco-  
patus posse,  
se a Senatu  
pernegata.*

1530. decori restitutas fuisse, quam egregia, atque obnixa cunctorum civium voluntate. An vero ea de re nunc agi, quæ nihil momenti vel ad dignitatem, vel ad utilitatem Reipublicæ conferat? exteros homines nonnunquam insigniorum urbium antistites creatos, multa sæpius agere, quæ a Reipublicæ rationibus magnopere sejuncta sint, quod alteri opes suas, atque fortunas, non Senatui, cui maxime oporteret, acceptas referant: ingentibus divitiis, quibus etiam supra vota abundarent, ad eorum gratiam promerendam facile abuti, quorum opera dignitatis aliquam sibi accessionem spondeant: a Senatu non modo cives, in patriam natura propensos, sed sanctissimos viros præterea deligi, vitæ integerrimæ exemplis apud omnes in honore habitos. Quid vero? Reges alios, ac Principes civitatibus suis Sacerdotes omnes majores impertire, Senatum Venetum eo tantum privari, quod continuis temporibus majores obtinuissent? irent nunc, Pontificisque minis a tuendis publicis rationibus deterrentur: in dies majora, atque acerbiora toleranda. An vero timendum esse, ut rursus bellum hac de causa non exardescat? neminem pacem magis, quam Clementem exoptasse, bellorum pericula maximo cum damno suo expertum, nunquam eodem se revolvitur passurum. Contra vero qui altius rem inspiciebant, difficile admodum, atque arduum opus esse, a proposita revocare sententia Clementem arbitrabantur: nec e Republica censebant, simultatum, atque odii semina in illius animo serere, cum ad præsentem Italiæ statum retinendum nihil magis, quam Reipublicæ cum Pontifice amicitiam conducere posse putarent: in tot maximorum, ac præpotentium Principum ambitiosis cogitationibus nihil tutius esse, quam hoc uno, veluti fortissimo munimento, inniti. Neque deerant, quibus non satis probaretur, ecclesiasticarum dignitatum, & opum spe civium mentes ali, qua nonnunquam deliniti & capti, ardorem, atque studium, quo patriam complecti oportuisset, sensim remitterent: moderato victu, ac privatorum divitiis auctam esse Rempublicam, in qua ornanda, & amplificanda omnes perpetuo infudarent, dum cives, quidquid gloriæ, quidquid dignitatum, quidquid opum foret, id omne non sibi, sed commodo publico compararent: retinendos priscorum sapientissimorum hominum mores, non

fa-

faces ad ambitionem, ac luxum civibus adhibendas. Hæc, atque alia hujusmodi variis sermonibus jactabantur, cum Senatus in Clementis gratiam, quos antistites delegerat, in possessionem sacerdotiorum misit, leniusque cum eo agere coepit, ut priscum jus reciperet; licet aliarum rerum, quæ postea consequutæ sunt, eventibus cunctatione longius negotium traheretur. Nam Veneti Turcicarum rerum suspitione permoti, ac de Suleimani incrementis summo opere solliciti, augere maritimas vires cogebantur.

1530  
Veneti possessionem sacerdotiorum Antistitibus concedunt.

## M. D. XXXI.

**B**yzantio siquidem afferebatur, Suleimanum, cum belli Persici motus composuisset, terrestribus non modo copiis, verum maritima classe Christianos Principes aggressurum, Germanorumque dissentientibus animis, & religionis diffidiis agitatis, gradum sibi ad eam Pannoniæ partem, quæ Ferdinando obtemperabat, occupandam facturum; cum præfectis, quos Turcæ *Sangiacos* vocant, qui in limitibus erant, præcepisset, ut, iis quæ ad bellum necessaria forent, instructis, ad Strigonium oppugnandum se compararent. Miserat quoque per eos dies Chariadeno Ahenobarbo, piratæ maritimarum rerum peritia, atque obdamna sæpius Christianis illata, apud suos illustri fama notissimo, vexillum, ac quatuor apprimè adornatas triremes, adjecto remorum, tormentarii pulveris, & aliarum rerum navalium apparatu; & in summorum præfectorum numerum illum adscripserat: hujusque rei ad Senatum literas dederat, petieratque, ut cum illo non tanquam pirata, sed veluti cum suo duce deinceps ageret. His accesserat, quod hoc anno infesta a prædonibus, ac piratis cuncta maria reddebantur, qui multis navigiis Mediterraneum excurrando, naves non modo diriperent, verum sæpe, excensione in terram facta, oppida, ac loca in litoribus posita fœde depopularentur. Ilva namque, insula non procul a Senensium litore sita, Talamonis oppidum in continenti positum, universaque Campaniæ ora direpta, ac vastata fuerat. Quocirca Andreas Auria decem triremes extra ordinem instruxerat, ut maritima Tyrrheni custodiret. Veneti, classe ad quinquaginta triremium numerum aucta, præfecto

1531  
Suleimani in Christianos bellicis apparatus.

Suleimanus Chariadeno maritimum vexillum mittit.

Tyrrheni ora a Piratis direpta.

Veneti classem augent.

H. Mauroceni T. I.

A a

man-

4531

mandarunt, ut quantum in se esset, piratas, qui rapinis cuncta maria foedabant, persequeretur; adversus illos non modo christiani nominis, sed humani totius generis hostes acerrime pugnaret; quos invenisset, nulla tactus miseratione, veluti publicæ quieti ex professo adversantes, cæderet, atque obtruncaret. Plura illorum navigia capta; multi interfecti meritis immanium scelerum poenas luere.

*Ferdinandus, Rex Romanorum declaratus, Aquisgrani coronam suscipit.*

*Ferdinandus Regis orator ad Italorum Principum auxilium contra Turcas implorandum.*

Ceterum Ferdinandus, cum Romanorum Rex declaratus de more Aquisgrani corona inauguratus fuisset, quam illi amplissimam dignitatem Senatus officii plenis literis gratulatus fuerat, in eo totus erat, ut Suleimano, quem in Pannoniam cum ingenti exercitu venturum crebri rumores afferebant, haud impari conatu obfisteret, undique copias cogeret, pecuniam pararet, cunctos Principes exoraret, ut communi Christianæ Reipublicæ periculo communibus viribus obviam irent. Proinde oratorem ad Italiæ nonnullos Principes miserat, qui ab iis postularet, ut sacrum bellum adversus Turcas pro republica christiana susceptum, in eorum ditionibus promulgari sinerent; quod in præcipuis Italiæ urbibus, supplicationibus habitis, maximo populorum concursu effectum est; cum Pontificis jussu viri religiosi cunctos concionabundi vehementissimis orationibus ad stipem conferendam impellerent. Senatus veritus, ne si intra suos fines sacrum indiceretur bellum, Suleimanus in Rempublicam incitaretur, atque ea pax labefactari posset, quam eo tempore maximopere rebus suis conducere arbitraretur, cum Pontifice egit, ut Reipublicæ statum sibi ante oculos proponeret; neve potentissimum hostem sacro edicto adversus illam laceraret; eximium suum in religionem studium satis perspectum, quo majores incensi ingentibus se periculis pro illa tuenda, atque augenda objecissent. His permotus Clemens, a bello in Venetis ditionibus adversus infideles indicendo abstinuit. Verum fama, quæ de Turcarum apparatu percrebuerat, hoc anno impares eventibus rumores habuit: nam Suleimanus Hadrianopoli egressus, venationum studiis intentus, segnius, quæ ad tantam belli molem comparandam requiri videbantur, obibat; a summis curis animum avocando tempus terebat, ut tandem in posterum annum Hungaricum bellum distulerit, magnaque cura, ac metu Christia-

nos



nos solverit. Hæc variis consiliis hoc anno de bello Turcico agitata fuere. 1531

In Italia, quæ jam pacis fructu lætari cœperat, nonnulla belli semina exorta; eaque ni statim a Venetis repressâ fuissent, ingentes motus ciere poterant. Nam Jacobus Medicus, qui Mussii arcem, ac Leucum, Insubrum ditionis loca, occupaverat, anni initio Leonem Arigonium ad Sfortiam Ducem miserat, qui illum a concordie ratione cum eo incunda minime abhorreere significaret; Venetos, si ita Duci videretur, arbitros adhiberet. Senatus Sfortiam ad pacem hortabatur, quæ cum ob multas difficultates ad exitum perducere non posset, Mussii præfectus Hispanos pedites, qui Mediolanensi arce, ac Novocomo nuper Sfortiæ restitutis exierant, suo ære militari sacramento obstrinxerat. Duo millia atque amplius gregariorum militum numerum coegerat; his adjectis nonnullis equitibus, ex improvise in Volturenâ vallem impressione facta, Morbenii oppidum, sex ab illius ingressu passuum millibus situm, cepit, fossoribusque vocatis, ut ad hostium imperus sustinendos validius foret, munire inceperat; atque ut Rhætos magis perterrefaceret, ea se, Venetis ac Sfortia consentientibus, moliri vulgaverat. Quæ cum ad Senatum delata essent, ut, si qua in animis oborta suspicio foret, statim tolleretur, edicto cavuit; ne quis eorum, qui Venetis parerent, præfecto Mussiano militaret; qui in eam expeditionem profecti fuissent, statim domum reverterentur; quibus prædæ aliqua pars obtrigisset, magistratui exhiberent, eorum dominis reddendam; qui secus facerent, exilio, ac bonorum publicatione mulcarentur. Idem edictum in suis ditionibus Sfortia promulgari jusserat. Rhæti improvisa re perculsi, cuncta tentanda rati, ne opima, ac prædive suæ ditionis parte exuerentur, officiis, atque armis agendum censent; Helvetiorum foederatorum auxilium implorant; exquirere ea in re Senatus mentem nituntur, opem petunt. Georgius Goldus, Tiguri præfectus, Pagorum Helvetiorum nomine, primum literas, mox nuntios ad Senatum misit. Quærit, probetne, quæ a Mussiano præfecto adversus Rhætos acta sint de Republica semper optime meritam gentem hostile nihil ab ea expectare. Ad hæc Senatus decreto responsum est: Rempublicam semper in Helvetios, ac Rhætos fortissimas gentes propen-

*Morbenium  
a Mediceq  
Mussii præ-  
fecto capto.*

*Helvetii li-  
teras et nu-  
tios ad Ve-  
netos mis-  
sunt.  
Senatus re-  
sponso.*

1531 fa fuisse voluntate, non vulgaribus causis eo adductam; præcipue vero haud dissimili regiminis forma, quod maximam ad conciliandos animos vim habet, allici: Mussianum præfectum non minus ejus gentis, quam publicæ pacis hostem esse; subsidia commeatum, ac militum petentem minime auditum; Bergomati, ac Brixienti magistratibus injunctum, ne Reipublicæ subditos opem ferre, neu annonæ subvenire Mussiano paterentur: Rhæti contra quæ victui necessaria forent, importari a nostris sinerent. Ad hunc Mussiani belli tumultum Rhæti duodecim circiter aureorum millia cum ex suis, tum ex Helvetiis coegere, quibus Morbenio recuperato, præfecti fines ingressi, cuncta direptionibus, incendiis, depopulationibus vastarunt. Mediceus intra Mussianam arcem se recepit: illi obsidione Mussium circumcingunt, atque fame perdomitum ad deditionem compellere statuant. Sfortia inde opportunitatem Leuci, quod ad ripas Novocomensis lacus situm est, occupandi nactus, prius Joannem Baptistam Specianum, mox Angelum Ricium, qui illi a secretis erat, Venetias miserat, ut a Senatu auxilia ad Leucum obsidendum, milites, aut pecuniam, nec non tormentarii pulveris subsidia impetraret. Senatus, ne parvis initiis publica quies, ac pax turbaretur, a suscepta sententia amovere Sfortiam contendit: non tempora exigere; non rerum conditiones exposcere, ut armis iterum in Italia decertetur: si porro milites conscriberentur; si subsidia ad bellum subministrarentur, quid Itali Principes, ac reliqui de Republica sentirent? nisi ab ea, quæ semper studium, amoremque pacis præferulerat, alimenta modo ad belli incendium parari, atque exhiberi, dum christiana respublica, vel importunis dissidiis divulsa, vel gravissimis bellis confictata, miscetur undique, atque jactatur? Sfortia Senatus consilii acquiescere solitus, certam pacem dubio eventui belli antetulit. Rhæti Mussii arcis obsidio irrita conatu cessit, & cum præfecto compositis rebus, abiit. Mox oppida, quæ Sfortia bello minime aggressus fuerat, ea, pecuniæ certo numero Mediceo præfecto persoluto, tandem Insubrum ditioni adjecit.

Inter hæc Cæsar, qui Gandavi in inferiori Germania erat, de Mutina, atque Regio controversas inter Clementem, & Alphonsum Ferrariæ Ducem diremit; in Ferrariensis jura Mutina, ac Regium concederent; is urbium loco centum

au-

*Morbenium  
a Rhætiis re-  
ceptum.*

*Joannes  
Baptista  
Specianus  
& Angelus  
Ricius  
Sfortiani o-  
ratores ad  
Venetas.*

*Mussianum  
Præfecti  
rerum com-  
positum.*

aureorum millia Pontifici perfolveret, quorum dimidia pars, statim iis receptis; altera vero, sex post exactis mensibus, penderetur. Quod ad Ferrariam spectaret, cum antea centum cataphractis equitibus Ecclesiæ, uti beneficiarius, si occasio, ac tempora tulissent, præsto esse Ferrariensis deberet; subsidium illud annua septem aureorum millium pensione commutatum est; ea conditione, ut Ferrariensis ducatus privilegia Duci Alphonso a Pontifice præstarentur: vades solutionis, fide publica interposita, adsentiente Senatu, undecim e patritia nobilitate cives Clementi præbuit. Eodem ferme tempore magnificæ, & celsæ ædes in urbe, publicæ liberalitatis argumentum, suis majoribus concessæ, Duci restituta fuere. Cæsar quoque, Florentinæ Reipublicæ forma immutata, specioso, ac plausibili libertatis nomine tantum relicto, eandem unius imperio subjecit. Nam magistratus eosdem, qui, Mediceis rerum potentibus, in Republica erant, regiminis eodem genere permanente, creari voluit. Alexandrum vero Mediceum, generum, ac Pontificis nepotem, principem Reipublicæ atque caput, cui posterì succederent, instituit. Is, Ducis titulo assumpto, Joannem Bandinum Venetias misit, ut de nuper accepta dignitate Senatum doceret; qui principatum illi officiosis literis est congratulatus.

*Joannes  
Bandinus  
Alexandri  
Medicei  
rator ad Ve-  
netos.*

## M. D. XXXII.

**I**Nter belli Turcici suspiciones, & pacis consilia annus M. D. XXXII. vertebatur; cum Petrus Zenus, ac Franciscus Bernardus, qui nuper e Constantinopolitana legatione reversi fuerant, ingentes Sulcimani apparatus retulissent, classem numero, ac viribus præpotentem vere novo Hellesponto emissurum nuntiassent; quæ res cunctis Christianis Principibus magnas sollicitudines, & curas injecerant; ac Venetis præsertim, qui annuatim multis triremibus classem augendo, magnis sumptibus publicas, privatasque opes profundere cogebantur. Verum in hac belli suspitione pacis quoque spes aliqua objici videbatur: quamvis enim Joannes Sepulianus, Hungariæ Rex, Sulcimani auxiliis, atque opibus fretus, ad certaminis aleam subeundam Ferdinando

*H. Mauroceni T. L.*

*Aa 3*

*ne-*

1532 nequaquam inferior esset ; attamen a pace minime abhorrebat ; atque ea de causa Hieronymum Lascum oratorem ad Cæsarem , & Ferdinandum miserat . Is cum de eorum voluntate certi nihil percipere potuisset , & conventus in Spira civitate indictus , in aliud tempus rejectus fuisset , ad Germanos Principes proficisci statuerat . At fidei publicæ a Ferdinando impetratæ , qua tutus illi in Germaniam ingressus patuerat , præfinito tempore elapso , regredi in Pannoniam est coactus ; literis prius ad Germaniæ proceres , ad Galliarum Regem , ac Pontificem missis , quibus propensum ad pacem Joannis Regis studium significavit ; Senatumque rogavit , Clementem , & Franciscum Regem de tota re edoctos , ut publicæ pacis bonum procurarent , adhortaretur . Joannes vero Rex , quo Germanorum in Ferdinandum studia reprecserent , in conciliis , quæ passim per Germaniam habebantur , vulgandum curaverat , hostium loco , qui Joanni adversarentur , Suleimanum habiturum . Venetias quoque oratorem misit , qui enixe a Venetis postularet , auctoritate , qua plurimum possent , cum Cæsare , ac Pontifice agerent , ut concordia potius , quam bello rem decerni vellent . Senatus illius causam amplexus , quænam Regis mens erga pacem esset , Pontifici significat , ut ad tantam rem conficiendam animum adjiciat , suadet : quantum inde emolumentum ad Christianam Rempublicam Principe multis virtutibus ornato , qui parte amplissimi regni potiatur , a Turcicorum auxiliorum illecebris abstracto , & cum reliquis Christianis Principibus arctiori , ac firmiori concordiæ nexu conjuncto , accessurum sit , docet ; quem satis constaret , extrema quæque subiturum prius , quam Pannoniæ regno exui se permetteret . Cæsaris quoque legato , quæ sint Joannis Hungariæ Regis consilia , quæ cogitationes , significatur .

Verum Pontifici bellum magis , quam pax probabatur , vel quod pace religionis dissidia majoribus incrementis augeri posse vereretur , vel quod cunctos Europæ Principes adversus Turcas acrioribus conatibus , spe quadam victoriæ animo usurpata , impellere , & concitare cuperet . Nam Veronensem Episcopum per eos dies Venetias miserat , ut Senatum ad fœdus adversus Turcas ineundum hortaretur . XI. kal. februarii

egit

*Matthæus  
Gibertus a  
Clemente  
Venetias  
missus.*

egit ea de re graviter, multisque argumentis, vi, ac dicendi copia, quæ permagna in eo viro fuit, ut Senaturn in Suleimanum concitaret. Quibus incrementis exiguo annorum intervallo se Ottomanorum imperium extulisset, vehementi oratione explicavit; barbaram gentem Principum Christianorum dissidiis, ac negligentia, non propria virtute suffultam tantum ausam fuisse; tot provincias in miserrimam servitutem redeisse: cui exitiali malo si initio obviam itum foret, nullo negotio depelli, atque extingui potuisse; at cum singuli magis proprium commodum, quam commune bonum spectarent, alitum hanc pestem, longe, lateque diffusam jam nostris finibus minari.

*An igitur, dicebat, aeternum hoc sopore Christiani Principes, ac veterno correpti erunt? nunquamne ad tantum armorum strepitum exurgiscunt? Quæ hoc anno in bellum Pannonicum Turcæ purant, non incertis rumoribus Byzantio allata sunt; nec, ut antea Turcæ consueverant, terrestres tantum copias adhibent; numero, & viribus præpotentes classes emittunt; maria omnia, maritimasque oras, nullo obsistente, legunt? Quæ omnia cum oculis Clemens pro munere sibi divinitus delato subjicit; vicem reipublicæ christianæ miseratur; perditam horum temporum conditionem deplorat; discerpi, ac misere lacerari christianum nomen conqueritur; quantum in se est, cunctos Principes ad bellum adversus teterrimos hostes suscipiendum suadet, hortatur, monet. Inter quos cum Reipublicæ opes, ac quantum maritimis in rebus possit, secum ipse reputat, spe magna evebitur, si in commune hoc fœdus descendat, fore, ut terra, marique petitus, atque conflictatus hostis, nonnihil de superbia, ac fastu, quo nimium intumescit, remittat; ac Deo juvante, qui hactenus præteritis victoriis insolens, ac jactabundus incedit, adversæ fortune tela quoque experiatur. Quod si intentius majorum vestrorum exempla intueor, nonne ea vobis maximos spiritus, bis sociis, ad arma sumenda addere videntur? Continentia illi, ac magna bella cum hac gente gessere; neque pro patria, pro libertate, pro religione ulla pericula formidarunt; nullos, quamvis ingentes, labores perborruere; de illa quandoque victricia spolia retulere. Fateor auctas esse immanium hostium vires; insidiari non possum etiam ad vos clades, ac*

*Oratio  
Matthæi  
Giberti.*

1532 *damna non pervenisse ; sed si efferrī alius hostem patimini ; quando vobis aut tempus , aut opportunitas , aut voluntas illum contundendi , atque obterendi aderit ?*

His , atque aliis varie agitare , & commovere Patrum mentes Matthaeus Gibertus nitebatur , ut vel ad societatem jungendam impelleret , vel saltem ut ad sententiam planius apcriendam , aut si qua posset auxilia tribuenda , Rempublicam adigeret . Verum in gravissima re varie Senatorum mentes afficiebantur : Suleimani communis christiani nominis hostis vires , ac potentiam , ni obsisteretur , in immensum augeri , cunctisque brevi formidolosam fore providebant : nunquam dominandi libidini aut modum , aut frena injecturum ; victoriis non ad otium , & quietem , sed ad nova bella veluti gradus sternere : religionis amor , publicæ libertatis , ac dignitatis decus stimulabant animos . At contra potentissimæ gentis vires ingenti equitum , ac peditem numero instructi exercitus , validæ classes objiciebantur . Respublica quadraginta fere annis bellorum fluctibus , ac procellis jactata se se offerebat ; quantos sumptus subiisset ; quantum subditorum , ac civium amisisset ; bella cum Turcis suscepta memorabantur , quibus Veneti soli ferocissimæ gentis impetum sustinere coacti fuerant . His elati , ardentique comprimi , ac tepescere spiritus videbantur , & vigor languescere , ut plerique prorsus rejiciendam societatem , ac foedus censerent : inter quos Gaspar Contarenus , summi nominis vir , qui magnam rerum omnium scientiam cum singulari pietate , & probato rerum usu conjunxerat , atque ea tempestate supremi ordinis Sapientis locum sustinebat . Aliis , ut Lucæ Trono ejusdem ordinis , Joanni Delphino continentis Sapientibus , Senatus decreto ad pacificandas cum hoste inducias Clementem adhortari placebat , ut , sedatis tumultibus , quibus respublica christiana , ac præsertim Germania ea tempestate fervebat , unanimi conatu , & communibus viribus in opportuniora tempora consilia de bello Turcis indicendo rejicerentur . Sed in hac difficili , ac perplexa consilii expediendi ratione neque omnino amplecti , neque prorsus negligere foederis oblatam facultatem e Republica Collegii Patribus esse videbatur : ne altero decreto statim

tim in gravissimi belli discrimen adducerentur; altero autem Clemens optime in rem christianam animatus a suscepta sententia deterreretur.

1532

Itaque Senatusconsulto, pro quo Marcus Antonius Cornelius diserte, ac copiose disseruit; ita responsum est. *Quo animo Respublica in rem christianam sit, si quis vel majorum, vel presentium gesta inspexerit, facile intelligi posse: eandem vigere mentem, baud dissimilem in commune bonum propensionem in Senatu esse: angere vehementer ea esse tempora, huiusmodi rerum conditiones, ut quod summopere cuperet, quo nil antiquius in votis haberet, id re ipsa prestare non posset: acerrimis dissidiis distentos Christianos Principes; Reipublicae vires prae teritis bellis attritas non eo statu esse, ut potentissimi hostis impetum excipere, vel certa rei bene gerendae spe in illius ditiones arma inferre possint. Vicies centena millia passuum ab Histriae ora usque ad Cyprum insulam numerari; hoc amplissimo maris, terrarumque tractu fines Venetos cum Ottomanis protendi; bello exorto, eodem momento universos hostibus obiectum iri: ad haec in Syria, Aegypto, Byzantii multos mercatores Venetos reperiri, qui minima quavis belli suspitione in vincula conjicerentur, ut ingenti illorum pecunia, ac mercimoniis hostes potirentur, eorumque potentia auferri; vires Reipublicae debilitari, ac imminui baud parum possent: ea omnia summi adeo momenti esse, ut minime Senatus vereatur, ne a Pontifice illius consilia necessitate potius temporum, quam voluntate animorum expressa, probentur. Hoc Senatusconsulto x. kalen. februarii Veronensi Episcopo responsum est.*

*Senatus responsum.*

Neque interea, ut Ferdinandum ad concordiam cum Joanne Sepusiano ineundam hortaretur, aliquid omittebat. Verum ille ad amplissimam dignitatem elatus, conventuum, quos in Germania habuerat, auxiliis fultus, spe Caroli fratris virium adductus, decernere potius armis, quam pacis conditionibus obstringi statuerat. Quocirca cuncta in bellum versa videbantur; nam Byzantio afferebatur, Suleimanum ingentes copias comparare, classem centum ac sexaginta trirremium, quamplura alius generis navigia emissurum: cum sexaginta millium pedum, ac duodecim millium equitum exercitu in Pannoniam venturum. Interim Aloysium Gritum ad Joannem Regem profec-

*Ferdinandus Rex bellum in Turcas decernit.*

*Aloysius Gritus in Pannoniam a Suleimano pro pace missus.*

1532

fectum, ut de pace cum Ferdinando ageret; quæ nisi ad exitum perduceretur, limitaneis præfectis Suleimanus imperaverat, ut statim in fines Ferdinandi procurrebant; Mœsis vero, ac Tartaris, ut iter in Pannoniam arriperent, & classis illius præfecto, quæ in Danubii fluminis faucibus detinebatur, ut quamprimum in Austriam contenderet, mandaverat.

Rumoribus his de ingenti Suleimani apparatu adductus Senatus, ut maritima loca ab omni injuria tuta essent, in id maxime incumberebat, ut classẽm triremium numero magis auctam, validamque redderet. Cum vero superioribus casibus pecunia ad tot sumptus conficiendos nequaquam suppetere, intentiore sollicitudine, ut quantam posset auri vim undique colligeret, curabat; privatorumque civium opibus nimis oneribus, decumis, ac tributis exhaustis, æquum videbatur, ut qui in Venetis ditionibus opulentissima sacerdotia possiderent, nonnihil ad sublevandam ærarii inopiam conferrent. Itaque Senatus decreto xj. kalen. martii Ecclesiasticis viris *subsidium* (sic enim appellabatur) quod certo tempore restitueretur, impositum est. Ea re commotus Clemens vehementer excanduit: sua jura a Senatu læsa esse; imponere decumas, ac subsidia imperare iis non posse, in quos ipse summum jus obtineret; non permisurum quidquam de Pontificiis rationibus detrahi. Senatus Pontificis iratum animum ægre ferebat; sedare ardentem spiritum, placatioremque in Rempublicam reddere nitebatur: necessitate compulsus decretum illud tulisse; æquum censere, omnes, qui Venetorum ditionibus continerentur, ad Reipublicæ libertatem, imperiumque servandum, & retinendum conspirare; jam affiduis bellis debilitatas, ac fractas civium vires, impares ad onera publica subeunda esse. An qui tot divitiis, atque opibus affluerent, otiosi spectatores sumptus, ac laboris aliorum essent? an piaculum committere, si laboranti patriæ opitularentur? an hoc pietatem in Rempublicam & humanitatis jura exposcere? ut ne mutuo quidem ad publicas impensas sublevandas pecuniæ nonnihil persolvant? ab illius sanctissimæ Sedis incolumitate, ac dignitate, a religione ipsa Venetæ Reipublicæ salutem sejunctam esse non posse. His, atque aliis mentem Pontificis flectere Patres conantur, qui neque rationibus, neque precibus locum dabat. Susceptæ sen-

Venetis subsidium Ecclesiasticis imponunt. Clemens perturbatio ob subsidii Ecclesiasticis impositum decretum.



tentiæ insistere, antesignanis religionum præcipere non cessabat, ne quidquam in subsidium pecuniæ erogarent; quo fiebat, ut Clementis acerbiter, durumque nimis in Rempublicam animum conquererentur. Sed nihil ob id Senatus animo frangebatur; quinimmo majori sedulitate, quæ ad sumptus necessaria forent, comparabat, ne ulla in re populis, provinciisque sibi subjectis deesse videretur. Itaque Vincentius Capellius imperator declaratur; viginti triremes reliquis adjiciuntur, quas in Dalmatiae provincia, Corcyra, Zacyntho insulis, & Cretæ regno instrui Senatus jussit, ut universa classis sexaginta triremium numero constaret. Legatus Hieronymus Canalis eligitur; nam Franciscus Paschalicus tunc alterius legati munereungebatur. Capellio Senatus mandat, ut maritimis Reipublicæ oris, atque oppidis opem ferat, ne quid subditis, illorumque rebus detrimenti inferatur, provideat. Verumtamen nulla in re aut Cæsareanæ, aut Turcicæ classi conatibus obstat, vel faveat; utrisque se amicum præbeat; a portubus minime prohibeat, commeatus importari sinat, non arma, ceteraque alia instrumenta bellica. Hæc classis imperatori in mandatis data fuit.

Cum autem Suleimanus Pannonicæ expeditionis consilia, quæ diu in animo versaverat, perficere vellet, ut Venetos sibi conciliaret, in illos haud vulgaria benevolentiae signa edidit, cogitationibus iis relictis, quibus antea, ut Byzantii emporium augeret, illuc aromata, atque omnis generis merces convehi jussit; ex illius ditionibus frumenta, tormentariumque pulverem asportandi concessa facultate. Omnibusque itineri necessariis comparatis rebus, Byzantio profectus, Hadrianopolim pervenit, bellum Pannonicum indixit; ac quamplurimis undique ad exercitum confluentibus; cum ad Hungariæ fines pervenisset, ad centum & quinquaginta millium peditum numerum copiarum accesserant, quarum robur prætoriani milites, quos *Fanizzeros* Turcæ vocant, ad viginti millia erant. His fretus nihil sibi obistere posse ratus, quin quacumque pervasisset, cuncta victoriis, ac triumphis cumlaret; cum ab Albam Græcam substitisset, cum Cæsare acie configere se velle per exercitum vulgaverat, in tumidam spem erectus, si committere prælium vellet, haud dubia se victoria potiturum.

At

1532

*Venetorum  
sedulitas ad  
pecuniæ con-  
parandam.*

*Vincentius  
Capellius  
classis imper-  
ator eligi-  
tur, & tri-  
remium num-  
erus augen-  
tur.*

*Hieronymus Cana-  
lis, Francis-  
cus Pascha-  
licus classis  
legati.*

*Suleimanus  
ad bellum  
Pannonicū  
proficiscen-  
tur.*

1532

*Cæsaris apparatus ad bellum Turcicum excipiendum.*

*Franciscus Giddius a Venetis restitutum Cæsareanis militibus postulat.*

*Hippolytus Medicus, Cardinalis, in Germania legatus.*

*Cassonus Turcarum praefectus a Palatino comite profligatus. Suleimanus Constantinopolim regraditur.*

*Himeralis classis Turcica imperator Andreas Auria Cæsareana classis imperator ad Messanam.*

At Cæsar, ut adventantis hostis impetum sustineret, priscumque Imperatorum decus fortiter tueretur, ex omnibus fere Europæ provinciis quammaximas posset copias robore, ac numero minime Turcis dispares cogebat. Alphonsum Vastium cum Hispanorum, & Italogum militum expeditis cohortibus ex Italia vocaverat; qui per Tridentinos Alpium saltus in Noricum transiturus, cum Franciscum Giddium Venetias misisset, ut per Reipublicæ fines transeundi sibi facultas daretur, a Senatu impetravit, atque illius jussu a Reipublicæ magistratibus liberaliter est exceptus. Hippolyto quoque Cardinali Mediceo, legato Pontificio, in Germaniam proficiscenti duo Veronæ quæstores obviam missi, cunctaque ad victum necessaria suppeditata. E Belgio, ac Burgundia gravis armaturæ equites, ex Hispania veteranos milites complures accersit; Germanorum duodecim millia conscribi jubet: his plerique e tota Italia strenui milites voluntarii accessere, quod desideria sibi inuri notam existimarent, si ad Cæsaris exercitum, cum Turcis decertaturi, non contendissent.

Ceterum in summa mortalium omnium expectatione nil tantis apparatibus, tot assuetis militiæ viris egregii est consequutum. Nam Suleimanus, Cassono ad vastandas Carinthiæ, & Styriæ, quæ Valeria antiquitus dicebatur, provincias misso, eodemque a Palatino comite profligato, ac deleto, cum nusquam conatibus eventus responderent, Byzantium reversus est. Carolus vero, qui a Viennæ moenibus nunquam disceserat, de hostium protectione certior factus, non ulterius Turcas insequutus, copias dimisit; non sine omnium admiratione, quod insequendi hostis opportunitatem elabi sibi e manibus passus esset, totque labores, ac impensas in conficiendo exercitu, nullo præclaro edito facinore, irritas reddidisset; cum in itinere Suleimanus amplius triginta captivorum millia Byzantium perduxisset.

Dum hæc gererentur, classis Turcica Hellesponto egressa, Himerale duce, Aegeum mare emensa, in Ionium pervenerat. In ea sexaginta triremes, viginti minora navigia censebantur. Cæsarea vero auspiciis Andree Aurie Genue solvens ad Mefsanam Siciliæ urbem appulerat: quadraginta varii generis navibus, quadraginta duabus triremibus constabat. In Vene-

ta tres & sexaginta triremes numerabantur. Hoc pari, atque fere æquato virium numero conjectura difficile erat assequi, quoniam consilia evasura essent, cum rei bene gerendæ facultas non ex alio magis, quam ex præfectorum militari scientia, ac virtute penderet. Vincentius Capellius, Venetæ classis imperator, inter Corcyræ, & Zacynthi insulas commorabatur, ac ne quid Venetorum loca, & populi detrimenti paterentur, curabat; in omnes tam Cæsareanæ, quam Turcicæ classis motus intentus, ne urorumque suspicionem incurreret, illarum congressum studiose devitans. Cum vero Corcyræ esset, Himerali, qui ad Ambratium sinum appulerat, cum triremi certos, qui suo illum nomine inviserent, muneraque deferrent, nuntios misit; quibus ille benigne exceptis, nullas a suis injurias, aut damna Venetorum rebus inferri passurum pollicitus est: quod severe adeo a barbaro servatum est, ut Zacyntho, ac Cephalenia prætervectus, excensione in terram facta, præter morem classarii nullam incolis noxam intulerint. Andreas vero Auria Messana solvens in Græciam navigaturus, cum Zacynthi Venetam classem morari intellexisset, ut Capellium alloqueretur, eodem contendere statuit; eo consilio adductus, ut de industria Turcis Venetos suspectos reddendo, illos ad consociandam cum Cæsareanis classem compelleret, quod Auria non modo, verum etiam Cæsar summopere concupiverat. Nam illius orator Andræ Aurie literas Genua datas ad Senatum detulerat, quibus petebat; Capellio mandaret, ut maritimas Venetorum vires cum Cæsareanis conjungeret; magna feliciter gerendarum rerum opportunitate proposita, ut illecti Patrum animi, secundarum rerum spe elati, a proposita consiliorum ratione discederent, qua in neutram pendere partem matura consultatione decreverant. Senatus vero decreto Cæsareo oratori responsum fuerat: se, quod pacem cum Suleimano coleret, ut Aurie assentiretur, adduci non posse. Quo responso audito, cum minime sibi, & Aurie satisfactum intelligeret, ad importuniora postulata prolapsus, *Si forte obtigisset, ut ad prælium Cæsareana classis cum Turcica descenderet, an Veneta Turcica adfutura esset, quærebat.* Legati petitione admirabundi Patres, prudentiam in eo desiderabant. *An non satis cognitam Reipublicæ pietatem, ac*

reli-

1532

Vincentius  
Capellius  
ad Himeram  
nuncios  
misit.

Cæsareano-  
rum studio,  
ut Venetam  
classem sibi  
adjungeret.  
Andræ  
Aurie litem  
ad Venetum  
Senatus re-  
sponsum.

1532 religionem? non satis perspectum, quoniam illius cogitata omnia, atque gesta respicerent? an Reipublicæ conducere, potentissimum Regem suis auxiliis in immensum evehere, ut cunctis Christianis Principibus, ac Venetis præsertim formidabundus non modo, verum etiam terribilis evaderet? Quapropter legato respondetur: *Mirari Senatum, quod ea sibi de Republica in animum inducere potuerit: summa adseveratione testari, fixum, atque immotum esse, cum utroque Principe pacem servare, amicitie jura inviolata tueri; nihil a Venetæ classis imperatore profecturum, quod in alterutrius partis gratiam factum fuisse interpretari possit.* His auditis, satisfactum sibi a Senatu esse orator significavit. Verum crebris petitionibus percontari suam mentem optime Patres noverant, ut si fieri posset, pollicitatione aliqua obstrictum Cæsareani ad suas partes attraherent, atque in Suleimani suspensionem adductum foederi, ad quod sæpius sollicitaverant, adjungerent. At præteritis rerum eventibus edocti, nihil properanter, aut veloci nimium consilio agendum existimabant, sed cunctando, ac pacem cum præpotentibus Principibus ostentando, ea tempestate administrari Rempublicam optimum, & saluberrimum arbitrabantur. Atque his omnibus de rebus Capellium docuerant, ut si quid hujusmodi ab eo Auria postulare, ex Senatus sententia respondere possit.

Ille Corcyram, & Cephaleniam legens Zacynthum pervenerat, ubi forte tunc Venetus imperator cum classe aderat, qui de Aurie adventu certior factus, ut maritimas patriæ vires, veteremque majorum disciplinam ostentaret, in altum prodiit, triremes, ac cetera navigia, veluti acie certaturus esset, ordinatim instruxit: oneraria ingentis magnitudinis navi (*Galeonum* vocant) in fronte collocata; utrinque binæ majores triremes, *Galeatie* dictæ, tormentorum numero, atque apparatu formidabiles, aliquanto ab oneraria intervallo subductæ; inter quas tantum spatii relinquebatur, quantum triremibus reliquis ad eruptionem faciendam satis esset. Cornu lævum, dextrumque æquali viginti triremium numero constabant. Postrema acies, cui imperator præerat, reliquas viginti triremes complectebatur, tanquam in omnes certaminis casus, hostiumque incurfus opem laborantibus allatura. Ita magnæ onerariæ na-

vi liber a fronte, & a lateribus ad ingentes bellicarum machinarum globos excutiendos aditus relinquebatur: Galeatiæ vero cornuum latera tuebantur. Cæsareanæ classis tres insigni velocitate celoces anteibant; ipsa tribus acierum ordinibus instructa, in quorum singulis quindecim triremes aderant, cernebatur. Antonius Auria primo agmini præerat, atque in dextram partem deflexerat; Salvatus Rhodiorum, ac tertii agminis præfectus lævam tenebat; Andreas vero Auria mediam ducebat aciem. Utrunque honoris causa, ut assollet, absque pilis, mira ordine, atque insueto strepitu discussa tormenta, navalis certaminis ingens, raroque mortalibus visum simulachrum exhibere videbantur. Hieronymus Canalis legatus, Auria Capellii nomine consalutato, portus, comæatus, ac quidquid in sua facultate esset, benigne, ac peramice obtulit: quod consociare classis non posset, publica Senatus fide præpediri, quia fœdus antiquitus cum Ottomanis Principibus iactum, recenti fide renovatum fuisset. Auria, Venetorum imperatori Cæsaris nomine actis gratiis, bona spe se esse affirmavit, ad magnas victorias adeo tutum aditum patefacturum, ut Veneti ultro cupidissime, sociis junctis armis, in commune decus, atque imperii incrementum consulturi essent. Verumtamen variis, atque incertis consiliis tota fere ea æstate tempus terendo, æquato metu, ac viribus, classes subistere: cum tandem in Turcicam passim varia morborum genera grafari cœpissent, quibus in dies sensim debilior, & infirmior redderetur, atque inde Eubœam se reciperet, ut Byzantium reverteretur. Qua ex re Auria majori spe subnixus in Peloponnesum iter direxit, Coronemque oppugnare statuit; quam adortus, licet primis Cæsareanorum conatibus oppidani, ac præsidarii milites obstiterent, vi tamen in suam potestatem redegit; mox Patras deditione recepit. Hæc eo anno terra, marique sunt acta. Turcica vero classe Bosphorum ingressa, propinqua jam hyeme, Capellio imperatori Senatus mandavit, ut triremes extra ordinem in Aegeo, atque Ionio mari instructas missas faceret: ac reliqua classe Hieronymo Canali legato tradita, ipse cum Francisco Paschalico in patriam reverteretur: Joanni Mauro Coreyræ legato injunctum, ut octingentos milites, qui præsidariis ad tutandam insulam adjecti fuerant, dimitteret.

Ce-

*Hieronymus Canalis a Capellio ad Auriam missus.*

*Turcica classis Byzantium se recepit.*

*Corona & Patras ab Auria capta.*

*Vincentius Capellius & Franciscus Paschalicus in patriam revocati. Joannes Maurus Coreyræ legatus.*

1532

Ceterum Cæsar, exercitu, qui ad Viennam convenerat, dimisso, in Hispaniam reverti statuit; ad Auriam, qui adhuc mari Ionio detinebatur, datis literis, ut, nulla interposita mora, Genuam contenderet. In itinere vero Bononiæ convenire Clementem decrevit, ut illius animum, quem ob latam nuper in Mutinensi, ac Regiensi causa sententiam offensum persenserat, leniret, sibi que conciliaret. Inde enim haud parva sibi adjumenta accessura rebatur, illiusque auctoritate arctiori sibi foederis vinculo Italos Principes, ac præsertim Venetos adstricturum: quod non modo ad præsentem rerum Italicarum statum retinendum opportunum sibi fore videbatur, verum etiam ad Gallicos motus discutiendos, cum Genuæ defectionem moliri non exiguis argumentis Regem vulgaretur. Quatuor a senatu oratores designati, qui Cæsari in Italiam adventanti obviam irent, atque per suos fines deducerent: Marcus Minius, Hieronymus Pesarus, Laurentius Bragadenus, Marcus Foscarus: decem aureorum millia, quæ in eo excipiendo infumerentur decreta. Carolus a Ferdinando fratre Villacum usque deductus est, qui Oenipontem descedens, mox in Germaniam reversus est. Cæsarem, Pontebæ Veneti oratores exceptum, usque ad Mantuanorum fines prosequuti sunt. Cum Spilimbergi in Foro-Julio esset, de Bononiensi conventu cum iis verba fecit, atque ut facultas de novo agitando foedere a Republica mitteretur, petiit. Ea re Senatorum animi haud parva molestia afficiebantur, cum inde gravia subire posse pericula Rempublicam animadverterent, vererenturque, ne Suleimanus, cui illius consilia suspecta esse cœperant, hostile aliquid moliretur, efferamque Turcarum gentem in se concitarent. Nam Alba Græca discedens Suleimanus, Janusbejum legatum Venetias misit, ut prospere, ac feliciter in Pannonia ab eo gesta Senatui significaret; qui graviter admodum conquestus fuerat, nostros cum Cæsareanis ad Salonam Dalmatiæ oppidum expugnandum se contulisse: hujus vero rei indicem Byzantium perductum. Senatus decreto Janusbejo responsum fuerat, Rempublicam cum Suleimano pacem conservare, eamque diuturnam optare; cum ea mente sit, haud quamquam simile esse, quod illi repugnet, quidquam agitare. Verum Sici Comitem literas ea de re ad Senatum dedisse, quibus

*Oratores a  
Venetis ad  
Cæsarem de-  
signati.*

*Janusbejus  
a Suleima-  
no Venetias  
missus.*

bus significaret, malevolos homines, inter Suleimanum, ac Venetos diffidia quærentes, tormentis hominem illum indigne adigisse, ut quæcumque illis visa fuissent, enunciaret, atque tota ea de re ad legatum Byzantii scripsit. Janusbejus quingentis aureis nummis, & veste donatus: atque ut, si quæ in Suleimano obortæ de Republica suspiciones fuissent, excuterentur, paribusque officiis erga illum ageret, Thomas Contarenus legatus Byzantium missus est. Pontifex vj. idus decembris cum multis Cardinalibus Bononiam pervenit: Cæsar cum vij. idus Mantuam profecturus esset, idibus eodem se contulit.

1532

Thomas C.  
tarenus By-  
zantium le-  
gatus.

## M. D. XXXIIL

**A**Tque anni sequentis initio de gravissimis rebus a Clemente, & Carolo agi coeptum est, quæ ad duo potissimum capita redigebantur; alterum ad religionem spectabat, quam in dies in Germania labantem, atque in aliis Europæ regionibus divulsam sustentare, & fulcire necessarium videbatur; alterum vero ad pacem christianæ reipublicæ ac præsertim Italiæ firmandam, præsentemque in ea statum retinendum attinebat: qua in re præcipuum censebatur, ut Veneti, quorum animos antea irritò conatu exploraverant, novo, atque arctiori fœdere obstringerentur. Itaque cum reliqui Italiæ Principes suos oratores Bononiam misissent, Marco Antonio Venerio, & Marco Antonio Contareno, altero apud Pontificem, altero apud Cæsarem legato, ad se vocatis, nil antiquius sibi esse affirmant, quam pacem publicam, & præcipue Italiæ incolumitatem, ac decus servare: scire se eadem mente Rempublicam esse: quapropter petere, ne ab iis consiliis abhorreat, quæ communi huic sententiæ conducere possint: Senatui minime ignotum esse, quæ de Genua occupanda superioribus mensibus prodita fuerint: statu illius Reipublicæ immutato, haud dubia bellorum incendia in hac provincia exarsura: quapropter novum percuti fœdus oportere, ut communibus viribus civitas, quæ tantum omni tempore momenti ad res Italicas attulit, defendi possit. Cæsaris, ac Pontificis postulatis in hanc sententiam Senatusconsulto, uti alias quoque, responsum est. Quæ in bonum publicum, & Italiæ pacem Reipublicæ voluntas sit,

1533

Conventus  
Bononiensis  
inter Pontifi-  
cem &  
Cæsarem.

Marcus  
Antonius  
Venerius &  
Marcus  
Antonius  
Contareno  
ad Pontifi-  
cem & Cæ-  
sarem lega-  
ti.

Clementis  
& Cæsaris  
officia cum  
Venetiis le-  
gatis.

H. Mauroceni T. L

B b

cogni-

1533

cognitum, ac perspectum esse: constare sibi quæ anno M. D. XXIX. pacta fuerint, ea constantissime servare, nec quidquam in iis præstandis, quæ Bononiensi foedere continerentur, desiderari passurum: pro Insubrum imperio, ac pro Neapolitano regno tuendo quidquid teneretur prestaturum: nova iniire foedera, neque opportunum, neque necessarium censere: Janusbejum Suleimani legatum Venetiis adhuc esse; quæ agantur, solerter exquirere; irarum plenum animum Byzantii in Rempublicam effusurum: nosse e Genua præfectum, ac trirèmes exisse, a quibus multa Turcis damna illata, Corone, & Patræ captæ fuerint. His Pontificis, ac Cæsaris animum a novi percutiendi foederis consiliis avertere Patres contendebant. Illi vero Reipublicæ excusationes non admittere, acrius instare, per literas, atque oratores eadem postulare pergebant.

*Robertus  
Majus Clementis,  
& Roderici  
Nini Cæsaris  
legatoribus  
cum Venetiis  
officia.*

*Senatus re-  
sponsum.*

Robertus Majus a Clemente Venetias mittitur, qui cum Roderico Nino Caroli legato, ut Venetos ad foedus renovandum allicerent, nihil omisere; quæ ex eo emolumenta manare possent, exposuere: in illo incolumitatem Italiæ, ac quietem contineri: id pro munitissimo aggere iis, qui novas res ambitione, aut libidine dominandi ducti appeterent, obijciendum esse: haud parva inde Reipublicæ commoda obventura; Suleimanumque ipsum nova inter præpotentes Principes societate percussam, nihil adversus illam ausurum. At Senatum, ut in sententia maneret, multa permovebant; quippe qui præteritis bellorum cladibus edoctus, in se immentam Turcarum potentiam provocare minime tutum censebat. Quocirca legatis responsum est: plurimis, iisdemque gravissimis causis a novo ineundo foedere Rempublicam abstinere, neque satis prospicere, aliqua ex hac societate vel ad utilitatem, vel ad decus proficisci posse, quæ non itidem ex conditionibus anni M. D. XXIX. promanare queant. At veretur Cæsar, ne Genua a Gallis occupata, tota Italia bellorum tumultibus misceatur. Mari ne Genuam invadent Galli? Quis ignorat maritimas Cæsaris vires Gallicis longe superiores esse? Neque pertimescendum, ut a paucis illorum trirémibus imperatoris potentissimæ Caroli classi obsisti possit. An terra? Per Insulam fines duci exercitum oportere: id si accadat, consociatis viribus, ex foederis præscripto, hostibus occurrendum erit. Quid igitur his vinculis



lis agitur; nisi ut amica Respublica belli Turcici suspicione implicetur, atque immanibus sumptibus publicas, privatasque fortunas exhauriat? Quæ loca in Ionio, Aegeo, ac Syriaco mari possidet, cuncta pene in faucibus hostium sunt; ceteris in rebus cum adest calamitas, tunc ærumnæ sentiuntur; in bellis metus quoque ipse affert calamitatem. An vero quæ in universo Turcico imperio negotiatorum amplissimæ opes reperiuntur, negligendæ sunt; quibus amissis, quantum Venetis detrimenti, tantum illis lucri, ac roboris accederet? Quod si in consiliis capiundis opportunitates spectandæ sunt, quid minus huic tempori consentaneum, dum quotidie novis suspitionibus Turcarum animi urgentur? Clissam Dalmatiæ oppidum a Petro Crucichio nostrorum auxiliis in potestatem redactam, Salonam occupatam: Cæsareanam classem commeatibus, quam plurimisque aliis rebus adjutam; Coronem non sine Reipublicæ subditorum ope expugnatam. Cur igitur Venetorum damna, veluti fundamenta, novo huic foederi jacere amicus Reipublicæ Imperator velit? Cum hoc responso, atque Senatus ad Pontificem literis legati dimissi sunt. Id vero peropportune accidit, ut per eos dies duo Francisci Regis nomine Cardinales Bononiam accederent, qui optimam sui Regis propensamque in commune bonum, ac pacem voluntatem Clementi significarent; peterentque, ne vanis malevolorum hominum dissipatis rumoribus aures præberet, neque ob eam rem novis consiliis animum adjiceret. Itaque Pontifex, ac Cæsar, iis, quæ Senatus nomine adducebantur, perpensis, tandem acquiescere: id unum petebant, ut, Bononiensis foederis conditionibus diligentius explicatis, militaribus præfectis mandaretur, ut ad omnes Insuorum motus in armis essent. Id vero minime necessarium Patres rebantur, cum ad primos bellorum tumultus, quæ ad illam provinciam tuendam ex foedere deberent, statim curaturos suos duces constantissime assererent.

Cum igitur de societate cum Republica innovanda a Pontifice, ac Cæsare consilia abjecta essent, februario mense exeunte, foedus inter Clementem, Carolum, ac reliquos Italiæ Principes, nempe Insuorum Ducem, Genuensem Rempublicam, Ferrariæ Ducem, Senenses, & Lucenses percussum, ac vulgatum est, quo Italiani communibus viribus defenderent.

*Cardinales  
a Rege Gal-  
liae Bono-  
niam missi.*

*Fœdus inter  
Pontificem  
Cæsarem &  
Italiæ Prin-  
cipes percus-  
sum.*

1533

Decem & centum aureorum millia statim depositi loco solve-  
re debebant : Pontifex cum Florentinis triginta millia ; ex iis  
decem Florentinis obtigere : Cæsar triginta quinque millia :  
Sfortia quindecim millia ; Genuenses octo ; Ferrariensis decem ;  
Senenses octo ; Lucenses quatuor, quæ superiorem summam  
conficiunt . Annuatim viginti quinque millia in stipendia mili-  
tiarum ducum eroganda persolverent . Turbatis vero rebus, ac  
bello exorto, centum singulis mensibus aureorum millia con-  
ferrent . Summa fœderis præfectura Antonio Levæ mandata  
est . Duo quæstores delecti, Franciscus Guicciardinus a Pon-  
tifice, Ferdinandus Gonzaga a Cæsare . Eodem fœdere Sa-  
baudiarum Dux pro iis, quæ in Italia, ditionibus obtinebat,  
ac Mantuanorum Dux continebantur, nullumque illis confe-  
rendæ pecuniæ munus injunctum est . In fœdere scriptis exa-  
rando accidit (studione, an sorte, incompertum est) ut Rei  
publicæ mentio fieret, cum initio diceretur, fœdus, quod anno  
M. D. XXIX. inter Pontificem, Cæsarem, ac Rempublicam Ve-  
netam, aliosque fœderatos idum fuerat, confirmari, cui reli-  
qui Itali Principes adjiciebantur . Rei novitatem admirans Se-  
natus, cujus oratores numquam illarum rerum tractationi in-  
terfuerant, studiose factum fuisse suspicabantur ; cum præsertim  
typis excussa nonnulla exempla Byzantium pervenissent . Inde  
de Venetis conquerendi Suleimanus non modo, verum Hen-  
ricus Angliæ Rex, ambo Cæsari insensu, ansam arripuere ; il-  
le quod jampridem Venetos Cæsari societate conjunctos, cum  
quo acres inimicitias, ac bellum exercuerat, ægre tulissent,  
hic vero quod pertimesceret, ne quid sibi adversum in gra-  
tiam Cæsaris struerent ; cum per eos dies, Catharina ejus amita  
priori uxore repudiata, Annam Boleniam sibi conjugio jun-  
xisset . Qua in causa Patrum permisso collegii Patavini juris-  
consulti adversum Henricum pro Cæsare responsa tulerant .  
Senatus, ut e Suleimani animo suspicio, si qua hæsisset, exi-  
meretur, tota ea de re ad legatum Byzantium præscripsit .  
Atque hæc de Italico fœdere in Bononiensi conventu peracta  
sunt . Ceterum de Concilio indicendo sæpius actitatum est ;  
cum illud ad componenda religionis dissidia cogi mirum in  
modum Cæsar cuperet, contra Pontifex multis de cau-  
sis eo adduci non posse videretur : Henricum Angliæ Regem  
ob

*Patavino-  
rum juris-  
consultorum  
contra Hen-  
ricum Regem  
responsa.*

ob nuper initum conjugium illi infensum esse; ne Franciscus Galliae Rex in id consentiret, vereri; absque his Regibus nil ad commune reipublicae ecclesiasticae bonum decerni posse, multaque inde diffidiorum, ac schismatum semina exortura: quapropter a Pontifice, & Caesare nuntii in Galliam, atque Angliam missi fuere, qui Regum de Concilio celebrando sententias exquirent.

*Clementis  
& Caesaris  
legati ad  
Galliam &  
Angliam Re-  
gis.*

In eodem quoque conventu de Sfortiae Mediolani Ducis connubio actum, optante Caesare, ut illi Catharina Medicea Pontificis neptis uxor traderetur, quo firmitus Italiae pax coalesceret. Verum Pontifex, qui de illa Henrico Aurelianensi Duci, Galli Regis filio, matrimonio copulanda agebat, cum ab ea re averfus esset, Christiannam, Daniæ Regis filiam, ex sorore neptem, Sfortiae connubio obstrinxit. Id cunctis Italici Principibus, ac Venetis praesertim gratum fuit, quod in veterem Sfortiadum familiam, regia sobole suscepta, Insubrum imperium novis successionibus confirmandum esset. His peractis, Carolus in Hispaniam profecturus Bononia discessit, literasque ad Senatum Cremona nonis martii dedit, quibus probari sibi Reipublicae rationes aiebat; cur foederi cum reliquis Italiae Principibus isto adscribi minime voluisset; propensumque suum in Venetos animum benevolentiae plenius verbis testabatur, ac quaecumque Reipublicae usui, & commodo esse possent, ea omnia perbenigne detulit. Gratiae Caesari per oratorem actae fuere. Mox cum Genuam pervenisset, viginti-quinque triremium classe, quæ in Genuensibus litoribus Andree Auriae auspiciis illius adventum praestolabantur, Barchinonem delatus est. Hispani vero militis pars in Hispaniam delati fuere, pars, qui in Cisalpina Gallia relictæ fuerant, in Neapolitanum regnum concessere. Germani, trajectis Alpibus, in patriam reversi sunt. Equitum pars Caesarem est prosequuta, reliqui Neapolim missi sunt: atque Italia magno onere levata, uberiora pacis commoda percipere incepit: licet enim semina quædam nonnunquam, ni primo exortu obtrita essent, magnos paritura motus, suborirentur; tamen ab iis, qui in Italiae pacem præ ceteris incumbabant, omnes belli occasiones præcidebantur, inter quos præcipue Senatus summa diligentia excubabat.

*Christianna  
Daniæ Re-  
gis filia  
Sfortia nup-  
ta.*

1533

*Georgii Montisferrati Marchionis obitus.*

Obierat per id tempus Georgius Montisferrati Marchio, e Palæologorum masculina stirpe supremus, qui Bonifacio nepote defuncto, illius regionis principatum jure hereditario obtinuerat. Hujus obitu, quod nulli superstites liberi forent, Margareta, Gulielmi olim Marchionis filia, ea regio obvenerat; quæ cum vel ob sexus imbecillitatem, vel ob ætatem capessere gubernacula non posset, inde seges contentionibus, ac diffidiis oblata videbatur; quod Sabaudia Duces eam sibi spectare, cunctis extinctis masculis, hereditatem contendeabant. Antonius Leva, summus Cæsaris in Italia præfectus in omnem occasionem intentus, quo sibi ad bellicos spiritus exercendos aditum patefaceret, orbe filia, tutelæ obtentu, Cæsaris nomine Montisferrati principatum occupare, ac conservare cum statuisset, Venetorum auxilium, atque opem imploravit. Senatus ex Bononiensi foedere ad id minime se teneri respondit; Insubrum provinciam, si res tulissent, iis, quæ eodem continerentur, conditionibus defensurum. Sed a Leva, qui auctoritate, ac viribus in Italia plurimum posset, nemine repugnante, præfectus, Cæsaris nomine, illi regioni datus est. Postea, Margareta Federico Gonzagæ Mantuæ Duci connubio juncta, Cæsaris decreto Mantuani Principes, qui Palæologice stirpis uxorem duxerant, Monteferrato potiti fuere.

*Margareta Montisferrati Comes Mantuano Principi nupta.*

Versis igitur ad concordiam, pacemque firmandam animis, negotium de finibus inter Ferdinandum, ac Venetos controversiis dirimendis denuo agitari coeptum est, eo majori spe, quo Cæsarem cupido incesserat, ut amotis difficultatibus, finitimi populi firmiori pace, & quiete uterentur. Itaque cum diu antea de supremo arbitro eligendo dissidentibus sententiis certatum esset, tandem in Ludovicum Porum, Mediolanensem Senatorem, consensere. Arbitri vero judices utraque ex parte dicti fuere: a Ferdinando Hieronymus Bulfarchius Germanus doctor: a Venetis Matthæus Avogarus Brixienfis doctor, & eques; qui cum Tridentum se contulissent, eodem Andreas Rubeus a secretis a Senatu missus est; ut de singulis, quæ in conventu agerentur, certior fieret: adjectus quoque Jacobus Florius Utinensis, in iis negotiis pertractandis rerum usu, atque experientia multa edoctus. Ibi complura disceptata sunt; injecti quoque sermones de Marano, & Gradisca oppidis Reipublicæ, justa

*Ludovicus Porus supremus arbiter inter Ferdinandum ac Venetos. Hieronymus Bulfarchius, & Matthæus Avogarus arbitri. Andreas Rubeus, & Jacobus Florius Tridentum missi.*

iusta pecuniæ summa persoluta, restituendis. Quamobrem Joanni Delphino Veronæ Prætori, ut Tridentum proficisceretur, injunctum fuerat. Sed ea res irrito eventu cecidit. De finibus vero cum diu disceptatum foret; initæ quidem fuerunt nonnullæ rationes ad controversias præsentis de medio tollendas, gravissimæ postea difficultates exortæ obstitere, quominus ea, de quibus jam conveniret, perficerentur.

Dum hæc gererentur, eadem, quæ superiore anno rerum maritimarum cura Patrum sollicitabat animos: nam Suleimanus Coronæ amissæ impatiens, ut notam, quam suæ gloriæ inustam arbitrabatur, deleret, summo studio curabat, ut quammaxime posset & numero, & viribus instructiorem classem deduceret: neque minus Auria, ne impar hostibus esset, pro augenda classe enixe laborabat, ut hoc anno, terrestre cessante apparatu, maria ad mutuas vires exercendas latiore campum præbitura viderentur. Quæ res Senatum impulere, ut triremium numero aucto, singula summa solertia provideret, quæ ad maritima Reipublicæ loca defendenda, & maria tutanda pertinerent. Ob id Mauro Corcyræ legato ducenti pedites in supplementum præsidariis militibus sub Joanne Novocomensi mittuntur: Hieronymo Canali iungitur, ut, cunctis navigiis coactis, Corcyræ in omnem rerum eventum paratus subsistat: sinus Adriatici præfectum cum trirenium manu, ut tutum illum a piratarum injuriis præstaret, mitteret: duas quoque cum celocium aliquot numero Zacynthum proficisci juberet, ne quid insulani detrimenti caperent: ad Maleam promontorium magnam navem onerariam destinaret, ut maria procul a prædonum vesana avaritia, atque ingluvie pacata negotiatoribus redderet: quæ omnia Canalis vir impiger, maritimaque disciplina clarus, uti jussus fuerat, perfecit. Franciscus Dandulus præfectus ad Adriatici sinus custodiam missus, cum iter quinque cum triremibus in Dalmatiam direxisset, atque ad Salonem, in maritima Epiri ora situm, quod parum ab Aulone distat, procul duodecim Africanas biremes conspexisset, Venetas arbitratus, nihil flexo itinere, cursum tenuit; mox propius intuens, prædatorias esse animadvertens, immutato itinere, in altum provectus, capefere pugnam minime ausus, cum vix in conspectum hostis ve-

1533  
Joannes  
Delphinus  
Tridentum  
mittitur.

Venetis clas-  
sem augent.

Mandata  
Senatus ad  
Hieronymum  
Canalem.

1533

*Franciscus  
Dandulus,  
finitus Adri-  
atici prae-  
fuit, &  
Marcus  
Cornelius  
ab Africa-  
nis piratis  
capti.*

nisset, ignavo consilio, turpiter sese in fugam conjecit. Pirata barbarus celeriter insequutus, in triremes Venetas impetu facto, duas cepit: Dandulus, ac Marcus Cornelius trierarchus capti, reliquæ elapsæ in tutum se recepere; Dandulus, & Cornelius, cum triremibus in Africam abducti fuere. Infelicitis hujusce rei eventus Venetias perlatus cunctorum animos non minus molestia, quam ingenti indignatione affecit, quod opinio, quæ apud cunctas gentes de navali virtute, ac fortitudine Veneta inoleverat, labem aliquam contraxisse videretur. Fremere igitur omnes; imprudentiam, atque ignaviam præfæcti incusare; nil prætermittendum ducere, ut forti aliquo facto illata injuria vindicaretur, ac nubes, quæ offusa maritimarum rerum splendori videbatur, quamprimum discuteretur. Ea de re in Senatu variis sententiis actum: creari nonnullis alterum classis legatum placebat, qui statim cum duabus triremibus jam ad iter instructis, urbe discederet, in sinusque Adriatici custodiam, cum aliis octo, piratas quacumque persequutus, incumberet; Canalis cum reliqua classe quæ illi antea a Senatu mandata fuerant, exequeretur. Aliis vehementiora Senatusconsulta adhibenda esse videbatur; Canalem in Africam statim mittendum, qui ad Meningem usque profectus, a Siculo pirata triremes eo convectas, ac captivos repeteret: id si minime impetrare posset, Tuncetum adiret, atque ab eo Regæ prædas, & captivos repesceret: ni sibi satisfaceret, maritimas oras incendiis, vastationibus, ac direptionibus deformaret. Hac sententiarum diversitate in ambiguo Senatorum animi versabantur. Canalis interim de iis, quæ Dandulo acciderant, certior factus, duodecim expeditis triremibus Corcyra illico solvens, persequendis piratis institerat; verum ii jam citato cursu Adriatico egressi in Africam se proripuerant. Dandulus ex Africa Constantinopolim captivus abductus, Aloysii Gritti præcipue opera redemptus, cum Venetias reversus esset, ob male administratam rempublicam in Jaderam est deportatus.

*Franciscus  
Dandulus  
Aloysii Gritti  
opera e  
captivitate  
redemptus,  
exilio a Sen-  
atu dam-  
natus.*

Ceterum hoc anno Corone & Turcarum, & Cæsareanorum maritimas vires exercuit; dum ii expugnare nuper occupatam urbem contendunt; hi vero, militibus, com meatibus, ac munitionibus subsidio missis, propugnare acriter nituntur.

tuntur. Luphibejus, Gallipolis Sangiacus, maritimi imperii præfectus, Suleimanus Acarnan, Maurusque ab Alexandria octoginta circiter triremes coegerant, in quibus complures milites, atque in iis non exiguam prætorianorum manum immitterant, ut vel arcta obsidione Coronem circumcingerent, aut cum Hispanica classe, si occasio posceret, decertarent. Mendotius, qui Coronæ præerat, se terra, marique obsideri, atque ad illam sustinendam comæatu potissimum egere, Petro Toletano, Neapolitanorum Proregi, significavit: ab Andrea quoque Auria maturam opem poscebat, qui, coactis circiter triginta onerariis navibus, ac viginti septem triremibus, Neapolim contendit, veteranosque milites Hispanos, Roderico Macicao duce, navibus imponit. Hæc dum comparantur, ad Coroneorum animos confirmandos, cum expedita trireme Christophoro Palavicino Coronem misso, ipse Neapoli Messanam provectus, cum omnem spem subsidii inferendi in celebritate sitam animadverteret, Zacynthum statim est profectus. Ibi licet majori triremium numero, ac militum robore instructam Turcarum classem, Coronem obsidere edoctus; attamen ab ope Coroneis ferenda minime deterritus, Acritem, ubi in statione Turcæ cum classe constiterant, superare nititur. Inde, Turcis in altum provectis, dum invchere urbi subsidia Auria contendit, avertere Turcæ moliuntur; vario eventu pugnarum est, utrinque haud mediocri damno vel onerariis navibus, vel triremibus illato; qua opportunitate arrepta, præfectus Mendotius ex urbe prodiens in hostium castra irrupit, qui Christianorum conspecta classe, consternati in fugam effundebantur; ex iis nonnulli interfecti, annonæ, atque comæatus abunde in urbem est importatus. Auria frumenti, vini, tormentarii que pulveris vim inferri iussit, Hispanorum cohortibus Macicai auspiciis ad Corones præsidium relictis.

Hieronymus Canalis præfectus eorum, quæ a Turcis, ac Cæsareanis gererentur, spectator tantum aderat, ab iisque se abstinere, quæ gignere in utrorumque animis semina suspicionis possent: licet arduum valde esset, ita se difficillima in re gerere, ut omnium querelarum causæ tollerentur, cum utrinque quidquid Veneti agerent, solerti indagine disquireretur. Proinde Cæsaris orator vehementer conquecebatur, quod

sub-

1533

*Luphibejus, classis præfectus, Turcarum copias comparat.*

*Mendotius prædii Coronæ præfilius.*

*Andrea Auria Neapolim cum classe proficiscitur.*

*Rodericus Macicao, Hispanorum militum dux.*

*Corone a Turcis obsessa.*

*Mendotius Corone ingressus Turcas fundit.*

*Andrea Auria præsidium Corone imponit.*

1533

subditos a Coroneis commeatu ferendo, atque aliis rebus iuvandis Veneti arcerent; id a veteri Reipublicæ christiana pietate, ac religione alienum esse. Altera ex parte Suleimanus, quod illius hostes insulis, & portubus Reipublicæ exciperentur; annona, atque ad victum necessariis adjuvarentur. Cæsaris legato cur Coroneorum rebus minime se Respublica misceret, Senatus exponit; non imminutam religionem; non de pietate, quam a majoribus hauserat, quidquam detractum; verum eas condiciones temporum esse, ut cum undique maritima sua loca a potentissima gente circumsepta sint, summo opere providendum videatur, ne temere fractis pacis conditionibus, in se Suleimani arma concitaret: classem Turcicam Zacyntho insulæ adeo propinquam esse, ut duarum horarum spatium, copiis in terram expositis, cuncta diripere, vastare, flammæque, ac ferro in incolas sævire possint; id non modo insulæ illius detrimento futurum, verum christianæ quoque reipublicæ, Zacyntho situ valde opportuna deleta, atque amissa, damna haud exigua obventura. His Cæsaris avertere postulata nitebantur. Suleimano vero ob eam, quæ Reipublicæ cum Cæsare amicitia, & pax intercedebat, fieri non posse significabat, quin illius triremes Venetis portubus uterentur, pecunia commeatus compararent; neque ob id justam ullam querelarum causam esse; cum præcipue eadem præsidia ipsius quoque subditis suppeditarentur. Ita illius tempestatis rationes ferebant, ut mediam inter potentissimos Principes se Respublica gereret, ne alteri favendo, alterius in se odium, atque arma concitaret.

At cum Turcæ neque vi, neque obsidione Coronem expugnare potuissent, & Cæsareani nova subsidia in urbem invexissent, senescente jam autumno, Auria Corone discedens Corcyram petiit, atque inde Messanam rediit: classis quoque Turcica Byzantium contendit. Canalis vero Senatus jussu, ut navibus, triremibusque actuariis, quæ mercimoniis onustæ in Cyprum, atque Alexandriam proficiscebantur, mare tutum a piratis præstaret, cum duodecim triremibus Corcyra solvens, supra Cretam sæva tempestate oborta, cum triremibus ad litus deflectere coactus in tutam stationem se recepit; naves vero, atque actuariæ ad maritimas jactationes inconcussæ lon-

ge



ge a levioribus in anchoris substituerant : cum kal. novembris, Superis omnibus dicata die , occidente sole , ex quinquere-  
mum carchesiis speculatores procul triremium manum , quæ  
iter in illas intenderent , conspexere . Ea de re legatus a Da-  
niele Bragadeno , quinquerecium Alexandrinarum duce , cer-  
tior factus , piraticas esse ratus , statim in altum prodire , to-  
tisque viribus in hostes impetum facere , ac prælium commit-  
tere decrevit , egregio animi impulsu concitatus ; ut qui a pri-  
ma juvenia navalibus innutritus , atque instructus artibus  
erat , præteritorum præclare gestorum cursum insigni ali-  
quo facto ad augendam suam gloriam decoraret . Addebant  
stimulos triremes militum numero , ac virtute , remigum robo-  
re ad omnes conatus pares , ex quibus nonnullæ Illyricæ gen-  
tis erant , quæ præ ceteris ad maritimos labores formata na-  
tura ipsa videtur . Canalis procul in altum progressus , quin-  
que a reliquis triremibus longius abesse , quod eundem vel  
impari remigum nixu , vel remissione trierarchorum animo te-  
nere cursum non potuissent , conspicatus , militari astu hostem  
eludit , singulis triremibus duobus , altero ad puppim , ad pro-  
ram altero , luminibus , quæ vulgo *phanalia* vocantur , imponi  
jussis , quo majoris illius aspectibus . numeri speciem obji-  
ceret . Erat is Maurus Alexandrinus junior , unus ex Ottoma-  
nicæ classis ducibus , qui cum tredecim triremibus ex Coro-  
nensi obsidione in Africam reverteretur , Græciæ litora præ-  
tervectus , excursionibus infestaverat . Itaque haud procul a  
Criometopo promontorio intensiore remigum conatu in Tur-  
cicas triremes , pugnae signo dato , impetum facit . Repente  
ingenti fragore dispolitis tormentis , alias in puppi , alias a la-  
teribus verberat , summo hostium damno , cum nihil bellicæ  
barbarorum machinæ nostris officerent . Maurus , Venetis tri-  
remibus inspectis , expansis velis , ac vehementiori remorum  
impulsu se proripere studet ; sed ignium fabrefactorum e præ-  
toria nostrorum triremi ejaculatione incensis , & absumptis ve-  
lis , atque Alexandrinæ triremis remone tormento excusso ,  
pugnam capessere coactus . Atroci prælio , atque haud dispari  
ferocia dimicatur ; duæ fortissimorum ducum auspiciis Canalis ,  
atque Mauri triremes concurrunt : intempesta nox erat , luna-  
que pernox ad militare spectaculum intueundum faces præbere

*Hieronymus Canalis , classis  
legatus , Alexandria  
Maurum  
aggreditur .*

1533

videbatur. Hinc atque inde strenue, & intrepide dubio Marte pugnatur; dum complures, qui in Alexandrina triremi Janizzeri aderant, fortiter nostrorum impetum sustinerent, nihilque eorum prætermitterent, quæ in re ancipiti ab animo, ac virtute peti subsidia possent. Verum cum fessis recentes milites a triremi, quæ Canalis prætorix propinqua erat, submitterentur, Maurus octo vulneribus transfixus, spe abjecta; inops animi in mare se projiciens, vitæ perfugium alia in triremi quærebat. Illum adnatantem, & semivivum ignorans quisnam esset, miles conficere annixus, vix se prodentem continuo e fluctibus extraxit, atque ad conspectum Canalis præfecti perduxit. Capto duce, prætoriaque triremi in potestatem nostrorum redacta, reliquæ facile oppressæ fuere: quatuor capte; duæ disjectæ, ac fluctibus absorptæ; reliquæ, opportune arrepta fuga, salutem sibi quæservere: barbari ad unum omnes interfecti.

Ex hoc eventu ingens milites, & Cretenses populos lætitia incessit, quod præclaram adeo victoriam exiguo temporis momento per summam virtutem Canalis consequutus esset. Qui vero maturius factum pensabant, rem omnem secus animis expendebant, cum Suleimani inde irarum impetum in Venetos effusum vererentur, quod cum ea classe certatum esset, quæ non piratarum, sed ipsius auspicii navigaret. Ea re commotum præpotentis, ac supra mortalem saltum elati animi Principem, rupto foedere, bellum Venetis illaturum pertimescebant. Itaque Cretæ magistratum, ac maritimorum perfectorum concilio coacto, multis disceptatum; tandem decretum est, ut triremes Turcicæ in Africam mitterentur; ad meliorem spem Mauri juvenis animus erigeretur, commissoque prælio error noctis obtenderetur. Prælii vero hujus nuntiis Venetias perlatis, vehementer Patrum animi commoti sunt; inde quamplurima incommoda suboriri Reipublicæ posse veriti; quod Suleimanum æquo animo tantam injuriam minime laturum arbitrarentur. His accesserat, quod cum ob modicos segetis proventus hoc anno annona laboraretur, liberaliter frumenta e suis regionibus asportandi facultas Venetis concessa fuerat; atque de iis, quæ Mauro acciderant, certiores facti, Principis injussu, Turcæ ministri naves, quæ

ad

*Maurus Alexandrinus vulneratus a Canalicæ triremibus captus.*

*Turcicæ triremes a Cretæ magistratibus in Africam mittuntur.*

*Venetæ navis frumentis onusta a Turcis detecta.*

ad excipienda, & convehenda frumenta in stationibus erant, detinuere. His de causis Hieronymi Canalis præfecti factum varie, prout quisque secum animo reputabat, aut improbari, aut extolli. Nonnullis temere Rempublicam in magnum discrimen conjectam; nil nisi privatam militaris laudis gloriam præfecto accessisse videbatur: aliquam iniri rationem, qua ardens Sulcimani animus miterceret; abdicari se magistratu Canalem, novum legatum creari oportere. Alii extollere summis laudibus egregium præfecti facinus, quod insolentis piratæ præferoces spiritus obtudisset; militare Venetorum decus celebri fama nobilitasset: præmiis, atque honoribus alendam civium virtutem, surgentes vividi animi impetus minime obterendos.

Itaque cum hæc sententia vicisset, alia via animum Sulcimani placatiorem reddere, sibi conciliare Patres statuunt; id opportune fieri posse rati, si nuntius Byzantium mitteretur. Quamvis enim Nicolaus Justinianus legatus lenire factum, culpam in Maurum transferre conatus esset, atque Ajacem, supremum Bassam, penes quem summa erat auctoritas, Venetis conciliare studuisset; attamen Daniele Ludovicum, a secretis, virum prudentia, & rerum usu magnis in negotiis versatum, Byzantium proficisci Senatus jussit, ut coram Sulcimano, ac purpuratis, quæ a Canali gesta fuerant, summa ratione probaret effecta esse. Is triremi statim in Illyricum advectus; inde terrestri itinere per Mœsiam, & Thraciam Byzantium profectus, Sulcimano, ac Bassis adventus sui causam exposuit: noctis errore, ut inter se amicæ classes, concursu facto, certarent, contigisse: necessitate adactum Canalem, quod Mauri triremes, quæ propius accesserant, piraticas credidisset, ad pugnam committendam descendisse: nullo unquam tempore Venetam gentem animum insensum erga potentissimum Regem habuisse; nihilque tam alienum a Republica esse, quam injurias, aut damna Sulcimano inferre, quem magno semper studio, omnibusque benevolentiae officiis coluisset: non quod fortuito eventum; cæcæque noctis caligine obiectum contigerat, sed immotum erga illum, propensumque Senatus animum, nullis unquam humanæ sortis tenebris offundendum inspicceret, ac nube minus amicæ in Rempublicam voluntatis disculsa,

1533

*De Hieronymi Canalis facinore diversa Senatorii sententia.*

*Daniel Ludovicus Byzantium mittitur.*

1533 *sa*, nihil de veteri illius amicitiae jure in Venetos imminueret. His, atque aliis purgare Canalem, quae evenerant, excusare contendit: addita quoque Regi, & purpuratis munera, ut praeteritam, si qua in illorum animis haesisset, molestiam facilius depelleret; quibus facile placato Suleimani animo, belli impetus, quem erupturum Patres in Rempublicam pertimescebant, sedatus, atque alio averfus est: inde haud parva Venetis gloria accessit, quod summa cum dignitate tot difficultatibus implicitum negotium felici exitu confecissent. Canalis quoque nomen celebriori, ac cumulationi fama elatum. Maurus diutino vulnere languore vexatus, pristinam valetudinem tandem adeptus, Canale permittente, in Aegyptum profectus est; paucisque interjectis diebus, animi angore, & curis confectus Alexandriae interiit. Canalis vero non multo post cum in morbum incidisset, cunctis artis humanae auxiliis frustra adhibitis, Zacynthi, cum adhuc in magistratu esset, excessit e vita: vir maritimis artibus insignis, quibus a puero assuescens, omnem vitae cursum in iis exercendis exegerat; ac nobili generosi animi ausu ardua quaeque aggressus, virtuti parem fortunam fortitus fuerat. Cujus memoriam ut posteritati commendaret, Antonius patriae virtutis aemulus, in Gemellorum aede monumentum statuit; atque, ut fortissimi viri meritis ad parem in civium pectoribus flammam alendam gratum aliquod publicae liberalitatis testimonium Senatus penderet, Antonio eidem, ac posteris perpetuus ex Corcyrensi quaestura census est constitutus. Decretum cum ad majora Comitia ex lege Consilarii, & quadraginta virum capitalium praesides tulissent, Joannes Donatus, Bernardi filius, excellentis spei juvenis, viginti quatuor nondum agens aetatis annos, ex suggestu summa dicendi vi, & copia cives, qui trecenti atque amplius supra mille in curia aderant, dicendo ita flexit, ac permovit, ut ex iis nongenti decreto suffragati fuerint.

Interea Clemens Pontifex de Catharina Laurentii Medicis nepotis filia Henrico Aurelianensi Duci connubio jungenda secreto cum Francisco Galliarum Rege agebat, qui ob id, ut Clementem alloqueretur, Niceam, Provinciae urbem, se venturum vulgaverat. Hujus colloquii causa cum nondum emanasset, vehementer Italorum Principum, ac Venetorum praeser-

*Hieronymi  
Canalis obi-  
turi.*

*Joannis  
Donati elo-  
quentia.*

fertim animi commovebantur; cum præcipue Carolum quoque Imperatorem eo conventurum ambiguis rumoribus afferretur; verebanturque, ne afflictæ, atque vastatæ Italiæ pax, atque otium ingenti labore partum, ambitione Principum, ac domnandi cupidine corrumperetur; præteritisque rerum casibus edocti, nullum fixum adeo in Principum mentibus recta ratione decretum esse, quod impotens regnandi libido, atque immensus sese supra ceteros efferendi ardor non perfringerent. Verum mora injecta, cum nuptiarum causa colloquium illud Pontificem appetivisse constitisset, ea suspicione, ac metu Republica soluta est. Niceam Faventinus Antistes, ac magnus Galliæ Magister, alter Pontificis, alter Francisci nomine, ut de tempore, & loco colloquii ineundi statuerent, convenire. His de rebus Clemens Senatum certior fecit: non eo adductum, ut privatis suis rebus prospiceret, sed sua consilia assiduis volventem cogitationibus in commune bonum intendisse: Cæsaris pariter, & Francisci Regis amicitia, atque æquatis summorum Principum viribus reipublicæ christianæ, atque Italiæ libertatem, & incolumitatem niti: id ex veteri, ac semper in magnis rebus versata Senatus prudentia hausisse: Pontificiæ dignitatis, atque æquitatis esse, communem se parentem profiteri: ea mente in Galliam proficisci, ut pacem, & concordiam firmiori Principum Christianorum nexu stabiliret, & confirmaret: quid enim præstantius, quid christianæ reipublicæ præstabilius, quam Francisci Regis animum pace, ac foedere Bononiensi ab Italis Principibus aversum iisdem conciliare, ne Cæsaris potentia aliquando in aliorum Principum perniciem verteretur? neque ad pristinum nitorem, ac decus magis religionem restitui posse, quam si summi orbis terrarum Principes consilia, ac vires cum Pontifice, ac Republica consociarent: proinde qui Cæsaris filiam Alexandro nepoti junxisset, regiæ quoque, ac nobilissimæ stirpi Catharinam neprem inferere voluisse. Hæc sane Clemens Senatui significabat.

*Niceæ Con-  
ventus inter  
Faventinum  
Antistitem  
& Magnum  
Galliæ Ma-  
gistrum.*

Joannes Stuardus, Albanæ Regulus, cum triremibus viginti e Massilia ad Portum Veneris profectus, sponsam ad Niceam perduxit, ut inde terrestri itinere Massiliam contenderet. Clemens per Hetruriam Pisas veniens triremibus Gallicis

*Clementis  
& Franci-  
sci Regis ad  
Massiliam  
conventus.*

ad

1533 ad Herculis Monæci portum ( hodie *Villafranca* dicitur )  
 decessus, biduo post Massiliam pervenit. Postridie Franciscus  
 cum Eleonora Regina, ac liberis, atque universa fere Galliae  
 nobilitate adfuit; statimque Pontificis exosculatis pedibus, po-  
 stero die, qui fuit idibus octobris, publice in Cardinalium  
 Senatu exceptus, Henricum filium, Aurelianensem Ducem, in  
 spem regiae sobolis, connubio jungendum Clementi obtulit;  
 mox nuptiae splendido, ac regio apparatu concelebratae fuere.  
 Massiliae vero multis diebus ludis, atque spectaculis insumptis,  
 Pontifex, jam prope hyemem tempestatibus mari clauso, circi-  
 ter idus novembris, conscensis Auriae triremibus, cum Cen-  
 tumcellas pervenisset, inde terrestri itinere Romam regressus  
 est; nondum ea suspicione penitus sedata, ac deleta, quæ  
 Principum animos perplexa ambiguitate detinuerat, ne affini-  
 tate Pontificis sibi ad Italiam invadendam Rex gradum face-  
 ret; cum infenso in Sfortiam animo Franciscus esset, Insu-  
 brumque imperii recuperandi nunquam spes abjecisset. Ob id  
 ne Helvetii cum Cæsare foedere jungerentur, curabat, atque  
 Uldericum Viterbergensem Ducem quibus poterat viribus ju-  
 vabat, ut, Germanis adnitentibus Principibus, in imperium,  
 a quo pulsus fuerat, restitueretur. Verum Germanis intestinis  
 dissensionibus laborantibus, partibusque ob religionis dissidia  
 in arma præcipiti concilia ruentibus, eadem peste in Helvetiis  
 grassante, alio curas, & cogitationes intendere Principes co-  
 gebantur. Italica autem pax in dies altiori tranquillitatis, at-  
 que otii dulcedine quassatam superioribus annis provinciam,  
 præteritis revocatis artibus, pristino decore exornabat.

*Clemens ab  
 Auriae tri-  
 remibus Cen-  
 tumcellas  
 perducitur.*

*Uldericus  
 Viterbergē-  
 sium Dux a  
 Gallis ad-  
 jutus.*

#### M. D. XXXIII.

1534  
*Christopho-  
 rus Capel-  
 lius ad  
 Sfortiam  
 orator.*

CUM in spem certæ successionis nuptiæ inter Christiarnam,  
 Daniæ Regis, & Caroli sororis filiam, ac Franciscum  
 Sfortiam concelebratae Mediolani forent, quibus Christophorus  
 Capellius Venetus apud Ducem orator interfuit, Respublica  
 terrestris belli suspicionibus soluta, ob eas, quæ annuatim Hel-  
 lesponto classes deducebantur, maritimarum rerum cura, &  
 sollicitudine involvebatur; vehementerque angebantur Patres,  
 quod ad tutelam tantummodo, non ad incrementa imperii,

tot

tot sumptus in augenda, atque adornanda classe absumerentur. In ea vero hoc anno majus studium impendere nitebantur, quod Byzantio afferebatur, centum triremes, omnibus rebus instructas adesse; præfectum summum antea memoratum Chariadenum illum Ahenobarbum designatum fuisse, cujus in maritimis rebus eximia disciplina magnam illi apud cunctos mortales famam concitaverat. Hunc enim ab infimis abjectæ fortis initiis ad summam non minus virtus, quam fortuna felicitatem extulerant. Nam in Lesbo insula Chariadenus, atque Horutius fratres, patre Græco orti, Camali archipirata se adjungere; maritimisque excursionibus prædas agendo, debiliores quosque opprimendo, ad tantum opum, & divitiarum fastigium se evexere, ut Horutius natu major, justa ex piratis classe confecta, in Mauritaniam profectus, ex Numidarum dissidiis egregiam occasionem nactus, Algerii regno potiretur. Sed fines latius amplificare conantem Mauri, atque Hispani opprèssere. Eo interfecto, Chariadenus imperium suscepit, nec minus quam frater bellico spiritu, præstanti ingenio promptus, pari quoque regnandi libidine, atque divitiarum cupiditate incensus, brevi, multis in Numidia rebus terra, marique gestis, clarum adeo maritimæ scientiæ sibi nomen comparaverat, ut, quod superius retulimus, Sulcimanus, missis nuntiis, illum Byzantium vocaret, marisque præfecturam committeret, ut notam illam elueret, quam Himerales in Peloponneso turpi fuga contraxerat; a viro industrio, atque a prima juvenia in maritimis rebus versato fieri posse ratus, ut Turcarum gens, cujus in terrestribus præliis summus vigor, ac virtus esset, mari quoque priscorum gloriam æmuleretur. Hoc magistro maritimis præliis minime assueta gens, tantum profecit, ut acriori, ac severiori disciplina imbutam ad mari quoque militaria munera obeunda non inferiorem se præstiterit. Hujus illud inventum extitit, mancipia, & captivos ad transtra compellere, atque ad remigum officia præstanda opportune instruere; quod quidem Christianorum rebus haud parva detrimenta attulisse compertum est.

*Chariadeni  
genus &  
progressus.*

Bellici apparatus fama cum in dies augetetur, nec non ad Sulcimani classem centum quoque piratica navigia Chariadenum additurum, nuntiaretur, novas adjicere triremes superioris anni

*H. Mauroceni T. I.*

C c

classi

*Veneri clas-  
sem augent.*

1534

classi Senatus decrevit. Duodecim in Creta insula instructæ fuerunt Venetiis vero fabri, ac ceteri opifices veteres reficere, novas compingere, cuncta, quæ in usus rei navalis essent, parare sunt jussi; ut si ita res poscerent, instructior, ac validior classis redderetur. Atque ut hæc quamprimum perficerentur, multo studio undique pecuniæ conquirebantur, civibus supra debilitatas assiduus impensis privatas fortunas in Rempubicam animi ardore sese efferentibus. Ecclesiastici quoque viri ad eandem sublevandam suas opes congeßere; cum Pontifex Senatui petenti concessisset, ut qui terrestri imperio Venetorum continerentur, centum aureorum millia; qui in maritimis essent, sexdecim millia ad subsidium bellicorum apparatusum persolverent. Mari vero proxima loca præfidiariis militibus augebantur, annona undique convehatur, atque intentiori cura quæ ad tuendas Venetas oras spectarent, agebantur: cum reliqui quoque Principes ad Turcicæ classis famam sedulo, ac præter morem maritimis comparandis viribus insisterent. Cæsar admodum veritus, ne Suleimanus, acerrimus hostis, universum belli impetum in suos fines converteret, undique triremes, ac navigia cogebat, ut Chariadenum multis sibi causis insensum repelleret. Galliarum quoque Rex summo studio curabat, ut Massiliæ viginti quatuor triremibus sex adjungerentur. Clemens, ut Tyrreni maris litora a piratis custodiret, decem triremes instrui jusserat.

*Clemens Venetiis subsidium Ecclesiasticis concessit.*

*Clemens, Cæsar, & Gallia Rex maritimas vires instruit.*

Dum hæc gererentur, Hispani, qui Corone in præsidio erant, multarum rerum inopia premi cœpere, Turcis arcta adeo obsidione urbem circumfidentibus, ut nullus inde egressus propugnatoribus tutus relinqueretur, atque ii, qui ad annonam colligendam nonnunquam prodibant, insidiosis incursibus interciperentur. Itaque milites cum otio tempus teri, absumentem cuncta famis subsidia, paulatim restingui animorum impetum, corpora gravioribus grassantibus morbis, contabescere animadverterent, aliquo potius egregio facinore, certis quoque periculis vitam objectare, quam turpiter fame, ac morbo enecari malebant. Igitur a præfecto flagitant, ut facultas sibi ex oppido erumpendi, atque hostes aggrediendi detur: id cum ab eo, qui militari prudentia funestum rei exitum mente præfagiebat, ægre impetratum esset, impressione facta, cum viribus hostibus impares essent, nullum, præter inanis,



nis, ac desperatæ fortitudinis laudem, fructum retulere : nam complures cæsi, inter quos Macicaus præfectus; multi vulnerati; reliqui in oppidum sese recipientes salutem quæsiwere : nec multo post pestilentia oborta, funeribus exhauriri propugnatorum reliquæ cœpere. His de causis Hispani rerum omnium desperatione adacti cum navigia, quæ frumentum e Sicilia ad levandam inopiam importaverant; Coronæ appulissent, asportatis tormentis, cum Græcis naves ingressi, vacuam, ac desolatam urbem hostibus reliquere. Constans opinio fuit, Cæsaris jussu Hispanos Coronæ discessisse; cum tanti eam urbem esse non arbitraretur, ut magnos, ac perpetuos sumptus, qui, undique circumseptæ ab hostibus regione, infumendi forent, æquare posset.

*Coronæ ab  
Hispanis  
relixa.*

Chariadeno interim cum classe circiter centum trirēmium, aliisque compluribus navigiis Hellesponto egresso, cum adhuc incertum esset, quonam suæ navigationis cursum intenderet, Senatus Vincentio Capellio, classis imperatori, qui nuper urbe exierat, mandavit, ut si Turcæ sinui Adriatico appropinquarent, ipse cum classe in intima se recipiens, custodiendo sinui intentius vacaret. At Chariadenus in mare Tyrrhenum deficiens, Messanæ fretum trajiciens, Mamertinos inopinato adventu adeo perterrefecit, ut ad arma undique conclamantes suis rebus magnopere diffiderent : mox Hipponiatem sinum prætervectus, in Brutiorum litoribus Sancti Lucidii oppidum adortus, omnium incolarum cæde facta, barbara crudelitate diripuit. Cum vero Capreas supra Neapolim pervenisset, universæ maritimæ oræ inusitato aspectu tantum terrorem iniecit, ut plerique affirmarint, Chariadenum, militibus in terram expositis, consternatione dejectos, ac pavore prostratos Neapolitanos haud difficulter opprimere potuisse. Eodem cursu Prochyten, inde Cajetam delatus, Fundis, Tarracina, atque eo litorum tractu cædibus, incendiis, captivitatibus deformato, cum barbarorum sævientium strages aucta, agrestium ingenti trepidatione, Romam delata fuisset, urbem insolitus adeo timor invasit; ut neque ad expedienda consilia, neque ad arma capienda satis animi, aut roboris in incondita multitudine, vel in paucis militibus, qui urbis custodiæ præcrant, superesset, Clemente ea tempestate morbo implicito, Cardinalibus inusitato pavore percussis, ut vix tan-

*Vincentius  
Capellius  
ad classis  
imperium  
redit.  
Chariademi  
in mare  
Tyrrhenum  
navigatio  
& direptiones.*

*Romana  
Urbis ab  
Chariademi  
classis tre-  
pidatio.*

1534 tam ex ærario pecuniam expromerent, quanta ad nonnullas militum cohortes conficiendas Hippolyto Mediceo Cardinali tradenda sufficeret.

*Chariadenus Tunetis & Africæ oram Suleimani imperio adiungit.*

Verum Chariadenus in Pontiam insulam aquandi causa divergens, in Africam navigationis iter arripiens, summa celeritate confecit, ut diversa velificatione deceptum Mulcassem, Tuneti Regem, imparatum offenderet. Primo appulsu Uricam occupavit, deinde Tunetum aggressus, ostentato Boscetis Regis nomine, quem per summam injuriam Mulcasses frater regno eiecerat, & in quem Tunetanorum studia, tyrannidem illius pertæsi, propensissima erant, nullo negotio urbe potitus est; oppidanosque in verba Suleimani jurare compulit. Quo facto, cum reliqua minora Numidiæ oppida in illius potestatem concessissent, brevi compositis rebus, universam illam Africæ oram ottomanico imperio adiunxit.

Suleimani vero maritimis viribus ad Africæ urbes expugnandas conversis, nihil annalibus inferendum in Europa mari gestum est; præter legati Venetæ classis facinus, qui Philippi Mazzæ, Hierosolymitani equitis, Melitenisium navigiorum ducis, pervicacem audaciam fregit, ac nefariorum scelerum meritas ab eo poenas exegit. Is enim cum prædæ avidus Ionicum, atque Aegeum mare excursionibus peragrasset, in Adriaticumque penetrasset sinum, Turcarum non modo, verum etiam Christianorum navigiis, atque opibus infensus, a sinus Adriatici præfecto captus, ac Venetias transmissus fuerat. Qui cum reus causam ex vinculis diceret, a Senatu ad quadraginta viros capitales rejectus, datis vadibus, e carcere emissus, iudicio fuga se subtraxerat. Inde tribus instructis omni bellico apparatu biremibus, huc, atque illuc in omne scelus proruens, Veneto nomini per ludibrium infensus, prædabundus ferebatur. Legatus impatiens animi, cum ad justam anhelaret vindictam, de illius navigatione per exploratores certior factus, improvise prædatorias biremes cum ipso Philippo cepit; captas spoliavit; Philippo caput præcidi iussit; captivis Turcis libertate restituta, Byzantium missis; biremi, qua infausus præfectus vehebatur, incensa; binas reliquas Cæsari petenti transmissit: is enim, licet Hierosolymitanis militibus in sua tutela, ac patrocinio quiescentibus, factum ægre animo laturus videretur, attamen de Philippi nefarii cri-

*Philippus Mazzæ a classis Venetæ legato capite damnatur.*

minibus edoctus, cum causas, quæ legatum ad id agendum impulerant, intellexisset, gesta probavit. Magnus quoque Hierosolymitanæ religionis Magister Philippi facinora detestatus, non modo suo injussu, verum etiam adversus decreta ad piraticam exercendam biremes illas eduxisse, falsus est. His peractis, quæ extra ordinem triremes deductæ fuerant, a Senatu subditi jussæ; Capellius classis imperator Venetias revocatus est.

*Vincenzius Capellius classis imperator Venetias revocatus. Suleimanus Abrahim suam expeditionem contra Persas decernit.*

Eodem ferme tempore, quo Chariadenus Africanam expeditionem moliebatur, Suleimanus Abrahim, qui magna apud illum gratia atque auctoritate pollebat, crebris adhortationibus incitatus, bellum adversus Tammamum Ismaelis Sophi filium, cui Magni ob egregia facta cognomen inditum fuerat, bellum suscepit; & evocatis undique militibus, Ulamane Persarum transfuga itineris duce, Iconii Lycaoniæ oppido lustratis copiis, in Armeniam contendit: ubi, cum Choim pervenisset, nullosque obvios Persas haberet, per loca penitiora progressus, ut cum Tammafo acie certaret, qui, relictis urbibus, montes petierat, donec Hiberi, atque Albani, qui leviori equitatu plurimum valent, Persasque cataphractos præire consuevissent, accederent, in itinere Taurisum prædivitem urbem, Regisque sedem cepit. Mox Sultaniam petiit, ibi aliquamdiu moratus, sævissima oborta tempestate ex vicinis præaltis montibus nivium perpetuis rigoribus obsessis, cum immani procella Turcarum tentoria disjicerentur, ingentem jumentorum numerum, militesque permultos exstingueret. Deinde receptis viribus, atque aliquantisper recreato exercitu, in Assyriam profectus, Babylonia, quam *Bagadetum* hodie dicunt, potitus est; circumjectarum regionum incolis ad victoris Imperatoris nomen famamque ultro voluntaria deditione confluentibus.

*Taurisum a Suleimano captum.*

*Babylonia in Turcarum potestatem redacta.*

*Aloysius Grius a Suleimano, in Pannoniam missus.*

Cum iter in Perlidem pararet, Aloysium Grimum, Andreæ Venetiarum Ducis filium, magna cum auctoritate, ac mandatis Suleimanus in Pannoniam miserat; qui Byzantio profectus, Danubio superato, in Mœsiam superiorem venit, *Valaciam* a recentioribus dictam, quæ hodie in Moldaviam, & Transalpinam dividitur; inde Petro Moldavorum Principe sibi conciliato, in Daciam, quæ *Transilvania* modo nuncupatur, deflexit. Americus Cibachus, Episcopus Varadinensis, ea tempestate Daciæ præfecturam gerebat; vir illustri nobilita-

*Americus Cibachus, Episcopus Varadinensis, Grii mandato necatus.*

1534

te, eximia virtute, magnaque auctoritate a Rege proximus : is, quod Turcas altiores aliquanto radices in iis regionibus agere ægre admodum ferret, Gritum oderat ; quocirca cum Gritus in suum caput quandoque evaluram pestem avertere cogitaret, Hungari cuiusdam opera opprimendum curavit ; caput detruncatum illi allatum est. Americi cæde vulgata, cuncti in vindictam adversus Gritum exarsere : intra paucos dies, duce Mailato, Americi studiosissimo, quadraginta millia peditum, atque equitum in armis fuere. Gritus ab amicis destitutus, morbo insuper correptus, tutum sibi ad Moldavos per-  
fugium fore sperans, in itinere circumventus, vulneribus confossus interiit : caput a cervicibus amputatum, funesti exitus finis fuit. Eluxere in hoc viro mira ingenii dexteritas, ac solertia, quibus Suleimanum Turcarum Imperatorem adeo in sui benevolentiam illexerat, ut supra privatas fortunas evectus, magnum nomen, ingentes divitias comparaverit. Res Venetas quantum potuit omni officiorum genere juvare, ac promovere apud Suleimanum conatus est : inde multa in illum a Senatu ornamenta, atque honoris insignia fluxere, ut in literis illi Serenissimi nomen præfigeretur ; cuius obitu constantissimi in omni vita patris Principis animi robur flecti, ac fere prosterni visum est : quod ingens illius virtus, atque ardens in egregia quæque animus effigiem quandam paternæ imaginis exprimere videretur.

*Aloysii Grithi  
viciades.*

*Clementis  
Pontificis  
obitus.*

Sub id tempus Clemens Pontifex diuturno morbo confectus vj. kal. octobris, cum undecim annos pontificatum gessisset, ex humanis excessit ; magni ingenii vir, summa opinione virtutis ad eam dignitatem evectus, quam turbulentissimis temporibus sortitus, adversam, ac prosperam fortunam miro exemplo sustinuit ; nutantis, atque in diversas partes parvo momento inclinantis animi varietate sæpius haud parva incommoda expertus. Arduis in rebus, cum Venetis consilia, ac vires confociavit, licet his ad proprium commodum, non ad illorum augendam, aut amplificandam dignitatem uteretur. Illius obitus eo tempore accidit, quo variis jactatum casibus, ac periculis felicior fortuna renidenti sinu excepsisse videbatur ; quippe qui summorum Principum affinitate fretus, extollere domesticos ad sublimia quæque cœperat. Verum ut illi inopportunist, ita  
mi-

minime Italiæ luctuosum plerique prudentes viri existimabant; quod si diutius vixisset, multa, quæ de invadenda Italia consilia a Gallis concoquebantur, perfici potuisse censebant: Franciscum cum exercitu Alpes transgressurum; in Insubres arma moturum; copias pontificias eodem tempore Urbini Ducis ditiones invafuras, ut Dux, qui Venetorum copiis præerat, ad suas res defendendas coactus, Reipublicæ suam operam navare non posset; atque interea classis Turcicæ terror, Chariadeni acerrimi Christianorum hostis auspiciis, cunctis incuteretur.

Clementi Alexander Farnesius, qui inter ceteros virtute, doctrina, atque ætate eminebat, quadraginta atque amplius annos antea in Cardinalium collegium cooptatus, tunc illius princeps, suffectus est, ac Pauli III. nomen suscepit. Ad illum de more quatuor oratores a Senatu missi, Marcus Minius, Thomas Mocenicus, Nicolaus Theupolus, Federicus Raynerius: multa sane, atque ea eximia in eo viro enituere, quæ ad supremæ dignitatis fastigium extulerant, præclaræ majorum imagines, multarum rerum usu comparata prudentia, a se ipso tantum pendens animus, cum nulli summorum Principum devinctus, aut addictus, cunctorum benevolentiam, & gratiam mire sibi conciliaffet; quibus omnes sibi pollicebantur fore, ut publicæ pacis, ac præsertim Italicæ studiosus, saluberrimis consiliis, atque egregiis actionibus, funesta præteritarum cladum memoria deleta, suum pontificatum illustraret. Cæsar, de Pontificis creatione nuntio accepto, tum primum illius mentem, & consilia explorare statuit; cum plurimum suis rebus conducere arbitraretur, si percussum superiori anno foedus cum Italis Principibus confirmaret, quo uno Gallorum ardentes in Italicam expeditionem animos obtundi posse existimabat. Quamobrem equitem Ciconiam in Italiam misit, qui Antonio Levæ mandata deferret, ut cum Italis Principibus de instaurando, & arctius adstringendo foedere ageret, atque ut Pontifex in id descenderet, enixe curaret: ni impetrare posset, facultate iciendi relicta, cum reliquis pacisceretur: tunc vero Antonium Levam, non socialis foederis imperatorem, sed summum illius in Italia præfectum designat.

Eodem tempore a Senatu Bononiense foedus anno M. D. XXIX. ictum, quo Italica pax firmius coalesceret, confirmari petebat. Ea de re Antonius Leva cum Christophoro

*Pauli III.  
Pontificis  
electio.*

*Oratores a  
Senatu ad  
Pontificem  
designati.*

*Mandata  
Cæsaris ab  
equite Ciconia ad Levam perlatum.*

1534  
*Caesar a Venetis fœderis confirmationem petit.*

Capellio, Reipublicæ apud Franciscum Sfortiam oratore, pluribus egit; multa de Cæsaris in Rempublicam propensione, ac benevolentia loquutus, quo existimationis loco apud Carolum esset, exposuit: illi tranquillitatem, ac pacem Italiæ veluti unico, eodemque stabili firmamento niti: quocirca ab ea petere, ut hac nova fœderum confirmatione societatis, atque amicitiae inter Cæsarem, ac Venetos jura solidiore nexu vincerentur; inde tria oriri commoda posse: primum quod Cæsar certis argumentis propensum in commune Italiæ bonum Senatus studium inspiceret, propositumque eundem communibus consiliis, ac veluti præfixum finem animadverteret: deinde Italiæ pacem hoc præsidio munitam adeo fore, ut quicumque de illa armis laceßenda cogitarent, ii spes omnes, & consilia abjicere cogerentur: demum hoc facto ita sibi Cæsaris animum obstringi posse, ut si res ita tulissent, ex illius amicitia firmum præsidium Veneto nomini in promptu esset. Quæ Leva per Capellium Senatui significaverat, eadem Lopetius Soria, Cæsaris apud Rempublicam legatus, in Patrum Collegio exposuit. Senatus decreto oratori responsum est: si Cæsar e re communi esse existimet, quæ superioribus annis Bononiæ pacta fuerant, denuo confirmari, ab illius voluntate non recessuros. Id Francisco Sfortiæ, & Antonio Levæ non modo, verum etiam Cæsari pergratum fuit. Sed Pontifex cum a fœdere Italico anni M. D. XXXIII. alienus esset, Cæsareanorum postulatis respondit, nullam alia ex re majorem voluptatem capere, quam cum Imperatorem, eximiis belli, pacisque artibus instructum, Italicæ tranquillitatis studiosum cerneret: nihil magis in votis habere, quam si in illa conservanda Principum animos conspirare intelligeret: ceterum cum in eo se locatum gradu animadverteret, quo communis parentis, ac pastoris munera sibi in primis essent obeunda, id potissimum suarum partium esse, ut neutram in partem propendens, cunctos pari benevolentia, ac studio complecteretur, suborientiaque dissidiorum, ac bellorum semina, & igniculos obtraheret, atque extingueret: id porro ab eo, qui alterutri parti accessisset, quod suspitionis notam contraheret, perfici minime posse: itaque fœderi adhærere nolle: id vero haud ambigua adseveratione testari, ac polliceri, nihil sibi antiquius unquam, aut optatius,

*Lopetii Soria Cæsaris legati cum Venetis officia.*  
*Senatus responsum.*  
*Paulus Pontifex fœderis confirmationem subseribere renuit.*

cius, quodque altius præcordiis hæreat, Italica pace futurum: si qui forent, qui paci adversum aliquid molirentur, ad illam retinendam cum reliquis consensurum, cunctas vires, atque conatus ad illius hostes arcendos, ac profligandos adhibiturum.

1534

M. D. XXXV.

**P**Ræclara hæc novi Pontificatus initia, quæ non ad privatam utilitatem, sed ad totius reipublicæ christianæ incrementum, ac decus posita fuisse videbantur, eo magis suspici cœpere, quod paucos admodum ad summum illud supremæ dignitatis culmen pervenisse memoria homines repeterent, quos non domesticæ gloriæ, atque opum species inflexisset. Nam Paulus ab indicendo Concilio, ut religionis dissidia tollerentur, minime abhorrebat, & diu optatam, frustra tentatam magni moliminis operam aggrediebatur, ut per legatos in Galliam, & Hispaniam missos Franciscum, & Carolum, oblitteratis odiis, pace conjunctos ad socia arma adversus Turcas impelleret, atque uno consensu religionis studio incensos, cujus amplissimos, atque honestissimos titulos præferebant, ad profligandas hæreses, quarum pestifera lues nobilissimas Europæ provincias invasisset, inflammaret.

*Legati Pontificii ad Cæsarem & Gallia Regem missi.*

*Nassovius Comes, legatus Cæsaris in Gallia, & ejus officium.*

His de rebus Comes Nassovienfis in Galliam profectus, Caroli nomine cum Francisco egerat, ut illum ad Concilium, quo christianæ religionis potissimum incolumitas contineretur, indicendum cohortaretur; viresque præpotentis regni ad rempublicam christianam tuendam, Turcarumque conatus reprimendos adhiberet, qui in dies maritimis viribus aucti omnium Christianorum loca in miserrimam captivitatem, multos mortales abducendo, vastarent, atque diriperent; & ad commune pacis studium, ac religionis decus eundem incenderet. Ad hæc Galliarum Rex ita respondit: pro evellenda, ac penitus excindenda hæresi; nihil unquam se prætermisisse; eos, qui a recta religione dissentient, variis poenis mulcasse, morte quoque ipsa affecisse; Concilium (modo loco tuto cogeretur) non minus quam Cæsarem exoptare: ceterum Turcicæ classis impetus minime verendos esse, cunctos ad suas ditiones de-

*Francisci Regis responsum.*

fen-

1535 fendendas promptos esse oportere; si ab ipso pendere christiana reipublicae incolumitatem, ac dignitatem compertum sit, exercitibus suis aditu patefacto, nunquam a Christianissimis suis majoribus, qui in remotissimas provincias Gallica vexilla intulissent, degenerem futurum: quod vero ad communem pacem spectat, nihil ea sibi optabilius accidere posse; modo ne Caesar impedimento sit, quo minus quæ sibi Sabaudiae Dux, ac Franciscus Sfortia per summam injuriam occupant, uti sibi videbitur, recuperare queat: an non magis decere Galliae Regem viribus, ac potentia clarum, affinem suum, quam egenum, bellique praesidiis nudatum Principem, a quo nihil illi opis, aut emolumentum accedere possit, Insucribus potiri? cur vero Pontifex, ac Veneti adeo Sfortiae favent, ac ne Insucri in alicujus praepotenti Principis potestatem concedant, perhorrescunt, nisi, ut oblata opportunitate, per vim aliquando potiantur? ad hæc supremum in Flandros, atque Atrebatenses se jus petere, quo jurisconsultorum sententia captivitate detentus minime cedere potuisse affirmabat: Caesare his adsentiente, cunctis controversiarum, ac dissidiorum causis ablatis, novis nuptiis, atque affinitatibus arctiori vinculo pacis foedera adstringi posse: ni hæc fierent, ab iis, quæ proxime pepigisset, non recessurum. Multis hæc in Caesarem querelis admixta erant, cum ob illius maritimos apparatus Christianorum Principum animos variis sollicitari suspicionibus, licet ipse secus crederet, affirmaret.

*Franciscus  
Rex supremum  
jus in  
Flandros &  
Atrebatenses  
repetit.*

*Caesaris per  
Nassovium  
seu oratoris  
ad Regem  
Galliae  
compositio.*

Ad quæ Rex cum Caesaris responsum minime tulisset, cum illius legato graviter conquestus, multa in Carolum exaggeravit, quod Pontificem, atque Italos Principes ad novum faciendum foedus pro Italiae incolumitate invitasset. Quibus permotus Caesar ita per eundem oratorem Francisco respondit: summis laudibus se Regis pietatem extollere, quod dignis, ac justis poenis religionis violatores, ac transfugas afficiat: sibi statutum esse tuto loco Concilium cogi: nulla in re christianae reipublicae opem poscenti defuturum: tempus adesse, quo Rex haud dubiis argumentis propensum in commune bonum studium ostendat, si suas triremes cum pontificiis, & Caesareanis jungat; non enim terrestri exercitu, sed classe tantum ad egregia quæque agenda opus esse; no-

lit.



litque pacem , aut ullis adversus Sabaudia Ducem querelis , aut Francisci Sfortia obtentu corrumpere : amice dirimendas cum Duce controversias esse : nihil , si pactis stare velit , in Insubres moveri posse : quis enim ignorat , ad tot bellorum incendia , & vastationes fato quodam ortam provinciam , si novis tumultibus exardescat , aeternas inde simultates , atque intestina malorum omnium initia profectura ? Principum Italarum voluntate , qua avitum Francisco Sfortia imperium restituendum consenserant , perspecta , ad pacem Italiae firmandam eo descendisse ; ab eo , quod semel sancte pollicitus fuerat , nunquam se declinaturum : neque de Venetorum animo ambigendum esse , quod ad Insubrum ditiones occupandas adspirarent , cum id tantum constanter cupere semper significaverint , ut Mediolano Franciscus Sfortia restitueretur ; id vero summa prudentia , ac ratione , ne potentiores finitimos experiri cogerentur , fecisse : demum cum in Flandros , atque Atrebatenses nullum Regi jus esset , ea in quaestionem adduci , aut jurisconsultorum sententiae subjici non oportere : minime autem vereri Christianos Principes bellicos apparatus , in quos tam acriter incumberet ; immo potius arbitrari , cum omnia ad Chariadenum debellandum comparentur , non regnorum desiderio , & cupidine , sed conservandae , atque amplificandae christianae religionis studio se aestuare : satis provinciarum , ac regnorum parere sibi : nemini a suis viribus pertimescendum ; id pluribus argumentis compertum , clarius in dies aperturum : nulla alia re adductum Italicos Principes ad novum pro illius defensione foedus percutiendum sollicitasse , nisi ut , omnibus dissensionum causis ablatis , quisque suis contentus , firmior tranquillitas in ea provincia servaretur , qua christiana religio potissimum inniteretur . Haec inter Caesarem , ac Regem variis agitata sermonibus in speciem publicae pacis ostentabantur ; verum acerrima aemulatione glisciente , animos vehemens gloriae cupido , regnandique infida societas acrioribus stimulis incitabant ; ut dum Caesar instruendis triremibus , omnisque generis navigiis sedulus operam intendit , Franciscus quoque tota Gallia milites conscriberet , Massiliensem classem augeret , atque eodem tempore , dum Caesaris Africana expeditio per omnium ora circumferretur , bellum

*Francisci  
Regis bellici  
apparatus .*

1535 lum in Italiam moturum Galliae Regem percrebresceret. Inde Antonius Leva Insubrum oppida munire; Ticinum, fatalem Gallici belli urbem, validioribus propugnaculis cingere, ut Gallo- rum in Italiam ingredientium impetum sustinere, ac remo- rari posset.

*Guido Ubal-  
dus, Urbini  
Dux, a Pon-  
tificis exco-  
municatus.*

Atque sub id tempus Paulus Pontifex, non absque multo- rum admiratione (ut sunt hominum, ac praecipue summorum Principum ingenia mutationi obnoxia) ab instituto pacis pro- posito pene deflexit, ex Camertium ditione occasionem rerum Italicarum novandarum nactus; cum pontificio interregno Gui- doni Ubaldo, Francisci Mariae Urbinatis Ducis filio, Julia Varana, unica Joannis Mariae, Camertium Ducis nata, atque heres, nupsisset; & nuntio de pontificatu Pauli accepto, sta- tim veritus, ne id minime gratum Pontifici esset, urbem cum militibus ingressus, civibus sacramento adaectis, Camertium Du- cis insignia, ac titulos suscepisset. Id primum Pontifex non admodum graviter ferre; mox aut aliorum instinctu, aut in- sita quadam domesticæ fortunæ amplificandæ cupiditate tactus, minime ferendum dicitare, Urbini Ducem ditionem illam ar- mis occupasse, quam, mascula stirpe extincta, uti Ecclesiae feudi jure spectantem, ad se pertinere arbitraretur. Cathari- nam matrem, Juliam, & Guidonem Ubaldum in jus voca- tos, licet suos procuratores Romam misissent, in eos, uti ab- sentes, excommunicationis spicula intorsit; atque Camertium ducatu privatos pronunciavit. Inde obsidione ad deditionem urbem compellendam ratus, Joannem Baptistam Sabellium cum valida peditum, atque equitum manu, ad intercludenda itinera, & commeatus impediendos misit. Guido Ubaldus e Piceno frumenta, quæque ad victum necessaria forent, vi si- bi patefacto itinere, importanda curavit. Hæc belli haud ob- scura initia Senatui mirum in modum molesta erant; tum quod exigua e flamma ingentia nonnunquam incendia urbes, ac pro- vincias consumptura, suborirentur; tum quod in Reipublicæ clientela Urbinas esset, quem ob egregie pro Republica gesta maxima cuncti benevolentia prosequerentur. Itaque ut Ponti- ficis animum flecterent, atque a belli consiliis ad pacem de- ducerent; summopere Veneti nitebantur, ut jure disceptare- tur, Francisco Maria, Guidonis Ubaldi patre, flagitante. Ve-

rum

*Joannes  
Baptista  
Sabellius  
ad Camer-  
tium urbem  
obsidendam  
missus.*

rum Paulus neque ratione permoveri, neque precibus suaderi poterat, quin bello decernendum existimaret; quasi reliquis quoque reipublicæ christianæ jactatæ casibus id unum deesset, ut rursus in Italiæ visceribus bellum conciperetur. Quæ nuper accidissent, per Marcum Antonium Contarenum legatum Senatus Cæsari significat: suadet, ut nascenti malo occurrat, neu Italicam pacem, cujus studiosissimus semper fuerat, levi de causa turbari pateretur. Cæsaris auctoritate, atque officiis adductus Pontifex nonnihil pristini ardoris remisit; cum præsertim qui Duci, ac Venetis apud Pontificem favebant, operæ pretium minime esse dicerent, exigua, ac tantula re otium, tranquillitatemque Italiæ corrumpere, cujus servandæ, vel ad gloriam propagandam, vel ad majestatem retinendam potiores Pontificis partes essent: egregias ad domestica comoda, atque ornamenta occasiones non defuturas: Petro Aloysio filio Piceni urbem, aut ditionem aliquam tradi posse; Venetis Ravennam, ac Cerviam restitui, ut illorum viribus, atque auctoritate firmiter niteretur; eos hoc beneficio devinctos imperium illius, atque opes haud parvis incrementis sustentaturos. Inde majorum rerum spe illectus Pontifex belli consilia immature suscepta abiecit, atque in Veneti Senatus gratiam, ut in aliud tempus de Camertium controversiis disceptaretur, assensus est.

*Venetorum  
cum Cæsare  
officia ob  
Camertium  
negotium.*

Ceterum quæ Cæsar hoc anno ingenti studio moliebatur, classis ducentorum navigiorum numero insignis, Italicorum, Germanorum, atque Hispanorum militum, quæ in Europæ provinciis scribebantur nomina, ab aliis omnibus aversos huc cunctorum animos obverterant. In Africam hoc apparatu proficisci Cæsar ad Tunetum expugnandum decreverat, ut Chariadeni nimium insolescentes spiritus frangeret, superbumque illius archipiratæ fastum, qui Neapolitano regno minabatur, obtunderet; in id præcipue Hispanorum precibus, ac flagitationibus incensus, qui objecta Hispaniæ litora jam tum sibi infaustra ob assiduas piratarum excursiones sentiebant. Gloriæ quoque generosus impetus addebatur, quod dignum imperatoria majestate censeret, illorum minime preces aspernari, atque abjicere, qui perfugium suis perturbatis, atque afflictis rebus in illius potentia, ac viribus sibi tutum censerent; egregiumque

*Cæsaris de  
expeditione  
Tunetana  
decretum.*

1535

*Federis Bononiensis confirmatio.*

que se facinus editurum arbitraretur, si Muleassem regno extorrem, supplices ad se manus tendentem exciperet, atque in regio solio, a quo nuper pulsus fuerat, collocaret; militaris virtutis, atque imperatoriae clementiae haud dubia decora inde relaturus. Harum rerum consilia, intimosque sensus per Lopem Soriam legatum Senatui significavit: his addidit, propensum in Rempublicam Venetam suum extare studium, quam summo honoris, atque existimationis gradu haberet, ejusdemque amicitiae studiosissimus esset. Quae cum libenter a Patribus exciperentur, quod antea de instaurando Bononiensi foedere polliciti fuerant, praestitere, iisdemque conditionibus, quae anni M. D. XXIX. tabulis continebantur, denuo confirmatum est.

*Joannis Foresti, Galliae Regis legati apud Turcas, officia contra Venetorum.*

At Byzantii de ingenti Caesaris navali apparatu nuntiis acceptis, Suleimano in Persidem profecto, varia non modo in vulgus, sed etiam inter purpuratos jactabantur; cum nondum quo belli faces admovendae forent, promulgatum esset. Nec cessabat Joannes Forestus, Francisci Regis legatus, quod Veneti Caesaris foederati essent, multa in illos in sermonibus apud primores ferere; illos nempe Imperatorem assidue hortari, ac suadere, ut arma insueto numero, ac robore comparata, in Graeciae regiones, quae in Suleimani potestate essent, converteret: dum Rex contra Patres per legatum, ut ab Imperatore sibi caverent, admoneret; tot undique conquistas, ac congestas maritimas vires suspectas haberent; amplissimo Galliae regno, uti illis e Reipublicae dignitate, & utilitate videretur, uterentur. Neque vero conjectura assequi difficile erat, haec eo tendere, ut Respublica inter duos potentissimos Principes media, quae justo temperamento pacem tueretur, vel in unius, vel in alterius offensam incurreret, atque haud ambiguo bello implicata Francisci Regis vel auctoritatem ad placandos barbarae gentis animos, vel copiarum, ac virium praesidium ad Caesaris conatus repellendos imploraret. Patres solidam prudentiam edocti, altiori pectore exceptos Principum astus recondere soliti, de perbenigno in Rempublicam studio Regi gratias agere; de iis, quae a Gallico legato Byzantii falso dicebantur, conqueri. Ille culpam in legatum rejicere, licet multa cum Turca, ultro citroque legatis commeantibus,

agi-

agitare cœpisset, ut barbaræ gentis ope, atque auxiliis nimium crescentem Caroli potentiam coerceret, quæ, Sulcimano e Perside regresso, maturata exitium, ac funestum cladum semina Christianis fuere.

Interea omnibus in Africanam expeditionem comparatis, comitatibus in naves distributis, totoque exercitu, ut confunderet, jussu, Cæsar, primoribus Hispaniæ, atque Principi Lusitaniæ, qui eo cum octoginta navibus venerat, comitantibus, Barchinone solvit. Nullam vel ea, vel superioribus tempestatibus classem aut navigiorum numero, aut bellicorum instrumentorum apparatu, & copia, militum nobilitate, virtute, robore magis insignem vim fuisse memorabatur; cum universa trecentis, atque amplius triremibus, ac navibus constaret; quadraginta in ea militum millia numerarentur. Cunctorum Europæ Principum arrectis animis, quisnam exitus tanta mortalium expectatione suscepti a Cæsare egregii conatus foret. Dum tota Italia Summi Pontificis edicto supplicationes haberentur, ut Christianorum votis, noxarum expiatione, innumerisque pietatis officiis placatum Divinum numen aspiraret, universo confluyente populo, per triduum Venetiis concelebratæ fuere. Marcus Antonius Contarenus, apud Cæsarem legatus, in Africam cum eo proficisci jussus. Classis Barchinone discedens, in Magonis minoris insulæ Balearis portum cursum tenuit; mox in Sardiniam ad urbem Caralim pervenit, atque inde in Africam trajecit, ac in Uticæ portum, quem navitæ *Farinam* vocant, universa illata est. Ab Utica Carthaginis promontorium, totumque ejus regionis litus, quam *Martiam* vocant, superbæ quondam urbis ruinis percelebre, circumvecta, militibus in terram expositis, cum universo exercitu Cæsar Guletam circumfedit, ut, ea expugnata, facilius ad Tunetum oppugnandum aditus foret. Namque Guletæ is situs est, ut lateritia turris nonnullis cincta propugnaculis, iis faucibus immineat, per quas sinus Carthaginensis, mare ad australe litus allidens, in stagnum sese insinuat, quod duodecim millia passuum extensum parvis navigiis ad Tunicum iter vadis præbeat, quæ adeo depressa, atque humilia sunt, ut nisi medio, eoque profundiori alveo tranari queant. Guletam Ahenobarbus haud exiguo tormentorum numero in-

*Lusitania  
Principi  
cum classe  
ad Cæsaris  
auxilium.*

*Supplicationes  
pro Africæ  
causâ expediti-*

1535

struxerat, ut classem, quam intra stagnum collocaverat, ab hostibus protegeret. Pugnatum utrinque per aliquot dies acriter, cum tandem ad idus julias Cæsar tormentorum muralium omnem apparatus adhiberi imperat. Andreas Auria a mari verberandæ munitionis negotium suscepit, tantaque machinarum vi ab aurora usque ad meridiem petita, & quassata est, ut terribili impetu turris prostrata penitus solo æquata fuerit, ac munitiones disjectæ gradum militibus ad ascensum patefacerent; qui omnis generis tela, & missiles ignes tenaci flamma armis adhærentes, quæ a Turcis in subeuntes conjiciebantur, nihil morati, aut territi, summa animorum, ac corporum contentione in arcem irrupere. Barbari consternati, & percussi, dum fuga salutem quærunt, complures cæsi, multi in stagnum detrusi perire; tormenta omnia, toraque Chariademi classis ad quinquaginta partim triremes, partim biremes, quæ intra stagni fauces subducta fuerat, nullo obsistente, in Hispanorum potestatem concessit. Guleræ mille, atque amplius, Hispanorum præsidio imposito, iter Cæsar ad Tuncetum intendit.

*Gulera & Ahenobarbi classis in Cæsaris potestatem perveniunt.*

Ahenobarbus immensas barbarorum copias, quæ supra centum millia hominum fuisse feruntur, in acie produxit, adversus quos acri adeo impetu Christiani sese intulere, ut excipere, ac sustinere irruentes barbari nequiverint; sed in fugam præcipientes versi, tormentis relictis, ingentem stragem subierint, Chariadeno doloris, atque iræ aculeis fremente, & cum suis ut Tuncetum se reciperet, citato cursu adnitente. Ibi multa Christianorum millia, qui miserrima captivitate detinebantur, tormentario pulvere circumposito, in carcere concremare statuerat, nisi barbari pectus mitior insignis piratæ sententia ab immani scelere revocasset. Cujus crudelis consilii fama cum in carcerem penetrasset, duo ex ejus libertis pietate adducti, carcere patefacto, ad disjiciendas, ac frangendas catenas instrumenta afflictis præbuere; qui statim ad libertatem anhelantes, vinculis disruptis, nudi, faxis, aliisque generis missilibus correptis, in Turcas insiliunt: arcem Turcæ deserunt; captivi, nonnullis cæsis, repente occupant; commeatum, arma, conditos regios thesauros intercipiunt; ex summa arce vexillum ostentant, ut Cæsari, atque exercitui factum significant,

Cha-

*Chariademi & Africanorum profugatio.*

*Chariademi crudelis de captivis consilium.*

*Captivi in libertatem se vindicant, & Tuncetum arcem occupant.*

Chariadenus supplex Christianos orat, ut ipsum intro cum suis recipiant, præmia libertatis pollicetur: illi, saxis, ac telis in eum congestis, summovent, & repellunt. Is, rebus perditis, ac deploratis, cum septem Turcarum millibus turpiter fugiens, Hipponam se recepit. Arx statim in potestatem Cæsaris redigitur: cum Christiani nuper e servitute erepti, ingenti lætitia perfusi, Cæsareanos exciperent, milites ex arce in urbem irrumpentes, prædabundi cuncta diripiunt, ferro, flammis passim nulli neque ætati, neque sexui parcentes debacchantur, donec, pœna capitis propolita, Cæsar furentium militum rabiem, atque libidinem compesceret: Christianis barbarorum servitute oppressis libertate restituta.

*Chariadenus Hipponam se recepit.*

*Tunetum a Cæsare captum.*

Inter hæc ad Cæsaris exercitum Muleasses venit, dextramque deosculatus, patrio more in substrato tapete cruribus collectis, insidens, supplex restitui sibi paternum regnum imperatoria munificentia a Carolo petiit. Qui victor regia, atque insueta liberalitate Muleassem complexus, illum Tunetano regno donavit, iis adjectis conditionibus, ut honorarii loco singulis annis sex Numidas equas, duodecim falcones penderet, atque in mille Hispanorum peditum præsidium, quo Guletam tueretur, duodecim aureorum millia erogaret. Chariadenus cum Hipponam incolumis pervenisset, quatuordecim triremibus egregie instructis, Algerium se contulit; deinde e magnis ereptis periculis, Byzantium profectus est; obviisque Suleimano e Perside cum exercitu redeunti factus, quamvis devictus, amissa classe, regno exutus, præterita gesta infami nota fœdasset, tamen humaniter a Rege exceptus, qui ingenium hominis, atque implacabile illius in Christianos odium noverat, maritimis rebus cum summo honore præfectus est. His rebus gestis, Cæsar cum tota classe ex Africa solvens in Siciliam tendit, multosque dies Panormi, ac Messanæ commoratus, populorum plausu, ac lætitia ingenti exceptus, omnibus fere navigiis dimissis, soluto exercitu, duobus tantum Germanorum millibus ad sui custodiam retentis; inde Neapolim pervenit. Ibi triumphali pompa invehctus est, ac regiis honoribus excultus; in omne liberalitatis genus effusa civitate, ut hastiludiis, choreis, scenis, atque spectaculis plures dies absumerentur, & eo majore, ac impensiore cura,

*Cæsar Muleassem Tuneti Regem instituit.*

*Chariadenus a Suleimano benigne excipitur.*

*Cæsar in Siciliam & Neapolim proficiscitur.*

*H. Mauroceni T. L.*

D d

quod

1535

*Margaretæ  
Caroli filia  
cum Alexan-  
dro Mediceo  
nuptia.*

*Venetilega-  
ti ad Cæsa-  
rem.*

quod Neapolitani hæcenus Imperatoris præsentia caruissent. Huc quoque accesserat, quod eodem tempore Margaretæ; nothæ Caroli filia, cum Alexandro Mediceo, Florentiæ Duce, nuptiæ celebrarentur; cum, extorrum Florentinorum civium; ac præcipue Rodulphi Cardinalis pollicitis rejectis, id Clementis manibus Cæsar præstaret, quod olim Barchinone connubium filia, nepotisque pepigerat. Neapolim multi Reguli, ac Principum oratores, ut partum ex Cæsaris victoriæ gaudium testarentur, confluxere. Veneti quatuor legatos mittere, Marcum Foscarum, Joannem Delphinum, Vincentium Grimanum, Thomam Contarenum: hi Senatus nomine prosperos successus, Africæ urbes, atque oppida capta gratulati sunt; idque eo accuratius fecere, quod multa vel ab otiosis, vel a malevolis hominibus in vulgus spargerentur: nimia potentia Cæsaris incrementa suspecta Patribus esse, fortunaque illius, ac felicitate, tanquam ceteris formidolosa, subtristi quadam cogitatione defixis animis hære: quæ Senatui admodum molesta erant, ut Cæsarem, quo cum nuper foedus percusserat, his vocibus commoveri posse vereretur. Cur enim illius potentia inviderent, quem æquare Suleimani potentissimi Principis vires, christianæ reipublicæ ac Venetis conducere? quorum insulae ac regna prope in imperii Ottomanici faucibus essent? Aut quid in Africam, longe a Venetis ditioribus remotam regionem, victricibus Cæsaris vexillis illatis, damni illorum rebus accidere poterat? cum præsertim in iis locis piratæ, qui totum Mediterraneum, atque Adriaticam mare prædabundi excurrerent, maritimaque commercia interciperent, exitus inde, atque receptus tutos haberent. His, si qua in nonnullorum animis suspicio orta foret, diluere, ac discutere Senatus conabatur.

Verum dum felici Africanæ expeditionis eventu fracta Chariadeni superbia, confusæ Turcarum maritimæ vires, ad maiora multo aditum patefacere viderentur; recens dissensionum, ac bellorum seges oborta, multis malis laborantem rempublicam christianam vexavit, atque affixit. Nam Franciscus Sfortia, cujus sobole spes Italicae pacis diu conservandæ, veluti firmamento, nitebatur, oculorum morbo, mox febri correptus, utpote qui imbecillo admodum corpore esset, diutinaque vi mor-

bi



bi confectus, nullis superstitibus masculis, kalen. novembris ex humanis excessit; Viglevano cum decem aureorum millium proventu uxori ex testamento relicto. Eo defuncto, a Senatu Mediolanensi Insuorum gubernacula Antonio Leva delata sunt, cunctaque Christiannæ viduæ nomine administrabantur, donec Cæsar de Ducis obitu certior factus, quamvis sua esset voluntas significaret. Perculit Sfortiæ obitus vehementer Italos Principes, ac Venetos præcipue, quod susceptos antea labores, atque immensos prope sumptus irritos fuisse, frustra per tot annos armis certatum, ut Italus Princeps in imperio Mediolanensi retineretur, animadverterent; ac tum animo præsentire videbantur, quanta inde rerum omnium perturbatio, quot clades luctuosa consequutura essent; neque enim Italici generis, ad quem hereditario jure Insuorum ditiones pervenirent, Princeps erat ullus. Joannes Paulus Sfortia, Francisci defuncti haud ex legitimis nuptiis frater, Insuorum imperium jure sibi vindicare videbatur, quod tabulis, quibus a Maximiliano Imperatore patri illius tituli, atque insignia Mediolanensis imperii concessa fuerant, contineretur, ut, legitimis masculis vita functis, illegitimi quoque succederent. Atque ei non modo jurisconsultorum responsa favēbant, sed Mediolanenses Sfortianæ familiæ addicti instaurati in eo pristinum suorum Principum decus summis votis exoptabant. Verum has surgentes spes Joannis Pauli obitus corripuit. Ad Cæsarem enim proficiscens, Florentiæ inter prandendum repentina morte correptus nonis decembris interiit. Cæsar, fato Franciscum Sfortiam concessisse, Neapoli nuntio accepto, magnam inde capere molestiam præstulit. Viduam neptem ad se proficisci jussam, omnibus grati animi significationibus excepit. Senatui nihil magis curæ erat, quam ut Italiæ pax retineretur, neque ex Sfortiæ obitu novandarum rerum causæ insurgerent; id vero eo potissimum obtineri, Insuorum Duce dato, arbitrabatur: sæpius Cæsarem ad pacem Italiæ conservandam hortabatur; Principem titulis, atque insignibus Mediolanensis imperii decoraret, qui præsentis rerum status studiosus, nihil communi otio, ac tranquillitati adversum appeteret. Carolus nihil magis cupere, quam Italici Principibus, ac Venetis præferum gratificari; quid

1535

*Francisci  
Sfortiæ obitus.**Antonio  
Leva Mediolanensi  
administratio delata.**Joannis  
Pauli Sfortiæ in  
Mediolanensem  
ducatum  
jura.**Joannis  
Pauli Sfortiæ obitus.**Venetis  
Cæsarem ad  
Ducem  
Mediolanensem  
institutum  
hortatur.*

1535 e re communi fore existimarent, libere enunciarent. Patres multa, ne quem sigillatim nominarent, permovebant, cum neque satis perspectam Cæsaris voluntatem haberent, neque immatura cuiuspiam nuncupatione in aliorum Principum vellent offensam incurrere; cum Franciscus Galliarum Rex priscum in Insubres jus a Valentina Vicecomite deductum repeteret; atque inde haud obscura bellorum initia eruptura inspicerent, quorum fama cum in dies majora incrementa sumeret: licet Cæsar cunctationibus Italos distineret, neque adeo facile præpotens in Gallia Cisalpina imperium abjecturum constans fere omnium esset sententia. Attamen petenti, ut jampridem Clementis obitu instauratum foedus Bononiense, denuo, defuncto Sfortia, renovaretur, Veneti adfensere, atque iisdem conditionibus percussere, Paulo Pontifici, ac Mediolanensium futuro Duci se adjungendi facultate concessa; Pontifice de Venetis conquerente, quod Neapoli rem ad exitum perduxissent, quæ in adventum Cæsaris Romæ, se ipso quoque præsentem, tractanda fuerat.

*Fœdus inter  
Cæsarem ac  
Venetos cō-  
firmatum*

Interea Franciscus Galliarum Rex veteri, neque ullis eventibus intermisso Mediolanensis imperii potiundi desiderio, arma movendi occasiones quærere; lustrare copias; undique socios, atque amicos sibi asciscere non desinebat. Venetorum quoque animos sollicitare, ut vel priscæ cum Gallorum gente amicitiae memores, vel ingentibus præmiis, ac pollicitationibus illecti, veteris societatis jura innovarent; atque ob eam causam Biovium, virum sibi intimum, ut Senatus mentem exploraret, Venetias miserat. Senatusconsulto Regi ob illius propensam in Rempublicam voluntatem gratiæ actæ: ceterum amantem pacis Rempublicam, præteritisque bellis adhuc pressam, & afflictam, in novos turbines se conjicere non posse; ea præsertim tempestate, qua Christianorum Principum saluberrimo concordiae vinculo animi jungendi forent, ut communibus consiliis, ac viribus hæreses nimium in christianæ reipublicæ perniciem, ac pestem sese efferentes prosternerentur. Verum Franciscum nulla impedimenta a concepta de imperio Mediolanensi sententia remorari, poterant. Id ut

*Franciscus  
Rex Biovium  
ad Venetos  
miserat.*

tu-

tutius faceret, in Carolum Sabaudia Ducem primos belli imperus vertere statuit, ut per illius fines expeditum sibi in Italiam iter pararet; in quem complures inferendi belli causas præferebat: atque in primis quod Niceam, & Herculis Monoeci portum, a Gallorum Regibus certa pecunia Ducibus oppignerata, flagitanti, ac peroluta pecunia redimere contentendi restituere noluiſſet. Huc acceſſerat inſenſus in eum animus, qui licet Franciſco avunculus eſſet, uxoris tamen Luſitanæ, quæ Joannis Regis, atque Iſabellæ Caroli uxoris germana ſoror erat, illecebris depravatus, aſſiduifque fatigatus precibus, ab auctoritate, ac nutu Cæſaris totus pende-  
 bat. Itaque cum ad bellum omnia compoſuiſſet,

1535

*Franciſcus  
 Rex in Sa-  
 baudia Du-  
 cem inſen-  
 ſus.*

## M. D. XXXVI.

1536

*Philippus  
 Sciabottus  
 Allobrogum  
 fines inva-  
 dit.*

*Cæſaris bel-  
 lici appa-  
 rus in Gali-  
 is.*

*Rodericus  
 Davalus a  
 Cæſare Ve-  
 netias miſ-  
 ſus.*

*Venetorum  
 decreta de  
 militum de-  
 ſectibus.*

**A** Nni proximi initio Philippus Sciabottus, *Admirallus*, ut vocant, Dux a Rege declaratus, Tranſalpinis oppidis quæ ad Allobrogum fines pertinent, nullo negotio potitus, Alpes tranſgreſſus, nonnulla Subalpinæ regionis oppida, Taurinum nempe, Foſſanum, Pinarolum, & Cherium occupavit; ac niſi, eductis Medioloano copiis, Antonius Leva cuncta diripientibus, ac vaſtantibus Gallis obſtiſſet, Vercellæ quoque, atque potior Subalpinæ ditionis pars in Regis poteſtatem perveniſſet. Cæſar his rebus permotus, de bello adverſus Gallos gerendo maturius conſulere cœpit; ingenti cura delectus equitum, & peditum in Germania haberi juſſit; ne ullam in partem Helvetii penderent, ſed tantum belli ſpectatores eſſent, curabat. A Maria ſorore, quæ Belgio præerat, ad copias e Germania evocandas, Belgarumque, & Sequanorum equites inſtruendos, quantas maxime pecunias præſtare poſſet, flagitabat. Nam duplici præpotenti exercitu æſtatis initio ſe in Gallias irrupere velle crebris, iſdemque certis ſermonibus uſurpabat; hiſque de rebus, Venetias Roderico Davalo miſſo, Senatum certiore ſecerat, petieratque, ut copias, quibus ex foedere nuper iſto ad Mediolanenſe imperium defendendum obſtriſtus erat, in promptu haberet. Itaque ut ſex peditum millium delectus Antonii Tiſernatis, bellicarum machinarum præfecti, Babonis Naldi ducis, aliorumque ductorum haberetur,

H. Mauroceni T. I.

D d 3

tur,

1536

*Urbanus Venetiarum evocatur.*

tur, Senatus jussit: his quingenti levioris armaturæ milites adjecti; atque ut in Brixienſium finibus ad Aſulam oppidum convenirent, mandatum eſt; ut Ollio trajecto, Cremonæ urbi, cujus propugnandæ munus Venetis obtigerat, præſto eſſent: atque ob id Feltrius imperator e ſuis ditionibus Venetias evocatus eſt, ut quamprimum adventum in caſtra maturaret. Sed ob Joannis Lotharingi Cardinalis adventum, de quo mox dicitur, cum Sciabottus a belli cogitationibus, atque victoriæ, quam manibus tenebat, curſu ad pacis ſpem ſeſe convertiſſet, primosque Gallorum impetus inhibuiſſet, reſtiſto animorum ardore, languente militum ſolertia, ſubſtiſſet, copiæ a Venetis coactæ ad propenſum illorum in Cæſarem animum, conſtanteſque ad ſœderis conditiones ſervandas voluntatem tantummodo valere.

*Cæſar in Cardinaliſſi collegio de Franciſco Rege conqueritur.*

Appetente vere, Cæſar Neapoli diſcedens, nonis aprilis Romam ingreſſus, ac quatrimum in urbe commoratus, in Cardinalium Collegio, in quo Paulus Pontifex ſolemni ritu amictus aderat, graviffimam orationem habuit: multa vetera, atque recentia in Franciſcum Galliarum Regem exaggerans, quod Caroli Sabaudix avunculi ſui oppida in Tranſalpinis, & Subalpinis regionibus per ſummam injuriam occupaveſſet, ut inde iter ſibi ad Inſubres invadendos tutum ſterneret, quos, ni ipſe ultro concederet, armis petiturus videretur: verum neque poſtulanti conceſſurum, neque paſſurum, ut Sabaudix Dux ſuis ditionibus exutus, diutius ipſius vires ad certiffimam illi opem ferendam expoſceret. Hæc, atque alia adeo concitate, atque ex ardenti peſtore verbis erumpentibus protulit, ut adderet, nolentem ſe ad bellum rapi, quo innocentes populi irarum, atque Principum indigna: animi immeritas poenas daturi eſſent: ad ſingulare certamen Franciſcum provocare velle, ut illorum controverſiæ una eademque acri dimicatione definiſſetur. Tum vero Pontifex ad clementiam Cæſaris fervidam mentem quamleniſſimis verbis revocare contendit: neque enim ignarus quorſum acerrima hæc ſummorum Principum diſſidia proceſſura eſſent, ut aliqua concordix ratio iniretur, ſummopere laboraverat, atque ut Joannem Lotharingix Cardinalem Romam ea de cauſa mitteret, a Rege petierat. Is cum ampliſſimis de pace inunda-

*Cæſar, Franciſcum Regem ad ſingulare certamen provocare ſe velle aſſerit.*

mandatis, trajectis Alpibus, Taurinum profectus, Admirallo, ne ulterius arma proferret, suaserat, spe haud modica exorta, ut inter armorum strepitus pax eo latior, quo minus expectata effulgeret: in id quoque adniventibus Venetis, qui summovere bellorum incendia ab Italia cupiebant. Neque Cæsar a pacis studiis averfus omnino videbatur, cum Carolo Engolismensi Duci Mediolanense imperium beneficiario jure se traditurum significaret. At ea res, petente Rege, ut Henrico Aurelianensi Duci concederetur, ad exitum perducere non potuit: id apertis verbis Cæsare pernegante, ne Catharinæ Medicæ uxoris obtentu, Mediolanensi dominatu auctus, Hetruriæ quoque, atque Urbinatum ditionibus nova semper meditantem animum adjiceret. Itaque ostentatæ parumper concordia conditionibus abjectis, Cæsar Roma discedens, per Hetruriam iter arripiens, lustratis nobilioribus illius provinciæ urbibus, tandem Apennino trajecto, ad Astartam urbem contendit. Ibi Fossanum ab Antonio Leva expugnatum fuisse, Franciscum Salassiorum Ducem a Gallo deficientem ad suas partes traductum invenit: summaque virtute, ac militari scientia clarissimos quosque duces ad se vocatos, in quibus eminebant Hernandus Toletanus Albanus Dux, Alphonsus Davalus Vastius Marchio, Ferdinandus Gonzaga, de bello administrando consilia inire cœpit. Nam prospero rerum initio accensus jam omnino sibi Gallias invadendas statuerat, exploratam, & plane certam victoriam sibi pollicitus, si Regem nihil hostile in suo regno metuentem, adhuc inoparatum aggredieretur; qui Helvetiorum auxiliis destitutus, & Belgas in suos fines irrupturos pertimescens, minime in aciem descensurus, ut justo Marte conficeret, videbatur.

Cæsar itaque per maritimas Alpes, ac Tendanos colles cum copiis Provinciæ fines ingressus, a Savonæ portu Andrea Auria cum classe subsequente, primo imperu Antipolim urbem ultra Varum amnem cepit, ac diripuit. Mox nonnullis oppidis deditione in potestatem receptis, ad Aquas Sextias cum exercitu confedit, pendens animi quonam potissimum, an ad Massiliam, vel potius ad Arelatum oppugnandum arma converteret; & in ancipiti consilio cum haud paucos dies commo-

*Cæsari propositio de Mediolanensi Ducatu Engolismensi Duci tradendo.*

*Fossanum a Leva expugnatum. Salassiorum Dux ad partes Cæsario accedit.*

*Cæsar in Provinciâ bellum instituit. Antipolis a Cæsare capta & diripita.*

1536

*Franciscus  
Rex Lugdu-  
ni vires cō-  
strahit.*

*Gallicarum  
partium mi-  
lites in Mi-  
randulano.*

*Morborum  
vis in Cae-  
sarē ca-  
stris.*

*Cæsar Ge-  
nuam regre-  
ditur.*

*Antonii Le-  
væ obitus.*

*Cæsar Ful-  
gosi a Ve-  
netis exilio  
damnatus.*

*Venetī ora-  
tores ad Cae-  
sarem.*

*Petrus Gon-  
zalus Mem-  
dozza, Cae-  
sarē orator  
ad Venetos.*

*Cæsarē va-  
ria propo-  
sitione de  
Mediolanē  
ducatu con-  
ferendo.*

ratus esset, præclaræ gerendarum rerum occasiones effluxere. Nam Rex, qui repentino Cæsaris adventu commotus ea, quæ ad bellum necessaria forent, minime expedire potuerat, inter ea colligendi vires opportunitatem nactus, Lugdunum se contulerat; Germanorum, & Helvetiorum magnis coactis copiis, non modo ad sustinendos Cæsareanorum impetus, verum etiam ad bellum inferendum se comparaverat; ac Italicorum ducum ope, qui Mirandulana in ditione magnam militum manum coegerant, novos motus Genuæ moliebatur. Copiæ Cæsaris, quæ ad Aquas Sextias castrametabantur, multis incommodis vexari, ac fame laborare coeperunt, cui cum gravitas cæli accederet, & per militum vulgus morbi grassarentur, ita ut passim ob frequentia funera castra exhaurirentur, summis undique difficultatibus circumseptus, de invadenda Gallia consilia abjicere coactus, conatu Gallico frustratus, Genuam reversus est; cum Antonius Leva, paci semper adversus, turbidorumque consiliorum auctor, supremum in Gallia diem obiisset. Per eos dies Cæsar Fulgosi, qui tunc Veronæ cum ala leviorum equitum morabatur, cum Senatus injussu ad Gallicas partes fovendas Genuam contendisset, militari stipendio, ac dignitate exutus, perpetuo exilio a Senatu damnatus est, Francisco Galliarum Rege de Venetis plurimum conquerente, quod illius consiliis, & conatibus adversarentur. Cæsari Genuam adventanti quatuor oratores missi, Nicolaus Theupolus, Marcus Antonius Venerius, Marcus Antonius Cornelius, Antonius Capellius.

Atque iisdem fere diebus Cæsar Petrum Gonzalum Mendozzam ad Patres misit, ut de belli eventu, de reditu in Hispaniam certiōres faceret, propensumque ad pacem cum Gallo ineundam animum significaret: Regi trimestre spatium ad deliberandum statuissē, an Mediolanensi imperio Engolismensem Ducem, Christierna ex Francisco Sfortia vidua uxore accepta, præfici veller; ni oblatam conditionem reciperet, Ludovicum Lusitanæ Principem, aut Emanuele Caroli Sabaudie Ducis filium Insubrum titulis decoraturum. Ea in re Senatus sententiam exquirere, & ad strictiora fœdera Italicorum Principum flagitare, ut Italiæ pax, ac tranquillitas nullo hostium conatu labefactari, aut inturbari posset. Senatus

a Me-

a Mediolanensi Duce nuncupando abstinebat; novo se adstringi foedere, Bononiensi excepto, nolebat. Pontifex licet a Senatu de Cæsaris consiliis, & quantis undique periculis Christianæ res jactarentur, admoneretur; attamen ob Camertium negotium denuo susceptum minime parem ad tantam rem conficiendam ardorem afferebat; quamvis Ascanio Columnæ Cæsar Genua discedens Italicarum rerum negotia demandasset, cum medium inter Carolum, ac Franciscum Paulus se futurum ostenderet. Itaque Senatus acriori cura angebatur, quod superioribus nova, atque acerbiora bella suboritura, eodemque præteritorum annorum clades revolvendas animadverteret; cum intestinis dissidiis Ottomanorum quoque virium potentia, ac robur immineret, quos magnas undique copias cogere; classem triremium numero majorem instruere; in Christianos expeditionem moliri, Byzantio nuntiabatur. Dissidentes quoque, ac miserrime de religione certantes, & in se invicem insipientes Principes, ac populi existebant; ut nisi labentibus, & prope ruentibus rebus opportuno aliquo remedio subveniretur, nobilissimas reipublicæ christianæ partes terribilissima pestis invasura foret. Quamvis enim Concilium a Pontifice indictum esset, Mantua civitate in id potissimum delecta, multis difficultatibus hoc summum afflictis rebus subsidium præpediebatur, ut Veneti avitæ Catholicæ religionis studio incensi Viciatiam urbem Synodo concelebrandæ tribuerint. Quibus tandem commotus, atque incitatus Pontifex, legatos in Galliam, & Hispaniam mittere statuit. Augustinus Triultius ad Franciscum; Marinus Caracciolus Cardinales ad Cæsarem proficisci jussi; qui de communi inter Christianos Principes concordia; de foedere adversus Turcas iciendo; ac de concelebrando Concilio agerent.

Variis, atque dubiis adeo casibus humanæ res veluti infano ludibrio miscentis cuncta fortunæ jactantur, ut nil certum hac incerta mortalium vicissitudine, totque incassum insumptis laboribus videatur, dum illi, penes quos summa rerum potestas est, imperii augendi, ac reliquis dominandi inexplibili adeo cupiditate ducuntur, ut bella e bellis ferendo in populorum perniciem, urbium cladibus, & provinciarum excidiis acerbos calamitatum omnium fructus, nullum tranquillitatis, nul-

*Cæsar rerum  
Italicarum;  
negotia A-  
scanio Colum-  
næ deman-  
dat.*

*Concilium  
prius Man-  
tua posita  
Viciatiam in-  
dictum.*

*Pontificis  
legati ad  
Cæsarem &  
Gallia Re-  
gem.*

1536

nullum otii, ac laborum præmium percipiant. Horum omnium non tam novitate mirandum, quam funestis, atque exitalibus cladibus descendum ea tempestate spectaculum vesana concitati animi rabie Principes præbuere. Inde referata barbaris hostibus christianæ reipublicæ viscera; illecta, ac vocata ad certum nostrum exitium Turcarum arma; & Respublica Veneta, in qua præter ceteros Principes pacis ingens studium extiterat, eodem cum reliquis turbine rapta, ac disiecta est: & post triginta, atque amplius annos, quibus pace cum Ottomana gente fruebatur, difficile, & periculosum bellum suscepit; cujus initia, & eventus scribenti mihi, ut rei, quæ Patrum nostrorum ætate gesta est, memoriam illustrem, paulo altius nonnulla repetenda sunt, ut belli causæ, ac veluti semina accurate inspiciantur.

Defuncto, ut diximus, absque liberis Francisco Sfortia, Insu-  
brum Duce, cum Veneti de Italiæ statu vehementer solliciti essent, a Carolo, qui tunc Neapoli morabatur, petierant, ut ad præsentem Italiæ pacem, statumque retinendum Mediolano Ducem daret. Cæsar nihil Italiæ pace antiquius sibi esse; ea in re Venetæ Reipublicæ, aliisque Italis Principibus gratificari velle certa adseveratione pollicebatur. Inde de instaurando Bononiensi fœdere agere cœperat, quod statim iis conditionibus, quæ Bononiæ pactæ fuerant, renovatum est; in quibus, ut sex peditum millibus ad Ducem, quem Cæsar designasset, defendendum, atque interea dum novum Principem eligeret, ad præsentem Insu-  
brum statum conservandum Respublica obstringeretur. Variæ ea de re agitatum est; neque Cæsar, ut Carolum, tertium Francisci Regis natum, Engolismensem Ducem, Insu-  
brum titulo insigniret, alienus videbatur. Verum rebus Italiæ compositis, Hetruria ad suas partes pertracta, Venetis sibi fœdere adjunctis, cum nihil sibi pertimescendum censeret, id secum ipse immobili animi sententia statuerat, ut prædiviti, atque opulenta Insu-  
brum regione, vel ad Italiæ principatum retinendum, vel ad reliquas illius provincias subsidiiis connectendas, situ valde opportuna, nullis casibus exueretur; veritus, ne Franciscus, ea parta, Genuensium, & Florentinorum turbatis rebus, sibi aditum ad Neapolitanum regnum invadendum patefaceret: itaque valido  
cum



cum exercitu Provinciam ingressus, Galliæ regnum adortus fuerat. Quæ res ingenti adeo ira, atque indignatione Francisci Regis animum incenderat, ut nihil, quod ad acerrimum hostem oppugnandum; ac proterendum spectaret, prætermittitur videretur. Venetos sæpius adversus Cæsarem sollicitaverat, haud obscura belli præmia pollicitus, modo amplissimi regni vires, ac focios ostentando, modo, ne potentiæ Cæsaris nimium fiderent, suadendo.

Sed cum eos nuper Cæsari foedere sociatos sibi adungere non posset, & absque illorum ope Mediolanensi imperio potiri difficile admodum fore animadverteret, rem antea per suos nuntios inchoatam denuo cum Suleimano agere coepit, ut præpotentis Principis animum, ac vires in Cæsarem concitaret: quo duo potissimum se consequi posse rebatur; alterum, ut Veneti, qui pacem cum Turcis colerent, ne sibi infensum Suleimanum redderent, atque in se ipsos illius arma lacefferent, a Cæsare juvando abstinere; alterum, ut, classe ad diripienda Apuliæ loca emissa, Neapolitani regni incolas magno terrore concuteret, atque Caroli conatus ab Insubrum imperio ad tuendum regnum Neapolitanum averteret. Itaque ad Suleimani mentem flectendam licet Joannes Forestus, ordinarius Regis legatus, omne studium, atque operam adhibuisset, attamen quo vehementius elati Principis animum nova benevolentia, atque honoris significatione mulceret, Seraphinum Gozium, Epidauriensem, Hyzantium proficisci iussit, qui una cum Foresto nihil, quod ad Suleimani animum Regi conciliandum attineret, prætermittere. Vires, ac potentiam illius mire extollere; peragratis triumphis provincias; devictos populos; remotissimas nationes claudibus afflictas; præferocis, ac victricis gentis impetus vel ad decus augendum, vel ad victoriæ spem maturandam certiori eventu niti non posse, quam si ad nimiam Imperatoris potentiam moderandam, & coercendam, quæ jam cunctis pertimescenda immineret, adhiberentur: haud difficile immensis Suleimani viribus futurum, classe Neapolitanum regnum invadere, parum ad vehementiores bellorum impetus sustinendos instructum; populos superbæ dominationis Hispanorum pertæfos, ac rerum novarum cupidos; facili ex Epiro ad

Hy-

1536  
Francisci  
Regis ad-  
versus Cæ-  
sarem consi-  
lia.

Seraphinus  
Gozius a  
Gallia By-  
zantiâ mis-  
sus.

Gallorum  
cum Sulei-  
mano ad-  
versus Cæ-  
saris officia.

1536

*Ajax &  
Luphibe-  
jus Sulei-  
manum in  
Christianos  
ingreduntur.*

Hydruntem maris trajectu exercitus ad certam prædam ituros. Hæc, atque alia Gallici oratores, ut Suleimani iras in Cæsarem acuerent, differebant; quæ cum ab Ajace, & Luphibejo, quorum ingens erat auctoritas, exciperentur, insito Christiani nominis odio perciti, in aures, atque animum Regis instillabant, ut præclaro suorum majorum exemplo, qui eximias de Christianis victorias retulissent, arma victricia in eosdem converteret; Albægræ, Rhodi, Pannoniæque trophæis nova decora adjiceret; Caroli fastum, atque arrogantiam contereret; ad Italiam invadendam invitari ducum consiliis, militaribus vocibus; ac fato prope ipso admonente, trahi; Salentinorum extremam illius regionem, a conspectu Epirotici litoris parvo maris tractu sejunctam, exiguo labore occupari posse; nondum sexaginta annos effluxisse, cum abavus Mahumetes, Hydrunte capto, universam Italiam summo terrore affecisset; quo tempore, nisi præpropere ereptus fato invictus Imperator haud dubiam spem adventantis victoriæ corrupisset, magna ad totius Europæ imperium fundamenta jecisset. His purpuratorum suasionibus Principis animus supra gentis superbiam gloriæ cupiditate incensus, vehementer commovebatur; atque ab Asiatico bello, quod, longo terrarum tractu emenso, per invia, saltuosa, ac deserta loca exercitus ductando, conficiendum erat, ad Europeum se convertit; cum præsertim potentissimum Christianum Regem suam opem adversus Christianorum Imperatorem obnixè petentem, aspernari, regiæ suæ dignitatis, qua supra cunctos mortales inani opinione se tolleret, minime esse censeret. Itaque Gallicis legatis pollicetur, cum primum anni tempus ad militares actiones obeundas se aperuisset, classe, ac terrestribus copiis Byzantio educatis, adversus Cæsarem arma illaturum.

*Suleimani  
de rebus de  
bello Cæsari  
inferenda.*

*Turcarum  
erigo & in-  
crequentum.*

At quoniam complura de Turcarum rebus nobis erunt postea dicenda, admonet hic locus, ut de illorum initiis, institutis, viribus, bellandi genere brevibus nonnulla attingamus. Constans opinio est, Turcas a Scythis, qui nulla stabili sede, nullis oppidis patentes campos vage ac sparsim trans Tanaim amnem incolunt, originem duxisse. Huic rei fidem facit, quod initio Pontum atque Cappadociam ingressi, exinde ad reliquas finitimas regiones transire: huc accedit vitæ morum-  
que

que similitudo, corporis habitus, & cultus, equitandi, sagittandique ratio, communis quædam ac patria rei militaris disciplina (quodque omnium maxime argumento esse potest) linguæ ejusdem usus, loquendique cognatio. Hi primum parva manu latronum more, passim excursionibus propinquas regiones deformantes, ignobile nomen sortiti, confluentibus subinde ad prædæ famam multis mortalibus, opportunis quibusdam montibus, claustrisque, unde faciles irruptiones fieri poterant, occupatis, adeo excrevere, ut, auctis viribus, sublatisque animis, æquo Marte adversus finitimos de agrorum possessione decertarent; ac mox sive Græcorum negligentia, sive humanarum rerum fatali quadam lege, vel potius Divino, a quo regna atque imperia de gente ad gentem transferuntur, nutu, adeo celeri cursu ad eximie potentie culmen pervenere, ut Pontum non modo & Cappadociam, verum etiam Galatiam, Bithyniam, Pamphiliam, Pisidiam, utramque Phrygiam, Cilices, Cares, universamque eam Asiam, quæ minor vocatur, usque ad Ionie, & Græci maris litora, dum alios alii duces, & varia auspicia per factiones sequuntur, in suam potestatem redegerint. Donec trecentis abhinc circiter annis Ottomanus quidam, neque magni census, neque clari inter suos nominis, gregariorum militum manu collecta, in seditionem versus, grassari passim, vastare, prædabundus excurrere, nec tantum Christianis hostis, verum suæ quoque gentis hominibus infestus, cuncta diripere cœpit. Atque ex domestico bello, intestinisque dissidiis occasionem nactus, ascitis undique, qui prædæ, & rapinarum cupiditate, ceterosque opprimendi tetro, & infano desiderio flagrant, eam brevi auctoritatem, nomenque sibi comparavit, ut oppida aggressus, alia vi caperet, alia deditione subigeret, nonnulla ad metum ceteris incutiendum everteret.

Ottomano vita functo, Orchanes filius successit, qui ausis, dominandique cupiditate patri non inferior, disciplinæ rei militaris gloria eminentior, non modo inchoatum imperium auxit, sed illius latius provehendi fundamenta liberis reliquit. Horum natu major Sulcimanus Bassa, dum pater adhuc viveret, \* qui atque inter Græcos de successionis Imperij disceptaretur, ab altero ex Asia accersitus, cum exercitu primus omnium Hellepontum trajicit, enervatisque dimicantium inter se

1536 se viribus, integer fessos, fractosque adoritur; Callipolium oppidum in Cherroneso ad Hellef Ponti fauces situm occupat. Ex humanis vero sublato duobus mensibus ante patris obitum, Amurathes, alter frater, imperium obtinuit, qui strenue atque prospere in Europa, & in Asia rem gessit, Adrianopolim occupavit, & magnam Thraciae partem subegit. Cum autem bellum Serviae Despoti saevum intulisset, copiis ejusdem non semel profligatis, tandem per fraudem in castris caesus Bajazetem, & Jacupum filios post se reliquit. Jacupo procerum consiliis interfecto, ne qua inter fratres contentio oriretur, res universa ad Bajazetem rediit, qui brevi Thraciam omnem, Thessaliam, Macedoniam, Phocidem, Boeotiam, Atticam sibi adjecit. Sigismundus, superioris Pannoniae Rex, ac Imperator, Danubium amnem cum exercitu transgreditur; verum priusquam universis collectis copiis, atque ex ordine militari instructa acie cum hoste manum confereret, tumultuoso fusus castra, atque impedimenta relinquere cogitur, acriterque hoste insequente, in fugam conversus, vix, parvo lembo, Danubio trajecto, evasit. Exinde instauratis, & confirmatis animis, Turcae audaciores, effracioresque facti, majora agitare, ac moliri coeperunt; nam Bajazetes Byzantium diuturna adeo, ac difficili obsidione vexavit, ut Calojanes Imperator subsidia a Christianis Principibus imploraturus in Italiam, atque in Galliam proficisceretur; dum interea reliqui cives fame pressi, & subsidiis destituti, acrius undique urgentibus, & circumfremtentibus barbaris, de deditioe, nulla spe salutis sibi relicta, cogitarent: quod procul dubio contigisset, nisi Tamerlanes Scytarum Rex, qui torrentis in morem praevalidis stipatus copiis, citato cursu devolvebatur, Bajazetem in Asiam revocasset, collatisque signis, ingenti edita Turcarum exercitus strage, vicisset, victum in potestatem redegisset; in qua captivitate non multo post excessit. Ex filiis Mustaphas unus in acie cecidit, reliqui patris ob calamitatem alii alio fugerunt: tandem, rebus compositis utcumque, Suleimanus primus regnum est adeptus, qui dum res pristinum in statum restituere aggreditur, a Musa fratre bello petitus post biennium interijt. Musa postea, cum quadriennium prope exegisset, Mahumetes primus frater bellum intulit, imperioque dejectum

ob-

obtruncari jussit. Is virtute non modo, & armis, verum astu, ac technis Turcicas res vehementer auxit; Flaviis, sive Flavio, sic enim appellari volunt Valachi, ferocissimis, & bellicosissimis trans Danubium, Euxinum versus mare, late imperantibus; crebris excursionibus labefactatis, gravia tributa imposuit; Turcarum Regulos nonnullos in Asia vi oppressos ditionibus exiit. Eo extincto, Amurathes secundus patriis fretus opibus, ac viribus, Thessalonicam Græciæ civitatem vi captam, expugnatamque diripuit; Aetoliam, atque Epiri partem occupavit; multa Illyricorum oppida vel ditione, vel armis subegit, devicto ad Varnam Ladislao Sarmatiæ Rege. Summa cum reipublicæ christianæ jactura formidolosior effectus, Corinthiacum isthmum (*Hexamylum* vulgo vocitatum) expugnavit, atque evertit; inde in Peloponneso aditu patefacto, Græcos calamitatum variis generibus afflixit; oppidis captis, ad prædamque militibus expositis, ingenti illis imperata pecunia, pacis leges præscripsit. Mahumetes subinde filius hujus nominis secundus Byzantinam expeditionem diu animo meditatus, castello prope litus ad Bosphori ostium, mira dissimulatione usus, incredibili celeritate extructo, atque munito, fœderum religione sprete, bellum Græcorum Imperatori terra, marique intulit. Post quartum & quinquagesimum diem, extrema edita pugna, Constantino Paleologo confosso, principibus; optimatibusque viris (qui mos feræ gentis est) miserandum in modum fœde jugulatis, celeberrima totius orbis urbe est potitus.

*Turcarum  
imperium,  
opes, & ri-  
tus.*

Exin Turcarum vires ejusmodi incrementa susceperunt, ut Christianis Principibus deinceps metuenda, & formidanda existerint. Byzantio enim occupato, quo nulla toto terrarum orbe civitas opportuniore loco sita est, magna reliquis Ottomanicæ genti ad gloriam, atque imperium augendum opportunitas accessit. Quemadmodum superius etiam a nobis memoratum est, ut modo si maritimum Turcicarum ditionum ambitum inspicias, ab Illyrici, quos cum Republica habent, finibus in Epirum procurrant; Peloponnesi, & Græciæ litora legendo Byzantium usque, centena millia passuum vicies censi perveniant. Inde Euxini maris circumflexu usque ad extremos Europæ fines provehuntur. Eadem maris vastitate usque in Aegyptum ad Nilum amnem, quo Asia ab Africa sejungi-

tur,

1536 tur, extenduntur. Africa vero litora excurrando universum cum tractum, qui usque ad Gaditanum fretum protenditur, paucis quibusdam, quæ Hispaniarum Regi parent, exceptis opidis, Turcæ possident, qui sane universus circuitus octogies centena millia passuum complectitur. Neque minori ambitu terrarum, qui a Turcis possidentur, tractus patent; nam licet penitiora Africa non attingant, atque a Lepti Alexandriam versus deserta habitatoribus loca inspiciantur, uberrimi tamen, atque feraces sunt Aegypti agri, imperique Turcici fines adeo sese efferrunt, ut oceanum usque australem pertingant, atque a rubro mari per Adeni, & Gemeni regna ad Euphratem fluvium, atque ad ostia Tigridis in Persicum sinum influentis porrigatur. Latissimos vero ad Tigrim limites cum Persis habent, propius ad Caspium mare accedentibus: exinde Albanis, Colchis, atque aliis nationibus finitimis terminos usque ad Tanaim, qui Asiam ab Europa determinat, protendunt. In Europa vero cis, atque ultra Danubium Turcarum ditio- nes protrahuntur. Pannoniæ, Crovatiæ magnam partem obri- nent, Canisiaque his nostris temporibus capta, quatuor die- rum non amplius itinere ab Italia distant.

Tot maris, ac terræ tractus Turcarum Regis parent impe- rio, quod nullis coercitum legibus in subditos exercet, per- que præfectos, qui *Begliebergbi* vocantur, administrat; ii vi- ginti numero, plures modo censentur. Maris præfectus acce- dit, qui maritimis oris, atque insulis præest. Navalibus, ac pedestribus opibus mirum in modum Turcæ pollent: centum ac quinquaginta quinque millia equitumalunt, quorum octo- ginta millia in Europæ finibus, sexaginta in Asia continentur, *Spachbi* eorum lingua vocitantur; iis agri (*Timaros* dicunt) tribuuntur, ex quorum proventu equos in bellum expeditos sustentare queant; neque ob id quidquam de regiis thesauris decedat; reliquis autem, qui millia quindecim censentur, ære publico stipendia solvuntur. Pedestrium copiarum robur in prætorianis, qui *Janzzeri* vocantur, militibus situm est; duodecim circiter millium numerum efficiunt; horum forti- tudine, ac bellica virtute ingentia Turcæ facinora edidere. Incredibili cura educantur, atque a teneris annis militaribus studiis assueti, corpus laboribus, animum spernendis periculis, ad

ad præclara quæque audenda promptum, atque expeditum assuetudine nanciscuntur. Præfectum illorum *Agam* dicunt; per varios militiæ gradus evecti ingentes divitias, & auctoritatem sibi comparant, ut supremas quandoque dignitates adipiscantur. Ante Byzantium captum nullum Turcis maritimarum rerum studium, nulla disciplina; mox cum ad amplificandum imperium, maritimum quoque robur necessarium esse animadvertenterent, navalia extruxere, in quibus magnum triremium, atque aliorum navigiorum numerum compingi, & instrui curarunt, quæ ad ea conficienda requiruntur, eorum regionibus abunde suppeditantibus, cum e ponto Euxino incredibilis lignorum copia suppetat. Verum neque præfectorum, nautarumque virtute, neque navigiorum forma, neque remigum, & epibatarum militum usu cum nostris comparandi sunt. Tria porro hominum genera Turcicas ditiones incolunt, Asiam, atque Africam *Musulmani*, idest recte sentientes (ita enim Turcæ vocari volunt) licet in ea Mauri numero præstent. In Europa plerique Christiani sunt, in quos ita sæviunt, ut intoleranda quæque perpeti coacti, prorsus desperati vitam agant, neque bello, aut pace ad ulla publica obœunda officia vocentur, iis tantum adhibitis, quibus stipendia publica conferuntur: quo militiæ genere si exuantur, ægre novos delectus, vel supplementum copiarum addere valeant: hoc sane incommodo Christiani Reges, ac Principes eximuntur, cum ex frequentissimis regionibus, ingentique multitudine refertis innumeris, classico concinente, ad stipendia accipienda convolent.

Ceterum, quod magis mirere, illud est: tantam, tamque immensam imperii molem iis hominibus inniti, qui sacrosanctæ christianæ religionis mysteriis a sui ortus primordiis initiati fuere: penes hos arma sunt, ab iis regna, & provinciæ administrantur. Illud enim ex prisca consuetudine inolevit, ut quotannis fere per provincias mittantur, qui adolescentes ex Christianis parentibus prognatos deligant, quos nonnunquam a patrum complexu, matrumque sinu per vim, inaudito crudelitatis exemplo, abstractos, Byzantiumque abductos, illecebris, ac præmiorum proposita spe, ad suæ religionis instituta allicere contendunt; ni obtemperent, sæpe invitos,

*H. Mauroceni T. I.*

E c

cir-

circumcidunt, atque Christi sacra ejerare cogunt. Accidit præterea, ut vel devictis, ac domitis provinciis, vel terra, marique prædabundi excurrentes, multos mortales captivos efficiant: iisdemque artibus tenella ætate ephebos in suam sectam pertrahunt, atque ex iis, qui præclara indole indicia futuræ virtutis præferunt, sæpius Regi dona exhibentur. Ex omni numero selecti, quos vel oris decus, ac pulchritudo, vel membrorum firmitas, atque artuum robur ad certum egregie factorum decus ortos significant, intra septa regia educantur; pro cuiusque virtute in spem amplissimarum dignitatum aluntur, atque ad primum *Visiratum*, qui post Regem summus honos habetur, aspirante fortuna, extolluntur. Qui vero inferioris notæ, cum quintum ac vigesimum annum attigerint, ex iis prætoriani milites, *Jannizzeri* nempe, eliguntur; neque præter hujusmodi hominum genus, alii ad honores, ac stipendia regia admittuntur, licet posterioribus temporibus vel gratia, vel pretio nonnulli ex indigenis Turcis ad militaria munera, atque ad gubernacula provinciarum pervenerint. Sed quemadmodum arma, atque imperitandi ratio penes eos est, qui olim Christi sacramenta susceperant, ita quæ ad sectam, ac leges pertinent, ab iis, qui eorum religionem cum lacte hauserint administrantur. Ex quorum genere templorum, ac fanorum, quas *Meschitas* vocant, ad religionem procurandam rectores, ac æditui deliguntur. Eorum filii cum primumadolescere cœperint, legem, quæ *Alchorano* continetur, edocentur; inde juri populis dicundo in oppidis, atque civitatibus constituuntur. Exequendi jus ad eos, qui arma tractant, spectat, caput ac princeps religionis *Muphtis* est, a Rege delectus; is magnam auctoritatem obtinet, summaque in existimatione est: illum tanquam oraculum adeunt. Præcipiendi atque imperandi experts cum sit, cuius tamen ex lege illum consulere licet, strictim re-exposita, quid juris, atque æquitatis, exquirere: qui perbrevis responso (& *fa* appellant) quid censeat, significat: tantumque in eo ponderis est, ut illi contradicere sit nefas. Gravissimis de rebus quæ ad summam imperii pertinent, Rex, justitiæ, ac religionis opinionem affectans, ab illo sententiam



riam poscit, ut religione tactos subditos ad ea, quæ animo meditatur, conficienda facilius flectat; licet is assentando plerumque propensionem illius explorans, quo mentem inclinare perceperit, ei sententiæ adhæreat; quam etiam, si ita conducere videatur, probabili causa inventa, immutare solitus est, eodemque intendit, quo cupido Regis inflectitur. Pauca hæc de Turcarum origine, institutis, moribus dixisse sat sit. Nunc institutum ad opus redeamus.

Cum Suleimanus, gloriæ avitæ æmulus atque heres, Gallicis rebus opem ferre statuisset, quo, Cæsaris potentia depressa aut valde imminuta, nancisceretur aliquam opportunitatem ad Italiam, aut etiam Germaniam armis invadendam, in eo Galliæ Regis legatis suadentibus; enixe laborandum duxit, ut Venetos ab amicitia, ac foedere cum Cæsare inito sejungeret. Janusbejus regium interpretem (*Dragomanum* a Turcis dictum) Venetias misit, qui Senatui exponeret, ingenti cum terrestri exercitu, tum classe Byzantio moturum: Patres hortari, ut, quibus ille socius, vel hostis esset, eosdem sociorum, atque hostium loco haberent; se quæ ad Venetos spectarent inviolata, integraque conservaturos; in eadem, quam cum Republica hæcenus pacem coluerat, permanfurum. Hæc Suleimani legatio vehementer Senatum perturbavit, cui satis exploratum erat, quorsum Patrum animi pertentarentur, quibusve impulsoribus ea decreta legatio fuisset. Ac sane quamvis iusta indignatione commoverentur, quod insueta, atque inexpectata liberæ civitati ea petitio fuerit; attamen veteri prudentia iracundiam se se efferentem cohibere, ac molestiam inde perceptam premere cum satius ducerent; re mature disceptata, ac discussa, paucis; gravibusque verbis Senatusconsulto responsum est: cum omnibus gentibus pacem sibi, atque amicitiam intercedere; eandem cum Ottomanis Principibus per multos annos constanter servasse; vigere idem in Senatu erga pacem cum Suleimano studium, ut majori declaratione minime ea in re opus esset. Responsum hoc haud graviter tulit Suleimanus, quippe qui multa, eademque illustria virtutis semina animo recondere, ingeniumque in æquitatem propensum, atque ad justitiam proclive fortitus esset. Verum non deerant, qui amicum Principem in Rempublicam extimularent, oc-

*Janusbejus  
Suleimani  
legatus ad  
Venetos.*

*Senatus re-  
sponsum.*

1536

*Venetii mercatores & eorum mercimonia a Turcis intercepta.*

*Alexandri Contareni navis a Turcis capta.*

*Decumae Turcis Venetis mercatoribus impositae.*

calionesque maligne quærent, quibus infensum Venetis redderent, ac sensim ad bellum aperte cum Republica pertraherent. Inde nonnulli Veneti mercatores, qui negotiorum causa Byzantii, atque in aliis Ottomanici imperii locis morabantur, falso criminum obtentu, in carceres detrudi iussi, eorum bona fisco adjudicata. Alexandri Contareni navis variis, iisdemque pretiosis onusta mercibus, non longe ab insula Cipro, cum falso piraticam dicerent, a Rhodiensibus triremibus capta. In Syria decumæ mercimoniis, quæ a Venetis asportarentur, impositæ: literæ Nicolai Justiniani, Reipublicæ apud Suleimanum legati, haud semel resignatæ. Quæ omnia a Turcis fieri comperitum erat, quod Rempubicam foedere cum Cæsare infestissimo illorum hoste adstrictam esse moleste ferrent; ob idque Mustaphas, præcipuo inter purpuratos loco, haud obscuris verbis eam ob causam Venetos iratum Suleimanum experiri, illius vires, atque impetum merito in se provocasse significaverat.

Hæc alieni, atque hostilis animi haud dubia argumenta Patres magnopere commovebant, gravissimique belli onus Reipublicæ incumbere providebant; quamvis eodem tempore Thomas Mocenicus extra ordinem legatus ad Suleimanum, ut partes illi in Perfide victorias gratularetur, missus, perhumaniter habitus fuisset, atque Ajax illi inclinatum ad veterem amicitiam servandam Suleimani animum testatus esset: modo paribus, ut decebat, officiis propensæ in illum Reipublicæ voluntatis signa ederentur; quam semel pollicitus esset fidem nunquam fallere consuevisse; quæ adversus mercatores, ac Venetorum navigia acta fuerant, ea injussu Principis contigisse. His per literas Byzantio missas intellectis, in ancipiti rei exitu ambigui Patres versabantur; hinc injurias illatas non obscura belli indicia, inde benevolentiae signa in Thomam Mocenicum legatum, & Ajacis de pace sermones æstimantes: cum plerisque verisimile non videretur, Suleimanum, qui Principum Christianorum vires, studiaque optime nosset, præcipiti consilio bellum Venetis inferendo, adversus se duas classes incitare, ac Rempubicam, quam amicam habebat, simul cum Cæsare hostem experiri vellet, quæ per triginta sex annos pacem cum Turcico imperio constanter servasset, atque in neutram inclinando partem, æquabili temperamento ita se gessisset, ut nulla inde Otto-

ma-

*Thomas Mocenicus extra ordinem ad Suleimanum orator.*

manis Principibus damna, aut incommoda pervenissent. Sed nondum vulgata Suleimani expeditione, multa non in vulgus modo, sed inter prudentes, ac rerum humanarum haud ignaros variis sermonibus dispergebantur; nonnullis in regnum Neapolitanum arma comparari; aliis in Adriaticum sinum classe immissa, Segniam petiturum dicentibus. Neque deerant, qui crederent, Chariadeni suasionibus, atque impulsu ad delendam ignominiae notam superiori anno a Cæsare in Tunetana expugnatione ceptam, in Africam universum belli apparatus effusurum. Plerique bellum adversus Venetos moturum minime vana adseveratione ajebant; Corcyramque insulam, maritimis rebus olim florentem, atque ad invadendam Italiam loco opportuno sitam, oppugnaturum.

## M. D. XXXVII.

**I**Nsigne ineuntis anni M. D. XXXVII. exordium immane Laurentii Medicei facinus effecit, quo Principi optime de se merito & propinquo necem, hosti vero longe infestissimo principatum, sibi tandem perniciem imprudenter conflavit, cum decus intempestive ac dementer peteret restituendae pristinae Florentiae libertatis. Nam gratia, qua maxima pollebat, turpiter abusus, assentatione foedisque obsequiis Ducem Alexandrum in obscœna flagitia & fraudes inductum sibi ita devinxit, ut insidianti caput stolidè committeret. Rei gestae ferres celebris est, atque pervulgata, & a scriptoribus multis prodita memoriae; hæc pauca memorasse satis mihi fuerit ad propria eademque gravissima multum festinanti. Cum de bellico Turcarum apparatu fama augetur, triremes, atque omnis generis navigia aut ædificari, aut sarciri, ut ad trecentorum numerum accessura viderentur; machinas ad bellum opportunas, atque in primis ad expugnanda oppida, atque urbes accommodatas, sedulo instrui; commeatus studiose colligi; Græciae summum præfectum, quem *Bekierbegum* Turcæ vocant, Byzantio profectum, ad Scopiam Macedoniæ urbem, quam Heracliam Sincicam fuisse nonnulli affirmant, pervenisse; magnum undique militum numerum cogere, Suleimanoque castra parari;

H. Mauroceni T. I.

Ee 3

rari;

1537

*Veneti op-  
peratus ad  
bellum Tur-  
cium exci-  
piendum.*

rari; illum veris initio Aulonem venturum, qua in urbe pa-  
nis nautici ingens in classis usum copia parabatur. Senatus  
cum barbarorum fidem jamdiu suspectam haberet, non am-  
plius cunctandum ratus, totum se ad belli studia convertit:  
delectus militum haberi; ditionis maritimæ oppida mayo-  
ribus præfidiis firmari; tormentarium pulverem, commea-  
tus, quæque ad hostium impetus sustinendos necessaria, at-  
que opportuna viderentur, quamprimum mittenda curavit:  
in peramplo navali, quod egregio, ac prope stupendo o-  
pere exædificatum, magnum navigiorum, atque omnis ge-  
neris fabrorum, & artificum numerum, qui publico ære  
aluntur, continet, intentiore cura veteres triremes refici;  
novæ ad quinquaginta numerum ædificari; majoresque tri-  
remes, præcipuum belli pondus, summa sollicitudine instrui,  
ut centum triremes in usus belli adornarentur, decretum.

*Hierony-  
mus Pesa-  
reus classis  
imperator.*

*Andreas  
Capellius,  
Hieronymus Braga-  
denus, Ja-  
cobus Cor-  
nelius Pro-  
curatores.  
Veneti decum-  
mas a Pon-  
tifice petitis.*

Classis imperator Hieronymus Pesareus deligitur; pecunia  
summo studio conquiritur; atque ut privatis opibus ad pa-  
triam juvandam aliquo honoris præmio cives divitiis florentes  
allicerentur, tres divi Marci Procuratores creantur, An-  
dreas Capellius, Hieronymus Bragadenus, Jacobus Cor-  
nelius: singuli duodecim aureorum millia in ærarium con-  
gessere. A Pontifice ex sacerdotiorum decumis ducenta au-  
reorum millia petita, ab eodem varias neſtendo moras dila-  
ta. Artificum civitatis collegia certum remigum numerum in  
armandas triremes tribuere jussa: oppidis, quæ Veneti ducatus  
limitibus comprehenduntur, triremes imperatæ; Clodien-  
sibus binæ, trierarchorumque eligendi jus concessum; Laure-  
tanis, atque iis, qui Caput aggeris incolunt, totidem; Mu-  
rianensibus, adjacentibusque parvis insulis itidem duæ. At-  
que ut magnarum rerum negotia exactiori indagine, ac ma-  
turiore prudentia discuterentur, majoribus Præconsultoribus  
tres adjecti fuere, quos *Adjunctos* vocarunt: magistratum  
primi iniere Thomas Mocenicus, Nicolaus Bernardus, Mar-  
cus Antonius Cornelius, longo rerum usu inter insignes Se-  
natores connumerati. Auxiliis ab humana ope, atque industria  
petitis, vetere, ac religioso Reipublicæ instituto ad Deum  
Optimum Maximum ac superos versæ mentes; ad templa to-  
ta civitate supplicationes habitæ; in piis preces cunctis civita-

*Præcon-  
sultores a Se-  
natu aliis  
adjecti.*

*Supplicatio-  
nes Venetiis  
habita, &  
frumenta  
egenis tri-  
buita.*

tis

ris ordinibus effusis, egentibus religiosis viris frumenti festarii ad quadringentos ex publicis horreis tributum. 1537

Cæsar eodem tempore gravi cura cum Neapolitano regno, ac Siciliæ, tum Africanis rebus prospiciendum ratus, magnam Hispanorum militum manum in Italiam traduxerat; Andree Aurie classis præfecto mandaverat, ut quanta posset diligentia triremes in omnem belli aleam pararet, ac quamprimum Neapolitanas, Siculas, & Melitenenses sibi adjungeret. Verum multa in id tempus inciderant, quæ Cæsarem variis curis distractum, ne cunctos nervos in Turcicum bellum intenderet, remorabantur. Nam cum Alphonfus Vastius, magna vi fere omnibus iis oppidis expugnatis, quæ superiori anno in Subalpinis Galli ceperant, Taurinum, quod reliquum erat, oppugnaret; debilitata, ac prope eversa suorum fortuna permotus Galliarum Rex, incredibili celeritate coacto Germanorum, Helvetiorum, atque Italarum exercitu, Lugdunum se contulerat: inde Henrico filio cum Momorantio, expeditaque copiarum parte præmisso, ipse cum Germanorum circiter septem, Helvetiorum sex, Italarum quatuor millibus subsequēbatur, præter Vascones, ac Gallos, succedente graviore equitatu, atque bellicis machinis, Alpes quamprimum transgressurus. Quibus Regis conatibus ut Cæsar obviam iret, illumque ab Italia invadenda revocaret, in Belgio ingenti numero copiarum pedestres, tum equestres cogi jusserat, ut ab ea parte finitimas Galliæ regiones aggrediretur. Huc quoque accesserat, quod Regem Genuense bellum moliri percrebuerat; qua ex re illius Reipublicæ cives perterrefacti, discessum Aurie cum suis triremibus in ea universæ urbis trepidatione, ac periculo permittere volebant.

Suleimanus Byzantio egressus, Thracia peragrata, ac Macedonia emensa, Scopiæ parum commoratus, per Albanos arrepto itinere, cum universo exercitu ad Aulonem pervenit. Nec multo post Luphtibejus, & Aheneobarbus cum classe ab Hellesponto egressi, Maleæ promontorio superato, ad Ficerium, oræ Leucadiæ portum, perennibus fontibus valde aquationibus opportunum, substitere. Trecenta, atque amplius navigia numerabantur, in quibus ducentæ ac viginti tri-

*Alphonfus Vastius Taurinum oppugnat. Franciscus Rex Lugdunum prope eversa suorum fortuna permotus Galliarum Rex, incredibili celeritate coacto Germanorum, Helvetiorum, atque Italarum exercitu, Lugdunum se contulerat. Henrico filio cum Momorantio, expeditaque copiarum parte præmisso, ipse cum Germanorum circiter septem, Helvetiorum sex, Italarum quatuor millibus subsequēbatur.*

*Suleimanus ad Aulonem exercitum ducit. Luphtibejus & Aheneobarbus cum classe ad Leucadem.*

1537 remes ; reliquæ biremes , myoparones , atque alia minora navigia : militum extra ordinem ad decem millia , qui duodecim præfectis , quos *Sangiacos* vocant , parebant , ac quatuor prætorianorum millia ( *Faniezeros* appellant ) censebantur . Universæ classi Chariadenus præerat ; penes Luphtibejum , utpote qui Suleimani personam sustineret , illiusque vexillum gestaret , summa consiliorum , ac rerum erat . Cum adhuc incertum esset , in Neapolitanum regnum , an in Venetos terrestres , maritimique belli moles incumberet , quisque suis rebus consulere ; omnes barbarorum motus interiori cura observare ; nec dum certa expedire , aut inire consilia . Auria Genua solvens , Centumcellas prætervectus , cum pontificias triremes adhuc instructas non invenisset , in Mamertinum fretum se contulerat , ut ex Neapoli , Sicilia , atque aliis ex oris triremes , quas præstolabatur , cogeret : cum vero neque viribus , neque numero par ad certamen cum hoste incundum esset , cum selectis triremibus , reliqua classe relicta , in altum provehi , ac quotquot posset , Turcarum ditionibus incommoda , & damna inferre statuit .

*Andrea  
Auria con-  
siliū de in-  
commo-  
dis  
Turcis di-  
visionibus in-  
ferendis.*

Veneri cum primum classem Turcicam Methonem attigisse , atque Pesareum imperatorem ad Corcyram pervenisse intellexerunt , inter ambiguas belli , & pacis spes , quidnam potissimum decernerent , quidve Pesareo mandarent , non satis expedire poterant : venientine , ut ferebatur , in Adriaticum sinum Chariadeno Corcyræ cum tota classe subsisteret ; an anteverso itinere triremes Turcicas a tergo relinqueret . Erant qui antevertendum arbitrabantur , ne Reipublicæ oppida , atque urbes in sinu Adriatico sitæ Turcarum prædæ , ac libidini objicerentur , ac ne triremibus , quæ in Dalmatiæ ora , atque Venetiis parabantur , aditus ad reliquam classem intercluderetur . Alii contra minime tutum , nec e Reipublicæ dignitate fore censebant , Corcyram , Ionii maris insulas , ceterasque Reipublicæ ditiones nimis prono in timorem consilio deferere . Nonnullis media quædam ratio probabatur , nempe ut , divisa classe , sinum Adriaticum Turcis ingredientibus , Pesareus imperator cum Alexandro Contareno legato , ac quadraginta selectis triremibus in Ionio circa Corcyram moraretur ; reliquas ad triginta cum Francisco Paschalico altero

le-

legato in oram Dalmatiæ mitteret : Chariadeno cursum in Apuliam intendente, ne Corcyra discederet; verum Divi Angeli promontorio superato, atque in Picenum, & Flaminiam navigante, illum quæcumque moliretur diligentissime observans, insequeretur. Aliis denique illud placebat, ut anceps consilium, quod variis rerum eventibus inturbare poterat, imperatoris prudentiæ permitteretur. Inter has dissentientium Senatorum sententias illam Senatus est amplexus, qua Pesareum Corcyræ subsistere juberetur. Mox (quod antea factum non memorabatur) ut alter classis imperator ad sinus Adriatici tutelam deligeretur, Senatusconsulto decretum est, penes quem, Pesareo absente, summa auctoritas foret, præsentem obtemperaret; Joanni Viturio id munus majoribus comitiis delatum est. Is statim in Dalmatiam profectus quadraginta sex triremes, præter biremes sex, coegit. Pesareo quinquaginta quatuor triremes, ac duæ naves majores aderant; harum alteri, quam *Galeonum* vocabant, Albertus Contarenius, alteri Jacobus Armerius præerat. Verum adhuc in ambiguo versabantur, an totius cogendæ classis auctoritas Pesareo tribueretur, an incerto inter pacem, ac bellum tempore sejunctas maritimas vires esse præstaret: eam rem omnem diversis sententiis in Senatu agitatam permittere imperatori placuit.

*Mandata  
Senatus ad  
Pesareum,  
classis impe-  
ratoris.*

*Joannes  
Viturius le-  
gatus in  
Adriatico  
est imperio.*

Interea nullum officii genus Cæsareani prætermittebant, suadendo, rogando, flagitando, ut Senatum ad classem cum Andree Aurie triremibus conjungendam impellerent; haud parva vel ad Reipublicæ Venetæ incolumitatem, ac dignitatem, vel ad totius christianæ incrementum inde profectura: ne Suleimani amicitiam semper suspectam, Caroli Imperatoris, cujus mirifice propensus in Rempublicam animus extaret, societati anteferrent: conjunctis Venetorum maritimis viribus, quæ prisca navalium rerum disciplina numero, & robore plurimum possent, cum Cæsareana classe, quid non audendum? quæ victoriæ præmia ex insolenti hoste non referenda? Ad id quoque Andreas Auria Pesareum hortabatur, ingentia illi, ac prope confirmata certi eventus decora, assueta jactatione ostentans. At Senatum, quin Cæsareanorum postulatis assentiretur, id præsertim permovebat, quod ultro grave cum potentissimo hoste bellum suscipiendum non arbitraretur; ac nondum atrox

*Cæsareanorum officia, ut Venetam classem sibi adjungeret.*

quid-

1537 quidpiam in Rempublicam Suleimanum gerentem laceffere, tutum suis rebus minime cenferet. Ex hac nutantium consilio-  
rum varietate ad pristinam spem Venetos sibi obstringendi cre-  
ctus Galliarum Rex, Guidonem Rangonium Venetias misit, qui  
secretius Collegium, Decemvirum magistris praesentibus, adiit.  
Multa de Francisci in Rempublicam benevolentia, de iis,  
quae a Gallis superiori tempestate egregie pro Venetis gesta  
fuerant, graviter est loquutus: mox de praesenti rerum sta-  
tu accurate differuit: tandem, ut a Caesareano foedere ab-  
tractum ad Galli amicitiam Senatum flecteret, vario, ac mul-  
tiplici orationis genere usus est. Nonnunquam, ut imperii cu-  
pidine tactos Patres alliceret, Cremonae urbem, univcrsum  
Abduae Glareanae tractum, praemia belli Mediolanensis osten-  
tabat. Regis auctoritatem, ut Flaminiae urbes ad pristinum  
Reipublicae jus revocaret, pollicebatur; Hydruntem, Brundu-  
sium, Monopolim, Tranium, Pulinianum, atque eam Apu-  
liae oram, quae olim Venetis obtemperaverat, accessuram. Mo-  
do Regis certam operam ad belli Turcici, quod tunc Vene-  
tis haud ambiguo cunctorum iudicio immineret, suspicionem  
discutiendam spondebat; inde summa cum dignitate contro-  
versias, quae cum Suleimano intercederent, mercatoribus li-  
bertate tributa, sublati mercimoniorum decumis, Alexandri  
Contareni navi restituta, componendas fore. Haec a Rangonio  
Patribus exposita varia animorum agitatione excepta fue-  
re: re saepius in consultationem adducta, huiusmodi decretum  
Praefultores ad Senatum tulere, quo Rangonio responde-  
retur: Quammaximas Senatus posset Regi de propenso illius  
in Rempublicam animo, regiisque pollicitis agere gratias:  
ceterum quod ad societatem attineret, ex iis, quae superiori-  
bus tempestatibus a Venetis gesta fuerant, haud obscure qui  
illorum animus, quae mens in amplissimum regnum esset, in-  
spici posse; si occasio se obtulisset, paria Rex a Venetis ex-  
pectaret.

Oratio  
Marci An-  
tonii Cor-  
nellii.

Unus e Praefultorum numero Marcus Antonius Corne-  
lius, continentis Sapiens, erat, qui *rejiciendam prorsus Gal-  
lorum societatem, Rangonioque significandum cenferet, ob in-  
stauratum nuper cum Caesare foedus, quin aliquid illi adver-  
sum pacisceretur, fide publica Senatum obstringi: at pro sua*  
in



in Galliarum Regem observantia, ac studio, atque illius in Rempublicam benevolentia sibi polliceri quidquid officiis, & auctoritate posset, ut Reipublicæ Suleimanum conciliaret, adhibiturum. Quot, quantisque periculis Venetos objicerent, qui societatem ineundam cum Gallis censerent; Cornelius disserebat: alienum esse a majorum instituto fidem semel datam violare, neu quisquam imperii amplificandi spe duceretur, ni prius immensos sumptus, innumeros labores, ingentia bella animo versaret, quæ procul dubio subeunda, atque in incertum viæ exitum jactandi forent: quanti Cremona, atque alia Abduanæ Glaciæ oppida majoribus constitissent, expenderent, qui, cunctorum in se Principum invidia excitata, eosdem Gallos, quos ad incrementa imperii adjuutores habuerant, acerrimos hostes experti fuere: inde quot Reipublicæ clades illatæ; quibus agitata, ac pene submersa fluctibus fuisset, neminem ignorare: sumpta non modo ad recuperandum imperium, sed ad Italiæ libertatem, ac decus tuendum generoso ausu arma olim fuisse; ut Insubres in Ducis potestate retinerentur, decertatum; Gallos bis vel ob Regis, vel ob filiorum libertatem absque socia, & fœderata Republica pacem cum Carolo sanxisse, ut eodem tempore terra, marique gravissimi belli pondus sustinere Veneti cogerentur: tandem nullis laboribus concussos; pace oblata potius, quam quæsita, præteritis calamitatibus finem impositum: ~~hanc ne vana spe latius dominandi~~ corrumpere: cogitarent bellorum initia facilia admodum, exitus difficiles; illa in nostra voluntate, bos in arbitrio fortune sitos esse: Regum ingenia, amicitias propria tantum utilitate emetiri solita: si Mediolanense imperium summis votis a Francisco expetiturum a Carolo objiceretur, an non omnia fœderum jura, ut illo potiretur, ultro statim abjaceretur? quo casu quid Reipublicæ durius, quid acerbius evenire posset? Neque vero quos spes non alliceret, eosdem Suleimani bellum minantis timore percelli oportere, atque Caroli fœdere abjecto, in nova Gallorum societate satis præsidii ad pacem situm esse existimare; quos enim sponsores, aut vades de Suleimani animo Galli præstarent, quin, Casare infenso, latissimum iter ad Reipublicæ imperium invadendum sibi præmuniret, ambiguitate penitus abjecta, qua modo summo perire vereretur, ne maritimis

Vc.

1537 *Venetorum cum Cæsare consociatis armis, neque ad certaminis aleam subeundam, neque ad obsistendum pares vires adhibere posset? Hæc gravi admodum, ac vehementi oratione a Marco Antonio Cornelio disceptabantur, ut Senatum a Gallis penitus avulsum in Cæsareano foedere retineret.*

Oratio Leonardii Haimi.

Contra vero Leonardus Haimus, qui majorum Præcon-  
sultorum numero erat, acerbo nimis *Senatus decreto amicam Reipublicæ Regem laceßere, neque moris esse, neque a Reipublicæ detrimento sejunctum censere: non eas esse temporum rationes, ut fœdera cum Gallis sancirentur; attamen minime illorum societatem spernendam: recondere inimicitiarum, atque odiorum semina summos Principes consueßse, quæ sæpius in auctores erumperent: id vero summo consilio, prudentissimo Senatus instituto, postquam præter ceteros Principes Imperator, & Galliarum Rex eminent, effectum fuisse, ut quantum in se esset, illorum potentia, ac vires, æquabili veluti lance librata, consisterent, ne alter nimis incrementis auctus, formidolosior ceteris fieret, adspirantisque fortunæ illecebris corruptus, in reliquos insurgeret: his artibus Rempublicam veluti e scopulosi maris æstibus ereptam fuisse: cur igitur modo vetusta Gallorum gentis amicitia obliti, ita Cæsari vellent adhaerescere, ut Regem Reipublicæ amantissimum, cujus difficilimis temporibus auxilia experti essent, omnino insensum sibi redderent? ac semina Italici belli eo perniciosiora jacerent, quod eodem tempore & propinquæ belli faces in Gallia Cispina accenderentur, & communes christiani nominis hostes ob nostra dissidia vehementius sævire, maritimaque ditionis Venetæ loca possent acrius invadere? Neque vero Galliarum Regis auctoritatem ad Suleimani animum placandum, ac periculosissimum bellum a Republica avertendum, parvi æstimandam, quem satis constaret ingentis hujus ex Helleßponto emittendæ classis auctorem fuisse. Unum Cæsarem utrosque communem hostem habere; in illum hæc arma parata, ni immaturo consilio in Rempublicam convocarentur. Quocirca difficilimis in rebus opportuna cunctatione utendum, sæpius evenire, ut quæ humanæ prudentiæ opem effugiunt, mora, ac tractu temporis discutiantur. Hæc, orationis summa gravitate, atque auctoritate ad mitigandos Patrum animos, ne nimio ardore concitati*

tati extrema consilia amplecterentur, ab Haimo afferebantur Senatores in Cornelii sententiam frequentes ivere, Rangoniufque, uti ille censuerat, v. kalen. julii dimissus est.

1537  
Guido Rangoni  
legatus a Venetis  
dimissus.

Dum hæc gererentur, nuntii supervenere, classem Turcicam Corcyraeum fretum prætervectam, tribus bombardarum ictibus amice, lege militari arcem consalutasse; totidem tormentis displois, nostros amicitiae signa reddidisse, classisque præfectum, atque insigniores duces ab imperatore Pesareo de more varie donatos, sui Regis pacis cum Venetis servandæ studium testatos; quod re ipsa præstitere, duobus Epibatis ad unius triremis malum appendi jussis, quod nonnullos Acroce-raunios captivos fecissent: edicto insuper cavere, ne quis Venetorum subditis detrimenti aliquid inferret; qui secus fecisset capitali poena plecteretur. Quæ cum Senatorum animos ad spem pacis erexissent, classis imperatoribus injunctum est, ut ab iis, quæ Turcas in nostros elicere possent, abstinerent, congressus illorum devitarent, sin casu in ipsos inciderent, cuncta benevoli animi signa ederent; haud exigua spe freti, Suleimanum bello regnum Neapolitanum petiturum. Jam enim Luptibejum, & Chariadenum ad Salentinorum voluntates explorandas miserat; qui cum Brundisium, & Hydruntem firmis munita præfidiis intellexissent, ab Hydruntino promontorio in sinum Tarentinum flectentes, Castrium oppidum, Mercurini, Catinariæ Ducis, deditione receptum, adversus pactam fidem foede diripuerant, homines, ac pecora toto Salentino litore Turcis intercipientibus, ut universa ora a Tarento Brundisium usque magno timore concuteretur. Hippagogis equites in terram descenderant; aditum, cuncta vastantes, Suleimano præmuniverant. Ipse moræ impatiens in Italiam, quæ ob oculos versabatur, iter moliebatur, ut tandem qui diu suspensas mortalium mentes detinuerat, expeditionis finis conspiceretur. At vel nostrorum temeritate, vel fortunæ malignitate, vel certe irato, quod negari non potest, in mortalium errata Divino Numine, vehemens, ac immanis illa procella in Venetos delata est: cum ex parvis initiis paulatim surgentia maximarum rerum momenta eam pestem Reipublicæ intulerint.

Mandata  
Senatus ad  
classium im-  
peratores.

Castrum a  
Turcica  
classis ca-  
ptum.

Suleiman  
decreto  
de Italia  
invadenda.

Nam Simeon Nassius, urbe Jadera ortus, triremi Dalma-ticæ

1537

*Simō Naf-  
sius, Jan-  
dertius  
trierarchus,  
navigium  
Turcicum  
demergit.  
Janusbejus  
a Suleima-  
no ad Pesa-  
reum mitti-  
tur.*

*Janusbejus  
a Venetis  
trierarchis  
in fugam  
versus ab  
Acrocerau-  
nis capitur.*

*Janusbejus  
Francisci  
Zeni opera  
liberatur.*

*Suleimani  
efficiunt  
Jacobo Can-  
nali legato.*

ricæ præfectus, cum forte in Turcicum navigium, quod com-  
meatu onustum ad Aulonem iter intendebat, incidisset, ac  
nautæ usu recepta consuetudine vela, uti superiori, demitte-  
re noluissent, majori tormento excusso, disiectum, ac perfo-  
ratum demersit. Ea re vehementer commotus Suleimanus,  
iracundia repressa, Janusbejum, qui superiori anno Venetias  
profectus fuerat, cum duabus triremibus ad Pesareum Cor-  
cyrae commorantem misit, qui unius trierarchi insolenti fa-  
cto jura pacis abrupta conquereretur; meritam illi poenam  
infligi; damna illata, quæ ad triginta aureorum millia acce-  
derent, sarciri peteret. Iam triremes, quibus Janusbejus ve-  
hebatur, in conspectu Corcyrae litoris erant, cum quatuor  
nostrorum triremium præfecti, qui freto præerant, Justus Gra-  
donicus, Michael Grimanus, Jacobus Medius, Hieronymus  
Michael, nulla a Turcis honoris causa de more salutatione  
accepta, repente indignabundi hostiliter aggressi, primo im-  
petu in fugam Turcas vertere, qui perterrefacti in propin-  
quum Acroceraunium litus sese ejecere; ex iis complures una  
cum ipso Janusbejo ab effera gente, atque ipsis in primis  
Turcis infensa, capti fuere. Pesareus imperator ea re mirum  
in modum perturbatus, ut qua posset fortunæ malignitatem  
prudentia corrigeret, Franciscum Zenum trierarchum ad Acro-  
ceraunios misit, ut Janusbeji libertatem ab ea gente peteret,  
in id haud parva pecuniæ vi tributæ, quam facile ab agre-  
stibus hominibus, Veneto nomini addictis, nulla mercede im-  
petravit. Quæ omnia XIII. kalen. sextilis datis literis ad Se-  
natum significavit. Janusbejus cum diro infortunio elapsus  
ad Suleimanum pervenisset, graviter de Veneris conquestus,  
multa in illos, præteriti casus dolore, atque ira percitus, acer-  
be effudit, ita ut Suleimanus indignatione exæstuans, Jaco-  
bum Canalem Reipublicæ legatum ad se vocaret, atque in  
Venetos acriter inveheretur: an ea esset Reipublicæ mens,  
exquireret, quam in pacem cum illo servandam adeo pro-  
pensam significaverat; an potius cuncta hostilia in illius mi-  
nistros, ac triremes edita fuissent: mitteret statim Corcyram,  
qui rem, uti accidisset, diligenter referret; ea intellecta,  
tum apertius, quid sibi videretur, enuntiaturum. Canalis de  
toto eventu ab eo, qui Corcyram missus, reversus fuerat,  
edo-

edoctus, Suleimanum adit; quæ acciderant, non maligno in illum Venetorum animo facta, sed fortuito evenisse commemorat. Quis enim talia Senatus voluntatis, ac mentis conficius in amicum, & præpotentem Regem de industria pertraheret? ob maritimas leges importune neglectas malum illud erupisse; constanter Venetos pacem cum Ottomanis inviolatam omni tempore servaturos. At Suleimanus nihil Canalis oratione permotus, antiquæ pacis specie se deceptum, atque illudum dicens, Reipublicæ gravissimum bellum minatur; ni damna statim sarcirentur, noxii poena afficerentur, atque classis imperator, in quem facinoris omnem culpam congeriebat, plegeretur: ad hæc explicanda, ut nuntium Venetias mitteret, petiit. Canalis Alexandrum Ursinum, ut de his omnibus Senatum doceret, poscisci iussit; ni aliqua animadversione in facti auctores uteretur, procul dubio irati Suleimani arma, quem implacabili animo in Rempublicam cernebat, expectaret. Nam reliquis illud quoque accesserat, ut Andreas Auria, viginti octo triremibus apprimè instructis, Zazynthi, ac Cephaleniæ litoribus adnavigans, varii generis Turcarum navigia, quæ annonam, atque victui necessaria Aulonem ad exercitum convehabant, capta diriperet; rursusque explorando maria Corcyram delatus, Janusbeji triremes a nostris nuper in fugam actas, vacuas, ac desertas abduceret; quæ res acrius in Venetos Suleimani animum incendit.

*Alexander Ursinus a Canali legato Venetias missus.*

Per eos quoque dies Pefareus imperator certior factus, Aheneobarbum Zacyntho digressum, cum octoginta triremibus Corcyram petere, ut omnes congregiendi occasiones vitaret, cum classe Euripo egressus, iter in sinum Adriaticum, ut Viturio conjungeretur, arripuit. Verum, repente furente noto, in oppositum Italiæ litus delatus, cum haud procul a terra abesset, ac nautæ ob noctis tenebras sistendas in anchoris triremes censerent, ut fessi longo itinere remiges recrearentur, atque repentino turbine oborto, neque præmitti ad speculandum celoces, neque ex triremium carchesiis, tenebricosa nocte prospectum impediens, dispici maria a longe possent; forte prima quindecim triremium acies, quæ ab Alexandro Contareno legato ducebatur, improvise in regiam

*Hieronymus Pefareus classis imperatoris in sinu Adriatici proficiscitur.*

1537 *giam triremem, cui Buftanes trierarchus præerat, incidit; quam ipse piraticam arbitratus, incitatis remigibus, magno impetu aggreditur. Acri pugna oborta, acerrime utrinque dimicatur, cum Turcæ, spe salutis abjecta, immani, ac desperato robore in præfens letum ruerent: tandem, cæde illorum ingenti edita, triremis in potestatem Contareni concessit, atque profundo mari demersa est; pauci, qui se inter transtra abdiderant, e Turcis incolumes evasere: Buftanes ipse fortiter pugnans occubuit. Id Contareni factum ad privatas inimicitias nonnulli referebant, quod illius navis ex oriente pretiosis onusta mercibus regrediens, a Turcis prædomibus intercepta esset; ut inde justam iram, ac dolorem publicæ causæ antetulisse videretur: cum alii ex adverso quæ acciderant, incertis rerum navalium casibus, nocturnisque erroribus tribuerent, Contarenique consilium memorarent, quo classem ad fortuitos incurfus vitandos in Cretam abducendam censuerat. Pesareus eadem tempestate compulsus, Apuliæ propinquam oram legens, crebris, ignibus tormentorumque fragore signa dari, ut incolæ ob Turcicæ classis metum in tanta loca sese reciperent, suspicatus: mox Turcis ad suas triremes evocandis ea signa edita fuisse cognitum est; statimque classis in altum provecta nostris sese obtulit. Magna in trepidatione tunc imperator versari, sese ex illius conspectu fuga proripere, indignum Veneto nomine videbatur: prælio decertare, atque horæ momento in incertum pugnae exitum se committere, ex sententia Senatus non erat. In ambiguo discrimine tutius imperatori a congressu abstinere visum. Itaque amice classe consalutata, cum de more alterna signa non redderentur, contorqueri proras orientem versus iussit, ut Corcyram appelleret. Tunc Aheneobarbus, veluti hostis, nostros insequitur, atque irrequieto cursu per sexaginta passuum millia insectatur, ardenti in vindictam animo, ut Buftani cædem, Janusbeji fugam, atque alias injurias, quas sibi a Venetis illatas alta mente retinebat, fortuna felicius adspirante, ulcisceretur. Incolumis tamen cum classe Pesareus Corcyram se recepit: in recensenda classe quatuor triremes desideratæ, quæ vel quod graviore reliquis essent, vel quod tardius proras obvertissent, ab hostibus oppressæ in illorum*

*Suleimani  
regis triremis  
ab Alexandro  
Cotroneo capta.*

*Hieronymus  
Pesareus  
Corcyram se  
recepit.*

po-

potestatem concesserant ; duæ Venetæ , quibus præerant Joannes Maurocenus , & Aloysius Contarenus ; e Zacyntho una ; e Corcyra altera . Cuncti earum præfecti , mox indiſto bello , Chariadeni jussu , qui barbara crudelitate nostrorum sanguini inhiabat , securi percussi fuere ; eodemque supplicii genere Baptista Gritus , qui in Contarena triremi captus fuerat , affectus est .

Hoc eventu licet expiatæ , quæ a nostris Turcis illatæ fuerant , injuriæ viderentur , tamen vehementius Suleimani commotus animus , ad pacem cum Venetis abrumpendam incitabatur , facileque iis præbebat aures , qui Venetis infensi , illi ad bellum statim inferendum faces admovebant ; cum dicerent , classem Venetam ad eam oram navigasse , ut Turcas a suscepta Apuliæ expeditione averteret , improvisoque classem adorti , ignibus immixtis concremarent . Eam suspicionem Andreæ Auriæ literæ , quæ in Suleimani manus pervenerant , auxere , quibus imperatorem Venetum de Turcarum itineribus certiore reddere : opportunum adesse tempus , quo se junctam illorum classem , ac nihil ejusmodi opinantem opprimerent . Eæ literæ , ut ferebatur , ab Auria parvæ celoci traditæ fuerant , jussuque ejusmodi iter tenere , ut per hostium angustias in eorum potestatem incideret , atque Venetos ita suspectos redderet , ut confociare vires cum Cæsareanis cogerentur . Iis , quæ nuper acciderant , Venetias allatis , vix dici potest quanta animorum commotio Patrum non modo , verum totius civitatis ordinum extiterit : minime ferendum plerisque consentibus , paucorum temeritate Rempublicam ad bellum cum potentissimo hoste rapi ; proinde de auctoribus poenas sumendas esse , ne privata facinora in exemplum ad publicum exitium traherentur : aliis contra dictitantibus , fortes cives , qui pro Republica vitam innumeris periculis obestarent , deterreri minime oportere : Venetam dignitatem , ac decus a barbaris hostibus ludibrio habitum , egregie vindicatum fuisse ; miserrimam illorum civium vicem dolere , qui intrepidi sanguinem , atque vitam pro patria effundere parati , dum acerrime pro libertate cum hoste certarent , ipsis vincula , & immerita supplicia essent pertimescenda . Hæc diu suspensos Senatorum animos , ne quid ea in re decernerent ,

*H. Mauroceni T. I.*

*Ff*

*te-*

1537  
Veneta tri-  
remes a  
Turcis cap-  
ta .  
Veneti tri-  
remes a  
Chariadeno  
capite plexi .

Andrea  
Auria liti-  
ra ad Pasa-  
rem missa ,  
ad Suleima-  
num allata .

1537  
Alexander  
Ursinus Su-  
leimani in-  
tē Senatui  
reponit.

Mandata ad  
Pesareum  
de trierar-  
chiis, qui  
Janusbeji  
aggressi  
erant.

Alexander  
Contareus  
in ius voca-  
tur.

Alexander  
Ursinus ad  
Aulonem ad  
Suleimanū  
mittitur.

Vincentius  
Grimanus  
ad Suleima-  
num orator  
designatus.

Suleimani  
decretum de  
Corcyra in-  
vadenda.

Turcica  
triremes ab  
Auria cap-  
tae.

Turcica  
classis ad  
Corcyram  
appellat.

tenuere: tandem, cum Ursinus Venetias delatus mentem Suleimani Senatui aperuisset, iratum illius animum mitigandum, atque leniendum Patres censuere. Itaque Senatus decreto, ut a Triumviris capitalibus de Alexandro Contareno legato, Naffio Jadertino trierarcho, ac Justo Gradonico, qui triremibus iis praeerant, quæ Janusbejum in fugam verterant, atque de aliis, ad quos ea noxa pertineret, quaestio haberetur, Pesareo imperatori mandatum, ut Jadertinum, Gradonicum, atque alios, quos deliquisse arbitraretur, victos Venetias mitteret. Alexandro Contareno, ut Jaderam se reciperet, iussum, relictaque triremi, Venetias statim se ad Triumviros capitales sisteret. Nec decrant, qui Pesareum se magistratu abdicare oportere arbitrarentur, quod Jadertini trierarchi impunitate omnibus, quæ postea acciderant, occasionem præbuisse videretur; tantique pacem cum Suleimano aestimarent, ut nihil, quod ad illam servandam spectaret, prætermittendum censerent. Attamen in Senatu imperatoriae dignitatis decus, ac mortalium ea de re iudicium plus valuit. Alexander Ursinus Aulonem, citato itinere, iussus contendere, qui Suleimano significaret, Senatum propediem ad illum legatum missurum, ex quo ea, quæ acciderant, se invito evenisse, inclinatamque Reipublicae mentem ad pacis iura, & conditiones servandas, intelligeret. Vincentius Grimanus, procuratoriae dignitatis, legatus est designatus.

Verum antequam Ursinus Aulonem pervenisset, Suleimanus adversus fidem, quam Canali dederat, se ad Ursini adventum omnia relaturum, classem, Hydruntina oppugnatione relicta, universam Aulonem convenire iussit, ut terrestrium, maritimarumque copiarum impetum in Corcyram verteret: ad id præsertim Chariadeni suasionibus impulsus, qui acerrimo odio in Venetos invecus, Suleimanum ad bellum impellebat, recentemque cladem supra Cassiopæum Corcyrae promontorium, ad *Merleras*, quas vocant, insulas, duodecim Turcicis triremibus captis, aut demersis, ab Auria acceptam, in Venetos transferebat; quod illorum auxiliis fretos, ac prope in eorum sinu talia ausos Ottomanici imperii hostes, acerbe conquereretur. Classis igitur Hydrunto Aulonem coacta vj. kal. septembris ad fretum Corcyrae appulit: in ea, præter ma-



magnum triremium numerum, complures ad mille circiter equos tranſvehendos hippagogæ erant. Inſequenti die peditum, atque equitum exſcenſionem in terram Chariadenus molitur, ut undequaque ferro, atque igne agros vaſtaret, ac diriperet. Incolis cum valida Acrocerauniæ gentis manu arcere & litoribus hoſtes adnitentibus, atrox pugna initur; utrinque multi cadunt: tandem numero potior hoſtis, exſcenſione facta, paſſim in cunctos mortales deſævit; agros, & villas diuturna pace ad luxum uſque ædificatas, immiſſis facibus, incendit; univerſum inſulæ adſpectum, cunctis evulſis arboribus, atque olivetis, quæ ingenti numero haud mediocres olei proventus edunt, inciſis, deformavit. Ad Reipublicæ magiſtratus Chariadenus literas mittit, quibus ſignificat: Suleimanum cum toto exercitu propediem ad inſulam oppugnandam venturum, adverſus hyemis aſperitatem, ceteraque incommoda certaturum, neque prius quam urbe, ac tota inſula potiretur, diſceſſurum: hortari proinde præfectos, ut ſuæ, incolarumque ſaluti conſulerent; neque potentiffimi Imperatoris ſupremos conatus experi-ri vellent. Corciræ tunc præerant Simon Leonus, atque Aloyſius Ripa; ille magiſtratus, quem *Bailum* vocant, hic vero legati munere fungebatur, qui ſumma virtute, atque animi ardore ad inſulam tutandam ſe comparaverant, Senaturnque ad certam ſpem proſperi eventus erexerant. Namque oppido univerſa inſula nitebatur, quod & loci natura, & incomparabili arte egregie inſtructum, ac munitum, ad ingentes impetus hoſtium excipiendoſ, & ſuſtinendoſ inexpugnabile cenſebatur. In eo præſidiarii milites mille ac quingenti externi, totidemque oppidani aderant; ad hæc quatuor triremium remigès a tranſtris in arcem vocati. Nam Peſareus imperator quatuor trierarchos, qui inſulam ruerentur, reliquerat: ex iis Nicolaus Semiteculus oppidi portæ, tormentiſque bellicis Aloyſius Sanutus præficiuntur; Zachariæ Barbaro commeatuum cura traditur; triremes in Euripum demittuntur eo conſilio, ut potius, quam in hoſtium poteſtatem concederent, demergerentur; annonæ in tres annos ſuperſeſſe in arce dicebatur. Univerſæ militiæ Jacobus Novellus rerum militarium uſu præſtans præerat; qui cum per eos dies morbo correptus obiiffet, in ejus locum Babo Naldius præfectus, egregia in Rempublicam fide,

*Corcyra inſula direpta.*

*Chariadeni litera ad Corcyra præfectos.*

*Simon Leonus & Aloyſius Ripa Corcyra præſidi.*

*Veneri trierarchi a Peſareo ad Corcyram reſcripti.*

1537

*Babo Naldius Corcyraei praefectus.*

*Paulus Naldius a Senatu cum literis Corcyram mittitur.*

ac rebus Italico bello gestis clarus, qui suam operam in Corcyra defendenda obtulerat, suffectus est; atque grati animi ergo Paulo filio viginti in singulos menses aurei nummi Senatusconsulto decreti. Is statim Corcyram delatus, magistratibus literas Senatus dedit, quibus illos ad rem praclare gerendam, ac pro patria omne periculi genus fortiter subeundum hortabatur; militum laboribus, Corcyraeorum fidei, & virtuti paria praemia pollicitus: magnum praeterea triremium numerum, ac milites in minime ambiguum subsidium parari; cum nihil Patribus magis curae, atque cordi esset, quam insulae defensio, civiumque, & incolarum incolumitas. His magis erecti praefectorum, ac militum animi intrepide ad hostium impetus excipiendo se comparaverant.

*Corcyrae verum expositio.*

Admonet hic locus, ut nonnulla de Corcyrae insula dicamus, quae inter Adriaticum, atque Ionium mare sita, non modo ad Epirum, & Graeciam, verum etiam ad Italiam vel propugnandam, vel invadendam valde est opportuna. Constat enim, Titum Quintium Flaminium, bellum Philippo Macedonum Regi illaturum, Corcyra trajecta, iter in Macedoniam intendisse. Maritimis rebus olim potens est habita, cum in magna illa expeditione Persarum adversus Graecos, triginta triremes pro Graeciae statu conservando instruxisse vestigia monumenta testentur. De illius ambitu non eadem est auctorum sententia; recentiores centum, ac viginti circiter passuum millibus definiunt; oblonga forma est, atque inter orientem, & notum protensa; qua parte septentrionem respicit, ab Epiro non longe abest. Verum inaequali tractu dividitur; nam ad occidentem, ubi Cassiopes portus situs est, duorum passuum millium intervallo a continente sejungitur; ad orientem ea pars, quae dicitur *Leuchimum*, viginti circiter millibus determinatur. Sexaginta passuum millibus a Iapygio Italicae promontorio orientali longitudine distat. Interior insulae pars in continentem versa dimidiatae lunae formam fere conficit; medium promontorium, in quo arx sita est, sese in mare porrigit. Aeris salubritate, soli amenitate vel priscis quoque ipsis ob Alcinoi hortos, atque delicias insignis, cum undique erumpentibus malorum medicorum, ac citriorum plantis abundet. Frumenti ferax, praesertim si ad glebae largitatem incola-

colarum industria accederet. Univerſa, quæ meridiem aſpicit, montibus eſt aſpera; a ſeptentrione in planiciem extenſa, ea parte excepta, qua in media inſula, ut diximus, promontorium ſe mari inſinuat, cujus inſima, ac declivia ſuo circuitu civitas occupat; amplis laxiſque ſuburbiiſ diſtincta, incolarum numero ea tempeſtate multum reſerta. Duæ arces in aſperioribus jugis montis ſitæ, urbem ad omnes impetus arcendos opportune muniunt, longiſſimoque tractu circumquaque omnia deſpectant, ut bellicarum machinarum vi terra, marique ad copias, claſſeſque ſubmovendas mirum in modum valeant. In oppoſita ad meridiem regione Angelocaſtrum arduo, atque editiore loco ſitum eſt, ad quod diſſicillimus acceſſus patet. Sponte Corcyræi ab hinc ducentos triginta ferme annos in Venetorum poteſtatem conceſſere; qui inſulam ſitus opportunitate, portuum numero, ac maritimis rebus valde accommodatam ſummo ſtudio munire, ac tueri adnixi ſunt.

Cum igitur Suleimanus terreſtribus, maritimſque copiis Corcyram adoriri ſtaruiſſent, præmiſſa claſſe, ipſe ab Aulone caſtra movens, Eante, quod modo *Vagiſſam* vocant incolæ, amne ſuperato, ad Communitiam Buthroti regionis perſpicuis, atque uberrimis fontibus notam, pridie nonas ſeptembris pervenit. Buthroti præfectus Corcyra ortus, vi non expectata, ſponte oblatis clavibus, oppidum Suleimano tradidit, quem aurea veſte donatum dimiſit. De expeditione Corcyræa a Suleimano decreta nuntiis acceptis, bellum cum potentiſſimo hoſte ſuſcipere cum ſibi necceſſe eſſe Senatus animadverteret; licet ea tempeſtate centum triremium, aliorumque navigiorum numero claſſem inſtructam teneret; attamen cum ad tantam moleſ diutius ſuſtinendam Reipublicæ vires minime ſufficere viderentur, ad ſocietatem cum reliquis Chriſtianis Principibus incundam animum adjecit. Sæpius ad eam rem Paulus Summus Pontifex, & Carolus Imperator Patrum animos incitaverant; verum ægre adduci potuerant, ut diuturnam, quam cum Turcis pacem habebant, abrumperent; vel ob ingentia negotia, quæ mercatores Veneti in eorum ditionibus gerebant; ex quibus divitiæ non modo privatis, ſed magni proventus, atque veſtigialia Reipublicæ extrabant; vel quod primi belli impetus uno atque eodem tempore multis in locis; nempe in

*Buthrotum  
a Suleimano  
captum.*

*Venetorum  
proclivitas  
ad ſocietatem  
cum  
Chriſtianis;  
Principibus  
incundam.*

1537

Dalmatia, Epiro, Peloponneso, atque in iis insulis, quæ in Ionio, Aegeo, ac Cilico mari Reipublicæ parebant, excipiendo essent: quæ sicuti Venetos a fœdere ineundo deterrebant, ita cum a Pontifice, & Cæsare minime improbarentur, sæpius suadendo, si quo pacto sibi illos adungere possent, non destiterant.

*Cæsaris ad  
Joannem  
Antonium  
Venerium  
adhortatio-  
nes.*

Cæsar Joanni Antonio Venerio legato classem Auricæ ad nutum Reipublicæ præsto futuram, pollicebatur; maritimis Reipublicæ, suisque consociatis armis, ad præclara peragenda haud difficilem aditum parari posse: ademptas a barbaris superioribus tempestatibus Venetorum urbes victoriæ decora rursus illis accessura: nihil se cupere, aut magis in votis habere, quam christianæ religionis incrementum, Dei immortalis debitos honores, quæ uti veræ, ac solidæ gloriæ fundamenta reliquis omnibus anteferet. His Cæsaris colloquiis in spem adductus Senatus, quam tantopere expetiverant, occasionem nactus Principes non prætermisuros, Marco Antonio Contareno, apud Paulum Pontificem legato, imperavit, ut de bello Reipublicæ inferendo susceptam a Suleimano sententiam, terrestri, maritimoque apparatu Corcyræ invadendæ conatus exponeret: tempus illud advenisse ostenderet, quo adeo expetitur fœdus iniri adversus barbaros posset: peteret itaque, ut ad Auricam literas daret, quibus illi significaret, ut, octoginta triremibus, ac quinquaginta navibus coactis, Brundisium peteret; ibi Venetam classem, quæ centum triremibus, decem majoribus, ac nothis, tribus galeonibus, decem armatis navibus constaret, opperiturum: junctis viribus ad Corcyræ opem ferendam se conferrent; quæ si pessimo quodam fato in communium hostium potestatem venisset, ambigi non posset, quin gradum sibi ad Siciliam, atque Italiam oppugnandam struerent: ad hoc ut triginta peditum millia Pontificiis, Cæsareis, ac Venetis stipendiis cogerentur, viginti Germanorum peditum millia in Italiam accerferentur. Statim Senatus literis acceptis, Marcus Antonius Contarenius Pontificem adiit, iis, quæ in mandatis habebat, expositis. Summa perfructus lætitiæ Pontifex ingentes Deo immortalis, ac Cælitibus gratias egit, quod jamdiu opportunum Christianis Principibus in perpetuos, atque acerrimos hostes socia ac-

*Mandata  
Senatus ad  
Marcum  
Antonium  
Contarenū.*

ma

ma jungendi tempus obtulissent ; reservatum id illius pontificatui decus , ut toties a barbaris illatæ christianis regnis clades egregio conatu vindicari possent : neque vero ambigere , quin Deus Optimus Maximus , res nostras miseratus , barbarorum fastum , atque arrogantiam effringeret . Ceterum quod ad Senatus postulata sigillatim attineret , ut triginta peditum millium delectus haberetur annuere ; Aurie literis acceptis , decem , quæ illi contingerent , millia conscribi jussurum . Quatuor triremes ad Centumcellas tenere , Hierosolymitanæ religionis nonnullas Neapoli consistere ; cunctas Brundisium missurum . Ut novem Hispanorum peditum millia , qui in regno Neapolitano erant , sub signis continendos curaret , certos homines ad Proregem Neapolitanum missurum . Atque ; ut inde rerum præclare gerendarum initia sumeret , unde omnia divina , & humana bona mortalibus manant , proxima die ad Divini Flaminis auram supplicibus votis invocandam sacra missarum solemnitas in divæ Mariæ Majoris basilica concelebraturum .

*Venerum  
officia cum  
Christianis  
Principibus  
adversus  
Turcas .*

Quæ Pontifici Senatus de Turcarum conatibus indicarat , eadem Carolo Imperatori per Joannem Antonium Venerium , Francisco Galliarum Regi per Christophorum Capellium oratores exponit : addit ad pacem ineundam suasiones , ne potentissimorum Principum dissidiis acrior hostis vehementius in christianæ reipublicæ compages ferrum adigeret . Andreas Auria , qui ut obviis Gallis fieret , Massiliam versus navigaverat , de iis , quæ acciderant , certior fit ; ad Cæsaris classem cum Veneta conjungendam inflammatur ; illius auspiciis haud dubiam sibi victoriam de hoste polliceri Senatus declarat . Ad Ferdinandum quoque Romanorum Regem , atque ad Imperii proceres datæ literæ , quibus hostem nuper Pannonicis victoriis exultantem terrestribus , quibus plurimum possent , viribus arcendum , ac debellandum incitarentur . Aedilibus injectum , ut quotquot Venetiis Turcæ essent , eos custodiæ traderent ; bona in tabulas publicas referrent ; neminem , nisi , datis vadibus , se Venetiis non exiturum , liberum esse permetterent . Multa undique omnis generis navigia ære publico conductæ ; classis quoque imperatoribus mandatum , ut naves , quæ in Epidauri portu essent , avehi curarent , ne Turcæ , quorum ea Respublica stipendiaria est , maritimis illius viribus in nos ute-

*Turca &  
eorum bona  
Venetiis de-  
bent .*

1537  
Jadera &  
Nauplium  
praefectis  
munita.  
Uscobis fa-  
cultas pra-  
das agendi  
permittitur.

rentur. Ducenti pedites Jaderam, totidem Nauplium in Peloponneso subsidio missi. Dalmatiae praefectis demandatum, ut edicto publico Uscobis, alias invisae genti, libere excurrere maria, ac praedas agendi facultatem permitterent. Singulis Reipublicae magistratibus, qui maritimis ditionibus praerant, jussu, ut, praecipuis, atque insignioribus viris ad se vocatis, Senatus sententiam de hostium impetu fortiter sustinendo patefacerent; ad patriae defensionem, ad justa pro Veneta Republica arma induenda cohortarentur, spiritus acuerent; quae de illorum virtute, ac fide in Patrum animis esset opinio, gravi oratione significarent.

Franciscus  
Maria Ur-  
bini Dux  
suam operis  
Reipublicae  
desert.

Eodem tempore Franciscus Maria Feltrius, Urbini Dux, terrestrium Reipublicae copiarum imperator, Venetias accessit; Principi ac Patribus, quaecunque ad retinendum, vel propagandum Reipublicae imperium spectarent, atque in se sita essent, summo animi affectu detulit; opes, ditiones, vitam denique ipsam, quam si post anteaictos labores pro Veneta Republica & pro christiani nominis gloria effundere contigisset, quid magis vel ad praesentium laudem, vel ad posterorum gratiam promerendam illustrius, ac praeclearius sibi accidere potuisset? Guidum Ubaldum filium ad omnes belli casus objiciendum, a suo latere nunquam digredi passurum; uxorem in urbe relicturum, ut aedes illi tribuerentur, rogare: se reliquis solutum curis, belli munera ardenti, quo semper Rempublicam animo fuerat complexus, naviter, atque intrepide obiturum: non diffiteri, in Andrea Auria navalium rerum usum vigere, maritimis e preliis, atque oppugnationibus, hinc fortasse adjutum, multa virtutis specimina edidisse: se nihilominus scire, superioribus annis, atque in Numidica praesertim expeditione, eundem non semel lapsum in errorem esse. Haec Princeps Gritus in Senatu de more Patribus exposuit: Urbinatis caritatem in Rempublicam summis laudibus ornavit; bellicam virtutem usu confirmatam, gravissimis, difficillimisque temporibus testatam, extulit: neque vero sibi minora maritimo, quam terrestri bello de egregio imperatore polliceri. Addidit, si ita e Republica esse Patres censerent, atque in se ipso arduis hisce, ac turbulentis temporibus aliquid opis situm esse existimarent, ultro se ad classem iturum, omnibus peri-

Andreas  
Gritus prin-  
ceps se, opes  
que suas Re-  
publicae exhi-  
bet.

Urbini a  
Venetis de-  
dote dote  
ta.

periculis vitam obiecturum ; quæcumque ipsi adessent opes , pecuniæ ; quidquid argenti , egregiæ suppellectilis , ea omnia patriæ lubenti animo offerre . Tandem gravi oratione ad ea , quæ Urbinas Reipublicæ detulisset , amplectenda , quibus opportune uteretur , Senatum est cohortatus ; suasorque mox ferendi a Collegii Patribus decreti fuit , quo sancitum est , ut decem aureorum millibus coemptæ publico nomine ædes , Duci dono tribuerentur . Atque ut in belli sumptus pecunia suppetere , a magistratibus Reipublicæ debitores ad solvendum durius cogeantur : cum Pontifice actum ut ecclesiasticorum bonorum decumas vendi liceret : vectigal molendinarium , sex singulos in sextarios affibus adjectis , ad decennium in urbe auctum .

*Pecunia a  
Senatu cõ-  
parata , ve-  
ctigalia im-  
posita .*

## Finis Libri Quarti.



## E P I T O M E.

**C**Orcyram omnibus viribus Turcae aggressi, paullo post soluta obsidione, discessere. Scardonam in Dalmatia Pesareus deditione in Reipublicae fidem recepit. In Peloponneso Nauplium, & Epidaurum Turcarum praefectus Cassinus frustra tentavit. Pluribus Aegaei insulis, quae in Venetorum ditione erant, Chariadenus Byzantium revertens, foedissimam vastationem intulit. De instauranda cum Suleimano amicitia magnis contentionibus actum in Senatu est. Foedus inter Paulum III. Pontificem, Carolum Caesarem, & Venetos contra Turcas iectum est, Angliae, & Galliae Regibus id moleste ferentibus. Cassinus Nauplium arctissima corona, & operibus cinxit. In Illyrico variante fortuna pugnatum est. Sicensium virtus, & singularis erga Rempublicam fides enituit. Ad Caesarem Galliae Regi iungendum Pontifex Niceam profectus est. In decem annos induciae factae. Farnesiorum res mirifice auctae. Marcus Grimanus, Patriarcha Aquilejensis, pontificiae classis praefectus Nicopolim baud prospero eventu adortus. Andreae Auriae, supremi universae foederatae classis praefecti, seu ignavia, seu avaritia, bis ad Ambracium sinum delendae turcicae classis occasio e manibus amissa est. Neocastrum ad Rhizonici sinus fauces a Venetis expugnatum, Hispani contra foederis leges, Auriae iussu, occupavere. Praeterea Francisci Mariae, Urbinatum Ducis, mortem, Camertium ducatum ab ejus filio Pontifici, auctore Senatu, traditum, Andreae Gritti, Venetiarum Principis, obitum, Petri Landi in ejus locum successionem continet, bellicosque in annum insequentem apparatus.





# HISTORIARUM VENETARUM ANDREAE MAUROCENI LIBER QUINTUS.



Um hæc Venetiis summo studio fierent ,  
Romæ de foedere adversus Turcas ineundo  
sedulo agebatur . Res magnæ molis erat ;  
quæ non facile explicari posset : multæ ma-  
ritimæ , ac terrestres copiæ ad hostem inva-  
dendum cogendæ erant , quem superioribus  
victoriis intumesceniem aliqua felicitis even-  
tus spe adoriri difficile admodum , ob in-  
gentem de illius potentia conceptam opinionem , censebatur .  
Tliremes ducentæ , omnis generis cum majora , tum minora  
navigia ad classem conflandam requiri videbantur ; quinqu-  
aginta peditum millia , quatuor equitum paranda erant . Multa  
de foederum conditionibus , quota pars singulis pecuniæ , vi-  
rium maritimarum , ac terrestrium contingeret , disceptandum  
erat . Quæ cum mora egerent , præsentemque opem Corcyræo-  
rum rebus exposcentibus , cunctatione ad classes conjungendas  
mi-

1537

1537  
Fuderis cō-  
tra Turcas  
publicatio.

minime opus esset, Pontifici Christianorum Principum foedus, quo adversus Suleimanum bellum indiceretur, in aliud tempus conditionibus rejectis, promulgari placuit: id Romæ, ac Venetiis summa celebritate, & mortalium frequentia actum est. Gaspar Contarenus Cardinalis, Pontifice, universo Cardinalium collegio, ac Principum legatis præsentibus, in divi Petri basilica, missarum solemnibus sacrificia peregit; mox latino sermone habita est oratio, qua & Deo immortalis gratiæ deinita societate, & ad egregie pro republica christiana operam navandam, fortiter adversus barbaros pugnandum, incitamenta continebantur. Cæsaris, ac Reipublicæ oratores, Venetique Cardinales, de more Pontificis pede deosculato, atque ad oris osculum admissi, ab eo una cum Cardinalis Sanctæ Crucis, viro Hispano e Franciscana familia, convivio excepti fuere. Venetiis quoque Senatus decreto in divi Marci basilica, & singulis civitatis templis sacra peracta, ac supplicationes habitæ sunt.

Venetorum  
bellici appa-  
ratus.

Patres inde majori sollicitudine ad bellum necessaria comparare; complures militaris disciplinæ scientia clari, atque in Rempublicam summa observantia propensi fortunas, atque industriam offerre: inter hos Gabriel Ripa, qui Jaderæ publicis stipendiis merebat, ad subsidium Corcyræ inferendum suam operam detulit. Mercurius Bua, in Peloponneso natus, multis clientibus, atque amicis stipatus, in ea provincia complura ad Reipublicæ incrementum se gesturum pollicitus est. Alexander Vitellius annuo duorum millium aureorum stipendio inter Reipublicæ præfectos conscriptus. Ut majores triremes, ac naves Alexandro Bondimerio, Galeonis præfecto, parerent, decretum. Urbinati imperatori decem aureorum millia ad pedites decem mille conscribendos, quot Reipublicæ contingerent, tributum. Pesaro imperatori præcipitur, ut, Nicolao Bondimerio, sinus præfecto, ad illius custodiam relicto, cum universa classe Brundisium iter faceret, ut, ibi maritimis foederatorum coactis viribus, Corcyræ subveniretur. A Proregibus Siciliæ, ac Neapolis petiit, ut quamprimum quinquaginta tormentorum magistros cum suo præfecto, ac quingentos pedites Corcyram sumptibus Reipublicæ mitterent: a Neapolitano præfectus tormentarius cum nonnullis magistris, ac sulphu-

Mandata  
Senatus ad  
Pesarum  
classis impe-  
ratorem.

rei

rei pulveris cadis : a Siculo aliquot peditum vexilla transmissa. 1537.

Andræ Auria, qui tum Neapoli erat, literæ dantur ; iis petitur, ut Brundisium cum classe profectus, se nostris adjungat. Epistolis per Gasparem Basalum Venetorum negotiatorum, qui tunc Neapoli morabantur, consulem redditis, nihil Auria permotus ; modo se Massiliam, ut cum Gallica classe confingeret, modo Genuam, ut triremes reficeret, iter sibi habendum dicere. Basalus flagitare, ut tantisper subsisteret, donec Roma Cæsareanorum mandata de consociandis classibus ad subsidium Corcyræ subvehendum acciperet. Ad hæc Auria : sæpius Pefareum, Reipublicæ imperatorem, ut arma ad Chariadenum opprimendum sociaret, invitasse : quando nullo negotio cum octoginta triremibus per Corcyræum fretum transeuntem, haud dubia victoriæ spe adoriri, ac superare in eorum potestate esset ; id Pefareum renuisse, mandata Senatus, ut in neutram inclineret partem, habere dictitantem : quod præcipuum Ottomanorum maritimum robur incolume evasisset, culpam ad Venetum imperatorem pertinere ; inde de reliqua illorum oppugnanda classe spes recisas, quam, si cum Chariadeno pugnatum esset, ad Aulonem delevisset : tandem Venetorum consilia improbare, quod medii inter Christianorum imperatorem, ac Turcas se gererent : classi Venetæ se adjungere nullo pacto posse ; jam armatas naves dimisisse, triremibus pontificiis, & Melitenfibus protectionem permisisse ; modo per remigum paucitatem, ac lassitudinem sibi id non licere. Ad ea Basalus : quod Pefareus ad Aheneobarbum debellandum maritimæ Venetorum vires cum Cæsareana classe non conjunxisset, mandata Senatus obstitisse : consiliorum rationes Pontifici, & Cæsari expositas, probatas fuisse ; nunc, immutatis rebus, hostes Corcyram adortos ; fœdus Romæ, ac Venetiis percussum : cur in præcipua insula defendenda arduentes alioqui spiritus in ipso tepercerent ? cur locum, in quo tantum momenti ad Italiæ incolumitatem situm erat, immaturo consilio defereret ? an non tantum auctoritate, ac præclare gestarum rerum fama terroris hostibus asferre posset, quantum si perpaucæ illæ naves, ac triremes, quas se dimisisse aiebat, adessent ? Visus aliquantisper commoveri Auria ; qua-

*Senatus ab  
Andrea  
Auria, ut  
classem cum  
Pefareo con-  
jungat, pe-  
tis.*

*Andrea  
Auria re-  
sponsum.*

1537

*Andrea  
Auria de-  
cretum Ge-  
nuam profi-  
ciscendi.  
Paulo Pon-  
tificis ligu-  
ra & Cæsa-  
ris oratoris  
officia, ut  
Auriam de  
sententia di-  
uincerent.*

quapropter, Gaspare dimisso, rursus quid ea in re agendum esset, expendere velle ait. Non longe progressus Basalus, vedetarium cum literis obvium habuit: itaque statim conscensa trireme reversus, illas, multis adjectis suasionibus, ac precibus Auriae detulit. Verum neque his inflecti illius animus potuit; cum statutum sibi esse affirmaret, Genuam ad classem instaurandam statim pergere, naves cogere, reliqua ad belli apparatus necessaria expedire; in Hispaniam, ut de Cæsaris mente certior fieret, scripturum; interea de foederis conditionibus singillatim agi posse. Pontifex, Auriae tergiversatione audita, ut quantum in se esset, præceps consilium moraretur, literas ad illum sua manu exaravit. Cæsaris orator per dispositos equos Centumcellas iter habuit, ut litora illa legentem Auriam ab incepto cursu detineret, pontificisque literis traditis, Cæsaris mentem exponeret: at jam illo prætervecto, Pontificis tantum missis literis, Romam rediit. Iis Venetias allatis, Patribus infausta ea initia belli videbantur; inexpectatoque Auriae consilio præclara spes, quæ ad foedus tam cito percutiendum incitaverat, non modo imminuta, verum prorsus abjecta videbatur. Attamen cum in magnis, atque arduis rebus impedimenta sapius animi firmitate, & consiliorum constantia superentur, Senatus statim Cæsari quæ acta essent, significavit, atque ut de consocianda classe mandata mitteret, flagitavit. Agitatum deinde, an, Auria in mare Ligusticum profecto, Senatus decretum, quo Brundusio Pefareus proficisci iussus fuerat, abrogari oppoteret. Franciscus Donatus eques, Consilii Sapiens, ob id in primis abrogandum censebat, quod undique percrebresceret, Chariadenum cum triremium manu in sinum Adriaticum venturum: neque tutum arbitrabatur, Dalmatiæ universam oram immanissimi hostis crudelitati, atque avaritiæ indefensam obficere. Vincentius Capellius collega e contra, nova Pefareo mandata dare, neque dignitatis, neque utilitatis publicæ esse; fama de jungendis Brundusio classibus pervagata, haud parum terroris hostibus injectum, quibus, Pefareo, Brundusio relicto, in sinum Adriaticum penetrante, animi augerentur, ubi Auriae discessus causas, abjectaque de jungendis classibus consilia intellexissent: tutius quoque in Brundusii portu classem eo anni tempore de-

ti-

*Senatus of-  
ficiis Cas-  
sar manda-  
ta de socian-  
da classe  
mitteret.*

tineri posse. Itaque de priori Senatusconsulto nihil mutatum est.

1537

Dum hæc geruntur, atque omnia ad bellum cum potentissima gente summo studio, ac solitudine comparantur, Suleimanus, qui jam, ut diximus, pridie nonas septembris Buthrotum pervenerat, vigintiquinque peditum millia, ac triginta bellica tormenta Corcyram transmiserat, ut quæ Aheneobarbi avaritiæ, atque odio superfuerant, novis afflicta cladibus diriperet, ac incenderet. Ajax supremus Bassa, quem *Visirum* Turcæ vocant, & Aheneobarbus speculabundi propius ad oppidum accedunt, ut opportuna ad oppugnandum loca deligerent, cum præfecti antiqua suburbia, ne si in hostium potestatem venissent, illis protecti ad mœnia tutius, ac facilius accederent, excindi iussissent. Hostes opere tumultuario munitiones quatuor ad urbis conspectum erexere, ut, turbine tormentorum excusso, muros quaterent, ac nostros e mœnium corona deturbarent. Sed ob intervallum, quod longius intercedebat, globorum impetu, prius quam mœnia pertingeret, remisso non modo, verum extincto, nihil nostris incommodi, aut damni inferebatur. Itaque triremibus circumvecti hostes, qua oppidum ad austrum spectat, mœniaque magis depressa sunt, ac nulla fluctibus moles opponitur, ad certiolem bene gerendæ rei spem loci propinquitate adducti, e proris majora tormenta displodunt, metu potius propugnatorum, quam damno. Nonnullæ ex iis triremibus a nostris, bellicis machinis ex oppido excussis, in mare altum demerguntur. Chariademi triremis pila ferrea rostrum, ac tabulata, quæ a nautis *palmete* dicuntur, fracta, & comminuta sunt. Incolarum magna pars in totius insulæ consternatione, ac terrore, ut salutis prospiceret, in Euripum convenit; plerique potius fame confici, & ingenti imbrium vi, quæ per eos dies e cælo defluerat, obrui, ac mergi, quam hostibus se tradere maluerunt; multi funibus in oppidum pertracti; compluribus, agrestibus præcipue hominibus, Angelocastri arx ad meridiem sita præsidio fuit. Verum cum neque terra, neque mari Turcæ proficerent, atque eam esse oppidi, portusque munitionem, ut prope inexpugnabilis videretur, animadverterent; morbi passim grassati in classe, commeatu exercitus laborare cœpisset: susceptæ Corcy-

*Corcyrae suburbia a Venetis diruta.*

*Chariademi triremis a Corcyrae damna illata.*

*Turcica classis morbis & commeatus inopia vexata.*

rææ

1537  
*Ajaciis Baf-  
 fa cum Ca-  
 nali sermo-  
 nes de pace  
 Turca a  
 Corcyra op-  
 pugnatio-  
 difcedunt.*

ræ expeditionis Suleimanus pertæsus, solvere obsidionem, au-  
 ctore in primis Ajace, decrevit. Is Canali legato, qui adhuc  
 in castris morabatur, ad se vocato significat, si Veneri damna  
 Suleimano illata sarcire, injuriasque suis inflictas, uti a Reipu-  
 blicæ mente alienas, vindicare velint, daturum quamprimum  
 operam, ut, Corcyrae obsidione soluta, a Venetorum finibus  
 classis, atque exercitus abducerentur, animusque Regis infen-  
 sus ad pristinam cum Republica pacem instaurandam flectere-  
 tur. His Canali significatis, paulo post, tertio scilicet idus se-  
 ptembris, Suleimanus castra movens Corcyra discessit: sequen-  
 ti die Chariadenus, tormentis triremibus impositis, cum classe  
 tota solvit, miserrimæ plebis septem millibus omnis sexus, &  
 ætatis in servitutem abductis, ingentique omnis generis anima-  
 lium præda: in Buthrotia regione, atque in Paxo insula, quæ  
 exiguo intervallo a Corcyra distat, atque olim illi conjunctam,  
 a maris æstu secretam fuisse ferunt, barbaricæ crudelitatis fœ-  
 dis vestigiis relictis. Constat Suleimanum ab Apuliæ expedi-  
 tione ad Corcyram oppugnandam consiliis, atque adhortatio-  
 nibus Chariadeni, Veneto nomini infesti, impulsus fuisse; at-  
 que ab incepto non alio, quam rei difficultate, ac prope de-  
 sperato exitu deterritum, cum oppidum turritis munitum pro-  
 pugnaculis, perampla fossarum latitudine, locorum situ ad ho-  
 stium conatus repellendos, aut eludendos in primis esset ac-  
 commodatum: his vigil cura, atque industria præfectorum ac-  
 cederet; immensis prope iis diebus e cælo pluviis demissis,  
 quæ omnem Turcarum impetum, autumnopropemodum se-  
 nescente, restinxere. Pontifex cum de hostium discessu loque-  
 retur, dixisse fertur, jure Andreæ Auriam obstinatæ mentis  
 poenas dedisse, cum ex repentino Neapolis discessu eam lau-  
 dis gloriam amisisset, quam, si Brundisium se contulisset, uni-  
 versam sibi procul dubio ventosa jactatione usurpasset.

*Cacciane-  
 rii, Ferdinā-  
 di Regis præ-  
 fecti, ad  
 Saccum de  
 Turcis vi-  
 floria.*

Contigit per hos dies, ut Caccianerius, Ferdinandi Roma-  
 norum Regis præfectus, ad Saccum amnem, prælio magna  
 Turcarum manu devicta, insignem de hoste victoriam retule-  
 rit. Quapropter in divi Marci basilica a Principe, ac Senatu  
 ob liberatam Corcyram, & superatos ad Saccum Turcas Deo  
 Optimo Maximo, Cælitibusque gratiæ actæ: ibidem a Vene-  
 tiarum summo Antistite millarum sacrificiis rite peractis, sup-  
 pli-

1537  
*Supplicatio  
 a Senatu  
 habitæ.*

plicationes ad omnia templa habitæ, publice, ac privatim cœnobiiis, & piis collegiis egestate pressis largitiones factæ. Pefareus imperator a Senatu jubetur, ut nisi belli aliquo graviori obeundo munere detineretur, Corcyram peteret, ut incolarum, atque oppidanorum, quantum in se esset, præteritas clades solaretur, Senatusque benevolentia testata, ad spem meliorem erigeret: pecunia quoque publica coempta ad suburbia reficienda materia, atque transmissa. Scardonæ tunc Pefareus imperator erat, qui, paucis ante diebus cum Viturio consilio inito, in sinum urbi propinquum classem intulerat, expositisque in terram militibus, oppidum adortus fuerat. Septem circiter passuum millibus a proximo litore Scardona distat, clara olim civitas, non longe a Sico urbe remota, potius situs opportunitate, quam opere munita; nam uti ad omnem adjacentem regionem vexandam valde est opportuna, ita tenui muro, atque infirmo septa, licet duas haberet arces, hostiles incurfus diu sustinere non poterat. Itaque Veneti, propugnaculis toto muro decussis, dum irrumperere in oppidum parant, hostes, impetu non expectato, deditionem Pefareo classis imperatori fecere; qui, ut milites victoriæ insolentes reprimeret, vitam, resque oppidanorum incolumes tueretur, ne qua a militibus injuria inferretur, unicuique abeundi, quo vellet, facultas esset, edicto cavit. Verum milites prædæ iniquo victoriæ præmio inhiantes, non sine ingenti incolarum cæde oppidum diripuerunt: in eo tumultu Jacobus Mudaccius, unus e trierarchis Cretensibus, est interfectus; complures in penitiora loca se recipientes cum in armatorum e Sico globum incidissent, profligati, ac deleti sunt. Oppido Franciscus Salomonius menstruo quadraginta aureorum stipendio ab imperatore præficitur, donec quid e Republica videretur, Senatus constitueret: nam altera arcium diruta, ut circumjecta regio tutius in Reipublicæ potestate contineretur, de reliqua munienda actum est: postea re maturius discussa, ut moenia funditus everterentur, Senatus decrevit; ne Turcæ, repetita possessione, instaurandi, atque muniendi oppidi rursus occasionem arriperent.

*Scardona a  
 Pefareo capta & diripita.*

Eodem tempore Joannes Viturius, alter classis Venetæ imperator, Franciscum Lauretanum, Donatum Cornelium, &  
*H. Mauroceni T. I. G g Pau-*

1537  
Gabriel Ri-  
pa copiarum  
Jadertina-  
rum prae-  
fectus.

Nicolaus  
Bondimerius  
sinus A-  
driatici  
praefectus.

Obroratum  
a Venetis  
invaditur.

Gabriel  
Ripa capite  
damnatus.

Senatus de-  
cretum de  
Corcyra  
munienda.

Paulum Vendraminum, triremium praefectos, ad Obroratum oppugnandum misit. Extat oppidulum illud cum arce a mari sex passuum millibus: Argyrutum prisca fuisse fertur: inde Turcae Uscochis conjuncti cum vicina loca, ac maria latrocinii, & caedibus infesta reddidissent, tutum ibi perfugium & receptum habebant. Quapropter ab Jadera exiguo illius maris sinu circumvchi copias jussit, Gabrielemque Ripam, Veronensem, copiarum praefectum, cum sexcentis navalibus sociis, ac viginti-octo triremium remigibus ad oppidum oppugnandum mittit. Nicolao quoque Bondimerio, sinus Adriatici praefecto, mandat, ut cum biremibus nonnullis, ac triremibus, quibus tormenta bellica ad verberanda moenia opportuna conveheret, praesto esset. Veneti oppidum adorti peracre certamen cum hostibus iniere, qui cum paucitatem virtute, ac fortitudine superarent, pugnam intrepide sustinuerunt, donec fessi, pristino ardore remisso, oppido nostris relicto, in arcem se recepere. Quoniam vero, muralibus tormentis nondum in terram expositis, majore nixu quatere oppidum non poterant, minutisque pilis nihil proficiebatur, Vituriumque statim Corcyram petere Senatus jussit, Ripae nuntiandum curavit, ut nisi quamcelerrime arcem in suam potestatem redigere posset, oppido, ac suburbii incensis, ad se regrederetur. Duas ob id triremes ad milites excipiendo misit, qui cum terrestre iter per aspera montis juga habere maluissent, superventu Amurathis, qui cum triginta Turcis equitibus arce exierat, ac tumultuariam Uscochorum pedum manum sibi adjunxerat, in fugam coniecti, caesi complures, multi capti fuere. Gabriel Ripa, consenso equo, cum nullum neque ducis, neque militis officium praestitisset, turpi fuga salutem quaesivit: inde cum a Pesareo Senatus decreto de militari crimine quaestio haberetur, haud multo post in ipsa praetoria prora capite poenas dedit. Sed nihil aequae ea tempestate Patrum animos extimulabat, quam ut Corcyra insula, quae jam barbarorum conatus, & vires felici eventu experta fuerat, ita in posterum muniretur, ut si Suleimani animum illius denovo invadendae cupido incesceret, pro fortissimo Italiae muro objiceretur. Urbinatum Ducis, cui Antonius quoque Tifernas adstipulabatur, ea erat sententia, ut quamprimum oppido adjacentia loca diruerentur, ac mons, quem *Castratarum* vocant,

fo-



solo æquaretur : duo propugnacula , quæ extrema latera cingebant , protenderentur : fossæ e regione sitæ ampliores fierent . Nihil ex iis demoliri oportere arbitrati , ne si insequentem annum denuo hostes insulam adorirentur , aditus ad oppidum pateret : ut hæc perficerentur , quinque Corcyram triremes contendere , illarumque remiges in opere insudare Senatus iussit . Michael ex Divi Michaelis oppido , ædificandarum arcium peritia clarus , cum quingentis fossoribus , quinquaginta lapicidis eodem ire iussus : decem aureorum millia , quæ in oppido instaurando , ac muniendo insumerentur , transmissa . Classis imperatores , atque celebriores maritimi præfecti Corcyram se contulere , ut de iis , quæ ad munitionem attinerent , decernerent , & Corcyræorum animos , uti a Senatu iussi fuerant , confirmarent .

Suleimanus , Corcyræ obsidione soluta , per Acarnaniam , & Aetoliam Byzantium reversus , Cassino Peloponnesi præfecto mandavit , ut , quam maximis posset ex propinquis regionibus copiis collectis , Nauplium , & Epidaurum , Veneti imperii in Peloponneso urbes , aggrediretur . Reliquæ ea tempestate hæ civitates Reipublicæ in ea provincia erant , cui superioribus ætatibus cum universæ imperasset , ad isthmum prævalido muro extructo , peninsulam adversus barbaros tutata fuerat : proximo vero bello cum Bajazete gesto , Corone , ac Methone amissæ fuerant ; Nauplium , & Epidaurum , vel situs natura , vel opportunitate portuum , vel civium egregia , ac spectata in Venetos fide , summi momenti censebantur . Nauplio Victor Garzonius magistratum , quem *bailum* vocant , gerebat , vir longæva ætate , ac multarum rerum usu præstans . Is omnibus , quæ ad oppidum defendendum necessaria erant , sedulam operam navaverat ; cum illud quoque opportune per eos dies accidisset , ut Hieronymi Cornelii navis ad urbem appelleret , quæ commeatum , ac pecuniam in usus belli magistratui detulit ; ad hæc quatuor aureorum millia , frumenti sestarium duo millia a Senatu Nauplium missa . Epidaurum quoque milites , atque argenti vis , ac sexcenti frumenti sestarium subsidio transmissi . Verum Cassinus frustra Epidauriorum pertentatis animis , cum aliquos dies ad Nauplium castra habuisset , difficillimam fore expugnationem ratus , cum neque ad vim inferendam , neque ad circumcingendam obsidione urbem pares copias haberet , discessit .

*Suleimani  
mūdāta ad  
Cassinum  
Peloponnesi  
præfictum .*

*Victor Gar-  
zonius  
Nauplii  
præfictus .*

*Turci  
Nauplii &  
Epidauri  
expugnationem  
deserunt .*

1537

*Aegæi insu-  
le a Cha-  
riadenis oc-  
cupata.*

Eodem tempore, cum Luphtibejus intra Hellepontum se recepisset, Chariadenus cum septuaginta triremibus, triginta partim biremibus, partim myoparonibus, ne aliquid ad effundendam in Venetos animi rabiem prætermitteret, per Aegæum mare prædabundus excurrrens, multas ex Cycladibus, quæ Veneto obtemperabant, occupavit, ac diripuit: in his Scyros e regione Pegasici sinus sita, portuosa, octoginta mille passuum ambitu, ubere admodum solo, olim incolarum frequentia insignis, quatuor oppidis distincta; tunc vero populorum infrequentia pristinum cultum, ac decus amiserat. Pathmos parvo circuitu universa montibus, & collibus distincta, nec non metallorum venis scatens, Joannis Apostoli atque Evangelistæ cælestibus visibus illustrata, quos, dum a Domitiano exilio damnatus esset, in ea insula e fonte Divinitatis exhausit: inde cœnobium illius nomine extructum, templumque erectum est, quod hodie magna cum religione invisitur. Aegina quoque, non longe ab Eubœa sita, incolarum numero, ac portu conspicua, cui prætor publico nomine præerat; ab ea captivorum ad septem millia abducta fuere, quod vix credibile videretur, nisi ad vetustatis fabulas respiceremus, quibus ad Aeaci infortunia lenienda formicæ in homines mutatae dicuntur, ut inde accolæ Myrmidonum nomen assumpserint. Nea insuper, quam quadraginta passuum millia ambiunt, easdem injurias, & clades perpeffa, glebæ insita a natura proprietate insignis, ut quocumque deferatur, venefica animalia arceantur: in potestate Pisanae gentis patriciæ eo tempore erat: nam cum orientale imperium, Venetorum, ac Gallorum consociatis armis, Byzantio expugnato, a Græcis ad Latinos translatum fuisset, tertiaque fere illius pars Venetæ Reipublicæ accessisset, in ea rerum omnium agitatione Senatusconsulto civibus permissum fuerat, ut privato sumptu Aegæi insulas occupare, sui que juris facere liceret: inde pleræque Cycladum ad privatos attinebant. Inter has Astypalea, octoginta octo passuum millium circuitu, ubi liberam fuisse civitatem Plinius memorat, Quirinis obnoxia, eodem turbine jactata est, quam olim a piratis pene destructam Joannes Quirinus ea tempestate instauraverat, qua Constantienſe Concilium anno

anno M. CCCC. XXXIII. celebratum fuit. Paros marmorum præstantia illustris, poetarum carminibus insignis, quæ candore adeo præstant, ut e longinquo nivis specie obtutum fallant: Marpesus mons reliquis sublimior cum aquarum scaturigine, tum marmoris excellentia clarus: ad septentrionem Paron oppidum cum ejusdem nominis portu habet, ibi fontem esse ferunt, quo album linum, vel corium immissum, nigredinem contrahat: quinquaginta milliarium ambitu constat: Veneriæ familiæ tunc parebat, quæ cum ad Bernardum Sagredum successionis jure spectaret, ut illam adversus hostes tueretur, eo se contulerat, quorum impetum cum fortiter per aliquot dies sustinuisset, tormentario pulvere deficiente, oppidani deditionem facere coacti fuere: incolumes ab hostibus relictæ, complures capti, inter quos ipse quoque Sagredus, qui postea Epidauriensis cujusdam opera, qui ad transita, dum olim trierarchus esset, remigio diu vitam traduxerat, libertatem est adeptus. Naxos, cui inter Cycladas principatus tribuitur, vitium copia olim Baco dicata, Dionysiæ, & ubertate frugum parvæ Siciliæ nomen sortita, Joanni Crispo parebat. Chariadenus cum ad insulam appulisset, nuntium statim ad Joannem misit, qui diceret, ni deditionem faceret, hostilia omnia expectaret: oppidani, atque incolæ perterrefacti, cum impetum hostium perhorrescerent, potiusque in barbarorum misericordia, quam in armis spem reponerent; Crispus, annua quinque aureorum millium pensione pacta, statimque in sequentem annum soluta, in veteri ditione insulam retinuit; licet a libidine, ac furore militum cuncta diripientium, & vastantium se accolæ eximere non potuerint, præda supra viginti quinque aureorum millia abacta. Tenenses natura loci, ac munitionibus, opera, atque impensa haud exigua structis, cum obsistere hostibus potuissent, aliorum exemplum, fortunamque sequuti, oppidi, atque insulæ tutandæ spe abjecta, ultro in Chariadeni potestatem concessere: paulo post factum pertæsi, ac rubore perfunsi, quod, vi non expectata, turpiter defecissent, ad Cretæ magistratus misere, qui militum præsidium, & præfectos Venetos exposcerent. Neque Cythera prima Aegæi maris insula, quæ a Cytherea nomen sumpsit, Turcarum excursions, ac direptiones evasit. Tot, tantisque cladibus

*Bernardus  
Sagredus a  
Chariadeno  
captus.*

*Joannes  
Crispus, pi-  
sone cum  
Turcis pa-  
lla, Naxi  
retinet.*

*Tenoi rursus  
Veneto-  
rum impe-  
rium ample-  
ctitur.*

*H. Mauroceni T. L*

*Gg 3*

*Aegæi*

1537

Aegei maris insulis peragratissimas ; & praedivitis onustus spoliis Aheneobarbus Byzantium se contulit.

Cum vero de Cretica in sequentem annum expeditione rumor vulgaretur, Pesaro imperatori mandatum est, ut Franciscum Paschalicum, classis legatum, cum triremibus viginti in Cretam mitteret. Joannes Maurus cum summa auctoritate praefectus deligitur : Andreas Gritus Cydoniae praeficitur. Interea Collegii Patres decretum tulere, quo Carolo, de Corcyrae obsidione soluta, & pace cum Republica ineunda injectis a Turca sermonibus, scribendum censebant ; statutum Senatui esse, foederi subscribere ; Romam facultatem ad illud ieiendum mitteret. Adhortationes addebantur, quibus ad expeditionem in barbaros hostes ea virtute, qua saepius praeliis interfuerat, suscipiendam invitaretur : rem tanto Principe dignam, qua priscam superiorum aetatum memoriam, ac res praecclare gestas aequare non modo, verum etiam superare posset : ceterum afflictis, & labentibus christianae reipublicae rebus unicum praesidium illud futurum, si, omnibus sublati controversiis, cum Francisco Galliarum Rege pace inita, ambo adversus Ottomanorum gentem invicta arma, foedere sociati cum Republica, sumerent : hoc uno certam victoriae spem niti, qua barbarae gentis jugum ab innoxiorum populorum cervicibus excuteretur, ac infesti cunctis Turcarum ausus, & conatus frangerentur. Joannes Donatus, qui prima juventa magistratum, cui maritimarum rerum cura committitur, a rerum navalium disciplina *Sapientis ordinum* nomen sortitum, gerebat, bini oratores ut mitterentur, suavit ; alter ad Carolum ; alter ad Regem, ut illos Senatus nomine ad pacem adhortarentur, atque octo dierum spatio itineri se darent ; tantam rem per oratores melius, quam per literas confici posse : Pontificem, ut Rempublicam ad foedus ineundum impelleret, nuntio legatum addidisse : Caesarem Loppesio Soriae ordinario oratori Petrum Gonzalium extra ordinem pro Italica societate misisse. Cur igitur, ut ad Principum tam difficillimo tempore conciliandos animos Senatus oratores non mitteret ? quid egregium in hostes agi posse, dum distractae, atque avulsae Caesaris vires Gallico gravissimo bello detinerentur ? verendum esse, ne totius

*Franciscus Paschalicus classis legatus in Cretam mittitur.*

*Joannes Maurus est imperio Cretae praeficitur.*

*Andreas Gritus Cydoniae praeficitur.*

*Joannis Donati, & Antonii Emericii disputationes in Senatu.*

tius Turcici belli onus in Rempublicam incumberet. Antonius Erizzius, Donati collega, contra differebat: ad novos oratores mittendos nihil urgere, cum paulo ante Christophorus Capellius orator in Gallias profectus fuisset, cui, ut pro pace inter Regem, & Cæsarem firmandam laboraret, injunctum fuerat: propediem Petrum Mocenicum, ad Carolum oratorem designatum, in Hispaniam iturum, qui eodem officii genere fungeretur, ut alias ingerere legationes supervacaneum esset; neque inde, nisi inanis rumoris aura captaretur, atque ad Suleimani iras in Rempublicam acuendas incitamenta submitterentur, spes, ac mentio pacis penitus præcideretur, ex qua saltem illud emolumenti capi posset, quod foedus majori Reipublicæ cum utilitate, tum dignitate sanciretur.

Dum inter præstantes juvenes pari eloquentiæ, & pietatis in patriam laude disceptatur, ex Hispaniis literæ supervenere: inter Cæsarem, ac Regem inducias in decem menses pactas fuisse, Heleonora Regis uxore, & Margareta sorore Navarra Regina cum Maria Caroli germana, Pannoniæque Regina convenientibus, ut immania diuturni belli incendia induciis proximo ad pacem gradu restinguerentur: ea de causa, ut Belgio gravissimis bellorum cladibus afflicto præsentem opem ferrent, Cæsareani ad inducias descendisse ajebant, cum revera pecuniæ inopia adactos fuisse constaret, longinquis Peruanæ regionis argenti fodinis, atque ex Hispaniæ conventibus tardis tributis, immensis belli sumptibus haud paribus. Senatus frequens Collegii Patrum sententiam est amplexus: additæ ob inducias publico nomine gratulationes, atque adhortationes, quibus Principes ea tempestate, sæviante Turcico bello, ad præclarum, atque utile pacis, ac pietatis decus accenderentur. Ut in idem quoque summo studio niterentur, iisdem officiis cum Pontifice, & Galliarum Rege Senatus egit, quo, semotis Christianorum Principum dissidiis, armisque reconditis, majori animorum ardore bellum adversus communes hostes administraretur. Legati quoque ad Poloniæ Regem, & Imperii Electores designati, ut communi cum reliquis Principibus societati se adjungerent. Duo dein de patritii, Aloysius Badoarius ad Cæsarem, Franciscus Ju-

*Inducias inter Cæsarem & Galliarum Regem.*

*Senatus officio pro pace.*

*Veneti legati ad Poloniæ Regem & Imperii electores.*

*Aloysius Badoarius ad Cæsarem: Franciscus Justinianus ad Galliarum Regem legati.*

1537

stinianus ad Regem missi, ut omni studio ad concordiam incundam illos hortari, atque impellere niterentur. Romæ, dum hæc gererentur, & quæ ad fœdus faciendum spectabant, intentius atque acrius urgebantur, Marcus Antonius Contarenus legatus publica mandata petit. Collegii Patres iciendi fœderis decretum ad Senatum tulere, atque ut seorsim Contareno darentur literæ, ne conditionibus subscriberet, prius quam de iis Senatus mentem intelligeret.

Aloysii  
Gradonici  
oratio.

Contra Aloysius Gradonicus graviter, & copiose disseruit: veterem majorum instituto ita comparatum esse, ut de gravissimis rebus, quibus salus, incolumitasque Reipublicæ contineretur, Senatus libere decerneret: modo, prisca immutata ratione, invitum, ac nolentem trahi, dum ii, qui fœdus amplectendum censerent, omnes cum Suleimano pacis tractationes abrumperent: hinc nullum Canali legato de redintegrandâ pace responsum, ut percusso fœdere, ad bellum suscipiendum Senatus impellatur. *An*, inquit, *Caroli dubia consilia non agnoscimus? qui mense septembri sibi datis a Senatu literis nondum respondit? An vero quæ maxime optamus, adeo facilia nobis esse suademus, ut quæ per tot annos dissidia Carolum, & Franciscum exercuere, ea momento componantur? Compertum illud est, Casarem Mediolanense imperium Regi numquam traditurum, ni loca munitiora detineat, donec Aurelianensis Dux in illius possessionem missus, beneficiario sibi jure obstringatur: Rex contra, nulla interjecta mora, liberos Insubres deposcit. Putamusne tantas maxima de re controversias adeo facile dirimi posse, ut discordes animi in mutuum adversus barbaros bellum conspirent? Quid porro Pontifex? qui, ut maxime incensus in communem societatem videatur; attamen de hoste invadendo, deque universa expeditione consilia ad anni sequentis kalend. majas rejicere se velle inquit, quo tempore in Concilio de religionem agendum erit. Bellum interim in dies acerbius adversus nos committitur; loca maritima cæde, vastationibus, incendiis deformantur; populi miserrima servitute affecti, nihil non luctuosum, ac funestum præferunt: præter*

ter

ter Corcyrae obsidionem, in qua nihil a barbaris vel ad crudelitatem durius, vel ad avaritiam crudelius prætermisum est; Nauplii, & Epidauri urbes petite, agri vexati, Cyclades insule, quæ Veneto parebant imperio, pene omnes occupatæ: & tamen qui adutores ad immensum hoc pondus sustinendum nobis fuere? Bellum cum potentissimo, atque immani hoste gerendum nobis erit, cujus terrestres maritimæque vires tanta jamdiu incrementa susceperunt, ut formidinem Christianis Principibus incusserint. Cur igitur de concordia cum hoste ineunda prius non decernitur? quæ si æquis conditionibus obtineri queat, quis non certam pacem difficilimo, ac periculosissimo bello antetulit?

Marci F.  
scianoratio.

Ad hæc Marcus Foscarus, Consilii Sapiens: quin penes Senatum summa totius Reipublicæ sit, ambigere neminem; nihil subdole, aut ex composito a Collegii Patribus agi; an non Senatusconsultum de fœdere factum fuisse? qui, cum Suleimanus a Salentinis in Corcyraeos, mutata sententia, expeditionem moliretur, Pontificem, & Casarem ad societatem ineundam incitavit; fœdusque Romæ, ac Venetiis cunctorum Christianorum plausibus adversus Turcas indictum est. An modo mandata flagitantibus minime respondendum? quæ prudenter decreta fuere, delenda prorsus, ac rescindenda sunt? Scilicet, quo universum in nos tantum bellum incumbat, nullis sociis, nullis adiutoribus cum hoste dimicemus; qui quo majoribus, uti Gradonicus asserere visus est, viribus nititur, ut iis obistere soli nequimus, eo magis reliquorum Principum amicitiam, & societatem amplecti debemus. Mirandum non esse, si adhuc itineris longinquitate a Casare literæ minime acceptæ fuerint. At Pontifex se in concilio kal. maji de expeditione in Turcas agere instituit. Num igitur mittenda ob id ad legatum mandata non sunt, quibus in rem Christianam bene animato vebementiores gloriæ, atque utilitatis stimuli addantur? At Canalis literis respondendum; de pace cum Suleimano agendum est. Id porro Collegii quoque Patres censere, ab æquis conditionibus concordie non abhorre: verum, quod maxime instat, id modo ut perficiatur, adnitendum. Quis enim barbaræ genti confidat, quæ teterrimo odio in Christianos imbuta, nihil non quotidie in illorum exitium molitur; cujus

1537 *cujus Imperator iniquum Reipublicæ immerenti bellum intulerit, atque ob regnandi libidinem jurisjurandi violatam religionem contempserit? His, atque aliis a Foscaro dictis, subscribendi foederi decretum Senatus probavit.*

*Senatus decretum de fudere sub-  
scribendo.  
Littera in  
Senatu pro-  
posita, ut  
Canali Byzantium  
mitteretur.*

Deinde de literis ad Jacobum Canalem legatum scribendis latum est, quarum sententia hæc erat. *Vebementer Senatum commotum fuisse, quod Suleimanus Corcyre insulam invasisset; atque eo vebementius, quod Alexandri Ursini reditu, uti spoponderat, minime expectato, ut de iis, quæ acciderant, Senatus mentem intelligeret, veteris pacis, atque amicitiae jura præperero consilio abruptisset: neque vero Pesareum classis imperatorem in Salentinos profectum, ut suis rebus adversum aliquid moliretur, sed fortuito in Ottomanicam classem incidisse: verum Reipublicæ triremes male habitas, trierarchos captos, illatam immeritis necem, justo animi dolore conqueri: ceterum quæ de Suleimani propensa erga pacem voluntate Ajax Canali renunciasset, ea Senatui probari, atque id sibi suadere, mercatorum bona, quæ in variis illius imperii locis essent, sarta, tectaue conservatum iri, ne ii, qui regia fide illecti maximas opes negotiorum causa in suas regiones importassent, pessimo exemplo, jure gentium neglecto, deciperentur. Hæc summa literarum fuit: quibus ad Senatum perlectis, triduum Patribus, ut singuli de re gravissima secum reputarent, quod perraro fieri solet, concessum est; quo exacto, ut in suffragia iretur, propositis ad Senatum literis, Hieronymus Grimanus continentis Sapiens ita loquutus fertur.*

*Oratio Hieronymi Grimanii.*

*Exploratissimum est, Patres optimi, gravissima nos in re, ac difficillima versari, cum inter dubias belli, pacisque spes anceps animus hac atque illuc impellatur. Nam post triginta atque septem annorum pacem, quam cum Ottomanis Regibus servavimus, quo tempore multæ ab illis virium, multæ regnorum accessiones incredibili felicitate partæ fuere, in difficillimi belli aleam se committere quis maxime arduum, ac periculi plenum non arbitretur? quis non certam pacem ambiguis belli eventibus anteferat? Sed illud attente vos prospicere oportet, ne pacis nomine illecti, exili, atque, ut ita dicam, umbratili illius specie decepti, quæ vobis præcipue ad imperium, ac libertatem sustinendam necessaria sunt, inutili cunctatione,*

*in.1.*



inanibusque verbis deferatis. Nisi vero vos magis barbarorum fide, cujus periculum sapius fecistis, compositoque ad dolos, fallaciasque ingenio nitendum arbitramini, quam Christianorum Principum fœdere, cui nuper, ut Contarenius legatus subscriberet, mandastis, in quo communem hostem, sociatis viribus, aggredi statutum est. Quis enim nobis Suleimani inclinatum ad pacem animum pollicetur? Qui post Ajacis cum Canali de concordia sermones, non ita pridem Byzantium reversus, uno eodemque tempore diversis in locis acerrimum Reipublicæ bellum intulit; Cassinum præfectum Peloponnesi urbes expugnare jussit; Dalmatia oram vastari, ac diripi præcepit; in sequentem annum Corcyræ denuo, atque etiam Cretæ minatur. Neque tunc ad Scardonam, atque Obroatium gesta ad illum perlata fuerant; non urbem eversum, ac solo aquatam, suosque profligatos, non Obroatium expugnatum; quibus incensus, atque inflammatus animus quem iræ modum imposturum arbitramini? Et adhuc spem ex Canalis literis nobis confingimus, quæ tribus jam elapsis mensibus data fuisse? ex quo tempore variis rerum eventibus, omnis immutata consiliorum ratio est, omnibus undique bellum circumstrepentibus. Quo fit, ut si prudenter, si recte Rempublicam turbulentis hisce temporibus administrare velimus, cuncta studia ad fœdus quamcelerrime conficiendum nobis conferenda sint; Reges ad concordiam adhortandi, ut pace firmior ad tuendam christianam rempublicam gradus muniatur. Videte obsecro, Patres optimi, ne si ii, quos inutiles cum hoste de pace sermones serimus (ut fere necesse est) ad Principum aures pervenerint, remissiores facti, atque priore animorum ardore restincto, fœdus, quod jam tenemus, summo Reipublicæ damno e manibus elabatur. Præcepto occasio est; semel amissæ seras poenitentiae poenas damus, quam ultro advenientem amplexi, ingentem bonorum, ac gloriæ cumulum excepissemus. Quo porro animo Pontificem, & Casarem in Rempublicam fore censetis, si dum cum iis de societate jungenda agimus, eodem tempore de pace cum hoste tractemus? An quisquam suspicionem ex illorum animis evellere poterit, vos tandem cum Turca consensuros? Quonam igitur sancienti fœderis spes? quonam Christianorum Principum societas? quam tantopere Turcæ perborrescunt, ut

1537 nomine tantum perterrefacti spem pacis objiciant; eam si dis-  
 jectam, ac dissipatam intelligent, quæ vobis pacis conditiones,  
 vel qui bellorum impetus expectandi sunt? Quis vero ambigat,  
 Franciscum Galliarum Regem, si de pace cum Suleimano  
 Rempublicam agere persenserit, statim a concordia cum Cæ-  
 sare ineunda aversum fore? spe baud infirma fretum, Carolo  
 cum Suleimano potentissimo, atque acerrimo hoste decertandum  
 esse: inde spes excident, quibus mortalium omnium subnixæ  
 mentes ingentem de Christianorum Principum fœdere opinio-  
 nem conceperunt. Quid itaque frustra in perniciem nostram  
 verba jactamus? quid tempus terimus? hostibus arma, ferrum  
 terra, marique parantibus, adhuc cunctamur, distinemur, in  
 ancipiti versamur? Imminentibus rerum certis periculis, at-  
 que casibus ambigua consilia minime aptanda sunt; expeditis,  
 ac certis sententiis, forti, & bene preparato animo opus est,  
 quo uno disjiciuntur pericula, salus, atque incolumitas Rei-  
 publicæ continetur, ac sustentatur.

Dixerat Grimanus, cum Marcus Minius Consilii Sapiens sic  
 contra disserere est adortus.

Oratio  
 Marci Mi-  
 nii.

Quo magis ardua in re, atque, ut Grimanus inquit, ad  
 deliberandum difficili versamur, eo magis nobis accurate pro-  
 videndum est, ne extrema consilia amplexi Rempublicam præ-  
 cipitanter in immensos turbinum, ac procellarum fluctus con-  
 jiciamus. Id mihi efficere videntur, qui nullam pacis, nullam  
 concordie cum Suleimano sanciente mentionem fieri volunt:  
 non ad Canalem rescribi: sermones Ajacis negligi, atque cer-  
 to, inevitabilique bello Rempublicam implicari. Quasi vero non  
 illud apud cunctas gentes usu receptum sit, ut inter armorum  
 strepitus, tormentorumque fragores pacis aliquando nomen im-  
 misceatur. Quis profecto vel in hoc augusto tot Patrum Sena-  
 tu, vel in universa Republica est, cui si pacis æquis condi-  
 tionibus cum Suleimano optio daretur, illam ultro lubens non  
 amplexurus esset? Unus Grimanus præcidi illius mentionem  
 oportere arbitratur; bellum, arma, ferrum tantum in ore ba-  
 bet. Contra censet maxima Patrum Collegii pars: si qua re-  
 rum cum Suleimano componendarum ratio est; si qua viget  
 concordie spes, eam minime extinguere, sed ali, & foveri de-  
 bere; ne aliquando illius sprete, atque abjectæ nos poenitentia  
 sub-

subeat. Neque vero est hic commemorandi locus, quot sumptus, quot incommoda, quot clades ex Turcico bello nobis semper imminuant. Enumerarem hic amissa oppida, urbes, provincias, populos in servitutem abductos; direptiones, incendia, vastationes; intercepta toto Mediterraneo fere mari commercia; & si quid aliud est, quod magis acerbum, ac grave menti subijci, & prope oculis cerni queat. Verum cum apud illos mihi habenda oratio sit, qui longo rerum usu, atque prisca prudentia edocti, nullos non humanarum rerum casus intelligunt, reprimam me, atque illud unum vere, & constanter affirmare audebo, fœderi, quod Romæ agitur, ea, quæ de pace ad Canalem scribuntur, minime officere. Immo illud quoque adjiciam, hanc unam ad fœdus e Republicæ dignitate, atque utilitate cito percutiendum viam esse, dum Principes veriti, ne Respublica pacem cum hoste sanciat, mora omni amota, in fœdus quamcelerrime descendant. Quod itaque fœderi adversari Grimanus credit, id ego maxime favere existimo. Neque ambigo propterea, reliquos in nos insenso animo futuros, cum constet, eam quoque pacis tractandæ rationem Pontifici probatam fuisse; cum verisimile non esse diceret, Rempublicam, objectis sibi de pace sermonibus, adeo suæ prudentiæ oblitam, ut, iis prorsus neglectis, non tenui saltem filo appensas concordie spes ad omnem eventum retineret. At ex illis, quæ in Illyrico contingere, iratum esse Suleimanum pertimescimus. Num igitur, concordie rationibus prorsus rejectis, furenti, ut ajunt, addere calcaria volumus, cum potius lenire illum, ac mitigare oporteret? At Galliarum Rex, cognitis de pace sermonibus, a concordia cum Carolo ineunda abhorrebit. Immo, ut ego arbitror, veritus Cæsar, ne Venetorum pace duplex illi a Suleimano, atque Francisco bellum immineat, dissidiis sine imposito, Insubrum imperio filio concessso, mutuo se cum Rege fœdere adstringet. Quid enim ardentius Rex exoptat, quam ut Mediolanensi imperio, pro quo tot labores exhausit, tantas potentissimi regni vires absumpsit, potiatur? Id vero se pace facilius, & citius consequi posse certo scit. Cur igitur negligenda cum superbo hoste pax est? cur ne Canalis quidem literis respondendum? Etenim si justa, atque honorifica pace bello finis imponitur, quis jure vestra consilia reprehendat?

cum

1537 *cum acerrimi hostis præpotentes vires terrestres, ac maritimas a vestris ditionibus submoveritis, atque e magnis Rempublicam periculis vestra prudentia eripueritis. Sin vero, pacis omni spe rejecta, belli pericula subeunda erunt, an non illud maxime vobis solatio erit, quod non voluntarium, sed necessarium suscipere bellum coacti fueritis?*

Cum Minius perorasset, Patres in alia omnia ivere, neque quidquam decretum est. Agitatum postea bis ea de re dissentientibus sententiis in Senatu est; atque cum multa pro utraque parte disceptata essent, pares ferme patrum sententiæ fuerunt: nam primo ut decretum in aliud tempus differretur, duo suffragia pervicere: mox cum tertio decretum de conscribendis literis latum esset, quin decerneretur, duo item suffragia desiderata sunt. Ea re vehementer Patrum animiangebantur, atque illorum præcipue, quos magnarum rerum usus in Republica administranda assidue exercuerat, dum inter ancipites foederis, ac pacis spes fluctuare Rempublicam animadverterent; quæ ad bella necessaria essent, minime expediri; hostes undique vires colligere, ut veris initio terra, marique Venetas ditiones invaderent. Erant qui minime fidendum Suleimano, paceque ad Rempublicam distinendam objecta, acrius parare bellum arbitrantur; salutem, ac libertatem in foedere cum Christianis Principibus firmando reponerent. Alii contra, qui societatem, jura, ac rationes perpenderent, quorū difficultatibus implicarentur, dubiis illarum eventibus pacem quoquo pacto iniri posset, gravissimo bello anteponerent: hostis potentiam, vires Reipublicæ minime ad obsistendum pares, rerum præteritarum exitu edocti, æqua lance æstimantes.

Principum vero ea erat mens, ut quandoque ingentem rerum præclare gerendarum spem alerent; nonnunquam variis, ac dissidentibus consiliis, difficultate deterrerentur. Nam Carolus aliquando incensum adeo ad bellum cum Suleimano gerendum animum præsefererebat, ut se ipsum illud adversus barbaros administraturum diceret: ex illo non amplificandi imperii opportunitatem, sed solidæ, ac nunquam intermorituræ laudis gloriam querere: hac una contentum, quidquid iustis armis ex hostium manibus ereptum esset, illud Venetæ Reipublicæ ultro tributurum, cujus vires, & potentiam, ut pro mu-

muro adversus barbaros extarent, augendas censere : quo expeditior arma in hostem induceret, inducias cum Galliarum Rege pepigisse. Vastius quoque Insulbrum præfectus multa cum Fidelio a secretis Senatus his de rebus loquutus, Reipublicæ prudentiam, rectam, ac præclaram regiminis formam efferebat : Cæsaris in rempublicam christianam egregiam mentem, atque in Venetos singulare studium testabatur. Andreas quoque Auria sibi Cæsarem in mandatis dedisse significabat, ut aperiente se anno classem numero, & viribus quammaxime posset instructam educeret; tum ut foederi, cui se Cæsar obstrinxerat, satisfaceret; tum ut ita poscentibus Reipublicæ rebus celerem, ac strenuam opem ferret. His Venetorum animos confirmare Carolus nitebatur, ut prorsus a pace averfos foedere vinciret, eandemque cum illo subire fortunam compelleret; cum ejusmodi ingenio esset, ut sapius mira dissimulatione intimos, atque abditos animi sensus obtegeret, & illi nil altius insideret, quam ut occultis quibusdam genii stimulis se supra Galliarum Regem efferret, armisque iterum Gallos laceraret, ne ab imperii Mediolanensis possessione deturbaretur. Id porro ex multis non obscure elici posse videbatur, vel quod Senatus literis post tres elapsos menses responsum non dederat, vel quod e rerum eventibus firmiora consilia petenda duceret. Nam illud certum est, Vastium cum Fidelio de pace inter Principes, ac foedere loquentem dixisse, postero anno expeditionem in Turcas fieri non posse, cum in tot sumptus Cæsari pecunia minime suppeteret; neque peritescendum, ne hostis tam cito, quæ ad arduum ac difficile bellum exposcerentur, expedire posset. Byzantii quoque occulto egisse multis argumentis, innotuerat, ut a suis ditioribus Ottomanicæ classis impetum averteret, atque Chariadeni animum Hispani cujusdam, Siciliæ Proregis nepotis, quem ille captivum detinebat, opera pertentasse, ut, Turcarum Rege deserto, sibi adjungeretur. Resque agitata eo processit, ut Ahenobarbus libertate donatum in Hispaniam mitteret, qui inde reversus Cæsaris nomine regnum Tunetanum ea conditione detulerat, si illius opera Iapygiæ ora & Neapolitani a Turcarum maritimis viribus immunes essent; si vero, Mahumetana superstitione ejurata, in Christianam religionem no-

men

*Hispani  
officia, ut  
classem  
Turcicam a  
suis ditiori-  
bus averte-  
rent.*

1537  
Hispanorū  
cum Chari-  
adeno tra-  
ditiones.

men daret, opulentum illi in Hispania principatum, atque alia egregii facinoris præmia liberaliter polliceretur. Constatque Chariadenum per Mamertinum fretum transeuntem, cum accolæ summis incommodis afficere potuisset, nullis damnis illatis, prætervectum. Hæc, ne multa pollicenti Cæsari certa fides adhiberetur, efficiebant.

At in Francisco Galliarum Rege proclivis in pacem animus erat, quod ejus filius, Aurelianensis Dux, absque armis per ampla Insuorum ditione potiturus esset. Quocirca Franciscum Justinianum, qui ad illum, ut diximus, pro pace missus fuerat, perhumaniter excepit; gratias Senatui egit; re ipsa quanto studio, animique ardore ad pacem ineundam esset, non modo Reipublicæ, verum universo christiano orbi palam facturum, ad inducias descendisse; Lotharingum Cardinalem, & Galliarum magnum Magistrum, ut quamprimum pax firmaretur, Narbonem ire jussisse. Rhodensioque apud Rempulicam legato mandaverat, ut inclinatum in id Senatū sedulis officiis foveret, atque incitaret. Verum, qui Francisci gesta recensebant, & quantum ille de gravissimis rebus consilia propria tantum utilitate metiretur, memoria repetebant, verebantur, ne repentina aliqua rerum mutatione optima instituta consiliorum ratio interverteretur.

Paulus III. Pontifex, vel suo apte ingenio, vel Pontificio munere, totus in rempublicam christianam incensus erat. Addebantur frequentes Patrum adhortationes, ac preces, quibus mirifice ad præclara quæque pertractanda, atque efficienda impelleretur. De Principibus vero conjungendis negotio, quod illi parum prospere cesserat, suscepto, minime deterritus; ne quid ea in re, qua nulla major ea tempestate tractari posse videretur, prætermitteret, Cardinalem Carpensensem ad Cæsarem, Jacobatium ad Regem legatos miserat, ut officio, suasionem, prece conjungere Principum animos, atque arma in communem hostem niterentur. Ob id a Senatu Pontifici gratiæ actæ fuere. Henrico quoque Angliæ Regi datæ literæ, quibus, ut summam auctoritatem ad conciliandos Principes ingenti christianæ reipublicæ bono adhiberet, hortabatur, suorumque majorum exemplis, atque egregio fidei defensoris titulo ad bellum adversus communem hostem incendebatur.

Ma-

Carpensis  
Cardinalis,  
& Jacoba-  
tius legati a  
Pontifice  
ad Cæsarem  
& Galliarum  
Regem missi.

Marino Justiniano, ad Ferdinandum Romanorum Regem legato, imperatum est, ut priscis, ac recentibus a Turca illatis injuriis exasperatum acrius commoveret, atque ad dissidia cum Joanne Hungariæ Rege tollenda suaderet, quo expeditius arma in Turcas verteret, & a barbaris acceptas injurias generoso impetu semel ulcisceretur. Nam ad Turcarum vires frangendas nihil opportunius censebatur, quam ut terrestribus armis peterentur, ac Germani, feroces & bellicosos spiritus gerentes, ad pristinum Imperii decus gloriamque, cui aliqua resperfa ab hostibus labes videbatur, instaurandam, unanimi impetu commoverentur.

Dum inter dubias belli, pacisque spes Senatus versaretur, atque Christianorum Principum animos ad concordiam cohortari, ad fœdus faciendum incitare summo studio emiteretur; Alexander Ursinus xviii. kal. januarii Venetias rediit, cum Jacobi Canalis legati literis viii. ac vii. kal. novembris datis ex arce, ad Euxinum sita, in qua Suleimani jussu inclusus fuerat. Summa Ursini itineris, ac eorum, quæ gesserat, hæc fuit. Venetiis profectum ad Chertzegi præfectum se contulisse; ab eo duos itineris comites, qui Thessalonicam perducerent, datos: Reipublicæ legato non invento, Luphtibejum, & Ajacem supremum Bassam adiisse; a Senatu ad Suleimanum oratorem designatum, significasse, qui ea, quæ acciderant, præter illius mentem contigisse significaret: inde duobus aliis comitantibus Byzantium v. kal. novembris pervenisse; cum legato congressum, a quo Hadrianopolim proficisci jussus fuerat: ibi Suleimanum venationibus intentum offendisse: cum Ajace loquutum, primum mandata ad Byzantii gubernatorem impetrasse, quibus Canalem e turri educi, liberiore loco, custodibus tamen adhibitis, jubebatur: deinde ut statim Venetias contenderet, legatumque a Senatu miti curaret. Canalis autem legati literarum hæc erat sententia. Cum ipse in castris Suleimani ad Aulonem esset, ac Veneta classis in sinu Rhizonico prope Neocastrum moraretur, Janusbejum illi exposuisset, Suleimano, ut statim Byzantium peteret, decretum fuisse, rationes redditurus, cur, sæpius disertis verbis Venetorum de servanda pace voluntate testata, contra quæcumque ab hostibus proficisci possent, ea in subditorum navigia, resque suas

*H. Mauroceni T. I.*

*H h*

*com-*

1537  
*Senatus officia cum Ferdinando Rege.*

*Alexander Ursinus Byzantio Venetias rediit.*  
*Alexandri Ursini expositio.*

*Jacobus Canalis orator ab Hellespon, iacea turri eductus.*

1537

committerent : Byzantium cum attigisset, in carcerem conjéctum, deinde in Hellepontica turri detrufum, in qua antea Nicolaus Justinianus, cui ille successerat, & complures mercatores inclusi fuerant : eo in loco cum multis incommodis confliétaretur, ad Ajacem, supremum Bassam, & Janusbejum scripsisse : adversus fidem, ac jusjurandum teterrimo carcere contineri, eductum non ita exili animo esse, ut fugam meditari vellet; mortem minime expavescere, quam patriæ intervenientem obire decorum arbitraretur : Ajacem per Ursinum illum edocuiffe, si damna a nostris illata, quæ ad vigintiquinque aureorum millia essent, sarcirentur, haud difficile fore; per oratorem designatum pacem cum Suleimano instaurare; cui, ut tuto Venetias Byzantio commeari posset, facultatem, fide interposita, concessisse. Hæc Canalis captivi literis continebantur. Ursinus vero, potestate itineris legato ab Ajace impetrata, Neocastrum perrexit, atque ibi viæ comites, qui illum præstolarentur, reliquerat. Ea omnia ut Principum legatis enunciarentur, Senatus decrevit : Pontificio, atque Cæsareo adjectum : constantem de foedere ineundo, multis quamvis de concordia conditionibus a Turcis oblati, voluntatem in Republica manere : quocirca, ut, quæ bellum ingens requireret, in iis sedulo, atque enixe comparandis insisterent, orare, ac flagitare.

*Ajacis petitiones unde pax instauraretur.*

*Conditiones a Turcis propositæ Principum oratoribus significatæ. Senatus constantia in fudere.*

M. D. XXXVIII.

1538

*Venetis subsidia in Orizem mittere decernunt.*

**I**Nde cum omnes rationes concordie ineundæ penitus abjectæ viderentur, sedulo quæ ad maritimas Reipublicæ dietiones muniendas attinebant, curari Patres urgebant; trimmum numerum augeri; conscribi milites; colligi commeatus; bellicos apparatus instrui. Naupliis milites in subsidium, atque annonam flagitantibus quadringenti pedites, bis mille festarii frumenti, quatuor aureorum millia fuere transmissa : Classis imperatori, qui Corcyræ tunc erat, præceptum, ut quamaximam posset commeatus vim, ac bellicorum apparatus mitteret. Epidaurum pedites præsidarii ire jussi; ut frumenti sexcenti festarii conveherentur, decretum : Cytheræ Aegæi insulæ præsidium auctum. Cretæ vero protegendæ cura haud parum Patrum animos sollicitabat, cum incolas, proximis



mis insulis a Chariadeno foede direptis, ac vastatis, tantus terror invasisset, ut nonnulli eo præcipientes acti, seditiosos rumores dissiparent, quamprimum hostes cum classe appellerent, ultro deditiorem facturos. Quare cum plerique maxime commoverentur, atque urbium conventus, Cretenses parum sineeræ in Reipublicam fidei maculis aspergi animadverterent, legatos cum literis ad Senatum misere, quibus demisse petebant, ne paucorum infimæ gentis crimina, qui errore, atque ignoratione potius, quam prava mente in Reipublicam lapsi fuerant, quidquam de sua fide, & constantia imminutum censerent; opes, filios, vitam denique ipsam Senatui deferre, quam ultro intrepide pro Reipublicæ incolumitate, ac dignitate profunderent: orare, ut milite, ducibus, classe, annona, ceterisque ad bellum necessariis subveniretur, ut hosti insulam invadenti fortiter obsisterent. Legati perhumaniter habiti, colonie fide, atque constantia laudata, dimissi fuere. Mox quinque aureorum millia decreta, statimque missa; Pesareo imperatori in mandatis datum, ut Franciscum Paschalicum, classis legatum, cum selectis triremibus in Cretam iterum mitteret, tres quoque Nauplium proficisci juberet. Cretæ vero magistratibus datæ literæ, quibus nobilium, & popularium animi confirmarentur. Corcyram Stephanus Theopolus cum summo imperio missus; com meatu, tormentarii pulveris, atque aliarum rerum in usus belli ingens copia navibus delata. Valerius Ursinus in eadem insula universæ militiæ præficitur. Pesareo imperatori, ut opera quamprimum, uti decretum fuerat, ad opidum muniendum perficenda curaret, jubetur; iis perfectis in patriam reverteretur; cui postea Vincentius Capellius successor a Senatu, ac majoribus Comitibus datus est. Ascrivium, Epiri urbs in penitior Rhizonici sinus parte sita, validiori præsidio firmata; munitionibus erectis, tutior, & ad hostium impetus sustinendos munitior redditur. Dalmatiæ præterea opidis, atque urbibus pedites, & annona subministrantur. Camillo Ursino militiæ præfecto, ut, recensitis militibus, ad duo selectorum millia redigeret, mandatum. Complures quoque tum e Græcia, tum ex Illyrico equites levioris armaturæ ad liberandos ab hostium incursionibus fines accersiti. Et quo in usus belli pecunia sufficeret, ut a terrestribus Venetorum

1538

*Cretenses legati ad Senatum.*

*Franciscus Paschalicus in Cretam mittitur.*

*Stephanus Theopolus cum imperatore Corcyram legatus.*

*Valerius Ursinus præficus Corcyrae.*

*Vincentius Capellius Pesarei loco classis imperator.*

*Camillus Ursinus in Dalmatia militiæ præficus.*

1538

*Vestigalia a  
Senatu im-  
posita.*

ditionibus centum aureorum millia subsidii loco persolverentur, Senatus decreto scitum est: vectigal quoque ad molendum impositum, quo in singulos seltarios sex asses penderentur: pecunia Navali addita. Ne ii, qui ære publico obstringerentur, ad urnas accederent, ut globulos ad magistratus fortios majoribus Comitibus fumerent, cautum: decumæ quoque universis civitatis ordinibus impositæ.

*Cæsareanorum & Gallorum ad pacem faciendam cōventus. Conditiones a Gallis Cæsarei propositæ.*

Dum hæc ad bellum gerendum a Venetis comparantur, in Gallia de pace inter Carolum, ac Franciscum; Romæ de fœdere inter Pontificem, Cæsarem, & Rempublicam sciendi agebatur. Salsulis, oppido inter Perpinianum, & Narbonam sito, Cæsarei, ac regii convenire: varie utrinque alterna ferre spe, & desperatione agitatum. Nam initio summo ardore de concordie rationibus, multis hinc atque inde propositis, disceptatum fuerat. Verum cum res prope ad exitum perducta videretur, novis obortis difficultatibus, ad eadem initia revolvebatur, ac Principum animi veteri æmulatione, præteritarum rerum memoria, & casibus accendebantur. Galliarum Rex trium optionem Cæsari fecisse agebat: primum, ut quæ ad Allobrogum Ducem spectarent ditionibus restituis, Mediolanense imperium Aureliano filio Cæsar, Ferdinandi fratris filia connubio iuncta, traderet; nuptias vel tunc, vel trium annorum spatio pro suo arbitratu celebraret; interea nemo de possessione decederet: alterum, ut, nulla re immutata, ambo iis, quæ modo obtinerent, oppidis potirentur: tertium, ut in decem annos induciæ protenderentur; interim ad opem reipublice christianæ ferendam, sociatis consiliis, atque armis convenirent, ac de controversiis dirimendis simul ageretur. Ab iis, quæ a Rege proponebantur, Cæsareanos initio minime abhoruisse constat; postea, singulis rejectis, quæ Madriti in Hispania captivus pepigerat, ut rata haberet, petiisse; Allobrogibus loca quamprimum restitueret; Cæsar autem Insuorum oppida per triennium retineret: ut indigna flagitantibus, qui Regis nomine agebant, a colloquio discedere, atque Narbonam se recipere cogerentur: quoniam vero in annum differri inducias Cæsareani postulaverant, Rex in id descendere suos iussit. Carolus e contra, quod a colloquio discessum esset, a Regis nimium obfirmato animo profectum, qui Allobrogum

Du-

Duci ea, quæ contra jus, atque æquum interceperat, nollet reddere; sed, nondum aliis compositis, Mediolanense imperium statim peteret, neque sibi fidem satis haberet, qui tertium in annum pollicita de Mediolani imperio tradendo differret, ut Aurelianus interim connubio jungeretur, atque regis voluntatis periculum fieret, quam parum sinceram sæpius antea expertus fuisset: huic rei ni assentiretur, ad Pontificis auctoritatem rejiceretur. Itaque cum querelis, ac jurgis res traheretur, atque a Salsulis ii, penes quos negotii peragendi facultas erat, discessissent, rerum præclare gerendarum fundamenta debilitari, ac prope everti visa sunt; & Pontifex, cum secessionem consequutam audivisset, hæc proloquutus fertur: *Fœderi absque Galliarum Rege non parum roboris, ac vigoris decessurum; verumtamen se eandem semper cum republica fortunæ aleam subiturum.*

Romæ eodem tempore de fœderis conditionibus disceptabatur: & licet in nonnullis convenissent; nam summæ præfecturæ dignitas, assentientibus Venetis, Andreæ Auris tribuebatur; Pontifex vero, ut Reipublicæ gratificaretur, Marcus Grimanius, Patriarcham Aquilejensem, pontificiæ classis præfectum designaverat; tamen quotam quisque fœderatorum partem conferret, nondum decretum fuerat: neque pares singuli vires exhibere poterant. Cum vero satis constaret, Pontificem tertiæ non sufficere, sexta illi pars attributa fuerat; de reliquis quinque partibus, ut dimidium Cæsar, reliquum Veneti solverent, Cæsareani contendebant. Contra Venetis nimis durum videbatur, æquis portionibus cum Cæsare, cui tot regna, ac provinciæ parerent, in fœdus concedere. Senatus, re mature perpensa, e sex portionibus duabus se adstringere decrevit; id quoque supra Reipublicæ vires esse, Pontifici testatus: tres Carolum minime invitum in Reipublicæ opem collaturum sibi suaderi. Cæsar, ne majori cunctatione fœdus traheretur, suis, qui Romæ erant, illius percutiendi facultate data, sexta Pontifici, duabus Venetis portionibus relictis, dimidium sumptuum omnium præstare pollicitus est.

Hoc rerum statu Janesinus, Reipublicæ interpres; Venetias inexpectato advenit, quem Canalis legatus e carcere educus

*H. Mauroceni T. I.*

Hh 3

ad

*Andreas  
Auris sum-  
mus classis  
fœderatoris  
imperator.  
Marcus  
Grimanius,  
Patriarcha,  
pontificiæ  
classis præ-  
fectus.*

*Imperatorum  
faciendorum  
inter fœde-  
ratos divi-  
so.  
Janesinus  
interpres a  
Canali ora-  
tore Venetis  
missus.*

1538

*Jacobi Canalis litera.*

ad Senatum cum literis Byzantio miserat. Is Neocastrum a duobus Bassæ hominibus deductus, ab Sangiaco, qui Neocastro præerat, Ascrivium a suis familiaribus perducî jussus est. Literarum hæc erant capita. Libertate impetrata, secum carcerem, atque ærumnas, quas perpeßus esset, Ajacem indoluisse: Scardonæ eventus eas sibi calamitates ob iratum Regis animum peperisse: quod, vetustis pacis conditionibus abscissis, ad bellum ventum esset, magna molestia se affici: ceterum mirari de propositis a se concordia rationibus ne responsum quidem ullum tulisse: jam tertio Venetias nuntium mittere: adhuc tempus esse, quo res opportune componerentur: si Senatus velit, Regis iras molliturum, atque ejusmodi conditionibus pacem sanciri posse sibi suaderi, ut arctior Venetis cum Suleimano amicitia intercederet: sin vero oblatam concordiam respueret, triplo auctis viribus cum terrestribus, tum maritimis, acerrimo bello impetum in Venetos facturum; Græciæ, atque Asiæ robore coacto, veris initio in expeditionem iturum. His multa Canalis de bellicis Turcarum apparatibus adjecit, equorum, & camelorum ingentem numerum, milites undique colligi, trecenta navigia cunctis rebus instructa in promptu esse. Quæ legatus per literas Senatui significavit, eadem Janesinus de Ajacis mente retulit, cujus jussu cum Chariadeno colloquutum, qui uti amicus Republicam ad pacem fuerat cohortatus; quam si aspernaretur, se cum classe in sinus Adriatici penetralibus propediem futurum; dum Suleimanus cum ingentibus copiis Forijulii provinciam aggrederetur. Literis in Senatu perlectis, atque iis, quæ Janesinus retulerat, renunciatis, mox legatis, ut antea factum fuerat, patefacta fuere: Pontificis, ac Cæsaris oratoribus illud additum: in Senatu eandem mentem esse, ut neque allatis Byzantio rumoribus, neque ad pacem ineundam incitamentis permotus a foedere conficiendo deterreretur; immo cunctos nervos in ea omnia, quæ ad tantum bellum suscipiendum necessaria essent, intenderet; ut illorum Principes ad paria facienda, acrioribus stimulis adjectis, inflammarent; atque impellerent, rogare.

Literas Canalis legati, ac Janesini sermones magna animorum commotio, atque hæsitatio consequuta est; cum in plerisque, qui

*Canalis litera & Janesini officia federatorum legatis patefacta.*

qui belli acerrimi suafores erant, primus ille ardor, & impetus remitti, ac tepescere videretur: in iis vero, qui in pacem inclinaverant, illius perficiendæ acrius studium, & vehementior sollicitudo insurgeret; cum præsertim conciliandorum Principum spes, quo uno omnium consensu christiana respublica nitebatur, Cæsareanorum, ac regionum a Salsulis discessu, extincta fere censeretur: armis inter se potentissimis Regibus sævientibus, nihil egregium in communem hostem aggredi licere. His privatae Canalis literæ ad Marcum Foscarum, cordatum virum, ac rerum gerendarum prudentia illustrem, accedebant, in quibus cum plura de potentia, & viribus Turcarum dissereret, tandem; ut pax cum potentissimo hoste iniretur, e Republica esse, arbitrari se ajebat; neque ea se ullo aut carceris, aut interitus timore perterrefactum enunciare; quippe qui nihil præstantius, ac gloriosius ingenuo viro ad libertatem, & laudem nato accidere posse putaret, quam exiguum temporis hujus usuram perenni immortalitatis gloria compensare. Urbinas quoque imperator, rei militaris scientia æque ac prudentia vir clarus, cum de variis rebus in usus belli necessariis cum magnæ auctoritatis Senatoribus colloqueretur, sæpius inquit, oblatam jam tertium a Turcis pacem secum animo reputasse: prospicere bellicos cum Reipublicæ, tum foederatorum apparatus seros, atque exiles fore: contra vero hostium prævalidos, ac citissimos: quocirca id sibi tutius, atque utilius, ut de pace ageretur, videri, imminentiæque mala, atque impendentes fortasse calamitates evadere. Eodem tempore illud quoque accidit, ut Hispanus ille, de quo supra memoravimus, Zacynthum appelleret, & profectum se in eam insulam exploratum affirmaret, an Chariadenus intra Hellespontum se recepisset; tamdiu ibi moraturum, donec per nuntios de illius navigatione, atque consiliis certior fieret, Re vera autem constabat, ut cum Ahenobarbo conveniret, missum: Tunetum, ac Guletam oppugnanti nulla impedimenta Cæsarem injecturum, denuo pollicitum fuisse. His fiebat, ut ambiguis maximarum rerum consiliis Patrum animi distinerentur: hinc Romæ pene ictum foedus; fides sæpius adstricta objiceretur; inde pacis cum acerrimo hoste haud exigua spes, atque gravissimi belli a cervicibus Reipublicæ depulsio se ostentaret. Re frequentibus consultationi-

*Urbinatis  
sententia de  
pace cum  
Turcis  
inunda.*

1538

Decretum  
de pace agi-  
sanda pro-  
positum.

bus agitata, major Collegii Patrum pars rursus de literis ad Canalem scribendis decretum tulit, quæ cum superioribus, de quibus sæpius disceptatum fuerat, ejusdem sententiæ erant: legato, ut de pace ageret, injungebatur: quamprimum tutum iter foret, Senatum legatum Byzantium missurum. Variis disceptationibus sex diebus acta res in Senatu est, ab VIII. scilicet, usque ad III. kal. februarii: aliis contra sentientibus, ac legem ferentibus, ut conditionibus foederis subscriberetur, neque legati literis, neque nuntio quidquam responderetur. Eximii in arduis Reipublicæ negotiis versati Senatores pro utraque parte sententias dixerunt: inter ceteros Marcus Antonius Cornelius, qui ea tempestate admirabili eloquentia, ac vehementi dicendi vi floruisse dicitur, pro foedere adversus pacem in hanc sententiam orasse constat.

Oratio  
Marci An-  
tonii Corne-  
lii.

*Etsi difficillimis temporibus, atque arduis in rebus perspecta virtus vestra, & constantia, Patres optimi, iis qui vera, ac solida prudentia nituntur, nullum ambigendi locum relinquere videtur, quin vos dubiæ, atque incertiæ inani pacis spei fœdus diu inter Christianos Principes agitatum, ac probatum non antelaturi sitis; attamen baud satis mirari queo, tantam animorum mutationem consequutam esse, ut, qui modo subscribendi fœderi mandata dedimus, qui hætenus societatis vinculo in communem hostem Christianos Principes conjungere enixe laboravimus; nunc, perturbata consiliorum ratione, omnium, quæ gesta sunt, obliti, pacis oblatam speciem vel immodico terrore, vel nimia cupiditate commoti queramus, atque complectamur; ut neque fidei, quæ se in fœdus Senatus obstrinxit, meminerimus; neque eorum, quæ cum Pontifice, & Cæsare egimus, cogitatio mentem subeat. An vero summorum Principum nullam esse habendam rationem arbitramur? an justum in nos cunctorum Christianorum odium concitare non veremur, qui hac omnes intentissime oculos conjiciunt, atque hoc fœdere, quod molimur, incolumitatem, ac decus christiana reipublicæ contineri arbitrantur? Quod percussum fere, ac firmatum si nostra culpa rescinditur, quis Rempublicam, uti publico bono adversam, vel potius hostem, omni maledictorum, & probrorum genere non perstringet? Sæpius*

pius hoc decretum, cuius modo gravissimi viri suaves sunt, ad vos latum est, neque unquam a fœdere ad pacem tractandam abduci potuistis. Canalis legati Aulona datis de concordia literis, cum dissentientibus sententis non semel disceptaretur, nihil est responsum. Alexander Ursinus supervenit; pacem Ajacis Bassæ verbis obtulit; legatum, qui Byzantium mitteretur, petiit; eadem sententia permansit. Turcarum ad concordiam incitamenta Principum legatis aperuistis; constantiam in percutiendo fœdere significastis; illorum animos ad societatem ineundam inflammastis; ad bellicos apparatus acri, utque intentioni curâ comparandos, ac perficiendos impulsistis: postea Janesinus inopinato advenit, eadem attulit, de quibus nunc consilia inimus. An quidquam ob id præterita sententiæ immutatum? Cuncta iisdem legatis patefacta sunt; nihil silentio pressum; eadem in fœdere voluntas; iidem Principibus stimuli additi, ut Casareani ad impensarum dimidiam portionem persolvendum adducerentur. Num igitur omnia intervertenda? Quis porro tis de rebus, in quibus maximorum eventuum momenta consistunt, sibi actum cum Senatu velit? Igitur tot, tantaque obstinato labore exantlavimus; legatos ad Principes misimus; pecuniam in immensos sumptus profudimus; subscribendi fœderi facultatem Contareno oratori impertivimus, ut Pontificem, & Casarem ludificaremur, ut cunctorum odium in nos acueremus, in incertam pacis aliam cum ingenti periculo Rempublicam conjiceremus? Sint hæc illorum hominum portenta, ac monstra, qui nullam veræ virtutis, & prudentiæ imaginem agnoscunt, atque arundinum in morem tenui aura huc, atque illuc flectuntur: a vobis vero, Patres amplissimi, hæc exempla nomini vestro ingloria minime expectantur, qui per manus a maioribus traditam optimæ Reipublicæ administrandæ formam accepistis, ac studio, rerum usu, humanorum casuum accurata observatione perfecistis. Nam quis vobis futuræ pacis sponsor est? technasne, ac dolos barbarorum ignoramus? An satis fidere Ajacis, atque Chariadeni, acerrimorum nominis Veneti hostium, pollicitis possumus? An Suleimani vastos spiritus, jurisjurandique contemptorem animum non agnoscimus? qui ante Alexandri Ursini adventum, spreta fide, in Corcyraos arma movit; post Ajacis de pace cum

cum Canali sermones, Peloponnesi urbes Cassinum praefectum  
 iussit invadere; Abeneobarbum praedabundum totum Aegeum  
 percurrere; insulas vastare, occupare, diripere; ingentem mor-  
 talium numerum miserrima captivitate affectum in pecudum  
 morem catenis, & compedibus victos petrabi Byzantium im-  
 peravit? Id vero agunt, id moluntur, ut vos a Principum  
 Christianorum societate abstractos facilius adoriri possint, at-  
 que tutius vincere, cum nihil aequae ac foedus reformident,  
 quo uno frangi illorum potentiam, comminutum iri vires per-  
 borrescant. Singulos aggredi separatim minime verentur, cum  
 terra, marique praepotentes sint; ex conjunctis Christianorum  
 Principum viribus certum sibi exitium impendere arbitrantur.  
 Inde toties repetita pacis mentio; hinc ad legatum adhortatio-  
 nes; hinc Janesinus Venetias missus, ut vos pacis nomine al-  
 liciant, a ceterisque avulsos facilius labefactare, & opprimi-  
 re queant. Has artes summo cum Reipublicae damno majores  
 nostri experti fuere, dum tectis dolis, ac simulata concordiae spe-  
 cie a Mehemete decepti, Euboeam amisere. Ne idem nobis  
 contingat, summo studio providendum est; ne fucata ista, at-  
 que adumbrata pax transversos agat, & a certis incolumita-  
 tis, ac libertatis praesidiis abducatur. Nam, foedere omisso, de  
 duobus alterum pertimescendum videtur, aut eo gravius bel-  
 lum, quod arma, ac ferrum barbara gens in nos tantum sa-  
 va manu stringet, solique impares ad illorum impetus excipien-  
 dos, & sustinendos erimus; aut summa cum ignominia, ac  
 detrimento pax: miserum illud, atque acerbum; hoc vero in-  
 decorum, ac vix ingenuis viris ferendum. At, pro Deus im-  
 mortalis! quae pax? quo non bello tetrrior, ac miserabilior? ex  
 qua fructus quolibet bello acerbiores laturos simus: pax, in-  
 quam, precaria, quae non sacramenti religione, non aequo vi-  
 rium pondere nitatur; sed tota ex barbarae gentis voluntate  
 pendeat, quae intestino in cunctos christiana religione imbutas  
 homines odio exardescit; illorum strages, exitium, ac funus  
 parat, & meditatur; quae victoria ex uno ad alterum inveni-  
 endum iter sibi munit, cunctorum imperii, atque opum inex-  
 plebili siti corripitur. An ea pax dici potest, cui belli assiduus  
 metus comes est? an quae sensum veluti tabe publicae opes ex-  
 hauciantur? dum classem triremium numero, ac robore instru-  
 Ram



*Etiam in promptu habere cogimur ; praesidiarios milites alere ; oppida, atque urbes sumptu prope immenso, & insuperabili opere munire? An ea pax dici potest, in qua limitaneus frequenter hostis adest, praedas abigit, captivos abduci, cuncta infesta prae insita ferocia reddit? in qua negotiatores saepe male habiti, vectigalia aucta, mercatores in carcerem coniecti, navigia capta, ac detenta sunt? An ea demum nomen pacis meretur, quae otio milites corrumpit, nervos pristinae virtutis frangit, atque egregios, quos a maioribus spiritus expressimus, penitus elidit? At sunt, quos grave, & periculosum bellum, ingens Suleimani potentia perterrefacit. Quid igitur? num despondere animum oportet? num aequas juxta, atque iniquas pacis conditiones accipere? Quo majus bellum imminet, quo potentissimus hostis vehementiori conatu nos aggreditur, eo minus a Christianorum Principum societate seungi nos decet. Nonnulli immensa pene impensarum mole obruuntur. Quid si uni Reipublicae totius belli pondus sustinendum esset? Non puto vos a maioribus vestris degeneres fore, quos nulla pericula, nulli sumptus terruere, quin maxima bella fortiter susciperent, atque obfirmata virtute conficerent. Modo laborum, atque impensa socios habemus; haud parva belli subsidia a Pontifice expectantur, quem ducenta propediem aureorum millia ex sacerdotiorum proventibus liberaliter concessurum haud dubie novimus; triremes in usum belli conferenda omnibus rebus adornata, & instructa sunt; quotidie materies ex nemoribus ad remos, atque alia conficienda convehitur; tormenta bellica expediuntur; tormentarius pulvis, ceteraque instrumenta militiae jam comparata sunt. At questuosissima toto Turcarum imperio commercia a Venetis haberi solita objiciuntur, ex quibus vectigalia Reipublicae pendent, sine quibus bella administrari nequeunt. Quasi vero alia sit vectigalium, alia Reipublicae ratio. Republica incolumi, publica, & privatae opes argentur, ac sustentantur; eadem labefacta, quaecumque cives aedificant, moluntur, navigant, cuncta eadem ruina convelluntur, ac corruunt. At ex Venetorum amicitia non parum utilitatis Suleimano accedit. Non inficior; dummodo suo arbitratu conditiones, ac leges pacis dicat; dummodo a reliquorum Principum societate abstractos, assiduo belli imminetis metu implicatos,*

1538

tos, paulatim viribus, ac pecunia exhaustos, opprimat. Sed, nondum inter Carolum, & Franciscum pace sancita, gliscen-  
tibus animo veteribus odiis, nil egregii in communem hostem  
ex fœdere proficisci poterit: immutato rerum statu, ad fœdus  
percutiendum non adstringimur. Quis porro aut Romæ, aut  
Venetiis id unquam objecit? quis ea conditione pacisci dicere  
ausus est? Sed neque prorsus de concordia Principum spes ce-  
cidere; adhuc res agitur; neque Pontifex, neque Respublica  
pro communi bono quidquam prætermittit. An vero vires, ac  
potentiam Cæsaris adeo imminutas censemus, ut ad utrumque  
bellum gerendum, si ita opus sit, sufficere non possint? Id cum  
multa, tum illud præcipue testatur, quod superioribus annis  
Africanam expeditionem molitus, in Provinciam quoque cum  
ingenti exercitu armatus penetravit. Sed vires hostium exag-  
gerant; triremium, omnisque generis navigiorum numerum;  
milites, atque in iis prætorianos, qui prima militiæ rudimen-  
ta pueri acceperere; equites, bellicos apparatus, ingentem argen-  
ti vim. Numero certe, ac virium magnitudine præpotente cum  
hoste nobis dimicandum est. At si summam earum rerum, quæ  
a fœderatis in bellum conferendæ sunt, contrabamus, non in-  
feriores, superiores fortasse hostibus inveniemur. Verumtamen  
navigiorum numero, pecunia præstent: rerumque maritimarum  
peritia, ac virtute cum fœderatis erunt conferendi? quibus si  
multitudinem demas, solidam quoque virtutem, ac fastum dem-  
pseris. Qua enim in re adeo polleant, ut palmam nostris præ-  
ripere audeant? Ducibusne? munitis oppidis, atque arcibus?  
militari scientia, aut prudentia, in qua non minus bello,  
quam pace excellere necesse est? Hæc nostris adeo suppetunt,  
ut parva manu ingentes hostium catervas vincere, ac debella-  
re possint. Quid, quod undique tota non modo Italia, sed uni-  
versa fere Europa eximii duces, & rerum gestarum gloria in-  
signes in voluntariam militiam se nomina daturus profitentur,  
augustumque Crucis vexillum vestris auspiciis subsequuturos?  
Tot, ac tam præclaras gerendarum rerum opportunitates ii  
proterunt, & corrumpunt, qui, fœdere relicto, dubiam pacem  
sectantur; quos nec fides, nec Principum summo studio expe-  
cita societas, nec prævalido conatu, ac prope immensis sumpti-  
bus coactæ vires commovent; qui iniquam pacem iusto bello

an-

anteponunt; quæque a seipsis, & christiana reipublicæ proce-  
ribus præsidia ad libertatem, ac decus tuendum petenda fo-  
rent, ea in teterrimorum hostium fide sapius summo damno,  
& dedecore experta, ponunt; quos denique nulla ad præclara  
gloriam incitat. At vos, Patres optimi, quos Reipublicæ cura  
solicitat, qui semel interpositam fidem nullo unquam casu fe-  
fellistis, ambiguum, ac veluti veneno oblitam pacem abnuite,  
neve fallaci aura illecti, navim pelago committite, neu cuncto-  
rum Christianorum, qui a vestris consiliis pendent, spem fru-  
stremini. Aderit vobis Summus Pontifex; aderit Caesar; pu-  
gnabit una cum Germanis Ferdinandus frater: nemo, ut cre-  
dibile est, non in hujus gloriæ partem adesse volet: piis, ac  
religiosis votis aderit Deus immortalis, qui per tot sæculorum  
continuum seriem Rempublicam nunquam non ex summis pe-  
riculis eripuit; aliquando, imperiis, ac provinciis delatis, in-  
signi gloria cumulavit. Quid igitur moramur? quid cuncta-  
bundi hesitamus? cur non statim, abjectis de pace consiliis,  
fœdus, quo incolunitas nostra nititur, divina ope implorata,  
non amplectimur.

Cornelii orationem Marcus Foscarius excepit, ac pro pace in  
hanc sententiam loquutus fertur.

Ea est humanarum rerum conditio, ut variis jactata casi-  
bus non eisdem semper sententias, non eadem consilia poseant;  
ac nonnunquam usu venit, ut ii, qui nimium propriæ senten-  
tiæ addicti inanem constantiæ laudem aucupantur, cum in ma-  
gnas calamitates inciderint, tum seræ pœnitentiæ pœnas luant.  
Itaque non modo Senatusconsulta in amplissimo hoc confesso af-  
ferre, sed, nullam in partem inclinato animo, quæ e Republi-  
ca sunt, audire, ac perpendere est opus; ne iis, qui opinione  
aliqua imbuti hac accedunt, illud eveniat, quod iis accidere  
solet, qui suffusus externo colore oculis intuentur, qui nihil sin-  
cerum cernere; nullum de visis judicium ferre valent. Nam  
si rerum præsentem statum recta mentis acie circumspicere ve-  
limus, non is mihi ejusmodi videtur, ut Suleimanum, pace  
jam tertio oblata, ne responso quidem dignemur. Ut enim mul-  
ta in bellum a nobis comparata sint, quæ, si alium hostem ha-  
beremus, aliud exiguum nobis spem prosperi eventus facerent:

iis

Oratio  
Marci Fos-  
carii.

1538

*iis cum hostibus dimicandum est, quibus neque terrestres copiae, neque classes deesse possunt, cum immenso fere terrarum spatio dominantur; Asia omnis in illorum potestate sit; Africa fere tota pareat; neque exigua Europae parte potiantur. Fœderi vero, quo tantopere multi innituntur, quamvis non parum tribuam, attamen certum in eo rebus nostris præsidium collocare non ausim; cum ea sit societatum ratio, ut variis rerum eventibus inturbari, ac præpediri queant; atque alii sapius sociorum fines, animos, & vires in diversa trahant; ac dum quisque suis rebus consulit, commune bonum negligatur; subsidia neque paria, neque eodem tempore, uti constitutum est submittantur; inde suspiciones; animorum alienationes; ex his dissidia; ex dissidiis denique leges fœderum violatæ ac desertæ: qui minores reliquis ad obsistendum vires afferre possunt, prædæ loco non hostibus modo, verum etiam sociis fuisse. His sit, ut mente concipere nequeam, cur, abjectis pacis consiliis, in difficillimum bellum, quo nullum Respublica gravius, ac periculosius suscipere potest, ruere velimus. Venetæ ditiones in vicies centena millia passuum longitudinem protensæ, Turcis finitimæ sunt; neque certo in quam regionem hostis irrupturus sit, sciri potest: Corcyramne iterum invadat; Cretamne; Cyprum; Peloponnesi urbes; an Epirum; an Dalmatiam bello adoriturus sit. Hinc vobis immensi, ac prope incredibiles sumptus impendent; ingenti militum, triremium, bellicorum apparatus numero opus est. Neque interea minus de terrestri imperio cogitandum, nisi aditum hostibus in Carnos, ac Foro-Julieneses relinquere velitis; qui patrum, atque avorum memoria eam regionem direptione, incendiis, captivitate, omni-que ærumnarum genere affecerunt. Hinc posteaquam Turcarum potentia adeo excrevit, ut pares cum illis Respublica vires conferre non posset, pacem bello antetulit, quam per triginta septem atque amplius annos a Bajazetis bello studiose coluit. Inde publicarum, ac privatarum opum incrementa fluere, quibus hæc urbs aquis circumseptæ, maritimis innutrita negotiis, mirum in modum floruit, atque Europæ Principum conspirationes eximia virtute depulit; terrestre imperium omne fere amissum brevi recuperavit; cum in diuturni, & gravissimi belli sumptus abunde pecunia ex vectigalibus collecta*

sup-

suppeteret, commeatus non deessent, quinqueregium navigatio per omnes mediterranei maris oras non intermitteretur: eadem rerum facies; nihil imminutus, aut deformatus civitatis status videretur. Cum superioribus annis bellum cum Cesare, ac Ferdinando Respublica gereret, Suleimani in Austriam adventus impetus illorum avertit. Eadem tempestate cum tormentarii pulveris, & frumenti inopia laboraretur, cum nullibi asportandi facultas esset, Byzantio annona, ac pulvis sulphureus convectus est. Hi vobis fructus ex pace extitere. Contra vero vix enumerare possum, quot incommoda, quot damna, quot calamitates Turcico bello impliciti pertuleritis. Memoremne, quæ Mibemetis tempore contingere? Cum impetum potentissimi hostis a cunctis deserti sustinere nequiremus, Eubœam amisimus, pacis inde prope certæ spes oblata fuit, legatique Nicolaus Caucas, & Franciscus Capellius ob id Byzantium missi; sed ineundæ concordie rationes cum non essent expeditæ, tunc infecta re, mox interposito paucorum annorum spatium, ultro repetita pax multo sanguine, Epiri urbe, Scodra, alia loca ne memorem, nostris majoribus stetit. Percurramne bella cum Bajazete gesta? qui, quod Respublica Comitem Joannem Cernoviczbium in suam clientelam recepisset, hostis effectus, universam Dalmatiam fœde vastavit; Naupactum occupavit; in Carnos penetravit: Tiliavento, & Sontio trajectis, usque ad Tarvisinos montes hostes pervenire, ex quibus urbis bugus situm contemplati sunt: neque hic malorum finis; Methone amissa, Pylus, atque alia Peloponnesi oppida erepta. Anno vero millesimo quingentesimo, a nostris Cephalenia, & Leucade captis, ut concordia ini-retur, Leucas restituta est. Neque adhuc ea tempestate tot regionum, & provinciarum accessionibus Ottomanicum imperium excreverat: non Syria subacta, non Aegyptus debellata, non Pannonia præcipue urbes occupata; non denique Persidis pars Sopbo adempta, quibus adeo ingentes vires Turcis accessere, ut, nisi nosmetipsos decipere velimus, fateri necesse sit, nimum dispares nos ad certandum cum hoste esse, vixque fœderata cunctorum Christianorum Principum arma illorum impetus tuto excipere posse: præsertim cum is rerum status existat, ut, conventu dimisso, de pace nihil sperandum sit, sed acrior in dies inter Fran-

1538 Franciscum Regem, & Casarem pugna instet, atque hæc quidquid est temporis, quo arma conquiescere deberent, ad illa veementiori cum impetu movenda vim attulisse videatur. Quæ igitur hætenus ad ingens bellum suscipiendum jacta initia sunt? Dissunctæ sociorum vires; in novas cades, & cruorem propensa intestina dissidia; argenti summa inopia; ad ducenta aureorum millia in singulos menses insumenda non suffectura; publicæ opes superioribus bellis attrita; ex sacerdotiorum decumis vix triginta aureorum millia annua colliguntur. Hostis contra aliorum bellorum curis solutus, in hoc unum adnixus; classis jam in Hellepontis faucibus parata, atque instructa; quamprimum, ut fertur, Cretæ insulam petitura. Hæccine fœderis auspicia? hæccine egregia, & certa subsidia, quibus incolumitas, ac libertas Reipublicæ nitatur? Haud ambiguis periculis objicimur; hostis arma in nos tantum intenduntur: patent universæ Venetæ ditiones Turcarum incurisibus, quæ reliquis Principibus pro tutissimo propugnaculo sunt: neque iidem periculis; neque pari fortuna socii in fœdus coeunt. Cæsar tot curis distentus, Gallico bello laceratus, regnandi inextinguibili cupidine ardens, ac tantum de re vestra, quantum sua interfit, sollicitus, vestri imperii accessiones, atque incrementa parum lato animo excepturus. De Andrea vero Auria eloquarne, an fileam? cui uti summo fœderis præfecto rerum omnium pondus incumbit? qui insito in nomen Venetum odio, arrogantia, ac fastu ad res vestras potius labefactandas, quam augendas natus, factusque videtur? Ut enim reliqua præteream, ab hoc uno alia discite. Superiore anno, cum omnis retinenda Corcyræ spes in consociandis classibus sita videretur, vestris literis, Pontificis adhortationibus, legati Hispani precibus retineri non potuit, quin, abjectis de conjunctione consiliis, Genuam contenderet. Verum, ut iis, quæ Cornelius objecit, paucis occurram; ea mihi duobus in primis contineri videntur, metu ne fidem deseruisse videamur, ne Principum in nos animos concitemus, cunctorumque Christianorum invidia laboremus; spe, qua tantum sibi nonnulli de fœdere pollicentur, ut victoriam de hoste prope se habere in manibus jactent. Sed acrior metus nos sollicitare debet, dum ingenti potentia subnixum hostem; dum res nostras, ac sociorum dispicimus, atque il-

*illud in mentem venit, quod a Casare dictum ad nos perlatum est : hoc anno nil hostile aggredi per socios licere ; ac rursus quod Pontifex perloquutus fertur, sine pace inter Casarem, & Regem nil egregii in commune bonum confici posse. At nondum obsignatis fœderis conditionibus, quis iuste violatam a Republica fidem conqueratur ? præsertim cum omnes de concordia cum hoste ineunda rationes rejicere ; neque Pontifex ; neque Caesar ipse probavit. Sed illud veremur, ne posthac duriores ad socia cum Republica arma conjungenda Principes experiamur. Quasi vero, oppresso ab hoste, atque occupato Veneto imperio, non eadem calamitas ad ipsos pervasura sit. Metus profecto iste ad societatem semper cum vobis ineundam suasor, atque impulsor erit. At timent nonnulli, pacem cum hoste insidam, ac minime diuturnam fore ; ad fallendum dolos, atque insidias strui. Arbitramine, ni sibi amicam Rempublicam Suleimanus cuperet, ab eo toties vobis pacem oblatam ? Fato quodam, & casu suscepta adversus vos arma recondere optat ; unus illi juratus hostis Caesar est ; cum hoc tantum illi de imperio, ac gloria certamen. Brevis admodum pace utemur. Quis affirmat, cum per triginta septem annos pacem cum Turca habuerimus ? quis porro exili futurorum eventuum ambiguitate sibi ad certos præsentium rerum fructus capessendos aditum præcludat ? De metu dictum est. Spes accendit animos, & ad præclara quæque obeunda generosos impetus addit. Utinam vero eo statu res essent, ut alacri animo iusta pro pietate, ac religione arma induti, priscam gloriam æmulari possemus : quis non summo studio iustum in bellum incitaretur ? Sed ita res se habent, ut magno pietatis loco ducendum sit, si a vestris regionibus, urbibus, oppidis, innoxiiis populis, imminenti belli impetum avertere potueritis. Censeo itaque, cunctatione aliqua in fœderis conditionibus subscribendo utendum esse ; interea de pace cum Suleimano agendum, atque æquas illius rationes ambiguo, incerto, ac periculoso bello anteferendas esse.*

Præter Cornelium, & Foscarum pro utraque parte clarissimi ætate, ac rerum usu præstantes viri disseruere : pro fœdere Aloysius Raynerius, Gabriel Maurus, Matthæus Dandulus, Antonius Lauretanus, Joannes Franciscus Baduarius, Franciscus

H. Mauroceni T. I.

I i

Bar-

1538

Barbarus, Pandulphus Maurocenus, Jacobus Justinianus, Leonardus Haimus : pro pace Thomas Mocenicus, Aloysius Gradonicus, Marcus Antonius Grimanus, Philippus Tronus, Joannes Delphinus, Franciscus Donatus, Victor Grimanus : ejusdem quoque sententiæ Andreas Gritus Princeps erat, cui præter in Republica administranda prudentiam, Turcicarum rerum cognitio, atque usus magnum auctoritatis pondus addebant. Tandem iij. kalend. februarii, cum in suffragia ad mediam noctem itum esset, duobus ea vicit sententia, qua, pace rejecta, in foederis conditiones subscriberetur. Kal. februarii coacto Senatu, singulæ foederis conditiones confirmatæ fuere; quarum summa hæc fuit. Nempe

*Decretum  
de fœdere  
contra Tur-  
cas insum-  
do.*

*Fœderis cõ-  
ditiones.*

*Fœdus, ac societas pro rebus communibus tuendis, atque hostibus invadendis, adversus Suleimanum Turcarum Regem a Paulo III. Pontifice Maximo, Carolo V. Imperatore, Veneto- rum Republica iniretur. Bellum autem bis opibus administraretur: triremibus ducentis, armatis navibus centum, quinquaginta peditum millibus; nimirum viginti Italarum, totidem Germanorum, decem Hispanorum; quatuor millibus ac quingentis in Sequanorum morem, instructis, equitibus; bis tormentorum bellicorum, pulveris sulphurei, atque aliorum apparatusum vis adiceretur; quæ omnia singulis annis veris æquinoctio in promptu essent.*

*Pontifex triginta sex triremes, Cæsar octogintaduas, totidem Veneti instruerent, ut ducentarum numerus efficeretur: Pontifici triremes fabrefactas, armamentisque omnibus adornatas Venetus daret: Cæsar onerarias naves militarem in morem instructas, ad commeatus, pedestresque copias convectendas suppeditaret, ea conditione, ut, rationibus subductis, sociorum sumptus æquarentur, ac Venetis ea argenti vis penderetur, quam in triremibus supra octoginta duas instruendis insumpissent. Totius impensa ratio hunc in modum inter Principes distribueretur. Sextam Pontifex, ternas Cæsar, binas Respublica solveret; frumenta, & commeatus ex sociorum regionibus asportandi, æquo pretio persoluto, absque vestigali, atque portorio singulis facultas esset.*

*Societati Ferdinandus Rex Romanorum, cujus se vadem Cæsar præstaret, adungeretur, hac lege, ut collectis copiis, a Pan-*



*Pannoniæ finibus Turcas aggrediretur : eadem quoque Franciscus Galliarum Rex contineretur, cui præcessus, atque honorificus in fœdere locus relinqueretur : Pontifex, quantas ille in bellum vires collaturus esset, decerneret, quæ supra fœderatas essent. Principibus vero Italis, si in idem fœdus coire vellent, quotam quisque partem persolveret, cum Pontifex, declarasset, tantundem reliquis pro portione decederet.*

*In id sedulo, atque enixe Pontifex incumberet, ut Poloniæ Regem, & alios Christianorum Principes eodem societatis jure vinciret.*

*Si qua inter fœderatos controversia suboriretur, de ea sententiam ferret.*

*Classis imperium, maritimarumque rerum cura penes Andream Auriam foret.*

*Si qua terrestris expeditio fieret, imperium apud Franciscum Mariam Feltrium, Urbini Ducem, resideret.*

Hæc summa capitum fuit, quibus Romam transmissis, ad vi. idus februarii in Vaticano probatis, fœdus firmatum est; ad stipulantibus pro Cæsare Joanne Manrico Anguillario; pro Veneto Senatu Marco Antonio Contareno legatis, universo Cardinalium Collegio adficiente. Scorsim de iis, quæ bello parta forent, decretum: *Quæ in fœderatorum alicujus potestate fuissent, statim illis traderentur: Byzantium, quæque ad imperium, sive ad regnum Neapolitanum loca spectarent, ea Cæsaris essent: iis, quæ olim a Venetis possessa fuerant, exceptis; Auione, ac Neocastro adjectis: Rhodus Hierosolymitana religioni accederet: insignis aliqua regio, aut provincia in Apostolica Sedis jus concederet: reliquis in quibus nullum jus fœderatis fuisset, juxta impensæ portionem, quisque potiretur.* Fœdere ic̃to, ingens in Senatu de administrando bello sollicitudo; ad Cæsarem statim in Hispaniam datæ literæ, quibus de inita societate certior fieret, petereturque, ut Andream Auriam Messanam, Antonium Auriam in Cretam proficisci juberet, ut conjunctis viribus cum nostris hosti ingruenti obfisterent, atque egregium aliquod facinus adversus Turcas aggredirentur. Ut in partem laborum, ac societatis Henricus Angliæ Rex ascisceretur, enixe laboratum; nihilque a Hieronymo Zuccato, a Reipublicæ secretis viro, prætermisum est, ut illum ad iusta cum

*Fœderati,  
ut Angliæ  
Rex ad fœ-  
dus ascisceretur,  
nituntur.*

1538

reliquis arma induenda impelleret. Verum ab eo, vel quia in fanciendo foedere nulla facta mentio fuisset, vel quod nimiam Caesaris potentiam suspectam haberet, nihil impetrari potuit; immo Zuccato introducto, mirari, inquit, hæc a se Senatum petere, qui paulo antea Vicetiae a Pontifice Concilium indici passus esset, neque ullam illius in percutiendo foedere rationem habuisset: ceterum vaticinari, ad eandem pacem, atque concordiam cum Sulcimano Senatum rediturum.

Neque minorem ob initam a Venetis societatem Galli molestiam cepisse videbantur: nam cum per eos dies e Gallica nobilitate vir Venetias accessisset, ut Regis nomine de dimisso conventu, ac de propenso illius in pacem animo Patres doceret, simulque Regis ad conciliandam cum Suleimano Rempubicam operam detulisset; addiderat, Regi foedus minime probari, illudque, vel ingravescente Pontificis ætate, vel ob Caesaris bello impliciti incerta subsidia periculis obnoxium censere. Mox, Senatusconsulto de foedere confecto, ad Patrum Collegium reversus, acriter conquestus est; adversus Regem foedus initum fuisse; illum, undique collectis auxiliis, omni aliarum rerum posthabita ratione, se, suaque defensurum. His Rhodensis ordinarius legatus addidit: bellum Regi, licet taceat, a Republica indictum videri; nihil sibi, nisi discessum, superesse. Ad hæc Princeps: Foedus in communem hostem, non in Regem, quem summo studio, atque observantia Republica coleret, ictum. Tum a Senatu de singulari illius in Rempubicam studio gratiae actæ; subiectumque, summis votis pacem inter Regem, ac Caesarem optare, ut magnanimus Princeps, atque ad summum christianæ reipublicæ decus ortus, viribus præpotentis, & nobilissimi regni in egregium hoc opus intenderet: de more tandem donatus a Senatu dimissus est.

In Caesare quoque ambiguus in difficillimo bello gerendo animus videbatur: modo bello Gallico detineri, quin totis viribus adversus communem hostem uteretur; nonnunquam hoc anno pro defensione tantum laborandum; sequenti, comparatis, atque apprime instructis viribus, hostes in eorum ditionibus laceffendos. Joanni Antonio Venerio quoque significandum curaverat, adeo se proclinato in Rempubicam animo esse, ut, de pace

*Franciscus  
Regis orator  
ad Venetos.*

*Rhodensis  
Gallicæ Re-  
gis ordina-  
rii legati  
apud Venet-  
os officium.*

pace cum Galliarum Rege firmanda spe abjecta, gravi, ac periculoso bello Rempublicam implicitam, & ne quid sibi adversum accideret, timentem, ad concordiam cum Turcis adhortaturus esset. Attamen hæc omnia Senatus ardor vincebat, atque in eo, quod semel sancitum fuerat, constans adeo, & ardens studium extabat, ut nihil, quod in belli usus opportunum, aut necessarium esset, prætermitteretur. Placebat in primis Andreæ Grito Principi, ut Andreas Auria, atque Urbinas convenirent, ut, de belli consiliis, ac rationibus inter se collatis sententiis, discerent; latumque ab illo, ac sex viris de ea re ad Senatum est. Contra Marcus Minius, Consilii Sapiens, disseruit: ex illorum colloquio nihil, quod communibus rebus conducere, expectari posse; bellicæ virtutis æmulatione dissentientes duces, veluti fomite addito, acrius exarsuros; cum præsertim Urbinas Auria primas partes minime concederet: inde mora, & cunctatione præsentem rebus opem poscentibus, hoste, ut ferebatur, Cretam invasuro, subsidia defutura. Ad hæc Princeps, *opportunum, inquit, tempus esse, quo de bello administrando, ac de iis, quæ obijci possent impedimenta, disceptaretur; ne tum ancipiti, atque inani consilio, cum rerum gerendarum tempus instaret, de iis agendum foret: his, quæ difficillima se se offerunt initio, discussis, atque animadversis, maturam opem afferri posse; in medio rerum cursu singulis obviam ire, cunctis adesse, neque temporis, neque virium esse: infelici eventu ad Abduam commissum prælium testari, in quo dissentientes Petiliani, ac Liviani sententiæ exitiosam, & funestam cladem Reipublicæ intulere: neque rem tanti operis esse, quin cito expediri posset, ac bellum firmiori, & certiori ratione gestum exiguam banc cunctationem compensaret: optima mente Urbinatem esse; neque verendum, ne in publici boni gratiam privatos affectus, & similitates minime comprimeret.* Senatui rem in aliud tempus rejicere placuit. Deinde Vincentio Capellio, classis imperatori designato, vexillum solemniter ex prisca consuetudine, inter missarum sacra, consueta cerimonia, delatum est: quo accepto, statim ad classem profectus est. Vincentio Fideli a secretis, ut Mediolano Genuam peteret, iussum, ut Andream Auriam ad classem quamprimum educendam impelleret; Antonium Auriam in Cretam statim con-

Vincentio  
Capellio vexillum  
imperatorium  
delatum.  
Vincentius  
Fideli a  
Senatu ad  
Auriam mis-  
sus.

1538  
*Triremium  
 Dalmatarū  
 instructio.*

tendere curaret. Triremes ad classis supplementum in Dalmatia instructæ: in Pharo, & Arbæ insulis una; Abfori, & Creptæ altera; Tragurii itidem alia: singularum suis civibus præfectura commissa: in Epiro quoque Versacius clarus vir triremem sibi depoposcit, aliis in supplementum remiges dare pollicitus. Binæ a Fossæ Clodiæ incolis, quibus Veneti trierarchi præessent, tributæ fuerunt.

*Chariade-  
 nus a Sulei-  
 mano in  
 Luphibeji  
 locum suffi-  
 dius.*

*Chariade-  
 nus Aegæum  
 ingreditur  
 Et ditiones  
 Venetas di-  
 ripit.*

*Hieronymi  
 Memmi  
 Scythi &  
 Scopoli præ-  
 toris vir-  
 tus.*

*Hierony-  
 mus Mem-  
 mus a præsi-  
 diariis occi-  
 ditur.*

*Chariade-  
 nus Scya-  
 thum &  
 Scopelon  
 deditione  
 recipit, &  
 Memmi ca-  
 dis reos ob-  
 truncari  
 mandat.*

Suleimanus interea, lustratis copiis, adornata classe, martio mense exeunte, terrestri itinere cum exercitu Byzantio movit; Luphibejo maritima præfectura exuto, atque in Macedoniam ablegato, Chariadenum suffecit, cunctisque maritimis rebus, & expeditionibus præfectum solvere quamprimum iussit: quæ Venetis in Aegæo mari superessent, ea incenderet, ac diriperet; mox in Cretam cursum intenderet, incolas, omnemque regionem quotquot posset damnis, cladibusque contereret. Aheneobarbus igitur cum centum, & viginti triremibus Aegæum ingressus, quæ militum libidini, ac furori superfuerant, extremis quibusque crudelitatis, atque avaritiæ exemplis afflixit. Scythro capta, & deleta, Franciscum Cornelium, qui pro Republica magistratum gerebat, captivitate affecit: a Meliis, & Haxiis tributo accepto, Scyatum, ac Scopelon parvas, insulas, alteram duo & viginti, alteram duodecim passuum milium circuitu, aggreditur. Iis Hieronymus Memmus præerat, qui natura loci fretus, quod situ eminentiori, prærupto, ac difficili loco arx inerat, quæ sustinere aliquamdiu impetus hostium posse videretur, parvam manum præfidiariorum militum, atque incolas ad arma capienda, & ad patriam tutandam persuaserat. Ii primum hostium incursum fortiter tulere, in quo strenue dimicans Memmus sagitta ictus decumbere in lectulo coactus fuit. Inde restincta pugnandi laude, de deditione a flagitiosis hominibus (fraudene, an ignavia incertum) consilia agitata, qui, ne, conjuratione detecta, supremi supplicii genere afficerentur, horrendum facinus ausi, prætorium adiere, Memmumque decumbentem contrucidavere. Mox facinore vulgato, in magna omnium trepitatione, ac tumultu, hostibus funibus in arcem pertractis, turpem deditionem fecere. Facti indignitate Chariadenus, barbarus licet, ac Veneto nomini infensus, adeo commotus est, ut tanti criminis reos, & fontes statim ob-

obtruncari mandaverit, ut iustas iniqui facti, ac meritas poenas luerent. 1538

Aegæo direptionibus, & cladibus emenso, Chariadenus in Cretam iter direxit. Cum summa auctoritate, atque imperio Joannes Maurus insulæ, ut diximus, præerat. Is de Chariadeni adventu certior factus, quæcumque ad Creticum regnum defendendum spectarent, ea summo studio, pari virtute consecret; cives, atque incolas suasionibus illexerat, urbes, atque oppida præfidiis muniverat, agrestibus hominibus privilegiis donatis, æreque publico obstrictis, in militiam nomina dantibus, solutis, triremes nonnullas armari jusserat; magno mortalium numero ex agris, atque pagis evocato, præsidia auxerat; loca, quibus aditus hosti pateret, occupari mandaverat. Et in his exequendis veteris coloniae Venetæ nobilium, atque illorum, qui beneficii jure Principi obstricti sunt, sedula virtus, & ardens in Rempubicam studium exitit, ut Calicergorum gens, nobilitate, divitiis, atque auctoritate in Creta potens, supra vigintiquinque hominum millia brevi coegerit. His comparatis, hostis adventum, magna spe rerum bene gerendarum subnixi, præstolabantur; qui Cyamo promontorio (*Spata caput a nautis hodie vocatur*) superato, qua septemtrionem vergit, insulam prætervectus, usque ad Rhythymnam pervenit. Ibi cum aliquantisper, veluti urbem oppugnaturus, substitisset, ac bellicorum tormentorum, quæ e mœnibus fiebat, dispositione, non parum læderetur, in Amphimalum portum, qui hodie *Suda* dicitur, se recepit; a cujus ingressu, quod nondum promontorium in faucibus munitum esset, prohiberi non poterat. Ibi militibus in terram expositis, prædabundus excurrere hostis coepit, & Cydonem usque, quæ *Canea* hodie nuncupatur, pervenit. Ea urbs situs opportunitate, portu, civium numero inter præcipuas Cretæ censetur: arte ea tempestate parum munita, quod propugnacula, quæ ad austrum extruebantur, minime perfecta forent; ad occidentem solem vetusta mœnia, & parum valida, nullo fere in loco fossis egestis, apparebant. Andreas Gritus Cydoni præerat; mille circiter Itali pedites, Græcorum haud exigua manus urbis in præsidio erant; qui hostes nullo ordine, nullis munitionibus, aut propugnaculis tectos subire conspicati, undique e mœnibus majoribus, ac

*Joannis Mauri ad Cretam propugnandam sedulitas.*

*Chariadenus Amphimalum portum ingreditur, mille in Cretâ exponit.*

1538

*Turcia ab  
Andrea  
Grito, Cy-  
donia præ-  
fetto, pro-  
figati.*

minoribus tormentis displotis, Italicae duae cohortes, eruptione facta, perturbatos hostes aggressae, in fugam cum ingenti caede coniecere. Eandem fortunam subiere, qui praedae intenti longius a litotibus processerant, ab incolis aut interfecti, aut praecipites fugae dare se coacti, ut tandem, multis suorum amissis, Chariadenus receptui cecinerit, ac reliquis, triremes ut conscenderent, iussis, spe frustratus, inceptum deseruerit. Pulsus Aheneobarbus, ut quoquo pacto illata sibi a nostris damna ulcisceretur; in orientale insulae latus, cui Samonium promontorium nomen indit, conversus, centum triremes in Cyteum, tenue satis oppidum, misit; quod cum desertum invenisset, nonnullis sublati bellicis tormentis, ac sulphurei pulveris cadis, agris vastatis, Turcicae feritatis quicumque hostes pertransiere, vestigiis relictis, ne a Vincentio Capellio, quem jam Corcyram pervenisse, Cretensibusque opem brevi laturum ferebatur, ad certamen incundum Chariadenus cogeretur, e Cretensibus litoribus abscedens, Euboeam versus iter flexit.

*Venetorum  
consilia de  
bello admi-  
nistrando.*

Dum Venetorum ditiones oppugnantur, incenduntur, ac diripiuntur, quidnam de bello administrando Vincentio Capellio imperatori mandaretur, sedulo, & accurate disceptabatur. Classe Turcica in Adriaticum sinum penetrante, anteverteretne Capellius, an a tergo insequeretur; illo maritimarum virium, quod praeter ceteris maxime optandum erat, conjunctionem impediri; hoc indefensas eas omnes oras, ac regiones, quae Adriatico mari alluuntur, hosti relinqui videbatur. Collegii Patres scribendum Capellio censuere, ut hostibus in Adriaticum irrumpentibus, in Illyrico iis, quae sibi viderentur, praesidiis relictis, ultra Corcyram ad populos in fide retinendos; hostium commeatus interceptiendos; classem cum foederatis jungendam se contineret: hostes vero altius sese in sinum inferentes insequutus, quam maximis posset detrimentis afficeret. Constantinus Priolus ordinum Sapiens, ut decernendi ea in re facultas imperatori permitteretur, suavit; eo in primis ductus, quod superiori anno cum Pesareus extra Adriaticum sinum commorari iussus fuisset, ex eo potissimum belli origo fluxisse videretur. *Varios adeo, atque incertos eventus esse, ut plerumque par-*  
*vis*

vis successibus maximarum rerum momenta vertantur, quæ nullis humanæ prudentiæ viribus anticipari queunt: veteres Respublicas, quæ rerum gestarum gloria floruerant, bella ingenti cum virtute gesserant, ducibus summam administrandi belli permisisse; Romanos sæpius ea verba adjecisse: Viderent, ne quid Respublica detrimenti caperet; quibus in omnes casus intentos, ac providos duces facerent. Senatum perraro imperatoriam auctoritatem arctius adstringere solitum; cum fecisset, haud parva incommoda expertum: neque id temporum conditionem exposcere: commeatuum asportatione adversus fœderis conditiones a sociis interclusa, ut si classis nostra Turcicam insequeretur, annonæ fortasse laborandum esset; præeuntem ex urbe, atque aliis locis illi commeatus subministrari posse.

Contra dicebatur: magni referre, utrum in sinu Adriatico, an extra classis commoraretur, idque in earum rerum numero esse, quæ Senatusconsulto decernendæ essent; nec ex eo quidpiam de imperatoris auctoritate imminui: an vero hoc illi permittendum, quo potissimum imperii incolumitas niteretur? nam si antevertere hostes vellet, quonam illi tutus, nisi in hæc æstuaria, receptus esset? ubi navales turmæ domus invisendæ cupiditate, triremes desererent, reliqui commeatu insumendo urbem obsiderent; tot sumptus inutili desidia tererentur; cum parvis navigiis, non longis navibus, ob locorum situm, opus esset? Illyrici quin etiam, ac reliquos orientis populos, classe, unico belli præsidio, absente, animum desponsuros, hostis potentia perterrefactos, suis rebus consulturos: huc accedere, quod nostris in sinum Adriaticum se recipientibus, omnis de sociandis maritimis fœderatorum viribus spes abjiceretur, quo nihil vel ad potentiæ opinionem augendam, qua maxime bella administrantur, vel ad hostium impetus frangendos præstabilius effici posset: neque commeatuum inopiam pertimescendam, cum ex Creta, & Cypro ingens copia suppeditari possit; ac vix credibile esse, ut Cæsareani ex lapigia, & Campania annonam ad classem sublevandam comportari non sinerent. Quid vero ex ceteris rebus publicis peti exempla; cum illud constet, sæpius latissimam imperatorum dignitatem quibusdam veluti limitibus fuisse circumscriptam? sæpius nimia ducum au-

1538 *fortitate magna rebus publicis detrimenta illata esse ? Romanos luculentos harum rerum testes existere : majores nostros nullis coactam terminis magistratuum potentiam, uti nonnunquam reipublicæ labem injecturam, exborruisse : imperatoriam dignitatem, cujus summa est auctoritas, Senatus jussis, ac decretis temperasse. At mandatum id anno superiore : inde causas belli exortas. Quid vero aliud injungendum Pesareo erat, nisi ut, pace non adhuc ab hoste violata, præsertim cum ille Apuliam invasurus esset, extra sinum liberiori mari se contineret neque inde, sed aliis de causis ad bellum ventum esse.*

*Senatus decretum de mandatis Capellio mittendis.*

Hæc cum in utramque partem adducerentur, frequens Senatus ex Collegii Patrum sententia scribendum Capellio censuit : illud quoque adjectum, ut quamprimum se cum fœderatis conjungeret ; cum pontificio, & Cæsareo imperatoribus de bello consiliis initis, quæ major pars statuisset, ea mature exqueretur. Novem ac quadraginta triremibus classis Veneta constabat, inter quas cum plures, navalibus sociis interitu absumptis, aut ægritudinibus confectis, ad munera maritima obeunda parum idoneæ essent, ut aliæ triginta militariter instruerentur, decretum : una & viginti leviores, tres nothæ, sex e majoribus, quibus præfectus a Senatu, quatuor librarum aurearum stipendio in mensē, tribueretur. Huic injunctum, ut Anconem ad quinque peditum millia, qui in Pontificis, atque Urbinatis ditionibus conscribebantur, subducenda proficisceretur, quibus Illyrici, ac reliqua Reipublicæ maritima oppida firmarentur ; mox imperatori se adjungeret, quinquere misibus, ac nothis præesset. Statim vero quinquere misibus lustratæ cum sexcentis peditibus in supplementum classi missis, e portu solverent.

*Delectus militum a Venetiis in Piceno habetur.*

*Cassinus Nauplium aggreditur.*

*Sulfidium Nauplium delatum.*

Dum hæc agerentur, vario, ac dubio Marte in Reipublicæ ditionibus certabatur. In Peloponneso Cassinus præfectus, qui superiore anno Nauplio, atque Epidauro tentatis, sex passuum millibus Argis castra posuerat, anni initio Nauplium adortus, dispositis tormentis moenia cœpit quatere ; quo propugnatoribus majorem terrorem incuteret, ad magistratum, ac populum literis scriptis, quibus ad deditionem, multis pollicitis præmiis, alliceret ; minas, & gravia quæque, ni mature se dederent, comminatus. Verum ardens adeo voluntas, ac studium



dium cunctorum in propugnatione fuit, quod, & natura loci augebatur, & spe propinqui subsidii a classis Venetæ ducibus sustentabatur, ut, nullo responso Cassini literis dato, singulorum tuendæ urbis acrior cura animos sollicitaret: cum iiij. nonas februarii comæatuum haud exigua vis, ducenti ac quinquaginta pedites sub præfecto Antonio Maria Tifernate supervenere. Mox iiij. nonas martii Augustinus Clusonius, militiæ præfectus, cum Joanne Antonio Roncone centum & quinquaginta viris militia claris, annona, ac bellicis apparatus accessit. Is, Nauplio lustrato, & iis, quæ ad firmandum oppidum necessaria videbantur, dispositis, nihil, quod vel ad incolas defendendos, vel ad hostes oppugnandos spectaret, impiger, atque in omnem occasionem intentus, prætermittebat. Nam inter cetera cum nocte concubia irrumpere ex oppido in hostes decrevisset, trecentis instructis peditibus, quos albescentes tunicas superindui jusserat, una cum Roncone urbe egressus, vix trecentos passus processerat, cum in hostium centum equites in insidiis delitescentes incidit; eos depugnans partim cecidit, partim in fugam conjecit: qua re Cassinus vehementer incensus, cum e Nauplio ducenti Itali pedites, Ronconio duce, ac sexaginta equites, quibus Victor Busichius præerat, una cum Clusonio aequatum exissent, quod in urbe aquæ penuria laboraretur, centum Turcis equitibus præmissis, qui statim pugnam capefferent, Cassinus, monte Divi Eliæ circumactis, cum equitibus mille supervenit. Nostri improvisis advenientes hostes conspicati, cum tuto se recipere in urbem non possent, impetum exceperunt, ac fortiter pugnando, moenia urbis subiere, acri adeo vi, & numero Turca ingruente, ut quadraginta nostrorum interficerentur, inter quos Ronconius fuit; ac Victor Busichius glande plumbea trajectus, intra paucos dies excessit. Clusonius cum intrepide hostes sustinisset, intra moenia cum reliquis se recepit. Turcarum circiter ducenti nostrorum virtute cecidere. Mox Cassinus, Palamida monte, qui Nauplio imminet, occupato, propugnaculis, ac munitionibus extructis, tormentis bellicis moenia verberare, & nostros ab urbis exitu prohibere cœpit; ac iiij. nonas maji Argis cum exercitu (is præter peditatum trium millium equitum numero constabat) movens, ad Paleocastrum

1538 strum, quod duobus, & quingentis passuum millibus Nau-  
plio distat, castris positis, arctiori obsidione urbem premere  
est adortus.

Eodem tempore in Illyrico vario rerum successu pugnaba-  
tur. Nam Franciscus Barbarus, equitum praefectus, Carinum ho-  
stium oppidum aggressus, duobus captis propugnaculis, Tur-  
cas se recipere in arcem coegerat; ad quam cum situ, ac mu-  
nitione praevallidam expugnandam, majoribus viribus opus es-  
set, suburbiis incensis, direpto agro, hostibus perterrefactis,  
ut per multos dies ab incursionibus abstinerent, Jaderam re-  
versus est. Per eos dies Turcae ad viginti millia, ut ejus ur-  
bis oppugnationem tentarent, Cliunum convenere; ex iis pe-  
ditum duo, quatuor equitum millia Nadinum, oppidum in  
Reipublicae finibus situm, adorti, certis conditionibus recepe-  
re; centum, ac quinquaginta milites, qui custodiae praerant,  
Jaderam se contulere. Ea in urbe cum pecunia in militum  
stipendia non suppeteret, ac tormentarius pulvis deficeret, &  
propugnaculum, quod *Pontorum* vocatur, fundamentorum an-  
gustia corruisset, Senatus argentum ad militaria stipendia per-  
solvenda, atque ad urbem muniendam transmisit. Scodrae quo-  
que Sangiacus cum quindecim hostium millibus Antibarim  
aggressus, in litore urbi propinquo castra posuit; sed a Ni-  
colao Bondimerio sinus praefecto, atque a Capellio classis im-  
peratore Antibarensis praesidio illato, Turcae, obsidione re-  
licta, Olchinium perrexere: centum Illyrici, quinquaginta  
Carni equites subsidio missi. Verum hostes x. kal. maji Ura-  
nam, oppidum agri Jaderensis, cum sex peditum, & duorum  
equitum millibus aggressi, vi cepere: quo eventu nostri Ae-  
nonam urbem, quod nullo munimento nixa hostibus pate-  
ret, deseruere. Inde ingens Jaderam, ac vicinas insulas ter-  
ror occupavit, atque a Senatu, ut suppetias eorum afflictis re-  
bus ferret, petiere. Pedites trecenti, ducenti equites subsidio  
missi: quindecim patritiae gentis, qui statim in Illyricum pro-  
ficiscerentur, singulis triginta datis peditibus, creati; decem  
Jaderae custodiae, bini Sico, terni Ascrivio praessent; tridui  
ad protectionem spatium assignatum. Haud multo post copias  
adversus Sicenses hostes movere, cujus rei rumor cum in eam  
urbem pervenisset, omnes civitatis ordines in forum conve-  
nere,

*Nadinum a  
Turcis cap-  
tum.*

*Ura-  
nam  
Turcarum  
potestatem  
pervenit.*

*Veneti pa-  
tritis cum  
militibus in  
praesidium  
Illyrici mis-  
si.*

*Sicenses a  
Turcis in-  
vaduntur,  
& eorum in  
propugnac-  
ulo constan-  
tia.*

nere, ac magno virtutis, summo in Rempublicam fidei exemplo, jurejurando, Cruci affixi Servatoris nostri imagine tacta, ad defendendam urbem, vel ad interitum usque se obstrinxere. Mox a magistratu, & Camillo Ursino literæ Venetias transmissæ, quibus pecuniam, milites, bellicos apparatus petebant: ni cito subveniretur, urbem magno in periculo versari. Subjecit Ursinus, hostibus Sicum obsidentibus, Spalatum deferere, Tragurium viribus augere, in Jadera sedem belli locare sibi in animo esse. His nuntiis Venetias allatis, ut summa cum auctoritate præfectus in Illyricum mitteretur, decretum est, qui Jaderæ se teneret; neque inde absque Senatus facultate discederet; centum octoginta aurei in singulos menses tributî.

His belli incommodis illud quoque ea tempestate accessisse videbatur, quod non idem civium ardor, non eadem in subcundis publicis muneribus alacritas cerneretur, quam difficillimis temporibus Respublica experta fuerat; cum nonnulli vel rerum difficultate deterrii, vel grave bellum pertæsi, minores periculis animos afferrent, publicaue sibi delata munera renuerent. Ea re cum mirum in modum Princeps angeretur, gravem in Senatu orationem habuit, qua cives ad pericula contemnenda, ad opem patriæ ferendam est cohortatus. *Mirari se, id temporibus istis contingere, quod alias nunquam accidisset. Quis enim, inquit, majorum nostrorum constantiam, atque in exantlandis pro patria laboribus, ac periculis concordēs spiritus unquam desideravit? Superioribus annis, cum terrestre imperium hostilibus armis quateretur, Patavio recepto, cum hostes in conspectum hujus urbis excurrerent; an restinctus civium ardor? an de pristina virtute aliquid remissum? Ingenui adolescentes, objectis pectoribus, Patavium adversus hostes tutati sunt; non labor cives deterruit; non pericula retardarunt; non hostis villas, ac vicina urbi tellus flammis absumens, fumo prope oculis injecto, terrorem incussit. Vetustiora bella recensentibus quis satis caritatem civium in patriam dignis laudibus efferre possit? quorum alii pecuniam; alii milites; alii vitam utro patriæ detulere. Et nunc eo ventum est; ut nonnulli ne pœnis quidem lege inflatis permoti Rempublicam capessere velint; qui si majorum suorum egre-*

*Andrea  
Grisi Ducis  
oratio ad ci-  
vium virtu-  
tem excitân-  
dam.*

1538 *egregia facta intuerentur, secumque ipsi reputarent, quam de generes animos gererent, ex veterino tamquam expergefacti, nihil non pro ea patria auderent, ex qua libertatem, opes, armorum gloriam, ac denique vitam hausissent. Cur igitur cunctamini? cur difficillima, ac turbulenta hac tempestate patriae poscenti opem denegatis? Cum hoste acerrimo, & potentissimo bellum susceptum est; sociorum imparia auxilia experimur; mora res trahi animadvertimus, ut si a nobismet ipsis belli subsidia invicto animi robore non petamus, frustra aliorum opem imploremus. Capeffite Rempublicam, Patres optimi; unusquisque in commune hoc bonum incumbat, nitatur, insudet: qui consilio pollent, Reipublicae consulant; quibus pecuniae affluunt, affatim tribuant: omnes denique, si qua in re possint, Reipublicae opitulentur, ac vitam, si opus sit, libenter effundant. Hæc Principe loquuto, Maphæus Michaelius, Nicolai filius, doctor, eques, & divi Marci procurator, cum ad Principis subsellium accessisset, illius suasionibus permotum se inquit, operam suam in Illyrico Reipublicæ absque stipendio publico deferre. Gritus laudatum cum reliquis nominari præcepit. Verumtamen, suffragiis initis, Aloysius Baduarius, summus Illyrici præfectus renuntiatus, statim ex urbe proficisci jussus est. Provinciæ incolis, ut conjuges, liberos, atque opes Venetias transmitterent, permissum.*

*Aloysius  
Baduarius  
summus Il-  
lyrici Præ-  
fectus.*

*Franciscus  
Barbarus  
& Paulus  
Ursinus ad  
Siciliam missi.*

Franciscus Barbarus, equitum præfectus, ad Sicum tuendum, & Paulus Ursinus cum centum ac quinquaginta peditibus missi sunt. Is cum Sicum pervenisset, Camilli Ursini patris mandato trusatiles molas, quæ in agris erant, destrui, & suburbia satis ampla mille ac quingentis excipiendis accommodata, everti, & dirui mandavit. Hoc edicto magistratus, atque universa civitas adeo perturbata, & commota est, ut certos homines ad Ursinum mitteret, qui illum enixe rogarent, ne in sententia peristeret, neu funesto hoc, & miserabili facto urbem Veneto nomini addictam deformaret, atque immeritam plecteretur. Verum Marcus Antonius Priolus, triremis præfectus, quem antea Pefareus classis imperator summa cum auctoritate Sici reliquerat, nihil moratus, Ursini mandata est exequutus; neque tamen ea de re invidia caruit, quod privato in Sicenses odio atrocis edicti nimium diligens curator fuisset; qui ut ab iis regionibus

*Siciliam  
suburbia a  
Marco An-  
tonio Pri-  
olo diruta.*

bus amoveretur, civitas a Senatu petiit. Vincentii quoque Justiniani, trierarchi, qui Illyrici custodiæ præerat, literæ supervenere, quibus pessimo consilio diruta suburbia, struatas munitiones, perperam regi civitatem significabat. Itaque Baduario injungitur, ut, Jaderæ firmatis rebus, Sicum profectus, urbi, quammaxime posset, defendendæ prospiceret, Sicenses consolaretur, reficiendæ molas frumentarias curaret, iis, qui suburbia incolebant, hortos nonnullos, atque alia loca, in quibus degere commode possent, concederet: Priolum Corcyram ad classis imperatorem proficisci juberet. Inter hæc hostes in Sicensem agrum ingressi, prædas agere, cuncta tanto terrore replere, ut milites Simonicum oppidum Veneriæ patriæ gentis turpiter desererent. Ejus rei indignitate haud parum Venerii commoti, Illyricos milites intromisere, qui fortiter adeo invadentes Turcas sustinuerunt, ut, illius potiundi spe amissa, ex iis locis discederent: in itinere Nadino centum, & quinquaginta peditibus, equitibusque centum, Urana totidem firmato, quadringentis ad limites militibus relictis, iter per Bossinam in Pannoniam arripuerunt; ac ne Turcæ Aenona urbe a nostris deserta, potirentur, Camillus Ursinus eo cum militum præsidio se contulit.

Cum hostes, Illyrico relictis, Pannoniam versus iter direxissent, Ursinus ad Decemviros literas dedit, quibus, ne milites otio tabescerent, aliquid audendum, Obroatium, Nadinum, Uranam adoriri sibi in animo esse significabat; eandem provinciæ magistratuum mentem esse: quatuor peditum millia, quingentos equites in promptu se habere; hostes parvo numero longius abesse; Turcarum præsidia in illis locis exilia inveniri; his fretum prosperos rei eventus haud dubie sibi polliceri. Missis literis, neque Decemvirum voluntate expectata, mille ac quadringentis peditibus, atque equitum manu cum aliquot bellicis tormentis, Obroatium aggreditur; quassatis mœnibus, per editas ruinas in arcem penetrat, trecentis oppidanis captis, oppido potitur. Haud multo post quinque Turcarum millia, ut suis rebus opem ferrent, supervenere. De hostium adventu Franciscus Barbarus, qui veniam abdicandi se magistratu a Patribus petierat, certior factus, ad Senatum scripsit; non modo uti præfectum equitum, sed privatum

*Obroatium  
a Camillo  
Ursino reci-  
piunt.*

Rei-

1538 Reipublicæ operam navare velle. Manere in Illyrico iussus; duodecim aureorum millia mensuris stipendiis persolvendis convelli mandatum; neque ab hostibus, quod pluribus in locis distributi essent, quidquam nostri cum numero, ac robore, pedite, atque equite superiores essent, pertimescebant. Aloysius quoque Baduarius, ut hostes invaderentur, Patribus auctor erat, ne absque ullo fructu vigintiquinque aureorum millia alendis militibus, ac munitionibus erigendis in singulos menses infumerentur: otio obtundi militum spiritus, vividum virtutis decus elanguescere, nulla prædæ spe illectos discessum moliri; ac ni quamprimum in hostes ducerentur, abituros.

*Constantinus Cavaccius Venetus a secretis in Bajoariam missus.*

His accedebat, quod superioribus mensibus Constantinus Cavaccius, a secretis Senatus, in Bajoariam ad Germanos milites conscribendos missus esset. Nam cum Imperator quinque millium in inferiori Germania delectum haberet, ut decem millia, quæ partim pontificio, partim Veneto ære stipendia facerent, cogeret, iussus fuerat. Is statim collectos in Carnos miserat; priusquam viæ se committerent, cum certam illis vim argenti persolutorum spondisset, neque solvendo esset; ut illorum querelis obviam iret, ne tumultuarentur veritus, a Ludovico Bajoariæ Duce duodenis florenorum millibus mutuo acceptis, illorum ardorem compescuit; qui quod inutiles bello quosdam adscribere militiæ noluisse, in ipsum furentes arma convertere, haud dubie, nisi nonnulli rei indignitate permoti restitissent, barbære interfecturi. Et quoniam ad ea, quæ ab Ursino suggerebantur, conficienda copias augere in primis necessarium videbatur, an, Germanis peditibus in Illyricum evocatis, bellum administraretur, disceptatum est. Urbinatis ea erat sententia, ne aditus in Illyricum Germanis permitteretur; sed si quid moliri adversus Turcas placeret, res alterius gentis milite ageretur. Verum sua quidem sententia cunctandum esse, donec illi longius absentes oppugnatione aliqua implicarentur, neque Illyrici belli rumoribus in nosmet ipsos præpotentem hostem pertrahendum; interea Germanos dimittendos censere. Sed paulo post cum Patres Collegii adiisset, re maturius, inquit, perpensa, in Ursini descendisse sententiam, seque Senatu iubente, in Illyricum profecturum; decem peditum millia, præter eas copias, quæ in provincia essent, sex.

*Urbinatis pollicita de Illyrico invadendo et protegendo.*

sexcentos levioris armaturæ equites petere : ad hæc majora tormenta duodecim, minora decem atque octo, cum fossorum, ac lapicidarum numero, deponere. Trina, Clissa, & Obroatio expugnatis, Dalmatiæ universam oram ab hostibus parvo sumptu tueri velle; quæ sane duorum mensium spatio se ad exitum perduciturum pollicebatur. Sed non multis interjectis diebus, vel quod abhorrere omnes fere Senatores ab ea sententia intelligeret, vel quod majoribus, quam antea sibi persuaferat, difficultatibus implicitum negotium animadverteret, mutata sententia, Obroatium nuper occupatum summo studio conservandum, ac muniendum; Nadinum quoque, & Uranam tentanda affirmavit; ad ea conficienda Camillum Urfinum cum copiis, quæ apud ipsum erant, quingentis aliis adjecis peditibus, satis fore. Ceterum ad alia expugnanda oppida magnis commeatibus, quæ ægre comportari possent, opus esse; eos asservari terra, marique certis quibusdam locis oportere. De his cum agitatum inter præconsultores fuisset, ut Cavaccio scriberetur, ad Senatum tulere: Germanos, persolutis stipendiis, dimitteret; præfectis significaret, hostes eo anno Reipublicæ ditiones minime invasuros, illorum opera opus non esse.

Unus Leonardus Haimus, Consilii Sapiens, Germanos non dimittendos, Turcarum in Illyrico loca oppugnanda esse censebat: *Obroatio*, inquit, *capto*, *hostes veritas*, *ne latius illud incendium pervagetur*, *tum ad illud recuperandum*, *tum ad alia*, *quæ in iis regionibus loca possiderent*, *tuenda*, *cum militum baud exigua manu venturos*; *auctis Germanorum Reipublicæ in Illyrico viribus*, *non modo illorum impetus reprimere*, *propria retinere*; *quæ adempta fuerint*, *recipere*; *sed etiam bona prosperi eventus spe*, *expeditionem moliri aliquam licere*, *ex qua uberrimus fructus promanaret*. *Quis enim absque iis oppidis*, *quæ in visceribus*, *ac prope in præcordiis Faderensium essent*, *satis tutam Faderam putaret*; *cum ex iis nullo negotio emissi milites prædas ex agris asportare*, *continenter obsidione premere civitatem possint*? *opportune id tempus accidisse*, *quo Turcæ suo discessu nobis tutum ad hæc perficienda aditum reliquissent*: *impensas non tanti fore*, *ut iis deterreamur*; *sexaginta aureorum millibus bimestre stipendium decem*

Oratio  
Leonardi  
Haimi.

H. Mauroceni T. I.

K k

pe-

1538

peditum millibus persolvere; viginti millia equitibus sufficere, ea omnia praesto esse. Contra vero dimissis Germanicis copiis, quae nunc in Illyrico essent, hostem sustineri non posse: nihil perimescentem ad Obroatum oppugnandum venturum; inutili cunctatione, pravo consilio occasionem, quae benignius sese offerret, praetermitti, quae Illyrici provincia firmari possit: regio frumenti ferax, glebae ubertate fecunda, unde amplius vigintiquinque aureorum millium proventus extarent, Reipublicae adiacere, quo insularum, quae in Aegaeo amissae fuerant, damna compensarentur: neque tandem extremo loco ponendam esse, quae ex Germanorum missione genti iracundae injuria inferretur, ad quam si insito quodam militum ardore ulciscendam raperetur, Carnorum agros direptionibus universos patere: aliis autem temporibus suam operam Reipublicae pernegaturos, non citra Bajuariae Ducum molestiam, qui pecuniam mutuam dedissent, atque a Regis Galliarum stipendiis ad Rempublicam milites transfulissent. Haec ab Haimo diserebantur.

Oratio  
Aloyfii  
Gradonici.

Aloyfius Gradonicus, Consilii Sapiens, rerum conditiones, agebat, minime exposcere, ut hoc tempore baud exiguis sumptibus bellum in Illyricum adversus Turcas moveretur, atque cura, et cogitationes a classe, quae Reipublicae incolumitas nitebatur, abducerentur, in qua non tantum roboris, ac virium esset, quantum ad bellum sustinendum requiri videretur: milites ad paucitatem redactos, alios aegritudine correptos, alios inermes: foederatorum auxilia nondum in promptu esse; Pontificem ex triginta duabus trirēmibus vix quatuor ac viginti parum instructas habere; Carolum adhuc neque terra, neque mari quidquam aggressum esse: Chariadenum contra, ingenti, atque instructissima classe Helleponto egressum cuncta infesta habere; ubique caedibus, incendiis, direptionibus se vivere. Cur igitur novo consilio, a quo Urbinas, summae virtutis, ac rei militaris peritiae imperator, abborreret. difficillimum Illyrico bellum susciperent? cum praesertim hostes cum exercitu in Pannoniam iter fecissent, atque Illyrici populis tandem respirandi facultatem dedissent. Lacescerentne hostem, atque abeuntem revocarent? illiusque arma, quae nuper experti fuerant, iterum in Illyrici intima loca elicerent, ac traberent? Scilicet duo parva oppidula tanti esse, ut exigua illorum mer-



*merces tot incommodis, ac periculis nobis constet? Classis stipendiis persolvendis jam tempus adesse; magnam pecuniæ vim in muniendis oppidis, atque arcibus impendi; ingentem præsidiariorum militum numerum ali; publicas, ac privatas opes exbauriri. Ex jam, inquit, iniquo pondere soli premimur, ut si bis quoque Germanus iste peditatus accedat, vel illum in Illyrico sustentare, vel in Pannoniam in Cæsaris subsidium mittere cogemur: quorum illud Illyrici incolis molestum; hoc pecunia laboranti Reipublicæ grave, atque intolerandum: errore propterea illos duci, qui ultro a Forjuli finibus in Dalmatiam, nisi forte multiplici stipendio allecti, venturos putarent; domi potius mansuros, Venetaque stipendia opportunius expectaturos; neque eam rem Bajarie Duces graviter laturos, quod Galliarum Regem, Republica baud dissentiente, sibi conciliare possent. His dictis, ut Germani dimitterentur, decretum est: Cavaccio primores illius gentis muneribus afficiendi, ut milites pacato itinere domum perducerent, facultas permissa. Sed nondum acceptis literis, Germani in seditionem versi Cavaccio obnunciarunt, ni sequentis diei initio dimidium mensui stipendii persolveret, in Carnos exscensuros, nec, prius quam terna stipendia acciperent, discessuros. Cum ille pecuniæ inopia postulatis satisfacere non posset, captivum fecere. Nuntio hujus rei accepto, statim Forojulensi magistratui pecunia missa, atque ut transitu in Carnos, aditibus occupatis, intercluderentur, iustum est. Sed jam Cavaccius, pecunia inventa tumultu sedato, Germanos dimiserat.*

*Germani a Venetis dimittuntur.*

*Constantinus Cavaccius a Germanis capitur.*

*Senatus decreta ad pecuniam colligendam.*

Inde ad pecuniam in sumptus belli undique colligendam conversi Patres, tributo (*taxam* nostrates vocant) civitati imposito; ut iis, qui pecuniam in ærarium conferrent, dum viverent, in singulos centenos annui quatuor & decem a quæstoribus urbanis persolverentur, decretum. Atque ut ex fisci debitoribus, unde ægre exigi pecunia poterat, certa argenti vis colligeretur, latum est; ut quotidie nominibus viginti quinque ex urna sorte extractis, ii, qui plura suffragia supra dimidiam partem in Senatu tulissent, bonis, & corpore ad solutionem cogerentur. Tres insu-

1538

*Hieronymus  
Marcellus,  
Bernardus  
Maurus,  
Julius Con-  
tarenus pro-  
curatores  
creantur.*

*Venetis a  
Paulo Pon-  
tifice facul-  
tas tributa  
de pecuniis  
a sacerdoti-  
bus exigen-  
dis.*

*Nicolaus  
Theupolus  
& Marcus  
Antonius  
Cornelius  
legati ad Ni-  
ceam defi-  
gnati.*

per divi Marci procuratores, denis aureorum millibus a singulis mutuo datis, maioribus comitiis creati, Hieronymus Marcellus, Bernardus Maurus, Julius Contarenus. A Pontifice quoque flagitatum, ut tandem e sacerdotiorum opibus Reipublicæ in justum, ac pium bellum incumbenti subveniret. Ea de re Romæ sæpius actitatum fuerat; ac primum Pontifici, ut decumæ licerent; atque inde decem centena aureorum millia exciperentur, placebat: deinde mutata sententia, ut in quinquennium ducenta aureorum millia ex sacerdotiorum decumis exigerentur, annuere videbatur. Verum cum res, vel Pontificis ingravescente ætate, vel naturali quadam ambigui illius animi cunctatione trahe-retur; tandem urgente Senatu, centum octoginta millia, quæ hoc anno perolverentur, concessa.

Dum hæc in urbe intensissime fierent, Paulus Pontifex, qui superiori hyeme, ut Cæsar, & Galliarum Rex in colloquium venirent, enixe laboraverat, Niceam, Provinciæ urbem, Caroli Sabaudia Allobrogum Ducis, in qua a Principibus de pace ineunda, ac de bello adversus Turcas administrando ageretur, delegit. Bini a Senatu legati, qui Niceam profiscisceren-tur, creati, Nicolaus Theupolus doctor, Marcus Antonius Cornelius: iis mandatum, ut quibuscumque officiis possent, quo concordia aliqua ratio inter Carolum, ac Franciscum ini-retur, eniterentur; & quamprimum Andream Auriam Messa-nam proficisci Cæsar juberet, nostrisque se adjungeret; trire-mium, & navium promissa subsidia mitteret, vehementer con-tenderent. Non deerant, qui, Regum consilia ex insita hu-manis animis ambitione metiri assueti, dicerent, non in chri-stianæ reipublicæ solidam gloriam, atque incrementum, sed in privatos Principum affectus hos labores insumptos; ac pu-dore quodam periclitantium christianarum rerum perfosos, ne notam neglectæ religionis subirent, ideo convenisse. Quæ enim pacis spes ex dissidentibus animis affulgeret, dum de Infubrum possessione, neutro concedente, tamdiu acriter di-micatum fuisset? Ut sibi Pontificem conciliarent, in collo-quium descendisse: Cæsarem, ut justis de causis, ne Medio-lanense imperium Regi concederet, palam, ac prope in totius Christiani orbis consensu se adductum profiteretur: Regem, ne jura,

jura, quæ in Infubribus ad se spectare contenderet, deseruif-  
se; immo ut coram Cæsare tueri illa constanter videretur:  
neque vero Pontificem, in quo amplificandæ familiæ studium  
in dies haud obscuris argumentis augetur, ætate adeo pro-  
vectum, Roma Niceam usque iter habiturum, nisi ingenti spe  
optati cujusdam præmii alliceretur. At ne Senatus communi  
pacis bono, quo in primis fœdus Christianorum Principum  
nitebatur, obstitisse existimaretur, legationem decreverat, li-  
cet Cæsareanæ classem ad eum conventum, ne se Venetæ con-  
jungeret, detinendam fore animadverteret.

Antequam Roma Pontifex discederet, Marcum Grimanum,  
Patriarcham Aquilejensem, legatum ad classem cum imperio  
misit; quadringentis ac sexaginta illi in singulos menses au-  
reis tributis; centum millibus ad pontificias triremes instru-  
das Venetiis repositis; trium millium ex sacerdotiorum proven-  
tibus in eos dispartendi, qui in Turcica expeditione laboras-  
sent, facultate permessa. Duos quoque cardinalatus honore  
decoravit; alterum Brundisium Archiepiscopum ex Aleandra  
familia, nuntii munere apud Rempublicam perfunctum, Me-  
tæ, Veneto oppidulo, ortum, ex imæ sortis conditione propria  
virtute ad illam dignitatem evectum; alterum vero ex foro-  
re nepotem ex Sermonetta familia, annos sexdecim natum.  
Pridie idus maji Parmam ingressus, a duodecim Cardinalibus  
obviam euntibus, dominica die palmarum exceptus est; qui-  
bus de more in majori basilica consecratis, rosæ sacre mune-  
re, quod Pontifices tradere consuevere, ecclesiam, in qua epi-  
scopatum, & legationem obierat, donavit. Placentiæ aliquam-  
diu substitit, quod Sabaudus illum in Niceæ arcem recipere  
nollet. Tandem cum Cæsar abnuentem Principem flexisset;  
Niceam perrexit; illi Sabaudus, arcis clavibus delatis, obvius  
fuit; sed ab ingressu quingenti præsidarii milites prohibuere,  
frustra Duce imperante, quod tenere se illam Principis filii  
nomine velle dicerent; ut Pontifex intra cœnobium se reci-  
pere cogeretur. In itinere, prius quam Niceam perveniret,  
Theopolus, & Cornelius legati Pontificem convenere, ac Se-  
natus de pace inter Principes, & de classe conjungenda man-  
data exposuere. Pontifex, illorum animis ad spem erectis,  
nulla in re Reipublicæ defuturum pollicitus est.

H. Mauroceni T. I.

Kk 3

Cæ-

*Marcus  
Grimanus  
Patriarcha  
ad classem  
a Pontifice  
missus.*

1538

Cæsar interea ab Hispania Aurianis tiremibus in Herculis Monœci portum, qui hodie *Villafranca* dicitur, secundo navigationis cursu delatus est. Franciscus per Provinciam magno comitatu profectus, ad Villanovanum oppidum, ultra Varum amnem situm, terrestri itinere pervenit. Verum Pontifex, ut Principes in complexum, & colloquium in illius conspectum devenirent, impetrare non potuit; cum tamen utrique seorsim illum adeuntes, de more a Regibus honores deferri solitos exhibuissent. Actum in eo conventu de pace est: multa hinc atque inde agitata, ac proposita fuere. Trium optio Cæsari, quemadmodum alias, a Rege delata est: primum, ut sibi Mediolanense imperium traderetur; ipse contra quæcumque restituere deberet, ultro redderet; Insubrum arces per triennium in Caroli potestate essent, Rex Allobrogum oppidis potiretur: alterum, ut singuli in earum, quæ obtinerent, ditionum possessione permanerent: tertium, ne quidquam per annos viginti immutaretur, ut interea natorum ad feliciorum eventum conspirantibus animis, firmioribus concordia radicibus insisteret: Cæsare ex his, quod sibi videretur, amplectente, arma in communem hostem sumpturum, institutoque Concilio adversus Luteranorum serpentes hæreses, quam posset, opem laturum. Carolus, ut ea, quæ, Madriti in Hispania sancita fuerant, perficerentur, postulabat: Mediolanensis imperii oppida triennio retinere, Allobrogum ditiones Principi restitui obnixè studebat. Inde multiplex dissensionum seges, ut Principum animi mutuis disceptationibus, atque altercationibus mirum in modum excandescerent. Pontifex interim adhortationibus modo hunc, modo illum orare; suadere, ne privatarum rerum rationibus periclitantem christianam rempublicam proderent. Caroli præconsultoribus solidis rationibus ostendere, Rege a foedere Christianorum Principum abstracto, duplex Cæsari, atque utrumque difficillimum bellum, Gallicum alterum, alterum Turcicum gerendum esse; iis opes, ac vires, ut magnæ, & ingentes essent, pares non futuras. Regiis vero quot incrementa imperii, quot decora ex concordia Regi euentura essent, ob oculos objicere: indignum esse, victricia Gallorum arma, quæ olim in orientem usque Regum religione, ac virtute promota fuerint, angustis adeo terminis contineri,

Paulus Pontifex seorsim cum Cæsare & Francisco Rege convenit. Conditiones a Francisco Rege Cæsari propositæ.

ri, ut brevibus tanquam limitibus vires potentissimi regni circumscriberentur. 1538

Neque cessabant Reipublicæ legati cum Cæsare agere, ne diutius moras trahendo Venetam Rempublicam accerrimorum hostium certo discrimini objiceret; præsertim cum per eos dies multis rumoribus vulgatum esset, Suleimanum terrestribus copiis in Carnos venturum; triremes centum, ac totidem myoparones in Adriaticum sinum missurum. At Cæsar magno se pacis desiderio flagrare aiebat; sed in Regem, quod res ad exitum non perduceretur, culpam conjiciens, ne Allobrogum Principis ditiones Regi relinqueret, detineri, ne inde ad Mediolanensem imperium occupandum sibi gradum faceret. Tandem his conditionibus se ad pacem descensurum pollicebatur: ut Insubres triennio depositi loco in Ferdinandi Romanorum Regis potestate essent; quibus exactis, Gallo accederent; interea vero alicui ex Cardinalium Collegio mutuo consensu imperii Mediolanensis administratio traderetur; proventus, subductis expensis, Regis essent. Aurelianus Dux a Cæsare Insubrum titulos acciperet; statim illi Ferdinandi filia connubio jungeretur; donec ad duodecim annorum ætatem (novem enim nondum excefferat) perveniret, apud Rencam Ferrariæ Ducem, Aureliani amitam, moraretur: ad ea perficienda obsidem apud Rempublicam secundum Ferdinandi filium relicturum, ipsamque, & Pontificem, fore, ut a pactis non recederet, sponsores daturum: Neapolis, ac Siciliæ regna, omnesque sibi subjectas ditiones paratum se obstringere; vicies centena aurorum millia, & quot quot Regi placerent, vades præstaturum. Franciscus, ni statim Mediolanensi imperio potiretur, nullas pacis condiciones amplectebatur, neque inanis spei cunctatione præsentem concordiæ fructum amittere, neque adversus eos, quos amicos experiretur, bellum gerere, suis rebus conducere arbitrabatur. Itaque licet Pontifex, ut illius animum flecteret, atque his conditionibus ad pacem traheret, enixe contendisset; Gasparis quoque Contareni Cardinalis, viri auctoritate, & prudentia conspicui, suasiones accessissent, impetrari nihil potuit. Quocirca cum pacis spes omnino præcisæ viderentur, de induciis protrahendis actum est, quæ tandem, Pontifice auctore, in decem annos pactæ fuere.

*Inducia inter Cæsarem & Franciscum Regem.*

1538

*Novaria a  
Cæsare Pe-  
tro Aloysio  
Farnesio de-  
no data.*

*Margareta  
Cæsaris fi-  
lia Ottavio  
Farnesio  
nubis.*

*Paulus Py-  
sifex Cæsa-  
reanis &  
Galliarum tri-  
remibus Ge-  
nuam, &  
Centumcel-  
las conveti-  
tur.*

*Turcorum ob  
inducias in-  
ter Cæsarem  
& Galliam  
Regem per-  
turbatis.*

In eo conventu magnum quoque domesticis rebus Pontificis incrementum, ac decus accessit, cum Cæsar Novariam urbem Petro Aloysio Farnesio ejus filio dono dedisset; Margaretam quoque, nuper ex Alexandro Mediceo viduam, Octavio Farnesio, Pontificis nepoti, in matrimonium collocasset; hoc facto res Italicas confirmaturum se ratus. At Pontifex ut medium se inter summos Principes gereret, sex triremibus a Carolo, totidem a Francisco, ut Genuam se conferret, postulatis, a Cæsare deductus, Genuam viij. kal. julii pervenit: mox Cæsareanas triremes conscendens, Centumcellas delatus, inde Romam petiit. Ob pactas inter Cæsarem, ac Regem inducias, præclaræ ad res feliciter gerendas opportunitates offerre se videbantur; cunctorumque ingens cupido incessebat animos, ut foederatorum conjunctæ classes egregium aliquid adversus hostes molirentur, quos haud parum commotos ea re constaret, quod Galliarum Rex illorum amicitiam deseruisse videretur; ut Galli, qui Byzantii morabantur, perterrefacti, ne sua bona a Turcis diriperentur, captivique fierent, summopere trepidarint, & Brancardo Gallicarum triremium præfecto scriberent, ut ex insula Chio, ubi cum classe commorabatur, abscedens, in occidentem cursum navigationis intenderet.

Quapropter antequam Cæsar Nicea discederet, Reipublicæ legati illum adeuntes, ut non ducum opera, sed ipse per se tantum bellum administraret, Senatus nomine sunt cohortati; illo præsentē, singulos de militari laude certantes, strenuam, atque egregiam operam christianæ reipublicæ navaturos; innumeros in diu optatam expeditionem proficiscentem subsequuturos; nihil illi vel ad gloriam illustrius, vel ad promerendum de christiana religione præstantius, vel ad sui nominis famam apud posteros propagandam opportunius evenire posse: sacra igitur arma indueret, & gladium, quo tot bella prospere confecerat, adversus acerrimos christianæ religionis hostes distringeret; quamprimum in Orientem ad certam victoriam maturandam properaret. Cæsar in hæc verba respondit: quæcumque pro imperii incolumitate, ac dignitate egisset, eadem ultro Reipublicæ se delaturum, cum illius res eodem, quo suas, loco haberet. His cum legatorum distineret animos, nec quidquam certi aut ab illo, aut a suis exprimi pos-

*Oratorum  
Veneti Cæ-  
sarem ad  
bellum per se  
ipsum gerend-  
um hortan-  
tur.*

posset, Petrus Mocenicus, ordinarius orator, vereri se, inquit, ne Senatui his verbis minime satisfactum foret. Cornelius quoque, & Theupolus extra ordinem legati addidere, si hujusmodi responsum referendum esset, nullam molestiam illi exhibituros fuisse. Frequentibus hisce, ac sæpius repetitis legatorum postulatis commotus Cæsar, excandescere aliquantisper visus; sed paulo post cum æqua a se petere Senatum animadverteret, tandem, inquit, Andræ Auræ triremibus sibi redcunti in Hispaniam opus esse; itinere confecto, statim illum, ut foederatis se adjungeret, proficisci jussurum: interea Ferdinando Gonzagæ, ut cum triremibus, quæ Messanæ erant, armatisque navibus Venetæ classi se sociaret, injuncturum; quocirca summam auctoritatem classis Venetæ imperatori Senatus deferret, ne, conjunctis foederatorum viribus, rerum præclare gerendarum opportunitas elaberetur. Verum denuo colloquio cum legatis habito, ægre, ac difficulter aliquid eo anno perfici adversus hostes posse, cum jam media prope ætas esset, differebat; sequenti anno quæcumque ad expeditionem necessaria essent, mature comparari oportere; idque enixe adeo præstaturum, ut vere novo omnia in promptu forent, ipse mense martio Neapoli adesset. Addidit, e re communi esse, rursus de bello Turcico administrando agi, atque ita omnia compositum iri, ut minime ambigua victoria de hoste reportari posset. Ac tantum dicendo provectus fuerat, ut de Byzantio expugnando verba faceret: difficile haud esse unam, vel alteram, quæ ad Hellespontum sitæ sunt, arcium, quod parum munitæ, atque instructæ essent, consequi: æquum censere, se in expeditionem proficiscente, si aliqua molestia suis rebus inferretur, a foederatis opem ferri.

1538  
Venetorum  
oratoris of-  
ficia apud  
Cæsarem.

Cæsaris re-  
sponsum.

His intellectis, Capellio classis imperatori Senatus mandavit, ut, Auria ad classem accedente, una bellum administraret; neque ab illius consiliis, ut foederis conditionibus cautum fuerat, discederet; illo absente, ducibus, qui Cæsareanis triremibus præessent, consilia, ac decreta communicaret. Ceterum de novis conditionibus foederis adjiciendis plurimis difficultatibus implicitum negotium videbatur; plerisque his artibus Rempublicam adigi opinantibus, ut difficillimo, ac periculoso bello adeo distineretur, ut se inde explicare, atque

Mandata  
Senatus ad  
Capellium  
classis imper-  
atorem.

1538 que a Cæsaris societate, unde ad illum haud exigua commoda pervenirent, recedere non posset: jam ad mediam ætatem ventum esse, nihil adhuc ex iis, quæ pollicitus fuerat, Cæsarem præstitisse: verba Senatui dari, Hispanica jactatione mentes perstringi; Rempublicam, hoste in ejus ditionibus furente, immensa prope impensarum mole obrui. Cur enim ad nova foedera deveniendum esset? an aliquid ex iis, quæ pacta fuerant, fociis segnius cuncta obeuntibus, Rempublicam omis-  
 sisse? Cur verborum disceptationibus, dum opportunitas pugnandi esset, tempus tererent, nisi ut negligentia, ac moræ excusationes prætexerent? Re itaque in Senatu agitata, Cæsari scribendum censuere, cur de novis conditionibus ageretur, nullam causam esse, cum superioris anni foedere satis rebus omnibus prospectum cautumque esset; ea, quibus tenerentur & hæcenus fecisse, & in posterum facturos: egregiam Cæsaris mentem de Turcica in sequentem annum expeditione probare; si quid, eo absente, hostile Galli in suis ditionibus molirentur, quæcumque possent, in illius, ac Ferdinandi fratris gratiam præstatu-  
 ros. Eadem quoque Lopi Sorix, Cæsaris legato, Senatus significavit.

*Senatus ad  
 Cæsarem li-  
 tera.*

*Cæsaris  
 propositio-  
 nes ad belli-  
 cos appa-  
 ratu augen-  
 dos.*

At Carolus, anni præteriti foedere non omnibus provisum esse affirmabat: ut quinquaginta peditum millia conscriberentur, statutum fuisse; nunc sexaginta millium numerum requiri: centum naves sufficere tunc creditum; nunc ducentis opus esse: tunc de excipiendo, nunc de inferendo bello agi, quo hostes intra illorum imperii viscera aggredi oporteret, atque Byzantium petendum esset: his peragendis ingenti rerum omnium bellicarum apparatu, qui opportuno tempore in promptu foret, opus esse: quocirca hac in re denuo sententiam Senatus quamprimum exquirere; cunctationem nulli magis, quam Reipublicæ detrimento esse; cum Auria, se nondum in Hispaniam perducto, cum classe in orientem proficisci non posset. Legatoque in mandatis dedit, ne tabellarium, nisi cum Senatus decreto, ad se mitteret. Plura quoque addidit, quibus, quæcumque in præsentem annum ex foedere deberet, ea se cumulate præstitisse diceret; Mamertinas triremes, ac naves nostris consociari jussisse: ubi in Hispaniam delatus esset, Andream Auriam in orientem missurum; inducias, ut Pontifici,



ac Reipublicæ gratificaretur, in decennium sanxisse, ut reliquis solutus curis, sequenti anno in expeditionem Turcicam cunctos ingenii, ac virium nervos intenderet. Theupolo, & Cornelio in patriam revertentibus, voluptate se affici, inquit, quod gravissima hac de re Venetias reversi agere in Senatu possent: cujus mente cognita, quam in Hispania sextilem ad mensem expectaret, statim, aliis omnibus prætermisissis, totum in iis quamcelerrime expediendis, quæ ad bellum necessaria essent, futurum, ut februario mense cum ingenti omnium rerum apparatu proficisci in hostem posset. His ad Senatum delatis, quid repetitis Cæsaris postulatis responderetur consultum est. In diversas sententias Patres scindebantur; nonnullis ut in decem peditum millia, ultra summam debitam ex fœdere, conscribenda, centum naves, ac sex fœdorum millia cogenda, Senatus portionem impensæ polliceretur, placebat: aliis, ne certæ cuius rei præstandæ, uti antea responsum fuerat, obstringeretur, sed quidquid in Reipublicæ facultate situm esset, præstaturum promitteret, satius videbatur. Re perpenſa, atque discussa, ex priori sententia Cæsari Senatus respondendum censuit. Qua ex re magna se voluptate affectum fuisse, haud obscure significavit; cum Petro Mocenico oratori, quæ sæpius antea fuerat proloquutus, persancte confirmaret, aperiente se vere, cum classe profecturum, eximium aliquod facinus ad totius christianæ reipublicæ commune bonum, ac decus animo agitantem, nulla pericula, nullos labores formidaturum. His a Mocenico Patribus significatis, ut Cæsaris animum confirmaret, atque ad apparatus belli perficiendos incitaret, & præclarum in rempublicam christianam studium extolleret, nullum officii genus a Senatu prætermissum est. Ceterum Joannes Antonius Venerius, qui per eos dies e Cæsareana legatione redierat, atque in Senatu, ut moris est, de rebus, a se gestis orationem habuerat; cum de profectioe Cæsaris in Turcas verba faceret, illo in expeditionem proficiscente, duplo majores sumptus infumendos diseruit, ad quos præstandos vix plurimum annorum spatium sufficeret, cum bellis præteritis attrita, ac debilitatæ vires adeo essent, ut impares ad immensam potentissimi hostis bellicam molem sustinendam cunctorum consensu viderentur: belli quoque Gallici nunquam suspicione

*Senatus responsum.*

1538

vacuum Cæsaris animum futurum; Rege nullis occupato, pace amplissimo regno florente, quod mari undique cinctum, Pyrenæis tantum montibus ab Hispania sejungeretur.

*Cæsaris et  
Gallie Re-  
gis mutui  
congressus  
ad Massi-  
liam.*

Priusquam Cæsar discederet, ut Massiliæ subsisteret, illum invifendi causa, Rex rogavit; atque cum Lotharingiæ Cardinali, magno equitum Magistro, & aliis Principibus scapham ingressus, ad Cæsaris triremem, quæ ad Fossas Marianas supra Massiliam in anchoris stabat, se contulit. Ibi cum a Carolo perhumaniter exceptus fuisset, in mutuos amplexus summa benevolentiae significatione descendere. Paulo post cum Rex abiisset, parvum navigium Cæsar conscendens, ad oppidum accedens, obvios Regem, ac Reginam habuit; a Delphino, atque Aureliano Duce, Regis filiis, aliisque proceribus ad hospitium perductus est. Dies choreis, ac spectaculis insumpta, magnificentissimo dapum apparatu; Cæsare ad caput mensæ inter Regem, ac Reginam sororem confidente, convivium celebratum. Mane, sacris peractis, post epulas seorsim Principes duas horas mutuis colloquiis contrivere. Rex, anulo e digito detracto, qui adamantem oculi speciem præferentem, viginti millium aureorum pretio, continebat, Cæsarem donavit: ut illum, inquit, continenter gestando sui meminisset, constantis, atque infractæ fidei testem haberet. Cæsar monile, quod collo gestabat, Regi dono dedit. Hoc congressu, alternisque Regum benevoli animi significationibus, & mutuis colloquiis, vetera restincta odia, præteritorum certaminum funesta memoria pace, & concordia deleta videbatur, cum Cæsari controversias definiendas se permisiurum Rex diceret; invicem se fovere, ac tegere foederis, atque amicitiae maximum fructum fore. Ceterum quod ad sacrum bellum spectaret, si qui Principes forent, qui ægre adversus religionis hostes arma caperent, amborum consociatis viribus, cum reliquis eandem fortunæ aleam subire coactum iri. Ad hæc Cæsar, per arbitros eas, quæ inter ipsos difficultates intercederent, dirimi oportere: quod vero ad Turcicam expeditionem attineret, bona spe esse, non vi, sed cohortationibus, atque exemplis cunctos christianæ reipublicæ procures indissolubili concordiae nexu ad pium, justumque bellum suscipiendum incitaturum. Hæc an sincere, atque ex animo dicerentur, an

po-

potius ( ut Regum abditi mentium recessus scrutari nequeunt ) oblita , & operta simulatione tegerentur , ea , quæ postea consequuta sunt , patefecere . Cæsar a Provinciæ litoribus discedens , regiis triremibus aliquantisper comitantibus , Barchinonem perrexit , statimque iussit , Auriam in orientem navigationem intendere .

*Cæsar Barchinonæ delatus Auriam in orientem contendere iubet .*

Interea Grimanus , Aquilejensis Patriarcha , pontificiæ classis legatus , Venetias accesserat , lustratisque triremibus , ut se Capellio imperatori conjungeret , Corcyram petierat . Eodem quoque paulo post Ferdinandus Gonzaga , Urbinati gravi morbo laboranti , cui ex fœdere summa militiæ præfectura commissa fuerat , a Cæsare suffectus , cum Cæsareanis triremibus peruenit , navibus ad milites , qui nondum omnes convenerant , asportandos relictis . Ac licet Auriæ adventum duces præstolarentur ; attamen ne inutili orio ad Corcyram sedentibus , ardor militum tepesceret , Venetæ , & pontificiæ classis imperatoribus aliquid adversus hostes moliri , in orientem pergere , illius ditiones adoriri opportunum videbatur . Gonzagæ nihil tentari absque majoribus navigiis placebat ; id neque tutum fœderatorum rebus , neque e dignitate Cæsaris esse , ut exigua suarum virium parte expeditio aliqua susciperetur . At Grimanus moræ impatiens , generoso animi impetu incitatus , cum desides , ac veluti torpore correptas fœderatorum copias inspiceret , privato consilio aliquid se conficere posse ratus , Corcyra solvens cum triginta sex triremibus , Sibotam ( hodie *Divi Nicolai de civitate* vocatur ) contendit . Ibi cum a regionis incolis Nicopolim , oppidum in Aëtiaco promontorio ad Ambracii sinus fauces positum ( *Prævesam* dictum ) fere præsidio nudatum , negligenter custodiri intellexisset , spe bene rei gerendæ fretus , improviso adoriri statuit . Sexaginta fere passuum millia Ambracium sinum ambiunt ; ad illum aditus angustus , ac fere vadofus patet , quod Ambracii amnis fabulosa materia intumescens , variis in locis soliditatem adepta sit , ut majora navigia ingressu penitus prohibeantur ; neque triremibus , nisi difficulter singulis quibusque introeuntibus , iter pateat . Igitur Grimanus ad Ambracii sinus fauces cum classe delatus est ; Antonius , & Christophorus Canales primi angustias superare aggressi , cum ab iis , qui arcu præerant bellica tor-

*Marcus Grimanus , Pontificis legatus , & Ferdinandus Gonzaga Corcyram petunt .*

*Ferdinandus Gonzaga Urbinati aggrasanti illa in militia præfectura suffectus .*

*Marcus Grimanus Nicopolim aggredi statuit .*

men-

1538 menta, ut nostris ingressum intercluderent, summo impetu disploderentur, retrocedere jussi fuere: mox navalibus sociis, ac Epirotarum manu, una cum tormentis in terram expositis, instructis ordinibus, suburbia aggressus, occupavit, ac diripuit. Eodem tempore Paulus Justinianus praefectus audacter arctas fauces ingressus, reliquis triremibus dux itineris fuit, ut jam, occidente sole, intra sinum omnes, quamvis aliquot hostilium tormentorum pilas exceperant, irrumperent. Nocte proxima milites ad oppidum expugnandum se comparant; tumultuario opere, ut tecti moenia subire possent, munitiones erigunt; continenter e triremibus globi in oppidum, & ex oppido in triremes excutiebantur, quorum unius ictu Vincentii Maripetri trierarchi scapha depressa est. Bernardinus Londanus cum in prora, quo certo jactu majus tormentum dirigi in hostes posset, librandum curaret, pila ferrea pectore discerpto, dimidia pars extra triremem abrepta est. Idem fatum Abbas Divi Petri, Bononienfis, navis magister, ac nonnulli alii subiere. Inde se recipere triremibus coactis, oppidi oppugnatione in crastinum dilata: cum interea nostri, quos expositos in terram diximus, assidue hostes levioribus praeliis lacefferent. Grimanus, tribus e triremibus tormentis eductis, atque ab Alexandro Interamnate, peditum praefecto, ad quatiendum oppidum admotis, moenia verberari coepta; ipse solerti cura praesens urgere, atque militibus stimulos addere. Sed cum Nicopolitanae oppugnationis rumor circumjectas regiones pervagatus esset, conglobati hostes ad opem suis ferendam accurrere; equites, ac pedites, ingenti clamore edito, nostros aggressi, aliquot vulneratis, atque interfectis, inter quos Camillus e Fabriano oppido glande plumbea fauciatu est, reliquos ad triremes reverti coegere. Grimanus, desperata oppidi expugnatione, militibus, ac tormentis in triremes receptis, ex Ambra-  
cio sinu educta classe, Corcyram reversus est: si votis fortuna annuisset, egregii ausus laudem cumulatam relaturus; quamvis plerisque se carpendi occasionem praebuisse videretur, quod pedites, neglecto militaris disciplinae usu, expositos Turcis, qui equitatu maxime pollebant, objecisset, triremesque in angustum sinum, minime occupatis faucibus, haud exiguo, ut ab hostibus intercluderetur, periculo conjecisset. Verum Gri-  
mani

*Marcus  
Grimanus  
Corcyram  
revertitur.*

mani conatus saltem id præstitere, ut, eo sinu, ac litoribus exploratis, in aliud tempus meliori eventu illius oppidi, atque aliorum adjacentium aggrediendi tutus aditus patefieret, hosteque ad anchoras stante, ex propinquo conspecto, nobili reportandæ victoriæ viam aperuisset.

Namque Chariadenus, cum pontificias triremes Ambracium sinum ingressas intellexisset, eo statim cum rota classe intendit, ut intersepto arcto sinus aditu, illas opprimeret. De illius itinere cum nostri, qui Corcyræ se tenebant, per exploratores certiores facti, ad Prævesam jam substituisse cognovissent, variæ ducum sententiæ erant. Nonnulli obviam Auriæ, qui ex Hispania in Siciliam pervenerat, Messanam usque eundem censebant: alii a Corcyra non discedendum, sed Auriam, qui brevi se venturum polliceretur, expectandum, ne Corcyra insula, Adriaticique sinus custodia, quod non absque magno Venetarum rerum detrimento fieret, deserta videretur. Dum consulendo in ancipiti nostri versantur, tandem viii. idus septembris cum una & quinquaginta triremibus Auria supervenit, nonnullis, ut a piratis maria ruta redderentur, in Hispaniæ litoribus relictis: aliquot etiam in Africam, ad Tuneto, & Guleræ subsidia importanda, quod Turcas, atque Arabes ea oppida invasuros percubuisse, dimissis. Postera die cum classium imperatores convenissent, de bello administrando dictis sententiis, disseruere. Ferdinandus Gonzaga, exposito in terram milite, ac machinis, Nicopolim oppidum expugnandum existimabat; illo expugnato, in promontorio, & dirutorum moenium ruinis collocatis tormentis, exitu hostes prohiberi, atque universam classem intercipi posse; coque magis quod navim onerariam saxorum ingenti pondere onustam deprimere in ipsis faucibus liceret. Ac ut id facilius consequeretur, tres galeones innumera prope tormentorum vi instructos sinus angustiis adversos constituendos in anchoris censebat, ut Chariadenum evadere in altum contendentem, ingens globorum procella eodem tempore ex magnis illis navibus excussa prosterneret, ac demergeret.

Gonzagæ consilium minime Auriæ probabatur, quod exponere in terram milites, atque hostibus, qui equitatu præsertim maxime possent, objicere tutum non arbitraretur; ne, si quid gra-

*Chariadenus ad Ambracium sinum se contulit.*

*Andrea Auria ad Corcyram adventus.*

*Ducum federatorum consilia de bello administrando.*

1538 gravius illis contigisset, onerariæ naves militari præsidio destitutæ hostibus prædæ essent; aut tempestate oborta, uti plerumque autumnî tempore contingere solet, si naves in altum vela dare, & triremes se ex scopuloso litore subducere cogerentur, qui in terram exscendissent milites, commeatuum inopia deserti, ab hoste undique pressi, miserrimo leti genere occumberent. Quocirca, nisi hostis extra sinum ad certamen ineundum elici posset, utilius censere, Leucade superata, in Corinthiacum sinum proficisci, ubi & Naupacti expugnandi, & universæ illius oræ, quæ usque ad Peloponnesi isthmum pertinet, nostris vastandæ, ac diripiendæ haud contemnenda facultas esset. Aheneobarbum quoque vel periculo, vel timore adductum ex Ambracio sinu in altum se provecturum, & pugnam conferendi facultatem facturum. Auriæ sententiæ Grimanus, & Capellius accessere; cum mari potius, quam terra rem cum hostibus gerendam arbitrarentur, devictisque ac profligatis maritimo prælio hostibus, patratum jam bellum fore animadverterent.

Constabat foederatorum classis centum triginta quatuor triremibus, triginta militariter instructis navibus; duo quoque insignes galeones aderant. Onerariis navibus Francus Aunia, Andreæ gentilis, ac propinquus, præerat. Ex iis quatuordecim Alexandro Bondimerio, galeonis præfecto, parere iussæ; hæ in fronte positæ primam aciem constituebant. Grimanus, Aquilejensis Patriarcha, primam triremium aciem ductabat; postremam Capellius, classis Venetæ imperator; Andreas Auria, & Ferdinandus Gonzaga mediam tenuere. Septem ac viginti triremes pontificiæ censebantur: præfectorum nomina ne ingrato silentio premantur, apponam: fuere hi Paulus Justinianus, vir maritimis rebus a teneris annis adsuetus, cui classis pontificiæ præfectura demandata fuerat; Victor Superrantius, Joannes Gritus, Christophorus Canalis, Aloysius Raymondus, Jacobus Priolus, Aloysius Justinianus, Antonius Canalis, Vincentius Maripetrus, Augustinus Contarenus, e Veneta nobilitate patritii; Abbas Bibiena, Abbas Divi Petri, Franciscus Benedictus, Alexander Rojus, Petrus Cephalus, Marcus Hadertinus, Jacobus Seletus, Victor Petretinus, Aloysius Rosa, Franciscus Bonaldus, Thomas Rhodiginus;

*Pontificiæ  
triremium  
præfili.*

nus; ad hæc Bernardinus Londanus, qui tormento excusso interfectus occubuit. His omnibus Marcus Grimanus, Aquilejensis Antistes, instructissima omni bellico apparatu triremi imperabat; cui binæ aliæ adjunctæ erant, quemadmodum Justiniano præfecto totidem, e damnatorum numero cunctæ instructæ. Andree Aurie aciem duæ ac viginti illius triremes, sexque Antonii Aurie conficiebant. In Ferdinandi Gonzagæ acie quatuor illi additæ triremes continebantur, Monœci duæ, Terranovanæ duæ, quatuor Hierosolymitanæ religionis, totidem Anguillaræ Comitibus, Neapolitanæ quinque: hæc omnes quadraginta novem numero erant.

*Hispæni  
triremes.*

In Capellii acie numerabantur Franciscus Paschalicus, Alexander Contareus, classis legati; duo Francisci Zeni, senior alter, alter junior; Vitus Civranus, Aurelius Bragadenus, Dominicus Priolus, Joannes Baptista Capellius, Jacobus Antonius Maurus, Michael Grimanus, Hieronymus Contareus, Petrus Bembo, Bartholomæus Georgius, Antonius Canalis, Zacharias Maurocenus, Hieronymus Michaelius, Donatus Cornelius, Joannes Baptista Georgius, Marcus Carolus Contareus, Marcus Barbarus, Hieronymus Zannius, Marcus ac Jacobus Quirini, Sigismundus Contareus, Jacobus Antonius Salomonius, Dominicus Michaelius, Andreas Pifanus, Paulus Diedus, Thomas Superantius, Jacobus Maripetrus, Laurentius Donatus, Daniel Quirinus, Franciscus Mocenicus, Fantinus Pifanus, Paulus Georgius, Franciscus Gritus; Cretenses triremes duodecim, quibus trierarachi præerant ex ea colonia Veneti patritii, Petrus & Alexander Boni, Nicolaus Mutacius, Jacobus & Antonius Danduli, Nicolaus Zenus, Nicolaus & Joannes Cornelii, Bernardinus & Antonius Polani, Maphæus Calergius, ex nobili Cretensi familia nobilitate Veneta a Republica donatus; atque Antonius Condoratus Cretensis. Illyricæ undecim accedebant, quibus imperabant Antonius Zarotus eques, Georgius Sicensis, Georgius Pajensis, Joannes Crepsanus, Lucas Dracus Ascrivienfis, Franciscus Palatinus, Antonius Vitalis Pharenfis, Christophorus e Dominis Arbenfis, Joannes Cicuta Veglenfis, Tryphon a Barcia, Michael Cipicus Traguriensis. Navium onerariarum partem alteram Francus Auria ducebat, quæ Galeone, ac viginti sex navibus constabat; alteram Alexander Bondimerius ingentis Rei-

*Venetarum  
triremium,  
præfidi.*

H. Mauroceni T. L.

L I

pu.

1538 publicæ Galeonis & navium præfectus, in qua etiam magnum navigium, cui *Barcia* cognomen inditum fuerat, Nicolao Trivisano præfecto, atque undecim onerariæ naves Venetæ, quatuordecim Cæsareanæ censebantur: ad hæc septem aliæ aderant, commeatibus, atque omni genere militarium apparatusum instructæ. Complures his adjiciebantur biremes, myoparones, celoces, atque alia minora navigia, quæ Corcyræ classi se adjunxerant, ac voluntariorum militum haud exiguum numerum continebant, ut si exacte omnes recensentur, ducentorum & quinquaginta navigiorum numerum explerent.

Classis Coreyra solvens cum ad Communiciæ portum aliquantisper substitisset, Leucadem versus iter arripuit. Hostes, qui cum classe in Ambracio sinu degebant, nostros Corcyra solvisse, atque in se cursum navigationis intendere per speculatorias biremes certiores facti, inopinato eventu perculsi, in consilio capiendo ancipites erant: exirentne ex Ambracio sinu, nostrisque pugnandi copiam facerent; an prælium detrectarent. Qui tutiora consilia amplectebantur, e statione minime recedendum ajebant, quæ & Prævesæ oppido, & faucium angustiiis tuta redderetur, atque ex propinquis regionibus commeatibus uberrime confluentibus, percommoda existeret: interim, Christianorum classe vel autumnali tempestate oborta, vel aliis difficultatibus pressa, abeunte, liberum, atque expeditum iter futurum. Sed plerisque barbarico fastu, ac superbia elatis, minime ferendum videbatur, ab iis hostibus, quibus, ut ajebant, semper arma sua gravia, & formidolosa fuerant, ac fuga salutem petere assuetis, terrifica ostentatione clausos portu teneri: itaque statim exeundum, & prælium cum hoste censeendum; incolumitatem, ac decus non ab incertis, & meticulosis consiliis, sed ab impavidis ausibus petenda. Quis enim diu tutam in eo sinu contineri posse classem certo sibi polliceretur? An non hostes, illorum ignavia conspecta, adoriri, atque oppugnare in portu possent, quo loco neque militum virtute, neque præfectorum disciplina, atque imperio aliquid egregii efficeretur? Chariadenus, quamvis animum intrepidum, ac secundis fortunæ successibus gloriæ avidum, audacia promptum gereret, attamen foederatorum classis nu-



numero, atque apparatu haud parum commovebatur, ac præter morem ambiguis jactari sententiis videbatur; ut eunuchum quendam, qui ei comes a Rege datus fuerat, palam illum acerbis salibus perstrinxisse, atque acrioribus verbis objurgasse ferant, quod provocantibus hostibus, & in prælium elicientibus, ignava cunctatione portu se contineret, ac Suleimani potentissimi Regis gloriam foeda timoris, desidiaque labe aspergeret, cujus aliquando Byzantii poenas daturus esset. His vocibus incitatus Aheneobarbus e sinu exire, atque cum nostris configere statuit, veritus, ne, prælium se detrectante, æmulis, quos multos Byzantii habebat, illum apud Regem carpendi, & in ejus exitium conspirandi occasio præberetur; cum præsertim ex Corcyra expeditione superiori anno parum feliciter suscepta, atque administrata, magnam sibi apud omnes invidiam conlasser. Itaque ex Ambracio sinu classem educere, nostrisque pugnandi copiam facere decrevit.

Erant illi octoginta septem triremes, biremes rostratae ferme triginta; præterea biremes, & myoparones tot aderant, ut centum ac quinquaginta navigiorum numerum conficerent: robur, ac vis in triremibus, quibus nostros superabat, sita erat, ut si absque onerariis navibus cum foederatis dimicandum foret, non exigua victoriae spes adesse videretur. Cum igitur in altum evadere, atque in conspectum christianae classis prodire statuisset, triremes quinquaginta ad tentandos, atque explorandos foederatorum ducum animos, ipse mox cum reliquis subsequuturus, præmisit, ut de numero, & acierum ordine, quo christiana classis incederet, edoctus tutiora, atque expeditiora consilia gerendae rei caperet. Nostri, qui Leucadem versus iter habebant, ab iis, qui in summis malis, & carchesiis navium erant, de hostium egressu admoniti, ad Ambracii sinus fauces contendere. Atque navigatione immutata, primum aciei locum Capellius, Venetus imperator, obtinuit, Grimano Patriarchae postremus obvenit. Capellius e longinquo triremes Turcarum conspicatus, vehementiori nixu remige contendente, in hostes invehitur; majoribusque in ipsos excussis tormentis, adeo celeriter se recipere coegit, ut triremibus certatim sinus faucibus, quo se periculo eximerent, ingredi conantibus, perturbatis ordinibus, nihil ex disciplina militari administraretur:

1538

*Aheneobarbi consilium de praelio committendo.*

*Turca ad conspectum christianae classis in Ambracium sinum se recipiunt.*

1538

cum obversis puppibus, tormentorum nostrorum ictibus patere-  
rent, neque loci angustia aut sibi invicem auxilio esse, aut a  
reliqua classe, quæ sinu continebatur, subsidia mitti possent. Id  
cum Auria, qui mediam aciem tenebat, animadvertisset, pro-  
pius se in hostes intulit; quæ ex re cunctorum ad præclaram a  
fortuna proterendi hostis oblatam opportunitatem erectis ani-  
mis, quidnam ipse moliretur, attentissime circumspiciebatur;  
cum ad arcuos sinus aditus accursurus videretur, ut perturba-  
tos, atque incompósitos hostes cum reliquis fœderatis adortus,  
reditu intercluderet; ac globorum procella a tergo, atque a  
lateribus obrueret, & in ipso sinu deleret. Verum cum in  
conspectum hostium venisset, præter omnium spem, statim  
gravibus propositis poenis, triremes se recipere iussit, classem-  
que omnem ad Leucadis insulæ promontorium, quod *Duca-*  
*tium* vocant, coegit, non sine omnium querelis, turpibusque  
in Auriam maledictis, ac probris, quod vel ignavo, vel ma-  
ligno consilio eximiam profligandi hostis occasionem, quæ jam  
prope manibus teneretur, elabi permisisset.

*Andreas  
Auria spem  
maximam vi-  
soria ad-  
piscenda  
amittit.*

Leucade denuo exquisitis ducum sententiis, nonnulli cum tri-  
remium manu Naupactum oppugnandum censebant, ut, edu-  
cto ex angustis hoste, libero mari confingeretur. Alii quamprimum  
Nicomolim redeundum arbitrabantur: nihil movente Tur-  
ca, oppidi expugnationem tentandam; vel, pugnandi facultate  
oblata, prælio decernendum. Igitur iij. kalend. octobris, ni-  
hil immutato acierum ordine, Leucade nostri solventes, in  
hostes prospero vento, navibus onerariis præmissis, iter in-  
tendunt. Dum hæc fierent, Chariadenus universam classem in  
apertum pelagus eduxerat, ea ratione instructam, ut mediam  
ipse aciem obtineret; dextrum cornu Tabaches, Salecus sini-  
strum pari triremium numero ducerent. Secundo vento sese  
inferentem, nostri priusquam ad sinus fauces accessissent, ad-  
versus ipsos venientem conspexere. Tunc Auria ad reliquos  
classis imperatores conversus dixisse fertur: *Hostem jam e si-*  
*nu, uti maxime optabamus, eduximus: in nobis certamen*  
*inire situm est: hoc momento omnis christiana reipublicæ in-*  
*columitas, ac dignitas vertitur. Videte, ne in incertam for-*  
*tunæ aleam classem non modo istam, verum fœderatorum Prin-*  
*cipum decus, & salutem conjiciamus. Quo enim, tot navibus,*

ac

ac triremibus amissis, confugiendum erit? quæ spes reficiendæ classis? quisnam currenti victoriæ frenum injiciet, ne universæ maritimæ ora statim, cunctis destitutæ subsidii, in hostium potestatem concedant, Hæc vero te, inquit, Capelli, eo magis dispicere, atque oculis subjicere oportet, quo tuæ Reipublicæ, de cujus imperio, ac libertate agitur, majora, & certiora pericula imminant. Ad ea Capellius, Injunctum sibi a Senatu, inquit, ut, pugnandi opportunitate oblata, cum hoste confligeret: ab illius jussis se recedere minime posse: ingentes Deo immortalis, ac Cælitibus gratias agere, quod præclaram adeo naviter gerendæ rei occasionem obtulissent; egregios animorum impetus & pro reipublicæ christianæ gloriæ, ac salute susceptos conatus, cum optimo jure niterentur, optima in spe fortunatos, ac prosperos eventus non sine ingenti illorum gloriâ consequuturos: quod vero ad se spectaret, nulla pericula formidaturum, omnes labores fortiter, atque intrepido animo subiturum. Idem Grimani legati consilium, atque ardor erat. Auria, illorum auditis sententiis, Quod faustum, felixque sit, inquit, hostem, Deo favente, aggrediamur; ausus nostros fortuna secundet: Tunc vexilla ad prælium incundum tolli, atque explicari jussit, sua acie primos impetus in hostes se editurum pronuncians.

Ingentibus cunctorum plausibus, ac summi gaudii significationibus prælii committendi signa excepta sunt, victoriæ spe sublati animis, quam ut sibi haud ambiguam pollicerentur, tum fœderata classis, militari disciplina instructa, amplitudine, atque apparatu terrificâ, tum crebri de Turcarum virium imbecillitate nuntii efficiebant, ut illos inani ostentatione contentos pugnam non excepturos, sed in eandem fauces redituros crederetur. Itaque singuli ad pugnam se comparare, munera militaria strenue obire; duces adhortando, & suadendo incitare: Nunc opima hostium spolia, nunc militaria decora ob oculos ponere: hostes navigiorum numero, ac viribus, militum virtute nostris haud pares esse: jam quid possent satis patuisse, cum e faucibus Ambracii sinus egressi, perterrefacti, perturbatis ordinibus, conferti sese recepere: nullam illis spem, nisi in tuto ad suas regiones receptu esse: quod illis omnes virtutis nervos elideret, optatam, ac

H. Mauroceni T. I.

Ll 3

cer-

Ædicatoris  
ducem de  
certamine  
incundo de-  
cretum.

1538 certam nobis prædam polliceretur : celeritate , atque ausu tantum opus esse : certa manere nunc præmia ; ad majora patrandam aditum aperiri , unde in omnem posteritatem immortalibus laudibus virtutis fama , atque pro christiana religione egregie facta concelebrarentur ; illorum vero , qui fortiter pugnando occumberent , animos ad beatas Cælitum sedes evoluturos . Primæ aciei locum a dextro latere , qua in altum mare expanditur , Auria delegit ; mediam Capellio attribuit ; Grimanum in subsidiis cum postrema locavit ; Francum Auriam , navium præfectum , triremes anteire , atque in eam partem , quo ventus ferret , obvertere puppes jussit , ut , eo impellente , adoriri hostes , ac tormentorum ictibus , antequam pugnam triremes capefferent , illorum acies perturbare posset , ac disjicere . In id quoque summo studio , atque acriter Turcæ intendebant , ut foederatorum classem prætervecti , ventum exciperent , & priores in nostros impetum facerent . Quod Auria animadvertens , suam aciem ad terram flexit , quo aditus ea parte hostibus intercluderetur . Verum confidente vento , tanta subito malacia , ac tranquillitas extitit , ut , ne a triremibus onerariæ sejungerentur , eas tarde , ac non absque difficultate remulco duci opus esset . Sed cum nihil ad pugnam incensis animis arduum videretur , magno nixu in hostium conspectum galeonem Venerum , ac barciam pertraxere , quæ navigia omni armamentorum genere referta , atque in primis magno tormentorum numero instructa , ad cunctos imperus hostium excipiendos pro fortissimo muro , & propugnaculo aderant .

Chariadenum foederatorum admirabili ordine classem adornatam , atque onerariarum robur in fronte locatum , secundo vento deferri conspicientem , ne cum majoribus navigiis dimicare cogeretur , veritum , quod nimis præpropere consilio e sinu egressus esset , poenituisse fertur : ingensque adeo timor universam Turcicam classem invaserat , ut complures Christicolis , qui misero servitio ad triremium transtra detinebantur , se , resque suas perquam demisse commendarent . Sed paulo post , pristino vividi spiritus impetu assurgente , cuncti strenui imperatoris officiis perfungi , se ad pugnam comparare , suos hortari , incendere , fructum victoriæ ostentare ; nunc minis terrendo , nunc præmia pollicendo , dimicandi ardorem injicere : ho-

hostes vinci assuetos, acrem illorum impetum non expectaturos : certamen alacres inirent ; mortis timore , ut mos ferocis gentis est , abjecto , fortunatissimi , ac felicissimi Suleimani Regis auspiciis , atque ductu , veluti si præsens adesset , in hostes ruerent . Id porro consequi Aheneobarbus nitebatur , ut ultra Leucadis promontorium delatus , pugnam cum onerariis navibus vitaret , classeeque circumducta , foederatos a tergo aggrediretur , qui , ne ab onerariis sejungerentur , ægre , ac difficulter loco moveri possent . Itaque adeo obstinata contentione hostes se invexere , ut prope litus adnavigantes , eam stationem , in quam se inferre , atque hosti eripere nostri decreverant , occuparent ; & ab onerariis navibus longius provecti , ad prospectum foederatæ classis constituti , omnes ducum motus inspicerent , & observarent , absque magnis navibus in prælium minime nostros descensuros rati .

Auria interim naves , cunctis subsequenteribus triremibus , sinuosis flexibus circuendo , cunctorum mentes anxias suspensa expectatione detinebat ; ac jam illum , proris in hostes obversis , impetum facturum , & signa conferendæ pugnae editurum sperabant . Verum cum nimia mora , & cunctatione tempus tereretur , præclaraque egregie gerendæ rei opportunitas elaberetur , cunctis itupore , atque admiratione defixis , foederata classis fere immota stabat , labentis occasionis , sui imperatoris inertiae , hostium accuratæ contentionis otiosa contemplatrix . Id Capellius , & Grimanus imperatores cum incundæ pugnae avidi ferre non possent , summis vocibus , ut a compluribus exaudirentur , inclamabant : *Jam satis mora temporis insumptum , ne quod reliquum erat , contereretur , ne prope certæ victoriæ spes defereretur .* Constat Capellium e sua puppi in scapham descendisse , ac inter triremes tortuoso ambitu devectum , voce , vultu , nutibus nostros ad pugnam edendam inflammasse ; illius verba a cunctis ingenti applausu , non sine maximis audentis virtutis præconiis , excepta fuisse : ad prætoriam vero Auriaz delatum , illum his verbis compellasse : *Quid moraris inperator ? cur hostes jam jam fugientes non invadimus ? nonne militum voces , cunctarumque pugnandi ardor ad prælium feliciter conferendum invitant ? Victoriæ in manibus tene-*

Vincenii  
Capellii  
verba ad  
Andream  
Auriam .

1538

Vincemii  
Capellii ele-  
gium.

*mus. Prima pericula, primos incurfus in hostes depesco: si-  
gnum ede pugnae. Simul fulgidum, quo indurus erat, thora-  
ca pulsans, In hoc, inquit, ut minime degenerem Venetae Rei-  
publicae imperatorem decet, aut gloriose vincam, aut victus  
pro patria, ac religione non inultus occumbam.* Erat Capel-  
lius egregia corporis specie, cui senium (tertium enim ac se-  
ptuagesimum annum agebat) nihil virium ademisse videba-  
tur; animo vero intrepido, rerum maritimarum usu ea tem-  
pestate clarissimus, prudentiaeque, ac fortitudinis admirabili  
quodam temperamento admixtis, opinione apud omnes per-  
celebris, quae suis consiliis, atque adhortationibus magnum  
auctoritatis pondus addebant. His cum militum pugnam de-  
pescentium, geminatisque vocibus *Victoriam* inclamantium ac-  
cederent, permotus Auria, ac veluti quodam verecundiae ru-  
bore perfusus, procedi jubet; ipse quoque cum ea, quam du-  
ctabat, acie movit: atque, onerariis praetervectis, propius se  
in hostes classis foederatorum intulit, qui obversis pelago pro-  
ris, litora puppibus praetexebant. Tormenta utrinque, licet  
eminus, ingenti fragore multiplicatis ictibus displosa, ut jam  
coeptum praelium videretur; cum tamen triremes hinc, atque  
inde consisterent, neque ad pugnam cominus capessendam in-  
citantur; siquidem Auriam ea spes remorabatur, quod per-  
terrefactos hostes triremes relicturos, expositisque in terram mi-  
litibus, fuga salutem quaesituros, incruentamque victoriam re-  
laturum sibi persuaderet. Chariadenum vero justus timor, ne  
ulterius progredere, detinebat, quod galeonem, & bar-  
ciam, fortissima Venetorum navigia, triremibus insistere ani-  
madverteret, verereturque, ne immanium tormentorum globis  
classis illius ordo, quo nihil aut decentius, aut firmitus exco-  
gitari poterat, perturbaretur, ac triremes ingenti illorum vi  
disjicerentur, & deprimerentur.

Andreas  
Auria a  
praelio com-  
ferendo clas-  
sem abdu-  
cit.

Ceterum Auria cum aliquantisper in conspectu hostium fuisset, atque suis consiliis nusquam respondere fortunam animad-  
vertisset, praelii se discrimini committere nolens, palam coepit  
se subducere. Inde hostibus increvit audacia; tantumque se in-  
rulerant, ut complures ex illorum triremibus prope galeonem,  
ac barciam accederent, quod ingenti sua mole minus expedite  
se recipere poterant; ac, pila ferrea in galeonem excussa, cum

tor-

tormentarii pulveris cadus ignem concepisset, nautis, & militibus magno in timore, & consternatione versantibus, Alexander Bondimerius, præfectus, militari virtute, ac prudentia, fortis animo, atque in omnes eventus expedito, periculum discessit, & cunctos hortando, suadendo ad constantiam, & fortitudinem erexit; prudentique consilio, ne tunc tormenta in hostem torquerentur, iussit. Idem Nicolaus Trivisanus, barciæ præfectus, suis imperavit: subeuntes enim Turcas, tantam rerum navalium peritissimum, expectabant, ut de repente sævam omnis generis machinarum bellicarum procellam in ipsos effunderent. Neque eos opinio fefellit; nam hostes audaciores facti, cum intento remigio propius accessissent, gravi adeo glandium, & pilarum grandine perfulsi sunt, ut, haud exiguo detrimento accepto, summa cum trepidatione se recipere cogerentur.

*Turci gravia damna federatis navibus inferunt.*

Eodem tempore hostes diversis in locis naves, ac nonnullas triremes, quæ pari celeritate reliquas insequi non potuerant, aggressi, pugnam edidere; nam in duas onerarias naves, quarum altera Buccanigra cum Hispanorum cohorte, altera Macinius Moncata Cantaber vehebatur, impetu facto, tormentorum dispendio ita petiere, ut incensis velis, fracto malo, Hispanis, & nautis compluribus interfectis, omnino perierint. Duæ præterea Venetæ commeatibus onustæ, dum acriter cum hoste dimicant, conjectis ignibus; paucis in scaphas desilientibus, aut ad socias naves adnatantibus, conflagrarunt. Binas triremes, Venetam unam, cui Franciscus Mocenicus, Thomæ filius, alteram pontificiam, cui Baptista Bibiena, vir sacratus, præerat, Salecus intercept; quæ, omnibus fere nautis, ac militibus in pugna interfectis, in illius potestatem concessere: trierarchi fortiter dimicando occubuerunt. Aloysii quoque Figaræ, Hispani, navis, licet suæ cohortis milites aliquantisper hostes sustinuisent, capta est. Verum turbatis repente nubibus, euro flante, procella exorta, intendentibus se tenebris, majoribus expansis velis, ac dolonibus sublati, & ne ab hostibus internosceretur, laternarum, quæ in prætoriarum puppibus præferri consuevere, luminibus extinctis, vehementius euro se incitante, classis Corcyram pervenit; at dissipatis adeo ordinibus, & cunctorum iusto potius dolore, quam metu fractis animis, ut a multis victos

*Franciscus Mocenicus & Baptista Bibiena triremes capta.*

*Federatis classis Corcyram apuliam.*

ctos

1538 Etos e prælio discessisse crederetur. Hoc foederatorum classis ad Corcyram receptu sublatis Turcarum animis, Chariadenus haud multo post ad Paxum insulam, tanquam nostros ad pugnam provocaturus, appulit; ut, si e portu prodirent, acie certaturus videretur: sed omnia apud nostros trepidationis plena erant, ut nihil ex militari præscripto administrari, aut geri posse censebatur. Andreæ Aurix, classium foederatorum imperatoris, tristitia, & infausa auspicia, suspecta consilia, dubia fides, restinctus in cunctis fere generosi animi ad gloriam impetus, ambiguae sententiae, quamplurimae in iis, quae agenda proponerentur, difficultates effecerunt, ut triremes in portu coactae torpescerent, & jam propinqua hyeme militarium rerum gerendarum opportunitas eriperetur, atque hostes autumnales veriti tempestates, cum jam nona octobris adessent, in Ambracium sinum se reciperent.

Hunc exitum foederatae, ac Turcicae classis congressus ad Nicopolim prope Actiacum promontorium habuit, quo Christianorum virtus maritimo robore clarissima, elanguisse, atque haud parum pristini decoris amisisse visa est; barbarorumque ad navalium rerum disciplinam, & gloriam adipiscendam ingenia incitata sunt. Sed in communi dolore omnes in Andream Auriam culpam conferebant, maledictaque, & contumelias in eum jaciebant, quod vel ignavia, vel in Venetos odio eximia victoriae decora christianae reipublicae eripuisset. Atque eos, qui humanis expendendis actionibus inveterato rerum usu praestabant, hæc permovebant: amicitia, quae Aurix cum Chariadeno intercedebat, jam tum primum inita, cum ille Massiliae Gallorum Regis stipendia mereret; hic vero Algerii in Africa esset. Multa inter se, hinc atque inde comitantibus nuntiis, agitata; duae quoque rostratae triremes in vespertinum, pridie quam hostis se in conspectum nostrae classis daret, ex Ambracio sinu egressae; quarum una in Siciliam delata, in Panormi portu aliquamdiu substiterat; altera cum prope ad Aurix prætoriam accessisset, postea in sinum se recepisse dicebatur. Suspicionem auxere, quod atro colore triremium malos, & antennas infici mandasset; idque eam ob causam factum fuisse, ut a reliquis internoscerentur, censebatur. Nec deerant, qui ambitionis, atque avaritiae illum carperent, quod triremes, quibus privatae ejus opes, totaque amplitudo nitebantur, in accipi-

*Andrea  
Auria Venetis  
suspecta  
consilia.*



cipitem certaminis aleam dare noluiſſet. Neque a probris in illum congerendis Hiſpani abſtinebant, Anguillario Caſaris legato Romæ, quæ ab Auria acta fuerant, improbante, atque acerrime fugillante. His rumoribus, ac vocibus adeo acerbe jactatis ita animo angebatur, atque incredibili mœrore conficiebatur, ut Corcyram reverſus, raro in publicum prodiret, & cum de Aſiaco eventu ſermo coram illo haberetur, ſera fortasſe pœnitentia adductus, vix lachrimas cohiberet. Conſtat, Ferdinandum Gonzagam, Siciliae Proregem, duobus Hiſpanis viris inſignibus comitantibus, noctu Capellium imperatorem adiſſe, ſecretoque illi aperuiſſe, Nicopolitanis ſucceſſibus Auriam in ſumma turbatione, ac mœrore verſari, lachrimabundum iis, quæ geſta fuerant, indoluiſſe; cum per ſe ſteſiſſe diceret, quin de hoſtibus victoria reportaretur: quocirca denuo Turcas adoriri decreviſſe; neque quidquam, ut illos proſtigaret, prætermiſſurum. His Gonzaga adjecit, Auriae ſententiam minime ſibi probari: quod, ut antea ſummo ardore pugnam poſcentes, ac victoriae ſpe cuncti erecti perſpiciebantur; ita, re perperam geſta, remiſſus impetus eſſet, & inſolitus quidam timor animos affeciſſet, ut, iterum pugna cum hoſte conſerta, de univerſa chriſtiana republica periclitandum foret. Quapropter alia moliri, ac tentare oportere, quibus improſperi ad finem Ambracium ſucceſſus compenſarentur.

His de rebus cum nuntii Venetias perveniſſent, dolor, atque indignatio civitatem univerſam tenuit, poſt idum tanto labore foedus; poſt tot inſtructas acies, immenſos prope effuſos ſumptus, pulcherrimam obterendi acerrimi hoſtis occaſionem amiſſam fuiſſe. Augebant publicam iram, ac mœrorem privatae literæ, quibus ſingillatim geſta enarrabantur, atque Auria acerrime proſcindebatur, quod in certamen deſcendere, ac manum cum hoſte conſerere noluiſſet. Verum Patres intimos affectus premere conſueti, ne inſenſum ſibi Auriam redderent, penes quem ſummum foederatorum claiſis imperium erat, prudenti diſſimulatione uſi, ad illum Senatus decreto literas dedere, quibus quæcumque ab eo geſta eſſent, a magno, ac prudenti imperatore, qui omnia conſilia ad incolomitatem, ac decus chriſtianæ reipublicæ contuliſſet, proſecta arbitrari ſe diceret.

*Senatus  
litera ad  
Andream  
Auriam.*

1538

Ceterum cum per nonnullos dies foederata classis Corcyrae subsisteret, ne otio milites diffuerent, cum, nondum autumnus exeunte, militaribus operibus obeundis anni ratio faveret, de Dyrrhachio, Epiri urbe, oppugnanda actum est, situ ( mari enim alluitur ) & aditu ad Epirum, & Macedoniam opportuna. Ejus rei auctor erat Ferdinandus Gonzaga, a quo licet Capellius primo dissentiret, & classe potius in Aegæum navigandum censeret; attamen re in ducum concilio agitata, variisque hinc atque inde rationum momentis discussa, Dyrrhachii oppugnationem cuncti decrevere. Sed in re exequenda haud exigua impedimenta sese objecere: minime tutæ navibus excipiendis Dyrrhachii litoris stationes; circumfusus undequaque proximis in locis Turcarum equitatus; Chariadeni adhuc instantis, & cuncta sedulo dispicientis calliditas, qui, expositis in terram militibus, invadendæ classis opportunitatem non esset prætermisurus. His effectum est, ut, Dyrrhachina expugnatione intermissa, de administrando bello in propinquam hyemem consultarent: qua in re Gonzagæ ea erat sententia, universam classem Corcyrae subsistere, ut ad omnia consilia mature perficienda in promptu, atque expeditior esset; com meatus illi Apuliam, atque Neapolitanum regnum abunde suppeditatura. Auria, quod difficillimum tantam hominum multitudinem Corcyrae ali posse arbitraretur, satius ducebat, cum suis triremibus, ac navibus Brundisium se recipere, annonamque comparare; posteaque, ne milites ubertate soli illi lecti naves defererent, in Sardinia hybernare: veris initio Cæsarem in Italiam venientem, cuncta ad expeditionem obeundam navigia, milites paratos inventurum, nullaue interjecta mora, adversus hostes iturum: triremes vero pontificias Anconem deduci, atque in Piceni, ac Flaminiae portibus continendas arbitrabatur: Venetus imperator, quo sibi opportunius videretur, loco moraretur. Inter discrepantes sententias quam potius amplectendam censerent, a Pontifice, atque a Cæsareanis exquisivere: eadem Pontificis, atque illorum mens fuit, Chariadeno in Ambracio sinu se continente, foederatos cunctos Corcyrae hyemare. Per Cæsaris legatum quænam ea in re Senatus esset sententia petiere; cujus decreto Pontificis, ac Proregis consilium, quo & classium incolumitati, & totius

*Foederatos  
consilium  
Corcyrae ubi  
classis hye-  
mandi.*

tius christianæ reipublicæ salutî prospiceretur , probatum est. 1538

Interea , Dyrrhachii expugnatione intermissa , Neocastrum , quod ad Rhizonici sinus fauces situm est , ad intercludendas ab ea tutissima statione classes situ valde opportunum , aggredi foederati decrevere . Nam Rhizonicus sinus sese orientem versus inflectens , intimiore recessu *Cattarum* , quod Ascrivium olim dicebatur , Venetorum urbem , alluit , quæ situ , & arte munita circumjectæ regioni dominatur , atque ad Epirum , & Macedoniam aditum patefacit : regio vero universa collium amœnitate , & cultu mirificam circumspectantibus voluptatem præbet . Ascrivium , assurgentibus ad dextram montibus , opacum brumæ tempore solis radiis , montium interjectu averlis , horridum fere redditur . Neocastrum autem , a Mahomete Turcarum Rege superioribus tempestatibus Cherseghi præfecto ademptum , neque circuitu , neque munitione valde conspicuum , situ ad Ascrivium tutandum percommodum est . Ab infima parte , quæ mari alluitur , ædificia rudi opere confecta per dorsum collis sese attollunt : in summa autem parte arcem natura potius , quam opere munitam habet , quam militum præsidio Turcæ tuebantur incolæ ex Illyrico , atque Epiro admixti . Classe itaque sinum ingressa , milites , ac tormenta Ferdinandus Gonzaga in terram exposuit , & dum Hispani pedites ad oppugnationem se comparant , machinæ admoventur . Capellius suis triremibus mœnia subit , oppidum magno impetu aggreditur ; navales focii per remos muros scandentes , cum propugnatores diversis in locis nostrorum conatibus obsistere non possent , oppidum ingressi , portisque reclusis , militibus aditum aperuere . Itaque terra marique impetu facto , hostes in arcem se recepere . In eo tumultu Buccanigra Hispanus , & Cæsar Josias Firmanus , cohortium præfecti , cecidere : triduo post arcem editiore loco sitam propugnatores nostris , deditioe facta , permisere . Hispani milites , nequicquam Ferdinando Gonzaga inhibente , quod præda ad Venetos pertineret , scæde oppidum diripere , atque haud exiguum inde , quamvis minime pretiosam , supellectilem asportare : tantaque illorum insolentia , & rapacitas fuit , ut classarios exuviarum partem ad triremes deferentes impie , atque inhumaniter spoliarent .

*Neocastrum  
a foederatis  
captum .*

Ve-

1538

*Turcica  
classi nau-  
fragium, &  
Chariademi  
ad Aulonē  
receptus.*

*Vincentii  
Capellii con-  
siliū de  
Turcica  
classi inu-  
denda.*

*Chariade-  
mus, Dra-  
gute in Co-  
rinthiaco fi-  
nu relicto,  
Byzantium  
proficiscit-  
ur.*

Verum Chariadenus, nostros ad Neocastrum expugnandum profectos, certior factus, ut opem Neocastrensibus ferret, ex Ambracio sinu classem eduxerat, haud exigua spe fretus, adventus sui fama foederatos oppugnationem relicturos. Sed cum ad Sassonem insulam pervenisset, ingenti maris tempestate oborta, africo, atque austro furentibus, triginta circiter triremes desideratae sunt, quae Acrocerauniis illis litoribus naufragium fecere; cum reliquis vero quassatis, ac procelloso mari varie jactatis, Aulonem se recepit. His, quae classi hostium acciderant, a nostris cognitis, cunctorum animis pristinus vigor, magnaque spes accessisse denuo videbatur, cum hoste perculso, haud parvo triremium robore amisso, ad edendum praclarum facinus, quo infausti ad Actium successus memoria deleteretur, aditum fortuna aperuisset. Imprimisque Capellius, hujus consilii auctor, Auriam multis rationibus in suam protrahere sententiam conabatur, ut recenti detrimento perturbatum, atque afflictum Aheneobarbum prosequeretur; neque egregiam, ac vix optatam contundendi hostis occasionem contemneret: brevi tractu Aulonem peti, hostes invadi posse, quos neque ad capeffendam pugnam instructos esse constaret, neque, remis fere cunctis maritima tempestate confractis, ad fugam idoneos esse; neque demum tuto loco posse consistere, quod Aulonis arx a portu distans tutam classibus stationem minime praeberet. Sed Auria Capellii consilium improbens, haud sibi dissimilis videbatur. Itaque nunc, anni tempus, quod jam autumnus senesceret, frequentibusque procellis mare jactaretur, minime opportunum esse; nunc, non satis sibi instructam classem ad dimicandum videri ajebat: ut moras nectendo, & cunctando, Chariadenus, quae ad iter necessaria erant, comparatis, tuto Byzantium perrexerit, Dragute, summi nominis pirata, in Corinthiaco sinu cum quinque ac viginti triremibus, atque haud parva biremium, & rostratarum manu relicto, ut infesta maria nostris redderet, ac quaecumque posset, damna Christianis inferret. Auria vero, qui jam iter sibi in Siciliam habendum statuerat, continuo, quamvis Gonzaga, ac e suorum numero multis dissentientibus, Corcyra solvens, in Siciliam navigationis cursum intendit; Capellio, reliquisque indignantibus, quod homo, Vene-

to

to nomini infensus, exploratæ victoriæ spem vel ignavia, vel malignitate corrupisset, atque disciplinæ navalis, qua Itali florebant, existimationem, per inanem ostentationem, desidi cunctatione, ac fuga dedecorasset.

Verum Neocastrum oppidum, quod Venetorum præsertim virtute captum, Reipublicæ ex fœdere debebatur, Hispani occupavere. Nam, Capellio imperatore, ut sibi Veneto milite tutandum concederetur, enixe petente, Auria Joannem Sarmantum cum quatuor Hispanorum peditum millibus præfecerat, nihil, nisi ex Cæsaris præscripto, ac mandatis ea in re decerni a se posse affirmans: cum interim Buduæ, Antibari, & Olchinio sex Hispanorum peditum millium præsidium imponere niteretur, specie, quod Reipublicæ commodo id faceret, ut cum primum anni tempus ad prælia conferenda invitaret, milites in promptu haberet; re, ut ad persolvenda Hispanis stipendia Respublica cogeretur. Iis, quæ ad Neocastrum contigerant, intellectis, Patres vehementer exarsere, quod oppidum, sibi ex fœdere debitum, in Hispanorum potestate esset; neque tam impudentem fœderis leges fractas, ac violatas fuisse, terre æquo animo poterant. *Quid enim ab illorum societate expectandum esset, qui, jurejurando neglecto, sociorum præmia sibi adsciscerent? Quisnam ex labore, cæde, periculis fructus maneret? Iniquo nexu Rempublicam detineri, quæ inter potentissimi, atque acerrimi hostis arma, sociorumque in-explebilem avaritiam, atque cupiditatem collaberetur.* At cum temporum necessitati parendum esset, Capellio Senatus literis imperatum est, ut Neocastrum repeteret. Hispaniæ quoque, ac Romæ oratoribus in mandatis datur, ut Aurix factum cum Pontifice, & Cæsare conquerantur; servari jura, & conditiones iſti fœderis flagitent. Sed jam Auria disceserat. Grimanus legatus Anconem delatus, dimissis triremibus, Romam profectus est. Capellius, qui cum classe adhuc in Rhizonico sinu morabatur, Rifanum oppidulum, Ascrivio propinquum, per deditionem recepit; præsidioque militum firmato, Aloysium Zannium præfecit. Inde, ut in Illyrico pedites Itali ad mille & quingentos redigerentur, decretum est; Camillo Ursino, militiæ in ea provincia præfecto, atque Aloysio Baduario legato in Italiam redeundi facultas a Senatu permissa. Quadra-

1538

*Andreas  
Auria in  
Siciliam  
censendis.*

*Joannes  
Sarmantur  
cum Hispanis  
Neocastrum  
ab Auria relictus*

*Venetorum  
indignatio  
ob Neocastrum  
ab Hispanis  
occupatum.*

*Marcus  
Grimanus,  
pontificis  
classis lega-  
tus, Anconem  
et Romam  
profectus.*

1538 draginta aureorum millia ad perfolvenda classiariis stipendia, quatuor millia ad reficiendas triremes transmissa. Francisco Barbaro legato Jaderam proficisci jussu, ut duodecim aureorum millia sibi tributa in milites erogaret, atque munitionibus reficiendis daret operam, injunctum est. Ceterum Capellius curis, ac sollicitudinibus animi, corporisque laboribus, & vigiliis confectus, in gravem morbum cum incidisset, in patriam revertendi, magistratuque se abdicandi veniam a Senatu petiit. Ea de re Senatusconsulto, cum ad majora comitia ferretur, rejecto, triremi Fossam Clodiam veniendi, atque per duos menses valetudini Venetiis incumbendi Capellio concessum est. Marcus Antonius Grimanus, ac Franciscus Contarenus, continentis Sapientes, ad invisendum illum publico nomine accedentes, gravi morbo afflicto, & pene confectum, conspexere: moxque successor illi majoribus comitiis Joannes Maurus, Cretæ summus præfectus, datus est.

*Vincentio  
Capellio  
agrotanti  
facultas  
Clodiam se  
revertendi  
permittitur.*

*Joannes  
Maurus  
Capellio in  
classis impe-  
rie suffectus*

*Francisci  
Maria, Ur-  
bini Ducis,  
obitus.  
Guido Ubal-  
dus, Urbini  
Dux, ora-  
torem ad  
Venetos  
mittit.*

*Franciscus  
Sanutus ad  
Urbini du-  
cem orator.*

Per eisdem dies Franciscus Maria Feltrius Ruverensis, terrestrium Reipublicæ copiarum imperator, Urbini ex humanis excessit, quo superiori ætate, valetudine correptus, atque ob id bellicis muneribus obeundis nequaquam idoneus, se conferre coactus fuerat: vir sua tempestate militari disciplina, ac rebus a se gestis clarissimus, egregiis in Rempublicam meritis, & summa fide, magna exultatione a Venetis habitus. Quindecim annorum spatio bello, ac pace præclaram Reipublicæ operam navavit; cujus vires cum maritimas, tum terrestres, oppida, arces, regiones accurate adeo noverat, ut sæpius, cum de gravissimis rebus ageretur, cum Patres in consultationem adhiberent. Guidum Ubaldum filium, Camertium Ducem, heredem reliquit. Is statim Joannem Jacobum Leonardum legatum Venetias misit, qui patris obitum significaret, seque, resque suas Senatui, quammaxime posset, commendaret. Justa illi Senatus decreto in Gemellorum æde habita sunt; Laurentius Contarenus, juvenis ad eloquentiæ laudem natus, funebrem orationem habuit: Franciscus Sanutus ad Guidum Ubaldum orator missus est, ut patris obitum doleret, ac de illius in paternum imperium successione lataretur. Urbinatis obitu vetus de Camertium imperio obtinendo in Paulo summo Pontifice cupiditas oborta, minime oportuno

tuno tempore pene Italiam novo, atque intimo bello implicavit. Nam Pontifex Camertium ducatum repetebat, quod Joannes Maria, Varano, postremo Duce, absque liberis defuncto, Julia tantum filia, quæ Guido Ubaldo nupserat, relicta, illum in Ecclesiæ jura concessisse diceret. Neque, ut ea ditione potiretur, quidquam prætermisurus videbatur. Quocirca Senatus, ut malo jam tum primum erumpenti obviam iret, cum Cæsare egit, ut animum Pontificis mitigaret, a belli consiliis averteret; ne nostris dissidiis Turcæ viribus, atque animis aucti, acriori impetu in Christianorum provincias belli procellam effunderent. Eadem Reipublicæ orator Senatus jussu Pontifici exposuit. Sed nullis neque officiis, neque precibus permotus, nisi Camertium imperium, quod per summam injuriam Ecclesiæ eriperetur, obtineret, nunquam se quieturum distitans, quadringenta aureorum millia in sumptus belli infumenda coegerat; classem Anconem, quæ non procul ab Urbinatis ditionibus distat, proficisci jusserat, ut jam cito bellum erupturum crederetur. Verum, re utrinque agitata, tandem eo deventum est, ut Feltrius Camertium ducatu decederet, & Pontifici traderet; Pontifex contra Juliæ, Guidi Ubaldi conjugi, argenti quandam vim pro dote assignaret: atque ita Italici belli suspicio Senatus prudentia discussa est. Annum Andreæ Griti Principis obitus inopportunus, atque civitati acerbus clausit, qui præstanti ingenio, inveterato rerum humanarum usu, egregiisque pro patria gestis merito inter eximios, ac præcellentes cives adnumerari potest; pari virtutis, & fortunæ contentione ad summorum dignitatum fastigia evectus; hoc tantum minus felix, ac fortunatus, quod Rempublicam gravissimi belli turbinibus jactatam, media in tempestate reliquerit. Obiit cum ætatis annum quartum supra octogesimum ageret: a Bernardo Naugerio laudatus, in divi Francisci æde conditus est; suffectusque in ejus locum Petrus Landus, vir ita summis magistratibus omnibus egregie perfunctus, ut militiæ, togæque universis ordinibus ipsius integritas, & fortitudo quam spectatissima esset.

1538  
Paulus Pontifex Camertium Ducatum ab Urbinatæ repetiit.

Pauli Pontificis appropinquatus ad Camertes repetendos. Conventiones inter Pontificem, & Urbini Ducem. Andrea Griti Principis obitus, & elogium.

Petri Landus Principis electio.

M. D. XXXVIII.

1539 **Q**Uæ superiore anno ad Aëtiacum promontorium gesta fuerant; amissa non semel conferendi cum hoste certaminis occasio; Neocastrum ab Hispanis occupatum; Auriæ e Corecra discessus; exigui ad tantum bellum administrandum sociorum apparatus, quo in periculo Respublica versaretur, indicabant: quæ universum fere gravissimi belli pondus sustinere cogeatur; cum in sumptus immensos publicæ, ac privatæ opes vix suppeterent. Verum is erat Senatus ardor, atque in tuenda Republica constantia, ut nihil vel ad pecuniam colligendam, vel ad classem augendam, ac reficiendam, vel ad oppida, atque arces muniendas prætermitteret. Ut iis, qui argentum in ærarium conferrent, ad quadriennium in singulos centenos nummos quaterni penderentur, latum est: duplex vestigal, quod *taxam* vocant, civitati impositum: ut duo item, quæ vocant *subsidia*, e continentis ditionibus exigenterentur, decretum. Joanni Mauro classis imperatori designato, qui Cretæ summum armorum imperium gerebat, ut viginti triremes ex insulæ accolis instrueret, viginti in id aureorum milibus transmissis, mandatum; ut prætoria triremis, qua vexillum illi deferrebat, Corcyram perduceretur (huc enim e Creta profecturus erat) iussum. Verum bi duo ante quam classis imperator creatus fuisset, Maurus obierat. Nam, tumultu inter Italos milites, & Græcos oborto, cum ipse armatis stipatus ad illum sedandum accurrisset, lapide caput ictus, paulo post ex humanis excesserat; atque eo rixa, ac seditio processerat, ut nisi Antonii Amulii Ducis virtute, qui insignibus magistratus ornatus prodierat, auctoritate compressa esset, funestum exitum habitura videretur. Joannes Viturius eques in Cretense imperium susceptus, Cretam contendit: in eos, qui duces tumultus fuerant, severe animadvertit. Maris imperio Thomas Mocenicus majoribus comitiis præfectus est. In Illyrico, Aloysio Baduario in patriam reverso, Marchio Michaelius successor datus est. Guidoni quoque Ubaldo, Urbini Ducis, stipendium est auctum: centum cataphracti, totidem levioris armaturæ equites, decem militiæ præfecti, qui ære publi-

*Vestigalia a  
Senatu im-  
posita.*

*Joannes  
Mauro  
classis im-  
perator, in  
Cretæ tu-  
multu occi-  
ditur.*

*Antonii  
Amulii  
Cretæ du-  
cis, virtute  
seditio con-  
pressa.*

*Joannes  
Viturius in  
Cretensi im-  
perio Mauro  
successor.*

*Thomas  
Mocenicus  
classis im-  
perator.*

*Marchio  
Michaelius  
in imperio  
Illyrico Ba-  
duario suc-  
cessor.*

*Guidoni  
Ubaldo, Ur-  
bini Ducis,  
stipendium  
auctum.*



blico mererent, attributi; quatuor aurcorum millia annui stipendii nomine decreta. Dum hæc Venetiis geruntur, cum de Neocastro a foederatis occupato ad Sulcimanum nuntii pervenissent, adeo gravi indignatione permotus est, ut injuriæ impatiens in ultionem totus exardesceret, maritimoque, ac terrestri apparatu illud repetere statueret. Quapropter ad Ascrivii magistratum datæ a Senatu literæ, quibus ad tuendam urbem accendebatur; trecenti pedites in supplementum missi, commeatusque importari jussi. Eodem tempore cum hostes in Illyrico nonnihil moliri velle viderentur, ut rebus provinciæ prospiceretur, Jaderam Joannes Hieronymus, ex divi Michaelis oppido; architectus missus est, ut munitiones quamprimum perficiendas, atque ut ea potissimum pars, quæ Divi Francisci templo propinqua est, muniretur, curaret.

1539

*Ascrivium  
milite & c.  
mentibus  
munition.*

## Finis Libri Quinti.



## E P I T O M E.

**I**nduciae cum Turcis in tres menses pactae, Laurentio Grito, altero Andreae Principis nobro, praecipue annitente. Gallicus apud Turcas orator per simulationem amicitiae Venetorum res haud leviter turbavit. Chariadenus Neocastrum, quotquot praesidio erant, ad unum caesis, aut capsis, de Hispanis cepit. Idem Joannis-Matthei Bombi virtute deteritus intentatam vim ab Ascripio abstinuit. Quamquam secus Imperator, Galliaeque Rex Senatui suaderent, pacem cum Suleimano X. Virum mandato, traditis illi Nauplio & Epidauro, Aloysius Baduarus Byzantii sancivit. In Hungariam, Joanne Rege extincto, Suleimanus Regi puto opem laturus cum descendisset, Budam per dolum occupavit. Carolus V. magnis apparatibus ad Algerim oppugnandum profectus, tempestatis vi disiecta classe, Hispaniam re infecta repetiit. Galliae Rex Caesarem diversis regionibus aggressus est. Maranum, maritimum in Foro-Julio oppidum, quod sub Ferdinandi ditione erat, Paulus Strozzius Astu furtim occupavit. De proditoribus, qui Galliae Regi secretiora Senatus, ac X. Virum decreta, quae per ipsum cum Turcis etiam fuerant communicata, aperuerant, Gallico oratore, in cuius aedes sese receperant, tradere eos coactio, iustissimum supplicium sumptum est. Turcica classis Tholoni portu a Gallis excepta, iisdem auctoribus, Nicetam irritum successu oppugnavit. Caesar ex Hispania per Venetorum fines in Germaniam profectus, Menapiorum Principem feliciter domuit, & supplicem in gratiam recepit. Maranum, solutis Paulo Strozzi quinque ac triginta aureorum millibus, Veneti in fidem recepere. Tum denique cum maxime dubium arderet inter Caesarem, & Gallos bellum, pax inter ipsos conciliata est. Turcae a Gallis dimissi, totam maritimam oram, qua transvessi, foedissime deformarunt. Annuas inducias Turcae Caesari concessere, quibus & Veneto caveri Rustenus voluit. Caesar turcie belli metu liberatus, de componendis religionis dissidiis sedulo agitare coepit. Petrum Landum, Republicae Principem, vita defunctum Franciscus Donatus excepit. Paullus Pontifex Farnesius suis beneficiario jure Parmam & Placentiam tradidit. Caesar susceptum contra Germaniae Principis bellum quatuor mensium spatio mira felicitate confecit. Ad Cenetenses, grave Marini Cardinalis Grimani imperium querentes, praetor Venetiis missus est. Grimano extincto, priora Episcoporum jura Michaeli Turriano, ut Pontifici gratificaretur, iterum Senatus concessit. Eduardus VI. in Anglia, Henricus II. in Gallia extinctis parentibus succedere. Saxenum Dux a Caesare profligatus: Hesiiae Lautgravius in gratiam ab eodem receptus. Novae in Italia turbae simul ob praesidium Senis a Carolo impositum, simul ob Petri-Aloysii Farnesii caedem concitatae. Quinquennales induciae inter Carolum Imperatorem, Ferdinandum ejus fratrem, & Suleimanum Turcarum Regem pactae sunt. Sabbas pirata a Laurentio Amulio captus & interfectus. Ejus caedes pacem inter Venetos ac Turcas pene inturbavit. Caesar multa iis, qui a Catholica Ecclesia desciverant, dum controversiae omnes componerentur, interim concessit. Decreto Interim nomen est factum.



# HISTORIARUM VENETARUM ANDREAE MAUROCENI LIBER SEXTUS.



Um adhuc Cæsaris auxilia in ambiguo, atque incerta essent, ut quinam illius animus foret, quas vires hoc anno in bellum collaturus esset, Senatus cognosceret, Petro Mocenico oratori, ut hæc suo nomine perferret, mandavit. Jam hostes ad bellum terra marique gerendum instructos, in-

1539

unte vere magno impetu loca Reipublicæ aggressuros: nullis sumptibus, nullis laboribus Senatam percussisse, ut quantum in se esset, illorum arma fortiter exciperet: petere, ut ea, quibus ex foedere teneretur, liberaliter tribueret: gravissimo, ac periculoso bello implicitam Rempublicam auctoritati, viribus, ac fidei illius haud parum niti: ex Neapolitano quoque, ac Siculo regno frumenta asportandi, quemadmodum foedere cautum esset, facultatem concederet: Neocastrum ex conditionibus foederis Reipublicæ

*Senatus officia cum Carolo Cæsare pro bellicis apparitionibus.*

*H. Mauroceni T. I.*

Mm 3

tra.

1539  
Cæsaris ad  
Senatum  
respondum.

tradi mandaret. Ad hæc Cæsar respondit : difficulter hostium ditiones vel temporis angustia, vel comineatum inopia bello peti posse : quocirca omne studium ad hostium propulsandos conatus adhibendum esse : at si eos invadendos Senatus censeret, ut præsens adesset, se enixurum : sin autem in sequentem annum expeditionem differri placuisset, libenter ab Italico itinere superessurum : quod vero ad frumenta, comineatusque spectaret, iis retentis, quæ Neapolitanis, ac Siculis ad victum necessaria essent, reliqua præbiturum : demum Neocastrum ex foedere redditurum : at æquum sibi videri, ut præsidiariorum militum stipendia a foederatorum singulis, justis portionibus, penderentur. Hoc Cæsaris responso ex Petri Mocenici oratoris literis intellecto, mirum in modum Patres commoti fuere ; cum præclaris pollicitis, ac magnificis Cæsaris sermonibus eo rem deductam cernerent, ut cum ingenti, tantoque tempore conquiriti apparatu, Carolus adversus hostes iturus crederetur, nihil veris initio promptum, atque expeditum esset : minax Suleimanus terra, marique fureret : Respublica ad universam belli molem sustinendam cogeretur. Inde omnia Venetis suspecta reddebantur, plerisque contracto cum Turcis bello haud exigua Cæsari commoda accedere affirmantibus, quod Rempubicam difficillimo cum potentissimo hoste bello distineret, Venetorumque viribus, ac potentia sibi accedentibus, tutior a Regis Galliarum semper suspectis consiliis redderetur.

Venetorum  
inclinatio  
ad pacem vti  
Suleimano  
ineundam.

Hæc dum sedulo Patres meditarentur, crebrisque consultationibus de præsentis rerum statu, de hostium potentia, de Republicæ sociorumque viribus, & auxiliis disceptarent, eo deducebantur, ut potius de pace ineunda, quam de bello inferendo cogitarent. Neque vero difficile, ut concordia æquis conditionibus iniretur, rebantur fore ; cum Suleimanus, ut a societate Cæsaris Rempubicam abstraheret, nihil prætermissurus videretur. Spem duo auxerant ; alterum, quod Franciscus Barbadius, Alexandrinarum triremium præfectus, Byzantio significaverat, Venetis mercatoribus e custodia eductis, mutuis datis vadibus, libere ultro citroque commeandi, & intermissa negotia repetendi facultatem concessam fuisse ; alterum, quod cum Jacobus Cornelius, Divi Marci procurator, Antonium Me-

tho-

thonenſem ad Janusbejum ſciſcitatum miſiſſet, an Lauretanus, & Maurocenus trierarchi ad Obroatium capti viverent, ut de iis redimendis ageret, cum Venetias rediiſſet, ſibi ad conciliandam cum Suleimano Rempubicam Janusbejum ſuam operam detuliſſe, nuntiaverat : proinde, ſi legatus Byzantium mitteretur, omnia illi benevolentię teſtimonia præſtaturum. Hæc Decemviros permoverant, ut paulo poſt Principis obitum, Laurentium Gritum, illius ex non legitimis nuptiis filium, virum virtute, ac vivo ingenio præſtantem, Byzantium mitterent; qui veluti ad fratris deſuncti bona redimenda proſectus, mercatorem ſimulatus, de publicis negotiis ageret; ac primum ſi de paciſcendis induciis Byzantii tranſigeretur, quantum in ſe eſſet, rem ad exitum perducere ſtuderet; ſin minus, de pace inter Rempubicam & Suleimanum inſtauranda ageret, eamque veteribus conditionibus, utrinque quæ occupata fuerant, reſtitutis, confirmaret : ſi qua difficultas de Nadino, & Laura- na Jadertini agri oppidis intercederet, quinquaginta aureorum millium ſolutione, aut annua quingentorum penſione, in Rei publicæ poteſtate retineret.

Itineris Griti quamvis cauſæ tegerentur, tamen, ut de pace cum Suleimano ageret, Byzantium proſectum, non obſcuro rumore ferebatur; quo adductus Didacus Mendozius, Cæſaris legatus, cum ſecretius Collegium adiiſſet, de pace cum hoſte incunda, Cæſare amico, ac ſocio prætermiſſo, a Republica agi, conqueſtus, gravi oratione, ut animos Patrum ab ea averteret, uſus eſt; nunc barbarorum ingenia infida, turbida, paci inimica, atque adverſa ob oculos ponens; nunc pacem ejusmodi eſſe, quæ neque ſumptibus, neque moleſtiis Rempubicam liberaret, cum, duabus potentiſſimis claſſibus, Turcarum una, Cæſaris altera perpetui, atque implacabilis illorum hoſtis, mare inſidentibus, eadem ſuſpicionem, ac metu premi Reſpublica cogeretur : demum Imperatorem, ſummum inter Chriſtianos Principem, extollebat, qui egregio in rempublicam chriſtianam animo, magnis viribus, ac potentia ſultus ad contundendam acerrimi hoſtis ſuperbiam, ac factum ea tempeſtate ſummo Dei immortalis beneficio datus videretur. Suſtinerent itaque parumper, neque immaturo conſilio pacem amplecterentur, dum, cunctis ad bellum verſis,

1539  
Janusbejus  
ſuam operam  
ad pacem  
ſan- tiendam  
Reipublicæ  
deſert.

Laurentius  
Gritus, An-  
drea Ducis  
filius, Byz-  
antium miſti-  
tur.

Didacus  
Mendozius  
Cæſaris le-  
gatus in  
Collegio de  
paciſ agita-  
tione con-  
queritur.

1539

*Senatus res-  
ponsum.*

magni undique terra, marique apparatus militum, & classium fiunt; dum eximia in armis præmia sita sunt; dum omnes altissima spe detinentur: quæ omnia objicere, ac negligere neque virtutis, neque prudentiæ Veneti Senatus esse. His in hanc sententiam respondetur: Alacri animo Rempublicam in fœdus biennio jam elapso descendisse; impetum vero hostium atque vehementissimos illorum conatus solam pertulisse. Quod Cæsaris auxilia minus expedita, ac prompta fuerint, id quamplurimis coortis difficultatibus tribuere, iisdem in posterum quoque aut differri, aut impediri posse. Ceterum eodem erga fœderatos animo esse: Galliarum Regem pro communibus induciis Byzantii laborasse, iis assentiri minime sociorum rebus adversum censere, unde illis haud parum emolumenti accessurum videretur, ut majori conatu, ac firmioribus viribus in hostes bellum inferri posset. Eadem Petrus Mocenicus legatus Cæsari significavit.

*Dragutis  
excursionem.*

Interea Dragutes, qui Corinthiaco in sinu substiterat, cum triginta partim rostratis triremibus, partim biremibus egregie instructis egressus, cum ad Paxum insulam appulisset, circumjecta maria excurrando, infestum iter navigantibus reddebat, ac Divi Nicolai portu tectus, qui quatuor passuum millibus Corcyra distat, inde frequenter, expeditioribus navigiis præmissis, in eos, qui ad insulam accederent, invehens, miserum in modum diripiebat. Dragutis insolentiam Franciscus Paschalicus legatus minime ferendam arbitratus, duodecim e suis triremibus, ex Turcicis, quæ propius se intulerant, nonnullas adoritur. Hostes, impetu non expectato, fuga se versus Ambracium sinum proripuerunt; idque astu militari factum fuisse postea cognitum est. Nam cum nostri intento remigio hostiles triremes persequerentur, Dragutes cum reliquis Paxo exiens, in altum processerat, ut vento secundo a lateribus in Paschalici triremes impetum faceret. Id Paschalicus conspicatus, ut se periculo eximeret, sublati velis, hoste insequente, Corcyram perrexit: tres triremes cum ab hostibus elabi non possent, litoribus Mesfanguii, duodecim a Corcyra passuum millibus, allapsæ, milite, ac remige incolumi, periere; inter quas, fracto malo, cum

*Franciscus  
Paschali-  
cus, classis  
præfectus, a  
Dragute in  
fugam ver-  
sus.*

cum reliquarum cursum tenere non posset, Antonii Canalis triremis in hostium potestatem venit. His successibus elatus Dragutes in Cretam iter intendit, ac prope Cydonem militibus expositis, incendiis, ac direptionibus agros vastavit: verum Antonii Calbi Consiliarii virtute, Epirotarum equitum, atque incolarum manu collecta, impetu in hostes facto, non sine plurimorum cæde, ad triremes se recipere coacti fuere.

Laurentius Gritus v. i. idus aprilis Byzantio revertitur, quæque a se acta essent, Patribus retulit; se Janusbejum convensisse, ab eo ad Ajacem Bassam perductum: illum de iis, quæ a Venetis adversus Suleimanum gesta fuerant, graviter exposulasse; cur a Senatu legatus non mitteretur, sciscitatum. Ad hæc Gritum, quæ acciderant, ministrorum imprudentia, Republica invita, contigisse: a legato mittendo ob scædus, quod illi cum Christianis Principibus intercederet, abstinuisset: verumtamen si per inducias arma inhiherentur, legationem propediem venturam arbitrari. Verum Ajacis animum haud levis suspicio invaserat, ne induciarum beneficio ad Suleimano illudendum Respublica uteretur, ut transacta æstate, ex Hellesponto Turcica classe non emissâ, interea majoribus comparatis viribus, una cum sociis bellum repeteret. Attamen variis hinc atque inde agitatâ, in menses tres induciæ pactæ fuere: a xviii. kalend. aprilis usque ad xviii. kalend. julias: mox Petrus Zenus, Byzantium legatus, a Senatu designatus est. Laurentio Grito, ut de illius adventu Suleimanum certiores redderet, præire jussu, in mandatis datur, ut de communibus induciis ageret; eaque in re Rinconii, Galliarum Regis legati, opera uteretur: Reipublicæ legatos e carcere educendos, bona mercatoribus restituenda curaret. Statimque de induciis pactis, ac de legatione decreta Pontifex, & Cæsar certiores facti fuere. Pontifex, qui gravissimis in rebus pertractandis longævam ætatem contriverat, Senatum ad inducias, resque cum hoste componendas hortabatur; cum nihil ad opem perturbatis rebus ferendam egregii expectaretur; minime cunctandum, nec tantæ rei, qua salus Reipublicæ periclitaretur, indormiendum esse: ut Cæsar induciis comprehenderetur, sibi probari; sui vero mentionem iustis de causis fieri non posse. Cæsari quoque induciæ minime improbabantur; cum illius

1539

*Antonii Canalis triremis a Dragute capta.*

*Dragutes ad diripiendam Cretam profectus, ab Antonio*

*Calbo rejectus est.*

*Laurentius Gritus Byzantio revertitur, quæ egerat Senatui exponit.*

*Induciæ trium mensium inter Venetos & Turcas.*

*Petrus Zenus legatus Byzantium eligitur.*

*Laurentius Gritus de novo Byzantium mittitur, & Senatus mandata.*

*Senatus de induciis & legato mittendo Pontificem & Cæsarem certiores facit.*

le-

1539

legatus, si Gritus ea de causa iterum Byzantium contenderet, id Carolo pergratum futurum affirmaret, ut induciarum tempore argento, comiteatu, atque reliquis ad expeditionem necessariis comparatis, majore nixu bellum gereretur: interea quo facilior ad perficiendas inducias aditus pateret, ut enixe cuncta ad bellum expediri juberet, Cæsarem Patres hortabantur.

*Cæsar Cantelmus,  
Gallia orator ad Suleimanum,  
Regis operâ  
Reipublicæ  
desert.*

Per hos dies Cæsar Cantelmus e Galliis Venetias advenit, seque a Rege Byzantium mitti affirmavit, ut de communibus cum fœderatis induciis incundis ageret, officiumque, & operam Regis, si ea uti vellet, Reipublicæ detulit. Eadem quoque Franciscus Christophoro Capellio legato significaverat. Regi gratiæ actæ; Cantelmium de Petri Zeni legatione, Gritique itinere, ac mandatis edoctum Senatus rogavit, ut pro illis conficiendis una cum Grito laboraret. Interim quæ ad Petri Zeni legati protectionem necessaria erant, comparatis, duabus triremibus in Illyricum proficisci, terrestrique itinere quam maxima celeritate posset, Byzantium contendere jussus est, datis literis de more Suleimano, ac purparatis in hanc sententiam reddendis: *Diuturna tot annorum abrupta pace, bellum inter Suleimanum, ac Rempublicam exortum graviter, atque admodum ægre Senatum tulisse; nisi prapropere festinatione arma in Venetos illata essent, quæ acciderant, casu, aut malignitate fortunæ, non culpa contigisse, decreta legatione intelligi potuisse.* Rinconio postea, & Cantelmio, Regis legatis adhibitis, ut communes induciæ, quam longissimo tempore fieri posset, sancirentur, una cum Grito eniteretur. Zenus quammaximis poterat itineribus Byzantium contendens, xviii. kal. julias in Mœsiam pervenit, atque oppidum, quod *Clastrum* Turcæ vocant, ingressus, a provinciæ præfecto (*Flambularum* dicunt) perhonorifice exceptus, proxima luce iter prosecutus, vix quindecim passuum millia processerat, cum febre correptus, ac parte corporis debilitatus, licet adhuc alia decem millia confecisset, ingravescente morbo, nequicquam humana ope tentata, fato concessit. Petrus Franciscus, a secretis, de Zeni obitu ad Senatum literas dedit, præfectique erga Rempublicam propensissimam voluntatem significavit, a quo sibi injunctum diceret, ut Patres ad alium Zeni loco legatum sufficien-

*Senatus literæ a Zeno  
Byzantium  
allatæ.*

*Petri Zeni  
legati obitus.*



ciendum hortaretur. Vigeat in barbaro homine elegans ingenium, atque vehementer in Venetos proclive, illorumque amicitiae appetens, qui ut Andreae Griti Principis animum sibi conciliaret, portiunculam sacratae Crucis ligni, cui Servator noster affixus fuerat, dono se misisse dicebat: grati animi testem adamantem centum, ac viginti aureorum pretio a Grito accepisse; hisque mutuis benevolentiae argumentis amicitiam coalitam: idem se erga Petrum Landum, nuper Principem creatum, efficere statuisse; quapropter brachium sancti cuiusdam viri, cui a Christicolis, qui eas regiones incolerent, summi honores haberentur, Principi deferendum curasse, quo veluti certissimo pignore necessitudo confirmaretur, atque augeretur. Petri Franciscii literis acceptis, statim coacto Senatu, Thomas Contarenus, vir exacta aetate, atque egregia prudentia, Zeno legatus suffectus est. Ut intra quatuor dies Venetiis discederet, quae mandata Zeno fuerant, exequeretur, imperatum est: & ne publicae liberalitatis significationes a Moesiae praefecto desiderarentur, pro collatis in Zenum humanitatis, ac benevolentiae officiis gratiis actis, eundem nobili gemma Senatus donavit.

1539  
Crucis Servatoris portiuncula a Maxima praefecto Principi Grito dono missa.

Thomas Contarenus loco Zeni legatus eligitur.

Inducia cum Venetis a Turcis praelegata, et legati Veneti e turris ducti.

Rinconii, Galliae Regis legati, occulsi in perniciem Venetorum cum Turcis officio.

Gritus interim mensis maji initio Byzantium pervenerat, atque cum Rinconio, & Cantelmio Ajacem Bassam adiit. Sed multis utrinque de communibus induciis disceptatis, negotium irritum conatu cessit, quod Turcae a concordia cum Caesare incunda abhorrerent, quamvis ad pacem cum Venetis firmam inclinati viderentur. Itaque inducias cum Republica ante pactas usque ad xij. kalend. octobris prorogavit, atque, ut legati e turrieducti liberiori loco uterentur, impetravit. Neque interea quantum poterat officiis, atque admirabili quadam, quae in ipso erat, ingenii dexteritate, ut sibi Bassae, atque aliorum purpuratorum animos conciliaret, quidquam omittebat, ut induciis foederati omnes continerentur. Verum dum enixe, ut res ad exitum perduceretur, laboraret, testis Rinconii, Regis legati, consilia, atque occultas machinas intentius singula rimando animadvertit. Is enim, ut Rex sequester, atque arbiter pacis inter Venetos, ac Turcas fieret, ex quo plurimum illi auctoritatis, ac dignitatis accessurum arbitraretur, secreto purpuratos hortabatur, ne ulla in re se demitterent,

aut

1539 aut Griti postulatis cederent; classem ad Neocastrum recuperandum mitterent; Ascrivium, Nauplium, Corcyram a Republica peterent: ut quo majoribus difficultatibus negotium implicaretur, eo magis Respublica Regis opem imploraret, ac tandem ipse controversias cunctas dirimeret, ingentique beneficio sibi Venetos devinctos a Cæsaris foedere, atque amicitia revocaret. His a Grito cognitis, quamvis de communibus induciis desperaret, atque quamplurima concordiae cum Republica fanciendae objici impedimenta cerneret; nullis tamen difficultatibus perterritus, audentior factus, Bassam ingentibus pollicitis aggreditur, ut nisi inducias cum foederatis impetraret, saltem pacem cum Republica obtineret: tantumque suadendo, adhortando, pollicendo profecerat, ut illius animum flexisse videretur, nisi fructum, quem ex tot laboribus speraverat, immaturus Ajacis obitus intercepisset. His de rebus Gritus Senatum certior fecerat, simulque Patres admonuerat, ut classem omni bellico apparatu instructam in promptu haberent; oppida, ac loca munita, militum praesidiis auctis, diligentiori custodia tuerentur; nulli rei, aut sumptui parcerent; cuncta ad bellum expedirent; hanc hostes ad pacem allicienti tutam viam esse.

*Ajacis summi Bassa obitus.*

*Ulamanes Persa copiis terrestribus a Suleimano perficitur.*

*Venetorum bellici apparatus.*

Interea vexillum Byzantii Chariadeno tributum fuerat. Is magno studio tum remige, tum propugnatoribus classem, quæ centum ac quinquaginta navigiorum numero constabat, instruxerat, majorumque tormentorum ingentem vim invehi jussarat, binis magnis onerariis navibus, quas *mabonas* vocabant, adjectis, tormentario apparatu, atque aliis in usus belli referatis. Ulamanes Persa terrestribus copiis praefectus est, qui bellica virtute, pluribus editis militaribus facinoribus, inclaruerat. His viribus Turcas Neocastrum aggressuros crebris rumoribus ferebatur; neque deerant, qui dicerent, Nauplium, aut Ascrivium petituos. Ambiguo igitur, atque incerto eorum, quæ Byzantii agerentur, exitu, atque Chariadeni ex Hellesponto cum classe egressu, Senatus permotus, acriori cura ad apparatus belli conversus, triremes veteres refici, novas ædificari mandavit; ut vigintiquinque accurate in urbe exornarentur, decrevit; in id navalium sociorum ad quatuor millium delatum haberi jussit; ea lege, ut statis diebus triremes ingressi

re-

remigio assuescerent, atque inter se contentiosa æmulatione de cursus velocitate certarent, variis ad alliciendos animos, viresque acuendas propositis præmiis. Atum deinde in Senatu, quo loco, Turcis ad Neocastrum expugnandum accedentibus, classis detineretur. Diversis sententiis ea de re disceptabatur; cum nonnulli, ut intra Adriaticum sinum se reciperet; alii, ut extra moraretur, censerent: prioris sententiæ auctor erat Vincentius Capellius, qui nuper summa præfectura classis se abdicaverat, ac in numero majorum præconsultorum tunc erat: huic suffragabantur Marcus Foscarus collega, & Joannes Delphinus continentis Sapiens. Foscarum in hanc sententiam loquutum fuisse accepimus.

*Cum nihil sit in rebus humanis, ut ego existimo, Patres optimi, ac præsertim in iis, quæ ad Rempublicam pertinent, recta consiliorum ratione utilius, aut præstantius; tum in bel-  
lis gerendis, quamvis milite, machinis, tormentario apparatu opus sit: in consiliis tamen capiendis egregia virtus usu rerum confirmata in primis requiritur. In ceteris, quæ errata sunt, corrigi sapientia possunt; in bello commissus semel error nulla vi, aut ingenio emendatur: cum in aciem descensum est, aut navali prælio pugnatum, victis nullus penitendi locus relinquitur; frustra tempus, situm, ordines conqueruntur. Ne id ipsum in re gravissima nobis contingat, summo studio providendum est. Permultum enim interest, Cbvariadeno Neocastrum oppugnante, quo loco classem consistere velitis. Ac sane singula recensenti, quæ in consilium adhiberi solent, ea mirum in modum suadere mihi videntur, ut intra Adriaticum sinum contineatur, sive ratione, sive magistra rerum humanarum experientia, sive auctoritate decernendum sit. Nam primum illud quero, hostisne, an amicus Reipublicæ Cbvariadenus accedat. Si hostis: extra sinum classe inventa, quis hominis ingenium perspicies, non summopere ambigat, ne ad prælium committendum vestros vel invitos duces pertrabat? neque vero eo nunc trirremium numero classis constet, ut aequo Marte cum Turca possit confligere. At pugnam imperator detrectabit. Non semper id in ejus potestate est, plerumque vel invitus in aleam descendere cogitur. Fugane incolumitati consulendum erit? An id e Reipublicæ dignitate fore censemus, ut quæ rei nava-  
lis*

Oratio  
Marci Fos-  
scari.

lis disciplina, egregiisque rebus gestis nunquam non floruit, illius nomen, tanquam veteri virtute obsolescente, maritima apud cunctos existimatione exuatur? At quo se recipiet? in occidentemne vela dabit? scilicet, ut *Auriae* sociatus, spes, quæ *Byzantii* de pace oblata est, intempestive præcidatur, ac omnino pereat? An in altum proventus hostes eludet? at mare triremibus infidum, nulla ibi annona, nulli commeatus. In orientemne igitur iter arripiet? Nulla, nisi in *Creta*, tuta statio; iter longinquum, annona difficultas, ut nisi summa incolarum omnium desperatione ex ea provincia peti possit. Quæ cum ita sint, quis non potius classem in *Adriatico* esse malit; ubi & commeatus assatim copia suppetet, & nullus lacessentis hostis impetus erit pertimescendus? Sin vero, quod alterum caput est, amicus *Cbariadenus* advenit; eo magis classem ibidem continendam arbitror, ne in *Turcarum* animis suspiciōne orta, a vobis cum *Cæsare* consociatis viribus, intra hujus finus fauces fore, ut intercludantur, juribus induciarum neglectis, hostilia in nos arma convertant; cum præsertim ex classum propinquitate quotidie quamplurima suboriri queant, quibus vel invitī in novas belli causas provocemur. An vero *Aurie* artes ignota sunt, quibus serere inter vos, ac *Suleimannam* dissensionum semina conatus, ut ad apertum bellum eliceret; mox cum obnixē a vobis, atque a Pontifice, ut se imperatori vestro adjungeret, flagitaretur, nullis suasionibus, nullis precibus inflecti potuit, quin *Genuam* contenderet? Quis ambigat, non eadem mente futurum, non eadem consilia adhibiturum, ut vos *Turcis* suspectos reddendo, concordie rationibus abruptis, *Cæsari* ita devinciatur, ut ab illius consiliis nunquam divelli liceat? Quid? quod ex nutu ejusdem, penes quem omnium fœderatarum copiarum imperium est, vester imperator pendere cogetur, cum ita conditionibus fœderis cautum sit? Instabit, urgebit, ex fœderis lege præcipiet. Quid tum vester imperator? Vires consociabit? Tunc ex *Aurie* auctoritate, non vestro arbitratu, classe utemini: ad *Neocastrum* defendendum, quod nobis per summam injuriam *Hispani* occupavere, ire oportebit: in nobis, neque pax, neque bellum situm erit. At si adungere se *Aurie* nostri abnuent, nonne hoc factō odium, atque arma *Cæsaris* in *Rempublicam* incitabit? ancipiti periculo

culo cum terrestre, tum maritimum imperium objiciemus? Nisi vero his permovemini, inspicite quæso, quæ biennio proxime elapso facta sunt, dum extra Adriaticum sinum vestro decreto classis imperatorem commorari jussistis, unde tot vobis inuitis infausta contigere. A potentissimo Rege bellum illatum; a Salentinis in vos arma conversa; Corcyra petita; gentes in servitutem abductæ: inde tot, in quibus versamur, difficultates profluxere. Non semper integrum est hostium occursum vitare; non imperat mari imperator; non obtemperant maria nautis; ventis, procellis, ac tempestatibus patent, quibus nonnunquam obsecundandum; nonnunquam vel inuitis parendum est. Pesarum exemplo esse potest, qui cum in orientem iter flexisset, atra procella, gravique tempestate, dum in altum vela daret, correptus, in classem Turcicam præter suam voluntatem impulsus est. Contra vero quinquennio ante, ingentibus Turcarum copiis Helleponto egressis, huic eidem Vincentio Capellio imperatori denunciatum est, ab Adriatico mari ne recederet: pax facta, tectaque servata est. Quid hoc adduci in rem nostram vel certius, vel evidentius potest? Ex humanarum rerum usu prudentia comparatur, ut quæ præclarum exitum habuerint, ea imitanda, quæ infortunatos eventus sortiti fuere, vitanda sint: quo fit, ut inclitus Reipublicæ nostræ Princeps, qui semper in maximis, atque arduis rebus versatus, prope divino ingenio, atque acerrimo judicio vigeat, ita decernendum existimet; idem Vincentius quoque Capellius, qui eximia cum laude classis imperio functus est, sentiat, cujus virtutem, præclaraque pro patria gesta vestris decretis, ac sententiis sæpius extulistis. An horum præstantissimorum civium, qui difficillimis temporibus Rempublicam gessere, consilia parvi facimus? An quempiam rectius a nobis, quam eos consuli posse arbitramur, qui in acie cum hoste conflixere, qui illius vires, conatusque re ipsa experti, non adumbratam, sed certa experientia subnixam prudentiam sibi compararunt? cui sive innititur, sive ex præteritarum rerum memoria ad recta consilia ineunda exempla petimus; sive demum vera ratione, quæ raro fallere consuevit, ducimur. Hoc rerum statu, qui nobis sese offert, dum Cbariadenus Neocastri expugnationem molitur, ejusmodi

sen-

1539 *sententia sum, ut classem Adriatico sinu continendam e Republica exilitem.*

Hæc Foscaro perorante, Franciscus Donatus eques, divi Marci procurator, in majorum præconsultorum numero Foscarum collega, qui extra Adriaticum sinum in mari Ionio detinendam classem censebat, hunc in modum dixisse fertur.

Oratio  
Francisci  
Donati.

*Et si optandum summopere esset, sapientissimi Senatores, ut qua per tot annos Respublica pace usa est, ea nunc quoque frueretur, neque hinc acerrimi, ac potentissimi hostis terra, marique viribus, inde sociorum perplexis, ac tectis consiliis distineretur; attamen cum humanarum rerum casus minime in nostra facultate sint, malignitatem fortuna, atque improsperos rerum eventus constantia, ac prudentia corrigere, & moderari debemus. Ea vero in primis hoc difficillimo tempore adhibenda sunt, ne timore de gradu dejiciamur, aut dum laboranti hujus imperii parti opem ferimus, turpi oblivione universam illius molem deseramus. Id ne vobis contingat, haud parum vereor, si maritimas vires, quibus hætenus ditiones vestras tutando, terrorem sæpius hostibus intulistis, intra hunc sinum importuno, atque immaturo consilio conjicietis, quo loco neque pro rerum opportunitate consilia cupere, neque tot regionibus, urbibus, populis, præclaris, ac nobilissimis insulis succurrere licebit. Dum pax cum Suleimano nobis erat, ne fortuito aliquo eventu inturbaretur, e Republica fortasse erat, classem a Turcarum conspectu abreptam, in has angustias compellere. Verum hac tempestate dum cuncta armis circumsonant; dum nullus est in imperio vestro locus, quo hostilis terror non pervaserit; dum in paucos menses induciis pactis, barbarorum fides suspecta ac parum tuti nobis esse debet, classem in Adriaticum sinum cogere, an non id est, quas in Ionio, Aegæo, & Cilico mari regiones possidetis, desertas, hostium libidini, crudelitati, avaritiæ diripiendas, atque vastandas relinquere? Quid tum Cretenses, quid Cyprios, quid tum Nauplium, Epidaurum, Peloponnesi urbes, quid Epiri, atque Illyrici incolas dicturos arbitramini? Dum subsidiorum spes sibi interceptas, minantes, ac furentes Turcas inspexerint, verendum profecto est, licet sum-*

*summa semper fide , ac studio Venetum nomen coluerint , ne hostium propinquitate , auxiliorum longinquitate adducti , ac prope desperatione adaeti , præcipites ruant : quo quid acerbius , quid durius , quid omni calamitatum genere cumulatius contingeret ? At si opinione , ac fama non minus , quam viribus bella administrari solent , eaque ad res bene gerendas præclarum iter munit , quid hoc tempore vel ad terrorem nostris incutiendum , vel ad hostium insolescentes spiritus effrendos fieri importunius potest , quam classem in has fauces subducere , tanquam conspectum hostium sustinere nequiverit , sed fuga se eripere coacta fuerit ? Ex quo audentior effectus hostis , quæ non in nos meditabitur ? quæ non sibi in nostrum exitum pollicebitur ? Atque utinam illectus , ac prope a nobis evocatus , perpetuo Veneti nominis dedecore in sinum istum deVectus , ubique crudelitatis , atque avaritiæ vestigiis relictis , ferox , ac prædabundus non excurrat . Sed esto tot ditium , & gentium , quæ vestro imperio continentur , vos minime pietas tangat ; ne in barbarorum potestatem concedant , nulla pericula permoveant : non iste fugientis vestræ classis aspectus deterreat ? Mari hoc excipiat : quo loco consistet ? intra quas stationes , aut portus se continebit ? An ad Corcyram nigram ? at deservescente maris æstu , nudato solo immobilis adberebit . Ad Sicumne ? Sed hostium finibus circumseptum , immanibus tormentorum ictibus patet . Ad Faderamne ? at angusta ad tot triremes excipiendas , statio parum commoda censetur . Quid igitur reliquum , nisi ut hæc illi ad certum effugium æstuarium pateant ? Ita , dum toto mari hinc Turcica , illinc Cæsareana classis percurrunt , in intimo hoc , ac pene abdito recessu , quidquid maritimarum virium immenso labore , ac sumptu congeßistis , inutili otio torpere , propugnatorum corporis vires , atque animi aciem habescere patiemur ? Neque vero minus de anihila nobis cogitandum erit , cum Cbariadenæ Neocastrum oppugnanti , atque ore Adriatici maris quamplurimis navigiis insidenti facile admodum futurum sit , commeatus vel ex oriente , vel ex Sicilia regno , & lapygia interciperet . Atque ut secura navigatio a Turcis relinqueretur ; quæ ex Apulia , & Sicilia frumenta convehi possunt , ea cum in Cæsareanorum potestate sint , aut cum fame conficiari ,*

H. Mauroceni T. I.

N n

aut

1539

aut conjungere classes necesse erit, quorum illud miserrimum est; hoc vero, ut Foscarius quoque fatetur, concordiae adversum. At saltem ex hac Auria conjunctione egregia nobis occasio daretur, qua praeterita damna corrigere, & praereptum nuper navalis disciplinae decus praclaro aliquo facinore recuperare possemus. Sed quid ab homine nostris rebus infesto, cujus fidem jam saepius experti sumus, qui praclamam nobis obtundendi hostis opportunitatem invidit, expectandum est? His incommodis vos occurrere posse arbitror, si extra Adriaticum sinum classem commorari jusseritis. At inquirunt, verendum esse, ne hostis propinquus acie dimicare velit. Sed quis sibi persuadeat, Chariadenum, maritimarum rerum scientissimum, Neocastrum oppugnantem, divisis viribus, partem in Rhizonico sinu detenturum, partem ad nostros insequendos missurum? Ut scilicet ad consociandas cum Auria vires impellat; atque impar ad certamen ineundum cogatur? Cum e contra integra committendi praelii facultas penes vestrum imperatorem erit, qui tutos receptus ad Zacynthum, Cephaleniam, atque in Cretam habebit; inde usque in Cyprum libero tractu maris emenso, navigandi facultas erit, praedas agere, navigia interceptare, commeatus comparare, hostes variis detrimentis afficere. Id vero si initio belli factum esset, non tam propius in ditiones nostras hostis se intulisset; non Aegaei insulae direptionibus, caedibus vastata; non ingens incolarum numerus in servitutem abreptus; non Peloponnesi urbes petite, atque oppugnatæ forent. Sed adjiciunt, infausto consilio, ut classis Corcyrae detineretur, superioribus annis decretum esse: ut intra sinum se reciperet, optima ratione prospero eventu paucis ante annis jussu fuisse. Sed non satis animadvertunt, aliis temporibus aliis consiliis opus esse: adeo enim vicissitudini, ac varietati humanae res subjiciuntur, ut quae nonnunquam prospero, ac felici eventu salutem, eadem, mutata rerum conditione, improspere exitu perniciem, atque exitium attulerint. Tunc amicus Suleimanus nobis erat; hostem modo experimur: cunctae ditiones vestrae pacatae erant; nunc ubique armorum tumultus saevit: ut causae belli praeciderentur, tum cavendum erat; nunc urbes, ac provinciae in vos conversae vestrum auxilium, atque opem implorant. Quocirca eo tempore classem in Adriatico sinu continere debebat,



cebat, dum ad Aulonem cum exercitu Suleimano castrametante, maritimis copiis Salentini petebantur: ea namque forsitan non contigissent, ex quibus importune grave, ac periculosum bellum illatum est. Hoc tempore, hoc rerum statu, non intra angustias Adriatici maris retinenda classis: prodeundum est, atque eo loco consistendum, quo & iis, qui vestro parent imperio, subsidia inferre possitis, neque navalis disciplinae decus hostium contemptui objiciatis. Hec tuta ad res vestras, ad imperium, ad dignitatem conservandam via: hæc ad populos in fide retinendos ratio: hoc demum pericula propelli possunt, quibus nisi maturo consilio prospiciatur, frustra prudentia requiritur: vires deficiunt, atque eæ calamitates, quæ initio vitari, & averti baud ægre poterant, inevitabili lege subeundæ sunt. His ego adductus, quæ non auctoritate, qua sæpius errare, labi, ac decipi possumus, sed certa, ut arbitror, ratione nituntur: summo classis præfecto injungendum censeo, ut Corcyra moretur, neque se intra Adriaticum sinum recipiat.

Cum Donatus perorasset, frequens Senatus in eam sententiam ivit, ut extra sinum classis detineretur: in id Alexandro Contareno, legatorum alteri, datis literis, quibus, nisi ab hoste lacessitus, ditiones, atque oppida illorum aggredi prohibebatur. Classis quoque imperatoris auctoritas Senatusconsulto illi demandata est. Franciscus Paschalicus, alter legatus, hoste in Adriaticum sese inferente, cum quindecim triremibus penitus ad oras maritimas conservandas se referre iussus; quadringenti pedites in supplementum missi. Eodem tempore, ne quid, quod ad bellum gerendum spectaret, prætermitteretur, ut pecuniam, qua ad pontificias triremes instruendas opus erat, Venetias mitteret, Patres a Pontifice flagitabant, qui, Republica seorsim de concordia cum Turcis incunda agente, nihil se largiri posse agebat, tum quod Supero, atque Infero mari haud exigui pro suis ditionibus tuendis sumptus essent faciendi, tum etiam, ne, pontificiis triremibus Venetæ classi accedentibus, quæ Byzantii agitabantur de pace negotia, interturbarentur. Nam cum vires hostium perspiceret, resque foederatorum prolabi in dies animadverteret, Reipublicæ satius esse ducebat, ut, concordia ratione aliqua cum hoste inita, se instanti periculo eximeret, quam ut senlim debilitata gravi aliquo incommodo, & ca-

*Senatus decretum de classe extra Adriaticum retinenda.*

*Demandata Senatus ad Alexandrum Contarenum, classis legatus.*

*Francisco Paschalico Adriatici custodia demandata.*

*Paulus Pontifex Venetis ad pacem inveniendam berratur.*

1539 lamitate afficeretur. Senatus prudentissimi senis consilia, propensumque in Rempublicam animum magni faciens, omnia cum eo consilia communicabat, atque ut egregiam in illum voluntatem patefaceret, Marco Grimano, legato, ejus nomine tres triremes petenti, quibus ad maritimæ oræ præsidium uteretur, liberaliter concessit. Neque vero ullum officii genus, ut ad Neocastrum ex fœdere Venetis Cæsareani traderent, prætermiserat; cum tandem Auria Cæsaris jussu iis conditionibus Reipublicæ concessurum diceret, ut quindecim aureorum millia in stipendia propugnatorum tribuerentur, impensæ pro illius defensione ex Pontificis præscripto Cæsari penderentur. Ea de re a Joanne Basadonna, legato, doctore, atque equite, qui Marco Antonio Contareno successerat, cum Pontifice actum, tandemque ad hujuscemodi conditiones deventum est, ut, Neocastro recepto, illico undecim aureorum millia numerarentur ad decem peditum millia conscribenda; de reliquis controversiis Pontifex decerneret. Verum cum, re maturius perpenſa, Chariadenum propediem Neocastrum aggressurum nuntii perferrent, minime e Republica Patribus visum est, quæ sæpius ex fœdere petita, a Cæsareanis vel pernegata, vel dilata fuerant, importuno tempore recipere, quo & pax penitus abjiceretur, & graviore belli onere Respublica premeretur.

Hæc dum agerentur, augusti mensis initio Chariadenus cum classe nonaginta triremium, rostratorum navigiorum triginta, quæ Dragutes ductabat, in Rhizonicum sinum pervenit; atque eodem tempore Ulamanes præfectus cum triginta equitum, ac peditum millibus propinquos colles occupavit. Chariadenus sinum nactus, quo ab oppidi ictibus se protegeret, triduum in exponendis tormentis, erigendisque munitionibus absumpsit, quæ nocte tantum erigi, ac perfici poterant, cum in illos, qui operi incumberent, continenter ab Hispanis machinarum omnis generis globi excuterentur, ut supra mille ex hostibus convulserati, atque interfecti sint. Operibus perfectis, ingenti cum majorum, tum minorum tormentorum vi exposita, oppugnationem instituit. A septentrione Ulamanes; ipse ab oriente; a mari Salecus, admotis triremium proris, mœnia quatere cœpere; idque acriter adeo, & absque ulla intermissione fiebat, ut oppidi, quod loco edito situm est, mœnia ingenti ruina conciderent.

Sar-

Marco  
Grimano,  
Pontificis  
legato, tri-  
remes tres  
conceduntur.

Veneti Neo-  
castri dedi-  
tionem ab  
Hispanis  
oblatam re-  
jiciunt.

Ulamanes  
& Chari-  
adenus ad  
Neocastri  
oppugnationem.

Sarmentus vero, Hispanorum præfectus, ægre murorum hiantium loca refarcire conatus, parum proficiebat, quod faxeus natura locus, glebas, ac cespites ad munimenta, quibus se, suosque milites tueretur, construenda non subministraret. Inde ingentibus globorum ponderibus domus, atque ædificia depressa prosternebantur; neque tutus, quo milites consisterent, locus erat, compluribus a tormentis discerptis. Hostes, cum Hispanorum vires haudquaquam ad illorum impetus excipiendos pares experirentur, propius moenia subeuntes, per amplum propugnaculo sunt potiti, in eoque vexillum erexere. Verum, illius fundamentis suffossis, agi cuniculum Sarmentus iusserat, eo consilio, ut cum hostes irrumpere in oppidum niterentur, atque acrius impetum facerent, ignibus admotis, tormentarioque pulvere incenso, repente concussa, disiectaque munitio inopinantes opprimeret. Verum consilium improspere eventu cessit; nam cum segnius, ac lente admodum flamma conciperetur, nullo fere Turcarum damno, cum se periculo eximendi mora facultatem daret, propugnaculi ruinæ ingenti strepitu, ac terrore introrsum decedentes multos ignibus correptos, alios ruinis obrutos absumpere; atque eodem tempore Ulamanes, qui superiori loco expugnationem moliebatur, murorum parte prostrata, ad irrumpendum in oppidum se compararet. Quibus rerum difficultatibus cum assiduis laboribus, ac vigiliis debilitatos, ac prope confectos milites cerneret Sarmentus, fauciatis, atque ad pugnam conferendam minus idoneos in arcem confugere iussit, quo octingenti milites cum Aloysio Ario, & Macinio Mongaja, aliisque præfectis se recepere. Sarmentus nullis periculis exterritus, cum generoso animo clarissimum obitum turpi salutis spei anteferendum duceret, selectos milites, supremos bellicæ virtutis conatus edituros, medio in oppidi foro cogi, & conglobari præcepit. Cruentissimum statim, hoste irruente, certamen editur; pugnatur initio utrinque acriter, augente Hispanorum animos desperatione, qui ardore prælii incensi, licet importunus imber sclopettariorum ignitos funiculos extinxisset, hastis, gladiis, contis intrepide rem agebant. Sed cum Turcæ numero superiores essent, ac summa contentione irruerent, pugnam-

*Hispani cili  
fauciis in  
arcem Neoca-  
stris seve-  
cipium.*

*Joannis  
Sarmentis  
præfidi  
Neocastris  
præfidi,  
præclarum  
facinus.*

1539 que confererent, Hispani ad unum omnes cæsi fuere, inter quos Sarmentus ipse, dum strenui ducis, ac militis opera fungitur, tribus sagittis confixus occubuit. Hoc successu Arius præfectus, qui in arcem confugerant, perculsi, & perterrefacti, cum impares se ad oblistendum victori hosti animadverterent, vitam, & libertatem pacti, se Aheneobarbo dedidere. Barbarus statim miserrima servitute ad triremum transtra omnes adegit, fractæ fidei prætexens, illos a prætorianis militibus, quorum præda essent, se commisse. Hunc exitum Neocastri expugnatio habuit, atque ex quatuor Hispanorum millibus, qui in oppido præsidio erant, nemo non irati Numinis meritam ultionem persensit, singulis morte, aut captivitate facinorum poenas luentibus, quibus per multos annos in Italia dimicando, innoxios populos afflixerant, Romanamque urbem impie, ac fœde diripuerant.

*Rhisanum a  
Chariadeno  
occupatum.*

*Chariadenu  
a Joanne  
Matthæo  
Bembo  
Aferio  
vii deditionem  
petit.  
Joannis  
Matthæi  
Bembi ad  
Chariadenum  
respondum.*

*Turcia  
triremes ab  
Aferiensi-  
bus male ba-  
bita.*

Neocastro occupato, haud difficile Chariadeno fuit Rhisano potiri: nam eo promotis copiis, cum neque munitionibus, neque militum præsidio hostium impetum sustinere posset, Aloysius Zannius oppidum Turcis tradidit. Exinde annuentis victoriæ cursu intumescens barbarus, Ascrivio inhiare cœpit; atque ad Joannem Matthæum Bembum, Prætozem, literas dedit, quibus ad sibi dedendam urbem minaciter, ac superbe sollicitabatur. Erat Bembus præalto animo præditus, egregiaque virtute, ac singulari constantia imperterritus. Is Chariadeno barbaricæ petulantia impatiens in hunc modum respondit: *Rempubicam Byzantium oratorem pro instauranda cum Suleimano pace, induciis pactis, misisse: videret, ne temere jure gentium violato, eodem tempore & Galliarum Regem, qui ea de causa nuntium Byzantium proficisci jusserat, Venetamque Rempubicam offendens, suum Regem nefario piaculo obstringeret: sed cum nullum in Ascrivio jus Suleimano esset, si tanta cupido occupandæ urbis incessisset, vim experiretur, in certamen descenderet: daturum operam, ut per summum scelus illam injuriam fortiter ulcisceretur.* Interim Bembus, quæ ad urbem firmandam necessaria erant, sedulo curare; civium, ac propugnatorum animos confirmare; tormenta disponere; totumque se ad excipiendum hostis impetum com-

parare. Hostes propius Ascrivium accedentes catenas ad transitum impediendum de more objectas cum nonnullis triremibus temere prætervecti, disipolis nostrorum tormentis, magno detrimento accepto, se referre coacti sunt. Inde cum reliqua classe Chariadenus supervenit, atque haud procul ab urbe milites exposuit; quorum pars per acclivia collis scandens, cum prope moenia accessisset, ex arce, quæ prærupto, atque edito loco sita est, minorum tormentorum dispositione facta, non sine multorum cæde, adeo fracti, ac perturbati sunt, ut, dissipatis ordinibus, disjecti in triremes se fuga proriperent. Altera, quam ipse Chariadenus ductabat, ad eam oppidi regionem, ubi templum, ac coenobium divi Francisci situm est, progreditur. Ea re cognita, Bembus Epirotas equites cum aliquot levis armaturæ sclopettariis equitibus emisit, a quibus hostium complures interfecti, fauciati, & convulnerati sunt; reliqui in fugam coniecti, collium editioribus occupatis jugis, quo eques ardua, & confragrosa via insequi non poterat, se periculo subduxere. Sed Aheneobarbus situm oppidi, munitionesque contemplatus, tormentorum vim, impavidum præfecti animum, propugnatorum virtutem, ac constantiam animadvertens, spe potiundæ urbis dejectus, oppugnationem relinquere statuit; & præfecto rescriptis, se nuntii adventum, quem Byzantium miserat, præstolari, ut quænam de illius urbis obsidione Suleimani sententia esset, certior fieret; petiitque, ut e suis quempiam colloqui gratia ad se mitteret. Hieronymo Cauco trierarcho id munus Bembus attribuit, quem humaniter Chariadenus excipiens, benevolo se, atque amico in Rempublicam animo esse pluribus suadere conatus est; seque nihil adversus inducias, nisi aliter Rex juberet, facturum: itaque xv. kalend. septembris, militibus, ac tormentis intra triremes subductis, inhibito remigio, Neocastrum reversus est; atque eo præsidio militum firmato, quinque Sangiachis munitioni præfectis, e Rhizonico sinu discessit. Inde ad Apuliæ loca vastanda profecturum constanti rumore increbrescebat, cum Neocastro recepto, universam Iapigiæ oram excurrere a Suleimano jussus esset. Verum post ea, quæ Ascrivii sequuta fuerant, Aulonem profectus, vi. kal. septembris per Coreyræum fretum iter tenuit. Magi-

*Chariadenus Ascrivium oppugnationem deseruit.*

*Hieronymus Cauco a Bembo ad colloquium cum Chariadene missus fuit.*

1539 stratus jussu ex arcibus complurium tormentorum bombis confalutatus; tres Corcyraei homines ad eum cum muneribus missi sunt; quos benigne alloquutus, magistratuique gratis actis (ea enim est Turcarum natura, ut cum hostibus etiam mira dissimulatione utantur) addidit, se illati belli causam adversus Venetos fuisse; pacis quoque conciliatorem, ac sequetrem futurum.

*Venetorum  
copia Senatu  
jussu  
imminuta.*

*Laurentii  
Griti obitu.*

*Thomas  
Contarenus  
a Turcis  
Byzantii  
beneficentia  
accipitur.*

Ejus discessu Jadertinum praesidium, quod tribus millibus constabat, ad octingentos redactum est. Sici quoque, & Tragurii copiae imminutae; ut sex triremes dimitterentur, jussum; in iis binae, quae Cypri insulae custodiam praerant. Contareno, classis legato mandatum, ut, novem ac decem Cretensibus triremibus facultate in Cretam redeundi permissa, missionem remigibus, navalibusque sociis concederet. Interea cum Laurentius Gritus Byzantii nihil praetermitteret, ut quae in mandatis a Senatu habuerat, perficeret, pestilentiae lue correptus, nonis augusti interiit. Thomas autem Contarenus idibus Byzantium pervenit: decem ab urbe passuum millibus Regis nuntios, quos *Cbiaussos* Turcae vocant, obvios habuit; in peramplis aedibus hortorum amoenitate, ac septorum numero insignibus hospitio exceptus est, variisque muneribus, veluti si pax intercederet, donatus. Statimque Janusbejus illum invisit, atque de iis, quae a belli initio usque ad eam diem evenerant, copiose colloquutus, inter cetera conquestus est, quod per interceptas literas de Suleimani classe in Apulia concremanda, atque de Sophi Persarum Regis armis in illum concitandis, actum cognovissent. Ad ea Contarenus, uti decebat, respondit; quaeque in Apulia acciderant, fortuito errore noctis, ac maritima tempestate, quae Venetam classem in ea litora impulerat, contigisse affirmavit. Quae acta cum Persarum Rege fuerant, non odio in Sulcimanum, sed tuendae Reipublicae causa jure gentium facta esse. His cum Janusbejo peractis, Contarenus Luphibejum, supremum Bassam, ac Mehemetem adiit. Hi, donec de Neocastris eventu cettiores fierent, mora tempus trahere; nuntiis de illius expugnatione acceptis, prospero exitu elati, negotium urgere, atque acrius instare. Itaque Contarenus in aula, in qua purpuratorum concilium statis diebus cogi solet, quam

quam *Divanum* vocant, convivio regio a Bassis exceptus, intra claustrum ad Sulcimanum perductus est, qui in thoro aureo, panno geminis, ac margaritis intertexto sedebat, dextramque porrigere solitus, turbati animi indicem, pectori admovit. Contarenius paucis verbis legationis causam exposuit. Nihil ad ea, ut moris ex fastu, ac superbia Ottomanorum est, respondit; id unum, ut prosper illi esset adventus, præloquutus, negotium Bassis commisit: quid sibi videretur, ex iis intellecturum. Multis Contarenius cum Luphtibejo, atque aliis purpuratis egit; se a Senatu missum, ut pacem veteribus conditionibus, quæ utrinque occupata fuerant, restitutis, instauraret. His auditis, Bassæ vehementer Regis animum adversus Venetos iratum esse aiebant, atque eam ob rem in primis, quod, cum Cæsare foedere icto, arma in ipsum intulissent: proinde de recipiendis quæ bello in illius potestatem concesserant, oppidis nihil speraret: nisi Nauplium, atque Epidaurum, ceteraque in eo litorum tractu, quæ a Neocastro Byzantium usque protenderentur, Venetæ ditionis essent, ut omnis diffidiorum seges tolleretur, traderent, de pace actum esse: præterea impensam in id bellum auri, atque argenti magnam vim, ad quod multis laceffitus injuriis descendisset, flagitare, quo regię dignitati prospiceretur: quis enim eum Regem, cui prope infinitæ affluunt divitiæ, ac thesauri, pecuniæ avidum censeret? haud parvam quoque pecuniam, superioribus annis pace sancita, Cæsari, qui potentia, & viribus illo inferior esset, numeratam fuisse. Ad ea Contarenius, se pro incunda pace, quæ cum Reipublicæ dignitate fieret, Byzantium profectum; iis, quæ peterentur nullo pacto adsentiri posse; Rempublicam fortiter dimicaturam, extrema potius pericula subituram, quam de suis ditionibus quidquam sponte cederet. Subjocere Bassæ, nisi aliud in mandatis haberet, Byzantio abiret. Contarenius his de rebus Senatum certiorum facturum, atque interim dum responsum ferret, Byzantii, si ita illis libuisset, moraturum: id vero, quamvis omne studium adhibuisset, minime impetrare potuit; neque gravis, atque annosa ætas, longique itineris difficultas, neque ulla Gallici legati officia barbarorum ingenia flexere. Consalutato itaque

*Turcarum  
petitiones ob  
pacem Ve-  
netis conce-  
dendam.*

*Thema Cō-  
tarenī ora-  
toris respon-  
sum.*

que

1539 que Rege, nullis honoris, aut benevolentiae significationibus editis, discessit.

*Thomas Cæ-  
sareus ora-  
tor a Tur-  
cis dimissus  
Venetias  
proficisci-  
tur.*

Cum his de rebus Contareni literis Senatus certior esset factus, ingens sollicitudo Patrum animos incescit. Hinc inique pacis conditiones, inde belli difficultates obversabantur, cum nullus ex isto cum Principibus foedere per tot civium labores, atque immanes sumptus fructus perciperetur: præclaræ gerendarum rerum opportunitates amissæ; Neocastrum ab Hispanis occupatum; commeatus pernegati; ambigua auxilia, pericula certa; multa ad ostentationem composita; pollicitationes ingentes, quarum spe Respublica illecta sensum contabesceret. Nam Cæsar, qui specioso sermone se hoc anno in expeditionem adversus Turcas iturum professus fuerat, nunquam ex Hispaniis discesserat, Petrusque Mocenicus legatus hoc eodem tempore Senatui significabat, illius provinciae urbes, & conventus Carolo discessum gravibus, atque audacibus verbis inhibuisse. Ea quoque suspicionem augebant, quæ Contarenius classis legatus e Corcyra per eos dies scripserat: de concordia inter Cæsaris ministros, atque Chariadenum agi; Joannem a Lego, & Siciliae Archondam Marchionis Anguillaræ triremi ad eam insulam delatos, celoce petita, ad Prævesam illum convenisse, ac de captivis permutandis negotio confecto, varia agitasse, muneraque detulisse. Sub id quoque tempus Joannis Hungariæ Regis legatus Venetias accessit, egregiumque illius in Rempublicam animum exposuit: cupere arctiori amicitiae vinculo Reipublicæ adstringi: id communibus rebus usui fore, quod æque Turcarum potentiam suspectam haberent; ac ne de concordia cum illis ineunda consilia abjicerent, Patres hortabatur, cum ob Christianorum Principum similitates, atque intestina odia nullum in rem communem satis firmum præsidium expectari posset; constaretque, quamdiu pro Cæsare hinc Pannoniæ regnum, inde maritimæ Reipublicæ ditiores veluti firmissimi aggeres, ac propugnacula comuni hosti objicerentur, nihil illum in Turcas unquam acriter moturum. Gratiis Regi actis, quamvis de ineunda societate ea tempestate nihil perficeretur, tamen illius propensus in Rempublicam animus Senatui pergratus erat; quodque parem cum Republica fortunam subiret, libenter ejus consilia audie-

*Hispani  
duces ad  
Chariadenum  
suis homi-  
nes misit.  
Joannis  
Hungaria  
Rex Vene-  
tias legatū  
misit.*



audiebantur. Enim vero difficultatibus, in quas Thomas Contarenus inciderat, mirum in modum Patres commovebantur; quod insolentiores, secus ac putaverant, hostes offendisset; nimiumque graves, atque acerbis conditiones pacis proponerent; prosperoque rerum eventu elati, legatum, quem summis honoribus adventantem exceperant, re infecta, neque expectatis Senatus literis, abire imperassent.

*Cæsar Cantelmus Byzantium profectus, in Galliam reversus, Regem de iis, quæ agerentur, docuerat, Byzantium rursus proficisci jussus est. XV. kal. octob. cum Venetias accessisset, Patrum Collegium adiit; seque in mandatis a Rege habuisse nuntiavit, ut pro communibus induciis perficiendis diligentiam omnem, ac studium adhiberet: quod si ulla in re Senatus benevolo illius animo, atque opera uti vellet, quæcumque in se forent, Regis nomine Reipublicæ deferret. Coacto Senatu, quid Cantelmio responderetur, variis sententiis, ac disceptationibus actum est: majori Præconsultorum numero, inter quos Philippus Tronus continentis Sapiens, Sebastianus Foscarenus doctor, Franciscus Donatus eques, d. Marci procurator, Consilii Sapientes erant, sigillatim de conditionibus, quæ a Bassis proponebantur, Cantelmio admonito, id adjungi placebat, ut nisi inducias, quarum causa proficisceretur, impetraret, controversiarum, quæ Reipublicæ cum Suleimano intercederent, definiendarum provinciam susciperet. Hieronymo Grimano, Matthæo Dandulo continentis, Marco Antonio Cornelio Consilii Sapientibus, Turcarum postulata rejici prorsus placebat; ut enixe pro induciis, quæ foederatos omnes complecterentur, una cum Rinconio Cantelmio laboraret; sed illarum spe abjecta, æquioribus conditionibus de concordia cum Republica ineunda deinceps ageret. Franciscus Superantius continentis Sapiens, ut cum literis nuntius ad Thomam Contarenum legatum mitteretur, censebat, quibus consistere juberetur, atque Byzantium certos homines mitteret, qui se nova a Senatu mandata habuisse Bassis significarent; proinde se, ut rursus de pace negotium institueret, rediturum. Laurentius Contarenus, & Laurentius Donatus ordinum Sapientes ad Senatum tulere, ut simul cum Gallo unus*

*Senatus diversa sententia de Cantelmio respondendo.*

Hoc rerum statu, atque animorum hæsitazione Cæsar Cantelmus, qui superioribus mensibus Byzantium profectus, in Galliam reversus, Regem de iis, quæ agerentur, docuerat, Byzantium rursus proficisci jussus est. XV. kal. octob. cum Venetias accessisset, Patrum Collegium adiit; seque in mandatis a Rege habuisse nuntiavit, ut pro communibus induciis perficiendis diligentiam omnem, ac studium adhiberet: quod si ulla in re Senatus benevolo illius animo, atque opera uti vellet, quæcumque in se forent, Regis nomine Reipublicæ deferret. Coacto Senatu, quid Cantelmio responderetur, variis sententiis, ac disceptationibus actum est: majori Præconsultorum numero, inter quos Philippus Tronus continentis Sapiens, Sebastianus Foscarenus doctor, Franciscus Donatus eques, d. Marci procurator, Consilii Sapientes erant, sigillatim de conditionibus, quæ a Bassis proponebantur, Cantelmio admonito, id adjungi placebat, ut nisi inducias, quarum causa proficisceretur, impetraret, controversiarum, quæ Reipublicæ cum Suleimano intercederent, definiendarum provinciam susciperet. Hieronymo Grimano, Matthæo Dandulo continentis, Marco Antonio Cornelio Consilii Sapientibus, Turcarum postulata rejici prorsus placebat; ut enixe pro induciis, quæ foederatos omnes complecterentur, una cum Rinconio Cantelmio laboraret; sed illarum spe abjecta, æquioribus conditionibus de concordia cum Republica ineunda deinceps ageret. Franciscus Superantius continentis Sapiens, ut cum literis nuntius ad Thomam Contarenum legatum mitteretur, censebat, quibus consistere juberetur, atque Byzantium certos homines mitteret, qui se nova a Senatu mandata habuisse Bassis significarent; proinde se, ut rursus de pace negotium institueret, rediturum. Laurentius Contarenus, & Laurentius Donatus ordinum Sapientes ad Senatum tulere, ut simul cum Gallo unus

1539 corum, qui a secretis Senatui assistunt, Byzantium proficisceretur, cui, quæ e Republica essent, committerentur. De his sententiis cum in multam noctem disputatum esset, Patribusque nihil liqueret, rem differri placuit.

*Oratio Didaci Mendocçii, Cæsaris oratoris, ut Venetorum a pace averteret.*

Interea Didacus Urtadus, e Mendocçia familia, Cæsaris legatus, cum Patres adiisset, vehementi oratione ab incunda cum Turcis concordia avertere conatus est. *Iam per omnium ora circumferri, inquit, ab uno fœderatorum Principum separatim de pace cum hoste agi: neque vero id de Cæsare implacabili, ac perpetuo Turcarum hoste suspicandum esse; neque eam suspensionem in Pontificem cadere, qui religionis christiane Princeps æternus cum impiis inimicitias gereret. Quid igitur reliquum, nisi ut rumor iste, qui circumquaque pervagaretur, de Republica existeret? quæ ob immensos sumptus, ob latissimos, quos terra, marique cum hoste fines habet, ob intermissa ingenti civitatis detrimento cum ea gente negotia, bellum pertesa, in pacem proclinata videretur: id minime sibi suaderi posse, neque prorsus credere, dum illius pietatem, ac religionem intueretur, quo velut immobili fundamento innixa, in immensam brevi imperii molem assurgens, per tot temporum successiones libertatem cum dignitate retinuerit, atque auxerit: iisdem vero artibus, atque institutis, quibus ab initio parta essent, imperia conservari: eoque minus id sibi videri, quod cum eo hoste agendum esset, apud quem nulla fides, nullum iusjurandum satis tutum esset; qui Christianorum crudelis, atque acerrimus hostis illorum semper exitium meditaretur; nullasque leges, aut pacta servare, id demum summum jus existimaret: an vero quæ Syriis, quæ Græcis acciderint, memoranda esse, cum domestica exempla Respublica haberet, atque adeo recentia, ut vetustiora excutienda non essent? cum adversus pactas inducias Chariadenus, triremibus in Rhætonicum sinum immissis, Ascrivium terra, marique aggressus, eductis tormentis, expositis militibus, oppugnaverit: neque porro quis putaret, pace sancita, minores Rempublicam impensas, minora pericula subituram: cum bellum nihilominus Cæsare cum Turca gerente, quamplurimis hinc atque inde navigiis maria obsidentibus, ne fortunæ maritimas ditiones objiceret, instrui classem; oppida copiis firmari necesse esset: mirari*

rari vero se quorundam nimiam prudentiam, vel potius cal-  
 liditatem, qui dicerent, bello Rempublicam attritam, ac debi-  
 litatam; Cæsarem potentia auctum, mox intolerandum fore :  
 Carolum religione imbutum esse, moderato animo, non ultra  
 jus, fasque sese efferentem: eo vita functo, magnam illum Re-  
 gnorum molem, qua nunc multorum oculi perstringerentur, plu-  
 res in partes abituram : Hispaniam, Belgium, Neapolitanum  
 regnum Philippo filio cessione; Germaniam imperatorii juris es-  
 se : secus in Turcarum regno evenire, quod ad filios, & po-  
 steros integrum perveniret, perpetuisque incrementis augetur.  
 Reipublicæ præterea eas vires suppetere, ut nihil a Cæsare si-  
 bi pertimescendum esset; cum centum triremium classem, ma-  
 gnumque aliorum navigiorum numerum momento fere, quod  
 Christianorum Principum nemini licet, comparare, ac instrue-  
 re posset : quæ sane vires si Cæsaris potentiae adjungerentur,  
 cujus ditiones a Siculo mari usque in oceanum extenduntur,  
 obsisti hostibus, & victoriam comparari posse : an vero in re  
 adeo gravi reliquorum Christianorum Principum judicium ne-  
 gligi oportere? quorum expectationi nihil adversum magis con-  
 tingeret, conceptasque illorum spes indignius eluderet : summa  
 molestia affici, quod Auria se Reipublicæ classi non adjunxis-  
 set; certos homines missurum, si Senatui placeret; ipsum quo-  
 que Messanam, atque in Hispaniam usque iturum, ut illum,  
 si res ita ferret, ad opem Reipublicæ rebus ferendam compel-  
 leret; ut annona etiam Sicilia, & Apulia asportari posset,  
 operam daturum. Demum Cæsarem paratum, atque expeditum  
 ad bellum esse, illaturum una cum fœderatis in hostium pro-  
 vincias arma : id ni fieri posset, illorum impetus fortiter ex-  
 cepturum, & quod extremum omnium esset, ad communes  
 cum sociis indurias descensurum. His Cæsaris legatus a pace  
 abducere Patrum studia conabatur.

Iisdem porro diebus (erant tunc circiter idus octobris) Jo-  
 annes Franciscus Valerius, vir sacratus, qui cum aliquamdiu  
 in Regis aula vixisset, magna apud Gallos gratia esset,  
 multa de illorum mente, & consiliis cognoscere profitebatur;  
 Patribus exposuit: summo piaculo affici sibi videri, nisi duo  
 potissimum, quæ optime noverat, testaretur; alterum, Re-  
 gem optima erga Rempublicam mente esse, nec quidquam,  
 quod

Joannis  
 Francisci  
 Valerii offi-  
 cium pro re-  
 stando propen-  
 sione  
 Gallia Re-  
 gis erga Re-  
 publicam;

1539 quod ex illius utilitate, ac dignitate foret, prætermisurum; alterum, si Cantelmii opera uti Senatus nollit, optaret vero, ut alium ad negotium de pace peragendum Byzantium hominem mitteret, missurum. Re iterum in Senatu acta, ejus decreto, ordinario Regis legato, & Cantelmio vocatis, responsum est: nisi Cantelmus communes pro foederatis inducias obtineret, de concordia cum Turcis ineunda Reipublicæ nomine æquis conditionibus ageret. Id, præteritis iis, qui a Turcis Contareno proposita fuerant, respondere placuit. Petentibus vero legatis, eo quod Byzantio Contarenius profectus esset, quo cum his de rebus agerent? Denuo Senatusconsulto adjectum est; nimium duras concordiae conditiones, quæ ab hostibus exhiberentur, videri; si ad æquiora descenderent, iis cognitis, Canali firmandæ pacis facultatem Senatum daturum.

*Senatus  
oratoribus  
Gallis re-  
sponsum.*

*Annonæ a-  
pud Venetis  
inopia.*

Is erat ea tempestate status, incerta, atque inconstans adeo rerum conditio, ut variis veluti fluctibus jactata Respublica tuto, ac certo loco consistere non posset, neque expeditis consiliis se casibus, atque periculis eximere: turpem pacem, ac iniquam nolle; difficile bellum perhorrescere; cum ad reliqua incommoda illud quoque accessisset, quod magna annonæ inopia civitas premeretur, quæ mediis aquis posita, neque agris circumfusa, ad ingentem incolarum multitudinem alendam externo frumento, atque com meatibus indigeret: eoque anno frugum proventus imminutus adeo, atque tenuis fuerat, ut in propinquam hyemem omnium rerum, quæ victui essent necessariae, penuriam, ac famem quoque ipsam portendere videretur: & Gasparis Basalui Neapoli datis literis, afferebatur, frumenti inopia Neapolitanum regnum adeo laborare, ut gentes fame sibi pereundum pertimescerent. Inter has belli difficultates, ob annonæ, ac frumenti inopiam versantibus, alia supervenire, quæ mentes ambiguas in diversa raperent. Nam per id tempus Maria, Hungariæ Regina, Cæsaris sorore, Belgium administrante, cum gravioribus tributis pressa Gandavi civitas in apertam defectionem prolapsa esset, Cæsar veritus, ne præcipuæ urbis exemplum reliquæ sequutæ, ad libertatem arrectæ, jugum excuterent, ad Gandavenses opprimendos, justisque pœnis coercendos quamcelerrime in Belgium proficisci sta-

*Gandavi a  
Cæsare de-  
fectis.*

statuit. Ea re cognita, Galliarum Rex novo sibi officio de-  
mereri Cæsarem cupiens, atque eam opportunam, qua sibi In-  
subres traderentur, occasionem ratus, illum ad iter per Gal-  
lias habendum invitavit. Id minime abnuvit Cæsar. Eo con-  
ventu ingens de pace inter Principes opinio est concitata, at-  
que ad novas spes belli feliciori exitu renovandi cunctorum  
arrecti animi. Cæsar antequam se itineri committeret, Petrum  
Mocenicum Reipublicæ legatum de sua per Gallias in Belgium  
profectione docet: cum Rege nullis aliis de rebus, nisi de  
iis, quæ ad statum reipublicæ christianæ attinerent, acturum  
se profiteretur. Pontificias, ac Venetas res sibi cordi esse affir-  
mat; summo se existimationis loco Rempublicam habere; ad  
eam conservandam omnes suarum virium nervos adhibiturum:  
pro certo habere, licet de pace cum hoste egerit, atque agat  
Senatus, ad illam tamen, nisi necessitate adactum, non de-  
venturum: sperare, reliquis Principibus societatis vinculo ad-  
strictis (etsi aliqua ex parte, quæ ab eo deberentur, minime  
præstitisse fateri cogeretur) Rempublicam concordia, si quam  
pepigiisset, neglecta, suis nixam viribus, adversus communem  
hostem ituram. Eadem Rex Christophoro Capellio oratori  
commemoravit. Adjecit, Senatui scriberet, ut de pace nego-  
tium, quod Byzantii agitabatur, desereret; cum in eo, quod  
cum Cæsare colloquio habiturus esset, de proseguendo, ac  
vehementiori conatu inferendo bello agendum foret: se pro-  
pediendi ea de causa Claudium Hanebaldum, Taurini præfe-  
ctum, Venetias missurum. Alphonfus quoque Davalus Vastius,  
Insubrum præfectus, Vincentio Fideli affirmavit, se quampri-  
mum, ut Senatum a pace abduceret, atque ad bellum inflam-  
marer, ad urbem profecturum.

Pontifici, licet quæcumque ad concordiam inter Christianos  
Principes spectarent, cui publica salus, ac religio niteretur,  
quam ea tempestate novis institutis corrumpere iniqui homi-  
nes conabantur, pergrata essent; attamen haud obscure sum-  
mam molestiam attulisse videbatur, quod, sibi minime commu-  
nicatis consiliis, Reges in colloquium venirent; atque eam mi-  
litarem legationem, quæ ad Rempublicam destinabatur, su-  
spectam se habere, Senatui significavit: ut ex veteri, & per-  
specta prudentia singula ageret, cohortatus. Addidit, eam esse

1539

*Cæsar per  
Gallias in  
Belgium  
transiit.*

*Cæsaris offi-  
cia: & Mo-  
cenico ora-  
tore, ut Ve-  
netas ad bel-  
lum accen-  
dat.*

*Francisci  
Regis cum  
Capellio Va-  
neto oratore  
officia.*

1539

*Farnesius  
Cardinalis  
ad conven-  
tum Caesaris  
& Gallia  
Regis in  
Gallia mis-  
situr.*

*Vastius  
Marchio a  
Caesare &  
Hanebal-  
dus a Rege  
Venetiarum  
mittuntur.  
Alexander  
Bödimerus  
classis lega-  
tus,*

*Oratio Vas-  
tii marchio-  
nis.*

se temporum conditionem, ut si unquam consilia ad Apostolicae Sedis, atque Reipublicae conjunctionem adhibita fuissent, tum maxime adhibenda essent. Ea nihilominus Pontifex animi molestia compressa, Farnesium Cardinalem nepotem ad conventum in Gallias legavit, atque ut legatum eam ob causam designarent, Patribus auctor fuit. Caesar, & Galliarum Rex cum ad Rempublicam Vastium, atque Hanebaldum destinassent; ad Pontificem ille Aloysium Davilam; hic autem Guieum misit. Vastius, & Hanebaldus mensis decembris initio ad urbem pervenere. Ea perhonorifica insignium virorum legatio ingenti cum pompa, effusa undique civitate, excepta fuit; Lando Principe magno Senatorum numero stipato solemniter more cum navi regie instructa (*Bucentauri* nomen antiquitas indidit) occurrente, septem militariter adornatis, atque instructis triremibus subsequenter, quibus Alexander Bondimerius, nuper Francisco Paschalico praefectus classis susceptus, praerat. Legatis publico aere, dum in urbe mansere, victus exhibitus; peramplae, ac magnificentissimae Ferrariensis aedes, in quibus degerent, tributae. Postero die a Senatoribus coram Principe, & Collegii Patribus deducti sunt, qui in amplissima majorum comitiorum aula confederant, in quam tanta multitudo omnium ad percelebre spectaculum confluxerat, ut nihil ea die magnificentius intuentibus sese objici posset.

Curiam ingressi, suggestum scandentes, Duce, ac Patribus consalutatis, eminentioris, qua Princeps sedebat, sellae dexteram Vastius, sinistram Hanebaldus tenere. Vastius assurgens legationis causam exposuit: quod in omnium piorum votis erat, ac potissimum ad christianae reipublicae vulnera sananda mirum in modum exoptandum videbatur, singulari Dei Optimi Maximi beneficio ea tempestate contigisse, ut qui antea summi Principes dissidentes animis, acerrime armis inter se certaverant, ii nunc, simultatibus depositis, ad minime fucata pacem, concordiamque descenderent; idque unum spectasse, ut perturbatis, atque afflictis christianae reipublicae rebus opitulerentur; fastum, ac superbiam communis hostis obtunderent; pioque, & justo bello, sacro foedereicto, tot a barbaris illatas injurias ulciscerentur: ut haec ad Rempublicam per-

perferrent, a suis Principibus missos fuisse, quam navali apparatu, maritimarum rerum disciplina, ac viribus sociam laboris, & præmii adsciscerent: jam tempus adesse, quo terribus christiani nominis hostis terrestribus, maritimisque copiis vinci aliquando assuesceret: proinde acriores ad bellum instaurandum spiritus fumerent, majorum pietatem, generosique animi laudem æmularentur; incertæ, infidæ, atque iniquæ paci pium, ac justum bellum, quod brevi speratæ victoriæ fructus consequeretur, anteferrent. Ad hæc Landus Princeps respondit: quammaximas posset, summis Principibus habere, atque agere gratias, quod duorum præstantissimorum ducum insigni legatione condecorassent Rempublicam, ac propinquæ pacis spem, qua nihil eo tempore optatius contingere potuisset, significassent: circumfessæ enim undique tot difficultatibus christianæ reipublicæ quid salutaris? quid cunctis Europæ Principibus exoptandum magis? quid demum Venetæ Reipublicæ, quæ gravissimo, ac periculoso bello conflagraret, utilius, quam ut consociatis animis, ac viribus in sacrum bellum universi conspirarent? Id si felici fato eveniret, minime dubitandum, quin Respublica cunctis opibus, maritimis terrestribusque copiis, civiumque ipsorum egregio conatu ad eam gloriam, a qua ipsius incolumitas sejungi non posset, vehementi ardore anhelaret, atque incitaretur. Hæc Landus.

Postridie ejus diei Patrum Collegium legati adiere, mandataque Cæsaris singillatim Vastius exposuit: a Carolo se ad Senatum missum, ut illi persancte affirmaret, ac polliceretur, in iis, quæ in Gallia cum Rege, in Belgio cum Maria sorore, & Ferdinando fratre Romanorum Rege fierent, colloquiis de christianæ tantum reipublicæ commodis, Venetisque præsertim rebus agendum fore: quæ illorum interessent, non secus ac sua, Carolo cordi esse: eam inter Cæsarem, & Regem animorum conjunctionem, & ad commune bonum inclinatam mentem extare, ut nihil ex ea, nisi præclarum, atque eximium expectari posset: proinde eorum nomine exquirere, quænam ad bellum in sequentem annum gerendum compararentur; ut, iis cognitis, opportuna capere consilia possent. Hæc summatim Vastius, quem Hanebaldus

*H. Mauroceni T. I.*

O o

Gal-

1539

*Petri Landi Principis responsum.*

*Vastius et Hanebaldi officia in collegio habita.*

1539 Gallico sermone, ordinario legato interprete, Regis nomine eadem est proloquutus. Princeps, illorum adventum pergratum Reipublice fuisse, denuo humanissimis verbis testatus, ut moris est, quæ ea in Republica sententia esset, Senatum declaraturum. Tum Vincentius Capellius, divi Marci procurator, consilii, ac Franciscus Superantius, continentis Sapientes, præconsultorum sui ordinis ea hebdomada præsides, interrogarunt, quo loco pacis negotium? quæ leges concordiae inter Reges forent? quinam bellici apparatus? quoque tempore in promptu omnia, atque instructa haberent? Ad hæc Vastius, arcto adeo amicorum Regum voluntates vinculo adstringi, inquit, ut jam pax pro confecta haberetur: de bellico apparatu nihil a Cæsare in mandatis habere; verum quod toties dictum fuerat, id repetiturum, vel inferendo, vel excipiendo bellum administrari posse: si de inferendo ageretur, cum tempus usque eo processisset, difficile admodum, ut hostium fines invaderentur, censere. Ceterum ad defensionem quamprimum omnia comparari atque urgeri oportere; classes instruere, pecunias cogere, militum delectum haberi: demum ad conferendas cum hoste manus certa, atque haud difficili victoriæ spe accingi: nam, Republica una cum foederatis in id incumbente, cuncta prospera, ac felicia procul dubio eventura. In eandem sententiam Hanebaldus de mutua Principum benevolentia disseruit: nihil sibi de iis, quæ ad bellum a Rege pararentur, in mandatis datum: ut Reipublicæ mentem, atque ea, quæ in expeditionem Turcicam moliretur, intelligeret, Venetias proficisci iussum. Ex his, quo Principum consilia tenderent, quibusve difficillimi, ac periculosissimi belli fundamenta viribus, quave spe subnixa essent, haud obscure intelligebatur: pacem ostentare: ad bellum Reipublicam inflammare: spes ingentes objicere; cum interim obstinata animorum contentione de Insubrum imperio disceptarent, atque in propinquum ver nulla auxilia, nullos militares apparatus edidissent; regnandique artibus se, atque alios eluderent, ac deciperent: inde Franciscus nunc benevolentiae, ac necessitudinis officiis Carolum demulcere adortus, in Belgium proficiscentem, ut Lutetia iter haberet, secumque congregaretur, invitare: nunc Suleimani amicitia ad illius

cona-



conatus avertendos, nimiumque sese efferentem dominandi cupiditatem coercendam, ut tandem Mediolani imperio potiretur, uti. Cæsar contra, qui pulcherrima, ac ditissima provincia cedere noller, modo Regem spe allicere, & pollicitis distingere; modo, ne potentissimi hostis solus impetus excipere cogeretur, Rempublicam a concordia abducere, bello implicare, ut ea socia, Turcis acius obsisteret, atque arma a Siculo, & Neapolitano regno, ceterisque suis ditionibus amoveret. Ea vero clarius quoque ex verbis Davali patuere, ad quem cum publico nomine invisendum Vincentius Fidelis, a Senatus secretis, accessisset; is cum de præsentis rerum statu sermonem haberet, quid ipse sentiret, inquit, exuta ministri Cæsaris persona, dicturum: æquum sibi, ut attente suis rebus Respublica prospiceret, videri; cum a præpotenti ac propinquo hoste premeretur; neque adhuc quidquam, quod in tanti belli usus necessarium foret, a foederatis expeditum, ac in promptu esset: quindecim vero dierum spatio impetrato, certum ad Cæsarem hominem cum literis missurum; mox ejus mentem, cunctaque illius consilia patefacturum, ea lubenti animo Senatum auditurum, sperare. Hæc Vastii verba mirum in modum Patres commovere; cum ea speciosa legatione, tanta christiani orbis expectatione designata, vel ad concordiam Principum, vel ad instaurandum bellum nihil solidum contineretur.

Dum hæc aguntur, Thomas Contarenus legatus ad urbem pervenit. Is statim Senatum adiit, quæque illi in ea legatione contigerant exposuit: de Sulcimani imperio, potentia, viribus, divitiis disseruit. Pacem complures ob causas cum Republica Turcas exoptare: si nova Senatus mandata ad eam renovandam habuisset, negotium se ad exitum perducturum fuisse; proinde, consalutato Rege, per aliquot dies Byzantii, eo, ac Bassis fere invitis, substituisse; nullo de Senatus mente nuntio adventante, iter maturare coactum fuisse: demum in ea sententia esse, ut, novo legato Byzantium misso, æquis conditionibus ad pacem deveniri facile possit; neque ob eam rem ullam apud justos rerum æstimatores notam Rempublicam subituram; cum omnibus satis notum esset, quo animi ardore, quibus viribus, & conatu in id bellum incubuisset,

*Thomas Contarenus reditus & de Turcarum rebus narratio.*

1539 quibus periculis foederis plausibili nomine implicaretur : occasione utendum , neque aliorum Principum ambiguus consiliis , atque artibus fidendum , qui , Republica terra , marique oppugnata , aut alta pace fruerentur , aut minori sumptu in partem laborum , ac periculorum adscita , suas ditiones , ac regna tuerentur . Eorum , quæ a Cæsare Petro Mocenico legato dicta fuerant , meminisse : biennium cum acerrimo hoste , facto , ac tuto imperio , pugnatum esse ; quasi vero ea , quæ hoc tempore Reipublicæ acciderant , nullius momenti censenda forent : an vero hæc parvi momenti esse , Corcyram , multis hominum millibus in servitutem abreptis , crudelibus incendiis deformatam ; Illyricum , atque Epirum vastata ; Nadinum , & Lauranam amissa ; complures in Aegæo mari insulas ab hoste occupatas ; immanes profusos sumptus ; Nauplium , & Epidaurum obsidione in summum discrimen adducta ? Et adhuc incerta cunctatione tempus trahi ; certis , ac firmissimis auxiliis , non perhonorificis legationibus opem afficere Reipublicæ rebus afferri . Hæc , atque alia complura Contarenius in Senatu per censuit .

*Venatorum  
ad Vastium  
& Han-  
boldium re-  
sponsum .*

Tum ex Senatus decreto Cæsaris , ac Regis legatis responsum est : Nihil illorum adventu Reipublicæ honorificentius , vel optatius contingere potuisse : summas illorum Principibus , ac ipsis Senatui agere gratias ; Regum pietatem , atque mutuum erga pacem studium paribus laudibus satis extollere non posse , quo christianæ reipublicæ attritis , atque afflictis rebus opem laturos pollicerentur : quæ a Vastio de bello administrando prudenter dicta fuerant , probare , ut temporis angustia instante anno pro defensione tantummodo bellum gereretur ; ea vero mente esse , ut neque absumpta immensa pecuniæ vi , neque insulis in Aegæo amissis , neque oppidis in Illyrico captis , agris vastatis , complurium mortalium captivitate , civium effuso cruore deterreretur : nihil prætermittendum , alacri , atque infracto animo omnia pericula subiturum , ut imperium , libertatemque defenderet : in id classem novo robore aucturum ; novos militum , ac semigum delectus habiturum ; quidquid a se proficisci posset , perfecturum . Verumtamen eo loco res esse ; ingentia adeo potentissimi hostis vires incrementa suscepisse , ut ad tantam sustinendam molem par Respu-

publica esse non posset : quapropter mirum in modum Reges orare , ut citra moram , re ipsa magno conatu , ac viribus Reipublicæ subvenirent , omniaque ad bellum expedirent , ut invadenti hosti fortiter oblisteretur ; cum præcipue Chariadenus in Corinthiaco sinu cum nonaginta egregie instructis navigiis hyemaret , ut veris initio in Reipublicæ ditiones impiger belli procellam effunderet . Ex prisco Reipublicæ usu , ac lege institutum est , ut Senatus decreta scriptis excepta coram Principe , & Collegii Patribus legatis recitentur : iis neque addi quidpiam , neque minui a quovis potest ; exscribendi nulla facultas permittitur ; separatim legatis petentibus a Senatus scribis perleguntur ; si quid ex se ipsis decerpere velint , non negatur . Perlecto itaque legatis de more coram Principe Senatusconsulto , in interiorem aulae locum se recepere : ibi , scriba legente , decreto diligenter perspecto , atque excusso , iterum Patres adire ; quæ eo continerentur & sibi placere , atque eadem Reges probaturos pro certo habere affirmarunt . Ceterum petere , ut de pace , nisi prius illorum responso accepto , non ageretur ; publicam ea in re sententiam exquirere . Senatusconsulto responsum : gravia , ac difficilia bella per multos annos cum Turca Rempublicam varia fortuna gessisse ; hoc postremo haud exiguas clades , damnaque perpeffam , quibus minime deterrita , enixe quæ tantum bellum exposceret , comparaturam : interea nihil foederatis officere arbitrari , si hostis mora , varia disceptando , traheretur , ut imminencia Reipublicæ pericula propellerentur . Decreto annuere visi ; ac mox urbe discessere .

Verum incertis rerum eventibus , ambigua quoque consilia , ac responsa Senatus erant , ut neque a bello se aversum ostenderet , neque pacis æquas cum hoste conditiones aspernaretur . Igitur eodem tempore belli præsidia sedulo curabat , & de concordia negotia non intermittebat . Alexander Bondimerius , præfectus maris designatus , navales copias lustrare iussus , cuncta ad discessum comparare ; ut quamprimum cum triremibus viginti ad classem proficisceretur ; ut decem peditum millia conscriberentur , latum . Deinceps de legato Byzantium mittendo , dissentientibus sententiis , agitatum ; inde plerisque permotis , quod Canalis literis nuntiaretur , ludos magnificenti-

*H. Mauroceni T. I.*

O o 3

simos ,

*Verum  
belli ap-  
paratus.*

1539 fimos, ac publica spectacula ob Regis filiae cum Rusteno Basfa connubium, duorumque filiorum circumcissionem Byzantii parari; in iis solemnibus concelebrandis in lætitiā effusa civitate, a Bassis Reipublicae legatum exoptari. Nonnullis mitti Senatus scribam placebat. Nec deerant, qui Joanni Matthæo Bembo, Ascrivii prætori, quo celerius iter conficeret, id munus tribuerent. Tandem cum frequens Senatus legatum mittendum censuisset, Aloysius Baduarius designatus est, qui paulo ante in suggestu Patres ad decretum de legato mittendo vehementi oratione fuerat cohortatus; atque suam operam orando, optima fortunati eventus spe Patrum animis injecta, detulerat. Baduario in mandatis datur, ut quamprimum itineri se committat, ac Byzantium proficiatur: Cantelmio Gallo communes inducias non obtinente, de renovanda pace Reipublicae nomine ageret; quam nisi æquioribus legibus pacisci, & quæ occupata ab hostibus fuerant, recipere posset, præcis conditionibus, uti Contareno iustum fuerat, ad concordiam deveniat: pro Nauplio, & Epidauro annuam quinque ad sex aureorum summam, atque in belli impensas, & dampna, quæ ut sarcirentur, Turcæ a Republica flagitabant, a ducentis ad trecenta aureorum millia promittendi facultas permittitur. Eodem tempore ad deliniendos Principum animos duo legati, creati: Antonius Capellius ad Cæsarem, Vincentius Grimanus ad Regem designati.

*Aloysius  
Baduarius  
orator ad  
Turcas, &  
mandata ei  
tributa.*

*Antonius  
Capellius  
ad Cæsarem,  
Vincentius  
Grimanus  
ad Francis-  
cum Regem  
oratores.*

M. D. XXXX.

1540

*Cæsar a  
Francisco  
Rege Lute-  
tiæ excipi-  
tur.*

*Cæsaris re-  
sponsum ad  
Christopho-  
rum Capelli-  
um oratoris.*

**C**æsar interim anno ineunte cum Lutetiam pervenisset, a Rege honorificentissime exceptus, omnibus necessitudinis, ac benevolentiae officiis excultus est, ut oblitterata odia, ac similitates prorsus restinctæ viderentur, quibus per tot annos certando, provincias, & populos contriverant, atque afflixerant. Corolus, ut egregium aliquod conciliatæ amicitiae argumentum ederet, Delphinum, ac fratrem Aurelianum Ducem aureo vellere donavit. Christophorus Capellius, Reipublicae legatus, quæ Vastio, atque Hanebaldo Senatus decreto responsa fuerant, utrisque significavit. Cæsar summo se dolore affici, inquit, quod anni tempus eo usque provecum esset,

set, ut ea, quæ ad Turcicam expeditionem necessaria forent, quod summopere concupiverat, comparare non posset; id moræ, & cunctationi Reipublicæ se tribuere: quæ separatim de pace Byzantii agitata fuerant, quo minus communes induciæ conficerentur, atque, ut hostes ad Neocastrum expugnandum contenderent, in causa fuisse: pecuniæ inopia adductum, quibus opus esset, ea exequi se non potuisse. Aurix in mandatis datum, ut se ad hostium impetus propulsandos compararet; cuncta in id instructa, atque in promptu fore; ut frumenti in suis ditionibus, ratione habita, iis, quæ ad victum necessaria essent, retentis, reliqua Reipublicæ libenter impendi iussisse; bona spe esse, a Rege classe, ac pecunia adjutum iri, ut & propelli, & vinci hostis posset. Rex vero Capellio in hanc sententiam respondit: quod difficillimum, ac grave bellum Respublica suscepisset, ob eam rem haud exiguam animo molestiam se tulisse; suam operam eo tempore Reipublicæ obtulisse, quo controversiæ, quæ illi cum Suleimano intercedebant, facile admodum dirimi poterant: nunc conditione rerum immutata, eo deventum, ut, quid potissimum agendum esset, non satis sibi constaret. Ceterum quo animo, atque studio in commune bonum, ac præsertim in Venetam Rempublicam esset, si occasio ferret, palam editurum. Casarem fidenter adeo suum regnum ingressum ad se visendum accessisse, ut ad conciliandos inter se animos nihil accedere posse videretur: verum eo Lutetiæ commorante, de publicis rebus nil acturum; cuncta in conventum Belgicum reiecturum. Ex his Principum responsis cum nulla magis prospero rerum gerendarum eventu spes offerretur, ambigua inter reges pace, nullis certis ad bellum auxiliis, propensius versi cunctorum ad concordiam animi; cum præsertim, induciis in Illyrico cum Mœsiæ præfecto pactis, magna frumenti, & comæatuum vis in urbes, atque agros Venetorum confluxisset. Quibus rebus adducti Decemvirum Collegii Patres, penes quos ea tempestate ingens auctoritas, atque in gravissimis rebus discernendis summa potestas erat, cum ad res labentes sistendas, Remquepublicam incolumem præstandam nihil necessarium, aut opportunum magis, quam pacem cognoscerent; xiiij. kal. februarii concilio coacto, ampliora Baduario legato man-

*Francisci  
Regis respo-  
sum ad  
Christophori  
Capellii offi-  
cia.*

*Venetorum  
inducia et  
Mœsiæ præ-  
fecto.*

1540

*Mandata a  
Decemviris  
Baduarius  
oratori tri-  
buita de  
Nauplio &  
Epidauro  
Turcistras-  
dandis.*

data dedere: ut omni ope, ac studio adhibitis, si superiori-  
bus conditionibus pacem obtinere non posset, Nauplio, atque  
Epidauro cederet: decreto Senatui minime communicato, quo  
inter paucos res acta sanctiori silentio regeretur.

Baduarius aprili medio cum Byzantium pervenisset, vj. kal.  
majas de more Regem adiit; mox cum Bassis de pace agita-  
re coepit, durioresque fecus ac putaverat, nactus est; cum  
immanem auri vim pro damnis, atque impensis, Nauplii quo-  
que, atque Epidauri urbes peterent: nisi ex traderentur, ni-  
hil esse, quod de pace quidquam sibi polliceretur. His Tur-  
carum postulatis mirum in modum commotus, ac perculsus  
Baduarius, hærere, atque id, quod erat, suspicari coepit,  
nempe, quæ in abditis arcanis mandata habuerat, ad Turcas  
ea manasse, cum, qui legatum toties Byzantium mitti petie-  
rant, insolentiores, atque elatiores effectos animadverteret.  
Verum omnia prius experiri, quam ad extremas condiciones  
descendere statuens, Galliarum Regis legato ad demulcendos  
barbarorum animos adhibito, cum nihil profecisset, atque hinc  
Decemvirum mandata, ac literæ urgerent, inde superbia, &  
fastu Bassæ magis eveherentur, cunctatione aliqua, qua suspi-  
cionem Turcarum animis injiceret, usus est. Id cernens Cha-  
riadenus, ad spem legati animum erigere conatur, ne, quod si-  
bi nimium acerba postulata viderentur, ob id deterreretur:  
cum plura petere, ex iis quædam subducere, mos gentis esset.  
Ac licet nonnulla exinde melioris eventus spes oborta Badua-  
rio videretur; tamen cum mitiores Bassas minime comperisset,  
immo tumque illorum menti insidere, ut absque Nauplio, &  
Epidauro pax non conficeretur; tandem iis conditionibus ad-  
sentiri coactus est, quibus urbes traderentur, ac trecenta au-  
reorum millia in tres annos penderentur; paxque iis demum  
pactis inter Suleimanum, & Rempubicam sancita est.

*Pax inter  
Venetos &  
Suleimanum.*

Hujus rei nuntio ad urbem v. kal. junias allato, quamvis  
cunctorum civitatis ordinum pacis expectatione erectis animis,  
cum intellectum esset, iis conditionibus pacem Baduarius san-  
xisse, quibus Peloponnesi urbes tradebantur; acerbus dolor,  
ac veluti stupor civitatem perculit, cum tanti pacem cum in-  
fido hoste constare animadverterent. Consilia initæ concor-  
diæ improbare; in Baduarius fremere, atque atroci invidia  
debac-

debaechari; ut populus in illius nomen aspere concitatus præbra, & convicia jactaret; donec detecta sceleratorum hominum perfidia, qui infando crimine commaculati Rempublicam hosti prodebant, atque, ut mox dicemus, supplicio meritis necis affectis, oppressum Baduarii nomen tandem emerfit. Nondum vero pace per urbem vulgata, iis vocibus Didacus Mendozzius, Cæsaris legatus, incitatus, Principem ac Patres adiit, multa gravi, & acerba oratione conquestus, quod inconsultis fœderatis ad concordiam cum hoste, ejusmodi præsertim conditionibus, deventum esset. Princeps de iis, quæ ad pacem cum hoste ineundam Rempublicam impulerant, vehementi oratione disseruit: confectam triennali bello adversus potentissimi hostis vires, qui longo tractu maris, ac terrarum Venetæ ditioni quamproximus undique immineret, frumentique, atque annonæ inopia oppressam sufficere non posse; ut si mora, & cunctatio ad eam perficiendam intercessisset, certam subire perniciem, ingenti quoque totius reipublicæ christianæ detrimento, damnoque oportuisset; in hoc sapientum exemplum medicorum imitata, qui partis alicujus jactura universi corporis salutem, atque incolumitati prospiciunt. Hæc Landus. Pace constituta, Mocenicus classis imperator in Peloponnesum profectus, Epidauriis, ac Naupliis concordie pactiones, ac mandata Senatus exposuit; propensum in eos, ac benevolum Reipublicæ animum testatus, iis, qui alio commigrare vellent, abeundi facultatem concessit. Incolæ, quamvis acerbo animi dolore suas sedes relinquere cogerentur; confirmatis tamen ab imperatore animis, necessitati parere coacti sunt. Itaque novembri mense Alexander Contarenus, classis legatus, cum varii generis navigiis eo appulit, tormenta, bellicos apparatus, ac milites recepit: omnes fere Nauplii, ac Epidaurii, relicta patria, conscendentes abiire: illis a Senatu in aliis regionibus sedes datæ, publicæque caritatis, ac benevolentie officiis afflictis illorum fortunis, & inopie subventum est. Alexandro Contareno, cum in patriam rediisset, seque magistratu abdicasset, Petrus Mocenicus, capitalium rerum triumvir, diem dixit, atque ut ex Senatus decreto triennio ante lato se coram magistratu sisteret, præcepit; cum Leonardus Venerius, & Nicolaus Pontius

*Didacus Mendozzius de pace Venetiis conqueritur.*

*Alexander Contarenus legatus in patriam reversus in jur vocatur.*

1540 tius collegæ interceffissent , atque negotium ad Senatum re-  
jecissent .

M. D. XXXXI.

1541

*Nicolaus  
Pontius pa-  
trocinium  
Contareni  
suscepit, &  
a discrimi-  
ne eximit.*

**E**O vero coacto , acerrimis disceptationibus res acta est , atque in pares sententias discedentibus Patribus , ea die re infecta Senatus est dimissus . Postridie Nicolaus Pontius , qui ad civilem prudentiam scientiarum quoque notitiam ad- junxerat , graviter admodum , atque eximia dicendi vi pro Contareno verba habuit : ex iis , quæ sequuta fuerant , iudicio ab- rogato , nil causæ esse cur in jus Contarenius vocaretur ; cœ- pro bello , ne classe abscederet , iussum ; divi Marci procurato- rem , quindecim aurcorum millibus in ærarium collatis , crea- tum ; classis legato supremum quoque imperium tributum ; quæ egregiæ illius virtuti , atque eximiis in Rempublicam meritis Senatus gratiam conciliare , non oblitteratam iracundiam in il- lum incendere debuissent : ne igitur ingrati animi notam Pa- tres subirent , neu funesta denunciatione , pace confecta , opti- mi civis animum conterrent . Itaque eo Senatus decreto re- scisso , Contarenius eo discrimine fuit exemptus . Bellum cum Suleimano hunc exitum habuit , quorundam imprudentia , vel casu exortum , magna spe ob Christianorum Principum socie- tatem susceptum , summo periculo , & jactura Reipublicæ admi- nistratum .

Pace inter Venetos , ac Suleimanum confirmata , quonam potissimum Turcarum arma verterentur , magna cuncti expe- ctatione tenebantur ; cum adversus Persas moturum Regem multis rumoribus percrebresceret ; neque adhuc ob concordiam cum Venetis ictam adversus alios Christianos Principes certi quidquam constituisset , Chariadeno intra Hellespontum se con- tinente ; Rinconio Regis legato , ut inducias , quæ reliquos Principes complecterentur , obtineret , summa ope adnente ; a quibus Suleimanus abhorreere minime videbatur . Neque mi- nus pacis inter Gallos , & Hispanos desiderium sollicitabat ani- mos , cujus ingens spes ex mutuis Lutetiæ Principum congres- sibus , ac sermonibus , & ex induciis , quæ Niccæ pepigerant , renovatis concepta fuerat . Post quas Cæsar in Belgium profe- ctus



Atus Gandavenſes coercuerat, atque arce in urbe ædificata, ne malum pernicioſo exemplo ſerperet, inſoleſcentes eorum ſpiritus compreſſerat. Ita ſe res habebant; cum ex obitu Joannis Hungariæ Regis novæ bellorum cauſæ exortæ, Turcæ arma in Pannonias attraxere. Nam cum Ferdinandus, Romanorum Rex, ad occupandum Pannoniæ regnum animum adjeceſſet, ad Reginam legatum miſerat, qui ex recentibus cum Joanne pactiõibus regnum, quod ad ſe devolveretur, depoſceret, atque ut ſponte decederet, adhortaretur: id ſi faceret, ejus filio Sepuſianos traditurum. Hieronymum quoque Laſcum, Sarmatam, nobilitate generis, rerumque uſu præſtantem, Byzantium ad Suleimanum mittit, ut beneficiarii juris nomine, quemadmodum Joanni Vaivodæ conſeſſum fuiſſet, regnum ſibi permitti contenderet. Regina cum Sigifmundo patre, Sarmatiæ Rege, rem omnem communicaturam, neque ab illius conſiliis diſceſſuram reſpondit. Ferdinandus de rerum Hungaricarum ſtatu edoctus, armis rem gerere ſtatuit; Strigonium urbem, Vicegradum, Peſtum, Vacciam occupat, Albam Regalem in ſuam poteſtatem redigit.

His cognitis, Suleimanus mirum in modum incenſus, vel ob id præſertim, quod, legato ad eum miſſo, arma in Pannoniam Ferdinandus converſiſſet, a Reginæ legatis ſolicitatus, magnis coactis copiis, infanti puero opitulatur. Dravum, Savumque fluvios Turcæ trajiciunt; Hungaris fociis, Vacciam recuperant atque incendunt; Peſtum fruſtra oppugnant; mox in ſuos ſe fines recipiunt. Rochandulphus, regiæ aulæ magiſter, novis collectis copiis, in Pannoniam mittitur; ab oppugnatione Budæ repulſus, obſidionem aggreditur. Suleimanus ingentem exercitum ad opem obſeſſæ Reginæ ferendam in Pannoniam mittit: ex Rochandulphi ſententia, inauſpicato conſilio, moventur caſtra, pugnaturque quotidie minutis præliis; hoſtibus animus augetur, Germanis frangitur; adventante Suleimano, Buda relicta, Peſtum ſe ſubducunt: in ea fuga magna cædes Germanorum editur; Peſtum a Turcis recuperatur. Paulo poſt cum in Pannoniam Suleimanus perveniſſet, ut puerum Regem ad ſe in caſtra mittat, Reginæ perſuadet: cum plerisque comitantibus proceribus allatus eſſet, inter blanditias, & oblectamenta, Hungarorum cum Baſilis convivia, & compotationes,

1541

*Gandavenſes a Caſare perdonati.*

*Joannis Hungariæ Regis obitus.*

*Ferdinãdus Rex Pannoniæ regnum a Regina vidua poſtulat.*

*Hieronymus Laſcus a Ferdinãdo Byzantium mittitur ad regnum Hungariæ ſibi permittendum.*

*Ferdinãdus Rex Pannoniam aggreſſus.*

*Turci in pueri Regis ſulſidium exercitum mittunt. Rochandulphus a Turcis proſiſſus.*

*Suleimanus, Rex puero in caſtra evocato, eundem occupat.*

*Suleimanus Byzantium regreditur.*

1541 nes, immixtis in urbem militibus, Budam in suam potestatem redigit; cives armis exiit, iij. kalend. septembris urbem ingreditur; Reginam urbe, atque arce excedere, cum puero ultra Tibiscum amnem Lippam concedere jubet, eaque regione potiri permittit. His mira celeritate peractis, in Thraciam Suleimanus rediit.

Dum ea fierent, Antonium Rinconium regredi in Galliam iusserat, ut Regem de iis, quæ acciderant, deque mutatis a se induciarum consiliis, atque ad bellum traductis doceret. Is cum in Galliam proficiscens Venetias accederet, omnia Senatui significavit; de apparatu, quem in Pannonicum bellum, atque adversus Cæsarem ea tempestate Suleimanus moliebatur, multa disserens, illiusque cum Galliarum Rege amicitiam extollens, ut Venetos, quibus præpotentis hostis arma semper suspecta erant, arctiori vinculo cum Rege conjungeret. Petenti, qui se per fines Reipublicæ iter habentem comitarentur, cum levioris armaturæ militum manu Mercurius Bua a Senatu missus, ne per Bergomates, & Volturenam vallem, ad Curiam Rhætorum transenti insidiæ tenderentur. Qui cum Regem convenisset, novis acceptis mandatis, Poeninis superatis Alpibus, in Taurinos descenderat, ut inde Venetias accederet, Reipublicæ triremibus in Epirum adveheretur. Is cum Cæsare Fulgoso itineris socio duobus navigiis secundo Pado delatus, navigatione ab Hispanis in insidiis excubantibus cognita, cum ad Ticini ostium pervenissent, ab armatis repente prodeuntibus circumventi, capti, interfectique sunt. Ab eo crudeli, atque atroci facinore Alphonsus Vastius incredibili invidia deflagravit, quod, jure gentium violato, inducias inter Reges pactas dissipasset, quamvis ille eam nefariæ culpæ notam diluere conaretur. Ea re mirum in modum Rex excaudit, immerentem a Cæsare gravissima se contumelia affectum; pacis insidioso nomine deceptum, jura amicitiae, ac necessitudinis per summum scelus abrupta; injuriam non ferendam, apud Principes conquestus. Sed interfecto Rinconio, Franciscus, ut institutum legationem prosequeretur, Antonium Polinum, solerti ingenio virum, ad Suleimanum legatum mittere decrevit. Is Venetias veniens Senatui ex Regis mandato justas, quibus in Cæsarem inflammaretur, iras exposuit; aucto.

*Antonius  
Rinconius  
& Cæsar  
Fulgosius  
ab Hispanis  
interfessi.*

*Antonius  
Polinus a  
Gallia Rege  
loco Rinco-  
nii Byzan-  
tium mitti-  
tur.*

toritatem, atque operam sicuti Reipublicæ usui esse posset, obtulit: inde Veneta triremi Adriatico sinu Epidamnium usque enavigato, transverso itinere per Illyricos in Mœsiam ad Suleimanum Buda revertentem pervenit.

Interea Cæsar, dum bello Pannonia conflagraret, Ratisponæ comitiis habitis, in quibus multis, quæ ad religionem attinebant, agitatis, nihil definitum fuerat, se ad iter in Italiam comparabat, fama per omnium ora sese ferente, Africanam illum expeditionem meditari, atque ad expugnandum Algerium, Juliam Cæsaream olim dictum, infame piratarum domicilium, ex quo infesta continenter Hispanis maria redderentur, profecturum; non sine multorum admiratione, quod Pannoniæ regnum, validissimum totius Germaniæ propugnaculum, defereret; fratrem, undique Turcicis armis circumseptum, ingenti periculo cum ferocissima gente dimicantem negligeret; Austriacæ domus dignitatem, atque Imperium parvisaceret, ut inde cuncta jam ausuris in christianæ reipublicæ perniciem barbaris nullus satis munitus, ac tutus aditus videretur, atque inter se acriter dimicantibus Regibus, ad augendam communis hostis potentiam novis incrementis firmiora præsidia adjungerentur. Cæsar itaque, Ratisponensibus comitiis dimissis, in Italiam magnis itineribus contendit, in Africam cum classe, & exercitu trajecturus; neque ab ea expeditione vel Ferdinandi fratris periculo; vel suorum cum consiliis, qui autumnus tempestates, procellosum mare, aridum, ac desertum solum oculis objicerent, deterrebat. Atque ut quammaxime posset adversus hostem tutus, & firmus evaderet, Venetos sibi novo fœdere adjungere, ut Italiam a barbarorum metu solveret, nitebatur; in id Ferdinando fratre, Pontifice, atque aliis Principibus consensuris. Senatum, ne novis se societatibus implicaret, quæ nuper acciderant, permovebant; & eo magis, quod Pontifex averfus esse videretur, vel difficilem rei exitum inveterata prudentia prospiciens, vel ne in nova ineunda societate Ascanium Columnam, quem nuper uti Sedis Apostolicæ hostem suis ditionibus exuerat, in gratiam recipere, atque adempta, uti de Cæsare optime merito, Italicæque factionis Principi, restituere cogeretur. Huc accedebat, quod Regum neutri favendo, in spem adducebatur, fore,

*Ratisponæ comitiis a Cæsare habitis.*

*Cæsaris in Italiam adventus, & ad expeditionem Africanam præparatio. Cæsar Venetos novo fœdere sibi adjungere nititur.*

*Ascanius Columna Apostolicæ Sedis hostis declaratur.*

1541

*Pauli Pontificis spes de Infubribus pro Octavio nepote adipsiendis. Venetilegati Caesarem in Reipublica fines recipiunt.*

*Pauli & Caesaris ventus Lucam habuit.*

*Caesar ad Algerium cum classe appulit. Caesarem imbris & tempestate jactati.*

*Caesaris in Hispaniam reditus.*

re, ut Infubres Octavio Farnesio nepoti, donec certis conditionibus Reges paciscerentur, pensione constituta, traderentur; qua in re Venetorum sibi auxilium, atque opem pollicebatur. Caesari Tridentinis in Alpibus Octavius Farnesius gener cum insigni comitatu obvius fuit. Legationem Senatus decrevit, legati quatuor designati, Joannes Antonius Venerius, Nicolaus Theupolus, Marcus Antonius Contarenus, Vincen-tius Grimanus divi Marci procurator: ad Veronensium fines sum-mis honoribus venientem exceperere; gratuitos commeatus, ac munera Senatus nomine praebuere; biduum per Venetas ditio-nes comitati. Nam a Pischeria, Reipublicae oppido, Mantua-norum fines ingressus, Mediolanum, inde Genuam contendit; mox Lucae Pontificem sextili mense convenit. Ibi aliquantisper commoratus, Moninii Regis legati de Rincone, & Ful-gosio interfectis querelas audivit; ac licet, omni spe cum Gal-lo pacis abjecta, nullis neque rationibus, neque precibus, ne in Africam trajiceret, adduci potuit.

Itaque in annum sequentem Concilio rejecto, cum Italicis cohortibus, ac sex Germanorum millibus, quibus per Reipu-blicae fines transeundi a Senatu facultas permessa fuerat, in one-rarias naves distributis, cum trigintaquinque triremibus e por-tu Lunensi solvit. Ubi in Africam ventum est; e navi mili-tes in litus exponit: omnia ad urbem oppugnandam egregie in-struit; dum tormenta expectantur, repente imber tota nocte in exercitum effusus, severissima tempestate classis mire jactata est: Mauri equites, ac Turcae magno impetu in Caesareanos irruunt; novae atque insuetae militiae genere opera disturbant; denuo immanissima procella oborta, cum in anchoris naves vento-rum vi consistere non possent, complures collisae, & confra-ctae demerguntur; aliae ad litora impactae periire. Caesar cum tot difficultatibus premeretur, multis navigiis amissis, classe quassata, ab Africae litoribus in Hispaniam regredi compulsus est; magni animi, atque imperterriti laudem consequutus, quod tot undique periculis septus, adversae, ac minantis fortunae fa-ciem non exhorruerit, sed vultus aequabilitate, & constantia infracti pectoris robur praestulerit. Insignes in ea expeditione viri complures, gravitate caeli, atque aliis confecti incommo-dis, obiere, quos insaufa militia, aut rerum novarum vi-fendi

fendi cupido attraxerat. Marinus Justinianus, Reipublicæ legatus, qui Cæsarem in Africam sequutus fuerat, fato concessit; Nicolaus Pontius, Doctor, qui cum Utini magistratum gerebat, suffectus est. Veneti interea superiori bello percussi, quæ Turcarum animis suspicionem incutere possent, ea sibi, ne illorum arma in se provocarent, sedulo vitanda ducebant. Hinc, ne Vicetiar Concilium haberetur, quod antea decretum fuerat, Senatus censuit, ne in Veneta urbe tot Principibus, ac proceribus coactis, ad foedus in illos sancendum incitare, facessque ad sacrum bellum admoveere videretur: cum per eos dies illud quoque accidisset, ut duæ rostratæ triremes e Numidia Byzantium contendentes, Veneta conspecta classe, se fugæ dedissent; præfectus piraticas esse suspicatus, Turcis ferre omnibus interfectis, Christianis ad transtra ablegatis libertate restituta, in suam potestatem redegit: qua ex re Chariadenus magnopere iratus vindictam minabatur. Patres factum jure tuebantur, reque varie agitata, cunctatione, officiis, pecunia ex pacis conditionibus, qua illata detrimenta sarcirentur, adhibita, discussa molestia est.

M. D. XXXXII.

**P**olinus interea cum Byzantium pervenisset, ut classem, Chariadeno duce, ad oram Provinciæ, Galliæ portubus excipiendam, ineunte æstate mitteret, a Suleimano petebat, Venetosque, ut Galliarum Regi novo foedere se adjungerent, & socia in Cæsarem arma verterent, adhortaretur. Janusbejum, sæpe antea legationis ad Venetos munere perfunctum, firmandæ pacis causa ad Senatum Suleimanus designaverat, cui in mandatis dederat, ut nihil amplius a Patribus postularet, quam, ut amicitiam, quæ illis cum Gallorum gente intercedebat, novis officiis, ac propensiore studio excultam augerent. Janusbejus Venetias delatus, publica æde exceptus, ac honorifice habitus, sui Regis mandata Senatui exponit. Renovati foederis conditiones, uti publico nomine Baduarius pepigerat, jurejurando interposito, de more Princeps, ac Senatus confirmant: quod ad Gallos attinet, pacem, atque amicitiam cum Rege colere: verum ad ea descendere, quibus ad bellum traheretur, Rempublicam nolle.

Po.

1541

*Marini Justiniani, ad Cæsarem oratoris, obitus.*

*Nicolaus Pontius ad Cæsarem orator. Senatus, ne Concilium Vicetia haberetur, decernit.*

*Triremes Numidica a Veneta classe capta.*

1542

*Folinus, ut Suleimanus classem ad Provinciam oras mitteret, petit.*

*Janusbejus a Suleimano Venetias ob pacis confirmationem mittitur.*

1542  
*Polini ora-  
 tio apud  
 Venetos ha-  
 bita.*

Polinus, qui summa celeritate in Gallias redierat, atque ad Bellaqueum fontem Regem conveniens, de inferendis armis secum egerat, eadem festinatione Byzantium reverti iussus, Venetias cum accessisset, & una cum Mompolerio Episcopo, Regis ordinario legato, Collegii Patres coram Decemvirum praesidibus adiisset, Francisci Regis causam graviter, ac luculenter egit. Quae nuper a Caesare, atque a Rege acta sint, uti sinceros rerum iudices decet, intuentes, dignoscere haud difficulter posse, utri illorum christianae reipublicae incolumitas, ac dignitas cordi sit, uterve minime contestis, atque adumbratis consiliis ad veram, ac solidam gloriam niteretur: Regem armatum, victoriae haud ambiguum fructum, dum per Subalpinos, nullo obsistente, decurreret, Pontificis suasionibus adductum, sibi interceptisse; Caesarem, iustae pacis legibus rejectis, ditiones Gallicas bello petiisse, per mediam Galliam in Belgium proficiscentem summis honoribus exceptum, spe de tradendis Insubribus injecta, decepiisse: Regem Gandavenses a Caesare desciscientes, atque suam opem implorantes rejecisse, nihil, quod ad suam in eum benevolentiam declarandam attineret, unquam praetermissum; Caesarem contra pollicitis non stare, implacabili odio saevientem, jure gentium, quod apud barbaros quoque sanctum haberetur, violato, suos legatos per insidias, ac dolos adversus pactas inducias interfici jussisse: qua ille in cunctos mente sit, testari Cisalpinæ Galliae urbes militari licentia crudeliter direptas, atque immanibus tributis exhaustas; Etruriae occupatas arces; Senenses civili dissensione laborantes in servitutem adductos; Lucenses pecunia quotannis Rempubicam redimentes; Siciliae, atque Neapolis opulentissima regna fortunis omnibus exuta: ipsam adeo Venetam Rempubicam illius fidei documento esse, quae ejus artibus pernicioso implicata bello prope delictum rerum suarum subiverit. Secum igitur reputarent, utrum amicum, ac foederatum Reipublicae adficerent: an eum, qui fuco, ac fallaciis dissimulanter cunctis praegrave jugum imponere niteretur; an qui potius vera virtute, atque animi magnitudine cum eximiis Regibus praecleara emulatione certaret: illumne, qui in Italia, Neapolitano regno, & Insubribus occupatis, nullo sibi obsistente, leges dicturus esset; an qui nullum labo-

laborum præmium exposceret, amplam, ac florentem Rempulicam vellet, illiusque imperium extendi, ac proferri cupe-  
ret? Regem pro vindicandis injuriis adversus Cæsarem bellum  
parare; Venetos veteres socios, Gallicique nominis amicos  
orare, ut præsto sibi esse vellent, egregiæ victoriæ præmia la-  
turos; vires Regi vel proprias, vel externas non deesse; mi-  
lite, equite, pecunia esse Gallias refertas; Suleimanum socia  
arma adjuncturum, qui recentibus laceffitibus injuriis, terrestri-  
bus copiis in Pannoniam profecturus, Chariadenum cum præ-  
potenti classe eodem tempore adversus Cæsarem missurus es-  
set. Certius ex iis, quæ Janusbejus Suleimani nomine detu-  
lerat, ea intelligi posse: prudentiæ Senatus esse, præclaram  
occasionem oblatam non negligere, amico Regi non deesse, Su-  
leimano petenti quod e Republica futurum sit, gratificari:  
jam tum quid inter Cæsaris suspectam, ac fluxam amicitiam,  
& Regis nulla unquam commodorum spe labefactandam so-  
cietatem intersit, perspecturum. Ad hæc Senatus graviter re-  
spondit; amicitiam Galliarum Regis, quem mirifice coleret,  
Reipublicæ pergratam esse, constanter, ac summa cum fide  
in ea perseveraturam: eandem cum Cæsare, atque aliis Prin-  
cipibus servare, nec quidquam, quod pacem nuper partam in-  
terturbaret, aggredi velle; multa difficillimis illis temporibus  
incommoda perpeßam, quæ pristino tranquillitatis otio, vel  
fero etiam sarciri possint.

*Senatus re-  
sponsum.*

Eo audito Senatusconsulto, Polinus Reipublicæ triremibus  
Epidamnum devectus, inde magnis itineribus Byzantium con-  
tendit; ibi cuncta ea spe, qua omnia expedita, ac prompta  
sibi pollicebatur, duriora, & difficiliora invenit; sive quod  
serius quam oportuerat, Suleimanum adiisset, temporis ad na-  
vigandum idonei tribus jam mensibus elapsis; sive quod Tur-  
carum Rex in Pannonicum bellum intentus, ad id nervos im-  
perii, omniumque apparatus pondus adhiberet. Dum hæc  
geruntur, Franciscus Rex bellum adversus Cæsarem moturus,  
rebus omnibus comparatis, diversis e locis illum aggreditur.  
Henricum filium Delphinum citiorem Hispaniam a Pireneis  
montibus, ac Perpinianum Gallorum olim oppidum, quod a  
Carolo in Italiam veniente, Ferdinando Aragonum Regi tra-  
ditum fuerat, adoriri jubet: Carolum vero Aurelianum Du-

*Polini ite-  
rum By-  
antium profu-  
sis.*

*Francisci  
Regis man-  
data ad  
Henricum  
filium, ut  
Hispanias  
invaderet.*

1542

Carolus  
Aurelianus  
Dux a Rege  
in Lucem-  
burgenses &  
Sequanos  
missus.

Galli Atre-  
bates inva-  
dunt.

cem in Lucemburgenſes, ac Sequanos impetum facere : Vin-  
docinenſem Principem in Atrebatēs, ac Morinos cum alio exer-  
citu mittit. Henricus, fruſtra Perpiniano tentato, cum mili-  
tum præſidio, ac munitione tutum ægre expugnari poſſe ani-  
madverteret, re infecta, diſcedit. Carolus aliquot Lucembur-  
gi oppida occupat, agros ſœde diripit, ac vaſtat. Verum uno  
dempto Ivofio, omnia a Cæſareanis recuperantur. Vindoci-  
nenſis aliquot in Atrebatibus, ac Morinis caſtella capit. Ne-  
que in Subalpinis Galli, Gulielmo Langeo duce, quievēre.  
In Gallia quoque Cifalpina occulto varia agitata, ut per inſi-  
dias oppidum aliquod in ea provincia Cæſari eriperetur, cum  
Gallicæ in iis ditionibus factionis princeps Petrus Strozzius  
quam maximam poſſet militum manum colligeret, ac quoti-  
die aliquid novi moliretur, ut ad Venetos quoque ea mali  
tabes pervenerit.

Maranum  
a Beltrando  
Sacchia oc-  
cupatum.

Nam Maranum, Forijulii oppidum Veneta æſtuaria attingens, quod Ferdinandi Romanorum Regis ditionis erat, Beltrandus Sacchia Utinenſis, Turchetto centurione Brixienſe ſocio, aſtu furtim occupavit. Mercatores enim ementiti, quo res facilius perfici poſſet, ad merces, quæ parvo navigio veherentur, ſervandas conduxere apothecas; eo accedente, portuque anguſto excepto, ſtatim ſexaginta, qui armati contegebantur, prodire; oppidi porta, ac maritima mole inſeſſa, Germanis circiter triginta cum eorum præſecto ejeſtis, nulla oppidanis injuria, aut damno allato, in ſuam poteſtatem rede-  
gere. Mox ſublato Gallico vexillo, Petrum Strozium, Florentinorum exulum ducem, evocarunt: is, in Venetorum ditionibus tumultuaria militum collecta manu, in oppidum introductus, Galliarum Regis nomine ſe Maranum tenere profeſſus eſt. Moſteſte tulerat Senatus tam propinquas urbi, haud difficulter in bellum, ni compeſcerentur, exarſuras, faces ad-  
motas eſſe: ne in Ferdinandi animo de illius voluntate ſuſpicio oboriretur, quod ea res per Reipublicæ ſubjectos homines patrata foret: ægre ferebat, Gallos ſedem eo in loco ſibi conſtituiſſe, ex qua & finitimas regiones excurrerent, & virium incrementa ſumerent, æquo animo pati non poterat. Huc accedebat, quod ab iis aperte vulgaretur, Venetis Regis amicitiam, & ſocietatem abnuentibus, ut oppidum rurfus in

Petrus  
Strozzius  
Maranum  
ingreditur.

Fer-



Ferdinandi potestatem concederet, minime passuros, sed potius Turcæ tradituros, quo barbarorum clasibus illic tutus receptus esset. 1542

Nihil vero molestius, ac perniciosius Venetis contingere poterat; quam e Venetiarum prope portubus, a quibus Maranum octoginta tantum passuum millia distat, barbaram gentem cum classe cernere, quæ prædonibus admitta, navigationum cursus interciperet, atque Adriaticum sinum non modo Venetorum, sed totius reipublicæ christianæ incommodo, ac detrimento infestum haberet. Itaque ne malum latius serperet, gravissimis indictis pœnis, sanxit Senatus, ne quis Venetiarum ditionum oppidum ingrederetur, neu commeatus, aut subsidia importaret. Beltrandi patrem, atque uxorem custodiæ publicæ tradi iussit, ut hoc veluti pignore a perditis, & exitalibus consiliis revocaretur. Oppidanis haud exigua cum illorum utilitate rationem aliquam concordia iniri posse spem iniecit, ne Ferdinandi apparatu deterriti barbaros introducerent. Atque cum per eos dies Ferdinandus Tridentinum Episcopum, qui navigia, ac milites ad Maranum recuperandum peteret, ad Senatum misisset, responsum est, oppidum ab eo recipi Senatum cupere; in id commeatus, atque iter per Reipublicæ fines ejus militi daturum; sperare absque armis ea de re decerni posse. Gallico vero oratori consilium a Senatu Francisci nomine petenti, neque de oppido, nisi eo consulto, Regem quidquam statuere velle affirmanti, Senatus dicendum censuit: eximiam Regis prudentiam alienis monitis non egere; verumtamen id consilium, quo publica pax, & quies servaretur, probaturum. Dum hæc fiunt, Germani præfecti uxor ad virum captivitate redimendum, ut pecuniam conquireret, profecta est. Beltrando cum illa egresso, qui Maranum occupaverant, oppidi aditum intercludunt, atque ad Lignani portum (abest is quindecim passuum millibus) munitionem erigere contendunt, quo sese recipere, ac prædas convehere tuto possent. Rem indigne Senatus ferens eo statim Bernardum Sagredum ad opera demolienda misit, qui una cum Philippo Bragadeno, & militum manu, cui armorum ductor Julius ex Monte veteri imperabat, profectus, fabris, atque opificibus in fugam versis, tormentis munitiones disjecit, ac solo æqua-

*Senatus decretum in hoc, quod subsidia Maranensibus ferret.*

*Ferdinandus Rex Tridentinum Episcopum Venetiarum misit.*

*Maranensis munio a Sagredo & Bragadeno diruta.*

1542

vit; & ne institutum rursus opus aggredierentur, alio materiam convehi jussit. Ferdinandus, nonnullis instructis triremibus, oppidi maritimam expugnationem instituere decreverat. Rex Galliarum ea de re certior factus, maritimis viribus opem Maranensibus ferre statuit. Senatus, ne prope in conspectu civitatis arma miscerentur, atque ut aliorum Principum classes ab Adriatico sinu averteret, nitebatur; idque non minus apud Reges officiis, quam animi constantia nihil Reipublicæ rationibus adversum passurus, obtinuit. Interea inter Regem, ac Ferdinandum de componendis controversiis irrito eventu actum est. Eodem tempore cum Venetis de finium difficultatibus tollendis Ferdinandus agebat, duobus legatis ad Rempublicam missis, qui Tridenti superioribus annis pacta perficienda curarent. Negotium id Francisco Contareno, & Francisco Sannuto a Senatu commissum est, Cæsaris legato uti amico ea in re operam navante. Jamque ad calcem ventum fuerat, nisi Neocastrum, ac Belgradum, Forijulii oppida, quæ ab Austriacis Cæsaribus Saxonum Ducibus oppignerata fuerant, obtitissent; quo effectum est, ut nihilo feliciori eventu, quam alias acciderat, res cesserit.

*Franciscus Contareno, & Franciscus Sannuto legati ad finium controversias cum Ferdinando solliciti.*

Sub id quoque tempus sceleratorum civium proditio detecta est, qui superiori bello cum Senatus, ac Decemvirum arcana nefarie detexissent, ingentis Reipublicæ cladis auctores fuerant: patefactis namque Baduarii mandatis, ut Nauplium, & Epidaurum in Turcarum potestatem concederent, effecerant. Quæ res cunctorum animis ita infixæ erat, ut maledictis Baduarius laceraretur, quod iniquis adeo conditionibus pacem mercatus esset, omnesque ingenti in eundem odio ferebantur, atque acerbius accusabant. Is vero ut se universæ civitatis invidiæ subtraheret, enixe laborabat, cum palam discitaret, detecta a patriæ hostibus secretiora Decemvirum consilia, proditam Rempublicam fuisse. Tandem a Hieronymo Martelloffio, Veronensi, crimen ad Decemvirum principes delatum est. Is Augustini Abundii uxoris amore captus, cum ad ejus sæpe domum ventitaret, forte quibusdam schedis Nicolai Cavacii, Senatus scribæ, in secretiori cubiculo inventis, cum nonnulla Rempublicam attingentia in iis animadvertisset, ad Decemvirum præses retulit. Ea ratione proditio

*Proditio de Nauplio & Epidaurum Turcis tradendis a Hieronymo Martelloffio detecta.*

ditio in apertum prodiit, in qua fuere Constantinus, & Nicolaus Cavacii, alter Decemvirum, alter Senatus scriba; Maphæus Leonius, qui triumvir rerum capitalium fuerat, ac tunc Sapientis continentis magistratum gerebat; Augustinus Abundius; ac Joannes Franciscus Valerius nothus: hi omnes pecunia Galliarum Regis, & muneribus corrupti erant: Cavacii, ac Leonius, annua mercede accepta, Abundio, & Valerio ministris adhibitis, graviora decreta Regi aperiebant. Nicolaus Cavacius, Augustinus Abundius, ac Joannes Franciscus Valerius, re paulo ante cognita, ad ædes Mompolerii Episcopi, Gallici oratoris, sese recepere. Id cum ad Decemviros pervenisset, apparitores, ac ministros misere, qui supremi magistratus jussu eos extraherent. Obstitit legatus, visque a suis illata est, neque reos, quod tutum singulis ad illius domum jure gentium perfugium diceret, abduci permisit. Tum Bernardus Georgius, unus ex Triumviris Advocatoribus, eo Decemvirum jussu accessit, qui licet amplissimi magistratus dignitatem, atque auctoritatem præferret, fontes, ut sibi traderentur, impetrare non potuit; Gallis ex legati comitatu Triumviri auctoritatem spernentibus, ac vim parantibus. Tam insigni audacia vehementer commota civitate, triremis cum duobus muralibus tormentis ex adverso legati ædium dirigitur, armatis forum impletur, ad Mompolerii domum in divi Moy sis vico sitam accurritur; minis undique, ac probris circumstrepentibus, fremens turba advolat. Vincentius quoque Gri manus, divi Marci Procurator, fabrorum navalium multitudine septus accedit; cunctorum animi ira incredibili aguntur. Vis, ni rei producerentur, in promptu erat. Tum legatus se obli scere non posse animadvertens, atque impetum furentis po puli veritus, fontes Triumviro tradi jubet. Li statim severæ quæstioni subjiciuntur, crimen fassi, dum acriter, ut socios sceleris detegerent, torquerentur, Maphæum Leonium, & Constantinum Cavacium nominarunt, a quibus Senatus, Decemvirumque arcana edocti, occultioribus notis, internuntiis que Gallorum Regi significabant. Decemvirum decreto Nico laus Cavacius, Augustinus Abundius, & Joannes Franciscus Valerius geminas inter columnas meritæ necis poenas laqueo suspensi dedere; Maphæus Leonius, & Constantinus Cava-  
*H. Mauroceni T. I.* *Pp 3* *cus*

1542  
*Constantinus Cavacius & alii fontes proditoris.*

*Nicolaus Cavacius & alii proditores in ædes Gallici oratoris se recipiunt.*

*Bernardus Georgius ab oratore Gallia proditores postulat.*

*Proditores a Gallia oratore traditi meritis poenas luunt.*

- 1542 cius absentes totius imperii cum terrestris, tum maritimi perpetuo exilio damnati, ut mille aurei in singulorum capita percussoribus ex aere publico penderentur, decretum. Leonii liberis, posterisque patricius ordo, ac nobilitatis jura adempta: bona in publicum redacta. De iis, quæ postea Cavacio acciderint, nihil compertum est. Leonius in Gallias profectus, ob immane scelus cunctis invisus, inopia, atque egestate confectus interiit. Cæsaris Fulgosi, in Pado flumine interfecti, quod is quoque ad Gallos cuncta perferret, bona fisco fuerunt addicta. Alexandro fratri gravioris armaturæ præfectura, publicumque stipendium ademptum.

*Cæsaris  
Fulgosi bona  
fisco ad-  
judicantur.*

M. D. XXXXIII.

- 1543 S Equentem annum, qui fuit humanæ reparationis M. D. XLIII. ingentes bellorum motus exceperet; nam & Byzantii Suleimanus cum terrestres, tum maritimas copias sedulo instruendas curabat, quibus Pannoniæ regnum adoriretur, & sæpius Gallis pollicitam classem adversus Cæsarem emitteret, quam centum ac triginta varii generis navigiis constare, Chariadeno, acerrimo christiani nominis hoste, duce, fama vulgaverat. Franciscus vero Rex undique non modo ex Gallis, atque Helvetiorum gente magnis illecta præmiis, exercitum comparat; sed Menapiorum Ducem, qui antea a Cæsare defece- rat, pecunia, ac milite confirmat; Belgium imparatum aggreditur; passim incendiis, & vastationibus diripit. Cæsar iter in Italiam moliebatur, inde in Belgium profecturus, ut, Germaniæ coactis viribus, quas ultro illi Principes, ac liberæ civitates obtulerant, adversus Franciscum bellum gereret, Menapiorumque Ducis elatos spiritus frangeret. Quoniam vero nulla magis arma Gallis aut gravia, aut formidolosa, quam Britannica existimabat, unde superioribus tempestatibus ingentes clades, ac damna Gallicæ genti illata fuerant, veterum simultatum, quas cum Henrico Angliæ Rege, ob materteram Catharinam repudiatam, acerbissime exercuerat, oblitus, fœdus cum illo adversus Gallos paciscitur; nequaquam deterri- tus, quod Angliæ Rex a catholica Ecclesia desciscens, gravissimo anathemate percussus esset: hoc facto prætexens, quod Gallia-

*Cæsar cum  
Angliæ Re-  
ge fœdus co-  
tra Gallos  
init.*

Galliarum Rege Turcas evocante, sibi minime noxæ adscribi deberet, quod pro rebus suis tuendis Regi, si non Catholico, Christiano saltem jungeretur. Jamque Henricus cum vetere in Gallos odio, tum recentibus finium controversiis incensus, ab Anglia Caletum copias transmittere cœperat, quo ad Caroli adventum arma in Galliam inferret.

1543

*Henricus  
Anglia Rex  
copias Ca-  
letum mit-  
tit.*

Pontifex variis curis, & cogitationibus distractus, multa animo agitare; Cæsaris potentiam Germanicis viribus, Angli copiis auctam suspectam habere; cum præsertim Granvelanum in Germaniam misisset, atque, ut in ea provincia Concilium haberetur, summopere contendisset, in quo de Romana curia ordinanda in Germanorum gratiam ageretur; qui cum a majorum cultu, atque ab avita religione discessissent, odio in Romanos Pontifices acti, eorum majestatem, & auctoritatem deprimere nitebantur. Nonnunquam vehementer de Carolo conqueri, quod fœdus cum Anglorum Rege, qui ab Ecclesia Romana defecerat, pepigisset, in quem ut anathematis spiculum intorqueret, Clementi auctor fuerat. Ea spe quoque dejectus videbatur, qua Cæsarem Mediolanensem imperium Octavio Farnesio nepoti, illius genero, traditurum sibi pollicitus fuerat. His fiebat, ut a Gallo sollicitatus, qui Cæsaris cum Anglo amicitiam detestabatur, Venetis nova fœdera, & societates ad mutuam securitatem, atque incolumitatem tuendam offerret, eo consilio, ut illos arctiori nexu cum Galliarum Rege conjungeret, quo communibus viribus Cæsari obfisteretur. Verum Senatus ab iis consiliis abhorrebat, quibus diuturno, atque inutili bello implicaretur; eamque Reipublicæ recte gubernandæ rationem arbitrabatur, si medium inter summos Principes se gereret; cum utrisque amicitiam coleret; & præteritis tum terrestribus, tum maritimis bellis defessam Rempubicam tranquillitate, ac pace foveret, atque corroboraret. Quibus accedebat, quod Suleimanus eodem tempore classem, exercitumque compararet; neque Turcarum promissis, licet nihil paci adversum facturos prædicarent, idemque Polinus, Regis orator, affirmaret, præteritis successibus edocti, satis fidendum existimabant. Itaque maritimas opes undique contrahere; classem augere, quæ tunc triginta triremium numerum non excederet, Senatus decrevit; adornari, atque in-

*Venetis fa-  
ctus a Pon-  
tifice obla-  
tum re-  
mune.*

1543

*Stephanus  
Theopolus  
classis im-  
perator.*

*Paulus Jus-  
tinianus &  
Alexander  
Bondime-  
rius classis  
legati.*

strui in Illyrico, & in Creta insula alias jussit, ut universæ simul sexaginta essent. Imperator Stephanus Theopolus, vir multis, iidemque egregiis pro Republica rebus gestis clarus, majoribus comitiis creatur; totius oræ maritimæ, atque insularum custodia injungitur, ne quid res, aut Reipublicæ subditi detrimenti patiantur, provideat; Jaderæ Paulum Justinianum, classis legatum, cum triremium manu adventantem, præstole-  
tur, atque intra sinum Adriaticum se contineat. Alexander Bondimerius, alter legatus, Corcyræ cum quindecim selectis triremibus subsistere, atque ab iis se abstinere, quibus in Turcarum animis suspicio oboriri posset, jussus est.

Dum hæc aguntur Turcarum classis centum ac viginti triremium, biremiumque quadraginta sub Chariadeni imperio Hellesponto egreditur; in ea Polinus Regis legatus erat. Eubœæ per aliquot dies commorata, remige, milite auge-  
tur, commeatibus instruitur. Inde ad Messanæ fretum con-  
tendens, in Brutiorum litoribus milite exposito, prædas agit; cuncta vastat; Rhegium occupat, diripit, in servitutem Hispanos milites nonnullos, & multo plures Rhegii cives abducit. Mox cum Ostiam pervenisset, ut aqatione longe optima, quod eo in loco Tyberis amnis mari se infinuat, uteretur; cum illius rei nuntius Romam pervenisset, *ingens* adeo terror omnium animos occupavit, ut incondita, & consternata plebs metu se-  
se ex urbe in vicina loca proriperet. Verum Polini literis, quibus hostile nihil Turcicam classem edituram significabat, urbs eo metu soluta est. Inde Hetrusca, & Ligustica litora legens, recta in Provinciam contendens, in Tholoni portum sese classis intulit: deinde a regia, quæ quatuor & viginti triremibus constabat, Massiliam deducta est: urbem Chariade-  
nus, exquisitis honoribus, ac pompa exceptus, ingreditur. Po-  
linus statim ad Regem contendit, ut illi mandata Aheneobarbi deferret, quem omnia ex ejus præscripto gerere Suleimanus jusserat. Is quamecelerrime Francisci decretum retulit, quo ag-  
gredi Niceam, atque terra, marique oppugnari mandavit, quam urbem ejus majores belli necessitate, ac pecuniæ inopia coacti Sabaudiz Duci oppignerati fuerant. Classem super tri-  
remes decem, & octo onerariarum navium, sex circiter pedi-  
tum millibus, atque commeatu apprime instructam, Anghia-

*Romanorum  
terror ob  
Turcicam  
classem.*

*Chariade-  
nus Tholoni  
portum in-  
gressus Mas-  
siliam profi-  
ciscitur.*

*Francisci  
Regis man-  
dato classis  
Niceam ag-  
greditur.*

no, stirpis e Borbonia familia regiae, germano Vindocini Ducis fratre, praefecto, Turcicae adjunxit. Univerſa claffis Maſſilia ſolvens, ad Monici portum devehitur; inde Niccam ad-mota, expoſitis tormentis, ac militibus, oppugnatio inſtrui-tur. Tormentorum vi vehementiſſime moenia verberantur; jamque ingentes editae ruinae aditum militibus aperuerant, cum repente oppidani perterrefacti, iſdem legibus, quibus haecenus ſub imperio Sabaudi fuiſſent, Regi ſe dedidere; ne urbs diriperetur, Polinus vetuit. Mox ad arcem oppugnan-dam cuncta praeparantur: ſed cum Vaſtium magnis copiis per maritimas Alpes iter facientem ad opem arcis propugna-toribus ferendam accedere nuntiaretur, ſoluta obſidione, Cha-riadenus Maſſiliam reverſus eſt, hyberna iis in locis habitu-rus, quo inſequentis veris initio expeditior ad bellum eſſet, & maria infeſta Caſareanis redderet.

Inter haec Caſar ex Hiſpania in Italiam navigaturus, Phi-lippo filio, ætatis annum ſextumdecimum agente, Hiſpaniae Rege pronunciato, atque totius regni civitatibus, ac proce-ribus jurejurando obſtrictis, Barchinonem proficiſcitur. Ibi Andream Auriam cum quadraginta triremibus reperit, Hi-spano milite onerarias naves juſſo conſcendere, Genuam de-vehitur. Qui illum per Reipublicae fines in Germaniam tranſeuntem publico nomine exciperent, & comitarentur, quatuor legati honoris, officiique cauſa designati fuere, Ca-rolus Maurocenus procurator, Gabriel Venerius, Ludo-vicus Falerius, Viſtor Grimanus. Pontifex Caſaris in Ita-liam adventu nova ſpe erectus, ut Bononiam antequam in Germaniam proficiſceretur, illum Carolus conveniret, vehementer optabat; perhonorificum ſibi fore ratus, ſi ad eum inviſendum ad urbem accederet, in qua bis Clemen-tem fuerat alloquutus, ubi & de chriſtiana republica pri-vatiſque ſuis rebus ageretur. Suſcepti vero itineris ratione Senatui communicata, ut graviffimis, ac difficillimis tem-poribus afflicta, & perturbata chriſtiana rempublicam ſublevaret, ingraveſcente, atque exacta jam ætate, ſe id itineris ſuſcepiſſe ajebat; cum id in primis ſui mune-ris, pontificiaeque auctoritatis eſſe duceret; Caſarem ad colloquium invitare, ad pacem cum Chriſtianis Principibus ad-hor-

1543  
Nica urbis  
deditio, &  
arcis oppu-  
gnatio.

Charia-  
denus arcis  
obſidionem  
ſolvit.

Caſar Phi-  
lippum Hi-  
ſpania Re-  
gem pronun-  
cias.

Caſar ab  
Auria claſ-  
ſe Genuam  
deducitur.

Veneti le-  
gati ad Ca-  
ſarem.

1543

hortari; ad bellum adversus communes hostes impellere. Verum id Pontificis animo infederat, ut Octavio Farnesio ejus nepoti Mediolani principatum Cæsaris auctoritate deferret: quæ res Italis Principibus, ac Venetis præsertim pergrata foret, quibus nimia Cæsaris potentia suspecta erat; ac Neapolitano foedere summo studio caveri enixi fuerant, ne quisquam Austriaci stemmatis Infubrum Princeps a Cæsare diceretur. Hæ Pontificis cogitationes, quæ Cæsari notæ erant, ab eo colloquio mirum in modum illius animum abducebant: quare cum e Bononia Petrum Aloysium filium, atque Alexandrum Farnesium nepotem, prima juventa in Cardinalium Collegium cooptatum, ad Cæsarem Genuam misisset, ut colloquio dies, ac locus diceretur, prædurum, atque abhorrentem offenderunt, quod sibi in Germaniam properanti cunctatione tempus terendum non esse diceret. Sed nihil eo deterritus Pontifex, cum a Cæsare, ut Bononiam se conferret, impedire non posset, tandem ut Buxetum, Pallavicinæ familiæ opipidum, Parmam inter atque Placentiam situm, ad colloquium deligeretur, convenere. Sed tamen nihil, quod ad pacem publicam pertineret, Pontifex obtinere potuit, cum Cæsar, in Menapiorum Ducem concitato animo exardescens, ad vindictam vehementi impetu contenderet; neque Francisci Regis, a quo toties, ruptis foederibus, deceptus esset, promissis unquam fidem habiturum se diceret. Neque vero ea, quæ de Mediolanensi imperio ad Farnesiæ familiæ incrementum, ac decus Pontifex mente conceperat, feliciorum exitum habuere; nihil ea in re, nisi de Imperii procerum sententia statui posse Cæsare pernegante. Inde Buxeto discedens, per Venetorum fines a legatis Reipublicæ deductus, recta Tridentum perrexit; mox Ulmam, postea Spiram Germaniæ urbem proficiscitur, ab illius comitatu Daniele Bonritio Senatus scribe non discedente; cum Nicolaus Pontius, legatus, gravi morbo correptus Tridenti subsistere, moxque ad urbem regredi coactus esset, cui Bernardus Naugerius a Senatu suffectus est.

*Daniel Bönritius, Venetus a secretis, apud Cæsarem. Bernardus Naugerius orator ad Cæsarem. Suleimani in Pannonia progressus.*

Dum Cæsar in Germaniam magnis itineribus properat, Suleimanus cum ingentibus copiis Pannoniam ingressus, omnia foedissime direptionibus, ac cædibus vastat; Valponium, mox Soclos capit; Strigonium, licet fortiter propugnatores initio res-

sti-



stitissent, deditioe tandem occupat; Tattam, præfidiariis sese dedentibus, receptam funditus evertit; Albam civitatem, quod ibi vetusto gentis more Reges corona insignirentur, prisco-  
rumque Regum sepulchris conspicua redderetur, regalem di-  
ctam, oppugnat, deditioe in suam potestatem redigit; Pan-  
noniæ Mahometem Jahaoglem præficit. De prosperis belli e-  
ventibus per legatos Venetos certiores facit. Stephanus Theu-  
polus, qui in urbem rediens classis imperium deposuerat, le-  
gatus a Senatu deligitur, ut vere novo Byzantium profectus,  
Suleimanum officii causa conveniret, propensamque in servan-  
da pace, atque amicitia Senatus voluntatem, ac studium pate-  
faceret. Carolus, Spiræ conventu habito, Bonnam profectus  
x1. kalend. septembris, lustrato exercitu, Duram Menapiorum  
urbem iter intendit; tormentorum horribili impetu quassatam,  
& concussam, per strata moenia irruente milite, magna oppi-  
danorum, atque incolarum cæde, capit. Ea expugnata, Ju-  
liacum desertum fere, ac vacuum offendit; postea Ruremun-  
dam, Sicambrorum munitam urbem, se ultro dedentem reci-  
pit. Ea Caroli fortuna, & felicitate Menapiorum Princeps per-  
motus, Henrico Brunsvicensi Principe, atque Archiepiscopo  
Colonienſe enixe petentibus, cum supplex ab eo veniam pos-  
tulasset, iis conditionibus in gratiam recipitur: ut Menapii  
tantum contentus, principatu Sicambrico, comitatuque Zut-  
phanienſi cederet; in suis ditionibus catholicam religionem,  
prisci instituti nihil immutato, retineret; Gallico, Danico, &  
Svecico foederi renunciaret: itaque brevi insueta felicitate  
Menapiorum Principem perdomuit, sibiſque conciliavit, ut iis  
solutus curis, ad bellum Galliæ inferendum expeditior ef-  
fet.

Dum his bellorum motibus varie terra, mariſque Europæ  
provinciæ jactarentur, in Carnis nondum diffidiorum semina  
inter Ferdinandum, & Franciscum ob Maranum a Strozio  
occupatum extincta fuerant. Nam Gallus quadringentos pe-  
dites, Senejo Duce, atque haud exiguam equitum manum  
Maranenſibus subsidio miserat. Ferdinandus, nonnullis Ger-  
manorum cohortibus, Joanne Baptista Sabello præfecto, ad  
Pontebam coactis, & in Carnos transmissis, in suis ditioni-  
bus delectum militum haberi præceperat, ut oppidum obsidio-

ne

1543

*Suleimanus  
legatus ad  
Venetos  
mittitur.  
Stephanus  
Theopolus  
ad Byzan-  
tium tra-  
nsit.*

*Cæsar Me-  
napiorum  
Principem  
in gratiam  
recipit.*

*Maranum  
Gallicis  
præfidiis fir-  
matum.*

*Ferdinandus  
Regis appa-  
ratum, ut  
Maranum  
reciperet.*

1543

ne ad deditionem compelleret : utrisque per Venetos fines transeundi a Senatu facultas permissa est . Tergesti quoque parvis nonnullis navigiis instructis , atque in Liniani portum coactis , maritima oppugnatio , atque obsidio instituebatur . Quare commotus Senatus , quod is portus Venetæ ditionis esset , neque inde oppidum oppugnari ferendum censeret , unde nuper propugnatorum opera disturbari , ac disjici jusserrat , cum Cæsare , & Ferdinando agebat , ut e Liniani portu navigia amoveri præciperent ; biremiumque præfectus cum apprime instructa triremi ad litora propinqua missus est , ut metus aliquis Tergestinis injiceretur .

*Petrus  
Strozzius  
Maranum  
Venetis of-  
fert .*

Dum hæc comparantur , Petri Strozii nomine Joannes Franciscus Paccius Florentinus Venetias advenit , oppidum justa mercede Reipublicæ Strozium permitturum affirmans . Si aliter Patres statuerent , eadem de re cum præpotenti Principe acturum , quem libenter oppidi potiundi opportunitatem minime prætermitturum noverat . Ea re haud parum molestiæ Senatorum animis injectum , cum jam apud omnes constaret Strozium , cui Galliarum Rex libere veluti laborum premium Maranum permiserat , reliqua præcisa spe , Turcis ingenti christianæ reipublicæ detrimento traditurum . Quid vero acerbius , ac durius , quam in Venetarum ditionum visceribus , atque in conspectu prope ipsius urbis , barbaros inspectare ; illorum navigia Adriaticum emetiri sinum , vicinisque assuefieri litoribus ? His cogi Senatus videbatur , ut omnia potius , licet gravia , subiret , quam ut hoc intimo recessu excipi Turcas pateretur . Itaque Antonius Capellius , & Franciscus Contarenius , qui cum Paccio agerent , delecti fuere . Re agitata , Maranum in fidem recipitur ; Strozio quinque ac triginta aureorum millia solvuntur : is statim Reipublicæ tradidit : illius custodiæ continuo Alexander Bondimerius præficitur , qui cum peditum manu una cum Paccio intra oppidum est exceptus : incolæ sacramentum Reipublicæ dixere . Cæsari , ac Ferdinando quæ Rempublicam ad Maranum recipiendum impulissent , Bernardus Naugerius , & Marinus Caballus legati Senatus nomine significarunt : nulla tenuis admodum oppidi potiundi , ex quo nihil emolumenti ad Rempublicam perveniret , cupiditate adductum ; sed ne in barbarorum

po-

*Maranum  
a Venetis  
receptum .*

*Alexander  
Bondime-  
rius Mara-  
no præfici-  
tur .*

poteſtatem concederet, minante Strozio ſe Turcis traditurum, neceſſitate coactum conſilium illud cepiſſe. His demulcere fratrum animos Senatus nitebatur; eaque de re poſtea actum eſt, juro ad ſe Marani oppidum ſpectare, Venetis contendentiſus.

Sed ea tempeſtate magnis adeo curis Cæſar, ac Ferdinandus, Pannonico, & Gallico bello intenti, diſtinebantur, ut omnes vires, & conatus ad ea conferrent; neque Venetos laceſſendos ducerent, ne Galli ſocietate ad Italiæ res novandas incitarentur, quæm Cæſar quietam, bellique ſuſpicionibus vacuum cuperet, omnem armorum impetum in Gallias effuſurus. Quapropter, Gulielmo Sicambrorum Duce perdomito, in Belgium cum exercitu profeſtus, Angli ſibi fæderati adjuñctis copiis, Landreſium, prius a Galliarum Rege occupatum, aggreditur. Acri obſidione cincto, Rex cum prævalido exercitu opem ferre contendit; ni id alia ratione efficere poſſet, prælio cum Cæſare dimicaturus. Verum annonæ, recentibusque militibus in oppidum illatis, ſilentio noctis tentoriis, atque tabernaculis relictis, Galli ſeſe recipiunt. Cæſar de hoſtium diſceſſu edoctus, illos inſequitur, ex poſtremo agmine complures cædit, haud exigua præda ex iis, quæ Galli in itinere reliquerant, relata. Inde oppidi potiundi ſpe dejectus, obſidione relictæ, diſceſſit, majori nixu inſequenti anno Gallias aditurus.

*Landreſium  
Cæſar ag-  
greditur.*

M. D. XXXXIIII.

**F**RANCISCUS vero, ut quammaxime poſſet Cæſaris conatus retunderet, bellumque a ſui regni finibus averteret, copiis in Subalpinis auctis, acriori impetu arma iis locis inſerebat, neque quidquam, quod ad præſentem Italiæ ſtatum immutandum pertineret, omittebat; dum Cæſar contra, ne aliquo eventu Italiæ pax turbaretur, attentiffime excubaret. Inde utrique Venetos ad novas incundas ſocietates alliciebant; Cæſar ad Turcarum potentiam imminuendam, ac debilitandam, in quos præcipuæ Germanorum civitates, ac Principes nuper conſpiraverant, a novo fœdere minime alienos rebatur fore. Rex ingentibus pollicitationibus, & præmiis pro-

*1544  
Franciſcus  
Rex bellum  
in Subalpi-  
nas diſiones  
inſert.*

*Germani in  
ſocietatem  
contra Tur-  
cas cœnunt.*

1544

propositis, ad suas attrahere partes nitebatur: ad Spiram enim comitiis habitis, cum acerbissime accusaretur, quod Turcæ sociatis armis, illorum classe Galliae portibus excepta, ad Christianorum cladem, atque exitium usus esset, bellum in Gallos, ac Turcas decretum fuerat: & ob id veritus Rex, ne Cæsar Britannico foedere, Germanorumque auxiliis fultus suum regnum invaderet, illustri legatione in Italiam missa, Pontificem, ac Venetam Rempublicam ad arma adversus Cæsarem sumenda sollicitare decrevit. Hippolytus Atestinus, Ferrariae Cardinalis, Regis nomine Venetias accessit: is cum perhonorifice habitus fuisset, Principemque, ac Patres adiisset, ejusmodi sermonem habuit.

*Germani in  
Spiræ con-  
ventu bel-  
lum in Gal-  
los & Tur-  
cas decer-  
nunt.*

*Hippolyti  
Atestini  
Cardinalis  
a Gallo Ve-  
netiar missi  
oratio.*

*Quæ mihi vobiscum agenda sunt, attentius repetenti, secus atque in aliis accidere solet, contingere videtur: pleraque tantum sese attollunt, quantum præclara ingenia dicendo evehere potuere; hæc, ni fallor, ejusmodi sunt, ut cum nullæ vi orationis egeant, per se veritatem, atque utilitatem aperte adeo præferant, ut dicenti potius animos, ac vires addant, quam vel illius oratione splendescere, vel sermone obscurari queant. Quapropter rei gravitas, ac magnitudo baud parum virium suppeditare mihi videtur, cum ea præsertim virtus, & prudentia vestra sit, ut intima quæque humanarum actionum, & consiliorum scrutetur, penitusque introspeciat. Inde magna spe adducor, fore, ut, quæ Francisci Christianissimi Regis nomine exposuero, ea in primis sedulo, atque attente inspicatis, cum ejusmodi sint, ut iis Reipublicæ vestræ dignitas, & utilitas, Italiae universæ incolumitas contineatur. Utinam vero de gravissimis, ac necessariis rebus minime hoc tempore consulendum foret; satis enim mirari, ac dolere nequeo, Cæsaris vires, propagandique imperii cupiditatem serius aut cognosci, aut timeri cœpisse: non me latet, maximarum rerum initia obscura, ac tenuia admodum esse, ut hominum scientiam subterfugiant. Quibus Cæsaris potentia, ac vires tantum excreverint initiis, fortasse alios potius, quam perspectam, atque inveteratam Senatus vestri prudentiam, latere potuisset. Verum ad tantam amplitudinem procursus nescio quo fato universi fere Italiae Principes inspexerunt, pertimuerunt, tulerunt. Atque ne altius exordiar, decimoquinto ab hinc anno Cæsar in Ita-  
liam*

liam venit; Genuam, amplum ac præpotentem civitatem, ad maritimos apparatus valde opportunam, ad se attraxit; Clemente Pontifice sibi adjuncto, ut Mediceos ejectos, atque exules in patriam restitueret, ingentibus copiis Florentiam adortus, annua obsidione devictam Florentinorum Rempublicam labefactavit, ac potius extinxit, Hetruscorumque viribus, prout sibi libet, nullo repugnante, utitur. Francisco, Insubrum Duce, vita functo, ad Mediolanense imperium animum adjecit; atque ut vanis cunctos promissis deluderet, fœdere vobiscum icto, quo Italum Principem Insubribus daturum persancto polliceretur; adversus pactu fœdera retinet. Quid de Senensibus dicam, quorum intestinis dissidiis aditum sibi ad eam urbem in suam potestatem redigendam patefecit? Itaque Neapolitano regno Genuam, Insubres, Hetruriam adjunxit, nulloque obfistente, ad eam potentiam pervenit, quæ Italici cunctis formidolosa habetur. Quoniam vasto spiritu, incredibili regnandi libidine elatus contenderet, dum victor ex Africa, Tuneto superato, reverteretur, patuisset, nisi Franciscus Galliarum Rex, generosa, ac vera animi virtute incitatus, Italiamque miseratus, Carolo, magnis in Subalpinis missis copiis, obstitisset. Qua ex re cum Galliarum regnum, Italiæ veluti firmissimum propugnaculum, oppositum animadverteret, eoque incolumi, nihil sibi de Italia subigenda sperandum sciret, omnia consilia, & vires ad Galliæ exitium conferre statuit. Inde præpotenti exercitu bis regnum illud est aggressus; modo induciarum, modo pacis specie hostium vebementiores ad bellum conatus restringere nixus est; ut interim ea cessatione ad arma majori impetu sumenda expeditior, ac fortior evaderet; tantumque potuit, ut tandem Henricum Britannia Regem, & quod vix credi posset, Germanicæ ferocissimæ gentis vires sibi adsciverit, quibus innixus denuo in Galliam impetum facit; ferrum in reipublicæ christianæ viscera adigit; Italiæ firmamentum, commune omnium, qui illius potentiam perborrescunt, præsidium quatit. At vos quibus hæc oculis intueri potestis? An non illud vobis persuasum est, dum Cæsar Gallias invadit, Italiæ, ac præsertim Venetæ Reipublicæ minari? Nisi forte ignoratis, tantumque sibi potentiæ, & majestatis detrabi, quantum reliquis vel

1544 *vel auctoritatis, vel imperii accesserit. Natura profecto, atque usu ita comparatum est, ut quorum summa potestas altius eminet, ii Principes liberas civitates, optimeque constitutas Respublicas magis oderint. Quo igitur animo in vos Casarem esse ducitis, qui potentia, & viribus reliquos Italia Principes adeo præcellitis; qui eam tenetis Rempublicam, qua nulla, repetitis omnium antiquitatis monumentis, aut civilis prudentia opinione præstantior, aut inconcussa libertate firmior invenitur? Ea incolumi, se Italia potiri non posse optime novit. At dicet aliquis, nulla Cæsar a Republica laceffusus injuria, cur in illam arma convertat? An arbitramini, quæ in ejus animo dominatur, regnandi libidinem ullis officiis minui, vel temporis tractu, quo mortalia cuncta immutantur, extingui posse? Quid si prospere bellum adversus Gallos gereret? quo illius potentia, atque ambitio evaderent? Hactenus tardo Cæsar sese gradu extulit, modo cum tantum sibi virium adjunxerit, omnia impedimenta amovisse; peramplum, atque expeditum iter ad ea perficienda, quæ mente voluit, & animo jampridem agit, munisse arbitratur. Sed Gallica expeditio durior, ac difficilior habetur; cum Cæsaris conatus alias Franciscus representet, atque invito robore retuderit. Huc accedit, quod dum regnum propugnat, omnia hostium consilia, atque astus inspexerit; defendendi vero rationes egregie callent, omnia ad illud tuendum paraverit; oppida limitanea firmissime munita, objecta hostibus flumina, lex agris frumenta, & commeatus vectos; regnum indissolubili nexu adversus hostes conjunctum; equitatum numero, & virtute præcellentem; Italarum, atque Helveticorum robur; omnia demum, quæ ad bellum necessaria sunt, apprimè instructa. Verum quem belli casus latent? Quis nescit, fortunam in omni re, præsertim in bellis dominari? Quis non videt, Casarem hinc Henrico Angliæ Regi fœdere adstrictum, inde Germanorum potentissimæ, ac bellicosissimæ gentis viribus auctum, Gallias petere? At aliqui ea spe ducentur, bellum hoc neque brevi, neque cito confectum iri, sed grave, ac diuturnum fore. Sed quis vadem se, & sponsores tantæ rei statuit? Magnis viribus Gallias Cæsar aggreditur, incredibili animorum ardore utrinque dimicatur, parvo momento magnarum rerum successus, & mutationes vertuntur: qua-*  
nam

nam igitur ratione victori, atque irato Casari obviam ibitis? Mugnas profecto Venetas vires terra, marique esse exploratum habeo. Casari Gallias invadenti, tot incrementis aucto, minime difficile erit, majori spe subnixo, vestrum imperium adoriri. Hisne tot imminentibus periculis vestra hac in neutram partem propensione occurrere posse arbitramini, qua Casari neque animus, neque vires franguntur; immo hac vestra cunctatione, ac veluti sopore baud mediocriter augentur? Ita sane casu venit, ut qui prudentia nomine capti neutri adhaerent, in utriusque offensam incurrant; dum qui potentia, ac viribus antecellit, injuria se affici, ni suis rebus faveat, qui minus, pollet, ni mature opem ferat, contumeliam sibi illatam existimat; ita neque hostium damna vitantur, neque amici benevolentiae officiis conciliantur. At pulchrum est, dum reliqui in magna rerum turbatione, ac tumultu versantur, quiete, & otio frui. Optime id quidem, nisi falsa tranquillitatis specie certa, ac summa pericula tegerentur, neque secus atque iis contingeret, qui pecunia faenore accepta, securi admodum, & leti fruuntur, donec brevioris commodi, quod adepti sibi fuisset videbantur, acerbis poenas luant. Nec est, quod prudentia nomine nobismetipsis blandiamur, quippe quae in praesentibus recte administrandis non modo, verum maxime in futuris providendis & prospiciendis eluceat; neque is laudis praemium ferat, qui, ut praesentibus commodis fruatur, ultro in ingentes se molestias dimittere velit. Ille potius magnae omnium opinione virtutis laudem tulit, qui nonnulla cum jactura imminetia praecavet malum; peritos medicos imitatus, qui cum propinquum morbum diligenti praesagio persenserint, illius minime adventu expectato, pharmacis, atque aliis ex arte petitis remediis profligare, atque avertere conantur, exiguae, ac cito interiturae ambiguae sanitatis voluptati, spem futurae firmitatis incolumitatis anteferentes. Vos autem in imperio administrando, quibus tot capitum salus innuitur, res tam magnas, tam ingentes fortune committetis, ne paululum ab ea, qua vobismetipsis frui videmini, tranquillitate dimoveamini? prudentiaque, & consilio abiectionis, temporis beneficio acceptam Rempublicam feretis, cum certa illa, ac firmissimis nixa radicibus sint, hoc infirmum; incertum, fallax? Inspicite obsecro, quoniam tempus terendo res

H. Mauroceni T. I.

Qq

ve-

1544 *vestra evaserint, dum frena currenti Caesaris fortunæ injici posse sperabamus, hocque edocti, & commonefacti exemplo, quæ in posterum impendeant, dispicite. Quid enim attinet ea commemorare, quæ Græciæ civitatibus otio, ac quieti indulgentibus evenerint? quæ dum cunctando Philippi Macedonum Regis vires, ac potentiam magnis incrementis augeri, ambiguis distractæ consiliis contemplantur, duriores incuriæ, ac veluti veterni fructus, libertate amissa, præda hostium factæ, tulere. Alia proferre possem, nisi apud eos verba facerem, qui humanos casus, regnorum vicissitudines, rerumque publicarum mutationes solerti prudentia expendere consuevere; qui si ad imperium hoc peremptum, quo Dei Optimi Maximi beneficio fruuntur, oculos obverterint, meminerint necesse est, non otio, non ambiguis consiliis, sed armis, foederibus, Gallica potentia nonnunquam in societatem adscita, partum, augmentum, ac servatum fuisse. Erigite animos, generosos spiritus sumite; quæ mala ex hac consiliorum ambiguitate pendent, expendite; societatem Galliarum potentissimi, & Christianissimi Regis amplectimini. Vestra consilia, vestras opes per me postulat, prudentiæ, ac potentiæ istius Reipublicæ adeo confidit, ut minime ambigendum sit, tot consiliis, ac viribus consociatis, magnum Cæsari obicem injectum iri, ex quo Galliæ, Italiæ, vestræque Reipublicæ securitas obventura sit. Atque ut, quæ Regis mens existat, certius, & exactius intelligatis; Cæsaris potentiam deprimere, latius regni sui fines proovebendi cupiditate minime contendit; sed ut tandem in mensæ illius dominandi libidini modus aliquis, ne in reliquorum perniciem exundet, imponatur. Id vero nulla ratione facilius se assequi posse existimat, quam si parte aliqua regnorum, quæ possidet, atque ea, quæ maxime innititur, exuatur. Neapolitanum regnum, ex quo ingentem quotannis summam argenti vim exhaurit, ex quo magnas copias comparat, aggredi oportere statuit; ni subveniat, cito casurum; si opem ferat, aversis viribus, pluribus in locis Cæsarem vinci, ac proteri posse. Quis vero nescit, in ea gente ingens novarum rerum studium esse, intoleranda servitute, atque insuetis tributis oneratam Cæsaris nomen odisse? Vigent adhuc, & in dies majores spiritus Gallicæ partes sumunt: a cunctis*

re-



rebus ad bellum necessariis imparati Neapolitani sunt, ut vix primum hostium conspectum ferre queant. His accedit, longo terrarum tractu ab aliis Cæsaris ditionibus semotos esse, ut ægre subsidia invehi, facile admodum terra, marique peti possint. Expeditioni Aurelianus filium ducem designat; illi vos adungere socios cupit; ea auxilia, quæ nullo incommodo publico præstare potestis, petit; idque meo veluti jure polliceri possum, vestræ benevolentiae argumenta sibi pergrata adeo fore, ut mirifice se Reipublicæ devinctum fateri debeat. Neque contemnenda hujus fœderis præmia, ac fructus defert, Apulie portus, atque universam oram, quæ, Lautrechio bellum gerente, in vestra potestate erat: ac si quid præterea deposcitis, omnia ab optimo, munificentissimo, atque amicissimo Reipublicæ Rege expectare licet. Amplissimum Galliæ regnum, Regem eximium, filios, & præcipue Aurelianus Ducem, adolescentem supra ætatem omnibus regiis virtutibus ex cultum, demeremini. Hoc fœdere egregium hunc, ac singularem regii Gallici stirpis surculum Italico solo inserere potestis, qui in Italum Principem, Reipublicæque vestræ filium evadet: cum enim prudentia, & virtute mirifice polleat, eos patres, atque sui regni servatores optabit, quorum consilio, & auxiliis imperium adeptus fuerit. Quid vero illud moror, quod in primis summi momenti censi debet, huic fœderi a Republica inito, statim socium Pontificem Maximum futurum, ea perplexitate consiliorum relicta, qua frustra reipublicæ christiana pacem, atque Italiæ quietem speraverat? Quod vobis pro certo minime affirmarem, nisi Pontificis mentem, & voluntatem haud secus, quam Regis, cognitam, ac perspectam haberem. Nemo vero ignorat, quot ex hoc fœdere in commune bonum præsidia sint emanatura; quam alta Galliæ, atque Italiæ securitas, ac tranquillitas sit exoritura. Neque minima e Pontificis ditionibus ad Neapolitanum regnum invadendum adjumenta peti poterunt, vel regionum propinquitate, vel ad hostium subsidia avertenda facilitate, vel sociis, milite, & commeatu juvandis opportunitate. Nullus est enim qui non sibi summa omnia a sapientissimo, eodemque potentissimo Pontifice polliceatur. Vel hoc certe uno eo gratiorem societatem vestram Regi futuram existimare debetis,

1544

betis, quod tantum sibi Pontificem eodem vinculo conjunget : cum e contra, si secus statueritis, multa Regem manere incommoda, & damna compertum sit ; Pontifice ab eo sejuncto, Italiae salute neglecta, Galliae defensione projecta. An vero in postremis decus, & gloriam, quam egregiam, ac præclavam ad vos perventuram certum est, per vos huic provinciae quiete, & tranquillitate parata, ducere debetis ; honesta præsertim in causa, qua Rex ad omnem pietatis laudem natus defenditur ? Caesar Galliarum Regem aggreditur ; Rex se tuetur : Caesar exitium, ac perniciem Regis molitur ; Rex suae, seque servare nititur : abnuat pacem Caesar ; Rex exoptavit, quaesivit : opprimere Regem Caesar contendit ut mox, acerbo jugo Italia pressa, universae christianae reipublicae leges dicat ; dum se Rex defendit, publicam salutem, ac libertatem defendit. Igitur qui aliis, dum summis jactarentur periculis, quammaximam potuit opem tulit, ab Italiae cervicibus magnas calamitates repulit ; is undique petitus, desertus, ac relictus erit ? Potuit Caesar tot sibi praesidia vel ab efferis nationibus, atque a fidei Catholica hostibus ad aliorum exitium conquirere ; nullum Christianissimus Rex auxilium ab Italis Catholicae religionis alumnis, ab hac Republica pro sua, publicaque salute conservanda impetrabit ? Dum, quae in vobis prudentia, virtus, spectata religio virgeat, intueor, quin omnia a vobis obtineam, ambigere non possum. Ne igitur cunctatione utamini, in foedus descendite, ad quod ingens invitat gloria, rapit utilitas, prudentia, & magnanimitas incitant. Christianissimus Rex, quem ex ore loquentem audistis meo, vos rogat ; seque, & potentissimi sui regni vires pro istius Reipublicae incolumitate, atque incrementis adbibiturum omni tempore proficetur.

Senatus responsum.

Patrum animos haud parum vehemens, atque accurata Cardinalis oratio commovere, & ad amico Regi opem adeo enixe petenti ferendam allicere poterat ; nisi summa prudentia subducta, ac perpensa Reipublicae rationes obstitissent, cum ab iis rebus abstinendum esse Senatus censeret, quibus Respublica rursus belli procellis, ac fluctibus jactaretur. Itaque Cardinali responsum est : quod Rex gravi bello premeretur, pro veteri in illum observantia, atque amicitia moleste admodum fer-

ferre, omniaque illi felicia, & prospera percipere. Ceterum præteritis bellis attritas adeo, ac debilitatas Reipublicæ opes esse, ut in novos sese demittere turbines non posset: tantum in præpotenti Rege consilii, ac virium esse, ut ab eo non modo obsisteret, sed etiam vinci hostes posse confideret. Cum hoc Senatus decreto Romam Cardinalis contendit, Pontificemque in Gallorum partes, nimix Cæsaris potentix metu proclinarum animadvertens, ne Regis causæ ulla in parte deesse videretur, Paulique consiliis ad foedus incundum Patres inflammaret, Bartholomæum Cavalcantem, Florentinum exulem, Venetias misit, ut de Pontificis in Gallos animo Patres doceret, atque rursus de foedere negotio instituto, a proposita abducere sententia niteretur. Verum nulla in re immutata consilia, atque animos invenit.

Furebat sub id tempus in Subalpinis, & in Galliis bellum, Cæsareanis ad Ceresolam profligatis, ac cæsis copiis; ad Scriviam vero amnem prope Derthonam, Petri Strozii tumultuario Italarum coacto exercitu, in Pedemontanos contendente, devicto, ac fugato. Cæsar vero, atque Henricus Angliæ Rex adeo acriter in Franciscum conspiraverant, ut diversas illius regni provincias aggressi, haud dubia victoriæ præmia laturi viderentur. Hinc Cæsar totius Germaniæ atque Hispaniæ robore suffultus, inde Henricus ceteris Angliæ Regibus, qui arma in Galliam intulissent, gravior genti, ac formidolosior; quod Regis Scotorum obitu, domestico metu, atque periculo liberatus esset, auroque, & militum ferocia plurimum posset. Cæsar Lucemburgum, Leucorum urbem, quam Aureliani Ducis virtute paulo ante Galli in suam potestatem redegerant, per deditionem recepit; mox Mosæ flumine superato, Comerisium ultro se dedentem obtinuit. Ligninio, adunato exercitu, vita tantum oppidanis concessa, potitur. Inde ad Sandesirium, a Sancti Desiderii templo ita a Gallis appellatum, castra promoveri iussit, oppidum prope flumen Matronam situm, quod illi a septentrione pro munimento est, cum silvarum densitate a reliquis partibus circumvallatur. Magno illud tormentorum impetu quassatum, irruptio ingenti Cæsareanorum damno tentata, cuniculis sub terram suffosis frustra actum, obsidione demum circumfessum, cum tormen-

H. Mauroceni T. I.

Qq 3

tarius

1544

Pauli Pontif. in Gallos propositio.

Bartholomæus Cavalcantius a Cardinali Arestino Venetias missus.

Cæsareani ad Ceresolam a Gallis profligati.

Petrus Strozzi a Cæsareanis prope Derthonam victus.

Cæsar &amp; Angliæ Rex in Gallias bellum inferunt. Cæsari propositus.

1544 rarius pulvis propugnatores deficeret, hostium vi non expectata, ni duodecim dierum spatio, quo induciæ essent, Rex opem ferret, sese dedidere: subsidio minime illato, Sanserius præfectus hosti tradidit. Inde intimius in Gallias exercitum Cæsar Matronæ amnis ripas perlustrando inferre statuit; Rege ab altera fluminis parte castris promotis, sese obijiciente, ut, si Cæsar ponte, aut vado trajicere milites conaretur, in margine obsisteret, præliumque committeret. Inter ea Lutetiam rumore perlato, Cæsarem, nullo obsistente, victoriæ cursu cuncta proterentem, haud procul esse; tanta amplissimam totius Europæ civitatem consternatio, ac metus invasit, ut neque Principum auctoritate, neque minis perterriti populi tumultus, ac fuga sisti posset, nisi ingens in ea urbe studiis incumbentium multitudo armata, ac Regis cum copiis adventantis nuntii inconditæ plebis timorem repressissent. Atque eodem fere tempore Henricus, trajecto exercitu, Bononiam acri obsidione urgebat.

*Parisiensis  
consternatio.*

*Bononia ab  
Anglobis obsessa.*

Verum dum crudelibus bellum incendiis exardesceret, repente summa cum omnium admiratione pax est consequuta, de qua priusquam Sandesirio Cæsar potiretur, Bertovilla eques, Lingnini captus, ac postea dimissus, sermonem injecerat; & mox ob eandem causam Caroli soror, Galliarum Regina, in Cæsaris castra Gabrielem Gusmanum, Hispanum, Dominicanæ familiæ, miserat. Is ut Principum animos ad concordiam flecteret, omni opera adhibita, tantum, sæpius hinc atque inde ventitando effecit, ut, cum Hanebaldus Galliæ Admirallius, Bajardusque a secretis cum Granvelano, ac Ferdinando Gonzaga convenissent, de concordiæ conditionibus invicem colloquuti, tandem pacem his legibus sancirent: *Ut, veterum contentio-  
num, atque odiorum memoria prorsus deleta, & extincta, quæcumque post inducias Nicææ pactis utrinque occupata fuerant, restituerentur. Si quæ difficultates intercederent, eæ Cameraci per arbitros definirentur. Carolo Sabaudie Duci, quæ vel in Allobrogibus, vel in Subalpinis a Gallis adempta fuerant, oppidis nonnullis exceptis, quæ jure ad se spectare Franciscus dicebat, redderentur. In bellum Turcicum certum peditum, atque equitum numerum præstaret. Filiam Carolo Aureliano Duci, regis filio, Cæsar nuptui daret, cui Belgium*

*Pax inter  
Cæsarem &  
Galliæ Regem.*

gium *dotali nomine accederet; vel filiae loco Ferdinandi fratris, Pannoniae, Boemiae, atque Austriae Regis, natam connubio jungeret; Insubrumque imperii titulos dotis jure conferret. Donec is masculam suscepisset prolem, Mediolani, Cremonaeque arces penes Caesarem essent, quadrimestri spatio adjecto, ut Caesar utrum mallet, decerneret.* Sociorum, atque amicorum foederibus comprehensa nomina fuere. Henricus Britanniae; Sigismundus Sarmatiae; Joannes Lusitaniae; Christiernus Daniae Reges; Germaniae procures, qui Caesaris creandi jus obtinent; tredecim Helvetiorum reipublice pagi, quibus Rhætorum trino foedere sociata gens adnectitur. In Italia vero Carolus Allobrogum; Cosmus Medices Florentiae; Hercules Atestinus Ferrariae; Guidobaldus Urbini Dux; Genuensium, Senensium, & Lucensium civitates. Veneti uti Caesari, ac Regi pariter amicitia conjuncti nominatim iis foederibus adscripti fuere. De Pontifice vero, nisi religionis cultus rubore quodam Principes perfudisset, nulla mentio habita foret, cum ambo parum propensam in eum voluntatem gererent; Galliarum Rege conquerente, quod ingentibus periculis circumsepto, inani verborum jactatione contentus, nullam sibi opem tulisset: Caesare vero, quod Gallis favendo, suis conatibus adversus, sibi que infensus extitisset, ne re, quod maxime optaverat, Gallo praestaret, metu impeditum fuisse. Moronus vero, ac Grimanus legati ad pacem tractandam in Galliam a Pontifice missi, Lugduni nuntio pacis accepto, agere, ut Pauli ratio haberetur, impetrare potuerunt. His itaque conditionibus xiiii. kal. octobris, quarto & quadragesimo anno supra quingentesimum ac millesimum a partu Virginis, pax apud Crepinium, in Suessionibus oppidum, inter Caesarem, ac Regem inita est, quae cunctorum excepta plausibus paucis mortales summo gaudio affecerat: magna in orbe christiano publicae laetitiae signa edita; Deo Optimo Maximo ac Caesaribus supplicationes habitae.

*Moronus &  
Grimanus  
Card. ab  
pacem in Gal-  
liam missi.*

Sed qui Regum ingenia, praeteritos eventus, aut superiores, aut pares difficulter pati assuetas mentes inspiciebant, vix sibi suaderi poterant, Caesarem aut Belgico patrimonio, quo amplitudo Austriae domus niteretur, atque prope in visceribus Galliae esset, decessurum; aut Insubrum impe-

1544 rium, pro quo tantum laborum, impensarum, ac molestiarum insumpserat, Gallis collaturum; mirandumque videbatur, Cæsarem Britannico foedere, Germanicæ gentis robore subnixum, in Gallico solo victoria elatum, ad eas condiciones pacis descendisse, quibus victus potius, quam victor videretur, Rege illius, quod bello nunquam assequi potuerat, compote per concordiam facto, ut necessitate coactum cum Rege transegisse plerique crederent; neque diuturnam pacem fore arbitrarentur; cum verendum esset, ne, ut sunt Gallorum subita, atque novarum rerum cupida ingenia, Mediolani imperio parto, eo minime contenti, latius in Italia dominari, ac extincta fere Neapolitani regni jura, novo hoc principatu aucti, rursus excuscitare vellent; cum Allobrogum Duci, licet pristino imperio recepto, tot vires non sufficerent, ut Regi posset obistere, atque in assidua rerum suarum hæsitazione, & metu versari cogeretur. Interea, dum pax inter Cæsarem, ac Regem agitaretur, Britannæ Rex a consiliis pacis alienus Bononiam expugnaverat, atque Anglicis præsiidiis confirmaverat; Motrellumque oppidum valde munitum aggressus, magna vi oppugnare cœperat. Cum universæ fere Gallorum copię Cæsaris metu liberatæ eo contendissent, Rex, Motrello relicto, Bononia commeatu, ac bellicis apparatus munita, Cæstum, inde in Angliam profiscitur, universis Gallorum copiis, Delphino Regis filio Duce, Anglorum discedentium vestigiis ita insistentibus, ut novissimum pene agmen consequerentur, multisque farcinis exuerent, conversisque signis, Bononiam inopinantem adorirentur.

*Bononia ab  
Anglis expugnata.  
Henrici  
Regis in  
Angliam  
reditus.*

Antequam pax confecta esset, post annum, quo Provinciam multis incommodis, atque oneribus affecerat, Chariadenum dimittendum Rex censuit. Is a Stechadibus insulis ad Sabatia vada, mox ad Ilvam insulam contendit; inde Telamonem delatus diripuit; Herculis portum incendit; Orbatello frustra tentato, Egelium insulam vastavit, oppido expugnato, multos mortales captivos fecit; indeque in Aenariam insulam directo cursu exscensione facta, omnes propemodum incolas in servitutem abduxit. Eadem acerbitate in Prochyta usus, in Puteolanum sese sinum invexit, Puteolosque expugna-

*Chariadenum a Gallis dimissus Italia eras diripit.*

gnare conatus, cum irrito eventu res cessisset, Brutianis deformatis litoribus, magna præda abducta, Liparæ adiens, oppidum obstinata adeo, atque terrificæ oppugnatione concussit, ut incolas ad deditionem compelleret, quos adversus jusjurandum abripi, & in triremes invehii jussit, ut ingentis suppellectilis, & captivorum præda onustus Byzantium rediret. Inde protenso navigationis cursu, cum Corcyram deflexisset, amice a Reipublicæ magistratu salutatus, nulla incolis injuria illata, Byzantium iter arripuit, Polino cum Gallicis quinque triremibus, ac nonnullis navibus Naupactum usque comitante: atque ita Turcicæ classis metu Mediterrancæ maris oræ, Italiæque litora omnino soluta sunt.

Ab acerrimo igitur bello ad pacem Regum revocatis animis, & barbarorum classibus intra Helleſpontum subductis, respirare christiana respublica videbatur, cum bellorum reliquæ, in extremi Belgii finibus Anglo, atque Gallo dimicantibus, infedissent. Ceterum obortæ tranquillitatis spei haud parum officere duo conspiciebantur; alterum dissentientes de religione sententiæ; cum perniciosis imbuta erroribus, invicem Germania dissideret, jamque virus in dies adeo se efferret, atque obreperet, ut Galliæ, & Italiæ quoque imminere videretur; ad quod propellendum, & extinguendum vehementioribus, atque acrioribus remediis opus esset: alterum vero belli Turcici suspicio, cum assiduus rumoribus increbresceret, maximos a Suleimano ad Pannoniam, & Daciam proximo vere invadendam apparatus fieri; qui licet summam ex Christianorum Principum nuper inita concordia molestiam percepisset, majores undique vires cogebar, quo graviolem Austriacis timorem incuteret. Itaque Vormaciæ conventus indictus fuerat, ubi Ferdinandus Romanorum Rex, & Granvelanus Cæsaris nomine, qui tunc, ne Bruxellis discederet, podagra derinebatur, affuere. In eo cum nihil vel ad religionis controversias definiendas, vel ad Turcarum vim avertendam perficeretur, certos homines, qui de concordia agerent, Cæsar, ac Ferdinandus mittere Byzantium decrevere; quod certius ut assequerentur, ad explorandam Suleimani mentem, atque ad tutum iter conficiendum publicam fidem poscendam a Francisco Rege nuntium mitti petiere. Id cum haud

1544

Liparæ a  
Chariadeno  
capta &  
direpta.

Polinus cum  
Gallicis tri-  
remibus  
Naupactum  
usque Chari-  
adenum  
comitatur.

Vormaciæ  
conventus.

Franciscus  
Rex Vignis  
in Cæsaris  
gratiam  
Byzantium  
mittit.

gra-

1544 gravate se facturum polliceretur, Vigneum, ex Gallica nobilitate virum, ad Suleimanum designavit, atque per Monlucium legatum Senatui significavit:

M. D. XXXXV.

1545

**A** Gallorum Regum pietate, ac religione nunquam se deflexisse; societatem, atque amicitiam cum barbaro Rege coluisse, qua, si occasio sese objiceret, ad Christianorum Principum commodum uteretur: id nunc usu venire, ut, Cæsare, ac Ferdinando cum Suleimano inducias pacisci cupientibus, Vigneum summis itineribus Byzantium contendere juberet, quo tuto itineris habendi facultate impetrata, reversus, Cæsaris legato una comes accederet. Hieronymus Adurnus Ferdinandi nomine e Vienna urbe per Daciam, ac Mœsiam Byzantium proficiscitur, statimque pestilentia correptus excessit. Cæsar Gerardum Vellvicum, insigni eruditione, & linguarum scientia præditum, ad Suleimanum misit; qui Venetias accedens, una cum Monlucio Regis legato Venetis triremibus Epidamnum devectus est. Adurno defuncto, Nicolaus Siccus a Ferdinando sufficitur; ei quoque triremes, quæ in Illyricum ducerent, a Senatu datæ. Id vero Regum nomine a Venetis petierant, ut legato in mandatis darent, quibuscumque posset officiis, quæ pro Cæsare, & Ferdinando Byzantium negotia agerentur, juvaret. Hoc Senatus amicis Regibus facile præstitit; legatum admonuit, ut in iis peragendis summa prudentia, ingeniique dexteritate uteretur, ne, inclinatis ad suspicandum gentis animis, de Reipublicæ mente hæsitatio injiceretur; cum satis constaret, non deesse qui Venetis maligne obrectando, Suleimano suspectos reddere conarentur; infidam illorum amicitiam, nutantem pacem asserentes, ut inde a barbaris cuncta Venetorum consilia, atque acta exactius observarentur.

*Traditiones inter Ferdinandum Regem & Venetos de finium controversiis dirimuntur.*

Sub id tempus de finium controversiis inter Ferdinandum, ac Rempublicam denuo agitari coëptum est, Cæsare ad id cohortante, ut deterfis undique simultatum causis, firmioribus nixa radicibus pax, atque amicitia in dies incrementa sumeret. Velle se, ut quæ ad Maranum oppidum spectarent, ea

ita



ita componerentur, ut satis Reipublicæ fieret : neque ab eo Ferdinandus frater dissentire videbatur. Itaque Regum fratrum nomine Antonius Queta Venetias advenit : Francisco Contarino, ac Hieronymo Grimano, qui Francisco Sanuto vita functo suffectus est, negotii pertractandi mandata dantur, ut ea, quæ Tridenti agitata fuerant, perficerentur. Francisco Michaelio fisci advocato, ac Justinopolitano magistratui mandatur, ut cum Cæsaris legatis de Histriæ provinciæ finibus decernerent. Civialis quoque Carnici magistratui, Vicetiæ, ac Veronæ præfectis, ut in eorum finibus idem efficiant, præcipitur. De Marani oppido in Cæsaris aula disceptari placuit; quinque supra septuaginta aureorum millia, reliquis sublati controversiis, Veneti ex Bononiensi fœdere se soluturos pollicentur. Hæc Byzantium perlata, malevolorumque hominum vocibus, ac vanis, ut plerumque sit, rumoribus aucta, Turcarum animos permovebant, quod Rempublicam Ferdinando, & Cæsari in eorum exitium conjunctam suspicarentur, pecuniamque ad cogendas, atque instruendas copias a Venetis Cæsari ministrari dicerent, licet veritatis lumine quæ Reipublicæ officere videbantur \*. Ceterum magnis curis Patres sollicitabantur, veriti, ne proferendi imperii cupiditate, quietis impatientes Principum animi ad aliorum perniciem, ac præsertim Italiæ eximio concordiæ bono abuterentur; cum Cæsar se Aureliano Duci, Regis filio, cum Insubrum dote neptem, aut filiam nuptui daturum tandem statuisset. Itaque quo belli suspiciones ab Italia averterent, Byzantinis induciis caveri curabant, ne earum tempore Cæsari, ac Ferdinando Italiam armis laceßere liceret. Rustenus nominatim Venetis, uti Regis amicis induciarum legibus caveretur, se velle significavit. Si quis adversus eos arma movisset, is fœdera violasse censerebatur. Inde subobscuris illata sermonibus quorundam animis dubitatio irrepsit, Venetos occulto induciis adversari : quæ res Cæsarem permovit, ut Mendozzium legatum Tridento, ubi tunc erat, Venetias reverti juberet. Is Senatus auctoritatem, atque operam ad inducias perficiendas petiit, ut amicam Rempublicam Cæsarem nominaturum pollicitus. Senatus, ne Cæsari deesset, omne studium, ut induciæ perficerentur, adhibeat, legato apud Sulcimanum mandat. Sed re Byzantii agi-

*Cæsar filium  
aut neptem  
Duci Aureliano cum  
Insubrum  
dote conjugere decernit.*

*Turca Venetos induciis componendi vult.*

*Mendozzium  
a Cæsare  
Venetias  
mittitur.  
Inducia  
annua inter  
Austriacos  
& Turcas.*

1545 agitata, ad annuas tantum inducias deventum est, quibus elapsis, denuo missis legatis, de iis prorogandis ageretur.

Cæsar suspicione Turcici belli solutus, multa animo de componendis religionis dissidiis, de sedandis Germaniæ tumultibus agitabat; cum eo res devenissent, ut, nisi constanter admodum, atque intrepide ingruenti malorum cumulo obstitere, Divina omnia, atque humana acri disiecta tempestate permixtum iri animadverteret; cum præcipui Germaniæ procures, & civitates, avita abjecta religione, sacris immutatis, libertatis specioso nomine illecti, a cervicibus Imperii jugum excutere viderentur: ac Cæsar, qui, ut illos sibi conciliaret, Tridenti Synodum haberi, non absque Summi Pontificis querelis, statuerat; cum nihil se profecisse ob id intelligeret, Didacum Mendozzium, apud Venetos oratorem, Tridentum proficisci jussit. Quo frenum exultanti, cunctaque audenti licentiæ injiceret; elatos nimium, Romanoque Pontifici adversos animos coaceret; alia via incedendum ratus, armis agendum esse censebat; idque eo facilius se consequi rebatur posse, quod, induciis cum Suleimano pactis, pace cum Gallis firmata, totus jam in hoc bellum incumbere poterat. Sed Aureliani Ducis obitu, repente magna mutatio rerum omnium sequuta est, qui in ætatis flore gravi valetudine correptus intra paucos dies, incredibili Francisci patris dolore, extinctus est, qui temporis momento orbatum filio, magnis imperii incrementis se exutum animadverteret. Quocirca denuo recrudescere bellum, iisdem jactari fluctibus christianam rempublicam pertimescendum erat; ni bellum Anglicum, in quo ingentes thesauros Rex absumpserat, avertisset, quod hinc atque inde fessis populis haud diuturnum fore credebatur; jamque de concordia utrinque agi per certos homines, induciis trimestribus pactis, coeptum erat.

Ita quiescentibus armis, non sine adventantis belli suspitione, ac metu annus præterlabitur, quo Respublica, pace licet frueretur, in Jaderensium finibus molestia vacua non fuit, cum finitimi Mœsiæ, & Clissæ præfecti, male in Venetos animati, prædæ spe ducti, partem agri Jadertini occupare niterentur, in qua novem supra quadraginta pagi continebantur, quos ad Nadini, & Lauranzæ oppida, nuper in Suleimani potestata.

*Aureliani  
Ducis obitu.*

*Inducia inter  
Gallia  
& Anglia  
Reges.*

*Turcarum  
præfecti a-  
gro Jader-  
tino occu-  
pare conan-  
tur.*

testatem redacta, spectare contenderent, atque incolis gravissimis minis, ac pœnis, ne ulli, præterquam Sulcimano obtemperarent, interdixerant. Nova hæc, & inopinata Venetis cum rei ipsius gravitate, tum Jaderæ civitatis tuendæ causa fuere. Verum id jus Reipublicæ iis in locis erat, ut cum circumjectus ager ad urbem, non ad minora oppida pertineret, præfectorum tantummodo libidini, atque avaritiæ obfistendum esset. Re cognita, Sulcimanus negotium ad Chersegi præfectum, ac duos judices, quos *Cadi* Turcæ vocant, rejicit, qui cum Venetis ea de restituerent. A Patribus negotium Marco Antonio Franciscio, scribæ a Secretis, committitur, qui Byzantio a legato in Illyricum hujus ipsius negotii causa missus fuerat: sed res diu multis contentionibus extracta non nisi post aliquot annos perducì ad exitum potuit. Hoc eodem anno Petrus Landus, Princeps, senio confectus, nam quintum & octogesimum annum exegerat, ex humanis excessit, magistratibus domi, ac foris integre, & prudenter perfunctus, cum sex annos, decemque menses Rempublicam gessisset: in funere a Michaele Barocio laudatus est, in divi Antonii Fano conditus: duæ pro foribus illius marmoreæ inspiciuntur statuae; altera classis imperatorem, altera Principem exprimit. In defuncti locum Franciscus Donatus summo Patrum consensu Princeps creatus est.

1545

*Sulcimanus  
Chersegi  
præfetto,  
Veneti  
Marco Antonio  
Franciscio negotium  
finium demandat.*

*Petri Landus  
Principis  
obitus.*

*Franciscus  
Donatus  
Princeps  
creatur.*

## M. D. XXXXVI.

**Q**ui Principum animus, quive reipublicæ christianæ status esset, ineunte anno M. D. XXXXVI. ambigendi locus non erat; in Cæsare, ac Rege, Aureliani Ducis obitu, consopita veterum injuriarum semina reviviscere cœperant. Spe Mediolani potiundi Rex dejectus, Allobrogum Duci Subalpina oppida pernegare; Cæsar Germaniæ tumultibus distineri, iisque, ne statim in Regem arma converteret, remorari. Inter hæc Pontifex Farnesiæ familiæ amplificandæ desiderio æstuarè: novo, atque inexpectato consilio Parmæ, & Placentiæ urbes Petro Aloysio filio beneficiario jure tradiderat, ea conditione, ut singulis annis octo aureorum millia pensionis nomine Ecclesiæ penderet, Camertiumque principatum, ac Ne-

1546

*Franciscus  
Rex Cisal-  
pina oppida  
Allobrogum  
Duci denegat.  
Paulus Papi-  
stifex Parmam  
& Placentiam  
Petro Aloy-  
sio tradit.*

pc

1546 pe jura , quæ paulo ante Octavius filius obtinuerat , eidem cederet . Quæ adeo molesta Cæsari fuerant , ut nullis officiis adduci posset ad earum civitatum titulos Petro Aloysio concedendos , quos ab eo Pontifex , uti Insubrum Principe , petebat . Varia igitur animo agitare ; Cæsari , ac Regi æque suspectus esse ; Venetis ea pericula ob oculos ponere , quibus Italia , inter Gallos , atque Anglos pace facta , Cæsare Ratisponensibus comitiis Germanorum Principum perdomitis animis , obiceretur : nulla re magis imminetia hæc mala averti , aut propelli posse , quam si confociatis consiliis , ac viribus cum sanctissima Apostolica Sede Respublica in Italiæ incolumitatem , ac dignitatem incumberet . Atque ad prospensum illius in Venetos studium declarandum , ut Petrus Aloysius filius legatum ad Senatum mitteret , curavit . Fuit is Augustinus Landus , per quem Petrus Aloysius initam dignitatem Patribus significavit , seque , & ditiones suas Reipublicæ detulit . Utrisque gratiæ actæ . Ceterum sicuti ea vehementer a Senatu Pontificis consilia probabantur , quibus Italiæ salutis , ac tranquillitati prospiceretur ; ita ab iis abstinebat , quæ ad novas res illius animum magnis æstuantem curis , atque ad evehendos domesticos impensissime intentum magis incenderent ; rerum usu edoctus , eam pacis retinendæ optimam rationem esse , qua cum Regibus amicitiam servando , nulli plus æquo adhæreret , seduloque suas ditiones protegeret . Quapropter Guido Ubaldus , Urbini Dux , copiarum præfectus , qui *Gubernator* vulgo dicitur , creatur . Quindecim aureorum millia , quibus centum caraphraecos , totidemque levioris armaturæ equites aleret ; quinque vero millia illi stipendio tribuuntur : tempore belli dena millia insuper adjecta , ea lege , ut levioris armaturæ equites alios centum adduceret : ad alendos equos assignatæ in menses septuaginta partes e tributis , quæ singulæ libris quattuor pecuniæ minutæ circiter extimantur . Is honore hoc auctus Venetias accessit , atque in divi Marci basilica de more imperatorum vexillum ingenti populi plausu , ac lætitia a Principe accepit .

*Augustinus  
Landus a  
Petro Aloy-  
sio Formoso  
Venetias  
missus .*

*Guido  
Ubaldus ,  
Urbini Dux ,  
Venatarum  
copiarum  
præfectus  
eligitur .*

Interea Cæsar , Ratisponæ indiçis comitiis , Germanos vocaverat , ut de iis , quæ ad religionem attinent , ageretur . Verum quamvis ipse præsens adfuisset , ut Principes , qui *Pro-*  
*testan-*

*testantium* nomen usurpabant, eo convenirent, obtinere non potuerat; ita ut, colloquiis nonnullis in ea civitate habitis, irrito conatu, magna cum acerbitate animorum, discederetur, majoribusque in dies difficultatibus religionis negotium implicaretur; ac qui primo, Tridenti Concilium ut cogeretur, poposcerant, examinatisque, & discussis controversiis, ab illius decretis minime recessuros affirmarant, nunc Germanicæ nationis Synodum flagitabant, qua peracta, liberum Tridenti Concilium haberetur. Ea res cum haud parum Cæsaris animum commovisset, nullumque diffidiis exitum speraret, nisi armis ageretur, Pontificem libentius audire coepit, qui, ut se metu Concilii eximeret, ac filium in Parmæ, & Placentiæ civitatum possessione confirmaret, haud exigua cum pecuniæ, tum militum subsidia, quidquid viribus, quidquid auctoritate posset, ad gravissimas controversias bello definiendas pollicebatur. Cæsaris animum jam plerisque Principibus, & Germaniæ civitatibus infensum incendebat; generoso impetu ad Imperii dignitatem, quam infidi homines proterere conarentur, defendendam hortabatur: nihil prætermittebat, quo stimulos per se incitato & currenti adderet. Verumtamen ex iis, qui circa Pontificem assidue versabantur, plerique maxime intimi atque necessarii, nimium ardentes Pontificis spiritus sedare, atque a bello avocare nitebantur, cum illius eventus in utramque partem versando, atque expendendo periculi plenos prospicerent. Si Cæsari victoria afflaret, timendum esse, ne tanta inde illi potentia, & vires accederent, ut Ecclesiæ, atque adeo Italiæ universæ formidolosus evaderet; cum ea sint hominum, ac præsertim Principum ingenia, ut nullis prosperis rerum, & quantumvis felicibus eventis ad majora adspirantis animi libido flagrans extinguere nequeat. At si contra accideret, verendum, ne, victo Cæsare, ac profligato, ferocissimæ Teutonicorum gentis incredibili odio in Summos Pontifices debacchantis exercitus, jugis superatis Alpium, in Italiam descenderent, illamque terrificis excursionibus percurrendo, Romam religionis caput invaderent.

Verum ita Pauli Pontificis menti Germanica expeditio infederat, ut quidquid moræ injiceretur, id omne victoriæ cursum remorari arbitraretur. Cæsar itaque cum Pontifice sœdus adver-

1546

*Protestantes  
nationis  
Germanicæ  
Synodum &  
postea Tri-  
denti Con-  
cilium po-  
stulant.*

*Paulus Pon-  
tificem Cæsa-  
rem ad bel-  
lum contra  
Protestantes  
accendit,  
subsidia pol-  
licetur.*

*Pauli Pon-  
tificis neces-  
sarii illum  
a bello avo-  
care nitun-  
tur.*

1546  
Paulus Pontifex &  
Cæsar sedus ad-  
versus Germanos inest.

Ottavio  
Farnesio  
Pontificia-  
rum copia-  
rum impe-  
rator.

Alexander  
Vitellius pe-  
ditum, Jo-  
annes Ba-  
pista Sa-  
bellus equi-  
tum præfe-  
cti.

Germania  
Principum  
belli ap-  
paratus.

adversus Germaniæ Principes, & civitates iniit : eo vero Ve-  
netos comprehendi obstinata adeo multorum adseveratione vul-  
gatum fuit, ut Reipublicæ legati, qui Ratisponæ tunc erant,  
Senatui significaverint, Cæsaris copiis quinque millia Veneto-  
rum peditum adscripta nominari. Pontifex, quod valde ho-  
noricum sibi esse arbitraretur, adversus Romanæ Ecclesiæ hos-  
tes bellum gerere, in ecclesiasticis ditionibus, atque in He-  
truria delectus militum haberi iussit : duodecim peditum mil-  
lia, equites quingenti conscripti fuere ; iis cum summo impe-  
rio Octavium Farnesium nepotem præfecit ; peditum præfeda-  
ram Alessandro Vitellio, equitum Joanni Baptistæ Sabello tri-  
buit. Copiæ Bononiam convenere. Pontifici petenti, ut per  
Veronensem agrum in Rhætos se conferre possent, satis a Se-  
natu factum est. Commectus abunde ejusdem jussu in itinere  
suppeditatus. Idem quoque iter Cæsareanis militibus, Senatu  
jubente, patuit. Ad Cæsaris exercitum variæ ex multis regio-  
nibus copiæ affluerant ; ex Pannonia, Hispania, Gallia Cisal-  
pina : complures etiam ex Germania, e Norico, Sicambris, ac  
Sennonibus, ut ad quadraginta peditum, & quinque equitum  
millia conficerent. Eodem tempore Joannes Federicus, Saxo-  
num Dux, & Philippus Hessiæ Landgravius, foederis principes,  
Germaniæ civitates, ac procures ad societatem sollicitabant,  
copias parabant, Germanicam se libertatem tueri dicentes ;  
quos sibi adjunxerant, eos fideles Imperio futuros jurejuran-  
do obstringentes, quod Carolus per vim occupare, ac suæ di-  
tionis facere niteretur. In hoc cunctis, & Germanicæ præfer-  
tim genti pergratum libertatis nomen facile consensere ; Vi-  
tembergæ Dux, Comes Palatinus, Augustæ, Argentorati, Ul-  
mæ, Francofurti, Norimbergæ civitates. Ulmæ comitiis voca-  
tis, legatorum undique magnus concursus fuit : de belli ap-  
paratu actum ; nec multo post copiæ Donavertum ad Danu-  
bium prope Noricum tanto numero convenere, ut ad pedi-  
tum octoginta, equitum decem millia accederent ; tormenta  
bellica centum ac triginta numerarentur. His subnixi Cæsa-  
ris vires frangere posse sibi persuadebant, tantumque in non-  
nullis spes sese offerebat, ut imparatum, atque immunitum  
nullis prope Germanici roboris copiis succinctum, Germania  
prorsus exturbari, & excludi posse arbitrarentur.

Atque

Atque ut externos milites, ac præsertim Italos averterent, ad Senatum literas officii, atque observantiæ plenæ Ulma comitiorum nomine dedere, quibus ab amica Republica, quam summo semper studio a Germanis cultam fuisse testarentur, peterent, ne iter per suos fines iis copiis concederet, quas in eorum exitium Cæsar ducturus esset, ut Germanicam non modo gentem, sed cunctas provincias intolerando iugo servitutis opprimeret. Iis literis Senatusconsulto responsum est; per gratam nobilissimæ gentis, ac Principum Venetæ Reipublicæ amicitiam semper extitisse, atque in posterum fore; paribus illam benevolentiam, atque honoris officiis coluisse. Ceterum quod planæ, atque apertæ Reipublicæ ditione sint, ni magna armorum vis adhibeatur, transitum militibus intercludi non posse; id tantum adversus hostes facere Rempublicam consuevisse. Ac paulo post Saxonum Principis, & Philippi Lantgravii literæ, quas Balthassar Alcherius, Britannicæ Regis a secretis, Patribus detulit, supervenere, in quibus arma pro libertate se induisse affirmabant, centumque aureorum millia mutuo a Venetis petebant. Ad hæc Senatus, omnia Principibus felicia, ac prospera se optare; ne quæ flagitabant pecuniæ subsidia præstaret, pace, quæ cum reliquis illi intercederet Principibus, quam conservari omnino vellent, detineri: si secus faceret, atque ob eam causam bellum subiret, eisdem pro illorum in Rempublicam benevolentia molestum futurum. Per eos quoque dies ab Augusta Vindellicorum civitatis nuntii cum literis urbem adiere, quibus mercatores, ac negotiatores suos, quorum complures Venetiis morabantur, & quotidie ob Germanicos tumultus frequentiores, ut sibi, rebusque suis tutius consularent, confluebant, enixe commendabat. His perbenigne a Senatu responsum est, Augustanos cives, Germanosque omnes haud vulgaribus benevolentiam officiis exceptos, atque uti Venetos semper habitos fuisse; idem in posterum se facturum, & publica æquitate, ac liberalitate rebus eorum consulturum.

His fœderatorum Germaniæ Principum literis, ac nuntiis nonnulli in suspensionem adducebantur, Venetos, qui nimiam Cæsaris potentiam vererentur, occulta Principibus de ratione belli administrandi consilia dedisse. Augebantur ambigendi

*H. Mauroceni T. I.*

R r

causæ,

1546  
*Germanorum  
Principum  
ad Venetos  
literæ.*

*Senatus re-  
sponsum.*

*Balthassar  
Alcherius  
ad Venetos  
literas Saxo-  
norum Prin-  
cipis &  
Lantgravii  
affert.  
Senatus re-  
sponsum.*

*Augusta  
Vindellico-  
rum nuntii  
Venetias  
adveniunt.*

1546  
Suleimani  
nuntii Ve-  
netias ad-  
ventus.

causæ, quod sub id tempus Suleimani nuntius, quem *Cbiausum* vocant, Venetias accessisset: quamobrem & Germanorum procerum, & Turcarum Cæsaris infensissimorum hostium viribus ad illius auctoritatem, ac nimium sese extollentem potentiam obtundendam, & debilitandam uti Venetos, falso jabant. Obrepfit quoque ea suspicio Cæsaris animo, qui Ratispontæ Bernardo Naugerio, ac Dominico Mauroceno legatis ad se vocatis, ea omnia exposuit, perque Mendozzium oratorem Senatui significavit. Verum haud difficile fuit maligne inustam Reipublicæ notam detergere; cum Cæsaris hostibus de pecunia minime commodatum esse constaret; immo iter copiis per Venetos fines concessum fuisset: Suleimani vero nuntius, ut de Illyrici finium controversiis cum Patribus ageret, Venetias venisset; quibus intellectis, magnam animo cepisse voluptatem Cæsar visus est. Dum summa contentione, ac studio utrinque ad tantum bellum necessaria compararentur, repente rumor undique pervasit, Cæsarem concordiam cum Germanis iniisse, pro qua conficienda missis ultro citroque nuntiis, agitatum fuisse certum erat. Inde suspicio non levis Patres incessit, cum repletam magnis Italiam copiis animadverterent, quæ reliquis Italis Principibus imparatis, quoquo se verterent, magnos motus, rerumque perturbationes essent edituræ. Itaque ad omnes eventus comparare se, atque instruire. Pontifex, quo Patribus omnem hujuscemodi suspensionem depelleret, Reipublicæ legato ostendit, se Italiæ tranquillitatis, ac quietis studiosum semper fuisse; illi noctes, diesque animum, & operam dedisse, quæcumque ad incolumitatem, atque incrementum Reipublicæ spectarent, sedulo meditatam: de sua igitur voluntate minime ambigerent; communibus cogitationibus, & consiliis utrasque tum Ecclesiæ, tum Reipublicæ ditiones, atque adeo universam Italiam conservari posse.

Clusa, &  
Fieffa a  
Germanis  
capta.

Verum negotio pacis turbato, Germani, qui *Protestantes* vocabantur, ut Italarum copias, quas adventare in dies afferebatur, Germaniæ itinere intercluderent, ex Augusta, Ulma, & Vitembergicis ditionibus, Clusam, inter montium angustias sitam arcem, contendunt; quæ statim deditione ab iis recepta est, præsidioque illi, & Fieffæ, quæ duo omnino viæ sunt,



sunt, quibus ex Italia in Germaniam iter habetur, imposito, discessere. Sed Pontificiæ, ac Cæsaris copiæ, itinere ad Oenipontem verso, in Noricum se inferunt; inde Ratisponæ reliquis Cæsaris copiis adiungunt. Cæsar cum universo exercitu, ac triginta sex æneis tormentis adversus hostem, qui tunc circa Ingolstadtium morabatur, proficiscitur: oppidum occupat; loco opportuno castrametatur, atque prope adeo ex utraque parte Cæsaris, atque hostium castra erant, ut ad tormentorum jactum consistentibus, justis prælii minime periculo facto, minutis tantum certaminibus dimicaretur, magnaue globorum vis hinc, atque inde terribili fragore jaceretur. Hoc ingenti totius Germaniæ tumultu, ac diffidiis exortum bellum cum exitum habuit, ut cum paulatim hostes debilitare, quam certaminis aleam subire satius esse Cæsar arbitraretur; terrorem sæpius incutiendo, nonnulla oppida vel deditione, vel vi occupando, eo foederatos adegerit, ut vel pecuniæ difficultate, vel tributorum acerbitate dissentientes jam laborarent, ac pristinum vigorem remitterent. Cum vero Ferdinandum, a Mauritio Saxonum Duce adjutum, Joannis Federici ditiones cum magna militum manu ingressum nuntiaretur, tantus terror hostes affecit, ut ingens illorum exercitus, compluribus signa deferentibus, ac dilabentibus, concideret. Inde cunctarum fere civitatum, & Principum animorum mutatio consequuta est, qui incredibili Cæsaris felicitate fracti, veniam delicti deprecantes, sese illi subdungere, ut quatuor mensium spatio potentissimæ gentis fastum reuderit; Smacaldicum foedus disjecerit; Imperii decus, ac dignitatem non modo constantissime retinuerit, sed etiam felicissime auxerit. Inde pontificiæ in Italiam copiæ revertuntur. Alexander Farnesius, Cardinalis Legatus, Romam proficiscens, Venetias accessit, eximiaque in se publicæ, ac privatæ benevolentiae, & singularis in Pontificem voluntatis argumenta tulit.

Ceterum tam brevi parta, atque omnium populorum celebrata vocibus Caroli felicitas Pontificis animum varie agitabat: modo Venetorum consilia; modo rerum eventus secum reputare; adhuc Tridenti Concilium patere, licet belli, & grassantium morborum metu nonnulli discessissent:

R r 2

Cæ-

1546

*Italica copia per Noricum Cæsareo exercitu se adiungunt. Ingolstadt a Cæsare capta.*

*Ferdinandus Rex Joannis Federici Saxonis ditiones invadit.*

*Germani Principes veniam a Cæsare petunt.*

*Alexander Farnesius Cardinalis Venetias adventus.*

1546 Cæsarem ad Germanos, quos nuper devicerat, sibi conciliandos multa concessurum: non filii securitati satis prospectum, gravissimi, ac difficillimi belli curis Cæsare soluto: inde manifeste conqueri, nullam gloriam, quod unum propositum mortalibus laborum præmium videretur, suo nomini partam, quippe quæ universa Cæsari communi omnium consensu, ac prædicatione tribueretur: nulla sibi emolumenta; nullam pecuniam communem fuisse: non sibi, aut consilia belli, pacisque communicata; nullum impensarum, ac laborum, nisi inanem tulisse fructum. Cæsar contra, nondum debellatis hostibus, adversus pacta, & promissa copias Pontificem in Italiam revocasse; bello, quod hortatu, ac suasionibus suis suscepisset, nondum confecto, auxilia subtrahi; suarum copiarum famam imminui: adhuc Joannem Federicum Saxonum Ducem, atque Hessiæ Langravium superesse, qui vel sanguinis nobilitate, vel populorum benevolentia plurimum in Germania possent. Hæc acerbe nimium a Pontifice, & Carolo jactabantur.

*Fax inter  
Reges Gal-  
liæ, & An-  
gliæ Fran-  
cisci Ber-  
nardi opera  
conficitur.*

Dum ea in Germania gererentur, gravis, ac periculosi belli, quod terra, marique gesserant, & diurnæ Bononiæ obsidionis Galliæ, atque Angliæ Reges pertæsi, ad pacis studia se convertere; & in ea conficienda Francisci Bernardi, Venetæ nobilitatis patritii, Maphæi nepotis, qui magna in Britannia mercaturæ negotia obibat, singularis virtus, atque maximis in rebus pertractandis eximia ingenii dexteritas enituit. Is, cum frustra ea in re gravissimi viri insudassent, ab Henrico ad Franciscum concordiæ incundæ causa missus, negotio suscepto, plurimisque difficultatibus summa prudentia explicatis, citro ultroque comendo, tantum effecit, ut, conciliatis Regum animis, bello finis imponeretur, paxque certis conditionibus fieret, quibus Galli Bononiam, quam per multos menses obsederant, pecuniæ ingenti vi Britannis persoluta, præstituto tempore reciperent. Bernardus vero vix juventæ annos ingressus præclarum apud cunctos laudis fructum tulit; atque ab Henrico equestri decoratus dignitate, censu, qui singulis annis in Britannia illi penderetur, donatus est. Sed ubi Venetias rediit, pensioni

*Bononia a  
Gallis rece-  
pitur.*

*Franciscus  
Bernardus  
equestri di-  
gnitate de-  
coratus.*

renun-

renuntiavit, quod lege vetitum sit, ne ab exteris Principibus ex Veneta nobilitate patritii præmia ulla, aut census accipiant. Reges pacem sancitam Senatui per literas, perque oratores suos significarunt, petiitque Henricus a Patribus, ut veteris amicitiae conciliandæ causa legatum, uti antea consueverant, in Angliam mitterent, cum ea tempestate Senatus scriba publica negotia eo in regno curaret. Itaque Bernardus Naugerius ad Henricum legatus designatus est.

*Bernardus  
Naugerius  
in Angliam  
legatus des-  
ignatus.*

Cenetenſes per eos dies Patres adiere, ac de insolenti, & acerbo Marini Grimani Cardinalis imperio conqueſti ſunt, qui cives varie vexatos ad ultimam prope deſperationem adegiffeſt. Eſt Ceneta Venetæ ditionis oppidum, Tarviſio finitimum, quod ſuperioribus tempeſtatibus e Pannonum aſpero domi-  
tu a Venetis creptum, poſtea Carrarienſibus juſto bello adem-  
ptum, beneficiario jure, Cenetenſibus Epiſcopis conceſſere. Ii ſacramentum Venetis dicebant: civibus ad urbanos magi-  
ſtratus provocandi facultas erat: incolæ tributa, ſalarium, ve-  
ctigal Reipublicæ pendebant; munera militaria obibant; remi-  
ges, ſi opus eſſet, ad claſſem inſtruendam mittebant: ita ſu-  
pra centum actriginta annos ea civitas regebatur. Fervidum,  
atque elatum Cardinalis ingenium provocationis juſ adimere  
civibus nixum, magnos ea in urbe tumultus, & ſeditiones ex-  
citaverat. Senatus tantam rei indignitatem minime ferendam  
ratus, quam beneficiario jure Grimanus auctoritatem obtine-  
bat, eam lege lata, ad ſe evocare ſtatuit, qua prætor, uti in  
aliis oppidis, & civitatibus Reipublicæ ſit, Cenetenſibus da-  
retur. Lex majoribus comitiis confirmatur, ſtatim Jacobus Su-  
rianus prætor creatus eſt, qui oppidi adminiſtrationem publi-  
co nomine ſuſcepit, incredibilem lætitia, ac plauſu Ceneten-  
ſium excipitur. Ea de re cum Pontifice Maximo Grimanus mi-  
rum in modum conqueritur, quod Veneti Eccleſiæ jura oc-  
cupaſſent, nulla Apoſtolicæ Sedis, nulla Summi Pontificis ra-  
tione habita, Antiftite ejeſto, magiſtratui curam, atque im-  
perium mandaſſent. His commotus Pontifex cum Nicolao Pon-  
tio legato graviter agit; petit, ut, re in integrum reſtituta, lex  
Senatus abrogetur; Cardinalis Cenetæ reſtituatur. Senatus quæ  
facta fuiſſent, jure facta contendit; civitatem Venetæ ditionis  
eſſe; incolas non modo Cenetenſes, verum Rempublicam uni-

*Cenetenſes  
de Marino  
Grimano  
Cardinalis  
eorum Epi-  
ſcopo apud  
Venetos cū-  
queruntur.*

*Jacobus  
Surius  
Cenetenſis  
prætor eligi-  
tur.*

H. Mauroceni. T. I.

R r 3

ver-

1546 versam a Cardinali injuria affectam; cives ærumnis prope confectos suam opem implorasse: quid faciendum esset? an subditorum querelas rejicere? an aures obstruere? insueto, ac pessimo exemplo immodici ingenii libidinem pati? temperatum civium Venetorum imperium Cenetenfes exoptasse, petiisse, magistratum lætis acclamationibus, obviam effusa civitate, accepisse. Verum Pontifex minime his aquiescebat; legis abrogationem flagitabat. Dum hæc hinc, atque inde agitantur, Cardinalis Grimanus Romæ excessit: ejus obitu diffidiorum fomite sublato, Pontifici enixe petenti gratificandum Senatus censuit, cum eum, quem in Grimani locum Pontifex nominasset, Cenetensibus, uti antea consueverat, jus dicere statuisset. Itaque Michael Turrianus Utinensis Cenetæ antistes suffectus est, qui illius gubernacula, Senatu permittente, suscepit.

*Marinus  
Grimanus  
Cardinalis  
Romæ obiit.  
Michael  
Turrianus  
Grimano  
suffectus.*

Eodem anno Liburnorum sævæ ac prædæ assuetæ gentis audacia adeo excrevit, ut maria infesta reddendo, eos, qui mercaturæ exercendæ causâ ultro citroque commeant, haud parvis incommodis afficerent, ac nonnunquam per Venetos fines in Turcicas sese inferendo ditiones pecora abigerent, homines captivos redderent. Inde quotidie ingentes Turcarum querelæ exaudiebantur, ut classem ad illos opprimendos in Adriaticum sinum Suleimanus missurus diceretur. Huic malo jam tum exorienti Senatus occurrens, ut biremium præfectus crearetur, decrevit; qui manu illarum comparata (quod impedito, ac vario locorum situ triremibus opportuniore viderentur) hostiliter piratas persequi, ac penitus excindere nitentur. Ii *Uscobochi* vocitati, homines efferi, prædæ, & sanguinis avidi, multa in posterum facinora edidere: sæpius a Venetis repressi, vel locorum natura, quæ antiquitatis testimonio infamia atrocitatis fuere, vel corporum pernicitate, atque astu, quo piraticam exercent, nunquam penitus extinguere potuerunt.

*Uscobochi  
incurfiones.*

Sub id tempus Maphæus Bernardus, patritius, qui divitiis, atque opum amplitudine inter ceteros cives eminebat, maximeque negotia in cunctis orbis regionibus obibat, perduellionis reus factus, cum in judicium vocatus, ex urbe discedens Ravennam petiisset, per insidias circa Pineam a tribus sicariis interceptus, compluribusque vulneribus confossus in-

*Maphæus  
Bernardus  
Ravennæ  
interfectus.*

ter-

terfectus est. Cadaver cruentum, ac nudatum Ravennam delatum; inde loculo inclusum ad urbem ducitur. In divi Augustini fano exposito, cum propinqui egregiam funeris pompam pararent, Decemvirum jussu, ne id perficerent, prohibiti sunt. Iis, qui cædis auctores indicassent, magna a Decemvirum collegio proposita præmia; impunitas, ac duo aureorum millia, si eos, qui sibi mandata patrandi facinoris dedissent, patefacerent, pollicita. Præmio illeclus miles, *Campana* cognomine, patria Cremonensis, qui propria manu Bernardum confecerat, scelus detexit, mandatque culpam in Ludovicum, & Marcum Antonium Eritios fratres, Maphæi ex sorore nepotes, atque Ludovicum Armium Bononiensem conjecit; qui locupletissimi viri bonis inhiantes, Campana facinoroso homine pecunia, ac pollicitis corrupto, ad avunculum obruncandum per summum scelus usi fuerant. Eritii, atque Armius, qui Mediolano, Gonzaga consentiente, armatorum custodia septus, Venetias perductus fuerat, quæstioni subji-ciuntur; crimen fatentur; in Ludovicum, atque Armium securi inter geminas columnas animadversum; Marcus Antonius, quem plene ea noxa non attigerat, perpetuo carceri mancipatur, quo paucos post dies effracto, aufugit. Indici absoluto ex publica fide pecunia numeratur; qui, ut plerumque scelestis, ac facinorum colluvione commaculatis hominibus evenit, haud multo post Romæ laqueo delictorum pœnas dedit.

1546

*Ludovicus  
& Marcus  
Antonius  
Eritii, &  
Ludovicus  
Armius,  
Bernardi  
necis reus de  
Hispaniar  
luunt.*

. M. D. XXXXVII.

**A**Nni, qui subsequitur, initium duorum potentissimorum Regum Galliæ, atque Angliæ obitus memoria posteris insignem reddidit. Henricus Angliæ Rex, hujusce nominis octavus, cum triginta atque octo annos imperasset, excessit; Princeps alioqui magnæ virtutis, literisque, quod perraro in ea sublimi fortuna locatis accidit, apprime excultus, nisi Annam Boleniam, amore dementatus, Catharinæ priori uxori repudiatae superinduxisset; atque ob id, cum illi a Clemente Pontifice sacris interdictum esset, ab avita religione deflexisset. Fuerat is propenso in Venetos animo; licet nonnun-

1547

*Henrici  
Angliæ Re-  
gis obitus.*

R r 4 quam

1547

*Eduardus  
VI. Angliæ  
Rex.*

*Dominicus  
Bolano  
orator in  
Angliam  
designatur.  
Francisci  
Gallie Re-  
gis obitus.*

quam de illius benevolentia ob fœdus, quod Reipublicæ cum Cæsare intercedebat, cujus implacabilis hostis per multos annos fuit, remittere nonnihil videretur; atque ea de causa a legatis in Angliam mittendis Senatus abstinerat, publicaque negotia, scribis procurantibus, pertractabat, Jacobo Zambonio ea tempestate id muneris obeunte. Henrico Eduardus sextus filius successit, qui statim per Mussonem, eleganti ingenio virum, Zambonio patris obitum, suamque in Angliæ regno successionem significat; proclinatorum in Rempublicam animum, veteris arctius confirmandæ amicitiae, quæ Anglis cum Venetis intercessisset, voluntatem ostendit; petit, ut ad se legatus a Senatu mittatur: idem a Patribus Edmundus Arvellius Regis orator enixe flagitat. Fit Senatusconsultum, ut orator, qui & Henrici obitum doleat, ac de regno Eduardo Reipublicæ nomine gratularetur, in Angliam mittatur. Dominico Bolano summo consensu is honos delatus est.

Nec multo post pridie kalend. aprilis Franciscus Galliarum Rex, quatuor & quinquaginta annos natus, in Rambuletana arce ex humanis excessit: Rex, qui si parem virtuti, atque egregiis, quibus ornatus fuerat, dotibus fortunam habuisset, priscorum Regum memoriam non æquasset modo, sed etiam superasset. Verum improperi Ticini eventus, Hispanica cum illius, tum filiorum captivitas nonnihil felicitatem, ad quam natus videbatur, deformarunt: optime certe de scientiis, ac disciplinis, deque doctis viris meritis, quos variis, ac Rege dignis præmiis affecit: in Latio, & Græcia conquisitis undique immenso sumptu veterum monumentis, omnium linguarum voluminibus bibliothecam instruxit, in qua ad posterorum utilitatem quidquid selecti, quidquid egregii exquisitus labor adinvenire potuit, cumulavit. In Venetos præclara egregiæ voluntatis, ac studii argumenta edidit, cum difficillimis temporibus perturbatis rebus, vix regnum ingressus, fœderibus cum Republica pactis, imperii recuperandi, conjunctis armis, socius extiterit, quibus Brixia, ac Veronæ urbes in Reipublicæ potestatem concessere; quo facto Ludovici graves in Venetos injurias deterfisse, ac delivisse visus est. Mox lætiori tempestate Venetis pristina adspi-

ran-

rante fortuna, eorumdem fœdera sapius expetivit, ut Reipublicæ auxiliis fultus nihil ab hostibus sibi pertimescendum arbitraretur; licet non deessent, qui memoria superiora repetendo, ea tempora objicerent, quibus, Gallicis copiis ad Ticinum profligatis, Rege capto, atque in Hispaniam perducto, mox libertate restituta, filiis oppigneratis, Respublica bellum grave, atque atrox pro ejus, filiorumque libertate suscepisset: at ille medio armorum strepitu, nulla Venetorum ratione habita, minime, ut decebat, communicatis consiliis, ad pacem cum Cæsare descendisset, circumseptam undique periculis, & casibus Rempublicam reliquisset. Verum ea suprema imperii lex, vel insita quadam naturæ vi, vel corrupti dominandi cupiditate animi jampridem extitit, ut complura publicæ incolumitatis, ac salutis nomine sibi Principes indulgeant. Verumtamen qui probe singula inspexerit, ingentes ex Francisci amicitia Rempublicam fructus tulisse intelliget. Francisco vita functo, Henricus ejus nominis secundus, octo ac viginti annos natus, regni gubernacula suscepit. Duo a Senatu legati ad eum designati sunt, qui publicam ex patris obitu molestiam, atque ex amplissimo, & nobilissimo regno parto læticiam testarentur; Victor Grimanus, Matthæus Dandulus.

Brevi intervallo duobus potentissimis Regibus, qui magna animorum contentione cum Cæsare dimicaverant, sublatis, jam nullus amplius felicitatis illius cursum remorari posse videbatur, cum ei nullus ea tempestate Princeps obsistere, atque currenti fortunæ frenum injicere posse censeretur. Inde illi cuncta affluere, ac supra vota accidere; nam cum totus in bellum Saxonicum incubuisset, Joannem Federicum magna celeritate insequutus, ut illi in penitiora, ac tutiora suarum ditionum loca sese inferendi facultas eriperetur, Albi amne trajecto, cum ad pugnam conferendam coegisset, ingentem adeo victoriam retulit, ut Ducem captivum in potestate haberet, qui ad eum in media Locherana sylva consistentem supplex sisteretur: mox Joachimi Brandeburgiei Electoris, ac Principis Clivensis, cujus sorori Saxo matrimonio juctus erat, obsecratione, & precibus delinitus, ac flexus Cæsar, his vitam Duci conditionibus donavit; ut dignitate Electoris

*Henricus  
Rex Fran-  
ciscus su-  
cedit.*

*Victor Gri-  
manus,  
Matthæus  
Dandulus  
oratores in  
Galliam de-  
signantur.*

*Joannes Fe-  
dericus Sa-  
xonum Dux  
a Cæsare  
profligatus  
& captus.*

1547

*Philippus  
Lantgravius ad ge-  
nua Cæsa-  
ris provolu-  
tus.*

*Augustæ  
Vindelicorū  
comitia a  
Cæsare in-  
dicuntur.*

*Cæsar Se-  
nis præsidium  
imponit.*

*Populinum  
Cæsar ad-  
ipset mi-  
nitur.*

exutus, agris, oppidisque paucis exceptis, multatus, arma, atque omnia tormenta ænea, rerumque bellicarum apparatus Cæsari traderet. Fractis, ac prostratis Saxonum Ducis viribus, Lantgravius confternatus, atque a Cæsaris tantum clementia salutis sibi præsidium quærendum ratus, Halam, ubi tunc Cæsar erat, profectus, & ad illius genua provolutus, demississime veniam petiit, atque iis legibus obtinuit, ut quatuor ex suis ditionibus urbes continuo traderet; loca nonnulla munita dirueret; certam pecuniæ vim penderet; bellicas machinas Cæsari præberet; vitam illius beneficio incolumem haberet; interea captivus detineretur. Itaque pacatis Germaniæ rebus, Augustæ Vindelicorum comitiis indictis, magno Principum, ac nobilium virorum numero stipatus, cum Joanne Federico Saxone captivo triumphantis specie urbem ingreditur. Multa in eo ad Cæsaris res provehendas decreta; in iis ut Principes ac liberæ civitates eam pecuniæ summam conferrent, qua perditum viginti, quatuor equitum millia ad Imperii maiestatem retinendam, si opus esset, cogerentur, quibus Austriaci quoque cum eorum ditionibus defenderentur; atque iisdem fœdera cum Principibus, ac liberis civitatibus perpetuo intercederent.

Hæc tam brevi tempore a Carolo prospere, ac feliciter confecta, ut Caji Cæsaris verba paulo immutata pronuntiaret: *Veni: Vidi: Deus vicit*, cunctorum Principum animos infueto blandientis fortunæ splendore perstrinxerant; cum adiunctis oppidis, atque urbibus, hostibus fractis, & captis, Germania prope universa edomita, minime contentus, ad maiora consequenda summo studio niteretur; atque imperio in Italia augendo sedulo, ac vehementer operam impenderet. Ob id Senarum in Hetruria urbem, civilibus dissensionibus distractam, quadringentorum Hispanorum militum præsidio inposito, reluctantem perdomuerat; Populinum securitatis specie, puero Jacobi Appiani nuper defuncti filio ejecto, ad se attrahere conabatur, ut situ ad maritimas res obeundas opportuno in Hetruriæ litoribus mari Tyrrheno immineret. Mediolanum quoque urbem ingenti tormentorum numero, & Hispanorum militum præsidio muniverat; cives, ut ei, quem Insulibris Ducem diceret, obtemperaturos pollicerentur, jure juran-



rando adegerat. Jam enim statuerat Philippum filium ex Hispania eam ob causam in Italiam vocare, Helvetiosque ad Mediolani imperium tuendum foederibus obstringere nitebatur.

Id quoque Cæsaris rebus peropportune contigerat, quod pax inter Gallos, atque Anglos inita turbari cœperat, cum unica ex regia sobole Scotorum puella Eduardo Anglorum Regi, uti pactum fuerat, matrimonio jungere regii tutores nolent. Eam sibi injuriam fieri Angli minime passi, bellum Scotis minabantur, qui ad Henrici Galliarum Regis opem confugerant, Reginae connubium cum dotali Scotiae jure filiorum uni, cui vellet, polliciti: qua ex re grave bellum inter Anglos, ac Scotos exortum fuerat. Henrico vero, cujus auxiliis præcipue Scoti nitebantur, difficillimo bello implicito, Cæsari majoribus in dies accessionibus fortuna blandiri videbatur, ut cuncti, qui ingenia Principum, ac nullis terminis coercitas illorum cupiditates metirentur, ex ea Cæsaris incredibili felicitate valde sibi pertimescerent; Pontifexque in primis, cui multæ cum Carolo dissidiorum causæ intercedeabant: nimia Imperatorum incrementa: Concilium, quod Caroli auctoritate, post decretum de illo Bononiam transferendo, adhuc Tridenti habebatur: domestica familiæ decora: Parmæ, ac Placentiæ imperium filio tributum, necdum a Cæsare confirmatum: quocirca a nullo magis illius fastum, & cupiditatem, quam ab Henrico Galliarum Rege obtundi posse censebat. Ob id Divi Georgii Cardinalem in Galliam proficisci jusserat, specie, ut illius regni antistites mitti a Rege Bononiam peteret; re, ut illum ad Cæsaris vires nimium sese efficientes frangendas incitaret. Quod ut facilius ab eo impetraret, affinitatis juribus arctius sibi obstringendum ratus, ut Horatio Farnesio, Petri Aloysii filio, nepoti, Regis filia notha conjux fieret, obtinuerat, ope, studio, atque auctoritate illi assuturum se pollicitus. Ea juvenile Regis pectus libenter excipiebat, ut regni sui primordia militari gloria illustriora redderet.

Quapropter ad Italicas res conversus, sui in ea provincia studiosos fovere cœpit, benevolentiae signa in eos edere, præmiis afficere. Petrum Strozium ad divi Michaelis militiam, quæ

1547

*Dissidium  
inter An-  
glos & Sco-  
tos.*

*Scoti ad  
Gallia Regis  
opem cō-  
fugiunt.*

*Petrus Pſ-  
tifer sancti  
Georgii  
Cardinalis  
ad Regem  
Gallia le-  
gatum mit-  
tit.*

*Henricus  
Gallia Rex  
Horatio  
Farnesio fi-  
liam despon-  
det.*

1547 quæ ea tempestate summo in honore habebatur, adscripsit; ut homine vivido ingenio, quietis impatiente, qui magnam Florentinorum exulum, atque aliorum bello victitantium hominum manum secum trahebat, ad Italiæ res perturbandas aptissimo, si opus foret, uteretur. Pontificis vero assiduis adhortationibus, ac stimulis incitatus, ad suas partes Venetos pertrahere, atque societatis jure adstringere, Caroleo Prototario Venetias misso, omni studio contendebat. Qui cum Monlucio ordinario legato Patribus exposuit, Henrico Regi quotidie pro bono publico excubanti nihil opportunius, atque his temporibus necessarium magis videri, quam, foedere cum Pontifice, ac Republica sancito, ad communium rerum tuitionem conspirare; ut justo præsidio quisque munitus tuto præsentis quiete frueretur; neque aliorum pateret injuriæ: id ut facilius Henricus consequeretur, nihil eorum, quæ ad Galliæ regni tutelam attinerent, prætermittere. Legatis Senatusconsulto responsum est: Regis prudentiam, atque in commune bonum propensum studium vehementer Senatum probare: egregiis illius exemplis adductum, quæcunque ad Venetum imperium defendendum opportuna censerentur, diligenter curare: idem reliquos Italiæ Principes facturos arbitrari; cum insitum cunctis natura sit, ut se, resque suas summa contentione tueantur: sperare animorum conjunctionem, ad quam, si rebus suis prospectum vellent, cogerentur, pro firmissimo aggere, ac munimento adversus eos, qui armis lacefferent, futurum; idque unum modo sufficere. Ejusmodi erant ea tempestate illorum, qui Rempublicam regebant, consilia, ut bellicorum tumultus ab Italia, quoad fieri posset, amovendos, neque vanæ spei ostentatione præsentem rerum statum immutandum arbitrarentur.

*Caroleus  
Prototario  
Venetias  
misso.*

*Senatus  
responsum.*

*Petri Aloy-  
si Farnesii  
eades.  
Ferdinandus  
Gonzaga  
Placentia  
præsidium  
Castellum  
imponit, &  
Parmam  
aggreditur.*

Sed reliquorum Principum dissidentibus inter se animis, ac nova quotidie mente agitantibus, recens dissensionum seges oritur, Petro Aloysio, Pauli Pontificis filio, a nonnullis Placentiæ civibus in illius exitium conjuratis, propriis in ædibus confosso, & cæso, qui cruentum illius cadaver plebi ostentantes, universa civitate commota, obiecto nomine libertatis, incenderant; idque non sine Ferdinandi Gonzagæ consensu perpetratum fama vulgaverat, qui a Placentinis vocatus, ur-  
bem

bem statim ingressus, Hispanorum præsidio imposito, Cæsareæ ditionis effecerat. Neque eo contentus, oppidis multis, atque arcibus occupatis, se ad Parmam obsidendam comparabat, ab oppidanisque, ut se dederent, petierat, nequicquam Octavio, Caroli genero, de acerbissima sibi illata injuria conquerente. Hoc Gonzagæ factò cuncti Italiæ Principes, ac populi adeo exarsere, ut non tantum ille undique probris, ac maledictis profcinderetur; verum jam erumpere recondita Cæsaris intimis sensibus consilia palam dicerentur; nihil sanctum, nihil ab imperii cupiditate intactum; quæ vi difficile assequi foret, ea per dolos, atque insidias tentari, & obtineri. His undique crebrescentibus vocibus adductus Gonzaga, ut, quæ gesta erant apud Venetos, qui eam rem moleste tulerant, purgaret, Joannem Baptistam Schizzium, e Mediolanensi Senatu, Venetias proficisci jubet, qui a se omnem confecti criminis maculam dedergeret, atque a noxa immunem testaretur. Se a Farnesii interfectores vocatum, quin Placentiam Cæsaris nomine reciperet, efficere non potuisse, ut interea de illius mente, quam rectam, atque in commune bonum maxime proclivem sciret, doceretur. Senatus filii casum per literas, perque Joannem Antonium Venerium oratorem cum Pontifice conqueritur; qui, ut erat magno animo, ingentem fortunæ ictum fortiter tulit, atque a privato luctu ad domesticas clades reparandas se convertit.

*Joannes  
Baptista  
Schizzius a  
Gonzaga  
Venetias  
mittitur.*

Inde cum tota Cisalpina Gallia fluctuaret, arma, ac milites a Cæsareanis, & ab iis, qui Farnesiorum partes sequebantur, compararentur; quo rebus suis prospiceret, legatum in continentem mittere Senatus decrevit, ut Reipublicæ copias lustraret; oppida, atque arces inviseret, imperioque tuendo in primis studeret. Stephanus Theupolus legatus creatus est. Metaurensium Dux, copiarum Reipublicæ summus præfectus, Roma, ubi, Senatu permittente, ad concelebrandas cum Victoria, Petri Aloysii Farnesii filia, Pontificis nepte, nuptias profectus fuerat, revocatur. Antonius Tifernas, tormentorum præfectus, Brixiam ingredi jubetur. Theupolus legatus Veronam contendit; militum præsidia iis in urbibus augentur; ordinum copiae inducuntur. Inter has vel belli, vel insidiarum suspensiones Pontifex tantarum rerum indignitate commotus,

*Stephanus  
Theupolus  
legatus in  
Continentem  
eligitur.  
Guido Ubaldus  
Orbinas  
Venetias  
advocatur.*

ira

1547

*Pauli Pontificis & Henrici Regis officia ut Venetos ad effundum ineundum impellerent.*

*Vide Jo. Cosae hac in re duas Orationes Lugduni editas, & Profs Florentinis adjectas, Vol. I. parte II. Florentiae, 1716. in 8.*

ira supra ætatem fervidus, injuriarum impatiens, denuo ad foedus Senatum invitabat. Casa, illius apud Rempublicam Nuntius, Patrum animos incendit: idem Henricus, ac summus equitum Magister per Franciscum Justinianum efficiunt: non amplius deside cunctatione utendum, jam ad extremum ventum esse, quo ingentia desperatus prope morbus remedia exigeret. Quid porro expectandum? an ut immani jam fere independentis ruinæ pondere pressi cuncti Itali Principes, inevitabili exitio prosternantur, atque obruantur? Sed Patres in vos demittere fluctus Rempublicam nolebant, si semel bellum in Italia exoriretur, nullum laborum, nullum periculorum finem fore rati: nil causæ esse, cur adversus potentissimum Principem, humanæ felicitatis apicem attingentem, armis insurgerent, quem finitimum, ac prope in Venetæ ditionis visceribus haberent; cum præsertim nullas sibi ab eo illatas injurias recenserent, quæ tanti essent, ut a quietis otio, summis laboribus, ac vigiliis parto, ad difficile, ac periculosum bellum traderentur. Huc accedebat, quod nullum officii, & egregiæ voluntatis genus in Rempublicam Carolus prætermitteret. His fiebat, ut quemadmodum se, suæque defendere Patribus statutum, ac fixum animo esset, ita ab iis societatibus, quibus in bellum haud difficulter prolabi possent, omnino recedendum censerent. Ad hæc, sub idem tempus Justo Justio a Ferdinando ad Suleimanum misso, in quinquennium induciis pactis, Cæsar iis expeditus curis, quibus belli Turcici suspitione detinebatur, & prævalido copiarum numero suffultus, ægre bello peti posse videbatur.

*Justus Justius a Ferdinando Rege Byzantium missus inducias cum Turcis persequitur.*

M. D. XXXXVIII.

1548

**N**Amque omnes cogitationes, & curas a Pannonico bello in Persicum Suleimanus transfulerat, Tamassum Persarum Regem armis aggressurus, ne per otium adversam sibi natura, atque institutis gentem majores sumere spiritus, atque incrementa sineret, militarique gloriæ, ad quam supremo animi impetu ferebatur, novos titulos adderet. Inde haud difficile fuit inducias cum Ferdinando, ac Cæsare pacisci, quibus triginta aureorum millia pro Hungaricis ditionibus tributū loco sin-

singulis annis pendere Ferdinandus deberet. Utrunque Venetorum mentio facta, cautumque, ut, si quis eorum, qui hoc foedere comprehenderentur, bellum alteri inferret, pro hoste a reliquis haberetur. Iisdem induciis Henricus Galliarum Rex, ceterique Principes, etiam sacri continebantur; in quibus sancendis eo studio a summis Regibus, eaque animorum contentione certatum fuerat, ut Cæsar ad Francisci Regis pollicita præstanda Henricum filium obstringi peteret; Henricus contra, ne Cæsari induciarum tempore in quemquam Christianorum Principum arma inferre liceret, cavendum curaret; legatumque Cotonium magnis itineribus Byzantium mitteret, ut totum induciarum negotium inverteret; cum nullam aliam ob causam Cæsarem illas expetivisse, quam ut, Byzantino metu solutus, Gallias invaderet, affirmaret: neque ferendum esse, ut qui tot prosperis eventis brevi tempore tantas accessiones Imperio fecisset, adeo præmineret, ut ejus dominandi libidinem, quam pro lege haberet, reliqui damno, quod refarciri non posset, subire cogerentur. Eodem officii genere, Venetias in Byzantii itinere accedens, cum Patribus functus est, ut Senatum ad inducias impediendas incitaret; quem ab ea re cum alienum esse intelligeret, iter proseguutus, re confecta, Byzantium pervenit, atque a Sulcimano literas ad Cæsarem, ac Ferdinandum obtinuit, quibus libenter ad inducias ea mente descendisse diceret, ut armis eo tempore non ageretur; in eos, qui secus fecissent, bellum moturum. Regi quoque Galliarum scripsit, se induciis perficiendis illum inter veteres amicos recensuisse; si bello interim a Cæsare laceraretur, eidem hostem futurum. Licet vero quæ ad Rempublicam inter amicos recensendam spectarent, ea tantum Senatus procurasset; attamen quin suspicione aliqua æmuli Principum animi aspergerentur, vitare nequii; cum Henricus Cæsaris, ac Ferdinandi res curæ magis Senatui fuisse diceret, quam suas; atque acerbè conquereretur, Venetum legatum literas ad Senatum dedisse, quibus sui nullam in induciis conficiendis mentionem factam fuisse affirmaret. Cæsar vero, ut ad pacem cum Henrico arctius servandam obstringeretur, id totum ex Venetorum consiliis, atque officiis profectum agebat; ut inde renovandi in Italia belli, quod illis per-

Henricus  
Gallie Rex  
Cotonium  
oratore  
Byzantium  
mittit

Sulcimani  
ad Cæsarem  
et Ferdinandum  
Regem litteræ.

1548 permolestum foret, occasio tolleretur. Verum haud difficile fuit ejusmodi hæitationes diluere, cum neque de quo Henricus conquerebatur, Reipublicæ legatum unquam ad Senatum scripsisse, Rex certior factus esset; neque de iis, quæ inter Cæsarem, ac Regem agitentur, egisse, Carolo compertum fuerit.

Sed post pactas inducias ea res contigit, quæ pene pacem inter Suleimanum, ac Venetos interturbavit. Nam, piratis maria omnia ea tempestate infesta reddentibus, atque sæve negotiatores, ac navigia diripientibus, cum Venetæ classis legatus Laurentius Amulius publicos humani generis hostes persequeretur, ac forte in prædonum caput, Sabbam dictum, incidisset, impetu in illius navigium facto, fugientem infectatus cepit, captum interficiendum curavit, ut hominem Christianis, ac præsertim Reipublicæ rebus infensissimum, qui innumera damna Venetis navigiis, ac negotiatoribus intulerat, e medio tolleret. Ejus necem Rustenus, qui Suleimano ad bellum in Persidem profecto, Byzantio præerat, graviter adeo tulit, ut illam armis vindicaturum minaretur. Amulii factum tueri Senatus nitebatur, quod homo pessimo ingenio, & ingenti scelerum cumulo fœdatus, qui innoxios, atque imminentes imperio Veneto subiectos magnis cladibus affecerat, sublatus esset; quem fugientem, atque in nostros tormenta explodentem, dum terra aer circumfusus caligine involveretur, minime agnitum præfectus in suam potestatem redegisset. Eum, si adhuc, ut maxime optaret, vita frueretur, Byzantium missurum, ut meritas criminum poenas lueret. Ceterum cum ex Amulii literis ad Decemviros datis clam Sabbam suo jussu interfectum intelligeretur, quod ea res pacis conditionibus adversa esset, quibus, ne in eos, qui certamine commisso superfuere, sæviatur, sed vivi Byzantium mittantur, cavetur: ut statim Amulius, abrogato illi imperio, sub custodia ad urbem revocaretur, ejus prætoriam armamentis exueretur, Senatus decrevit: negotium Jaderæ magistratui commissum. Verum Amulius rei exitum animo prospiciens, jam classe in Illyrico relicta, ut Senatus judicium subterfugeret, in Apuliam se receperat. Hæc Reipublicæ apud Suleimanum legato, quibus Rusteni animus flecteretur, significantur: Marcus Antonius Franciscus,

*Sabbas Persecutus a Laurentio Amulio, classis legatus & interfectus.*

*Rusteni Bassæ in Venetiam missi ob Sabbæ necem.*

*Laurentius Amulius in jussu vocatus in Apuliam proficiscitur.*

scius, Senatus scriba, qui tum ea, quæ ad fines Venetorum in Illyrico spectarent, curabat, Byzantium est missus, ut Reipublicæ mentem, ac servandæ cum Suleimano pacis studium Rusteno, & purpuratis testaretur. Amulius exilio mulctatus, postea, cum Suleimani ira resedisset, in patriam revocatus, pristinis honoribus restitutus est. Hæc mari.

Cum vero insita vel dominandi libidine, vel atroci invidia Regum pectora extimularentur, licet aperte ad bellum non descenderent; occulto non modo, verum palam multa molebantur. Cæsar, Germanis Principibus perdomitis, gradum sibi ad monarchiam obtinendam struere nitebatur, atque ut eam amplissimorum regnorum possessionem una cum Imperii titulis Philippo filio, Hispaniæ Regi, quem unicum habebat, deferret, meditabatur. Albano Duci, ut illum ex Hispaniis ad se in Belgium traduceret, mandaverat. Verum ad eam rem perficiendam, ut Ferdinandi fratris, Romanorum Regis, voluntas accederet, necesse erat, qui Maximilianum filium in spem regni successione educaverat, jam tum alti animi, atque eximie virtutis specimen edentem; eique Carolus conjugem filiam designaverat, atque in Hispaniam mittere decreverat, ut filio absente, regni illius gubernacula susciperet. Interea Ferdinandum fratrem ingentibus promissis adortus, illi Vitembergæ principatum; Maximiliano filio Bohemiæ regnum per mittebat.

At Henrici Galliarum Regis animus, quamvis rerum in Italia novandarum desiderio flagraret, ob idque socium sibi Pontificem adsciscere niteretur, Parmam juvare auxiliis adversus Carolum pollicitus; attamen, exacta jam ætate Pontifice in interitum vergente, deterrebatur, veritus, ne concordie ratione aliqua proposita, a Cæsare, cui affinitate jungebatur, ad suas partes traduceretur. Pontifex tot familiæ, ac sibi inflatis injuriis accensus, ad vindictam ardenti spiritu rapiebatur, Placentiamque Farnesianis creptam pati nequibat. Verum anticipi consilio modo Carolum ad eam urbem Octavio genero restituendam per nuntios incitabat; modo de fœdere cum Henrico agebat, cui tanquam Caroli cupiditati propugnaculo objecto, familiam commendaret; nonnunquam eas ab Ecclesia divulsas civitates, eidem iterum adungere meditabatur;

*H. Mauroceni T. I.*

S s

ali-

1548

*Marcus  
Antonius  
Franciscus  
Senatus  
scriba; By-  
zantium  
mittitur.  
Laurentius  
Amulius  
exilio mul-  
ctatur, &  
postea revo-  
catur.  
Cæsar Phi-  
lippum fi-  
lium in Bel-  
gium accer-  
sit.*

*Cæsar ad  
Ferdinan-  
dum Regem  
pollicitus, ut  
Imperium  
Philippo  
concederet.*

1548

aliquando Veneros ad Italiæ decus, ac libertatem defendendam adversus impotentem Cæsaris dominandi libidinem hortabatur, pro qua excubare dies, noctesque diceret, in iis semper cogitationibus defixus, quibus Italiæ incolumitati, a qua suorum domesticorum salus sejungi non posset, consulere. De Venetis quoque interdum conquerebatur, quod nimium Cæsari adhærent, illiusque amicitiam pluris æquo æstimarent. Suspiciones frequenter de Henrico in animum demittebat, quod Parmam non Octavio Caroli genero, sed Horatio genero suo servare se velle diceret, veritus, ne urbe opportuno loco sita ad Insubrum res turbandas uteretur.

Hisce assiduis curis distractus Pontifex conficiebatur, neque vero quem exitum rebus suis speraret, habebat: cum interea nullum religioni diffidiis laboranti præsens remedium adhiberetur, adhuc Concilii Patribus partim Tridenti, partim Bononiæ morantibus; cum in Augustanis comitiis anno elapso celebratis Principes cuncti Tridentini Concilii decretis obtemperaturos polliciti fuissent, atque Christophorum Madrutium Cardinalem Romam misissent, qui, ut Concilium Tridenti, Bononiensi abrogato, rursus restitueretur, impetrare non potuerat. Inde Carolus Didaco Mendozzio legato injunxerat, ut coram Pontifice, Cardinaliumque Collegio Cæsaris nomine, ad quem Conciliorum protectio, atque executio spectaret, obnuntiaret: impendentium periculorum, & cladum, quas gravissimas, ac prope innumeras fore, ni Concilium Tridenti haberetur, autumaret, culpam omnem in Pontificem, non in se recasuram: ob id Deum Optimum Maximum & Cælestes cunctos, de quorum religione, ac cultu ageretur, testes invocare. Cum nihil ea obnuntiatio profuisset, a Pontifice Cæsar flagitabat, ut Legatos Tridentum mitteret; ad id vero se adduci, licet ægre, ac difficulter, Pontifex patiebatur: ut Germanicæ genti, nonnihil Romanæ Ecclesiæ immutatis moribus, satisfaceret, se in Cæsaris gratiam Legatos missurum pollicitus. Verum dum cunctatione in tam gravi negotio Pontifex utitur, Cæsar Catholicorum, atque eorum, qui partes Luteri sequebantur, conventu advocato, ut labentibus rebus prospiceretur, atque utcumque controversiis compositis, diffidia tollerentur, edictum promulgavit, quo multa iis, qui a Catholica Ecclesia descive-

rant,

*Christophorus Madrutius Cardinalis Tridentini Concilii restitutionem petis.*

*Cæsaris per Mendozzium oratorem Concilii causa obnuntiatio.*

*Paulus Pontifex legatos ad Concilium Tridentum mittere pollicetur.*



rant, *interim* permitterentur, dum de illorum dissentientibus sententiis a Concilio decerneretur. Id factum moleste admodum Pontifex tulit, atque a Germanica legatione Sfrondato Cardinali evocato, Fani Episcopum optimis moribus, & doctrina excultum nuntium ad Cæsarem misit, qui de iis, quæ gesta fuerant, expostularet, acta rescindi peteret, quæcunque posset Germanicæ genti per Legatos Pontificem concessurum polliceretur. Mox Pighio, ac Veronensi Episcopis in Germaniam missis, prolapsis rebus, nullum remedium morbo sævienti afferri potuit, quin in dies augendo sese, ac proferendo, ingenti totius reipublicæ christianæ malo per alias quoque provincias grassaretur. Hujus pestis ne aliqua labes imperium Venetum afficeret, diligens, & admodum severa Venetorum cura, ac diligentia extitit, qua effectum est, ut eam urbem, in quam ex totius orbis regionibus innumeræ gentes confluent, nulla morbi illius contagia attigerint.

Dum hæc fiunt, diversisque curis, irrequieto studio Principum mentes sollicitantur, Maximilianum Ferdinandi filium, nuper filia connuba juncta, generum sibi adscitum, Carolus in Hispaniam proficisci jussu erat, ut, Philippo in Germaniam proficiscente, Hispaniarum administrationem susciperet. Illi per Reipublicæ fines iter habenti, Vicetiæ, ac Veronæ præfecti obviam ivere, Senatusque nomine liberaliter excepere. Philippus vero ad patrem in Belgium iturus, Barcinonæ cum classe, cui Andreas Auria imperabat, solvens, V. kalend. decembris Genuam pervenit. Ea in urbe Italorum Principum legatos obvios habuit; Federicum Baduarium, præclara juventutis insignem, qui id muneris obiret, Senatus delegit: is, Patrum nomine Genuæ Philippo consalutato, per Venetas ditiones comitatus est. Nulla publicæ Venetorum liberalitatis, ac studii erga præpotentem Principem, Cæsarisque filium officia, atque argumenta desiderata sunt; pons peregre regie ornatus Athesi amni, qua transeundum erat, instratus fuit; cum ad Veronensium fines, nobili, ac frequenti plurimorum corona stipatum Veronæ præfectus excepit, magno variis ex locis mortaliū numero visendi studio confluent. Inde ex agro Veronensi Tridentum profectus, per Germaniam in Belgium ad Cæsarem Bruscellis commorantem transiit, qui, ut assiduo metu Ger-

1548  
Cæsar edictum promulgari jussit, interim vocatum.  
Paulus Pontifex Fani Episcopum ad Cæsarem mittit ut acta rescinderet.  
Pighius & Veronæ Episcopus a Pontifice in Germaniam missi.  
Venetorum sedulitas ad barefas a suis ditionibus arcendas.  
Cæsar, filia fratris filio unita, illum in Hispaniam mittit.  
Veneti Maximilianum ad finem Reipublicæ excipiunt.  
Philippus Rex ab Auria Genuam produritur.  
Federicus Baduarius orator ad Philippum Regem.

1548 Germanos Principes solveret, atque ab immani sumptuum mole aliqua ex parte liberaretur, magnam Hispanorum manum, qui illi in Germania militaverant, in Italiam miserat, Mediolanumque prævalidis munitiōibus circumcingi iusserat; quamplurima ex Germania bellica tormenta, partim ex occupatis urbibus ablata, partim a proceribus dono accepta, sulphureique pulveris vim eodem importari præceperat; quæ Tridento secundo Athesi amne ut Veronam, inde in Insubres deferrentur, petenti, a Senatu concessum est. Hæc eo impensiore cura a Cæsare fiebant, quod nullis casibus a se Mediolanense divelli imperium decreverat, atque illud veluti tutissimum munimentum objicere adversus Gallos statuerat, quos nunquam quieturos, sed novas quotidie res in Italia moturos sciret: atque eo magis, quod Henricus superiore anno, Salassiorum Principe ejecto, eam sibi ditionem adjecerat; neque, ut ea, quæ in Subalpinis oppida fuerant occupata, Allobrogum Duci restitueret, vñquam adduci potuerat; verum sub id tempus ( an occulta aliqua spe, an suarum in Italia invisendarum urbium studio, incertum ) repente præter omnium expectationem, magno Gallorum nobilium numero, atque haud

*Cæsaris sententia de Mediolanensi imperio retinendo.*

*Henricus Gallia Rex, ejecto Principe, Salassiorum regionem occupat.*

*Henricus Rex Taurinorum se comfert.*

*Bernardus Nangerius ad Regem Galliarum vocatur.*

parva militum manu comitante, Alpes transgressus, se Augustam Taurinorum contulerat. De Regis adventu certior Senatus factus, Bernardum Nangerium, qui tunc præturam Patavinam gerebat, ad Regem legatum misit, qui officii plena legatione perfundus, mox Patavium reversus est. Rex paucos dies in Subalpinis commoratus, remensis Alpibus, in Galliam rediit. Complures ex illius comitatu urbis spectandæ studio Venetias advenere, inter quos principes Galliarum viri, Vindocini Dux, Guisus maris præfectus, qui publico hospitio excepti, ac perhonorifice habiti sunt.

*Libri Sexti & Tomi I.*  
**FINIS.**

5269336

0  
1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99





$\overline{NP} \in \overline{NP} \in$   
 $\in \overline{NB} \in$   
 $\overline{NB} \in$   
 $\overline{NB} \in \overline{N}$



